

釋宗金書



禪宗全書

語錄部三六

(71)

藍吉富 主編

北京圖書館出版社

圖書在版編目 (CIP) 數據

禪宗全書 / 藍吉富主編. — 北京: 北京圖書館出版社,
2004.12

ISBN 7-5013-2602-9

I. 禪… II. 藍… III. 禪宗—文獻—匯編 IV. B946.5

中國版本圖書館 CIP 數據核字 (2004) 第 103681 號

責任編輯: 王冠 于浩

封面設計: 許冬麗

ISBN 7-5013-2602-9



9 787501 326020 >

本書原名為《禪宗全書》，藍吉富主編，經北京版權代理有限公司代理，授權北京圖書館出版社獨家出版發行。

書名 禪宗全書 (全 101 冊)

著者 藍吉富 主編

出版 北京圖書館出版社 (100034 北京市西城區文津街 7 號)

發行 010-66139745, 66175620, 66126153, 66174391 (傳真),
66126156 (門市部)

E-Mail cbs@nlc.gov.cn (投稿) btsfxb@nlc.gov.cn (郵購)

Website www.nlcpress.com

印刷 河北三河燕郊古籍印裝廠


開本 880 × 1230 毫米 1/16

印張 4414

版次 2004 年 12 月第 1 版 2004 年 12 月第 1 次印刷

書號 ISBN 7-5013-2602-9/B · 108

定價 18000 圓



一、即非禪師全錄

二、華嚴聖可禪師語錄

三、青城竹浪生禪師語錄

四、雲峯體宗寧禪師語錄

五、玉泉其白富禪師語錄

六、法幢遠禪師語錄

七、性空臻禪師語錄



目次

壹、即非禪師全錄	一
道影讚	二
序	二
原書總目	五
卷一：聖壽山崇福禪寺語錄	七
卷二：廣壽山福聚禪寺語錄	一四
卷三：陞座	二五
小參	二九
秉拂	三一
卷四：法語	三五
卷五：舉古	四五
拈古	五〇
卷六：頌古	五五

代古	五八
答古	六一
卷七：機緣	六五
答問	七九
卷八：贊	八四
卷九：贊	九六
卷十：贊	一〇三
卷十一：贊	一〇九
卷十二：自贊	一一三
卷十三：書問	一二一
卷十四：書問	一三二
卷十五：書問	一四一
啓	一四八
疏	一五〇
卷十六：詩偈	一五一
卷十七：詩偈	一六三
卷十八：詩偈	一七三
卷十九：詩偈	一八二

卷二十：詩偈	一九三
卷二十一：詩偈	二〇九
卷二十二：詩偈	二一九
卷二十三：詩偈	二三一
卷二十四：銘	二四三
序	二四五
跋	二四八
文	二四九
雜著	二五二
卷二十五：佛事	二五三
遺囑語	二五六
末後事實	二五七
行業記	二五九
廣壽開山塔銘	二六六
聖壽舍利塔銘	二六八
佛祖圖	二六九
貳、華嚴聖可禪師語錄	三〇九
原書目次	三一〇

卷一：上堂……………三二〇

卷二：上堂……………三二一

卷三：晚參……………三三二

機緣……………三三五

卷四：拈古……………三四五

頌古……………三五〇

卷五：雜錄……………三五四

叁、青城竹浪生禪師語錄……………三六五

序……………三六六

原書目次……………三七〇

卷一：上堂……………三七一

卷二：上堂……………三七九

卷三：小參……………三八九

開示……………三九四

書問……………三九五

文……………三九八

卷四：頌古……………四〇一

分燈……………四〇七

贊.....四〇八

機緣.....四一〇

歌.....四一一

四威儀.....四一一

行繇.....四一一

卷五：詩偈.....四一四

卷六：法語.....四二七

佛事.....四三二

卷七：源流拈頌.....四三八

肆、雲峯體宗寧禪師語錄.....四五一

序.....四五二

住瀘州方山雲峯禪寺語錄.....四五三

住江安縣蟠龍寺語錄.....四五六

住南溪縣開元寺語錄.....四五七

機緣.....四五九

頌古.....四六〇

偈.....四六一

書問.....四六三

伍、玉泉其白富禪師語錄

行實	四六四
分燈	四六五
佛事	四六五
像贊	四六八
序	四六九
原書目次	四七〇
卷上：上堂	四七一
卷中：上堂	四八一
小參	四八二
晚參	四八五
示衆	四八六
法語	四八七
機緣	四九二
像贊	四九四
卷下：拈古	四九六
示偈	四九八
開示	五〇〇

陸、法幢遠禪師語錄

普說	五〇一
分燈	五〇一
頌古	五〇二
行實	五〇五
書問	五〇七
雜著	五〇八
佛事	五〇八
塔銘	五〇九
附融徹頂禪師語錄	五一一
陸、法幢遠禪師語錄	五一九
序	五二一
原書目次	五二二
住黃陵禪院語錄	五二二
小參	五二四
示衆	五二四
頌古	五二六
牧頌	五二六
聯芳	五二七

偈讚……………	五二七
柒、性空臻禪師語錄……………	五三一
序……………	五三三
原書目次……………	五三四
卷一：住蘇州府崑山縣選佛場語錄……………	五三五
卷二：住蘇州府崑山縣選佛場語錄……………	五四五
住蘇州常熟縣維摩寺語錄……………	五四八
卷三：小參……………	五五二
示衆……………	五五三
機緣……………	五五六
卷四：拈頌……………	五五九
卷五：拈頌……………	五六六
讚……………	五六九
偈……………	五七〇
卷六：偈……………	五七二
佛事……………	五七四
塔銘……………	五七五

即非禪師全錄

清·
明·
洞·
等撰
即非如一
編

慶壽山開山祖師影



文

即非禪師道影

雪峰即非禪師道影讚

有臨濟之機用而不濫行棒喝有妙喜之波瀾而不
虛施語言力救時弊疏通禪源凜凜乎道韻照冰雪
煌煌乎法化懸朝嗽灼破佛祖肝膽揭露衲僧頂門
信爲黃檗琦之嫡子徑山客之真孫者也

三山弟子鄭溥元熏沐拜題
于虎溪山房



即非禪師語錄序

向上一路千聖不傳又云向上一路千聖
不言設有言傳猶如好肉剜瘡昔日老瞿
曇未離兜率已降皇宮未出母胎度人已
畢有何言哉因中下之機不了只得假雪
山而悟道借波旬以張陳四十九年日吧

吧地欲俾一切衆生個個成佛轉見不堪
末後于多子塔前收竿罷釣屏絕言詮茲
然拈花示衆以表無言殊不知欲隱彌張千
載之下有個多事婆羅門將無言之旨袖
入諸夏名曰教外別傳不知有多少血氣
男兒落他圈續裏邇來插竿徧地道貫寰

區茲卽非禪師閩中林氏腐齋先生之後裔也早年失怙至孝尊慈雍泐之初遍叅尊宿然後歸來久依費老人之鍾拂丰姿挺特志操高尚于大火聚中逼得根深器界總成一箇非上座并不見更有山河大地也遂受隱元和尚之盂帋子有年元和

尚仍以無言之旨佩入搏桑却將赤幟樹于海壖扶起近代黃檗家風毒鼓震于豐城挽迴三百年前法運雖云一花初放五葉芬芳驅耕奪食虎領將鬚棒上成龍喝下翻身原讓臨濟兒孫師其人也元和尚鼻祖搏桑手札命師聖壽開堂號令人天

師不逾時買舟東上豐主大悅翔廣壽山建寺顏曰福聚大開爐鞴煅聖煉凡啓百世之徽猷豎千古之規鑒其黃檗一支不致寂寥矣皆門人將師數十年衛法之苦心日積成帙藁寄南來嘉禾災棗附藏流通命予數語弁于簡端予祇知治世語言

文字其格外提持威音那畔恨未夢見在兼未識師面不副來機只得應命茲惟序師之本色行履而師之法身向上事千聖出頭無有下筆處皆

康熙三十三年夏蒲月節屆天中賜進士及第

欽授翰林院修撰充纂修明史一統志兩

館纂修官甲戌科會試同考沈廷文元洲

氏拜題



叙

神龍韜藏於巨海以時起而澤物則變化無方有情
且爾別達邇之世出者乎予叔卽和尚少具超方之
志挺卓不羣性稟至孝因以孝聞自弱齡削髮後徧
察知識苦工十餘禩出入內典吞吐百家其識弘其
用博發爲文字皆寓至理自謂識量依通未爲究竟
輒揮去卒力蒲團上復九載一日當臘月三十於撲
焚處撞破勝熱面門打失自家鼻孔直下如火裏青
蓮始得大事了畢旣印可于黃檗隱大師甘活埋於
雪峰古法窟道香鼻揜塞滿閣浮時節已彰幡然應

文


即非禪師全錄

一

聘出世于崇福繼開山于廣壽現身法海示大津梁
上而王公碩德次而緇褐異宗聞名向化覲面歸依
隨機攝受頓入直指堂奧愧賓風塵俗漢兼以山川
間之未能躬承法誨祇從頒示尊錄中神領棒喝而
撫膺自腆已爾重披二會新錄及勘辨機緣猶如那
伽出海雲雨相隨於霎然雷奔電掣中令人脫黏解
縛得大自在外於讀頌詩偈等篇不異化溥春工卷
舒無蹟舉地皆成簇錦蒸霞非淺得少林不傳之宗
曷能闡古今未發之蘊哉然此猶言其猶未盡其微
以和尚之道之德足以陶三乘津九族起東山之正

續昇濟北之未墮翼贊皇圖允揚聖教俾垂蔭於來際其視玄言機用特緒餘耳賓塵列子行曷設爲出世大人作先聲地第當見道之真不設不爲述其意而盡其言先德曰見善不揚非君子之操其金剛眼者自能鑒諸言外

三山從子賓稽首拜撰



支那

即非禪師全錄

二

即非禪師全錄總目

卷第一

道影贊

序

聖壽山崇福禪寺語錄

卷第二

廣壽山福聚禪寺語錄

卷第三

陞座

小祭

秉拂

卷第四

法語

卷第五

舉古

拈古

卷第六

頌古

代古

答古

即非禪師全錄

卷第七

機緣

答問

卷第八

贊

卷第九

贊

卷第十

贊

卷第十一

贊

卷第十二

自贊

卷第十三

書問

卷第十四

書問

卷第十五

書問

啓

疏

卷第十六

詩偈

卷第十七

詩偈

卷第十八

詩偈

卷第十九

詩偈

卷第二十

詩偈

卷第二十一

詩偈

卷第二十二

詩偈

卷第二十三

詩偈

卷第二十四

銘

序

跋

文

雜著

卷第二十五

佛事

遺囑語

末後事實

行業記

廣壽開山塔銘

聖壽舍利塔銘

文庫

即非禪師全集卷之

四

即非禪師全集卷之一

門人明洞性安性節明覺明幢全編

戊戌年十二月初七日本寺檀越王引何高材林守
堅魏之琰林繼授潘啓祚顧肇基薛柝何興楚何元
吉何高楨盧國棟林春茂王儀等請

師就當山開堂師至座前拈請疏云靈山記囑一會
儼然仰煩維那重新表白宣畢師指法座云須彌燈
王來也遂作女人揖云謝如來降尊讓找出頭便陞
拈香祝

聖竟復拈香云此瓣香十載從頂額上頓出一旦何

文庫

即非禪師全集卷之一

一

胸襟中流出專申供養前住福建福州府福清縣

勅賜黃檗山萬福禪寺現住攝州慈雲山福元寺傳

臨濟正脈第三十二世

本師上隱下元琦老和尚仰酬法乳之恩斂衣就座

上首白椎何一粟居士問法幢初建爲國祝釐如何

是撐天拄地人師卓杖云金烏初出海何處不光輝

進云與麼則接物利生活潑潑去也師云今日接得

一箇進云唯此燈燈無盡自然萬古風光師云一任

照天照地士禮拜師云且寄三千棒維那問六年雪

嶺藏身處五葉重開聖壽阿直指單傳卽不問開堂

祝聖事如何師云杲日一輪紅進云恁麼則大地沐浴恩光師云開黎卻具眼進云臨濟兒孫天然有在師打云更須識取臨濟始得道榮問昔日闍王輔弼雪峰法席今朝鎮主作聖壽金湯瞻依和尚開堂未審有何祥瑞師云輝天鑒地進云掀翻萬佛骨髓斬斷千聖頂額如何是 喝作金剛王寶劍師便打進云百獸魂飛膽喪野狐飲氣吞聲如何是一喝作踞地獅子師云照顏汝腦門進云展處彌綸法界收時毫髮無存如何是一喝作探竿影艸師云滾轉來風進云佛祖窺覷無門人天瞻仰不及如何是一喝不作

即非禪師全錄卷一

一喝用師云一任疑著進云四喝已蒙師展演中興祖業是如何師卓拄杖云會麼榮禮拜云聖壽祥雲映寶座金欄紫氣貫山門師云善哉善哉童子乃云時節到來梅香雪裏因緣出現徧界優曇乃豎拂子云諸大德委悉麼此一枝原是靈山所拈的少林所開的西天東土奕葉相承自曹谿六傳至于臨濟萬紫千紅濟傳第三十葉至于天童馨香益盛重傳徑山容師翁正幹獨擎翁傳黃檗琦老人一枝橫出老人傳與雪峰一頭陀當下產箇三祇果圓陀陀活潑潑含裹十虛該羅一切適纔諸上人所問的都在裏

許山僧所答的也在裏許乃至三藏十二部一千七百則總在裏許更有諸佛諸祖說不到問答不到的亦在裏許山僧不會收拾拋擲多年今朝親過者邊不消一捏依舊五葉重芳千枝競秀設有向根本上著得隻眼堪報不報之恩其或回轉轉腦鴿子過新羅了也茲承鎮主臨筵四眾雲集請陞此座爲國開堂壽聖治樂有道之天福兆民崇至善之德只如同覺同證直下無私一句又作麼生擎展萬派百川歸巨海一輪紅日上樽桑上首結椎下座

即非禪師全錄卷一

和尚以大地爲爐烹庖佛祖鍛鍊人天只如沒面目漢子到來如何鉗鎚師打云棒頭有眼明如日進云恁麼則掀天揭地承師恩力去也師云舉頭天外誰是其人進云開爐結制已蒙指示如何是臨濟宗師云青天轟霹靂進云如何是曹洞宗師云虎之缺馬之帛進云如何是雲門宗師云腦後一輪紅進云如何是馮仰宗師打圓相云天下人跳不出進云如何是法眼宗師云大地沙門一隻眼進云五宗畢竟是同是別師云五五二十五僧禮拜云謝和尚答話師云汝是那一宗僧一喝師打云臨濟堂前半點頭乃

云馬嘴象恩收歸欄殿銅頭鐵額超入紅爐這裏還
有不費鉗鎚不窺鞭影的麼出來踣跳看山僧爲汝
證據其或大器晚成昔請九旬齊努力人天佛祖結
同參遂舉天童密雲老和尚上堂云今日禹門寺裏
結制須與諸人一議不用諸人參禪不用諸人會理
單單不用瞌睡若也瞌睡一棒打出骨髓莫言不道
喝一喝下座師云這老漢年老心孤老婆太切歡骨
相爲恩大難酬子細觀來猶未盡善殊不知禪不參
則道不悟理不會則事偏枯單單不瞌睡不墮無記
則生亂想據令將來翻成鈍置何似新聖詩今日崇

福寺裏結制亦不用與諸人一議禪任他參理任他
會待他瞌睡送箇枕頭卻不敢動著何以如此不見
道但得雪消去自然春到來且道與禹門相去多少
老祖若聞必也點頭是事姑置只如今日魏檀越揮
金請開選佛之場畢竟如何指示聽取一偈早晨法
雨洗塵寰日出諸天展笑顏有相門中無相施福如
滄海詩如山下座
冬至日東京舶主林爾受魏爾潛潘雲仍顧長卿薛
梅初何崑崙何子謙何君騰諸檀越請上堂僧問該
管飛灰繡紋添線卽且置不涉化機請爲指示師云

無奈東君漏洩何僧擬議師便打師乃云繡紋添一
線葭管正飛灰不涉化機句觸著吼如雷好箇時節
還有共轉法輪者麼出來助山僧應以此身得度者
卽現此身而爲說法其或未然山僧又自應去也遂
舉唯菴老叟船居曰船非水則不可行水非船則不
可居必二者相資而後成宋謙無相居士則不然我
非船何處不可行豈特水哉我非水何處不可居豈
特船哉師云一人就事施設輝煌魏國之珠一人入
理淺譚賣弄趙城之璧山僧不識理事順水行舟拈
出如意寶要與一翁闢富大眾證明聽我舉似甲將

給水費論評十分巧說不如行乙將船水都拈除長
安雖樂非久居爭似我諸檀氣壓孫李蘇遨遊東海
當西湖時乘隻葉閒來往飽看江山展畫圖法說竟
恰也無更助一帆風到岸腰金仍掛古珊瑚有問如
何西祖意崑崙山下石香爐卓拄杖下座
佛成道日魏爾潛檀越薦見請上堂爾潛問年來幾
點思兄淚灑向崎江白日寒今日請和尚薦拔一句
師云明星當午現潛禮拜云謝和尚慈悲師云夜半
日頭紅僧問六年已脫千生夢忽悟明星作麼生師
云山僧眼不花進云魏檀請師登寶座追薦一句是

如何師云觸眼眼底春風動無影枝頭爛熳紅進云
蒙師拔出無生路九品蓮花腦後開師云腦後一句
作麼生僧作禮師便打若乙問僧問掛劍魔驚怕袖
裏驪珠定有助臨濟三玄卽不問曹洞五位請師分
師云從頭問將來進云如何是正中偏師云皂馬爛
銀蹄進云如何是偏中正師云瓊花開鐵樹進云如
何是正中來師云午夜雪山一點明進云如何是兼
中至師云日月交輝進云如何是兼中到師云渾沌
無竅進云五位已蒙師指示只如瞿曇失卻眼睛淨
名開卻眼睛是同是別師云一合相不可得進云當

陽一著無私照觸處莫非是本光師打云是偏是正
乙禮拜師以拂子打圓相云大衆會麼釋迦老子十
雪山午夜悟得這箇六祖于碓坊中踏著這箇百丈
于饅頭下鋤著這箇馮山于木杓裏自著這箇雪峰
于飯籬邊淘著這箇雲峰于鬧市頭撞著這箇古今
聖賢于日用中明得這箇本寺檀越于正因中信得
這箇如上所說置之勿論信得這箇以何爲驗試爲
舉看毓禎魏公在日發廣大心興隆三寶創建叢林
告世數載有弟爾潛體兄之心檀度如舊茲適世尊
觀星悟道之晨特設齋供養兼請上堂爲薦乃兄施

米百石以資冥福更願檀護與叢林同悠久者此亦
幽明兩致其極誠希有也所謂大人具大見大智得
大用顯揚奇特事須還過量人且道這箇有甚奇特
能令人悟能令人信能令種種妙用皆從這箇流出
未審這箇向甚麼處流出若是口吞佛祖的向未有
這箇時一坐坐斷管取悟也不可得信也不可得踏
也踏不著鋤也鋤不見自也不上淘也不出撞也不
著明也不得正怎麼時喚甚麼作佛祖喚甚麼作衆
生喚甚麼作生次喚甚麼作涅槃誰爲供養誰受薦
拔乃喝一喝云若不待者一喝幾乎轉身不得身已

轉也如何得令他同覺同證去以拂子向空中點云
露出一星子木天上下明下座
同門法兄木菴和尚請上堂僧問一佛出世萬佛讚
揚如何是萬佛讚揚底句師云笑破虛空口進云只
如赤肉團邊無位真人還讚得麼師云無位真人在
甚麼處僧擬議師便打問聖壽峰頭掛紫雲寶主相
對復何云少林一曲欣同調仲氏吹簫伯氏撫正與
麼時如何是主中賓師云下座陪師兄進云如何是
賓中主師云一朝權在手進云如何是賓中賓師云
面上三斗塵進云如何是主中主師云佛祖立下風

進云賓主已蒙師指示向上宗乘是如何師云還我賓主句來進云恁麼則一花五葉開愈秀同條各露一枝春師打云者一枝天下人有分乃云一佛出世萬佛讚揚一花開敷萬花周布花黃花紫一般春前佛後佛無二道以無二之道廓人天未證之門揭佛祖不傳之妙直得古多寶新釋迦當下如鏡照鏡似空合空於中著得一隻眼方見三世佛祖脩多羅藏盡向此中流出天地日月萬象森羅盡向此中建立四生九有八難三途盡向此中隨流出沒從緣契證百工伎藝一切有情盡向此中各隨根性悉得受用

支那

卷之二

八

無物不周乾坤未可比其廣大一般奇特日月莫能喻其光華任他通身是口也讚歎不及正當主賓互換不落時機一句如何展演多寶塔中分半座萬花叢裏兩優墨下座

雪天上堂以友居士問達磨面壁二祖斷臂和尚今日陞座雪裏如何安心師云還我一臂來進云我師親的意能有幾人知師云用知作麼進云空生若不巖中坐爭得天花動地來師云莫謗空生好乃云雪裏九年流出通身熱汗爐邊打坐竟日卓豎寒毛還有灰裏豆爆者麼試通消息看一僧云紅蓮雪裏開

一僧云虛空雪裏點頭一僧云銀山鐵壁八面玲瓏師云欲得梅花香撲鼻還須徹骨一番寒卓拄杖下座

立春日曇璩監寺請上堂僧問曹谿五葉桑林裏如何是長芳萬古春師云桃紅李白薔薇紫問著東君總不知進云須彌頂上無根樹爲甚麼不犯春風花自開師云又被風吹別調中乃云雲門乾闥闢雨淋日久炙久矣昨夜被山僧蹉手一捏捏碎瞿曇鼻孔出浩蕩春風吹得桃紅梅白徧界清香汝等諸人還曾嗅著也未卓杖云松花若也需春力根在淺巖也

支那

卷之二

九

著聞下座

興福福濟二監寺全請上堂激一監寺問生從何來次從何去師云激不清攪不濁進云承師開示腳底蓮花步步階師云一法通時萬法通乃云激一蘊謙二禪德歲暮逼山僧上堂舉揚箇事若論箇事佛祖口闍壁上山僧如何舉揚因是讓之至再其請益堅不得已向第二門頭傍通線路曲順來宜諸大德好須採聽尺璧蘊千巨石勇者力攻而得之驪珠現于激潭智者逆流而探之間有儒怯之士若不另具一副手眼幾番苦心欲希冀此二寶譬如輟耕穫而望

秋收無以異也或迷者而不知知而不能取取而不能
能用非惟孤負此寶抑亦自他俱失利濟耳世寶如
是僧寶亦然如何是僧寶昔日唐皇親賞鑒欽延鎮
國利人天下座

除日若乙維那弘永書記同衆請上堂僧問今朝臘
月三十日作麼生是今日事師展兩手云會麼進云
某甲不會請和尙爲說師云不是知音者徒勞話歲
門僧禮拜師云果然弘永問古人烹露地白牛與大
衆分歲未審和尙今夜分箇甚麼師云與汝一箇鐵
餵頭進云大衆謝和尙師云咬得破堪受人天供養

印禪師全集卷之二

十

乃舉雪峰敦和尙因僧問如何是佛曰把火照魚行
進云如何是法曰唐人譯不出又云佛法已蒙師指
示未審畢竟事如何曰臘月三十日師云古德答話
不帶枝葉山僧隨例攀條倒行一令今朝臘月三十
日諸人畢竟事作麼生只如唐人譯不出把火照魚
行且道佛法落在甚麼處如此會得參學已竟報恩
已畢其或不然三百六旬仍蹉過眉毛剔起又來年
下座

元旦祝聖上堂僧問格外乾坤大轉桑日月新春風
吹破臘處處賀新正如何是最新一句師云一圓和

氣萬劫同春乃云萬年春一夢夢醒萬年新新羅
打鼓日國賀新正艸木叢林俱作獅吼山河大地鼓
舞歡呼發揮固有風光喚起一新氣象萬邦歌有道
四海樂無爲臥雲溪處向不朝天聖恩廣被如何補
答爲豎拂子云一枝劫外春無盡仰祝堯天舜日長
下座

解制監寺領魏之瑛居士請上堂僧問如何是一印
印泥師云教生了也進云如何是一印印水師云鷲
王擇乳進云如何是一印印空師云無汝下手處問
如何是奪境不奪人師云拔卻眼中釘進云如何是

印禪師全集卷之二

印禪師全集卷之二

十

奪人不奪境師云日高猶未醒進云如何是人境兩
俱奪師云拈卻無生國進云如何是人境俱不奪師
云護取法王城進云人境已蒙師指示心空及第事
如何師云空裏掛燈籠進云怎麼則人人有分去也
師打云海上漫栽花乃云九十光陰一撮子五湖僧
在一毫端遂彈指一聲云爲汝諸人解制了也還有
心空及第者麼三級浪高能變化風雷相送過龍門
復舉趙州和尙因趙王來參州端坐不起次日師來
州下禪牀受之侍者問曰昨日大王來爲甚不下禪
牀州曰非汝所知上等人來我禪牀上接中等人來

下禪狀接末等人來出三門外接不可目我王爲中
下人也師曰趙老恁麼接王可謂不失宗師體裁簡
點將來未免因人上下山僧當時若在敢問趙州說
有無等級人來又作麼生接管取趙州至今要起
不得要坐坐不成是事且止只如今日三島客九洲
僧俱敗下重臨法會觀選佛場揭曉龍蛇溷雜凡聖
交參畢竟如何分疎作何相接良久云萬派聲融滄
海上萬年流水不知春下座

癸卯秋仲五日省觀回唐辭衆上堂道榮問孝義全
彰遽離雪峯法席因緣出現高踞聖壽覺林只如今

支那

即非禪師全集卷之二

十三

日符到奉行師資慶會一句作麼生展演師云報恩
須是忤逆兒進云梅檀圍繞梅檀樹獅子遊行獅子
窩師云不勞讚歎進云殿下臨筵聽法曾承靈山付
囑吾師機辯天縱不妨更借一問師云水流須到海
雲起必爲霖進云恁麼則解使人天迎杖錫直教龍
象接金襴師云汝者一語翻成分外榮禮拜而退自
信問吾師爲法到崎丘接物應機已六秋幸遇因緣
今出現杖挑明月上皇州人天交接則不問途中得
力一句乞師開示師云一帆秋水上皇州進云恁麼
則臨濟家風重振樽桑去也師云如何是臨濟一句

僧喝師云者一喝落在甚麼處進云不從天得不從
地生師云莫是從人得麼僧禮拜師一喝乃云見可
則進知難則退逆川禪師云古德恁麼說話大似趨
利避害取捨未忘所以山僧住此數載不敢妄動茲
緣故國六十餘位宰官居士于前年郵啓聘山僧回
唐爲國開法不特感激道愛抑且熟處難忘尋修書
報復許可來春今秋觀別黃檗老人理當叙謝白衆
承崎主同四衆光臨證明舉似乃別古德云進則以
道退亦以道以道進退誰曰不可雖然此猶是山僧
分上諸人分上又作麼生道心相照千里如面忠孝

支那

即非禪師全集卷之二

十三

持身供養無盡至于向上一著各自努力附贅一偈
離此山門入國門千山萬水一乾坤我心如雨無遺
點溪謝檀那六載恩下座

即非禪師全錄卷之二

門人明洞性安性節明覺明幢全編

乙巳季春望旦

豐主源忠真大檀越暨明祠上座請

師進寺至三門云大道興方便立從信入者永無退

失有超方便的一任丹霄歇步

世尊拈香云一塵一佛國一花一釋迦說甚麼殿裏

的爛冬瓜洞山麻雲門擬遂插香云香雲彌法界瑞

氣滿乾坤

韋馱拈香云扶持正法現金剛身此一瓣香耀古騰

今

即非禪師全錄卷之二

一

今

伽藍拈香云欽承佛囑擁護叢林叢林作獅吼大地

變黃金有如是無作妙用所以立為福聚伽藍神

祖師拈香云腦後一輪紅豁開正法眼庭前柏樹子

畢露祖師心

監齋拈香云三德六脩百味具足大眾加餐檀那獲

福

據室云此方丈不涉新舊廓同大虛任是百億微塵

數雲門興化百億微塵數福海壽山一時頓入無欠

無餘咄臨濟來也汝們更須倒翻筋斗向虛空背上

行一遭又正翻筋斗撲落下來廣壽為汝們證據

孟夏八日受請祝國開堂師於源太守手中接得請

疏示眾云佛祖付囑王臣流通公驗分明仰煩披露

維那宣疏畢師指法座云超佛越祖總落階梯看廣

壽從空放下平地昇高為諸仁者撥轉向上一著遂

陞座拈香云此瓣香根盤空劫葉覆閣浮熱向金爐

希伸供養

靈山會上禪祖

釋迦牟尼佛以及西天東土歷代祖師證明開堂龍

天八部擁護道場伏願日新鸞嶺之風時邁唐虞之

文

即非禪師全錄卷之二

二

治又拈香云此瓣香統天地以為根會萬物為一體

端為祝延

當今皇帝聖躬萬福聖壽無疆欽願生生不忘佛囑

世世常現人王興隆三教坐享太平

此瓣香明如日月秀麗山河奉為

本朝大將軍位同地久壽與天長恭願等閒伸出定

邦手大轉靈山正法輪

此瓣香四海毓秀五岳鍾靈奉為

文武官僚列國勳貴增培祿筭儒佛並肩

此瓣香驚嶺傳來龍宮涌出奉為

豐主源大檀越以出世之心治世從有爲而證無爲
建法幢立宗旨熱向爐中用酬檀德恭願福祿漢巨
海壽算等須彌

此辦香遇賤則分文不值遇貴則價重娑婆第二回
拈出奉爲現住京畿黃檗山萬福禪寺開山第一代
傳

臨濟正宗第三十二世七十五臘

上隱下元本師老和尚用酬法乳恭願常住世間爲
道樹千枝並秀蔭人天此辦香淡論滄海重越丘山
奉爲父母養育之恩師長髮度之德十方檀那一切

跋

即非禪師金錄卷之二

三

師友或一言半句資我慧命粒米寸絲成我道業今
日昔同報謝伏願現在檀金剛正因將來爲菩提眷
屬遂歛衣就座維那白槌竟監寺法雲問福地新開
選佛場焉然瑞氣繞牀願通少室真消息格外玄
機爲舉揚師云頂門隻眼耀乾坤進云只將隻眼乾
坤句仰祝皇王億萬年師云也讚得一分進云夏願
國風與祖風永扇帝道齊法道緣昌師云此語最親
切維那柏巖問法海出世闡王證明和尚開堂豐主
預會先後一揆則不問如何是壽國福民一句師云
百億須彌盧進云怎麼則如龍得水去也師云且緩

承當友松信士問雪峰山頂卿雲呈瑞廣壽堂中佛
日增光如何是重重現瑞彩一句師云樓至來也進
云只如今日豐主新創法席恭請和尚祝國開堂親
臨座下行香聽法敢問和尚舉揚何法師云合國證
明進云現前萬指圍繞和尚作麼生接師云各與一
頓棒進云棒頭有眼明如日照徹人人在此時師云
幾人薦取松禮拜退師乃云機前薦得猶涉纖塵
下承當翻成鈍置何況機鋒相扣棒喝交馳喚作激
揚直指轉見迂曲今則按下雲頭拗曲作直爲諸仁
者發舌一上若論此事如積樹成林積日成歲積善

跋

即非禪師金錄卷之二

四

成功積功成德德積以成道道積以成無爲無爲而
無不爲耳既不住無爲不盡有爲以大心爲功德海
以智慧爲般若舟自他利濟並登覺岸正眼觀來猶
在半途正當怎麼時如何是不離堂奧隨緣應現一
句風生萬壑月印千江復舉闡王請法海開禪師開
堂纔登座以手斂僧伽黎顧視大眾便下座王近前
執問手云霧山一會何異今日問云將謂汝是箇俗
漢師云大音希聲不同常調若非角聽幾失知音八
百年來令天下人疑著卻成未了公案茲承豐主源
忠真大檀越乘風願再來特創寶坊延山僧開山卓

錫祝國開堂是日台旆臨筵預會聽法山僧自揣道行微劣無可圖答只將一點水墨兩處成龍完此公案作法施去也將謂大王是俗漢元來佛法箇中人山僧堂已開了聖已祝了法已說了只如今日釋迦世尊出世一手指天一手指地且道明甚麼邊事衆罔答師云各各歸堂明取好維那結槌師下座安執事豐主請上堂舉雲門因僧問齋主設齋如何報答門云量才補職僧云不會門云不會喫齋去僧有省師云雲門推門落臼者僧虛往實歸悟則不無要嗣雲門未可在何故者僧被雲門一塞口問不得

五

只是解吞不解吐廣壽則不然跳過金剛獨步大方咬破鐵酸餡百味具足果有其人不惟堪扶法化以助王化抑亦永作人天之福田其或未然喫水也須防噎平地豈無慎跌諸大德還委悉麼爲法求賢擇手眼等閒說與飽參人下座

豐主建新禪堂成遠州太守源長真檀越捐金爲知浴請結夏上堂梅嶺問圓覺伽藍華藏利海豁開戶牖大座當軒四海趨風檀越加敬則不問九旬安居事如何師云垂絲千尺意在釣頭嶺喝師打云未是金麟進云和尚只見金麟未見金毛獅子師云欠牙

爪在僧問以百千億劫爲一念以一念爲百千億劫爲其神通妙用爲復法爾如然師云百艸頭邊獅子吼進云直得盡十方世界總是一會安居師云三千刹海一伽藍進云只如朝過天台暮遊南嶽底漢來又作麼生接師云朝打三千暮打八百乃云萬松青入漢審構凌雲煙括大千於箇裏包法界於其中殊勝莊嚴同佛受用此會功德實非小緣各生難遭之想同期出世之心豎起鐵脊梁放開大眼孔覷透佛祖心肝坐斷銀山鐵壁然後向佛祖行不到處行取一步步踏實說不到處說取一句句句朝宗檢點

五

將來未爲究竟如何是究竟一句翻身磕破虛空額祖德檀恩一併酬下座

豐前州源太守恭薦東照大權現先將軍五十年諱日請師上堂法雲問森森大樹插青天爲蔭蒼生五十年太守親臨求薦拔證明一句若何宣師云海印光中全體露進云恁麼則衆星拱北萬派朝東去也師云權現嘉名天下聞進云謝師答話師云拱北朝東道一句看雲禮拜云道過了也師云親切萬水問太守請師說法則不問如何是坐享太平一句師云路不拾遺真古道進云夏喜風調雨順國泰民安

師云萬民樂業享豐年進云恁麼則天長地久無餘事玉葉金枝萬古春師云被上座道著友松問太守今日恭請和尚上堂追薦東照大權現五十年諱辰如何薦超師云佛國任遊遊進云五十年前凜凜威風震八極五十年後昭昭瑞氣福傳桑請師證明師云誰不仰恩光進云與麼則源遠流長清萬古喬松翠竹秀無窮師云放汝二十棒松作禮退師乃云法性湛然元無生滅隨類應現示有去來東照大權現夙乘悲願現將軍身撫治家邦朝野頌德應緣已盡撩手寶仙往五十年凜然生氣茲逢諱日承外孫豐

天師

即非禪師全集卷之二

七

前州仁孝太守小笠原公請山僧特陞此座舉揚般若資嚴冥福然般若之體明如日月般若之用迅若風雷亘古亘今無變無易以此拔幽直超果位以此利顯家國興隆正恁麼時如何是光前耀後一句突出乾坤眼萬古福源長下座

豐夫人那須氏同次公郎源光眞請上堂僧問龍女獻密珠直往無垢世界成佛如何是密珠師云大衆證明進云女身垢穢如何成佛師云蓮花出淤泥乃舉秦國夫人計氏衆大慧杲和尚力究有省呈偈云逐日看經文如逢舊識人莫言頻有礙一舉一回新

師云秦國夫人雖處女流宛有丈夫之作但偈語猶堪檢點杲和尚許他也是半幅全封試舉似看逐日看經文黑豆生芽如逢舊識人夙世冤家莫言頻有礙寸絲猶掛一舉一回新如何放下山僧恁麼註腳不是滅沈之香要使五百年後接一箇同參的豐國夫人那須氏內相攸宜克勤政績日用之中不離佛法山僧駐錫金粟圖六箇月時同豐主暨二公郎頻來問道兼承種種供養今住廣壽合府請法儼然一山一會雖不呈偈金在鑪中且道與五百年前秦國夫人同別如何處處逢龍女門門遇善財下座

天師

即非禪師全集卷之二

八

五月初五日九山北源納川雪濤獨立鐵橋萬水霧泉梅嶺龍舟獨健夢堂德海既白徹玄僧眼慧雲鑑印東曉月江宜山千朴東白道長秀暨合山諸大衆預祝師半百大誕請上堂僧問弟子輩恭祝和尚尊誕仰冀與趙州古佛同一春秋如何是大法流通永鎮樽桑一句師云滿天花雨落知有龍王來進云今日龍王行雨沐浴體時如何師云頭角露也進云恁麼則雨中突出眼中眼天外高挑燈外燈師云速禮三拜乃舉趙州和尚因僧問和尚姓甚麼州日常州有又問和尚春秋多少州曰蘇州有師云趙老逆

行域中日月發明劫外春秋手眼通身超今越古不
虛爲古佛之稱若問廣壽姓甚麼答道大地載不起
更問春秋多少乃道虛空包不盡且道與趙州相去
幾何有辨得出不妨與古佛相見正恁麼時如何是
同誠祝讚一句繞圍龍象三千指意氣一團萬古春
下座

初七日遠州太守源長真檀越爲師祝壽請上堂月
江問五十而知天命乃尋常事和尚是大善知識知
命既在未生已前如何是今日太守祝壽一句師云
日照天臨進云別有天地與人間又作麼生師云林

巒添瑞氣進云恁麼則盡大地普祝去也師云如何
是普祝一句進云晝夜一百八師乃舉大顛和尚因
韓文公問云和尚年多少顛提起數珠云會麼韓云
不會顛云晝夜一百八廣壽云韓公問年多少大似
虛空背上覓起止顛提起數珠示之無孔鐵鎚當面
擲韓云不會六律分明顛云晝夜一百八亘古亘今
山僧恁麼舉似還當得慶讚也無突豎拂子云大顛
和尚來也卽今在山僧拂子頭上合掌讚歎云老僧
今日親到廣壽見遠州太守俊秀青年有如是信心
重法聞其本月二十日初度何不自他共祝去也山

僧不勝歡喜問訊答云願將晝夜一百八轉爲太守
祝遐齡大顛和尚含笑而起山僧致謝云勞先輩證
明下座

初八日法雲監寺爲師祝壽請上堂雲問法王出世
坐斷古今正恁麼時威音王是和尙兒孫請問威音
前一句師云威音王卽今在甚處進云在和尙拂子
頭上師云突出難辨進云然則燈籠露柱齊慶祝去
也師云一言之下報深恩進云法雨周沙界壽山亘
古今師云燈籠露柱咲呵呵乃云佛祖出世竝無別
事第爲護念付囑而已護念者要人衛法道也付囑

首聖人續慧命也廣壽出世不外是也法雲洞上座
精白一心以衛續爲念監領寺務井井有條人咸稱
其有楊岐之風山僧亦知其夙記再來耳茲值山僧
半百初度預伸慶祝請陞座普示威音前一著若論
威音前佛祖未曾指註山僧如何措辭惟各自悟
自證始得或問自悟自證後如何南山布法雨東海
起雲雷下座

初十日源太守次公郎光真檀越爲師祝壽請上堂
僧問南極壽星臨福地中天紫氣貫豐山今日源光
真檀越恭祝和尚華誕如何是壽星臨福地之句師

云露柱生兒進云如何是不涉春秋一句師云未解
語言先作賦一操直取狀元來乃云光真髻年英發
骨氣超凡蘊風世般若之種生尊貴菩薩之家所習
詩禮所行十善不染之性猶青蓮出水挺挺池中得
此殊勝福緣非一佛二佛邊所種善根可能耶每蒙
山僧益加敬信今來祝壽請法彌懃其蹟頗似善財
詣佛會中叅普賢大士見乘白象王處紅蓮座一心
親近諮問法要悲智圓滿行願圓成其發心功德與
善財無二無別雖然光真恁麼慶祝山僧恁麼舉揚
於唱教門中足可觀光若約衲僧分上彼此俱要喫

無述

印非禪師全集卷之二

士

棒何故棒頭取證無生忍鐵樹花開萬劫春下座
十二日豐夫人爲師祝壽請上堂東曉問法身元不
動只爲方便示生即不問如何是第一玄師云觀破
未生前進云如何是第二玄師云耳朶列兩邊進云
如何是第三玄師云兩腳踏地頭頂天進云如何是
第一要師云古篆無文進云如何是第二要新條有
識進云如何是第三要師云千差都一照進云三玄
三要蒙指示格外金鱗求時作麼生師打云會取玄
要好乃云生佛之元古今不易化育之本物我同途
只如山僧五十年前未出母胎時以何爲初度之辰

於此觀透不惟見得山僧本來面目抑摸著自己元
辰如覩不透山僧自出頭來也應以此身而說法不
妨重現女人身復舉余夫人祝廣慧禪師壽且云願
和尚與虛空同年慧云道甚麼廣壽云古人相見無
非佛法一問一答如空合空今日豐夫人祝山僧壽
也不會發問山僧亦不用答且道還有佛法也無咄
彼此淵默問答如雷下座

十四日正當師五十歲初度之辰豐主源忠真大檀
越爲師祝壽請上堂僧問聖人作而萬物覩今晨法
雨初霽杲日當空請問是何祥瑞師云天高地厚進

無述

印非禪師全集卷之二

士

云豐主臨筵慶師降誕如何是感應道交一句師云
海濶山長進云恁麼則十方歸仰無爲化華祝吾師
億萬春師云雷鳴誰不聞僧禮拜師乃云突出一枝
肉菡萏大地皆聞解脫香花果齊彰昭正覺是名佛
子報爹孃山僧親恩已答了檀恩又作麼生如豐主
源檀越智勇謙德不讓趙王邇來覩破向上一著乃
能捨世間之浮塵布出世之實地悟夢幻之色身祝
堅固之慧命以此慧命壽國家則時清道泰以此慧
命蔭宗裔則世衍祿昌可謂大福德人修大福德人
受無非皆從正信見道中成就耳更有一偈大衆證

明都盧原不涉春秋一彩何妨賽兩籌七十高齡添
半百縣延慧命續源流下座

十五日開善寺月交禪德爲師祝壽請上堂月交問
曇華現瑞彩大地變黃金龍象繞團人天傾向正當
恁麼時如何是格外慶祝一句師云海底泥牛銜月
走進云七佛已前四時春現成公案如今日師云善
世法門八字開進云恁麼則法霖潤國土紫氣貫山
門師云幸值闍黎知時節交禮拜退師乃云神龍來
聽法曉雨猶未止拄杖有神通攝入盂孟裏正恁麼
時明月當午現與你們說個目前道理月印長空影

法進

即非禪師全錄卷二

主

合衆水清涼大地光被九洲有此善利所以霧山標
之曹谿話之馬祖說之藥山嘯之若夫水底撈紙上
畫指邊寬替處問如斯等人敢保驢年未夢見真月
在開善月交禪德爲人實行虛心待物實不愧其名
也茲值山僧母難後一日正當月望進山補祝請上
堂因念其誠推出眞月以答之以拂子打圓相云委
悉麼籃兒沒底盛明月月交持來祝壽筵突出頂門
一隻眼清光照徹未生前下座

十六日黃藥水菴和尚爲師祝壽請上堂僧問於一
切法離諸言說未審和尚說何法師云汝要我說何

法進云瞻之仰之師云蹉過了也進云今日黃藥和
尙爲師祝壽請上堂作麼生是祝壽一句師云堪
同調進云恁麼則滿山松竹萬年春師云賴有知音
問向上一路千聖不傳學人如何進步師云嶺上石
人開口笑進云恁麼則某甲一趕趕得去也師云堂
前鐵鋸舞三臺僧作禮退師乃云虛度五旬承祝增
愧復命陞座勉赴來宜雖無當于獅吼鳳鳴而同門
法愛之誼庶幾無負也遂舉雲門和尚因僧問二尊
宿相見時如何門云不是偶然廣壽云正令當行十
方坐斷機輪轉處作者猶迷惟有格外人相見自然

法進

即非禪師全錄卷二

十四

聲和響順形直影端彼此情忘主賓道合正當恁麼
時如何是因齊慶讚一句黃藥枝頭雙靈果合成一
顆大蟠桃下座

十七日佛日慧林和尚爲師祝壽請上堂宗豈問法
身等虛空福聚海無量如何是不生不滅一句師云
趙州東壁掛葫蘆進云恁麼則廣壽峰頂月與摩耶
同光師云如何是摩耶峰頂月僧作禮而退萬水問
昔日裴相國見石霜借笏垂慈今日源豐主隨喜聽
法和尙如何指示師云萬水千山進云恁麼則如龍
得水虎葬山去也師云千山萬水進云昔日裴相今

尊主須信慧林即壽林師云不涉古今再道看水禮
退乃云靈觀上堂祝睦州壽指背須借他人手佛日
請廣壽陞座自祝喫飯須用自已口遠承法愛愧感
無涯分此炊香作平等供養去也正恁麼時震法雷
鳴法鼓布慈雲灑甘露萬象森羅踊躍起舞俱要
山僧舉古遂舉太平恩禪師因僧問日未出時如何
平日衆人皆仰望進云日出後如何平日萬里照無
私廣壽云太平恁麼答話可謂頭正尾正若要耀後
光前更資一路或問廣壽日未出時如何日瞋睡漢
更問日出後時如何日堪作人天眼目大眾且道還

無進

自北齊書卷之三

十五

當得彼此慶讚也無天親塢裏蟠桃熟無著山中柏
子青下座

十八日崇福寺化林上座同徒孫海天祝壽請上堂
化林問格外蟠桃此地裁十分春色日邊來誕生已
度五朝後和尚如何作主裁師云和盤托出進云恁
麼則某甲領取一顆飽天下人去也師云若是別人
大難承當進云謝和尚證明師云知恩方解報恩乃
云智積大士於無生中受生只可自知廣壽道人向
未光前一畫人或難卜如卜得出一任發揮佛祖紹
續宗風總報四恩弘範三界且道是甚麼人崇福化

林上座三山英俊也早歲博通典墳尤精於易得聖
人之心渾造化之妙後捨儒入禪達佛關與昨日嚴
持花雲莊嚴供具爲山僧卜云露柱生蟠桃一舉四
千九馨聞海外天空生歡希有山僧問他一半今日
請山僧陞座舉唱且道那一半作麼生得全諾去豎
拂云委悉麼山僧慧命龜毛拂紹續流通賴白眉
著祖師真血脈是名出格報恩見下座
十九日宮本居士爲師祝壽請上堂龍舟問如何是
如來禪師云滿天瑞氣進云如何是和向禪師云市
地祥光進云恁麼則將此祥瑞祝和尚壽福檀那去

無進

自北齊書卷之三

十六

也師云如何是開黎禪僧禮拜東曉問佛言佛法付
囑國王大臣有力檀那今日宮本居士欽護法筵祝
我師華誕正與麼時酬檀恩一句作麼生師云拈出
雲門棒進云世尊初生金蓮捧足和尚華誕有何祥
瑞師云坐斷千差放開線路進云與麼則人天龍象
嘆希有紳木林樹獻瑞徵去也師云還我獨尊一句
進云與獅子吼師云莫謗山僧好問和尚壽慶越六
日請方慶讚猶未休如何是重重慶祝一句師云錦
上鋪花色轉鮮進云恁麼則一點元辰亘古今也師
云如何是亘古今一句進云誕出恒沙功德聚壽業

座上現全身師云禮拜著乃云廣壽門下日日生辰
福聚堂中時時慶祝說甚麼初度越六日偏頗之人
必以刻舟共晒正信之士競來錦上鋪紅所謂欲知
宮本事須是宮裏人若非宮裏人焉知宮本事復舉
雲門和尚曰十五日已前則不問你十五日已後道
將一句來又自代云日日是好日廣壽云若會得日
日是好日不求福而福自至不求壽而壽自增乃至
齊家治政成佛作祖莫不皆從此日日是好日流出
且道日日是好日向甚麼處流出華藏界中纔一念
間浮早已八千名下座

印非經師全錄

卷二

七

二十二日吉岡居士為師祝壽請上堂友松問菩薩
千願禮敬為先人間五福祝壽為先今日吉岡居士
恭祝華誕請轉法輪如何是當陽一句師云衝開碧
落松千尺進云居士禮敬還有功德也無師云轉贈
檀那一壽圖乃云一夢五十霜夢語醒猶長恐費娘
生舌萬松代舉揚大眾諦聽一松云法身與虛空同
體合暗合明法性與虛空同量亘古亘今一松云只
如一人發真歸元十方虛空悉皆消殞且道向甚麼
處安身立命一松云好個問頭只是你不知落處若
知得落處堪續佛祖不傳之慧命豈直為祝有相之

壽量哉一松云莫誇我好莫道我不知落處試問大
眾個個都知落處也無山僧見他說得有理乃問你
名甚麼曰萬年又問贊助無私之政不落前後之機
是甚麼人曰今日齊主是也山僧曰你不惟知言且
能知人輒成一偈萬年松在祝融岡覆蔭兒孫永吉
昌觀透歸元一著子世間世出壽難量有僧出問此
是和尙饒舌萬松何曾舉揚山僧曰待你醒來向休
道卓拄杖下座

印非經師全錄

卷二

八

祝元辰師云彩鳳空中方展翼進云恁麼則物物呈
祥去也師云無毛鷄子過新羅進云誰知和尚活手
眼照用並行越格量師云賴有維摩證明乃云以不
生之生而現於有生之生即無生以無相之相而
現於有相之相相亦非相相亦非相月印寒潭生即
無生雷鳴空谷一聲因地萬籟無聲隻眼舒開千光
匿耀直得賜兒母放下掌上明月珠註生官打失肘
後黃金印惟有通方作者轉雙臨時格外慶生人天
復福雖是一時緣會須知積劫薰成薰成因種果熟
今時則且置只如龐公一曲沒絃琴不落宮商角徵

羽特慶山僧半百誕辰如何是知音之外更知音一句良久云福海壽山齊起舞盆中童子笑忻忻下座二十九日曇瑞柏嚴二上座爲師祝壽請上堂曇瑞問將百億須彌盧無邊香水海恭祝和尚壽時如何師答云未足酬恩進云廣壽一被佛法未審分付阿誰師云樓高先得月進云怎麼則某甲承當去也師打云當仁不讓是男兒瑞作禮云謝師賜棒師云淨下開眼始得乃云移滄海爲福海指須彌作壽山用祝山僧法臘大似持燈助日之明不見道諸供養中法供養最如何是法供養如拈不出山僧爲子拈出

法華經

印光師全集卷之三

十九

也南岳和尚衆六祖大師於說似一物卽不中處打破漆桶遂執侍一十六載然後五葉紹芳踏滿天下此是法供養青原和尚於聖諦亦不爲處放倒無位真人亦於曹谿首衆數年一株嫩桂馨香婆娑此是法供養曇柏二子行履端正見地真實三事隨身十願不易彼既丈夫我何不爾倘如二老祖大撲落一番傳持慧命是名眞法供養復展拂云委悉麼將此壽塵刹是名眞報恩下座

謝豐主及遠州太守暨法雲監寺合山大衆上堂僧問如何是廣壽境界師云千峰如畫進云如何是境中

人師云人在畫圖中進云人境已蒙師指示只如上無佛可成下無衆生可度和尙今日上堂爲何事師云好人境外一句僧喝師云學東的悟來的僧又喝師云莫道無衆生可度好僧禮退師乃云法性不寬波瀾不濶佛法知見不忘生滅命根不斷自救不了如何爲人山僧雖波瀾不濶卻解斬釘截鐵轉變臨時應此堂期酬法檀去也前月豐主合府審奪暨合山大衆運出自己審藏共贊古佛家風忙了一月總不知山僧動靜山僧卻知諸人動靜以何爲驗山僧逐日向諸人眼睛裏經行舌頭上跌坐山僧出定諸

法華經

印光師全集卷之三

二十

人舌動山僧休歇諸人瞋睡于今諸人卻知山僧動靜山僧又不在者兩處且道在甚麼處知得山僧立命處祖師鼻孔一齊穿復舉袁中郎致書于封君曰天下奇人聚京師兒得徧觀大約趨利者如沙趨名者如礫趨性命者如夜光明月千百人中僅得一二入而已一二人中僅得一二分而已師云中郎少年高第具如是才靈所謂明眼難瞞三種人聞之幸無愧乎雖然更有一種奇人視名利如糞土尋性命若虛空有時在鬧市街頭有時在水邊林下有時在公堂前後可惜蹉過爭如豐主父子及諸仁者時時

著卓拄杖下座

青木端峰居士請上堂梅嶺問如何是第一句時值
典座噴嚏師云典座噴嚏答汝了進云如何是第二
句師云五月梅花吹一曲進云學人今日小出大過
師云三千里外有知音嶺禮拜師云何不問取第三
句乃云山僧初住廣壽事繁近日遠近來請上堂衆
不許可爲居士是一會中人勉應來機諸仁者委悉
麼居士不昧風因官身僧行流通大法獨創叢林舊
冬延慧法弟開堂利益人天今夏遣使走千里請法
證明本分可謂世出世間兩盡其道耳第山野莫能

贊揚拈出現成公案用酬道契遂舉臨濟和尚因王
常侍來謁引入僧堂隨喜侍云此一堂僧還看經否
濟曰不看經侍云還參禪否濟曰不參禪侍云經又
不看禪又不參畢竟作個甚麼濟曰總教伊成佛作
祖去侍云金屑雖貴落眼成翳濟曰將謂你是個俗
漢廣壽曰常侍故是明眼不合逆風揚塵臨濟手眼
不親金鏤用在何處或問山僧此一堂僧還看經麼
向道喚甚麼作經侍他開口鶩頭一棒管取王常侍
當下脫卻金甲更令一堂僧個個坐斷昆盧頂頭不
致佛粘祖縛帶累天下兒孫至今解釋不了雖然至

理一言轉凡成聖則不無只如末後一句如何語會
莫言世上無仙客須信壺中別有天下座

監寺法雲上座領合郡善信宗德養德教意等請上
堂柏巖問合郡善信請上堂和尚如何開示師云廣
掃街童知祖意進云恁麼則善信知恩去也師云松
風鳥語演堯歌進云謝和尚證明師云還我證明一
句嚴云明月當空皆普照師云闍黎也得一分光明
乃云人生於五天覆之地載之君親成育之師長教
誨之能酬此五人道乃盡人道乃盡可以入佛道耳
山僧開法廣壽無非欲人人盡人道而入佛道令生

生世世不失金剛種子茲法雲上座所領合郡善信
皆忠孝五常之士不言而喻道同氣合各生歡喜設
齋請上堂仗我三寶用答四恩觀此一節不惟可入
佛道可以卜人道子萬世昌隆耳正恁麼時如何是
共樂豐平一句風雨以時邦國泰大家稽首答漢恩
雖然更須知有天不能蓋地不能載君王不得而臣
父母不得而子如此奇特還要到廣壽門下勘過始
得卓拄杖下座

中元解制日知浴梅嶺上座領遠州太守源檀越請
上堂僧問結解則不問金鏤透網時如何師云試詳

跳看僧喝師云蝦蟆叫僧云謝和尚證明師云證明
個甚麼僧禮拜退乃云九十日內合虛空口結卻布
帶直得森羅萬象斂影斂踪十聖三賢吞聲吞氣今
朝目連尊者歡喜之晨文殊大士解制之日依例打
開布帶塵塵解脫處處縱橫一任不老峰獨步大方
放生池倒傾大海四大部洲各歸本處兩輪日月西
涌東昇檀越功該果滿衲僧事備理圓且作麼生是
諸仁者心空及第歸一句信腳踏翻解脫海掌中至
雷耀乾坤下座

鼓譟

印非禪師全錄卷之三

主

印非禪師全錄卷之三

門人明洞性安性節明覺明幢全編

陞座

結冬陞座示衆問繁不錄師云今日諸方結制也有
押韻禪也有四六禪也有花柳摩將禪也有奇怪極
則禪廣壽雖無此等禪然已與諸人同此道業又且
不可恁麼杜口休去隨分說些平實禪以警其不逮
各宜委悉豐主檀越以四事供養大開福田正要諸
仁者修行辨道猶播佳種更要山僧隨機說法如降
時雨令其抽信芽開心花遂克成就無上道果而後

鼓譟

印非禪師全錄卷之三

二

已此便是佛祖慧命有賴人天福田有望耳諸仁者
當自生難遭思不可作容易想果能存了生死之志
把從前許多學的解的所祕所蘊的雜毒盡底一翻
翻卻直須豎起鐵脊梁突出兩眼睛盡三百六十骨
節八萬四千毛孔併作趙州一箇無字一提提起如
撐上木舟單篙直進心心無間念念無斷忽然拶透
和箇身心器界山河大地一時瓦解冰消有日在其
或立志不堅用心不切朝勤夕怠一曝十寒蒲團未
暖妄想昏沈開解放參交頭接耳威儀不檢細行不
修又怕人簡點如此參禪參到驢年夏驢年只成個

禿頭俗漢豈不孤負已靈虛消檀施唐喪充陰有何益哉古佛云制之一處無事不辦努力珍重下座示衆云參禪了生死了則度一切且道喚甚麼作生死又作麼生了莫是卜度公案是了生死麼擬守一槪是了生死麼學智機解是了生死麼好沒交涉真了生死的人如紅爐上一點雪相似始有少分相應其或未然切勿因循踴過試思量世間農民不憚寒暑竭三時之力欲其廬舍之完食飲之充而不可得吾輩坐享信施華居美食寧知王家之餘祿皆農民之汗血也又不思父母不供甘旨師長固自遠離敗

二

涉千里萬里親觀知識所圖何事若不真參力究以報四恩寸土滴水也難消各自鞭策努力珍重十一月十七日彌陀佛降誕日值冬至示衆印弁問陰制陽生請師宣明此理師云梅華心似鐵獨露一枝春進云妄消真現時如何師云一陽未復時薦取通云慈明和尚冬日榜示僧堂作此豔八押袖註曰若人識得不離四威儀中肯座見謂衆曰和尚今日放參廣壽云慈明祖揭榜僧堂黃河九曲直在其中肯座白衆譯梵爲華只得一半那一半作麼生你們不會請問阿彌陀佛且道阿彌陀佛卽今在甚麼處

其若不知山僧向第二門頭饒舌去也一念不生念念彌陀出現一塵不動塵塵極樂淨邦故經云心清淨卽佛出世又云心淨則佛土淨當知十萬億土初不外乎一心也聽取一偈會得箇中無量壽祖師公案已全呈慶生不涉陰陽句水鳥風柯念佛名除夕示衆云古者謂山中無曆日寒盡不知年今者居山預備做歲與羣居何異山僧雖不預備亦愧古人多矣茲者諸執事強山僧應箇時節臨時無一物可爲分歲記得現成一則公案總與諸人結般若緣去也今朝臘月三十日到來問老子要徵汝們飯錢

三

未審將何抵對一僧云小盡二十九大盡三十一僧云恭惟大王萬福一僧云從來不曾咬著一粒米一僧云今年雖也無一僧云昨日還了也一僧云心不負人面無慚色一僧展兩手示之觀此數轉語頗有衲僧氣格足以酬償然檢點將來猶欠息在其中有一轉語有權有實有照有用無得無失無欠無餘如有檢點得出許伊坐受人天供養其或未然五過五進一十

元旦祝聖云天得一以清地得一以寧君王得一天下貞衲僧得一公案現成現成公案如何舉一塵春

風祝聖人

示衆云說禪說道孤負佛祖論心論性埋沒己靈無言無說小乘枯禪流出胸襟急須吐卻縱展百千三昧到廣壽門下總用不著且道廣壽有甚麼長處一任諸人疑著

中津太守源長勝檀護求薦故考中散大夫慈源惠公請陞座僧問秋雨晴秋風清秋山空秋水明正與麼時如何是薦拔一句答云體露金風進云此莫是中散大夫轉身處麼答云露也進云只如孝子請和尚舉揚大法以報罔極之恩還有端的分也無

戒師

即非禪師全集卷三

四

答云子試道看進云恁麼則子流孫派日縣遠爲有豐源活水來師云放你三十棒乃云慈源居士在世之日持己也德爲政也仁繇素均感其恩澤大限忽臨冥然委順此以見其生平也茲當七七之辰孝子請山僧舉揚法要以薦賢靈然山僧口挂壁上一法也無猶恐孤負不免於無法中演法以慰孝誠乃豎拂云還委恁麼當下薦得超拔已竟其或不委再垂方便有生有滅水面漚花無去無來空中鳥跡正當恁麼時且道向甚麼處安身立命良久云五品位中畱不住無生國裏樂陶陶

薦養德院益翁居士師云養德院有一片無陰陽地蓋翁居士未出母胎時已承紹了也直至于今始爲安樂窩有孝女那須氏營壽修佛事請法爲津梁冀其乃翁靈性圓明高超淨域不歷祇劫頓證無生正與麼時如何是益翁轉身一句夢回噴嚏如雷吼觸破彌陀鼻半邊

薦男師云兵部太輔源長安居士天性良質精練家法退公之暇遵父祖庭訓崇信三寶以筆墨爲佛事日書普門品一卷兼以禪宴爲程課如此五十年若一日耳今春染微恙便有轉凡之念遽爾西生藉此

戒師

即非禪師全集卷三

五

平日信力般若力往生無疑然願力弘重還期應現耳老太守請法以資冥福聊說伽陀爲薦長安之德著著洋洋長安面目山高水長大悲願重應現他方晉現色身隨處津梁痘花暗結菩提果一度風來一度香

島村自雄信士薦考理白日脫居士師云古今無二道天下共一理理白則日日解脫道明則處處皆通其通也去來無礙其脫也生歿自在天上人間瀟灑慶快理白公靈會恁麼一回也未如會恁麼許汝明白會得救家極則道理更須知有祖師西來直指超

凡越聖的消息且作麼生是直指消息卓拄杖下座
薦夫師云夫生必有死聚當合離縱位極聖賢亦不
能免但凡聖與賢愚有等差耳若生無愧死無憾有
不灰者存道中其人歟今夏四月望後乃其大祥諱
辰乃內道傳求法語追薦愧山野無言可說只教伊
且自看生從何來死從何去者裏看得透便知道中
安身立命處抑曉得自己本地風光與安身立命之
處則生來死去全成一大解脫矣再聽一偈紅輪西
去又還東運始開時果在中信女齋僧求薦拔益孟
張嘴笑薰風

張嘴笑薰風

即非禪師全錄卷三

六

大堂林居士求薦故戚請對靈師迺云性秀性茂夫
妻偕老正信樂善優游一世壽考而終必也往往無
疑何用山僧超薦緣彼遺囑請山僧舉揚般若以助
冥福故不違本願作法施去也遂舉趙州和尚因僧
問未有世界早有此性世界壞時此性不壞如何是不
壞之性州云四大五蘊進云此是壞的如何是不
壞之性州云四大五蘊師云趙州寒潭徹底此僧徒
費撈摸若向徹底處明取不變不遷一著子便知天
地未分之先世界已壞之後於中無絲毫起滅無絲
毫榮悴但隨所作心應所知量故有生住異滅且隨

緣不變一句作麼生道時節不相饒乾坤常自在
源長真禮越薦德叟老居士請陞座僧問七七由來
四十九大海起舞崑崙走昔不會生今不亾一道神
光互宇宙只如遠州太守恭請和尚舉揚佛法如何
是薦拔德叟老居士底句師云不二門大啓爲接老
維摩進云盡大地總是和尚舌頭阿那箇是說法聽
法者師云崑崙走入海進云與麼則上無攀仰下絕
已躬去也師云劈破鏡慢頭進云飽卻毗耶翁則得
作麼生是蔭庇後昆一句師云臘雪播春風僧禮拜
師云還我薦拔前一句僧問訊云空王爲證明師云

即非禪師全錄卷三

即非禪師全錄卷三

七

放過一著僧問德叟老居士現今在什麼處安身立
命師云在山僧眉毛罅裏還見麼進云見了也師云
換卻汝眼睛僧禮退師迺云今日孝子源長真太守
請陞此座用薦尊嚴約祖師門下無啓口處然世諦
報恩凡聖共遵山僧可不曲垂方便俯順孝誠作法
檀二施等也遂豎拳云大衆委悉麼有去有來猶伸
拳握掌了生達死如著袴脫衫此德叟老居士早已
看破了也所以撩手之際屹挺霜崖結果收因如卸
落葉而况不違本誓從初地中示現元勳而佐治邦
國興隆三寶而護惜四生恩惠感在衆心功德播於

後世定生勝處無疑何用山僧爲薦雖然菩薩尚有隔陰之迷賢者寧無微細之惑微惑未盡莫證其極今也微惑既破令證其極直下與佛祖同源人天合轍隨處自在當處解脫正恁麼時如何是最後究竟的句以拂敲空云撥轉上頭關楔子闍浮兜率任翻身珊瑚擗月枝枝秀不愧靈山受記人下座

戊申上元謝院事上堂法雲問福海一場圓覺壽山萬古伽藍因甚有結有解師豎拂云是解是結進云恁麼則靈山一會儼然未散師云眼裏一枝花進云當時世尊三昧爲甚迦葉不知師云莫謗迦葉好進

云今日和尚三昧爲甚諸人總知師云莫謗自己好進云只如頂門別具摩醯眼和尚如何相接師云如何是頂門眼進云爍破佛祖面目師云腦後一槌自領出去雲禮拜云謝和尚證明師云更領一頓問欲識佛性義當觀時節因緣時節若至其理自彰正當恁麼時是何時節師云雪晴大地春進云恁麼則覲面相呈更無回互師云鶴子過新羅進云相識滿天下知心能幾人師云如何是知心一句進云今日親蒙和尚指示師云蹉過了也問廣壽第一關如何透師云脚下具眼始得進云如此則大道透長安師云

你卽今在關內在關外僧一喝師打云放過則不可迺云王臣檀護佛法山僧祖令全提領衆三載無愧始終飲水知源酬恩有地今也眉毛拆散光彩重重鼻孔透天全彰意氣但隨時節因緣恁麼去則卷舒自在隱顯自由覲面一關如何通透如透得路長安路路天下知心人有甚麼難其或未然觸途成滯更有最後向上一關還委恁麼世尊三昧迦葉不知迦葉三昧阿難不知互不相知遞代流傳至于今日只如山僧三昧諸人皆知爲甚彼此了無消息且道有流傳耶無流傳耶忽有箇漢出來道請和尚分付山

僧呵呵大笑展兩手示之大衆證明更聽一偈頂眼揭開新日月許伊是廣壽同流檀恩答罷無餘事客我聞從瑞鹿遊下座

小參

信士陳朝中新嗣請小參問水激月現有感必通請師瑞應麒麟兒師云張公喫酒李公醉進云恁麼則春色滿園關不住一枝紅杏出牆來師打云且惺惺乃云信是萬行功德母長養一切諸善根以之同屋頭春色以之植蔭涼大樹以之續照世明燈以之成諸佛子住以之撥轉如來法輪以之揭示衲僧巴鼻

如川赴海如月臨淵隨機應現莫不皆然只如本有一句如何着力雲裏掣開金鳳鎖棒頭點出玉麒麟劉躍哲居士薦嚴請對靈小叅問生是不生生成是不成只如了生成無面目漢子和尚作麼生超薦師云無影杖頭一點春進云燈籠側耳露柱點頭師云知恩方解報恩乃豎拂云燈籠側耳露柱點頭且道聞底聞箇甚麼說底是甚麼法法本無法說本無說無法無說說法如雨者裏薦得乃能慶快平生報恩資有了了分明其或未然再垂方便去也一靈覺性本然清淨至今古而不見其際窮十虛而不見其

邊天地依此覆載日月依此照臨世界依此成立萬物依此出生此即人人本來面目此即空王本地風光只貴自家信取自家領略徹下通上渾無凝滯以之行孝孝無不至以之酬德德莫不酬正恁麼時如何是獨脫超昇一句擲拂云赤腳踏翻生死海全機靠倒涅槃山

薦夫請小叅甚吉問今日性茂爲性秀請和尚演法未審何以超度師云業鏡臺前鬼放明進云且喜塵塵入正受去也師云黃泉路上好翻身吉作禮而退僧問雪花片片不落別處畢竟落在何處師云汝道

甚麼處進云無底籃子盛將來師云拈出無底籃子進云一段風光描不盡師云與汝三十棒問如何是無寒暑處師豎拂云向這裏薦取進云恁麼則禮拜退師云知落處始得一僧出禮拜即退師云三世諸佛到來也無開口處乃云觀色即空成大智故不墮生空觀空即色成大悲故不墮涅槃只如色空俱泯且道成箇甚麼苟能明此不但智悲無著處涅槃生亦等空花涅槃生亦既等空花父子夫妻皆同夢幻所以性秀善人年踰古稀不以子嗣介懷獨樂宿命可謂達矣客冬長揖人間怡然獨脫人笑其無累子

知其笑也必如維摩詰以柔順爲妻以智慧爲男誠實爲女日日團圓說無生話此之真眷屬非人間夢幻可比也惺惺不退固無疑如何是不墮凡聖一句劫外靈枝開獨秀石人夢破日三夏

獨立禪德出關小叅云梅峯破雪風竹敲窓觀聽分明未透聲色直須於見聞俱泯處踏翻路頭撥轉關根迴出威音前高超毗盧頂顯大機發大用建大法幢始與瞎驢氣分相投亦不虛幻寄活埋一番茲者千日期圓滿即且置作麼生是透關一句明星當午現梅嶽一枝春

小參師云融先道通縑素等追薦痘亡鳩造法華塔落成請山僧證明小參山僧久不說法亦無法可說不免舉些現成公案以副羣誠六祖云心迷法華轉心悟轉法華且道喚甚麼作法華又作麼生轉若向者兩句下透得寶塔隨處出現妙法時時宣傳不惟令一切見聞隨喜者開示悟入共證一乘抑令華嚴會上所度善財童子及法華會上所度八歲龍女當下領諸痘亡數千童男女一齊成佛去也正當恁麼時如何是超方一句大地生頭角觸破太虛空下座太原左兵衛爲薦故友盧君用翁允燕請小參師云

三

盧翁二君生平有逆風把舵截斷衆流之能今日且置一邊只如圓覺經云我今妄身四大合成當觀身中堅硬歸地潤溼歸水煖氣歸火動轉歸風四大各離今者妄身當在何處到者裏不知落處喚作迷頭認影不妨就此影子裏借路還家直下回光返照窮究妄源究到山窮水盡密移一步便是安身立命之處一任團圓頭共說無生話二位覺靈還委悉麼自是不歸歸便得五湖煙景有誰爭
肥前國佐賀郡弟子道零求薦父鍋島氏信濃守勝茂泰盛院澤圓良厚居士母岡部氏乾秀正貞彌人

夫神代氏闕介常利全榮子長門守常宜姐享歲妙貞設齋請小參師云龍泉聰禪師因僧問云今朝四月八天下叢林皆慶如來降誕未審如來向甚處降生泉於几上畫圓相示之師召大衆云若有會得者一團落處未出母胎度人已畢透脫死生是甚閑事其或未然恐達太子又向者團裏出生度諸有情勝茂信濃守暨五位覺靈亦向者團裏入滅承佛記新雖然此猶是建化門頭事若是出格丈夫超情離見別有生涯正當恁麼時把斷要津不通凡聖且道悉達太子及信濃守勝茂數位覺靈向甚處處安身立

三

命一把柳絲收不得和煙搭在玉欄干
素拂

福唐黃榮西堂寮素拂小參僧問如何是格外句師云雪裏埋金進云莫是雪窟家珍麼師云馬頭漫栽角進云爭奈落眼成翳師云未肯和沙賣與人進云只如大海爲墨須彌爲筆一畫下不得時如何師云文彩已露問箭鋒相拄卽不問單刀直入時如何師云我被汝看破僧作聽勢師云汝被我熱瞞進云了師云彼此不相饒試道一句看僧便轉身師云汝義墮了問安心不息時如何師云拈出安心看進云如

何了得生死師云問取翁仲去僧禮退師乃云堂裏老人命第二座秉拂也是憐兒不覺醜兩堂諸大德降尊就卑大似逼石女生兒不肯一介纔行自了未能敢向作家前說黃道白無乃負布鼓而過雷門今既推辭弗獲勉強從命不免將錯就錯翻轉古今窠臼奇言妙語拈過一邊熱喝痛棒送向他處焚三玄戈甲於二六峯頭碎五位鎗旗于三三潭畔行未行之令報莫報之恩及到天人衆前全無一點氣息然雖如是令不虛行卻舉些切要說話以副堂頭嚴命與諸兄弟遞相警策去也

古

見一鬼使來追僧告云某身充主事未暇修行乞容七日得否便云待爲白王若許七日後來不然須臾便至言訖不見至七日後復來覓其僧了不可得諸兄弟還委悉麼主事僧七日精進鬼使便摸素不着且道向甚麼處安身立命如有細素得出不孤生平撥脚騰風苟或一向顛頂正好痛自鞭策莫待鐵棒當頭噬臍無及忠言逆耳伏望垂慈

福唐黃檗首座寮秉拂陞座云拈出黃檗烏藤千聖魂飛膽落高懸雪峯古鏡野狐削蹟吞聲飽參尊宿有勞證明格外弟兄如何通信莫是默然良久麼豎

牽下喝麼縱展百千三昧到這裏總納敗闕設有沒面目漢別轉一機向無湊泊處伸出三頭六臂雙折烏藤打破古鏡亦未是衲僧本分如何是衲僧本分棒頭有眼明如日灼破菱花未照前

古

太和黃檗首座寮秉拂上堂僧問臨濟入門便喝德山入門便棒如何是臨濟意旨師云汝不是臨濟兒係進云如何是德山受用師一喝進云臨濟喝德山棒是同是別師云一串串過進云先聖後聖其揆一也師云汝在甚麼處見臨濟德山僧無語師云虛頭漢迺云十五日已前行到說不到十五日已後說到行不到正當十五日行說俱到猶是半提作麼生是全提列位既勘不出適來問話屬影響就舉汝問我臨濟入門便喝我答了便下一喝古云一喝全賓主照用一時分且道賓主照用在喝裏耶喝外耶或不裏不外耶者裏具得一隻眼臨濟德山結舌有分其或遲疑秉拂頭陀再垂方便去也又舉臨濟上堂次兩堂首座相見同時下喝僧問臨濟還有賓主句也無濟云賓主歷然復召衆曰要會臨濟賓主句問取兩堂二首座師云首座兩張嘴其一舌頭放光濟祖一箇鼻借兩竅出氣賓主句還他一對無孔鐵鎚

主中主須是古老錐始得頭陀恁麼舉似還極師堂
諸昆仲證明也無選佛迸開千手眼崑崙騎象點頭
回下座

播州道婆元正薦夫道立請秉拂上堂悅眾問龍象
雲集和尚說什麼法師云日午三夏進云若有人耳
聽如聲口說如啞又如何祇對師云石人反側僧便
喝師云口不會啞耳不會聾問如何是向上一路師
云向下問將來僧繞一市云步步踏著師云縱繞百
億須彌山到山僧門下總要喫棒在進云不是不是
師云如是如是問猛虎當路坐如何過得師云運身

在裏許進云畢竟向何處安身立命師云汝喪身失
命了也進云如某甲意竹密不妨流水過山高豈礙
白雲飛師云且莫念詩篇僧禮拜云謝和尚答話師
喝云虎頭虎尾一齊收問未開口已前請和尚開示
師云未登座時答汝了問願和尚開甘露門師云機
著源頭一滴水為霖為雨徧三千惟澈問昔大慧
觀圓悟悟命秉拂有元禪客出問眉間掛劍時如何
慧曰直透梵天圓悟忻然曰問得極好答得更奇今
請和尚別一轉語師云放下劍子進云固知和尚大
有超方之作師云切忌犯鋒鋒澈禮拜云昔日大慧

今日和尚師云被汝看破迺云聖壽上堂禾山打鼓
驚動妙高峯點頭雙鶴亭起舞直得有情無情同來
聽法十方龍象共作證明自愧慧淺德涼敢向河頭
賣水然師命不敢違勉赴來機遂舉禾山尼因灌谿
問如何是禾山境山云不露頂谿云如何是禾山主
山云非男女相谿乃喝云何不變去山云不是神不
是鬼變箇甚麼師云灌谿雖有本分鉗鎚爭奈禾山
是鍛過的真金了無異色茲者道婆元正落髮修行
頭腦與禾山相似惜乎參究不到他田地所以見有
男女有眷屬有菩提有涅槃若向非男女處一觀觀

破善提涅槃不消一捏到黃檗門下主山猶未肯點
頭正當恁麼時如何是獨脫一句龐公過去久矣有
煩眾師久立伏惟珍重

孝子祐竹等薦故考常有信士請秉拂上堂僧問如
何是佛師云頭頂五須彌進云如何是法師云口包
四大海進云如何是僧師云雙眸懸日月進云三毒
已蒙師指示向上一著如何趨向師打一棒云會取
佛法僧會一喝師云伶俐衲僧最難得齊雲問一法
若有毗盧墮在凡夫萬法若無普賢失其境界去此
二途請師超薦答云雲藏無縫襖進云恁麼則坐斷

真空妙有直登上品蓮華去也答云花繁不萌枝僧
禮拜而退師迴云生前無業累歎去快如仙當下信
得及不用哭蒼天其或未然再垂方便常有信士白
手起家惜土如金周人之急惟義是從鄉人稱為善
士也一旦無常乘時委順其孝子賢孫以父祖形容
不可見而其靈明不昧未嘗亡也三七之辰特進山
請法以薦其親是可謂能知孝道者耳予雖不敏承
堂頭老人委命勉副來誠伏惟諸聽常有五十八年
前之生也猶月映寒潭雖有有之有不有於有也五
十八年後之滅也如雲散長空則無無之無不無於

文選

四庫全書卷三

大

無也不無之無聖凡非滅不有之有來去非增正當
恁麼時如何是超空有證真常的消息頓明無相天
真佛休戀黃金鑄舊顏下座

立春秉拂小叅問答竟迴云今日立春承方丈老人
命第一座秉拂與大眾結般若緣有頌兩堂法昆仲
降尊證明應箇時節去也青帝笏頭點出無邊春色
達摩腳下重敷五葉一花復豎拂云且道祖師未西
來時還有者箇也無若道有有在甚麼處若道無爭
得者箇來若向箇裏覩得破一任開鑿人天眼口隨
處簇錦鋪紅其或未然不免隨渠流轉且作麼生是

不遷之句春風影裏乾坤大萬福堂中日月長

四庫全書卷三

左

即非禪師全錄卷之四

門人明洞性安性節明覺明幢全編

法語

示靈智禪人

向上一著直截承當操持久遠從古為難歷觀前輩
拌捨身命不顧危亾千里萬里求明師勝友與之決
擇大事動是三二十年徧試諸難乃至盡形壽辨不
退轉之心以願力所持窮劫不化亾古如一日者良
由根器猛利規度恢宏所以涵養煉磨造詣深遠一
發其用則光明盛大為人天之師表揭日月于昏衢

支那

即非禪師全錄卷之四

二

誠非苟然也于於般若緣種親宗學道一以古人
步履為標榜猛著精彩進進向前到撲不破處廓然
脫體透徹果能發揮靈智轉益未來庶幾不負最初
超方本志也

示曇瑞監寺

曇瑞禪人福州長樂陳氏子幼失怙恃與胞兄相依
一日伊兄秋試值鄉中有警逃入浙中壽印寺出家
行苦行二年精進無怠遇中不食夜禮願文天寒衣
單往處州乞緣路行失舟墮急流中隨波出沒二里
許意不散亂極力冥稱觀世音菩薩名號忽從覆出

遇官船得濟彼岸同舟文學兩人商客四人俱淹沒
而次獨子再生歸辭寺主欲別求出世師主曰不須
別去直指叅予難染為弟子隨予東渡執巾餅兩載
兼理院事一日自知精進不及於前大發猛省懷香
投五懇求開示因示之曰子出家便遇善知識可謂
受化有緣但志求大法之心未專且切耳果能以生
灰事大叅究向上十年二十年不異其心不改其志
如覆舟求出不悟不止庶不孤父母四重之恩亦不
負出家遇善知識之緣也勉之勉之

示唯仁禪人

支那

即非禪師全錄卷之四

二

履名山登福地穿叢林觀勝境今年南海明年五臺
後年徑山黃檗縱經塵沙劫歷微塵數梵刹叅禮諸
大知識總不出幻化門頭而非究竟真實處也古人
喚作迷頭認影汝今不妨就路還家苟能一步踏
幻海直登覺岸始得本來主人翁矣努力囑囑

示微玄禪人

吾觀從上佛祖無有不從行門中建立世出世間福
田功德今去古遠矣名字比丘率無慚愧一味養娘
三業不修宵念佛祖慈命利及將來乎微玄禪人生
長東方屢慕西竺典籍生難遣想發心慕刻書本藏

流通思與十方四衆同種般若勝緣共續佛祖慧命
藉此慧命永壽邦家如此爲僧大越於人多矣予聞
之不勝讚歎欲令徹玄竿頭更進一步向佛祖未出
母胎時一則公案一翻翻轉是名轉大法輪是名報
佛深恩努力勉旃

示勇學禪人

如何是臨濟禪曰青天轟霹靂若向者一句下會去
可以入凡入聖入一切國土度脫有情無諸惡礙但
切忌卜度卜度則又成智解也勇開黎勉之

示玄通禪人

子有志向上切勿向他人言語文字中求須向自己
心地上求子自己妄想是虛謬又將他人言語把作
實法會則是重增一重障礙耳佛言狂心不歇歇即
菩提勝淨明心本非外得果能如此放得下看得破
便是了事凡夫努力勉旃

示道模禪人

出家人以持戒爲根本禮誦作福爲助因恭禪辨道
爲正果如是操持參究十年廿年如不悟佛祖墮安
語矣努力努力

示性具禪人

本具性善如神種在地但有土處莫不有之若遇時
雨靡不發生今有緣遇善知識譬如智種含心地遇
澤悉皆萌將來必成妙果所謂佛種從緣起也

示夢覺禪人

若謂是夢覺者是誰若謂是覺因何有夢夢即覺覺
即夢猶未離夢覺夢所夢盡覺所覺空且道主人公
在甚麼處

示鐵牛禪人

鐵牛不怕獅子吼遇著勝熱婆羅門又作麼生這裏
透得過五十三人呼來搖櫓未爲分外其或未然過

示鐵崖禪人

好一座鐵崖純鋼鑄就不費鉗鎚雖然爭似黃金百
煉愈見光輝

示法雲上座

若論此事如金翅拍海直取龍吞始有衲僧氣息子
之機用頗以相當只是藏而不露待時而彰此便是
出人一頭地山僧忍俊不禁展起須彌祖拳觀面分
付子甘受之夏復何云咄咄

示萬拙禪人

一也不立萬從奚生竟巧不得拙自何來聖名凡號

支那

即非禪師全集卷四

三

支那

即非禪師全集卷四

四

總是虛聲描之狀之空中捉響

示愚居上座

岳爲衆山長海爲萬派宗蟬螟眉底坐吞卻太虛空
正恁麼時還客愚智也無咄咄

示崎主

夫參禪學道本爲透脫生死只貴當人具決定信發
勇猛心照徹身名世界泡幻無實把平日自己妄想
妄念惡知惡見盡底掀翻壁立千仞然後將佛祖一
節公案晝夜提撕眠食行坐無容走作今日也如是
明日也如是逗到麻紋結角處因地一聲豁然如雲

文部

丁巳年八月十五日

五

開日出卽此便是發明大事時也發明之後更須依
本分宗師爲解粘去縛方能了生脫死超凡越聖變
通自在如公到家家權在手堂上一呼堂下百諾大
開寶藏利濟無窮到此時節方知佛祖善知識不汝
欺也公其勉之

示鄭居士

鄉人鄭虎谿文學曾徧參曹谿長慶廬山徑山黃檗
諸大知識近來聖壽請益山野謂之曰若論此事非
語言之所能傳心思之所能及必須識得古人道的
如古德問秀才云百姓日用而不知不知個甚麼才

云不知道德云灼然不知山野曰古德暗指路頭秀
才舉步踏著無端被古德向腳跟下一錐直得至今
未點地在點與未點則且置畢竟喚甚麼作道士答
云和尚手中如意子山野曰如意是道麼士擬議山
野曰白雲萬里了也又曰末後一句始透重關若也
會得捉敗古德看破同袍一任孤峯頂上嘯月吟風
十字街頭和光納垢轉塵勞爲佛事現居士而說法
其或未然正好如晷日臨試官完卷時不可須臾忽
也居士勉之

示林居士

文部

即非禪師全集卷之四

六

齋戒信士惠林者瀚江林孝廉之堂弟也骨剛氣雄
質直慷慨每見事之不平無論可否或有可爲者卽
輕財捨命以當之人皆義之予不然曰此是血氣所
使非由道力發也將此血氣置在般若之上何患道
之不成義之不廣也血氣之盛譬如萬斛之舟正好
趁其時節乘風張帆便有瞬息千里之勢若也釘椿
搖櫓驢年得到彼岸也子能知時節趁因緣工上加
工切上加切忽然噴地一聲萬夫攔不住耳轉身向
上一路自有水和尙爲子道破毋容饒舌因予請益
聊書數語以發之

示島田崎生

若論向上一著了無別說貴在當人辨久遠鐵石心
身然此一著人人本具直下未能發明者如果仁之
在核未有浸入之功熏發之力所以枝葉花果皆隱
仁中未得發現也若遇善知識教其增培心地長養
善根靈苗頓發千枝萬葉即是收功結果之時也然
後發之爲道用著而爲經書列而爲綱常轉而爲事
業上可以事君親下可以撫百姓扶正除邪獎善罰
惡致功名於不朽證清淨於無爲皆承此一著恩力
受用也茲島田檀護治崎發政施仁明如止水不爲

一

即非禪師全錄卷四

七

事物所轉公事之餘直欲究明向上一著此非夙具
大根大器安能汲汲如是哉初夏間出卷一帙請益
開示予從直截根源處顯明開發倘于公私之暇著
實參究一旦豁然瞥地方信予言爲有據矣勉旃勉
旃

示林英士

林子熱也委稟俊秀幼讀書一覽輒通大義及長尤
工眞卿篆隸詩詞敦篤有乃父風長者莫不愛之丁
酉春值予東渡卓錫聖壽山中常來參謁請益予見
其心善下於般若若有夙緣每以向上語之其心領若

飲水爲今歲辛丑秋杪崎主邀之偕遊東武特來拜
別併乞數語佩奉因謂之曰若論此事如種樹一般
初培以厚土徐沃以清流及其成立長大受雨露之
恩飲日月之華然後聽其時節開花結實實既熟矣
或爲獻佛或爲進御或以待賓或資家用取之不竭
用之無窮世出世間不外于此子其勉之

示野山丹後守

五蘊山也人我山也涅槃山也一切聖凡出生入滅
未嘗不居於此山也若能坐斷此山全身是道則無
內無外無彼無此到怎麼田地便是超生脫死的時

一

即非禪師全錄卷四

八

節也終日事上御下了不相妨其或未然世間事逐
眼前過不覺老從頭上來

示范信士

信士范石甫者泉人也齋戒篤行善以影刻爲佛事
癸卯冬黃檗老人命造大士及十八羅漢祖師伽藍
像巧心妙手難可云喻瞻禮者莫不贊難希有一日
伸紙求開示因示之曰像之未成全佛是木及其成
也全本是佛佛不自佛從緣而成以類推之物物皆
佛所謂是心作佛是心是佛只如祖師云不是心不
是佛不是物且道是甚麼物向者裏下得一轉語是

真造佛石甫作禮三拜塞白還之

示超方信士

平等本際無聖無凡爲起一念不平等之見則聖凡分耳所以有佛有衆生有煩惱有菩提有六趣有六度若在當人分上在聖不增在凡不減無明卽佛性煩惱卽菩提無明煩惱喻水菩提佛性喻水迷則結爲冰悟則消爲水今子所問或云厭煩惱而求菩提斷無明而證佛性此是二乘見解何異離冰求水又云見性明道總屬妄想佛是何物而欲成之此是撥無外道猶如執水排水竝是邪見邪解非惟孤負佛

九

祖抑且孤負已靈如其利根上智向自家跟腳下確實見徹本源更無絲毫透漏方始辨得邪正不墮惡知惡見亦不起佛見法見截生滅流到休歇地乃爲真箇超方解脫之士也

示林大堂居士

易曰天道好善書曰聚德聚聲可見古之聖賢其不同于人者無非繼之者善而成之者性也山野于居士竊有取焉居士德性淳和踐履耿介與人無妄語凡一取一與莫不與義自持此誠閭邑之流聲鉅族之軌範也初年卽知歸命黃檗老人向上之志已云

篤矣殆與山野周旋十餘年肫肫以佛法從事朝夕在家炷香持誦于尊人墳墓四時八節致其孝思每時來寺中設供禱山亭以供遊覽施花園以廣山門倘非真實正信烏能一一不作鉢兩計耶世人務爲身家利便之私而居士惟知積善植福爲實則異日雲仍繼美高出門戶豈非合天道鬼神之心哉山野嘉居士之行書此以助向上一著當自勉旃

示法眞優婆塞

法眞雖處塵勞心常清淨鄉里咸爲起敬謂其在家杜多也弱冠不娶發願斷姪禱于大士求加被一夜

十

夢授陀羅尼咒一徧曰誦此不驗吾不名正法明覺而姪機頓寂妄念不生遂炷香觀想描寫大士相好極其莊嚴益神授也丙午孟春望奉持入山上山僧清供因鑒其誠爲之納供丈室乃問曰有箇無面目漢如何描邈法眞下語不契復謂之曰子之品行固佳但未發明心要心要不明露柱亦持戒也持戒獲福報生滅終是不了欲了生滅須明心要心要已明慧光戒光同日月拉輝可不勉旃

示那須氏豐夫人

佛言遇道人難道人遇矣與正信難正信具矣發菩

提心難善提心發矣全在時時栽培而保護之否則無增長之日矣保護之功須仁澤灌漑慧日照臨要以照潤及時方能濟若雨多則爛日多則焦雨暘均則根日固樹日長心花發現福果圓明然後可以利濟一切覆蔭大方如此可謂功成矣努力努力

示元榮

修行在乎觀心植福在乎萬行觀心以參禪為最萬行以供眾為先參禪須是上根器植福還他大福人汝於二者兼而有之可謂大心善提耳然雖如是人天福報則不無超凡入聖尚遠在參禪植福若不悟

明佛慧則禪定萬行亦化為福福是有漏之因福報亦有盡時第欲免三途超三界藉福為進道之資直須悟明佛慧乃可經云供養百千辟支佛不如供養一無心道人且道辟支佛有何過道人有何長者裏開得一隻眼是真參禪是真供養其或未然莫道不疑

示在原優婆姨

末世修行信得此事及者如披沙揀金非曰全無益亦鮮矣邇築州有貴種正信女丈夫在原氏歸向三寶旦夕禪誦雖居華室樂遠離行惟欲究明一著于

為未來際金剛種子此皆從風生般若中來志可嘉也戊申夏特託梵禪遠來叅謁代請上堂法語為進道之資恰值山僧退閒不能如命恐孤遠誠乃書數語以示之曰智度菩薩母客受一切法然此一切法在聖不增在凡不減在難不遠在易不近在失不無在得不有亙古亙今無欠無剩只為歷劫久遠被習染所移纖毫不透狼籍三千致令真淨法身變作業質清淨妙土化為六塵若能回光返照勿捨寸陰叅取趙州萬法歸一一歸何處忽朝覲破則從前六塵業質猶百川歸海融成一味耳到此時佈方知步步

極樂念念觀音縱橫自在無得不得然後隨緣助宜王化福利斯民豈特嗣續慧命而已哉要養一偈此事猶如沙裏金工夫不到總難尋頂門突出金剛眼照徹婆娑三世心

示宗機信士

阿那律陀尊者此云如意乃白飯王子也過去世以一飯施辟支佛感九十一劫受如意樂增一阿含經云佛在給孤園為眾說法律陀於中眠睡佛說偈訖日咄咄何為睡羸蜘蛛蛤類一睡一千年不聞佛名字律陀於是涕泣自責至七日夜禪定不眠因失雙

目及得天眼通觀大千界如掌中果可謂旋見循元
斯證第一矣茲集前宗朴居士乃正信之士也壯年
亦失兩目雖感果不同則佛性無異今能作種種好
事入山齋僧此一飯之施功超等等耳倘更能回光
返照將父母未生前本來面目一何六時參究以悟
爲期忽朝暫地如久處晦冥忽覩天日豈不覺快平
生然後可與阿那律陀把手共行於末運中作太
事利益有情庶不虛來閻浮一上矣宗朴不憚數日
途程特來請上堂值山僧退關不能如命臨宗朴之
誠略引教家方便以示若論達磨極則待宗朴頂明

眼開再通消息

示夢堂上座

夢堂覺上座相從有年今秋值山僧謝院事退開回
聖壽山上座夜行六十里接予至圓通信宿繙素盡
禮可謂誠敬矣及到崇福又來省候併呈偈頌二冊
請益予閱之大都不錯只是竿頭邊事更須退步始
得復示之曰唐宋禪道大盛之時天下明眼知識甚
多學道衲子不憚千里萬里到處參扣如機緣契合
遂得印可故悟道者不落邪見以後知識無眼學者
瓜印自肩所以不墮生滅則落空見甚至撥無因果

墮落外道其或悟心未徹纔見影響便得少爲足說
時似悟對境還迷如此之人皆未得明眼宗師勘驗
故致如是故古德云不是無禪只是無師耳上座有
志大事爲法情深倘退步踏倒利竿則大覺之法道
常存濟祖之慧命有賴矣努力珍重

示光巨上座

中秋前山僧有未了因緣到崎道經肥前光巨上座
領弟子輩于數十里外相迎到上刹安歇禮數甚懇
入門見其叢林清潔大衆整肅效唐規矩朝夕禪誦
所來瞻禮者皆生難遭之想此皆上座願力所持也

支那

支那

志

及予到崇福又不憚跋涉遠來省候可謂誠愈篤義
至高也臨別懷香來求法名請益因謂之曰欲得梅
花香撲鼻還須徹骨幾番寒臘屬

示慶存長老

余返錫崇福三嶽存上座領諸弟子迎于三十里外
具威儀向前作禮甚恭予見其精誠端懇謂左右曰
此本色住山僧也遂應其齋上座乃嘆曰我輩不見
唐國知識將四百年矣今日幸法駕光臨得與瞻禮
豈非夙緣耶敢求開示一言半句爲金剛種子山僧
因語之曰十能持此難遭希有之心以明佛祖之道

不惟數百年前之開山面目猶在抑今日承檀越之供養則福有攸歸矣子其勉之

示大眾

當此像季身服田衣宿生善因極不容易須要念德修德知恩報恩但以淡究死生爲第一件大事不圖名不苟利除人我見蕩生滅心大小和睦內外恭敬有善相贊有過相規惟道是務勿管是非此謂之聖賢之聚會不然滴水粒米無非鐵丸銅汁可不畏與當共勉之

示實歸禪人

支那

印非禪師全錄卷四

五

世有虛頭禪見他人病極善開導或云一切放下莫著於病或云四大本空病將安寄及自家熱病到來一毫主宰都做不得依舊空不去放不下汝今始知放下須明取本空始得本空若明始會得安樂法努力勉旃

示曉覺禪人

戒以防閒定以攝亂慧以破惑三學全提障盡心空如夢忽覺此修行綱領也索我開示書以勉努力努力

示用方禪人

用方在廣壽爲殿主三載過午不食夜不眠席捲完之餘發心刺血寫三千諸佛名號一字一拜伏此殊勛祈答四恩不一月拜寫已畢予嘉其誠乃謂之曰行既整飭理要頓明理若不明終歸虛妄事理雙備成佛之階子其勉之

示病僧

病有多種或風障或現障皆因少持律故也所以平日參究讀誦要除風現障今障不能除非經書公案不靈驗益由學之不精參之不力信之不至也汝能一念迴機不惟病魔自退而道從此入矣所謂病是

支那

印非禪師全錄卷四

六

衆生良藥不其然乎猛省勉旃

示覺珠禪尼

一切家緣兒女緣內外緣既盡情放下直教胸中空蕩蕩單單提箇念佛的是誰重下疑情如空中撒子疑來疑去疑到銀山鐵壁處從新勇猛奮發精彩如此用心久久不退忽然迸出本來面目便是超凡越聖的消息也勉之

示性空院道婆

肥前州性空院道婆松陰求薦長男覺智宗本十七年忌辰特命端使入山設齋請上堂用嚴冥福正值

山僧養病退閒不能應因再求法語乃示之曰行一善斷一惡行十善超五濁覺智宗本居士曾修衆善早超極樂何用山僧爲薦雖然不因樵子引爭到葛洪家再聽一偈顛倒想生生夙續顛倒想滅誰生佛六凡泯處涅槃空元霄月現寶池中

示因旛守

大村因旛守居士請益因謂之曰烏窠禪師示白侍郎云諸惡莫作衆善奉行然依此修持不失爲君子亦得人天福報但未能入得佛祖堂闔須知當人分上有不屬善不屬惡不屬名言不屬指擬一著子輝

天鑑

即非禪師全錄

七

天鑑地耀古騰今倘於此處著得隻眼踏斷善惡兩途踢翻凡聖窠臼便是入堂闔時節然後大坐當軒治政施仁無不合道果能直下承當白翁讚歎有分

示曇瑞佞上座最後語

山僧于丁酉春應崇福諸檀越請吾徒侍杖跋涉萬里同來時雖年紀未高爲人淳篤頗有老成氣象監院六年寬心處衆內外圓融明因識果甚愜衆意癸卯秋山僧省觀黃檗老人吾徒隨侍上京暫將院事交化林子掌管甲辰秋山僧擬再回崇福道經豐前州緣遇小笠原老太守乘大願力勤畱卓錫爲國開

法蒙上意允許隨開山廣壽吾徒時領都寺兼衣益之職井井有條人所嘉歎越三載歲在丁未冬不幸豐君仙逝山僧隨散衆閉門靜守次年戊申秋直退閒本山崇福獨捐衣益資特造黃檗本師老人壽髮塔一座吾徒亦發心捐衣益資造菴一所看守壽塔以時洒掃可謂道義兩盡時闕監寺舊唐諸檀越屢白山僧公舉吾徒吾徒再三告辭舉之益堅方乃從命隨稟崎主再任寺事值年來常住淡薄緣事不廣吾徒爲法爲山門栽補樹木修破整敝任勞任怨力守如常叢林頗有可觀山僧自東渡以來兩坐道場

天鑑

即非禪師全錄

七

甚得吾徒一臂之力此緇素咸知匪山僧私意屬子也今也欲往他方行腳無以答吾徒服勞惟望各自努力以道靜守爲法自重切勿自輕徒衆有道誼可作行爲常住者畱數人共守若躲懶偷閑不守戒律不義不法登時遣出免得虛消信施退人信心玷辱山門敗壞僧風前所云云當力行之不依吾訓匪吾徒也至囑至囑前表信一柄與吾徒密藏操履俟數年後拈出居山勿得輕露佛祖慧命非同小可又囑

示翠峰上座

棒頭傾旨喝下明宗早已遲了八刻說箇乾坤大地

常露現前何異白日證明若是本邑衲僧當知別有生涯方可少分相應肥前翠峰上座從吾淹矣只爲從前難毒入心所以獨處不無蹇滯之患及山僧退閒聖壽再來掛錫見汝稍覺痛痒室中緊下鍼雖近來警地方知山僧用處未嘗欺人寧匪佛法靈驗歟茲吾欲唱還鄉曲子因付一枝以表遠別之信到者裏更須知慚愧始得古德尙恐離師太早未盡要妙何況於叔世乎汝只向水邊林下韜晦形影三二十年使腳跟練熟自然脫落今時乃是報不報之恩也至屬至囑

洪武

即非禪師全錄卷之四

七

示光巨上座

若論此事如千日竝照無一點翳障縱向未舉以前凝欲會取早已被片雲遮了何況說明說暗自纏無繩之縛耶肥前光巨上座天性牢實修行有年嘗來廣壽參見尋兩掛搭崇福山僧見他於葛藤露布上作活計每痛下鉗鎚當時不能領荷晝三夜三夜夜希光近到岩頭所謂從自己胸襟流出一一盃天盃地處忽然撞著路頭乃呈偈語山僧劈頭便棒未嘗輕易放過茲山僧將圖行腳因付一枝以爲表信汝切須自認自重不可敢輕開口只可靜地持提勉息

長養或十年二十年待時行化其必到路頭盡處徹頭徹尾寧匪成就本分事業者哉囑囑

洪武

即非禪師全錄卷之四

三

卽非禪師全錄卷之五

門人明洞性安性節明覺明幢全編

舉古

舉世尊初生乃一手指天一手指地周行七步目顧四方二天上下天下惟吾獨尊雲門云我當時若見一棒打殺與狗子喫貴圖天下太平

師云世尊出世攪動乾坤雲門行棒無活人劍我當時若見亦不用如之若何但進云未出孌胎畧較些子突出頭來堪作何用縱鐵鑄面皮也須裂下還知山僧爲人處麼撥轉無爲化追回太古風

舉世尊陞座衆纔集定迦葉白權云世尊說法竟世尊便下座

師云世尊要豎葛藤椿不合隨人起倒迦葉欲直截根苗那知早生枝葉惹得後代兒孫牽枝引蔓山僧恁麼道亦是郎當不少喝一喝

舉世尊云吾有正法眼藏涅槃妙心付囑摩訶迦葉廣令傳授天如云今日不肯兒孫要問黃面老子者兩件物從那裏得來

師云若論者兩件物威音以前漏逗了也更問從那裏得來將謂忘卻

舉世尊在霧山會上說法有五百比丘得四禪定具五神通未得法忍以宿命通各各自見過去世時欲害父母及諸重罪於自心內各各懷疑於甚淺法不能證入是時文殊知衆疑怖承佛神力遂手握利劍持逼如來世尊乃謂文殊曰住住不應作逆勿得害吾吾必被害爲善被害文殊師利爾從本已來無有我人但以內心見有我人內心起時我必被害卽名爲害於是五百比丘自悟本心如夢如幻於夢幻中無有我人乃至能生所生父母於是五百比丘同聲說偈讚文殊曰文殊大智士深達法源底自手握利

劍持逼如來身如劍佛亦爾一相無有二無相無所生是中云何弑

師云文殊握金剛王寶劍欲剖如來心胸何異空中釘橛五百比丘悟得無有我人也是夢裏渡河舉世尊因廣額旃陀羅日殺千羊一日至佛所颺下屠刀云我是千佛一數世尊云如是如是

師云世尊大開爐鑪鎔屠刀爲彈子換卻旃陀羅眼睛若逢乞眼人未審全肯放下否

舉世尊往忉利天爲聖母說法優填王思佛命匠人雕栴檀像及至世尊下來像亦出迎

師云木底金鳥天上日眼中瞳子面前人

舉世尊般涅槃已迦葉後至櫛示雙趺後來無學範示衆云大衆霧山百萬惟迦葉獨紹祖位誠不忝矣何故爲他親見黃面老子腳跟來

師云無準老漢也是扶強抑弱覲面欺人若論瞿曇腳跟阿誰不見殊不知飲光曾摸著瞿曇腳跟來大衆還會摸著也未如未且向自己腳跟摸摸看縱摸不著也摸著自己腳跟

舉城東老姥與佛同生不欲見佛每見佛來即便回避雖然如是回顧東西總皆是佛遂以手掩面於十

指中亦總是佛

師云將謂老婆眼光灼破四天下元來病眼見空花以手掩面重加一重翳膜若能回光返照豈不丈夫

舉維摩詰居士令諸大菩薩各說不二法門時三十二菩薩皆以二見有爲無爲眞諦俗諦合爲一見爲不二法門然後問文殊殊云如我意者於一切法無言無說無示無識離諸問答是爲入不二法門殊復謂維摩曰我等各自說已仁者當說何等是菩薩入不二法門維摩默然

師云維摩病多諸藥性徹底老婆心末後被文殊

翻轉藥頭直得佛病祖病衆生病一時掃蹤滅跡舉達磨大師因梁武帝問如何是聖諦第一義磨云廓然無聖帝云對朕者誰摩不識

師云梁帝逢而不逢初祖識而不識子細觀來兩兩無面目漢會得廓然聖惟我獨尊

舉布俗和尚以破布一塊裹乾菌橄逢人則拈起云兜率陀天底兜率陀天底耶耶云慈氏菩薩徑山云牢收取

師云鄉那鑊棄作梅檀徑山巖棄作香俗擬欲竝

芳兜率誰知遺臭婆娑是山僧見他拈起攫來爲口擲管取嗽口三生免致彼此向菌橄裏作活計舉馬祖大師因洪州廉使問云弟子喫酒肉的是不喫的是祖云喫的是中丞祿不喫是中丞福廉使歡喜禮謝而退

師云馬大師玉解連環則不無要且未會斬釘截鐵致彼廉使半吞半吐或問山僧喫的是不喫的是向他道拗轉舌頭看他向何處啗啄

舉大珠和尚因法明問阿彌陀佛有父母及姓否殊曰阿彌陀佛姓憍尸迦父名月上母名殊勝妙顏明

日出何教大珠日出鼓音王經法明禮謝讚歎而退
師云法明所問的是序分大珠所答的是流通分
且道正宗分在甚麼處依經解義三世佛究離經
一字如同魔說

舉徑山國一禪師因官人問云傳舍有二使郵吏爲
到一羊二使聞之一人救一人不救罪福異之乎國
一曰救者慈悲不救者解脫

師云徑山將無縫鎖兩頭掣開不妨好手譬知無
柄匙子在馬相公庫裏

舉長沙和尚因僧問作麼生轉得山河大地歸自己

去沙云作麼生轉得自己歸山河大地去

師云收來放去萬古如今不憎眉毛平分八字作
麼生轉得山河大地歸自己去千峰勢倒岳邊止
作麼生轉得自己歸山河大地去一葉落兮天下

秋

舉南泉因陸巨大夫問云弟子家中有片石亦會坐
亦會臥如今擬鑄作佛還得否泉云得巨云莫不得
否泉云不得

師云王老師可乎不可乎不可何如無可無不
可

舉趙州因一秀才問云佛不違衆生願然否州曰然
才云弟子要乞和尚手中拄杖子州云君子不奪人
所好才云某甲非君子州曰老僧亦不是佛
師云臨機應變各各有計謀之策各各有隱身之
術至于收放自如須讓趙州獸步

舉瀉山示衆云老僧百年後向山下作頭水牯牛左
脇書五字曰瀉山僧某甲此時喚作瀉山僧又是水
牯牛喚作水牯牛又是瀉山僧喚作甚麼即得

師云瀉山計窮力極擬向異類中躲跟猶未是好
漢當時若遇山僧直于面前作此相云咩咩咩

教一不成兩不是

舉臨濟上堂云有一人論劫在途中不離家舍有一
人離家舍不在途中那個合受人天供養便下座

師云知賢養賢烏可不重只爲天寒日短兩人共
一碗喫了各與艸鞋一雙

舉曹山因僧問學人抱璞投師請師雕琢山曰不雕
琢僧曰爲甚不雕琢山曰須知曹山好手

師云者僧朴外虛中終成美器若不遇曹山幾喪
淳矣

舉仰山夢往彌勒內院居第二座有一尊者白椎云

今當第二座說法仰起白椎云摩訶衍法離四句絕百非諦聽諸聽一衆散去次日舉似爲山山云子不久入聖位

師云仰山登夢位說夢法槌醒夢中微塵數聖衆可謂不虛小釋迦之名雖然落二落三了也若向一尊者舉槌時便醒卽佛祖不能識誰敢強安名舉仰山一日見梵僧來衆山於地上畫半月相小之僧近前添作圓相以腳抹卻山展兩手僧拂袖騰空而去

師云人間月半天上月圓仰山早已勘破梵僧矣

而梵僧欲與仰山月落後相見不貪香餌味真是碧潭龍

舉大隨因僧問劫火洞然大千俱壞未審者個壞不壞隨曰壞僧曰恁麼則隨他去隨曰隨他去僧又問龍濟濟曰不壞僧曰爲甚不壞濟曰爲同大千

師喚大衆壞與不壞卽且置者箇畢竟是箇甚麼若也會得火燒不著木打不湮風吹不入其或未然急須照顧性命好

舉雪峰因三聖問透網金鱗以何爲食峰曰待汝出網來卻向汝道聖云一千五百人善知識話頭也不

誠峰云老僧住持事繁

師云破網金鱗不解取氣悶殺人待問以何爲食便與本分草料豈不彼此慶快可惜淹他齋甕裏徒留話柄落人間

舉玄沙因光上座曰師叔若學得禪某甲打鐵船下海去沙出世後令人問光打鐵船也未

師云玄沙滴水也無能鼓滔天之浪光公大海出沒卻向陸地行舟檢點將來各與痛棒何也一人先行不到一人末後太過

舉玄沙到莆田衆以百戲迎之次日問小塘長老許

多喧鬧向甚處去小塘提起袈裟角示之沙云料掉沒交涉

師云玄沙搬弄神頭鬼臉以爲奇特若不是小塘半幅袈裟角遮羞無地

舉雲門因僧問如何是直截一路門云主山後僧云謝師指示門云合取皮侖無準云雲門大師是則是直截未免翻成迂曲徑山則不然或問如何是直截一路案山前若言謝師指示向他道一任東行西行

師云好直截一路被主山案山礙卻路頭令者僧至今轉動不得山僧路見不平爲伊撥開去也遂

拈拄杖下座一齊打散

舉太原孚問鼓山云父母未生時鼻孔在甚麼處山云即今生也鼻孔在甚麼處孚不問乃云你問我與你答山云父母未生時鼻孔在甚麼處孚乃搖扇而已

師云我若作鼓山見孚搖扇但云是則是只許你見得父母未生時半邊鼻孔要見完全更參三

十年
舉法眼因僧慧超問如何是佛眼云汝是慧超僧於是悟入

法眼

即非禪師全集卷五

九

師云快人一言快馬一鞭者僧悟去固是知恩所謂稿將不如激將也

舉昔有道士在殿前背佛而坐殿主云道流莫背佛好士云大德佛身充滿於法界教我向甚麼處坐

師云看者黃冠卻有衲僧氣息只是貪前失後理

上偏枯使我得見直搜向屎坑非惟知我法苑中

有人要渠識取充滿佛身

舉慈明和尚冬日煖示僧堂前作此○三三六調軸相注

白若人識得不離四威儀中首座見謂衆曰和尚今日放參

師云璞玉無瑕雕文喪德慈明老人未免傷鋒犯手首座雖善琢磨豈知刀刀相似魚魯參差喝

舉白雲端和尚謂五祖曰有一事老兄還知麼祖曰不知有什麼事端云近有數禪客自廬山來問他也有箇悟處教他說也說得頌也頌得批判也批判得只是未在五祖間得七十七夜不成肚腸無準云白雲和尚用盡自己心笑破他人人口乳峰這裏亦有一件事不得不說與諸人近日亦有數禪客自諸方來問他也無悟處教他說也說不得頌也頌不得批判

乳峰

即非禪師全集卷五

十

也批判不得雖然如是乳峰許他是箇千了百當底人諸人聞得亦不用疑著何故南天台北五臺

師云一人把住一人放行檢點將來一得一失山

僧別資一路舉似大眾近日亦有數百禪客從六

十六州來山僧也不問他悟也不教他說也不教

他頌也不教他批判未跨門來一齊看破了也有

人聞得讚歎不少且道與二大老相去幾何青山

不鎖長飛勢滄海合知來處高

舉五祖廣問僧倩女離魂那個是真的僧問答

師云僧既顙預祖亦莽鹵如何是不莽鹵越出大

虫吞卻虎

舉玉泉皓禪師因內翰東坡居士易微服往謁泉見便問尊官高姓坡云姓秤泉云是甚麼秤坡云是秤天下長老的秤泉震聲一喝云且道重多少坡無對師云東坡握權衡於掌內固其所長爭知鉤頭有準秤尾無星玉泉通身是一面古鏡明於鑑往知來不合上他直鉤幸東坡提持不起救得一半如何是那一半鉤在不疑之地

舉宋太宗皇帝托起寶蓋問丞相王隨曰既是大庾嶺頭提不起爲甚在朕手裏隨無對

文庫

即非禪師全錄卷五

十

師云宋帝不念佛祖付囑掀翻驚嶺家風丞相舌頭雖不拄天腳跟穩踏實地但轉身一路似欠所長當時聽上道了便對曰萬里山河歸有道豈不君臣際會道合古今

舉張橫渠曰以天地觀萬物則萬物爲物以道觀天地則天地亦萬物

師云既成九仞之山不進一簣之土何不道返觀其道道是何物

舉昔有一菴主受婆子供養嘗令二八女子送飯給侍一日今女子抱定云正當恁時如何主曰枯木

倚寒巖三冬無暖氣女子舉似婆婆曰我二十年只供養個俗漢遂遣出燒卻菴

師云菴主種種孤高惜乎氣味不辣致使者婆子露手露腳叢林中往往商量於女子抱定處劈面一掌或豎一指或下一喝或云少賣弄或云疑則別衆或云脫下褲子如斯等見蒼天蒼天若是山僧待他抱住云正當恁時如何向他道扁舟已過洞庭湖不惟勘破婆子抑且具衲僧眼雖然雖如是諸人還識得燒菴出菴的落處麼驅耕手段重拈出枯木花開別是春

文庫

即非禪師全錄卷五

十

拈古

舉世尊陞座衆纔集文殊白椎云諦觀法王法王法如是世尊便下座

拈云世尊陞座常堂據令文殊白椎因邪打正是則是矣未免傍觀者哂

舉世尊九十日在忉利天爲母說法及辭天界下時四衆八部俱往空界迎有蓮花色比丘尼作念云我是尼身必居大僧後見佛不如用神力變作轉輪聖王于子圍繞最初見佛果滿其願世尊纔見乃呵云蓮花色比丘尼何得越大僧見吾汝雖見吾色身且

不見吾法身須菩提巖中宴坐卻見吾法身

拈云蓮花色比丘尼雖有先鋒且無殿後若有殿後敢保世尊眉毛泊合打失

舉阿育王其一七歲沙彌至於屏處爲沙彌作禮竟云慎莫與人說我禮拜汝沙彌見面前有一澡餅遂躍入復踊出語王曰慎勿與人說我躍入餅中復踊出王曰早箇說了

拈云阿育王把無線底傀儡僻處拈弄好一場曲調大似蹉過知音小沙彌將餅子作浴盆潛身洗濯雖神用不易爭奈被王看破山僧當時若見腦

後各與一椎何故明人不作暗事

舉佛陀波利尊者遊臺山到忻州達一老人問云向甚處去尊者答云臺山禮文殊去老人云大德見文殊還識不尊者無對

拈云尊者大似捨邇求遠貴耳賤目當時見老人問了便與作禮管取慙惶無地

舉誌公傳語思大云何不下山教化衆生目視雲漢作麼思大云三世諸佛被我一口吞卻更有甚麼衆生可化

拈云一人在關市口舌頭拖地一人在孤峰頂眼

光射天放過一著彼此作家簡點將來二俱不了據山僧所見者兩尊宿合當縛作一束送在大洋海底不爲分外何故免致割截虛空惑亂人家男女

舉南泉願禪師因普請次乃問維那作甚麼那云拽磨師云不得動著中心樹子那無對

拈云堂頭相借問時樹子便動了爭怪得維那惜平當時不解拈卻似爲蹉過山僧今日與汝們撥轉通天一撥汝們還知麼

舉曇藏和尚一夜在菴中經行值羣盜至藏乃從容

語盜曰茅舍有可意物一任將去終無所吝盜感其言稽首而散

拈云赤眉元不打貧家

舉曇藏和尚一日見有大蟒至菴身長數丈大張口牙毒氣熾然侍者請避藏云汝可逃乎彼以毒來我以慈受毒無實性激發則強慈苟無緣冤親一揆言訖其蟒按首徐行倏然不見

拈云曇藏觀身如幻觀惡如化侍者請避早被一口諸兄弟識此蟒麼龍得水時增意氣還識曇藏麼象當行處絕狐蹤

即非禪師全錄 卷五

舉黃檗運禪師在鹽官佛殿上禮拜次時大中帝爲沙彌乃問不著佛求不著法求不著僧求長老禮拜當何所求師云不著佛求不著法求不著僧求常禮如是事彌云用禮何爲師便與一掌彌云太蠢生師云這裏是甚麼所在說盡說細隨後又掌

拈云直下兩掌黃檗連根苦逆來順受甜瓜徹蒂甜若也會得兩掌自然坐享太平

舉黃檗運禪師因楚相國捧一尊像於前胡跪云請師安名師喚云裴休休應諾師云與汝安名竟休作禮而退

文選

即非禪師金錄

左

拈云黃檗錯安名字裴休認奴作郎明眼衲僧畢竟喚作甚麼

舉趙州問老婆甚處去曰偷趙州笋去師云忽遇趙州時作麼生婆便掌師休去

拈云趙州放行易招口款難獲真賊老婆勘破賊是小人智過君子

舉趙州因僧問學人乍入叢林乞師指示師云喫粥也未僧云喫了師云洗盥盥去其僧因此契悟

拈云趙州指示因風吹火者僧契悟灰裏豆爆諸人平日展盥洗盥因其不悟且道得失在什麼處

未到盡驚山險峻曾來方識路高低

舉德山和尚一日因飯遲自托盂至齋堂前遇雪峯云鐘未鳴鼓未響托盂向甚麼處去山便回方丈雪峯舉似巖頭頭云者老漢未曾末後句在山間得遂呼巖頭云汝不肖老僧麼巖頭密啟其意次日德山上堂果與尋常不同巖頭云且喜老漢未曾末後句

拈云雪峯撥轉天關巖頭掀翻地軸二人雖竭忠盡孝只扶得德山末後句如何是末後句任從滄海變終不爲君通

舉德山垂示云我先祖見處卽不然這裏無佛無祖

文選

即非禪師金錄

六

達磨是老臊胡釋迦是乾屎橛文殊普賢是擔簦漢等覺妙覺是破執凡夫菩提涅槃是繫驢橛十二分教是鬼神簿拭瘡疣紙四果三賢初心十地是守古塚鬼自救不了

拈云千鈞之弩不爲賊鼠發機所謂顯揚格外事須還過量人德山披肝瀝膽爲上根人抽釘拔楔還有知恩解報者麼請出與山僧相見

舉古者道護生須是殺殺盡始安居會得其中意鐵船水上浮圓悟云且道殺個甚麼殺衆生物命凡夫見解殺六賊煩惱座主見解殺佛殺祖大闢提人見

解神僧分上畢竟殺個甚麼試定當看

拈云圓悟割露全機未免自傷已命若論衲僧分上直得無下手處諸兄弟會麼道泰不傳天子令將軍塞外絕烟塵

舉夾山因僧問承和尚有言二十年住此山未曾著宗門中事是不師曰是僧便掀倒禪林師便休去至明日普請掘一阮召僧至曰老僧二十年只說無義語便請上座打殺老僧埋向此中不然主座自著打殺埋向此中始得其僧歸堂束裝潛去

拈云者僧展摧山手段天然遇別惜乎只得其大

用未得其大機夾山設陷虎阮穿太殺尋常雖有人地之謀且無衝天之略若是山僧又且不然當時見這僧掀倒禪林即連棒趁出不惟有意氣時重添意氣抑且不風流處轉見風流

舉洞山禪師因僧問寒暑到來如何迴避師云何不向無寒暑處迴避僧云如何是無寒暑處師云寒時寒殺開黎熱時熱殺開黎

拈云冰不自寒火不自熱於此薦去勘破洞山其或未然便有寒暑促君壽鬼神如君福

舉仰山住東平時為山附書并鏡一面至師陞座乃

提鏡示眾云大衆且道是為山鏡東平鏡若道是東平鏡又是為山寄來若道是為山鏡又在東平手裏道得則存取道不得則打破如是三舉衆皆無對師乃撲破

拈云山僧當時若在會中便拈轉與東平照照看看他面皮厚多少

舉長慶禪師云路逢道伴交肩過一生參學事畢

拈云長慶將謂道伴多少奇特殊不知被渠賺過一生山僧則不然路逢道伴交肩過更買鞋行

鄉

舉修山主示眾云具足凡夫法凡夫不知具足聖人法聖人不會聖人若會即是凡夫凡夫若知即同聖人此語具一理二義若人辨得不妨於佛法中有個入處若辨不得莫道不疑

拈云修山主只管私通車馬誰知官不容鍼那時忽遇沒面目漢出來把斷要津不通凡聖修山主又作麼生

神宴國師示眾云鼓山門下不得咳嗽時有僧便咳嗽一棒師云作麼僧云傷風師云傷風即得古德云雷聲浩大雨點全無

非但一分已也

拈云祖庭秋魁佛法下衰抱病者流填門塞戶者
僧若不是鼓山以毒攻毒幾乎喪身失命諸兄弟
還識鼓山麼解用不須霜利劍延齡何必九還丹
舉石門聰禪師示衆云十五日已前諸佛生汝不得
離我這裏汝若離我這裏我有鉤子鉤汝十五日已
後諸佛滅汝不得住我這裏汝若住我這裏我有錐
子錐汝正當十五日且道用鉤卽是用錐卽是
拈云鉤來錐去本分鉗鎚把住放行作家手眼石
門雖把柄在手要且勞而無功若有點檢得出許
伊是一員無事道人

舉慧彌禪師因僧問如何是毘盧印彌曰脚鞋踏雪
僧曰學人不曾彌曰步步成蹤

拈云全提祖印彌老固是作家子細觀來鈍置者
僧不少或問山僧如何是毘盧印劈面一掌若曰
學人不曾向道印破關黎鐵面門且道與古人相
去多少

舉昔有施主入院行衆僧隨年錢知事云聖僧前著
一分施主云聖僧年多少知事不能答

拈云知事算聖僧八字不具所以施主不還命錢
當時若道得與露社同年管取百千萬億分供養

卽非禪師全錄卷之六

頌古

門人明洞性安性節明覺明燿全編

世尊初生

何事又難兜率天水波難盡碧枝蓮當時莫處摩耶腹又較威音一著先

世尊未難兜率已降王宮未出母胎度人已畢謾向空中尋鳥蹟休來水底覓魚蹤翻身踏斷毘盧頂沙界收歸一粟中

世尊見星悟道

明星夜夜照無私六載悟來早是遲若解面南背北斗何勞夜半豁雙眉

世尊拈花

大小瞿曇不奈何花枝拈起當風播一場敗闕少人知歇被飲光親笑破

世尊教阿難托鉢

看七佛儀式阿難片諾酬一聲無孔遂吹散碧天秋應無所住而生其心

無所之心作麼生霜輪印破碧天清爲君點出金剛眼任向毘盧頂上行

見見之時見非是見見猶難見見不能及難見見不能及笑指臺前片石換卻瞿曇眼睛露出阿難巴鼻

文殊問病

不二門通百萬塗相逢況是赤鬚胡譚空說有千般妙爭及維摩一字無

跋難陀尊者入浴忽悟水因

汚池蓮花絕點塵不教細雨一番新雖云還入圓通數究竟何曾悟水因

那吒還身

那吒還卻孃生身誰是本來真面目踏轉乾坤沒處藏寒潭倒浸千峰碧

調達誦佛生身陷地獄

臨危不變眞丈夫試問如今出也無打破大唐歸一統不知誰是赤鬚胡

九祖伏馱密多問八祖云父母非我親誰是最

親者諸佛非我道誰是最道者祖答謂云云

佛非吾道言猶可舉眼無親怕殺人欲識祖師端的旨須明父母未生身

般若多羅尊者轉經

多羅尊者太顓頂不冒戴他紙上鑽個裏本無元字
鄉縱云常轉也多端

初祖面壁

夷卻風光一葉孤九年少室巖廬都若非二祖受氣
芥羞殺西來碧眼胡

五祖再來

奇踪微骨植松夫轉卻身來姓也無玷汚女郎猶可
怨那堪傳法受糊塗

南泉斬猫

可歎兩堂生亦休誰知猫子秋猶生當時不遇趙州

返王老之免洗莫清

百丈大師再參馬祖被祖一喝直得三日耳聾
一喝迅雷聾兩耳還他父子顯全機絮奴白拈齊開
眼鐵額銅頭也破眉

黃檗禪師示衆云汝等諸人盡是墮酒糟漢
麼行腳何處有今日還知大唐國裏無禪師麼
僧云只如諸方匡徒領衆又作麼生師云不道
無禪只是無師

莫謂無師祇有禪阿誰氣宇不伸天拈翻黃檗無情
舌穿過諸方鼻半邊

黃檗三頌棒

幾兒不覺醜恩多怨亦沒若非遭毒口孤負老婆心
趙州和尚示衆云佛之一字吾不喜聞
佛不喜聞獨鎮裏中十方坐斷凡聖無蹤

趙州狗子

狗子佛性無黃金標滿塗寧知廉義者不作守錢奴
趙州布衫

家家有路通京國客子何勞別問津雪後始知松柏
操夜渡方見把鉞人

甘贊設粥南泉打鍋

粥關鍋破莫猜疑舉唱還須作者知甘贊惜花春起
早南泉愛月夜眠遲

肇法師云天地同根萬物一體

鐘鳴狗吠非他物靜暗花香不是塵三際莊時凡聖
盡大千沙界現全身

三不是

不是心佛不是物明明放出眼中楔到頭不遇作家
人未免渾身都喪卻

德山托鉢

父慈出孝子國霸有謀臣廢頭末後句疑殺天下人

古德油絃

古德契油絃解吞不解吐當面擬稱人不覺賊身露
臨濟大師示衆云我於先師處三度問佛法大
意二度被打如高枝拂相似如今更思一頓誰
與下手時有僧出云某甲下手師拈棒度與僧
僧擬接師便打

臨濟栽松

短鑊峰頭一斬新機鋒特地露全真當時不借春風
方那得蒼松益後人

三玄三要

打破玄關截斷要路一句齊收入天因措休因措朕
先未彰全體露

曹山釋師

因僧問世間甚麼物最貴山云秋菊
兒最貴僧云秋菊兒因甚卻貴山云無人著價
一箇秋菊兒古今難著價滯貨不愁人沒錢生驚怕

疎山壽輪

壽輪落成報賞工誰知不值半分文當稱好手都推
倒家裏何由得外間

香巖上樹

。諒謚請敬，胡模曉

爲要諸人活眼開故將樹子路頭栽虎公一見和根
拔免使攀枝摘葉來

芭蕉拄杖子

誰種春蕉滿綠陰一霜打盡鳥空啼從教葉落青如
故總是風凰不肖棲

臨濟大師凡見僧入門便喝

早打燒天忽震下 雲粉碎頂門開等閒勸善拈
賊平地無端起骨

諸佛出身

諸佛出身處大千欄不住疎鐘過海門明月梯山樹

廬度米價

親到廬陵向隔津那堪言句竟疎親衲僧解用機前
薦倒廩傾倉不讓人

雲門露

佛祖冤親殺盡休大千無地著慚羞彌空罪罟從誰
截截斷滄江絕點流

雪峰初參德山問從上宗乘學人還有分也無

山打一棒云道甚麼師云不會至明日請益山
云我宗無語句實無一法與人師因此有省住
後僧問和尚見德山得個甚麼便休去師云我

空手去空手歸

無法自然成朕蹟難言尚未捨空躬雖然省得鑽頭
意未免渾身帶水泥

南院啐來語

大用作家不啐啄一棒打破風難殺當時若解潑天
飛風穴何處見頭角

以字不成八不是

點畫依然明歷歷瞿曇子不能識等閒擦向紙堆
頭一任風吹與日炙

法眼指簾

跋

印非禪師全集

七

野老謀生何太切孤舟獨釣寒江雪拋鉤直欲引煙
龍誰擬盲龜與跛鼈

聞鐘披衣

難頭多蛤子觀音未入理鐘聲披七條吾無隱乎爾

雲門云聞聲悟道見色明心觀音將錢買餠餅

放下卻是饅頭

雲門賣弄滯貨那知鍋是鐵鑄無端帶累觀音千古
被人看破

高峰枕子

五載覓難見何會與我疎自從撲落後處處得逢渠

物不遇

懸崖鵲橋橫頭月古澗龍吟水底天幾度河枯滄海
變風光占斷不知年

慈明因僧問如何是不動尊師云提不起

不動尊足蹟徧諸方提不起放下輕如紙鷁鷁岸上
帝意在浪花裏

牛過懸橋

擦手出門天已曉何須更執夜明符踏翻宇宙從頭
看幾個男兒眼有珠

首山竹篋

跋

印非禪師全集

八

句後承機休弄巧言前薦得猶遲了報君莫向兩邊
尋江上侍郎過去久

童子豎指

俱低豎指熾然譚童子渾淪教指南直得回頭天外
看始知月不在空潭

古德問秀才云百姓日用而不知不知個甚麼

才云不知道德云灼然不知

達磨不會禪夫子不識字白牯與狸奴卻較些些子

代古

舉魏湖和尚問諸頑龜曰行住坐臥畢竟以何爲道

有曰知者是義曰不可以智知不可以識識何謂知者是有曰無分別義曰善能分別諸法相於第一義而不動安得無分別是有曰四禪八定是義曰佛身無爲不墮諸數安得四禪八定是衆皆杜口

代翻勛斗而出

舉鹽官國師問座主蘊何經曰華嚴官曰華嚴有幾種法界曰畧說有四廣說則重重無盡官豎起拂子曰者箇是第幾種法界中收主無對

代云普

舉鶴林素禪師因僧敲門林問是誰僧云是僧林云

供進

何謂師金錄之

二

非但是僧佛來亦不著僧云佛來爲甚不著林云無棲泊處

代云謝師撥轉通霄路

舉昔高麗國來錢塘刻觀音聖像及昇上船竟不能動因請入明州開元寺供養後有設問無利不現身聖像爲甚不去高麗國

代云一樹花開萬國春

舉長慶一日陞堂衆集定拽出一僧云大衆禮拜者僧著又云者僧有甚長處卻教大衆禮拜衆無對

代云獅子窟中無異獸

舉雪峰辭洞山山云甚處去峰云歸嶺中去山云當時從甚麼路出峰云從飛猿嶺出山云今向甚麼路去峰云飛猿嶺去山云有一人不從飛猿嶺去子還識麼峰云不識山云爲甚不識峰云他無面目山云子既不識爭知無面目峰無對

代云今日被和尚看破

舉華文公問僧承聞講得華論是否僧云是公云聲有四不還是否僧云是公將茶盞撲破云者箇是還不還僧無語

代云花開花落樹長存

供進

何謂師金錄之

十一

舉無著至臺山遇文殊喫茶次殊拈起玻璃盞問云南方還有者箇麼著云無殊云尋常將甚喫茶著無對

代云喫茶卽有

舉仰山問僧名甚麼僧曰霽通仰云便請入露柱僧無語

代云入則不辭只恐驚羣動衆

舉石霜因僧辭乃問船去陸去僧云遇船卽船遇陸卽陸霜云我道半途稍難僧無對

代云某申到家卻易

舉漢國有菴主過王出遊人報云大王來請起王云非但大王佛來亦不起王聞乃問曰佛豈不是汝師王曰是王曰弟子見師爲甚不起主無對

代云捧下無生忍臨機不見師

舉雲益寺僧化瓦官人問既有雲益何須化瓦僧無對

代云不妨錦上鋪花

舉無垢院化浴官人問既無垢何用浴

代云也要通身汗出

舉一僧托鉢至長者家偶爲狗傷長者問龍被一縷

免金翅之難大師全披法服爲甚卻被狗咬僧無對

代云欲把袈裟益羽毛

舉陶相公見人犯法當如何問僧曰殺則違佛戒不殺

又犯王法未審如何則是僧因答

代云因緣會遇時果報還自受

舉淨照和尚問楞嚴大師經中道若能轉物即同如

來只此昇仙閣作麼生轉大師無語

代云相隨來

舉誌公問梵僧承聞尊者喚我作屠兒曾見我殺生否曰見誌公有見見無見見不有不無見見若有見

見是凡夫見無見見是聲聞見不有不無見是外道見未審尊者如何見僧曰汝有此等見耶

代云元來不會見

舉陸亘因南泉遷化來弔儼院主問大夫何不哭亘曰院主道得即哭主無對

代院主呵呵大笑

舉龍門僧被蛇傷有問既是龍門客爲甚被蛇傷

代云不因夜來雁爭見海門秋

舉有僧化鑊佛官人曰本望佛度弟子因什麼弟子度佛

代云衆生度盡恒沙佛諸佛何曾度一人

舉王常侍問僧一切衆生還有佛性也無僧曰一切皆有侍指壁畫狗子曰者個還有佛性也無僧無語

代云逐物作麼

舉洞山同密師伯避雨入餅店密於地上畫圓相云

將取去山曰拈將來密無對

代云食到口邊不解喫

舉徑山問僧什麼處來僧曰天台來山曰阿誰問汝天

台來僧無語

代云和尚道甚麼

舉玄沙問文補頭下山幾時歸文曰三三三沙曰歸時有無底桶子將一擔來文無對

代云漏逗不少

舉世尊臨入涅槃文殊請再轉法輪世尊曰云吾四十九年住世未曾說一字汝請再轉法輪是吾曾轉法輪耶

代云伸腳元在縮腳裏

舉國師因肅宗皇帝問師在曹谿得何法師云陛下還見空中一片雲麼帝云見師云丁釘著懸掛著代云縮取舌頭好

教部

即非禪師全錄卷六

三

舉布帛和尚常將布帛并破簾於通衢往來布帛內盛盃孟木履魚飯菜肉瓦石土木諸般總有或於稠人處打開布帛內物蒸下云看看又一一將起問人云者箇喚作甚麼衆無對

代云滯貨不勞拈出

舉雲居膺和尚聞山下有一僧住菴令侍者送袴腰與之僧云我自有娘生袴竟不受再令侍者去問娘未生時著個甚麼僧無語

代云手執夜明符幾個知天曉

舉泗洲搶頭侍者及時鎖門有問既是三界大師爲

甚被弟子鎖者無對

代云竹密不妨流水過

舉龐居士聽金剛經問座主曰俗人敢有小問不知如何主曰有疑請問士曰無我相無人相既無我人教阿誰講阿誰聽座主無對

代云妝雙作啞作麼

舉梁武帝請傅大士講經士纔陞座以尺拊案一下便下座帝愕然誌公乃云陛下還會麼帝云不會誌公云大士講經竟

代云謝師覆講

支那

即非禪師全錄卷六

五

答古

兜率悅和尚垂語二則

發艸瞻風只圖見性畢竟性在什麼處

師答 填溝塞壑無人會雨過夜塘秋水爽

見得自性便脫生歎眼光落地時又作麼生脫

答 兩腳捎空

脫得生歎便知去處四大分散時向甚麼處去

答 待有去處即報

徑山虛堂愚和尚垂語三則

已眼未明的因甚將虛空作布襪著

答 不妨盜覆將來

盡地爲牢的因甚透者箇不過

答 劍去久矣

入海算沙的因甚銳鋒頭上題足

答 百千妙義一毫頭

育王照和尚垂語三則

山中猛虎以肉爲命何故不食其子

答 火不自燒

虛空無向背何緣有東西南北

答 逐物意移

文那

五

飲乳等四大海積骨如毘富羅山何者是汝最初

父母

答 歷劫不曾離

大休隆和尚垂語二則

吹毛賣劍被石人持去掛在萬仞峰頭四壁無路

如何取得

答 無勞刻舟

有一如意珠被木人擎來拋向大海中不假舟楫

如何覓得

答 覓則知君不可見

盡大地是箇火坑燒卻了也惟有一雙眉毛在未

審何人得見

答 由來眼不花

正當辨和尚垂語三則

貓兒爲甚愛捉老鼠

答 熟處難忘

雲版鳴因甚犬吠

答 竹竿打水魚頭痛

蚯蚓爲甚化爲百合

答 何處不稱尊

文那

六

松源嶽和尚垂語二則

大力量人因甚挫腳不起

答 法地一動一切不安

明眼衲僧因甚腳根下紅絲線不斷

答 絆倒人無數

斷崖義和尚垂語二則

除卻語默動靜道將一句來

答 將謂別有

一息不來向何處安身立命

答 百艸頭邊

雲門偃和尚垂語一則

世界與麼闊爲甚鐘聲披七條

答 吾無隱乎爾

大洪恩和尚垂語一則

假使八千劫所作業不忘爲甚稱南無佛罪滅河沙劫

答 雪點紅爐

天童覺和尚垂語二則

吞盡三世佛底人爲甚開口不得

答 通身是口

照破四天下的人爲甚合眼不得

主

答 待四天下人眼開卽合

龍華初和尚垂語一則

雞見便關狗見便咬殿上鳴吻終日相對爲甚卻不瞋

答 獅子不逐塊

雪竇顯和尚垂語三則

十方無壁落四面亦無門古人向甚處見客

答 誰在門外

田地穩密底佛祖不敢近爲甚擡腳不起

答 太珍重生

神通遊戲底鬼神不能測爲甚下腳不得

答 恐教闕殺天下人

天衣懷和尚垂語一則

泥犂長夜苦聞者痛傷心調達在地獄爲甚如三禪天樂

答 通身在裏許

隆慶閑和尚垂語六則

祖師心印篆作何文

答 描不成畫不就

諸佛本源溪之多少

答 一吸無涓滴

十二時中上來下去開單展盞此五蘊敗壞之身

那箇是清淨法身

答 開單展盞

不用指東畫西實地上道將一句來

答 險

十二時中著衣喫飯承甚麼人恩力

答 無人識得渠

魚行水濁鳥飛毛落亮座主一入西山爲甚杳無

蹤蹟

答 通身無影像徧界不曾藏

徑山客和尚垂語五則

水既無筋因甚長流不斷

答 花燦不萌枝

佛祖公案猶空中紙鷁向甚處收取線索

答 鴛鴦綉出從君看不把金針度與人

鴈搏峰與宴坐峰相交且道說個甚麼

答 賴和尚證明

風扇大野畢竟作何形色

答 觀著則瞎

望江亭上垂機誰是知音

答 將謂忘卻

黃檗琦和尚垂語四則

金剛圈如何跳得出

答 古佛過去久矣

栗棘蓬如何吞得下

答 殘羹不勞拈出

夜半日頭紅誰人得見

答 好向面南看北斗

日午打三更誰人得聞

答 眼處聞聲方始知

古德十無

如何是無爲國

如何是無星秤

如何是無根樹

如何是無底盞

如何是無絃琴

如何是無孔笛

如何是無底船

答 坐享太平

答 鉤頭薦取

答 葉覆大千

答 山藏海納

答 千峰側耳

答 吹落空花

答 度脫生歟

如何是無髮鎖

如何是無生曲

如何是無底盞

古德六一

如何是達磨一隻履

如何是慧可一隻臂

如何是僧燦一身罪

如何是道信一隻虎

如何是弘忍一株松

如何是慧能一張碓

答 表裏玲瓏

答 萬籟無聲

答 貯盡春風

答 踏斷毘盧頂

答 等閒捏出虚空體
化作炎天三尺雪

答 紅爐片雪

答 觸著喪身失命

答 覆陰天下人

答 一踏到底

卽非禪師全錄卷之七

門人明洞性安性節明覺明幢全編

機緣

僧問十二時中如何用心師云使得十二時進云十二時如何使師云不妨如是用心

侍者久立次師云汝卻惺惺者云某甲從來不曾睡師云汝猶寐語在者便走出師休去

師問僧云甚處來僧云碓米來師舉墨云這個還碓得白麼僧無對師云遇著嶺南人不得嶺南信

居士問如何是道師云縱橫十字士云恁麼去時如

何師云十個行來九個錯士禮拜師云下坡不走快便難逢

僧展具問云喚作雪峰長老又是黃檗首座且道禮拜那一個卽是師云天上無雙日僧便禮拜師云伶俐納僧

僧問臘月三十日到來和尚作麼生師云今日寒似昨日這云棒如雨點喝似雷奔還供養得箇鬚子也無師云恐他消受不得僧禮拜師云二十棒自領出去

僧問如何是龜毛拂師云穿卻汝鼻孔進云鼻孔也

無穿個甚麼師云汝向甚處出氣僧無語師打云與汝半邊

師到客堂看單堂主云客來須看賊來須打只如客賊俱來時如何師攔胸把住云賊賊主云作家作家師送開云再犯不容

問如何是佛師云路頭石敢當進云某甲不會師云蹉過幾多人僧禮拜師云切忌磕著

僧問某甲愚迷乞師直指師云闍黎曲來多少時僧云豈無方便師云方便久矣僧禮拜起立師云適來曲而今直

僧呈偈師閱至摩尼光燦爛遂徵云是青光紅光耶赤白黃光耶僧杜口師云還我摩尼來僧又杜口師云原來是個泥彈子叱出

僧問文殊爲甚出女子定不得師云是非不到釣魚處進云罔明爲甚出得女子定師云榮辱常隨騎馬人僧云謝師答話師云撈

居士問陸兵水兵俱向菩薩許愿求勝未審菩薩赴那一人愿師云一錫解兩虎

問牛頭未見四祖爲甚百鳥銜花師云踏佛塔梯進云見後爲甚不銜花師云無棲泊處進云如何有正

幹傍出師云春色無高下花枝自短長

師因侍者掀盞盞蒸氣成水流下師問云盞盞水從何生答云從熱氣生師云熱氣從何生答云從無陰陽處生師云既無陰陽作麼生答云若問無陰陽某甲下堂喫飯去師云你喫飯處是有陰陽地侍者作禮便行師休去

僧問一口氣不來時如何師云與汝一貼返魂香僧擬議師便打僧一喝師云且喜活來

問南泉斬貓意旨如何師云劍刃翻身有幾人進云趙州戴艸鞋出去是何意旨師云狸奴頭角猶在僧

支那

印非禪師全錄卷七

三

踊躍禮謝而退

師垂語云明知四大五蘊是生處根本爲甚入此皮帛一僧云如龍得水似虎靠山師云山崩水竭時如何進云別有一乾坤師云未在

師一夜問大衆云聞聲悟道見色明心鐘是聲喚甚麼作道燈是色心作麼生明一僧答云滿眼非色滿耳非聲師云非色非聲是個甚麼進云十目所視十手所指師云非聲非色指視個甚麼僧無語師云好與六十棒

僧問如何是祖師西來意師云獨足人騎三腳驢

師同僧觀彌勒畫像僧云這老漢布帛放不下師云不是放不下只是無人承當僧云何不付某甲師云恐汝負荷不起僧云莫壓良爲賤師拈杖僧便走師笑云知你荷不起

僧問明知四大五蘊是生處根本爲甚麼入此皮囊師云探珠不離泥僧作禮而退

問淨名丈室納得三萬二千獅子座未審和尚丈室容得多少師云山僧這裏只得一個僧云許多聖賢向何處敷坐師云靈山一會都無欠剩僧作禮師云汝不是個中人

支那

印非禪師全錄卷七

四

問牛過窓櫺爲甚尾已過不得師云滿地落花春已過綠陰空鎖舊莓苔

問世尊初利宮下來栴檀像亦出迎此理如何師云木底金烏天上日

師問知藏年多少藏云年六十師云主人翁年多少藏云不會師云恁麼則不與汝同條生藏云類不齊師云知汝是曹洞兒孫

解制普茶次數僧競出問話師約住逐一勘之遂問一僧云聖制九旬今已滿心空及第事如何僧云三級浪高魚化龍師云試拿雲腰裏看僧云過飯喫飯

遇茶與茶師打云猶欠牙爪在

又問一僧云心空及第事如何僧云師姑元是女人
做師云如何是丈夫事僧云請和尚證明師云證明
個甚麼僧一喝師打云未是丈夫事進云莫瞞某甲
好師云瞞盡天下人豈特瞞黎一個

又問一僧云心空及第事如何僧云柳樛橫擔不顧
人直入千峰萬峰去師云忽遇勾折拄杖截斷路頭
汝又作麼生僧云某甲從今不進語師打云且莫艸
艸匆匆

又問一僧云心空及第事如何僧云空手來空手去

五

即非禪師全集卷七

五

師云恁麼則勞而無功僧云本來無一物師云無物
亦是物僧擬議師打云夏買艸鞋始得

又問一僧云心空及第事如何僧云會不會都來是
錯師云如何得不錯去僧云未出胎時及第了師云
又入此保社作麼僧擬議師云知汝錯會僧作禮維
那鳴擊謝茶師便歸方丈

僧問如何是狗子佛性無師云禍不入慎家之門
僧問如何是無位真人師云築著磕著

一日象山和尚過訪師云老兄萬福否山云托庇師
云不敢山云一夏甚熱無位真人熱否師云老兄甚

處曾與無位真人相見山云側眼見廬山師云真個
熱心人

一晚師同象山和尚雪軒對坐山云蟬聲噪晚風是
甚麼境界師云大士來也山云請大士相見師云老
兄作禮著山云蚯蚓過東海師云大似不肖禮拜山
云一翳在眼空花亂墜師云大士去了山呵呵大笑
師云蚯蚓聲山云解蹕跳師亦呵呵起去
化林鶴搏二上座自福巖至師問二人曰子歸孰父
時如何鶴默然拱立化答曰慙愧來遲師云此是途
路邊事到家一句作麼生進云相見如初師云念子

六

即非禪師全集卷七

六

遠來各放三十棒俱作禮而退值象山水和尚在坐
乃問師云師資相會時如何師云一合相不可得木
云可得時如何師云世諦在木云不可得時如何師
云有道在木休去

師見木和尚穿紙衣遂問云如何是紙衣下事木云
綿密不通風師云此是古人道的木云我用得快師
云我則不然木云兄又作麼生師云一捏便露骨木
默然

偶聞林中衆鳥和鳴師云鴉鳴雀噪是甚語言山云
妄想中說夢話師喚侍者云熱茶端一甌請象山和

尙山云又是說夢話師云且喜老兄惺惺山云又是說夢話師云大不惺惺山云又是說夢話師云老兄真是夢漢山云知則較些些師云此亦夢話山云隨人腳跟轉師云話頭也不識二師呵呵大笑而起僧問師舉密雲老和尚上堂云禪不用參理不用會莫是無禪可參無理可會麼師云未是汝境界進云老和尚又云單單不用瞋睡莫是三祖云眼若不睡諸夢自除麼師云汝又白日寐言進云和尚上堂別云禪任他參理任他會莫是通身是禪理麼師云汝爲甚又被禪理縛殺進云師又別云待他瞋睡送個

七

枕頭莫是了取平常心是道饑來喫飯飽來眠麼師云喚甚麼作平常心又作麼了僧禮拜師云饑食渴飲閒事不是飽參人不知優婆姨問如何是道師云禮佛去進云如何是佛師云禮拜者姨一喝師云喝汝爹喝汝娘姨無語師便喝姨轉身一市拍掌展手師云醜伎倆姨禮拜而退師問鶴搏侍者日午也未答云纔打三更師云我爲甚不聞搏云和尚莫妝聲作啞師休去師因侍者問云和尚要喫何物師云我要喫佛祖心肝者准前露胸云請和尚下口師云是則是猶隔一

膜在者無語師便掌

僧衆次師問云到此幾日僧云二十日師云如何是不涉途程一句僧云直透萬重關師云猶涉途程在親切道一句僧擬議師便打

高力居士重來拜別師問曰前向甚麼處來今向甚麼處去道得來去分明不孤一會居士云來來去去無二路師曰此會不虛善爲道路

肥前信士衆竟自叙昔日騎馬過橋墮木有省恨無知識證明今遇和尚請爲開示師云何不重騎鐵馬上高樓士便喝師云此一喝是實是主士無語師咄

八

云強作主宰士禮拜而退

師問高泉法姪汝和尚萬福否泉云今日親到聖壽師曰不謬爲黃檗肖子泉禮拜云謝和尚證明師休去

一日高泉侍立次師云智過于師方堪傳授如何是超師之智泉云黑漆桶師云爲何不放光泉云只恐藥破和尚面門師云爭奈山僧無面目何泉禮謝師休去

師一日閱高泉稟有而今覲面難迴避得報恩時且報恩之句乃徵云如何是報恩一句泉云一棒打殺

師云得恁麼忤逆云蒼天蒼天師云放汝三十棒
侍者進小食師云大衆有麼者云俱有師云汝有麼
者云亦有師拈扇子云這個爲甚沒有者云某甲放
下了也師云做得侍者

高泉病師至單前問云如何是祖師西來意泉云某
甲頭痛不能說師云汝口不痛泉云一口無兩舌師
云幾被舌頭瞞便轉身

師因緇素求字甚煩乃撲破圖書信士問圖書有何
過和尚撲破師云要人識取無文印

石香同諸居士參謁師留坐香云兩聲泉聲聒和尚

師云

師云

九

耳師云山野未嘗聞香默然師云居士入得觀音理
門香唯唯良久又云請和尚爲弟子洗泥師云若爲
洗泥泥本無體若爲洗體體本無泥要山野洗個甚
麼香云和尚早已清淨了也師云點

僧問如何藏身處沒蹤蹟師云昔封古路無人到進
云如何是沒蹤蹟處莫藏身師云月鎖梧桐鳳不棲
問淨法界身本無出沒爲甚世尊今日降生師云月
在波心說向誰進云四十九年未嘗談一字一大藏
教向甚處得來師云世尊舌頭方

僧問如何是道師云側耳側耳進云和尚只道一半

師云言全道看僧擬議師便打

僧問世尊拈花意旨如何師云渾圖劈不破進云迦
葉微笑又作麼生師云撲鼻更馨香

居士問劫火蔓延數千人家佛神不救慈悲何在師
云要人共上白牛車進云大小寺院焚去十餘獨貴
刹無恙和尚莫是四禪中人否師云我不從人天來
進云畢竟向何處來師云佛祖行不到處來居士禮
謝而退

居士問弟子心不貪財見則愛之如何師云見得思
義又云弟子心不著色見則好之如何師云非禮勿

師云

師云

十

動

僧問道如何悟師云擊火須用手其僧有省

僧問萬法歸一一歸何處師云滿口道著

一日風打門雲璣云好大風師云風從何來璣關門
云風路塞了師云未是好手璣云如何是好手師云
拳住狂風剝了皮璣云忽遇八面來時如何師便打

僧問如何是徹骨徹髓一句師云秤鎚捏出汁

問清淨本然云何忽生山河大地師云額頭邊薦取

僧問承聞徑山費老和尚茶毘得舍利無數有諸師
云有進云四大與五蘊俱空舍利從何而有師云今

日好事

問人間無水不朝東因甚黃河向北流師云爲緣壯帝居

師宿諫早僧來參問云既是諫早爲甚月出師云三光轉法輪進云轉後如何師云清光何處無

師至神通院高傳都寺寂峯禪德領大衆參師問云個個鼻孔相似還有遼天的麼一僧云某甲不敢妄想師云好與三十棒進云此恩超于父母師云知則得衆僧無語師一喝

師觀園大遵道禪德指大樹云前日被大風吹倒師

云還有無根樹吹不倒的知麼道無語

師至肥州見瘦人乃問衆云旣曰肥州爲甚有瘦人衆下語不契

僧參問云某甲初出家求師開示師云此去洛陽一千里進云求師委曲師云你自委曲直會去好僧禮退

信士參問云弟子禪理不通求師開示師云今早天晴士禮拜云求師叮嚀師云叮嚀損君德無言終有功

信士參云求師開示師云雨後數峰青士禮拜師云

切莫眼花

信士參問云弟子今春參拜老和尚蒙開示應無所住而生其心話請問和尚還有別句也無師云鳥鳴山夏幽士無語良久又問云弟子一切無心因初發心未審無心從何而住師云旣是無心從何發心士云今日十四師云今日事作麼生士云今日是今日師云你只會今日未曾發心士禮謝而退

中秋寓開善寺豐主源拾遺來參師問云靈山話頭還記得麼主微笑師云一念圓明無古今主云秋夜長江雲自淨滿天明月印波心師云且喜居士不忘

付囑主禮而退

玄周醫士問如何是要津師云一囊藥貯太和春

僧問云如何是道師云你向甚處來進云來處來師

云記取路頭

僧問如何是祕師云開口卽錯進云如何是密師云密在汝邊

一早衆鳥喃喃師問自勝云鳥說甚麼話勝云念無字經師云經頭甚麼字勝云無字師云瞞語漢

寓伊藤又館舍見老和尚像師拈香禮拜畢向自勝云老和尚已相見了我回去罷勝云和尚日日相見

遲了八刻師云怎麼則我更不去也勝無語師云是汝蹉過莫道我遲

信士問如何是文武佛之三貫舉揚去師作此

圓相云會得其中端的旨一江秋水碧連天

信士問如何是王法佛法一般師云眼中瞳子面前人

侍者問云古帆未掛時如何師云昨夜津和宿進云

古帆已掛時如何師云順風到洛陽進云如何是不

涉途程一句師云鵲子過新羅

碧崖於席上拈一莖髮師云此是降魔杵崖云在師

分上則得師云恐你提不起崖云雖然提不起卻放

得下師打一扇

侍者問如何是舟中境師云欸乃一聲山水綠進云

如何是境中人師云孤舟臥月明進云如何是人境

外一句師云登岸向汝道

師因雨泊命衆定香侍坐至香畢問云古人立雪汝

等坐雨是同等是別衆各下語皆不契師又云我不望

汝等斷臂只要汝等斷心且道心作麼生斷碧崖答

云本自無繫何斷之有自勝答云智劍斬無礙師云

汝等說得道理

師臥次侍者問云古帆未掛時如何師云山僧困進

云古帆已掛時如何師云待我起來向汝道

碧崖手執安息香師問云汝有鼻孔無鼻孔進云有

鼻孔師云塞卻汝鼻孔崖云無鼻孔師云用香作麼

二俱無語師云各與三十棒

雲璈指水中山謂師云此名狗喚師云有佛性否璈

云有師云趙州爲甚道無璈云怎得在者裏師云猶

欠活動

師因碧崖報云舟今泊牛憲師云頭角四蹄都過了

因甚尾巴過不得崖云劍去久矣師云寄汝三十棒

璈璈又報云此處名牛憲師云憲在此牛在甚麼處

璈云通身無影像徧界不曾藏師云碧崖三十棒汝

分一半

自勝白師云牛憲人送水師云滴水難消勝云善知

識怎麼說話師云喫水也須防噎

牛憲人送水次璈問和尚省觀累得各州送夫馬

柴米水菜未審如何報答師云有人噉着我棒頭酬

答無餘璈云噉著也師云誰爲證明璈禮拜云謝和

尚證明師云知恩則得要須知痛癢

佛日禪師迎師于大坂話次乃云前日蒙賜大偈有

祇林先發一枝春句卻被老九道著師云此乃現成公案

龍谿師迎師云此數日北風大小舟俱未至獨和尚先至師云多謝龍王一線風師良久云此數年老和尚在黃檗甚得法護之力谿云此是老和尚光明師云雖然也要各出隻手

僧問和尚未離聖壽時如何師云佛子住此地進云已離聖壽時如何師云初九日啓行進云如何是途中得力句師云念二日到岸進云到岸後又作麼生師云大家在裏許

高泉法姪招師背云招出虛空骨師云還汝好手

主

泉云和尚遊宮好出路精明師云山僧每遊行皆無

雨泉云和尚爲甚麼又道我非龍樹王出則遇龍雨

師云有時怎麼有時不怎麼泉云真個白拈賊師云被法姪看破

師八月念四日晉謁黃檗老和尚作禮竟進云恭喜

座下法躬萬福老和尚默然

僧問子歸就父時如何師云養子方知父慈

老和尚次日到師寮看單問云幾日到此師答云十五

日老和尚云我二十七日纔到師云和尚留有餘

待益某甲之不足老和尚默然他語

師同象山和尚侍老和尚應龍谿師齋象山和尚舉

師位云今日是客師云者裏是什麼所在論賓論主

山良久師一喝老和尚云且喜兩堂家風猶在師又

喝山云好兩喝

師因僧求開示師便喝僧亦喝師云我喝有照有用

汝喝落在甚處僧擬議師便打

問開眼作夢時如何師便打

問如何是如來師云看取門前墜墜堆

問如何是殺人刀師云兔角杖進云如何是活人劍

師云龜毛拂僧作禮云謝和尚答語師云蹉過蹉過

師云龜毛拂僧作禮云謝和尚答語師云蹉過蹉過

主

問有問有答賓主歷然無問無答時如何師便打

問佛敕沙門皆禁足賓頭盧爲甚麼供四天下師云

大地一蒲團

問如何是佛光師云肉眼爭得見

問如何是賓中賓師云赤腳走天涯進云如何是賓

中主師云天人宮館本隨身進云如何是主中賓師

云覷面隔千山進云如何是主中主師云千聖立下

風進云如何是不落賓主師便打

一早法雲來參師問寸絲不掛身上袈裟向甚處得

來雲云寸絲不掛師云爭奈袈裟何雲云喚作袈裟得麼師休去

柏岩侍次師問萬境俱侵時如何云須彌山師云如何是須彌山進云八風吹不動師云吹動時如何進云大冶精金應無變色師云再道看進云仰之彌高鑽之彌堅師休去

問如何是奪人不奪境師云死卻偷心開活眼進云如何是奪境不奪人師云瞎卻汝眼通汝氣進云如何是人境兩俱奪師云坐斷乾坤進云如何是人境俱不奪師云大千一掌擎進云人境已蒙師指示向

上一路如何進步師云誰礙汝僧作禮師云走

師指旛問曇瑞風動旛動瑞云和尚舌頭動師休去師因曇瑞問敲空作響爲甚麼擊木無聲師驚頭打云聞麼瑞云某甲會也師云你作麼生會瑞云南山燒炭北山紅師休去

衆集議備年料師偶見問云天地萬物咸成一歲之功汝等功在甚麼處茶頭云吾功無窮師云如何是無窮之功僧下語不契師云且去燒茶三十年

法雲侍立次師問曰天寒人寒雲云普師云早齋也未雲云適來禮和尚師云早齋去

師因靈泉呈無根樹偈乃問曰如何是無根樹泉云拄杖點頭師曰根生也

一夜東禪侍次師指燈問云見色明心燈是色心作麼生明禪云渾身在裏許師云也須跳出始得

柏岩侍次師問曰天寒人寒岩云滴水滴凍師云凍殺闍黎

是菴信士問截斷生死時如何師云截斷且置喚甚麼作生歟

僧問石霜休去歇去明甚麼邊事師云絕後再穌欺君不得

師問法雲云世尊覩星得悟且道悟個甚麼雲答云鐵壁撞破銀山師云撞破後如何雲云黃河向北流師休去

居士問百尺竿頭如何進步師云倒退百由旬

師問夢堂汝前開關有何所得堂云無所得師云恁麼則虛度也進云若虛度則有所得師云總未見得萬木榮師問那裏來曰筠州師云有個無位真人曾築著否本曰築著師云鼻孔長多少水提起坐具師曰將謂你踉蹌過

師問化林世尊一手指天一手指地你作麼生會林

三卦文露也師又云既稱獨尊爲甚入山修道林云點畫更分明師云泊不問過林作禮而退

僧問如何是先照後用師云電火猶遲進云如何是先用後照師云迅雷不及掩耳

師問禪正撥艸瞻風只圖見性汝性在甚麼處答曰有水皆含月無山不帶雲師云山雲水月俱空時如何正罔答

六僧參師問云那一個是禪波羅蜜一僧下喝師云將謂將謂僧俱作禮而退

問和尚開山廣壽與大慧住持廣壽是同是別師云

問

即非禪師全錄卷七

七

窺山向汝道甚麼進云大慧再來師云錯

化林問和尚無底盃分付阿誰師云人人有分進云恁麼則某甲領荷去師云更待合國人爲汝證明始得

問如何是春師云梅花饒舌了也

僧問北禪烹白牯與大衆分歲未審和尚賜甚麼物

師云南泉貓兒趙州狗子進云大衆謝和尚師云恐你吞吐不下

師一日室中問法雲曰鼻孔因甚沒半邊雲曰縱是和尚也摸索不著師云頂門如何開隻眼雲曰大地

黑漫漫師云正與麼時如何是上座爲人的句雲便喝師云親切更道一句看雲曰放和尚三十棒師呵呵大笑雲便禮拜而出

次早師召法雲入室雲禮拜師豎起拂子曰此一枝是從上佛祖的相承傳至黃檗老人老人以付山僧山僧今付上座上座作麼生奉持雲作掩耳勢師便喝曰上座宛有古人之作亦須知有時節但且將去密善保重雲接拂子曰直向佛祖所額不及處提時當報不報之恩師示以偈云打失半邊鼻突開隻眼睛燦破四天下誰不仰光明雲禮退

問

即非禪師全錄卷七

三

問如何是山中境師云百萬松杉千畝竹進云如何是境中人師云森森圍繞法王家進云如何是人境外一句師云向甚麼處與山僧相見僧擬議師喝出僧問祖師未來時如何師豎拄杖云會麼進云來後如何師便打

問如何是不揀擇師云日日是好日進云揀擇時如何師云一任卜度進云請師一卜師打云會麼

師問大衆云無根樹上一枝花誰人折得維那云早已供養活如來了也師徵云喚甚麼作無根樹那云撐天拄地師云花在甚麼處那豎拳云和尚見麼師云

放汝三十棒那禮謝

信士問生從何來死從何去師云秤鎚著鐵鋸

師問柏巖經行及坐臥常在於其中如何是其中事

巖云一盞瑠璃光內外明師云表裏瑩徹功勳猶存離

卻瑠璃光如何作主巖便喝師休去

曇瑞呈頌次師問云古人見桃悟道子觀梅會心且

道同耶別耶答云如空合空師云畢竟如何瑞云黃

金自有黃金價終不和沙度與人師頷之

一日師命侍者喚曇瑞入室密付表信瑞進前禮拜

次師登起拂子云此一校乃西天四七東土二三傳

即非禪師全集卷之七

五

至黃檗開山老人老人付囑於我我今轉付於子當

須護持且道正當恁麼時如何是撐天拄地一句瑞

接拂子云頂門隻眼耀乾坤師云放子二十棒瑞云

恩大難酬師云知恩報恩始得瑞便禮拜云壽嶺一

枝新突出大千何處不知春師云善爲保任瑞再拜

而出

又喚柏岩進方丈師提起拂子云此是從上佛佛相

傳祖祖相授至山僧手裏今日付子當善護持待五

年後發揚指揮柏云今日是好日師云如何是今日

事柏云一校橫出萬年春師便付云柏樹發新枝益

覆三千界柏云知恩有地禮受而出

師問柏岩如何是大海無魚栢云化龍去也云化龍

後作麼生栢云與雲布雨師云莫打濕山僧眉毛栢

禮退

問如何是即心即佛師云踏著秤鎚原是鐵進云如

何是非心非佛師云鏖卻了也

問大鵬爲甚在鷦螟眼裏作窠白師云何處不稱尊

問衣服不淨將水洗水不淨將甚麼洗師打云爲汝

激濁揚清

道伯醫士參次呈一紙師目訖云如何是徇子佛性

即非禪師全集卷之七

五

無伯云崑崙兒著鐵袴師云那裏學得者虛頭來伯

云幸值路開不二門師云念汝遠來放汝三十棒伯

禮退

問殃囉摩羅持佛語救產難意旨如何師云木馬夜

嘶風天明失卻曉

問德山小參爲甚不答話師云千鈞弩不爲鼯鼠發

機進云趙州小參爲甚要答話師云直鉤釣獐龍

問國師喚侍者意旨如何師云揚聲止響

問敲空作響擊木無聲意旨如何師云泥裏洗土塊

問如何是禪師云益孟中走馬

問如何是理法界師云是處是彌勒進云如何是事法界師云無門無善財進云如何是理事無礙法界師云石頭土塊清淨身進云如何是事事無礙法界師云魔宮虎穴皆道場進云如何是毘盧向上事師云脚跟下七花八裂

問清淨行者爲甚不入涅槃師云白了漢進云破戒比丘因甚不入地獄師云黃河徹底渾

問如何是佛師云覷面不相識進云如何是法師云聾人爭得聞進云如何是僧師云隨處隨處婆訶進云不墮三寶數如何接他師云送向無生國

藏經

四庫全書

三

問如何是禪師云箇客裏坐臥進云如何是教師云胡言漢語進云如何是律師云黃線線白玉鎖進云如何是道師云七縱八橫

問王索仙陀婆時如何師云你幾時充智臣奴僧喝師便打

問道無色相如何見師打云與汝看破了也進云看破後如何師云還不領會

問古佛未出世時如何師云種子任泥中進云出世後如何師云飽盡古今人

師問僧何處來僧云禮大士來師云大士向你道甚

麼僧無語師良久代云道和尚婆心太切

問如何是第一玄師云三聖瞎驢進云如何是第二玄師云黃龍驢腳進云如何是第三玄師云楊岐驢子進云如何是第一要師云天龍砍童指進云如何是第二要師云黃葉掌宣宗進云如何是第三要師云臨濟築大愚進云玄要已蒙師指示超佛越祖時如何師云子問太昇生僧禮拜師便打

問丹霞燒木佛翠微塑羅漢未審是同一是別師云一任顛倒進云和尚分上作麼生師云供不受燒不得問如何是先照後用師云看破汝了也便打進云如

藏經

四庫全書

三

何是先照後照師打云是實是罰進云如何是照用同時師云棒喝交馳休執進進云如何是照用不同時師云莫作棒喝會好

問海底犀牛銜月走意旨如何師云驚起南辰旋北斗進云如何是岩前石虎抱兒眠師云有夢不到三

禪天進云如何是鐵蛇攢入金剛眼師云從教大地黑漫漫進云如何是崑崙騎象驚驚牽師云知君虛費脚鞋錢

問向上一路千聖不傳未審路頭在甚麼處師云舉步踏著僧舉步師云錯

步踏著僧舉步師云錯

問無面目漢到來未審是凡是聖師云未入門來好與二十棒

問鐘未鳴時如何師云森羅側耳進云鐘已鳴時如何師云萬象揚眉

問祖意教意是同是別師云無賢鎖子兩頭搖

問二大士起佛見法見貶向二鐵圍山只如某甲不起佛見法見時如何師云待汝出來向汝道

問我手何似佛手師云醜進云我脚何似驢脚師云歌進云人人有個生緣和尚生緣在何處師云露

問既是喜山爲甚有難色師云念子獨在青山外

文

卷之三

主

問古今知識大悟悟個甚麼師云明日來向汝道

問如何是奪人不奪境師云日高猶未醒進云如何是奪境不奪人師云西江乾一吸進云如何是人境

兩俱奪師云一併收下進云如何是人境俱不奪師云一齊顯露

問貓鼠相犯時如何師云果報還自受

次日他僧又問前話師云我者裏無甚麼畜生

問既是佛祖兒孫爲甚殺佛殺祖師云惟我獨尊

問有即觸無即背不觸不背時如何師云伶俐衲僧問拄杖子吞卻山河大地一切有情向甚處乞命師

云汝怕灰吐出也罷

問只尺之間爲甚不覩師顏師云我卻識得汝

問世尊一言產婦不婉意旨如何師云待汝因地了向汝道

問六祖爲甚不付衣師云人人本具進云和尚爲甚付衣師云錦上鋪紅

問行說俱到的人如何相接師云且居門外進云爲甚不許入門師云須知別有好商量

問無夢無想時主人公在甚麼處師垂拂示之問有句無句如藤倚樹時如何師云從來無刺語進

文

卷之三

主

云樹倒藤枯句歸何處師云佛祖罔措

問嘔啊意旨如何師云但恁麼入

問牛頭未見四祖爲甚百鳥銜花師云小兒順米進云見後爲甚不銜花師云空中梵字

問如何是聖壽境界師云千峰擎曉日進云如何是境中人師云一塵引春風

問大地一片雪時如何師云日出後一場漏逗

問浮圖以身爲旅泊爲甚嚴宮室不已師云三叉路口栽榕樹進云以言爲贅疣爲甚傳於文字愈久師

云爲憐癩疾施醫方

問施食至少何能普濟幽冥師便打云與汝一個鐵
饅頭

問佛是三界大師因甚有肉眼師云若無肉眼爭辨
得你是衆生進云阿那律既得天眼因其倩人穿鍼
師云海不讓流

問不思善不思惡既善惡都不思向何處著力師云
竿頭翻筋斗

問參禪悟後還有喜怒哀樂也無師云虛空施棒喝
知恩有幾人

問如何是三界惟心萬法惟識師云拈來赤土是黃

金

即非禪師全集卷之七

三

問萬法歸一一歸何處師云臘月三十日

問女子出定意旨如何師云待女子出定了向你道
曇瑞呈頌次有龍鬚元赤虎元斑之句師問汝那裏
見得龍鬚赤瑞將師鬚云者裏見得師頷之

信士黎問云萬法本空動從何生師云放下著進云

三心不可得十方俱圓滿放下個甚麼師云舊船來
舊船去進云大海生一漚一漚生大海此意如何師
云你又生出許多心作麼士作禮而退師云自領三

千棒

師示疾翠峰侍次師問曰正當恁麼時如何峰曰脫
體現成師曰萬里不掛片雲青天也須喫棒汝又作
麼生峰便喝師曰再道看峰連喝兩喝師曰胡喝亂
喝作甚麼峰禮拜曰謝師褒贊

師問光巨曰正當恁麼時如何是汝受用一句巨曰
八角磨盤空裏走師曰再道看巨便喝師曰一喝兩
喝後又作麼生巨禮拜而退

師命知客喚翠峰光巨二人入室以法語并拂子相
喝居山長養勿輕泄也峰接拂子曰當爐不避火冷
地裏燎卻佛祖面門去也巨提起拂子曰等閒提起

金

即非禪師全集卷之七

三

大地盡發光明師曰一齊爲汝證明了也二人同禮
退

師誕日緇素設齋慶祝一粟何公進曰今年最祝今
朝廷直指須彌作壽筵師曰善哉供養轉壽居士進
曰弟子久露甘露只恨未得親切一番師曰早已汝
居士親切了也士禮出

林道榮曰恭惟和尚福壽無疆師曰出乎爾者反乎
爾榮禮拜曰謝和尚慈庇師曰喫齋去

曇瑞問尊誕已度三朝請問如何是法壽金剛句師
登三指示之瑞曰莫是前三三後三三麼師曰特節

若至其理自彰

柏岩侍次師顧問曰樹凋葉落時如何柏曰花燦不萌枝岩又問師如何是和尚未後句師豎拳柏曰只是還別有麼師與一掌柏曰此恩難忘

五月二十日早師謂眾曰今日不得離我這裏雲瑞問如何是今日事師曰日輪正當午

答問

黑川崎主問云目連尊者度母母業甚重怎能得度

師答云巨石赴水難浮因舟載過彼岸

問

問世人在生作惡死墮地獄後求經懺超度則

不須爲善何如

答云豈不聞迷者墮井救得活來已脹半死故意投入非其本心

問治彼有罪之人自己還有罪過也無

答云治一人以克濟百千人則有何不可

問弟子生前不知作甚麼又不曉來生在何處

答云前夢萬端不用記憶後夢惺惺夢覺一如夢無定體隨識變現若知此理便明三世

問五戒與五常爲同爲別

答云佛制五戒卽儒五常不殺卽仁不盜卽義不邪淫卽禮不飲酒卽智不妄語卽信但從佛口所宣言別而義同也檀越能守五常卽是持五戒也

問某現治罪人殺或有之盜則無也淫則妻妾妄爲方便酒不能飲也

答云醉不止禁酒昏亂迷性卽醉也妄謂無自欺方便救人則不妄也淫非制匹偶無妄起慾念勿犯外色也盜非戒竊攘不義不取也至於殺戒最重治罪人當察其虛實勿妄殺可也小過則赦之或法不可容當生憐憫之心而警覺之使其甘心無怨再出頭

問

問世人在生作惡死墮地獄後求經懺超度則

元

來必能改過遷善而感德也古之帝王以四海爲家百姓爲子天下歸仁猶百川赴海也

問人人難得持五戒何如

答云須教化之可也宋尚書何尚之謂文帝曰夫百家之鄉能教十人持五戒卽十人淳謹千室之邑能化百人修十善卽百人和睦持此風教以周寰區徧戶億千則仁人百萬矣夫能行一善則去一惡去一惡則息一刑一刑息于家萬刑息于國則陛下之言坐致太平是也觀此之言豈非聖人教化之驗歟

服部居士問生歿是生歿而更不生不滅也譬

如火之然而無所滅如水之流而無所逝只出於天地之間歸於天地之間因茲觀之則生滅是全不生不滅也未知是否乞垂開示

答云火有時而息水有時而竭出於天地之間是有生也歸於天地之間是有滅也顯然生滅誰是不生滅也且天地劫盡總歸于空空而復成成而復住住而復壞壞而復空成住壞空乃成一劫劫終復始生滅不息誰是不生滅也欲知不生滅歷有物先天地無形本寂寥能為萬象主不逐四時周此是吾宗不生不滅之旨也欲明此旨須是看破七大超出三界

始得

劉友聞居士問宋儒引釋典云人生有罪必入地獄殊不知死者形既朽滅神亦飄散縱有苦楚且無所施此理如何

答云神散而識在形亡而業存所以古德云萬般將不去惟有業隨身是也或作福作罪而苦樂隨之人能持五戒則免三途修十善則生六欲若能定慧圓明則永證涅槃矣涅槃證矣雖有天堂亦不處何地獄之可拘達此可謂智人也不信罪福妄執斷滅凡夫外道之見也

問儒以綱常為宗釋以毀形為主去人倫之道滅生生之本儒釋不二之理如何會同

答云噫是亦不知儒也昔秦伯遜國而之荆蠻斷髮文身孔子稱其至德伯夷不娶而之首陽孟子稱其聖之清未聞譏其不孝絕倫也從釋者反常合道了苦空之相盡有漏之因純一清淨悟無生忍上以壽君親下以度三有其為德薄其為道大其為賢非世之所謂賢其為聖非世之所謂聖如此出世殊勝豈不資于大化乎且佛亦何曾全禁人生養之道即傳大士龐道蘊豈無妻子哉若也身處塵勞心常清淨

則為在家菩薩矣眾人以跡觀之似乎不同以道達之而實同也

問崇釋者人人祀佛崇儒者罕祀孔像未知是禮否

答云假像不設時時自有真像現前人自蹉過耳如不信試為指陳道是聖人之心也德是聖人之容也三綱五常聖人之冠服也五經六籍聖人之言辭也天倫聖人之禮也太和聖人之樂也正直聖人之刑政也承聖人之言行聖人之行守聖人之法目擊道存非寫生巧匠所能髣髴其萬一也自古及今描邈

者多酷肖者亦不少傳遠者難其人耳居士果有志於聖人之道日用之間躬行力操以期默契聖人之心心契矣不假跡而見不依形而存日日神謁於言象之外儔云家家而無像耶

問宮宅地理之說可信否

答云地氣則人傑似有此理然山川之秀氣與當人之道氣正氣互相凝結能致產聖賢發科甲榮祖考昌子孫猶如風雲之從龍虎有所感而然所謂造化留心與福善斯言盡之矣若平生無一德可稱欲希冀風水之庇蔭何異望石女之生兒也

問

問

問

問陽居以人之氣所感則是矣只如祖墳惟有枯骸何所感而然

答云磁石引鐵琥珀攝神不期然而然有至理寓焉太平廣記云以虎頭鎚之有龍潭中能致雨蘇東坡與徐司封黃安中試之皆有驗此以類相應氣相感也今祖宗之積德子孫之積善彼此相感能致山雨鍾瑞氣降吉祥亦類是也今人辯遺孤者以藐孤之血滴亡親之骨血與骨點滴喫緊不落滴之他骨則不然信乎氣之感也

問佛說一乘法如兩昔問為甚後來分出許多

華嚴天台瑜伽淨土各立門戶何也

答云諸宗角立為末世方便譬如諸人欲適長安或用驢馬車船隨其所宜而導之則有分別及其到處則不別也諸宗亦如是

問有比丘初精進後罷消莫不退人信心耶

答云懶農廢耕諸人喫飯否身子發心中道退沮在聖尚爾況其他乎雖然小聖暫迷而即覺凡僧長迷不悟悲乎

問誦經禮懺後又殺生有功德否

答云誦經要體佛心禮懺須明已過已過者造殺業

問

問

問

是佛心者大慈悲是不行慈悲不斷殺業經懺雖多何益于理

何毓楚居士問何為頓何為漸

答云頓在見性漸在熏修修有功用性無功用所謂放下屠刀立地成佛是也

問何為真言何為淨土

答云佛以眾生心雜禪觀難成故設此二門令專精一心易成道業又令念佛持咒各以一百八遍為一周表破百八煩惱為成就百八三昧也教有二門同歸一致淨土以念佛為宗旨不退轉願輪直證無生

法忍而後已眞言以持咒爲宗守祕密不傳之旨究竟不可思議境界而後已若可思議卻成知解不至無生翻成斷滅又不可作無生難思之見若作無生之見則著無生魔若作難思之見則著難思魔若作種種見便著種種魔所以如來爲說無差別咒而降有差別魔度有差別衆而成無差別佛佛示寂已惟以法身應物法身者佛號神咒是也神咒佛號如燈與燭雖具有破暗之光明非假智人以真火點之終不能發所謂神而明之存乎其人或理窟不破事相有乖縱持念如恒沙總屬虛妄或具大乘根器正因

之士言語道斷心行處滅舌頭具眼口門放光迴光返照耀古騰今方知佛是假名咒亦刺語復何有淨土與眞言而可分別耶

問妄想如何除

答云想既爲妄何用斷除譬如沸湯退火自然清涼

問心如何明

答云心鏡本明爲情塵所昏而失鑑照但能見微本性無染猛著精彩即是磨瑩工夫塵垢淨盡本光發現是爲明心

問色如何空

答云欲空其色先空其心心既空則色自空內外已空物我一如一如一眞眞空不空是故對境心常寂而不動應緣境本空而無礙頭頭是妙物物全眞更問甚麼色空哉

問生滅如何了

答云生滅無根根生於妄妄心已了生滅自空

問如何不生不滅

答云對一切境心本不起不起卽不生不生卽不滅當處解脫亘古亘今

問和尚具大神通力故得照用自在所謂漏盡

者非性智圓明之謂乎凡愚爲無明被礙觸物成滯故成有漏所以性智圓明不得現前如何令得現前證入無漏耶

答云凡愚性智圓明不得現前爭奈渾身在裏許若能噴地一下全身翻轉轉凡愚爲性智轉癡暗爲圓明轉六識爲六神通如日銷冰水化爲水不爲難事雖然此猶是方便話略若論直指喫棒有分山僧無通力莫謗山僧好

眞常禪人問弟子多病益知生滅之切於禪頗有疑宋眞如詰艸堂青五祖戒三宗師爲輕淨

上之故再世作博地凡夫雲棲大師往往辯之
弟子因此切故欲專修淨業未知不違尊意否
答云佛讚淨土祖何敢輕或專論宗門直指當人見
性成佛者有之謂祖輕於淨土是不然也設有抑揚
之言乃遺著語耳為滯境往相不達惟心者故非真
薄淨土也子勿作實法會可耳若不知權變接人固
執定論則德山呼四果十地為古冢鬼雲門答佛為
乾兩橛則禪亦自不信耶較輕淨土之因果又何如
哉此為上根大器解粘去縛破執而說不知者謂自
貶其禪也所謂祖師無此語莫謗祖師好且歷代宗

跋

印華師全集卷之七

七

師禪淨兼修者載之典籍不啻十九何獨疑此之甚
耶如子所云則宗師不足尚禪可盡廢耶殊不知宗
師轉身為宰官者只緣願力大度生之心切故感此
人間福報也子不見怡山和尚願文云他方此界逐
類隨形應現色身演揚妙法寧止現博地凡夫耶非
特宰官是凡夫佛指梵王帝釋亦為凡夫也然此凡
夫身非道力勝福力大不易轉也其或被富貴所迷
耽著不捨為道力微乃爾雖暫迷而即覺筋斗打翻
復還本位比於禪淨兩無成沈迷而弗覺者實霄壤
矣後進未曾具眼妄議古人反招謗法之咎可不戒

設子欲專修淨業隨子願力備得而阻之
問弟子留心念佛法門願垂開示
答云子但知有念之念不知不念而念夫以念為念
常見之所失以無念為無念邪見之所惑念而無念
無念而念念念不可得連不可得亦不可得處當下
空空寂寂不見有空寂相一切時一切處著力提起
一句阿彌陀佛直下返照此念佛的是誰反覆無間
抵死參究到心思路絕參到依倚所泯忽然磕破
身心如夢忽覺那時方知參即是念念即是參生即
無生無生而生禪與淨土一舉兩得是真念佛之第

跋

印華師全集卷之七

七

一義諦也子其勉之

問佛有無量光明弟子為甚不見

答云覆盆自不照日光未嘗虧

問念佛人臨終時佛來接引十方世界有無量

念佛人焉能悉知其時數盡皆接引乎

答云無邊艸木數難量一拂春風自著花

問有等人教人參究得悟不必堅持齋戒何如

答云此是魔人教壞人家男女為魔眷屬種地獄因

輪迴無已不見楞嚴經云修行之人若不斷姪殺盜

妄而欲求道猶如蒸沙作飯經無量劫終不能成佛

言不信何言可信思之戒之

如輪問楞伽經云五法三自性二種無我意旨如何

答以頌云夜繩不動疑為蛇開室本空佈有鬼頂門突出一輪紅咲破虛空半邊嘴

問不見物不覺不知隨應境覺知是同念起念滅悉都幻悟了無幻無非幻

答云閱來問知向佛法中留心但未透如幻故有妄境櫻心妄覺障道所以有此問倘會得心本無生因境有前境若無心亦無如此則非幻尚不生幻法云

何立耶

即非禪師全錄卷之八

贊

門人明洞性安性節明覺明體全編

世尊 西首

見性如虛空見佛猶夢寐見佛不見性紅日具得通身眼佛身自呈露是為見性人不念佛人間天上孰堪倫萬億化身不露蹤四八好不萌枝上富春風

如來相好等虛空應物現形通三界導師四生父衆生無始願無終

世間世出無如佛尊雲門一棒足以酬恩

出山相 五首

誕質皇宮猶旅泊六霜雪窟學孤松摩耶腹裏度難盡又向市塵作客春

母胎度已畢出嶺接何人覩破一星子重添眼裏塵擡眸星斗落赤腳下空山踏斷衆生界夢中勞往還六載夢方覺明星午夜寒人人具隻眼莫被老胡瞞街頭垂手滿面慚惶衆生難度出不如藏

阿彌陀如來

稽首接引大導師如幻度生三界表一毛孔現一月

輪無邊淨穢咸照了接引二首

正手原向上隨你顛倒想當下不回光攔腮好一掌
心淨不生五濁無苦不顯極樂五千五百同名總是
將錯就錯觀想六首

一十六觀四十八誓生佛未立作何授記
想滅觀空能所皆捨度無邊生實無度者
妄想俱空覺觀湛然不著聲色佛常現前
植福饒益所願成就同有情樂名無量壽
觀甚麼想何物無土無生非心非佛

藕絲織彌陀永貞院請

藕孔億恒河衆生出沒多接開一線路接引阿彌陀

信禪者瀝指血寫彌陀經爲佛像請題

全經是佛全佛是經非經非佛滴血淋淋指端血數
無痕跡獨露蓮池會上人

佛祖正印源流圖像贊并序

形名未彰全無巴鼻些子露出狼藉三千承虛接
響者起模畫樣何異繪虛空于鏡面喚鐘作甕者
歌頌贊歎豈非施五綵于光中余既不能破鏡復
爲忍俊效顰明眼觀之寧不絕倒噫虛空面目果
如是耶查欲借指標月令人見月自忘其指耳昔

公美觀斷際儀像而直下頓省高峯讀五祖真贊
而打破疑團此非因指而見月得意而忘言者乎
所謂色相語言皆歸第一義諦信不誣矣邇承黃
藥老人賜佛祖圖贊一卷焚香頂禮胡跪披閱自
靈鬢一花少林五葉吐英葩于南嶽抽繁枝于濟
北正餘流芳七十一葉皆從老瞿墨實相無相中
流出言下無容贊一辭耳竊愍像季難信安得法
界有情共種佛因於是重參古本繫贊付梓不圖
話行千古只貴正眼流通佛祖面目一時點開不
傳之旨大家領荷小傳不誤

釋迦牟尼佛

受然燈記成賢劫佛托質皇宮慶生母腹圓地獅吼
三界尊獨容顏殊特秋蟾春旭御遊鳳城悟世迅速
視金輪位不啻霄壤雪嶺六霜突開頂目光被河沙
道成兩足切利首登爲酬鞠育普副羣機春行艸木
天人歸敬魔外降伏三百餘會響答空谷拈花啟笑
尾巴露出不了命根迦葉能續丈六金身幻臨片牘
永陳供養筆底燈燭

第一祖摩訶迦葉尊者

株守金襴於雞足山中鈍置黃老喚倒剎竿於王舍

城畔胎累阿難九十一劫身金色面皮厚也不堪觀

第二祖阿難陀尊者

如來成道祖生日珠聯合璧三十二相祖缺一粒甘如蜜爲佛侍者三十年智慧總持解第一從上正法眼展轉流通遺下多羅藏如是結集人天信受奉行迦葉證明已訖向恒河涅槃許二王親到中流彼岸度五百仙人唯商那會得眼橫鼻直

第三祖商那和修尊者

胎六白而出世感九枝以降祥兆符佛記百歲後法輪常轉迸開法眼二火龍匿耀無光現多分得一枝

秀徧界咸聞瑞艸香

第四祖優波鞠多尊者

答身十七以性渾圓性身本空法何以傳真空不空如春有權時節若至硬地皆穿魔燒正法何尊者便逆風把火反燒其面度人如沙香象英彥法付已竟猶弦離箭躡身虛空現十八變籌放光明如雷如電

第五祖提多迦尊者

巍巍寶峰佛日方中法流無盡優波疏通心離名字身等虛空無我我故佛體是同證無所得聖種紹隆化行中印首度仙翁

第六祖彌遮迦尊者

別師梵天錯脚神仙已經六劫始了夙緣入一乘道其道無前誰契密意抹過那邊

第七祖婆須密尊者

手提觸器街坊遊咏不染外塵朗然內淨先三百年佛記汝聖頓省前緣傳提法印有智者來鋒論不勝願歸座下上鉤負命

第八祖佛陀難提尊者

義路如苔難達大辯才大道無階授取入門來紹承一滴真甘露灌得伏馱臭口開

第九祖伏馱蜜多尊者

五十年口未曾言言與心親自墮地足未曾行行與道合翻身磕破虛空壓碎難生臥榻

第十祖脇尊者

遇甲胎中打坐三生不著睡魔感雨祥光舍神分付夜奢富那

第十一祖富那夜奢尊者

來無所來去無所去心無所生法無所住無住之法付與大士仔細觀來秤鎚離踏

第十二祖馬鳴大士尊者

觀面是佛尚自不識言下悟去信汝不及前因化靈功無等匹感化摩羅三千入室明暗不二法非離即相現日輪騰空而寂

第十三祖迦毘摩羅尊者

有形總歸於盡無相方知道尊滿金人而復現女人孽芽翻作菩提種化性海而毛吞巨海接得半子龍子孫

第十四祖龍樹尊者

剃度聖智自生慚惶一禮簪蘭不嗅餘香世間文字海一口吸盡華嚴十萬偈一日不忘身現月輪令一

卷八

六

切人皆視佛性雷音灌耳惟長者子擇乳鵝王親製三論疏鈔相當焚卻可惜施人拭瘡

第十五祖迦那提波尊者

座前置滿盞水法海無涯尊者投之以鍼直窮到底一頭陀恁麼贊揚多少人背後嚙指謂予不明向上只管愛說道理咄水頭有耳急請羅多收起

第十六祖羅睺羅尊者

放過佛祖出頭來冰河發焰把住乾坤不露蹤黃金失色當時僧伽常在定金盞香飯成狼籍

第十七祖僧伽難提尊者

寶莊嚴王之太子娑羅如來之後身生而能語猶頻伽在數中音超衆鳥七歲厭俗如獅子初出窟氣槩絕倫事師十九載不倦博得一百歲童真緣盡攀樹而化衆力難舉全身就樹建塔垂蔭後人

第十八祖伽耶舍多尊者

娠七日而誕其肌無瑕瓊枝寸寸是玉生未嘗入浴其體芳潔栴檀片片皆香風鈴不語境出心寂圓明寶鑑道藉人彰聖者德風彌宇宙祖燈嗣續永昌昌

第十九祖鳩摩羅多尊者

在天而天與天作眼在佛而佛爲佛偏袒示因果如

卷八

七

影隨形說生滅猶漚歸浣無生偈付闍夜多面放紅蓮香不斷

第二十祖闍夜多尊者

闍揚頓教縱橫與奪辯若懸河不消一拶解纏縛之苦行令絕功勳破執著之妄心當下解脫若不是要修盤頭爭領得者虛空棒喝

第二十一祖婆修盤頭尊者

杖倚佛像遂失二果墮富家兒堪作甚麼未出孃胎被人看破聖子在懷生爲法寶一食終日長坐不臥感摩拏羅同證佛道

第二十二祖摩羅尊者

全德天授一念正信遵父王命佩佛祖印度彼世主
七日證聖鴈鶴上座荷擔上乘

第二十三祖鶴勒那尊者

聖子神童英中秀金環在握花生肘幼行聚落叱淫
祠言訖廟貌立崩朽中年行化至中印國王接足天
禮首至人達觀體性空無作功德亦非有復為師子
說休咎眾生倒計汝正受

第二十四祖師子尊者

聰明難敵業無作即功德悟此至人言渡入智慧宅

法華經卷之八

第二十五祖婆舍斯多尊者

詰化小乘禪五眾齊解惑重還宿來古今理不隔
伽黎付斯多他方施法澤祖受鶴懸記獨留爾方客
平地骨堆成寬對路頭迫勢開瀑布泉界破青山色
槐根既傷鋒柳枝斷移刻俱了本來空無失亦無得
劍鑄鼻孔珠換眼睛藏身露影面目分明被師看破
特地安名密授心法直抵王城摧伏外道義海無聲
聞師償難北面傷情振策南邁山谷遁形德王徵起
疑信相并祖出信衣命付丙丁薪盡如故謝過致誠
論弟嗣法祖道雷鳴神變入滅舍利尺盈勅賜建塔

空碑宿銘

第二十六祖不如蜜多尊者

不捨四誓願降跡誕王宮為一大事故傳法慶愚蒙
風宸初羯磨磨地震搖虛空大人具大用不與尋常同
隨類化王者外道術相攻祖以無心應一指超五通
化山頓殞滅首度瓔珞童以聖而繼聖果熟遠劫中

第二十七祖般若多羅尊者

瓔珞童真勢至化身先佛綱紀後代繩津報緣已周
謝萬乘之弟子度生果滿作勝熱之上賓放光二十
七道如虹貫日騰空兩注舍利墜若飛星張紫留異

菩提子一葉花敷無盡春

初祖菩提達磨大師

西乾正輪東土初枝親五露而象五竺胸天空而印
天池志紹覺胤傲展香至大寶智珠月朗眇視無價
摩尼柳邊入定七朝昏道酬鞠育座下履勤四十載
義盡師資除六宗婆心何切對梁主觀面相款九年
壁觀成何事賺得承宗半臂兒

二祖慧可大師

頂似五峰秀出胸羅三藏文章開舜若身中活眼現
昆盧頂後神光為法斷肱續少林之補鑊密傳正印

燥驚攢之芬芳葉空百有七齡霜消雪解衣付風悉
長老杏接梅香

三祖僧粲大師

僧中之寶法中之龍心銘如鏡無不包容委順時至
合掌立終輕信沙彌敗露家風

四祖道信大師

自縛白解乘風展翼經六十載脇不至席鳳詔三郤
帝彌加欽一枝橫出吾道如林

五祖弘忍大師

以宿緣故出家重具兩夢一覺鏡像墮人相缺七種

支那

五祖弘忍大師

七

不達能仁以性為姓族無比倫破山忽晦嗣化方浸
七百龍象選取一麟樹堂養母以道資親有情下種
如火傳薪

六祖慧能大師

八十一生為善知識一物也無留取腰石石爛花謝
果熟梅落馨香充塞東西土衣盡誼云在嶺南

第一世南嶽懷讓禪師

佛旦降生聖賢應化為國法器象應王霸五葉結芳
英靈獨跨腳底兒孫踏滿天下

第二世馬祖道一禪師

全德異器牛行虎視引舌覆鼻足紋成字衡嶽坐禪
看破磨靦車牛兩亡心佛俱捐八十四員鼻孔被穿
百丈老祖扭失半邊

第三世百丈懷海禪師

佛與人無異我後當必至虎子生三朝便有食牛氣
喝下雙耳聾突出超師智叢林製禮樂萬古為標幟
日作必日食不置閒家具卓然而獨存享壽九十五
道貌甚清癯儼然未度世千載遇一時慚惶續世系

第四世黃檗希運禪師

巍巍如山頂珠面盤轟轟烈烈虎嘯龍翻放下九潭

支那

五祖弘忍大師

七

十二峰硯池筆架提起須彌大千界拄杖滿園萬象
森羅都喫棒至今濟祖瞻猶寒

第五世臨濟義玄禪師

智擬孫曹面冷如鐵道越古今膽赤腸熱倒持虎鬚
露視兇之爪牙誑嚇間闢辟風雷之喉舌是所謂風
顛之烈白拈之傑熟瞞暗瞞殃遺跋脚

第六世興化存獎禪師

濟祖繫度六載承歡孤賒撲落兩不成單拈香雪屈
新艾著舊叢揭開羅帳祇柱迴狂瀾中原驗寶明眼
難瞞出生死如遊園觀聲鐘告眾般涅槃北辰日

午面南看

第七世南院慧願禪師

臨濟三世興化克家辟然道貌雪嶽春葩壁立推倒
扶起無從踰越出逸驥追風

第八世風穴延紹禪師

一舉不第直出凡籠棒下契旨如空合空神屋單丁
幾三十載繼承重託崛起顏宗爲法求人淚點血年
年華染萬枝紅

第九世首山省念禪師

荷負鼎絲真丈夫兒門庭高大一肩夾持天人物表

御象威儀道昭日月邁種之師

第十世汾陽善昭禪師

未曾撥入徧參知識七十員放下身心郡侯八聘堅
不起無奈同門啓封迸出西河獅子別立二句直闢
向上宗猷繼示十同如箭不離弦矢末後三微迫不
得已停箸蟬蛻報李君休向圓環覓終始

第十一世慈明楚圓禪師

霹靂旌變藏鮮封愈固香益全時節至水出蓮道如
蜜甜中邊忘垢淨川臨川等逆順風風圓登寶劍列
聖賢正法眼照人天

第十二世楊岐方會禪師

小出大遇意下休休十年宛債一旦相酬天共雲飛
水和月流三脚驢子關殺枯牛

第十三世白雲守端禪師

瞿曇舉身毛孔俱笑楊岐笑趨驢溼處屎堂前白雲
江山失照提壘一籌頓契本妙六會舉揚風號萬竅
曲演無生宮商合調

第十四世五祖法演禪師

而立之外刻紳受具初習惟識乃通大義不會空宗
知識是慕遠見白雲如瘳其痼鐵裹酸餒隨時吞吐

撞破口門汗泚無數魁住東山蠅依蟻附彩鳳丹青

鐵蛇古路下載清風嚙堪分付授與滅宗寬有頭故

告倦津梁示同電露舍利旋迴疎疎兩出霧體同虛空

法身常住真天下師法門大樹

第十五世佛果克勤禪師

一目十行自笑無書可讀艸鞋踏破方登五祖之
籍隻眼于聲色堆頭風流千古辨龍蛇于無生棒下
機用雷奔相府談玄全提華嚴法界紫宸入對別立
格外乾坤特賜金襴師號東山之道益尊舌牙舍利
三不壞睡虎翻身一口吞

第十六世虎丘紹隆禪師

通身是斑一霧在眼竹密水流天空雲斷涌出金輪
第一峰堪作四生大彼岸

第十七世應菴曇華禪師

巾侍半載鼻孔去半邊不沾肉氣惹得滿身瘡外揚
父醜高索價錢妙喜長姪之惡彌增逆子之愆知罪
不辭贊歎贊歎或為疎密蒼天蒼天

第十八世密菴咸傑禪師

撥出砂盆賣弄家風正法眼藏自此流通被人看破
卻成滯貨明眼人前不直一唾

文部

印禪師全集卷八

十四

第十九世破菴祖先禪師

徹證根源無本據教得胡孫倒上樹烏頭子也早
心直至于今無覓處

第二十世無準師範禪師

尺短寸長量盡虛空無欠剩殺刀活劍威光凜凜逼
人寒一朝劍尺忽雙失竊得胡孫上徑山少賣弄悅
龍顏誰知難掩面門斑欽須紫服銷金帽衣拂竝傳
匹似閒

第二十一世雪巖祖欽禪師

看破庭前柏趙州欠悟門平生作一夢且喜有人原

居住萬指千曉身披御賜衣黃芳流千載目擊道存

第二十二世高峰原妙禪師

誰花灰屍來自負還自埋三吳為土墓天目作棺材
大威忽大活咳唾成風雷獨許不肯兒扶起上高臺

第二十三世中峰明本禪師

觀流泉有省大意度竹篋洞澈源底道客滿月沾光
莫不清涼齒頰春風拂地皆成紅紫有福慧等滄溟
視名位若敝屣天子知師不可致落王懷香扣直指
兩賜金襴五山不蒞奔走萬方龍象千公卻較些子

第二十四世千巖元長禪師

文部

印禪師全集卷八

十五

豐頤美髯眉滿眼碧脫口河傾漢注落筆無字渾圖
堅不可入築碎方壺萬機頓息道離有無用即權實
濟世醫王隨證愈疾敷揚大教雷霆啓蟄寶構交空
如鵬展翼道韻德容可捧可掬王公大臣望風屈膝
迸出金毛懸崖返擲腳下萬峰頭上紅日化儀云周
投筆而寂兩朝諡號用垂千億

第二十五世萬峰時蔚禪師

拳頭上相見荷葉下翻身不是劈空手爭擒萬甲鱗
自從逆浪後隨處作甘霖大寶無心得舒光耀古今

第二十六世寶藏普持禪師

久依鄧尉不事寒溫大事了畢有禪無禪徹底掀翻
無盡藏玉毫散作禪桑轍

第二十七世東明慧昌禪師

一宿曉禾兩夜慧醒今古季昆天下匠鄧餘三十年
空山弔影千里趨風雲濤萬頃欲泛滄溟呼龍入井
砍竹垂綸拾得釣艇

第二十八世海舟普慈禪師

曝曝論實義扁舟過洞庭琉璃忽墮地築碎水晶餅
七十四僧臘九十六報齡寂呼瑄長老無語可丁寧
第二十九世寶峰明瑄禪師

戒律

即非禪師全錄卷八

十六

面門放光療卻眉毛現成公案悟個甚麼我見燈明
瑞如此高提古鏡印山河

第三十世天奇本瑞禪師

雲月是同蕩然一片古皇風諸佛不識平欺佛祖超
常倫從前聞見非聞見獨露一枝優益紅

第三十一世無聞明聰禪師

人家教壞不知羞卻向龍天說悟由露柱揚聲罵不
徹燈籠鼓腹笑無休

第三十二世笑巖德寶禪師

因地一聲雷通身手眼開光明遮宇宙標格露崔嵬

賢聖目中屑多癭瘻底灰曹谿一滴血老祖錯傳來

第三十三世幻有正傳禪師

拄杖頭雙懸日月笠子下益覆三千幻起微雲半點
龍池浪涌滔天翁翁常住寂光土萬象共論物不遷

第三十四世密雲圓悟禪師

他方補處此土樵夫曹谿芳躅千載合符銅棺開眼
大地平沈全提白棒直指元辰涌殿飛樓應念成就
道播九重公侯稽首七十七年普注法雨大根小華
盡量而已二六法嗣堪方四季生化無窮毫力不費
鳳眸龍姿身掛紫衣瞻禮遺像渾是生機

戒律

即非禪師全錄卷八

十七

第三十五世費隱通容禪師

翻轉面皮自是出爐彈子辣鎚不變終成百煉真金
年而立大方獨步迤邐稀古十振叢林過天童三面毒
鼓掃雙徑百萬松陰全展金翅之威滄海中擲龍活
捉倒用魔王之印藕孔裏大卒生擒續五燈未全之
語符列祖大公之心空胸峻骨龍辱不臨落葉歸根
舍利珠圓玉皎無隱面目依舊山高水澗

第三十六世隱元隆琦禪師

首入費師翁之室獨踞運遠祖之席痛處加錐紹三
十五世骨髓酬恩兩佛續二十八代正脈此吾師承

從上源流之大體也奔流度刃花劈三玄于棒頭電
激雷轟包羅五教于喝下此吾師整臨濟接人之大
機用也望之儼然如海上孤峰卽之油然若垂雲無
跡此吾師之隱顯三昧得法大自在也六坐道場皆
梅檀圍繞衆梅檀總一梅檀七十二臘賜黃檗重開
一黃檗現多黃檗是無秦徑山之真子斷際之象孫
也至于雲仍繼美法脈悠長非不肖一人所敢擅其
後塵以開來學用新東來之正印也

祖師源流像贊

初祖菩提達磨大師

道貌五露胸毛益膽旭日東昇頂門隻眼

二祖慧可禪師

頂隆五峰神光燭空百有七歲果結春風

三祖鑑智禪師

白玉在璞黃金出鑛人天眼目古今瞻仰

四祖大醫禪師

天姿異偉道韻超倫三詔不起大法彌尊

五祖大滿禪師

只知松老不覺海黃祥麟獨角破鏡重光

六祖大鑒禪師

衆妙會心百福成相慧鑑圓明萬古榜樣

南嶽懷讓禪師

諸佛護念不虛流傳磨得磚片光照三千

馬祖道一禪師

虎視牛行蚪髭鐵面腳下兒孫奔雷掣電

百丈懷海禪師

玉骨稜稜星眸炯炯三朝追謚宗門匠耶

黃檗希運禪師

頂具神骨額露圓珠一條白棒打落太虛

臨濟義玄禪師

鐵面刮霜威風捲地獅子翻身大鵬展翅

興化存獎禪師

罰出克賓棒頭雷走不是張華徒覩牛斗

南院慧顥禪師

肉團千仞眼生三角沒量罪過傾湫倒嶽

風穴延紹禪師

面目冰雪骨格松致出海獐龍空羣良驥

首山省念禪師

一言之下截斷千江家風不掩地久天長

汾陽善昭禪師

寶林寶樹滄海奇珍手標絕世道韻照人

慈明楚圓禪師

黑夜明月汚池青蓮親言親口大哉楚圓

楊岐方會禪師

其威可畏其儀可法三腳驢兒龍象踏殺

白雲守端禪師

出岫之雲立雪之鶴若非老祖終難湊泊

五祖法演禪師

喜怒不形動靜如山舍利如雨衝破鐵關

圓悟克勤禪師

龍蔚之姿氣宇弘恢眉稜日月齒頰風雷

虎丘紹隆禪師

形似睡虎氣如簷蔔大闢芳猷東山正續

應菴曇華禪師

日裏麒麟劫外曇花道越今古法蔭河沙

密菴咸傑禪師

容莊軒豁道韻卓舉托出砂盆光昭寰宇

破菴祖先禪師

器度英芬神宇清曠臥龍一奮徧地黑浪

無準師範禪師

頂髮垂絲兩眼如眉瑞世雙徑優曇一枝

雪巖祖欽禪師

渾金肺腑生鐵面具捉敗徑山無立地處

高峰原妙禪師

亂髮披肩眉橫兩帚絕後再蘇眼空宇宙

中峰明本禪師

道吞滿月答響如鐘丹山彩鳳法海金龍

千巖元長禪師

逆風把舵順水張帆無明脫體梵行莊嚴

萬峰時蔚禪師

鬚鬚而赤眼橫鼻直翻轉面皮瞻望不及

寶藏普持禪師

挺卓不羣骨梗無輩法中全提超方之外

東明慧岳禪師

瘦益精神老有餘韻咳嗽一聲大地震動

海舟普慈禪師

風骨凌霜氣宇優遠九十六年珠回玉轉

寶峰明瑄禪師

神彩超邁淳德不渝打翻古鏡賺卻益子

天奇本瑞禪師

儀表端嚴道風可挹法海津梁中流一楫

無聞明聰禪師

道翰宏拔間世英華普施法雨大地明芽

幻有正傳禪師

挺生拔萃犀顙象肩條杖歸握拄地撐天

密雲圓悟禪師

大機活脫正令全提臨濟再世天下宗師

費隱通容禪師

氣吞佛祖眼盜乾坤正法眼藏分付兒孫

隱元隆琦禪師

臺齡古貌黃檗開宗一枝挺出旭日方東

至

舍利贊

并引

歲丙午七月初一夜一夢神人頭頂五梁珠冠手

捧九層寶塔乘空而下問訊一曰何不贊歎大檀

越一乃出袖中寶珠命神人置於塔尖神人安訖

一復命疊珠神曰無以加矣一曰山僧贊歎大檀

越亦如是也神謝曰和尚善說法要遂騰空而去

一忽覺次早爲初二日諸執事來參一述夢語爲

原諸執事或贊或默俱作禮而退一喚侍者取紗

一幅手圍夢中所見神人像忽值原太守送古銅

塔一座至奇哉何符合如是耶遂題偈其上以答

神床併復太守至十五日接黃檗諸昆仲書咸云

太上皇於六月廿九日敕使齋金塔一座高二尺許

中安佛舍利五顆賜黃檗本師和尚供養外毘吾百

塊備建舍利殿是日日本師和尚命合山大衆聲鐘鼓

具旛花出三門奉迎僧俗歡呼唄梵慶贊以斯法利

壽國福民一體三寶藉此重光耳本師說偈八首併

舍利記進謝諸法昆仲亦有贊頌附末一聞之益奇

所夢乃焚香向妙高峰作禮復唱贊一十八韻用展

微忱時孟秋既望日也贊曰

道本不生佛化無形而此舍利無乃強名各由實有

至

有自空成空舍諸相佛示其貞內定湛寂外慧圓明

非空非色無臭無聲淦而不汚猶月臨清隨方應現

度脫有情佛心天子坐享太平不忘付囑覲面相呈

鶴髮老衲感上至誠珍供函室家國興禎禎祥入夢

大道方亨遙空贊頌掌合拳拳金剛智種匪涉枯榮

逢信則發遇緣即萌芳流桑國瑞應神京龍圖永固

法海長盈

即非禪師全錄卷之九

門人明洞性安性節明覺明幢全編

贊

文殊大士 五贊

熟瞞七佛教壞善財被人看破藏身五臺倒跨金毛
子天上戲毬來

截斷維摩舌頭鈍置迦葉提撻跨金毛遊戲十方原
不離靈山會上

我真文殊非文殊按下獅子如騎驢大智深達法源
底南無過忒七佛師

通身是劍通身佛身不可持執何物一毛頭上億金

毛吼破虛空芳艸綠

若也著色相空花猶未除一切心清淨是真見文殊

普賢大士 四贊

佛口化生華嚴長子行高於山願多於雨毛頭迸出
白象王億蘇彌盧在裏許

以理印行珠圓玉碾經卷不大微塵不小二千餅瀉
酬何長咳嗽一聲答已了

何疎普眼何親善財被人檢點峨嵋活埋依然藏不
得騎象舞三臺

謂是菩薩身執相總徒然不捨眾生行是名供普賢

維摩大士

大千爲榻臥維摩病與衆生不較多三萬二千部拱
手瞿曇亦不奈伊何

歌臥毘耶城中無聖人一柄龜毛拂掃空諸法塵

觀音大士

稽首過去正法明聲色堆頭觀世音擬對君王親說
法一毫頭上現全身

百千手眼一毫頭個個須開頂上眸觀破自他無相
相鐵船沒底也教浮

身似泰山盤石安中流砥柱截任瀾海潮音裏宮商
別眼聽是名清淨觀

鸚鵡能說法軍持解知音寒岩觀自在滄海無邊身
大故慈悲父處處度迷津

三十二應如鏡現形不畱朕跡豈涉途程婆心生鐵
鑄南無正法明

眼聽雷鳴耳觀電爛聲色堆頭突出手眼慈悲如水
月淨穢皆赴感

凡夫色礙二乘聲礙耳觀眼聽渾無物是則名爲觀
自在

一月現衆水圓明清淨觀大悲千手眼攝在一毫端
有意攝不成無心畫卻像欲求出世身不離世間相
讚歎無量壽現此無邊身承事皆如意還他大福人
一滴杏花雨散爲楊柳風善財行腳返笑破福城東
無作大悲心切切於救世滿目皆男兒幾箇知母意
有求皆如意南無觀世音豁開正法眼隨處現婆心
念卻婆心苦爲憐赤子歎滄江明月上托出走珠盤
淨餅納大海荷葉載三千慈愍衆生苦無時不現前
木人見花鳥石女聽雷鳴返聞聞自性是名觀世音
智入無邊身慈應河沙國了無淨穢殊如水涵明月

即非

即非

三

去來無轍跡法說有顯密能救世間苦觀音妙智力
鏡含菩薩面鐵鑄老婆心婆心如日月光明耀古今
福德男智慧女慧如日德似雨菩提逢春花實並舉
解衆生縛還佛祖債一物不爲縱橫自在
三十二應十四無畏如月臨川毫力不費
觀無所觀兀坐蒲團三十二應月應秋月應
黑白分明卷舒自在頂門隻眼普觀沙界
得大自在證真圓通無刹不現如無邊春
東土導師西方補處踏新雨條向甚處去
千手千眼自觀不見念念觀音時時出現

滿眼春色滿耳秋聲剎剎塵塵觀世音

古鏡當臺坐斷去來客移一步大地花開

不離谿聲山色處處圓通普門長年巖上閒看瀑欲

令衆生識本源

觀瀑

大悲海裏立生涯千葉蓮花水面栽爲度衆生登九

品百千手眼一齊開

千手千眼

三十二相

雲瑞上座請

大士因童子請法

大士端立童子胡跪有求赴感願施無畏

大士和南

即非

四

空乘仰蓮佛坐其上補處現前鞠躬合掌

龍聽法

說不以口聽必以角轉此業身以法爲樂

大士坐蒼蘂叢中

毛孔吐香化爲蒼蘂解五濁穢供一切佛

童子倒地作求物勢大士以手招之

以信爲母以施爲子三輪空寂我方與汝

騎獅子

勇猛難羈柔慈可攝一彈指頃超無量劫

寒潭印月

感必在我信生汝心心水月在在觀音
監財錦經

大地魚籃全提不醒一片婆心千江月影

大士端坐蓮花韋馱持杵護侍

蓮花無染慧劍光燄魔外妖邪莫伺其便

大士手捧尊佛

心外無佛佛外無心心佛俱非識取觀音

童子戲顰

童子戲顰戲童子戲爲佛事大士不語

持蓮行道

文淵

即非禪師金錄卷之九

五

大士行道手捧蓮花一塵不染香徧河沙

出神童子作禮

大士假寐神從口出童子惺惺空中禮足

鬼負童子

大慈悲父法王眞子不費文錢鬼可役使

童子先大士而行

我坐爾坐我行爾行機先一著不讓當仁

大士坐巨石

佛心體空石心體貞惟貞與空不受纖塵

倚坐荷葉足躡蓮花

花葉有異根本則同躡承匪力佛身如空

手握浮圖童子問訊

七級浮圖猶如提壺道力殊勝童子曩謨

凌蓮舟

爲凌羣流駕葉蓮舟不施櫓棹直到岸頭

那伽荷鼓

足躡龍背遨遊法海猛性能馴眞觀自在

正几轉視

竟日抱几回顧不已童子來也何憂何喜

老翁指顧

文淵

即非禪師金錄卷之九

六

汝有所指說盡道理語默雙忘依然不是

曇花現座

坐優曇花手捧其實非其種類瞻嗅不及

籃裝三衣籬手握一木杓

三界有漏一念無爲撈得童子日日相隨

古柳爲榻童子語顰

身依古柳靜觀自在童子指顰汝超三界

手展貝葉

教外別傳法離文字纔涉思惟落第二義

行持甘露餅

攜甘露餅編蘇熱惱難行能行到所不到

磐石倚竹

貞忘其石幽忘其竹同小向大拗直作曲

置魚石上

陰陽匪涉原從化生不無害卷焉知錚錚

禪定

石頭蠢動皆應得定大士不然禪寂如鏡

乘蓮

渡人自度默泛蓮舟船頭撥轉海水逆流

海涌金盆

五言

聖師金卷七

七

曉日東昇光不汝獨昏雨晦冥眉光交燭

枯木大士

慧覺上人請

惟此真實枝葉自落久臥青山何異鎖骨藏身不密
被人摸索具足梵形不假雕琢全木是佛全佛是木
救苦尋聲如月赴壑蟻聽以身龍聽以角根根圓通
超出五濁佛本假名離真何托返觀遺聞即究竟覺

經繪大士像

三昧禪人憑指畫為墨以普門品寫大士像
近視之如蟻陣成行遠視之了無字跡可謂
巧心妙手以迹戲為佛事堪稱成佛之
因倘向筆畫外突開雙眼是漢人三昧
通身是經謹為觀音春回雪裏花滿千林

勢至

彈指裂虛空魔宮皆震動一切自歸正引入蓮花洞

地藏王

不違昔本誓紅日出西方度盡度不盡南無地藏王

十六羅漢

第二門頭開方便各顯神通十八變安禪入定兩尊

慈肉眼凡夫覲不見

見思惑斷證阿羅漢向上一路只得一半那一半如

何證形名未兆時看

降龍

五言

聖師金卷七

八

願大滄溟小心空應器寬渾身在裏許切勿弄泥團

伏虎

座下老大虫馴伏同齋養正眼忽親來也是閒伎倆

十八尊羅漢一軸

十八應真阿羅漢俱是靈山記前儔為應安竭羅王

供各展神通逐浪遊欲把恆河都一吸恐教海底吼

泥牛颺受變龍珠一顆至今無價莫能酬

羅漢渡谿

出境渡谿渾身水泥不先自度接人無梯有生可覺

我執猶迷四相俱空誰證菩提

十八尊者

布帛

囊藏大地坐斷古今百千日月流出胸襟

入定

正觀無我定者是誰返觀實相無作思惟

持尺

拈起禪尺佛也不識勘驗諸方不謂朕蹟

焚香

拈檀妙香不煙自熱鼻觀無聞虛空通塞

了經

持經

即非禪師全錄卷九

九

義天期耀隨讀隨空月輪穿海影過無蹤

揮塵

手內有拂身外無染清淨無瑕拭此一點

補衲

裁荷成痕補雲無蹟密下一鍼思慮不及

閒坐

放卻雙眸接取一足若問春秋益神時綠

展卷

尊者此卷不著文字爲伊不薦展以開示

如意

恆持如意而作佛事一切衆生俱圓種智

鳴鐺

手動鈴鳴鐺空音息萬法惟心證婆羅密

敲魚

魚梵清吐聞以眼入一根既返音聞雙寂

結印

以身作觀以手結印咒不言中魔外歸正

降龍

一顆摩尼光吞無際引取禪龍蓋中遊戲

伏虎

持經

即非禪師全錄卷九

十一

於菟跳梁尊者善將善機既寂彼惡亦忘

觀蓮

清風在手明月非賒冰心雪質一朵蓮花

安禪

諸漏已盡稿木其形不定不亂常寂常惺

長者

道尊德備臘高眉長不起于座應供十方

鉤洗香象

象王威德世間無應世猶如水底烏彼此無滄安樂

甚何勞傷損好皮膚

童子爲尊者明耳

耳裏根塵墜幾時疎通幸有小廝兒牙關咬定辭難措癢痛由來當自知

空生尊者

宴坐天雨花空生未作家佛眼覲不見何處擦泥沙

布帛和尚十五首

掌示神珠迷者不顧欲落泥中恐成染污待他回心

兩手交付一花普春大心獨露

放下藤條不落照用拋卻扇子不作炎涼爲甚把住

布帛雷取作戲逢場

士

特地分身百億囊灰到處成跡好與三十烏藤趁入

銀山鐵壁

布帛挖泥帶水拄杖打雨敲風莫嫌不歸兜率家舍

原在途中

佛祖眼睛穿一串穢土淨邦囊半帛虛空背上立乾

坤輪我此時都不會

自離兜率天分身入肆鄺知音猶未遇在處且隨緣

帛盡大千界依然無一物因我識得汝驢年得成佛

人爲兒女癡爾爲衆生癡癡心無日了成佛待何時

乾坤常自在日月任他忙布帛都放下大地漫囊藏

知汝厭婆娑相送出愛河放開三不了把住六波羅

不行而至無爲而成布帛放下坐享太平

肚寬似海坐儼如山雙眸秋水春風笑顏

放無量光倒垂隻臂全提衆生阿鞞跋致

圓滿覺智朗然獨存春風一塵半帛乾坤

寬著肚皮放下布帛過現未來於法自在

又十八子圖號

淨機收一帛到處生捏怪拋擲百千番展轉無量礙

貪著小兒曹願求各所愛十方八面來空有一齊衰

自離兜率宮走徧大千界度盡難度人未還菩薩位

支那
非徒
即非禪師金卷九

三

當時遇山僧都喚來踏碓約住六門頭一箇不許退

然後各賜棒趁入龍華會方知我法王於法得自在

對月了經

月白紙一色眼與墨俱黑妙義箇中圓了亦不可得

朝陽補納

挑出一輪紅撥開一線路補教無縫時心眼一齊露

二尊者同幘一翻經一補納

補不完讀不了趁取山月皎東一句西一鍼滴漏知

多少線斷眼空紅輪東曉

寶掌

千年願住世爲度娑婆人日月互相照是師掌上珍
豐干

這阿師癩似傲帝王來也不起佛祖薄而不做謂是
豐干耶何異眼中著屑謂非豐干耶依然石邊打坐
熟瞞多少人阿誰想得到無端饒舌被人窺破
者箇老豐干機忘心自安晨昏臥猛虎總作石頭看
道富德豐於菟相從頓忘物我如空合空

寒山

無字詩誰沒有不妨和你三兩首紙上描來總非真
除卻寒山誰敵手

了無清夢落人間贏得浮生一世閒不覺天風來檻
外一池秋水動寒山 打睡

一條鐵柳標重如須彌山有人扶得起許伊是同叅
鼓掌狂吟拍拍是令穢土淨邦竹筒貯盡
狀似癡狂意不顛倒無韻之詩愈讀愈好

拾得

一物也無掃箇甚麼阿呵阿拈起何如放倒放不倒
一任掃破太虛空錢帚星花開朵朵

至人無夢入夢三昧度顛倒衆出夢想界夢中拾得
覺來空開眼應須作夢會 打睡

一卷沒字詩開口便成鑿有人和得成許伊超無學
拈起筌帚有用有照冷地看來一場好笑
掃空佛魔不畱朕蹟特地全彰剎卻徧吉
元無點塵掃個甚麼拂落空花爲結實果

寒拾同軸

四睡

相逢無半面千里有知音笑破寒山口難描拾得心
理寂事也寂心空境亦空無夢亦無想坐斷主人翁
忽遇大蟲欠伸時如何寒拾拍笑舞春風豐干踏轉
一輪紅

人睡虎亦睡彼此施無畏虎醒人亦醒彼此俱忘形
稽首如空合空大哉慈悲至仁

杯渡和尚

腳下不知滄海闊大圓鏡裏日浮杯吸乾巨浪無涓
滴戴角金鼈掣得回

金華聖者

亥元如喫木樨羹格外風流過一生不是末梢誇好
手賺他個個落漢坑

韋馱

摩那天王眞子大權菩薩降神十八世曾居將軍之

位六九生示規幸輔之身受佛遺囑護轉法輪無邊功德福利天人

關大王

惟義不朽山河共固其心愈赤日月並明挺身護國衛道忘形所以為聰明正直之伽藍神

配天配帝神祇至尊丹心昭日月正氣塞乾坤

役小角

靈秀道士請

和州役小角少敏而博學岩居三十年神食以自樂持咒驅鬼神騰空遊海岳箕而之伽藍神靈難測度媽祖

懿德天堪配洪恩海共湧揚帆登寶所慈愛見婆心

永樂己丑正月敕封宋靈惠夫人林氏為護國庇民妙靈昭應弘仁普濟天妃

卽非禪師全錄卷之十

門人明洞性安性節明覺明幢全編

贊

達磨大師

豎起擎天鐵脊梁護將皮髓強分張九春果滿菩提樹五葉花敷徧界香

管年少室冷坐剛被神光覷破今日萬里東來多少衲僧蹉過

分皮與分髓特地起波瀾頂門開隻眼不被老胡瞞長江波浪險少室雪霜寒不度三三教爭開五葉丹

渡江

腳下橫一葦萬古為津梁楊子江中過至今流水香梁皇殿上納敗闕走入少林藏醜拙覷開鐵樹一枝

春五葉花敷馨萬國

面壁四首

九年背坐少室一座銀山鐵壁無端錯露一機至今

遮掩不及

坐斷熊峰覷穿鐵壁賺得神光三拜而立

只因不識九年面壁少林堂前參天荊棘

老胡隻履踏翻熊耳沒量大人提持不起

隻履三首

失卻破信衣忙攜隻履歸大千藏不得與日爭光輝

面盆古熊耳何曾在裏許御被魏宋雲看破一著子
六祖大師

踏著上頭關千花開確叢看破一物無夜渡九江水

忠國師喚侍者

一條拄杖兩人扶三應依然汝負吾未喚以前開隻
眼方能看破赤貧胡

黃檗運和尚

鞭起錢牛作獅吼大地山河丁倒走裴相胡跪甘熟
瞞唐皇兩掌空生受不是風顛漢誰敢繼其後

黃檗和尚度母圖

文舉

即非禪師全錄卷一

二

相見依然在別峯娘睛雙瞎子雙聾沒絃琴上無生
曲別有官商調不同

黃檗由來號大蟲大蟲好個闊喉嚨吞乾愛海無涓
滴咒起盲龜化活龍

黃金鑄就鐵心肝半偈驚開佛祖關母德如天酬已
竟無雙孝道戴三山

黃檗和尚與唐宣宗皇帝授戒圖

三千世界聚衆裏不是大中搭不起當時兩掌痛攔
腮靈山授記不過此

臨濟玄和尚

棒拂蒿枝喝走雷霆開眼作夢白日見星巖嶺栽松
樹蔭涼天下人

德山鑒和尚

口盆牙劍倒握藤根鞭撻龍象佛祖拉吞肚中能走
馬須讓雪峯存

雪峯真覺禪師

赤手歸去來掀翻銀世界賺得三萬指驢腮鼉鼻都
來納敗真天下古佛道越乾坤八百餘春面目儼然
兒孫猶在

雪竇大冶春露一痕面目現在那個知恩咄萬仞銀

山鐵壁拶透須是雲門

善化和尚

虛空連架打百鍊是真金鐸聲猶在耳若個解知音
船子度夾山

煙波釣盡碧江秋船子踏翻水逆流言下知歸無刺
語一天明月印滄洲

釣盡江波遇錦鱗漚花影裏莫藏身鐵船沒底踏翻
去獨向虛空背上行

慧遠法師

遠公道德優千載已無儔送客谿橋外至今水逆流

虎籍三笑

白社泉聲猶未散廬山面目尚依然三賢何事浪開口笑破虛空費半邊

龐居士

百萬家財盡沈湘水一柄箴簾潑天富貴

龐女靈照驚箴籬

垂手街頭日苦辛富非所樂豈愁貧欲將有漏證無漏除卻龐公無半人

政黃牛

放下斷貫絲不施無影鞭四稜纔點地鼻孔便遶天

覺範禪師

汾陽五葉間世英傑點筆傾湫滾滾無窮道大莫客世界非狹普現色身號甘露滅

普菴肅和尚

古佛應世救患弭災法流三際澤被九垓

大慧普覺禪師

壯稱大宋禪精踏碎諸方瓜印被穿半邊鼻孔不消一線薰風背觸黑漆篋敲出虛空骨髓喧天霹靂舌頓惺大地旨聲臭皮襪沒底靴一跌衝梅十六載木渣羹栗棘飯恆飽徑山千七翁道大絕倫感孝宗帝

以讚號竝賜法自無我記金輪姪而正眼流通稽首祖師常寂定頂門涌出一輪紅

虛空其口霹靂其舌大機大用天崩地裂士林稱其世出世間忠孝兩全宋帝勉年賜其法號旌其道業萬世明燈中流巨楫

聖福開山明菴西禪師

萬水上座請

三藏重來黃龍九世法嗣天童一燈善繼三建道場福被大方護國興禪同超實際狂風不動道彌高四百餘年光益麗

永平道元禪師

捏碎淨老鼻孔放過諸方腳跟煉成如龍拄杖菸菟不能嚥吞一自扶歸東國後至今猶賴撐乾坤昔日有此神用夫是之謂興聖開山第一祖洞下宗師永平元

高峰妙和尚

觀面者誰高峰知識衲補煙霜口吞荆棘一笑生春風一怒天魔泣升載坎關甘活埋驚起泥牛吼不息中峯本和尚

福富輪王慧豐驚子兩國之師天目之主振起濟宗千巖接續遺影人天冰壺月渚

夢憲國師

道振三朝名飛四海憲破無餘夢身猶在

妙心開山嗣山和尚

初入門踏倒向上關出艸菴豁開正法眼持芥承屋
漏受他點滴分明鍊藤作袈裟且喜寸絲自斷十六
高禪總歸席下鐵笛一聲玉鳳來八十四年談笑而
終大樹窠頭霜月滿繼起法燈圓照如疎

天童密雲和尚

中興天童大恢祖業突出濟枝千花萬葉正幹獨攀
筌虎爲烈

徑山師祖費隱和尚

十路大剎道震寰中通身是口罵雨呵風熱瞞佛祖
喚醒盲聾若問其誰徑山師翁

黃蘗本師隱元和尚

白棒擣青天熱喝聾佛祖潦倒八十年甘茹黃蘗苦
燈續少林盜傳東土泥彈降龍空拳伏虎有此神通
大妙用所以感得桑國王賜地開山更有微長自不
知乃做得天下人法身父母

骨聳巖峰峻胸印九潭清大悲千手眼都來畫不成
不肖十霜描半鼻換卻天下人眼睛

單提柳栗獨跨獅王花開徧國日漏樽臺

達觀大師

道貌如月禪心若雪透氣吐詞迅雷轟烈紫柏參天
業風頓折法門孤忠亞聖之傑

雲棲大師

道包儒釋學貫人天身居物外行在言前火宅甘露
法海青蓮豐干再世八十一年

憨山大師

李后之師曹谿之主道補江山法施雲雨還丹文章
善讀不灰日月肺肝乾坤氣宇

大梅幟和尚

宿覺再來白拈楊樣鍊石肝腸乾坤度量義勇爲仁
不讓轉擎天隻手而扶起剎竿吹點雪紅爐而陶鎔
萬象喚作密印主人又是保福和尚一任分身兩處
看月明不在梅花上

鼓山賢和尚

一箭攪西江洞水逆流潮再長升年過石叢直教大
地沒聲人予方而立曾學三上別師一紀臘踰八旬
近聞葉落歸根也無影枝頭爛熳春

祝髮師龍山灝和尚

福唐玉山禪之季子永陽覺菴通之玄孫去來無礙
猶水底之月痕慈育不肖逾罔極之深恩枝香薰鼻
得流知源

黃檗法兄慧門禪師 高泉法炬

汪江襟度法相巍巍慣弄險崖之句時設陷虎之機
折人以默不以辯服人以德不以威望之如霜寒月
冷就之猶煦日春暉十年踢踏馬駒子彥得玉麟天
外飛

撤玄關斷要路一任藤條作杯渡不是天倪兒爭越
梅桑樹 美玄法炬

黃檗山中大開爐韜鈍鐵利金一鉅成器萬里天方
何由默契齒頰眉毛放光動地

象山法兄木菴禪師

有時口旁舌沸有時風恬浪靜謝紫雲名蓋屈爲山
中表率繼黃檗法席別行格外號令盡道是小雪峰
同門儕知渠是後身長慶

大宗正統禪師龍谿和尚

量舒舒體如如八淨穢挺芙蕖處丈室猶太虛渺湖
海若溝渠上賜號名不居統有宗德乃餘勿住善念
衣孟趙老婆尚倚閒

東渡諸祖

唐 義空大和尚 闍黎官安國師弘仁開慧夢法師
居焉經三

居焉經三

爲法西來應詔東渡虎林橫出一枝覆蔭博桑國上
安僧敕建大檀林選佛命擊鹽官鼓許藤公而共奏
壘堯感橘氏以頓悟空苦名走四方道重今古大師
住世如富春在花四眾歸依猶嬰兒得母欽哉日域
禪宗鼻祖

宋 蘭谿隆禪師 臨濟下第七世嗣
號茶無明性和尚
起雲雷于無明山上布雨露于煩惱海中宗分濟派

九

禪繼義空開山建長道望日隆法緣已滿托質秋風
舍利逐煙而結爲示非相無非相鏡中屢現神變直
指真空原不空稽普大覺再世誌公

兀菴寧禪師 師西蜀人嗣徑山無學範和尚平
住東院
江心寺

模範範鏡傑出叢林舟航苦海龍現衣襟補處建長
海眾雲興印可元帥果熟春淡拂袖宋國魁住江心
高山流水有待知音水陸解關神鬼同欽頂門隻眼
照耀古今

無學元禪師 嗣無學
範和尚

印心佛鑑證號佛光數百餘載光愈輝煌孝義無兩
道冠諸方虛空其口法說未央

大休念禪師 臨濟下第十八世

擊月之東來自大宋出海得龍冲霄丹鳳

西潤曇禪師 新和向

清風一帆兩登彼岸長夜漫漫賴師而旦

一山望禪師 新和向

上皇時幸問道因賜國師之號升年海而歲花迸出
青蓮兩朵

鏡堂圓禪師 新和向

一面古鏡照空肺腑四海五湖一口吞吐

靈山隱禪師 新和向

雪裏埋金欲隱彌露臺山一會師預其教

元清拙教禪師 師福州連江人諱正教其號

曆元年慧持來日國延住五大刺凡居十四年至曆應二年歸寂蓋大臺禪師

天連海兮海連江間生一拙世無雙割愛而僧叅愚

極虛空搜下作禪林後承記前來茲國上迎建長豐

法幢植度施莊二千石衆多地廣添十憲道德聲譽

益天下不動法戰魔軍降五會說法如雲雨左規右

矩垂典章百丈諱辰期告寂一枝拄杖兩人扛朝廷

追證稱大鑑黃河忍向北淙淙

竺隱仙禪師 臨濟下第十九世

竺隱梵仙東土西天此岸彼岸師其法船

明極俊禪師 臨濟下第二十世

大師之道縱橫放肆莫可撮摸涯略一二造詣窮極

智不能知履踐端溪四稜踏地還語默鉅開包羅

靈鑪陶鑄七會聖凡小大俱無欲器住世七十五年

笑示灰生寤寐擦手一物也無迸出五色舍利少林

樹塔天合銘碧落爲碑星宿字

東明日禪師 洞下第十五世

嗣直翁之益續洞上之燈道行高出一世門庭嚴冷

如冰當時止火無圓旨孤負雲中一老僧

東陵興禪師 洞下

天童雲外之子東谷直翁之孫青原派下二十世惟

師承流得其源重輝審鏡普攝三根光明照耀樺桑

國夜半金烏出海門

明黃藥琦和尚 師潭寧新號應元福州福清林氏

歷字和尚清甲子秋應聘東度

我師和尚法號隱元徑山肖子天童嫡孫邈流而上

二十二傳濟宗正派黃藥流源出世升載六坐道場

獨累不肖二八同門我師道德法海崑崙千峰五嶽
獨讓其尊崑崙之陽國名樽桑重儒弘釋頗類大唐
明興以來法類幢僵祖燈久晦非師莫彰使三致聘
不憚一航直登彼岸踞地獅王觀相生悟合國讚揚
內廷延見兼賜金裳年近古稀法說汪洋火宅一滴
萬古清涼繼美先覺崛起後見天高地厚日昃東方
我師我讚永貞國光兆民崇福聖壽無疆

十二

卽非禪師全錄卷之十一

門人明洞性安性節明覺明謹全編

贊

三教聖人圖

中華太西域十萬奇里瞿曇先孔老四百餘年跡有
向背道無間然總刹土以同居孰彼孰此融三際于
當念誰後誰先機前覩破三老鼻孔一串稍涉形跡
依舊十萬八千
無極太極皇極三老指龜成龜聚頭恰似品字口裏
元無一舌

三聖合一圖

三心不可得六耳不同謀是法皆平等無勞強出頭
神農

縱橫妙展無爲化識盡甘辛百神頭厚德活人今古
頌恩如天大孰堪侔

南極老人

腳踏地頭頂天行仁布德不知年位居南極壽無極
天上人間第一仙

巢父

帝王若好夢高士自惺惺寢語入巢耳至今洗不清

老子

清淨無爲守真抱一法天利用爲物作則展皇極之
容誠萬古之聖師威猶龍之歎烏足盡其道德五千
玄言如日烜赫牛駕西遊紫氣東遷

孔子

文昭日月亘古師法道貫乾坤隨時開闢卽在世而
出世夫是之謂過去無量菩薩

化身

其德惟馨其智如神是誰面目東方聖人

列子

用之彌六虛廢之無其所高名列羣賢慧識超今古

莊子

日月有代謝物我無疎親識得身中主方明蝶夢人

李鍊拐

二首

拐子錢臉皮一齊放不下只管去求真誰知身是假
者箇跛腳仙平地上青天囊有長生藥誰知不直錢

三顧神廬

不遇徐劉輩何人識臥龍開眸均是夢休說古英雄

朱買臣

千古功名冊子裏百年富貴扁擔頭若無折桂攀龍

手爭得金鞭出鳳樓

陸修靜

晉吳興人字見家

目有重瞳掌有篆字背有斗文道合天地遠法師愛
其玄論而送過虎谿陶彭澤交必忘形而心存不二
昔云尸解已千年今見丹青凜生氣

陳芳

宋河南孟縣人官廷尉

一門十四世同居始終三百年孝義振起元明家風
鄭王二氏堪繼名掛上天芳流萬世

大祖羅下氏
孫子爲左右春坊

趙孟頫居士

不羨公虎豹文章不羨公麒麟頭角只羨公撥透祖

師關踏碎生灰窟一別人間四百春凜凜仙姿標松
雪

宋景濂居士

心平似地量闊如天功垂後世卓識無前以文華國
猶春行大地以道佐命若手捧大千宗儒護釋覺後
推先誠孔明之轉世繼應化之聖賢

瑞塘居士

石香居士請

挺然人傑聲色不動義路宅仁惟遵祖訓壯年踏遍
天下視大千猶一座優游七七之年悟英雄如昨夢
由是屏跡權門松石昆仲家臨東海對南山閒看青

驚生彩鳳

豐主源檀越

正笏垂紳儼爾如神脅拔劍氣目耀雙輪布德澤如
層雲之雨飲法喜如透花之春檀護三寶年踰七旬
義方孫子如鳳如麟芳紹貞宗玉葉功高世代王臣
描得成也讚不盡紀年自有老龍鱗

鍋島和泉守高岳居士

虔請題讚直筆便判隱秀猶淡谷芝蘭壯直如蒼松
古榦積岳導川真個丈夫成佛作祖不離音漢
爲猶子廷禮題父母像

豐主源檀越

五

父母非我親誰是最親者汝既不能知叫我如何寫
陰陽未分時爲汝題了也汝眼瞥然開恩愛一齊捨
說甚慈範陳孺人嚴君林長者

獻花天女

笑采心花隨意影幻人持獻法中王天龍八部生歡
喜佛果同圓徧界香

獻樂天女

法樂和調獻六通衆生苦樂佛心同幻人幻出無生
曲一切咸令脫苦空

道零小影

早持峻節有先居士之高風天性幽閒現比尼身而
入道蓮華喻其清淨合掌見自佛心棒頭墮著無生
忍不羨龍華會上人

錦鯉

大鵬

禹門透躍來破浪易凡胎夏待春雷動爲霖徧九垓

畫獅

振翼乾坤小忘機日月長那伽誓不噉歸命法中王
金毛纔出窟威已辟妖狐有語資君德何妨充佛奴

畫象

五

五

五

畫龍

畫虎

畫鳳

畫鶴

畫龍木

未調菩薩御先代帝王畊知汝有弘願恩霑幾百生
潛身煙裏裏鱗甲生光輝一點睛如電從教破壁飛
筆下忽翻身威憚赫殺人不須重豹變文質已彬彬
全仁爲竹實七德是梧桐出爲聖王瑞依然建武中
有意騰霄漢無心浴鳳池翹雲松下立靜對道人宜

空牆飛出自何時色澤鮮妍夏羽儀類向人閒傳喜
信高樓直上不萌枝

題木蓮杜鵑

聯芳幻出玉堂中香色撩人莫品倫自難汚泥栖木
杪年年緘口過殘春

畫松

不繪閒花繪古松愛君無改歲寒容春風影裏自忘
臘白玉堂中起蟄龍

畫竹

脩竹數竿寫意濃枝枝葉葉起清風知音賴有香嚴

畫梅

御非經師全錄卷一

六

在漫捲絲綸付釣翁

此君移半幅日日報平安雖不藏風雨偏能引鳳鸞

畫梅

南枝綴玉北枝斜信是花光手段奢每向堂前看月
色猶疑花影透牆紗

畫牡丹

百卉萌芽破綠苔靈根原不假栽培趙昌筆力回春
色魏紫姚黃爛熳開

題雪毵紅杏

華時百卉皆紛紛紅白交光獨邁倫一自團披西竺

雪無心占斷上林春

倒垂花

不霑雨露獨自開花顛倒想盡搽手懸蛭

題富士山圖三首

士能富德山因名莫寫其心只寫形點破未分前黑
白一毫頭上起雷霆

山如有道足無求贏得高名冠九洲一片冰懷長映
雪絳纓早已付東流

墨雲初布水流香汚卻玄沙白一張萬仞擎頭三夏
雪不知世界有炎涼

御非經師全錄卷一

御非經師全錄卷一

七

卽非禪師全錄卷之十二

門人明洞性安性節明覺明幢全編

自贊

法雲洞上座請

者個和尚個個僵僵打風打雨一條拄杖若非徹骨兒爭敢近傷

曇瑞安上座請

者和尚不著相山爲身海爲量師黃葉祖百丈教兒孫惟向上接得楊岐真種艸迸出曇花恆供養
柏巖節上座請

者和尚有廉讓得一尺還一丈生平無愧何妨偏體不知我者一任踏在腳下其知我者不勞托在頭上那料柏巖不肖兒描還高堂爲供養

翠峰覺上座請

者個和尚起模畫樣簡點將來好與拄杖且道誰敢下手自有當仁不讓

尤巨燈上座請

無端妄起大人相下視威音小兒曹摩裙繫褲二十載學得少林雙眼高

廣壽常住請

虛空一廣壽包括三大千無門與人入有路可通玄佛祖行說不到處普爲人天植福田

崇福常住請

道潛和尚未描先像福海壽山一任供養

萬水知客請

執此實相空中閃電捨之無相波心月現踏徧萬水千山聞名不如見面見後佗麼生一任翻身看虎變

鐵文上座請

手持無文鐵印印破閻黎面門莫怪山僧粗躁忝爲齊下兒孫

身似山谷口如淵泉曹谿一滴教外別傳娘生半邊鼻千手描不全靈泉知客請

百萬塵勞無非是我見不及處分付長老咄惺惺者莫艸艸圓長老請

呼不起有時夜泛清江裏喚不來踏倒門前明月臺有時伶伶俐俐有時癡癡然相逢無半語觸著吼如雷月江禪人請

一味顛預半生莽鹵蕪雪喫甜瓜不知黃蘗苦如此爲人如何做得開山鼻祖咄好副古佛肚腸感得雲龍風虎洞監寺請

不會為師善能轉物鞭虛空落地通柏樹成佛有人

問我得何術嚼碎鎮州大蘿蔔節維那請

五十三年前描不成也畫不就五十三年後頂後圓

光輝宇宙那個男兒不丈夫甘學山僧不唧唧

無玄可說平實商量山溪水冷雪暖梅香舌頭無骨

鼻無窮卻曾頭陀別有長玄實侍者請

我坐自在子立安庠兔角拄杖非短非長佛法甚有

未許商量十五年後一任舉揚佛侍者傳

臺瑞默子日侍吾傍有甚夢語咄咄商量如意談來

閒鹿聽不知旭日耀東方安侍者開立

汝喚我喜汝方我圓汝圓汝喜好與粗拳三千八百

無改變許汝重來話別傳佛人請

提起八面玲瓏放下了無背面佛手摸不著肉眼如

何見無影光中突出來畱與兒孫作方便日人請

我無煩惱不除髮鬚裏灰蛇弄得活開眾供養莫燒

香燭著鼻孔被咬殺若要燒香不犯渠且念取雪峯

大衆王菩薩碧煙禪人請

木魚走入滄海益孟哮喘不徹泥牛忍俊不禁驢腰

一齊打折試問閻黎瞥未瞥莫怪山僧輕搖舌碧煙

敬也得慢也得者漢生平不受惑參透省行堂裏禪

做得人天之標格三教請

廣壽開山和尚退閒崇福方丈隱顯隨緣如鏡現像

汝為求福寫吾真正信德聲為供養德普請

者個不識羞一喝水逆流石頭墜兩耳伎倆一齊休

手握龜毛拂身披毒蘂霞吾孫來問法覺樹曉開花

心如鼻直眼同海碧多少知音覷面不識惟許弘願

兒孫供養卻有利益宜弘請

佛祖不供為甚供汝謂汝有道可以學有玄足與語

時知汝口似哈汝舌如杵禪道了無毫髮許雖然如

是別有長處忘言之中能令一切人超佛越祖了脫

生歎所以道玄信士供養汝道玄請

全領袈裟沒半邊一條白棒打青天當機看破山僧

也猶較威音一著先機先禪人請

柳樛挑沙界龜毛繫虛空何道能致此真參累劫中

禪在口邊月在頂上如摸得著許汝供養禪月請

不美汝英秀惟美汝衆究雖然無鼻孔卻解辨香臭

英秀齊證請

身外無餘物肚中沒半星承虛生實解接響到于今
不期八千里外別有知音 元音請

身非我有影自何來頂門著眼雪裏春回 永亮請
供養何所爲但云福可植山僧則不然向上須努力
時至自花開果熟夏真實實能飽自他正好觀鐵壁
道植請

我無所與汝云何受無取捨中所願成就未生面目
急須參究一朝覲透方識廣壽 道受請
慶雲捧日忻法輪之常轉瑞鹿銜花歡與施之普露
山中景態忘妍醜世外風光孰減添 玉水請

即非禪金卷之十二 五

閒跨獅子兒彼此都忘機觸著如雷吼天魔失卻威
有此威德自在所以大地歸依 北垣請

肚裏無一字說法轉轉轉手裏有金鏡瞎卻人眼目
如此爲宗師喚作九十六種外的眷屬子細觀來笑
啻麻栗幸有寸長人所不知汝若供養卻也有福
無說禪人請

心地坦夷行無險阻與物忘懷二空爲伍自是散誕
之僧錯喚沙門嗣祖 九松請

有地位無階級佛不爲爹不識擬議不來當頭霹靂
俊禪人請

禪龍背上敷坐蟪蛄眼裏經行闍黎若要親覓盡汝
伎倆平生 以宣請

居有松竹囊無餘蓄進退以道出處無跡兩字虛名
落世間世人錯喚古尊宿 道嘉請
掃雕鐫恥奔競爲無爲定不定勿咲頭陀少動靜淵
默雷聲行祖令 道谷請

無惡聲可播無美譽可稱讚毀不及處是吾真法身
道嚴請
謂是即非那有兩個謂非即非爭奈者個者個覷得
破佛也不宜做豈宜供養他在堂奧如未覷破切莫

即非禪金卷之十二 六

踉蹌 慈門禪人請

青霄契棒大海汗出未知者漢有何道術闍黎果若
不會參問天下古佛 青海請

履道端正衆所歸信曇子侍予如鏡照鏡雖影象之
忘言猶聲呼而谷應壽山檀越信得及者一任畱與
有福兒孫日日焚香齊供養 道正請

直過東海倒上須彌塔梯不立踏空見奇喚醒大千
夢諾諾出格兒 道諾請

薑辣子古閣黎描我影請我題會我藏身沒蹤跡任
種梧桐引鳳棲 庫司請

諸緇素請

者任漢幼曾學畏磨煉怕雕琢實能虛華有朴性似
頑口如鐸聞見者皆驚愕供養者難摸索古鏡一照
無所遁踰在東洋西海角

默而說巧而拙泯千般守一極更問我如何蝸牛口
吐月

不識經不叅禪任拙自天然時至骨自換非佛也成
仙

黃檗枝頭食蜜果醍醐上味翻毒藥沒底籃兒貯雪
蜂未到樽桑先鎔卻利得法性可包虛空那知向上

更有一著

諸方五味壽山一味只此一味飽盡聖賢生歡喜汝
能供養福歸有地

幸不我毀豈可自讚試爲山僧備點看如備點得出
許你是箇擔版漢

贊之羅刹似神仙毀之佛面成百醜贊毀不及處日
輪輝宇宙

雖乏文殊妙智卻具獅子全威舌舞風雷不動早已
騰落羣機

入魔宮出佛界者個頭陀甚奇怪攬著腳跟一任頂

戴

發跡雪峰得法黃檗出世崇福開山廣壽若問生緣
何處家在福清荔枝林屋後半是青松秀

者東懷懶迎送佛祖來坐不動不睡眠常作夢嚴四
大空五蘊自付道德沒些些怎受人王日日供

未能爲人法子妄稱佛祖之師我自知之不智你盡
我之何愚曷若忘形以事我大千何處不逢渠

弄假像真真卻是假非假非真怎生描寫咄看破汝
也

說雖落人之後行必在乎言前故國胡不歸去此方

夙有因緣

喜則清風明月怒則奔雷閃電道人肝膽一時露現
且道喜怒未形如何相見聞名不如見面

苦道卽我觀面相瞞若道非我爭奈者個咄渾金璞
玉切忌鑿破

文彩未彰已成露布身名纔立特地乖張不用燒檀
片春來花自香

曾向萬人腳下過博得千僧頂上行插漢高樓從地
起百川到海自吞聲

邈得壁間影翻成身外身喜得一枝兔角杖時時點

醒世間人

可傳者影也不可傳者心也倘能因影而會心念心而契道庶幾見得山僧半邊鼻孔

道既知尊榮何足恃謙則有光退則無忌誰知退在萬里之外藏羞無地

口雖不言胸中了了天人散花龍象圍繞子細觀來面皮厚多少

啞卻我口瞎卻汝眼眼瞎莫看口啞莫讚添取一則公案畱與具眼兒孫判斷

聖壽山中日上堂頭陀跣足踞稅牀邦人借問誰家

文淵

聖壽山金剛寺之三

九

子問道三山林一郎

卽坐卽臥非默非語問是阿誰吾不是汝未展以前略較些子貶得眼來白雲萬里

識予面孔知予名字認著依然猶不是頂門具隻眼許見半邊鼻

生平不解策驢骨枯木安禪當輻輪雲裏龜毛猶未展不萌枝上暗藏春

住眾亞雪峰足蹟過汾陽有問西來意京東出大黃會與不會且禮拜燒香

開臨濟口出黃藥氣放過一著落在第二維云照用

不同時一會師資全意氣

子寫我真請記生辰甲午癸未庚申世世願居知識位那知八字不如人

心直如隼智暗似桶有時在海面栽花有時向虛空鑿孔自知升載錯用工將錯就錯非吾種

不會鏡清有那知趙州無若此爲知識奚堪入畫圖咄幸有一焉愛惜常住物如護眼中珠

生平無固執如日行虛空森羅與萬象都歸一照中子畫吾真請吾贊桶厚面皮添兩重

因安名真真無自相從真起安安體本空空空亦空

文淵

聖壽山金剛寺之三

十

無可空優曇突露一枝紅

侍者道雪求像供養時節若至其理自彰後番徹骨後梅花雪裏香

隻葉蓮舟東海遨遊永禪侍從卻是同流同流一句如何舉每見紅輪不記秋

描得衲僧巴鼻失卻佛祖爪牙子細看來未作家分付高禪眼美花須認取山僧本來面目勿看身上袈

裟透出毘盧頂上坐斷報化舌頭伎倆而今已盡儼然土捏彌猴有願返棲鷲象窟無心振錫上龍樓

當軒正坐觀面無私離名離相月朗太虛心緣不到處渾如井觀龜

棒頭眼瞎句外無玄如此知識誤賺美賢正好送在屋壁角再教伊默參三十年

教理不通宗眼不明不知進退不近人情何故亦有王公長者尊之如佛教之如神公知之乎道行雖不足

以化物惟至誠或可以感人

者箇休漢只是好看不可自毀豈可自讚方便爲子

一揮翰鐵箒花開春爛熳道本無形汝云何成疇知見面不如聞名頭陀恰似

開芝艸不涉春秋時自榮

語是誦默是証讚毀皆成妄卽和尚非和尚描寫太著相不著相虛空同壽量

目視雲霄口閉壁上福海壽山一任供養供養他何爲一與人天作津梁二與兒孫作榜樣

博之以文事理一貫約之以禮彼此無他海禪描子供養大似水中撈月眼裏著沙如何卽得因

見譽如毒聞過則喜升年參學學此一著始所以于今放得下拈得起自放禪人請我自贊似無愧恥

道相契機相投雲歛跡石點頭主賓明歷歷六耳不

同謀

過去諸佛是吾出世祖禪現在黃檗是吾法身父母未來知識是吾衣蓋兒孫十方凡聖是吾菩提眷屬看者不識羞的厚臉嘴莫道未描先像直饒化大地

艸木爲手眼也搆他不著半生不開口佛亦不奈何無端錯轉語流露滿娑婆

省初若省最初句恰好燒香供養他罵不噴讚不喜推不倒扶不起日對有智人不交一言獨許無舌人說盡道理如此爲人睦州道底

三世天台僧今傳黃檗燈誰知盧行者原是嶺南能

我自不可得非我何可得欲見吾法身切莫著聲色

有身居物外無法與人傳拔卻中心樹乾坤任倒旋禪以戒爲基道是福之廬子能如是住方堪供養吾

遠唱少林曲近自出誰門黃檗親嫡子天童四葉孫通身肉齒舊時放戒定香嗅著頭腦痛教子莫虛張

省觀寓黃檗何心望紫泥庭前栽鳳竹高節拂雲霄拄杖有孔較拂子沒巴鼻關黎透得來必爲我出氣

勸人勿著相如何讚自像格外有知音鏡中任現量侶麋鹿坐白石寫虛空塔作筆開持如意其樂何極

供養者無狀千萬勿孟浪再過二十年與你三十棒

頂門添隻眼領下不裁眉歷年方半百只是小斯兒
木從繩則正金就礪則利善師其心方成美器
滿面塵埃通身泥水大覺場中添箇傀儡
有相皆幻以何爲真點開色相獨露全身
法界爲身虛空爲量作如是觀是真供養
直其未直平取不平不勞斤斧一切現成
翻轉面皮佛祖因措頂門隻眼觀面分付
空王寶殿無作而成有此伎倆坐享太平
離卽離非是卽非卽離卽非是銀山鐵壁
有問別傳無言可對拈起茱萸虛空粉碎

支那

卷之三

三

吞卻狗子吐出麒麟爲祥爲瑞如雷如霆
雪峯頭陀頤養太和壽山種樹福蔭婆娑
非心非佛壁立萬仞卽心卽佛切莫錯認咄
未生以前是甚模樣如描得出許汝供養
非僧非俗是魔是佛你覩不破還我尊獨
不惜莖艸能現瓊樓神通妙用還者魔頭

源太守請

源流在手天長地久瑞鹿獻芝白石呈醜日數三三
不識九九只者不識分付太守福海激清一口吞一
一毛頭一廣壽

隱元和尚水菴和尚與師同座主請

合三爲一長江秋水連天碧分一成三金翅鳥王展
兩翼欲得無物堪比倫拈卻三兮還卻一崎主選我
師弟兄兩眼依然夾一鼻手執源流問何爲舒卷無
文效餘力末後一句透重關敢保佛來也不識是卽
非卽非卽非須具頂門眼一隻香象回顧金毛立齊
聽吼王聲霹靂

高力居士請

我不似渠渠卻似我欲要真似寒梅一朵原是黃檗
麻兒監廁雪峯長老韓侯不識好惡喚作僧中之寶

支那

卷之三

五

描入府中供養春風一任包裹

源夫人請

青天爲幕大地爲榻如意萬年靜定似塔道德全無
一毫愚癡多於鬚髮者禿爲人如何感得瑞鹿銜芝
白石聽法別有微長且爲開豁生平品如壽山之高
半百量同福海之闊卽今雖現比丘身疇識原是女
菩薩

長福院請

崇信壽弟子求像爲供養福與海俱長山比壽無量
子孫永繁昌布德猶日上

淨信女請

本來面目了無向背描而供之卻成分外且道頭陀
有何長石女木童謝禮拜

畫士元昭請

有相身中無相身更須識取本來人莫說五彩模糊
去忍負渠儂一點真

畫士請

未描已先像方契本來人認此繪中影重添服裏塵
斷司請

不因斤斧力怎得棟梁材若問其中主慶雲覆五臺

即非禪師全錄卷十二

即非禪師全錄卷十二

主

人鑑請

有眼如盲有口似啞如何讚也如何寫懷中有鑑明
如日拔一毛孔若川瀉

優婆夷請

者個野頭陀渾如禪老婆不談真實義愛唱脫空歌
咩咩咩咩咩囉囉囉囉囉若能解忌口佛不奈伊何

實善信請

無了可了惟此一實實頭一句子風雷趁不及

道瑄醫士請

昆蕪上師能仁隨刀利益有情或問教外別傳棒頭

一點分明

淨水居士請

半修行全作福貴無求富知足等宛親法眷屬利生
心春震雲優婆塞具眼目無相身圖別幅水一盂爐
篆束好供養補處佛

即非禪師全錄卷十二

即非禪師全錄卷十二

去

即非禪師全錄卷之十三

門人明洞性安性節明覺明幢全

書問

答石香居士

尊論謂不到六祖不傳後代作何傳授愚謂法本不傳師亦無授以不傳之傳而為真傳無授之授是為猶授所以世尊付迦葉偈云法本法無法無法法亦法今付無法時法何會法又謂慈氏當來下生身高千丈世尊以丈六金身應迦葉授之未審承解長耶身解短耶愚謂毛吞巨海量無廣狹之殊若道是

答錦谿居士

神通妙用斯人未達其源若道是法爾如然猶是拍盲狂解若謂如何即得待居士透過法身通個消息來論謂人身如泡散不復合再生之理似不可信山野謂渥生渥滅不可無水倘薦得心身一如身外無餘必不作斷常之見未知尊意以為何如

與盧白法兄

君子同風千里如面黑字白紙恐添一重公案耳是以久不敢通問以辱誨答寄筆數枝備點人天眼目幸留之不貧

與友石居士

定業到來似不容避惟居士開智眼於漚花露電之際則苦樂逆順道在其中風便布候不贅

復谷雲禪友

足下所說通知解禪耳若論祖師禪頂門具眼始得在直至此不審見信見怪為何如耳

復鶴夢居士

承論我非殺人者人要我殺人山野謂不妨內懷慈悲願外現將軍身坐致人主太平不忌禿山之囑可也又謂殺人是魔殺人是佛我欲閉門靜聽指拂居

士口纔未開分付兩棒只如佛魔兩立誰是韓公佛魔兩忘公在甚處若向者裏魔破方知公堂前後總是道場干戈叢裏無非佛事豈待閉門然後有佛法哉

復君閣居士

辟陽教墨過形費美山野幽隱何以克堪感愧感愧承論塵勞業障其能解脫者大似無繩自縛人生世間塵勞自不能免倘於聲色堆頭著得隻眼將見八萬塵勞化為漚種三昧耳更云何時得就錯認為快山野則不然居士讀書之暇能觀破本命元辰則時

時與佛印握手于數百年上亦何懸隔山野百里之外哉居士以道契垂及故不敢以世諦相酬紳此奉復筆舌莫盡

復大梅法幢和尚

欽仰盛德爲日已久自愧緣疎未獲瞻禮近悉法叔老和尚大闡宗風雷音普被四衆翹勤如早得雨某雖萬里相懸亦不外吾叔一雨點耳仰贊勝緣豈勝忻忭敬附八行問訊起居容持滅花三市倪座辱賜佳刻迪蒙孔多承尊諭謹領大教不宣

上黃檗本師和尚

敬啟

即非禪師金錄卷一三

三

不肖此行原爲省親而來不爲崇福而至適機緣偶合似出意外今旣不獲前進只得杜門行道以答師恩耳本寺檀越護衛之心至渙且切舊唐諸君信向亦誠四方善信亦如舊唐此皆座下化力所到幸也何如前修兩書問訊昨聞未到想爲郵致所悞諒不見譴初到崎中無以孝敬荒苗附候曷任依依此國三百年獅絃弗響今得座下一撥大地盡作琴聲誠曠劫中不思議事也四衆踴躍歡未曾有不肖在一方末緣預會只得望風側耳矣白者崎主乘苦薩願現護法身爲民爲道兩盡厥心真火中優曇也

回駕欲入普門叅謁吾師有大勝緣富垂接引令作不退上善盡未來際爲菩提眷屬也昨來拜別敬附尺牘代訊座前外具束香齋儀伏冀慈納餘不悉謙監寺齋座下所賜法友一頂源流一幅手誨一函俱已拜登即時於人天衆前橫披直搭無異天蓋地擎曷勝感佩之至東向投五肅復不縷馳上法語果儀齋儀伏垂鑒納不宣

下賜手墨老腕尤健趙州之年信可卜矣清供方丈如侍慈容百拜鳴謝肅復不備

日國崇佛自唐已然濟上一宗流傳最盛茲值座下

敬啟

即非禪師金錄卷一三

四

中興可謂優曇一現耳不肖久不霑法乳如渴思漿近復聞承旨上燕京第恐拜觀慈顏愈相萬矣修阻之緣藉在同風某雖不敏不敢不自勉以酬師德耳緬想座下而今不唱還鄉曲子只恐後來未必然矣因記大明實錄載太祖六年爲此國敬信浮圖特詔高僧祖闡遠來化導越三載竟不得復命屢欲延住天龍雖曰延之實則拘留耳後聖諭來督乃得東旋方盡君臣始終之義今座下遽離支那蒞此行道雖云平等法化無有彼此之異而我國大義不可苟也原約率檀應請三年今享御膳又踰兩載不意岫雲

幾同苑鶴知者以座下緣熟于茲不知將謂忘卻去就雖憑國主收放端在法王矧法王之道德雙備忠孝兩全豈不思故山欽賜三大藏皇恩未酬敕建十二峰公案未了紫衣不勝奉重黃葉苦待回甘今復飄然高飛恐孤大唐王臣士衆之所望耳惟冀卓錫從惟且緩遠舉俟拄杖子挑出一箇半箇永作此邦日月然後謝恩理歸唐之棹仍還本地風雷寧不兩盡其道歟倘不吝慈悲俯從所懇實天下古今之大幸也不肖謹切師資管瀆若此不知尊意以爲何如若云且作鼻祖西來何必玄奘東返此又座下別具

五

大人作略非小子所敢知也伏乞裁察幸甚舊冬承諸檀強某出世某不自揣狂效三聖爲人逢場露醜不無屈辱吾師耳今已解制特遣臺毬監寺代申禮足敬具瓣香不敢酬恩報德端爲無鼻孔老和尚通氣矣仲春猶寒恭惟尊候萬福臨楮不勝惶恐之至

上徑山師翁老和尚

弗侍座下彈指數白矣感念示誨無時忘之江山修阻候缺音疎西瞻雙徑徒切懷仰耳不肖舊冬冒據倪牀開眼屎雨不覺汚卻吾祖半邊袈裟打溼徑山

千指鼻孔過犯彌天無所禱也茲特遣若乙維那敬向方丈及諸大僧前五體投地代申懺悔馳上元寶一錠少備一齋伏望慈悲俯垂納受不備

與知禪師

承寄貴侍手鈔唐宋東渡諸祖事實初云詔聘末云來朝於事有妨於理未願聞傳聖道者不北面有盛德者無臣禮爲法應詔不日來朝唐玉泉大通禪師春秋高矣天子詔請問道肩輿上殿跌坐受拜清涼激觀國師爲七朝帝者之師德宗皇帝誕日賜犖延至內殿執弟子之禮鍾山僧遠大師鑒駕及門牀

六

坐不迎汾陽善昭和尚鳳闕紫泥三詔不起宋元若類甚多不勝備述近大明洪武皇帝御寶曆之七年幸蔣山興國禪寺聽法于宗泐宗師致衆佛之禮歷代帝王重道尊僧禮貌若此況外國乎不特此也昔季札由余入中國而中國者以賢人之禮禮之彼季札由余者第世之人耳況出世有道之士乎儒者亦有上不臣天子下不事諸侯漢王霸嚴光是也高士猶爾況高僧乎僧有朝帝者官僧也僧既授之以官君臣宜矣有道之士處乎四民之外不應行俗禮也不行俗禮爲帝造福耳昔寶頭盧尊者送帝七步致

七年失國吾輩道德雖不及古人不可不護國爲念
以道自處也集中來朝兩字查錄者不稽之過恐與
衣冠相混有失事宜故饒舌至此惟高明察焉

答肥州立石居士

四月初六日接尊翰承問記錄載黃藥和尚昔隱
巖時將應黃藥之請咒石自平以下行道此段因緣
實有此事否某竊疑焉更難解也伏乞垂慈山野曰
實有此事無可疑者足下無端起此一疑這塊石頭
早礙在胸中了也山野不忍袖手直爲劈胸拈出也
足下濫究物理誠爲高明豈不聞耿耿拜井出泉魯

陽揮戈駐日誠之所格無感不通而況我和尚多生
道力資以定力廓以願力托以咒力衆力所加無施
不克轉石爲平獨何疑哉來論又云挾平石之心是
有爲跌坐咒石上者又非正法無悟道之作略山野
謂有心可挾則是有爲覓心不得所挾何心耶動無
動相誰爲有爲耶萬法無咎指何爲正法耶若無悟
道之作略爭解平此不平之石也殊不知我和尚正
以無爲而至無心而得機感相投如磁引鐵不期而
自合盍從不思議中成就之矣譬如李廣箭穿石虎
本出乎無心神而應之稍著思惟則箭不能入耳所

云咒非正法不見維摩經中偈云經書咒禁術工巧
諸技藝盡現行此事饒益諸羣生法華經云治生
業皆順正法治生不背正法利生咒禁豈可譏爲非
法也法尚應捨何況非法謂無悟道之作略誘我和
尚甚矣又謂此石得平黃藥佛法大行縱使石爲不
平黃藥佛法何墮于地耶山野謂平不平因緣也行
不行時節也出世行道時節因緣不可不審也待彼
因緣合我時節猶順水順風行舟不亦快歟因緣猶
水也時節猶風也佛法猶舟也善知識猶舟師也欲
度衆生於彼岸闕一則不可也因緣未至石或不平

未可知矣石爲不平佛法雖不墜于地而今平久矣
佛法何曾望墜于天耶只如石未平時且道佛法在
在甚麼處或在空中耶石中耶或非空非石中耶者
裏著得一隻眼必能笑破無疑矣又謂禪師活法驚
天動地爭待平石之瑞應而後與耶山野謂山不讓
寧海不讓流若非無情感應道交爭顯驚天動地之
活法不有驚天動地之活法焉能令彼無情感應道
交足下不達事理無礙隔於有性無情所以自作
法會耳又謂記錄因甚以此怪語作多少奇特詎感
人天足下盍亦未之思耳人不可惑天豈可誑乎門

人記師之行實直其事核長短不敢掩飾推師之驗
以及人故謂之行實足下若以記錄爲非平石爲怪
是足下聞見之未廣也山野略舉世之盛聞目擊者
一二爲證古之竺道生嘗寓虎丘人無識者聚石爲
徒坐而說法石爲點頭此石現在可中亭上又徑山
國師會下有弟子名崇慧持咒爲業功力無比師令
咒破屏石慧叱之石裂爲三今喝石巖是也若二師
者天下盡知千古仰慕黃藥平石夫復何疑佛言知
識難遇正信難生足下不生正信之心而存此異見
不生難遭之想而懷此疑心豈智也哉今就足下所

百一十卷

九

示重開曲鎖施以直匙堂與八字打開請到不疑之
地妙契無言自不容贅矣外附拙偈三首博取百里
外一笑

復黃藥慧門法兄

七月何君至詢知法兄住持緣法增勝道體萬福爲
慰承賜尊翰併盛儀爲娑羯羅箇鎮海藏未知所以
見教有孤厚意懷感曷勝曠別之懷修阻之念玄沙
白紙收不盡耳老人東來倍臻矍鑠無煩玉慮不才
近況歸人自能緩頰不贅萬里遙天無可將意敬具
果金齋金供養法兄暨合山大眾外具三處歸禽儀

統祈照納不宣

復趙玄居士

一別兩閩甚深懷仰有自江上來者云足下非久到
此山野日久歧望久而不至益重懸懸今春貴价至
辱教如面甚慰渴懷中以近況相示聊寫數語爲答
然士患不聞道貪富得失何預焉貪不忌道士之賢
也但能堅守隆冬自有春來時節冀努力不退爲望
大梅和尚事詳在小徒書中不贅或時齋謁爲道積
懷重晤末由無任傾向承厚惠領謝不盡

復細川丹後守

照通

百一十卷

十

來諭謂空聞德音未拜尊容山野不然足下舉此念
已與相見了也又謂累年力衆生炊事大近蒙黃藥
老和尚開示甚有得力處此乃千古最勝因緣又云
未得大徹山野曰不妨重下疑情時時衆究如僧問
古德云生從何來答云鍊錫舞三臺又問死從何去
答云秤鎚上著錫只看出此兩句畢竟是甚麼意旨念
念提撕如驢覷井覷來覷去覷到心思路絕忽然瞥
地如從夢覺此時瞞君不得耳外儀領謝艸復不宣

答梅公居士

江山脩阻道契猶面忘卻別來二十春秋矣從瑜令

弟至接華翰過蒙讚譽愧感曷勝方外野衲每念居士文章節義時輩罕及今以孝廉自守貧而可樂異日出爲世儀福蔭蒼生莫可涯量也承諭早不入山祝髮及兒女之累衲則不然夫兒女非能累人特自累耳婚嫁隨家豐儉無過奢無好勝則何累此事雖曰人間正事亦實虛幻苟能看破虛幻不惟卻累而道從此入耳惟望老居士如裴黃蘇李輩不離俗而入道轉塵勞爲泉石豈待入山祝髮然後爲得哉令弟回肅此奉復併候不宣

答月樵居士

披瀝

印非禪師全錄卷之三

士

磧山一別不覺五換萬蒲上雪矣未審起居何似每切懷仰六月十四日丘君至傳一月十八日所惠書若從天降喜慙無量及開函展讀方知玉樹折于非時爲之嗟悼不已如何素行君子得如是花果莫非定業使之然乎雖然不幸中猶有幸者令郎向讀孔聖之書兼誦佛陀之典呼吸朝聞之言蘊之熟矣諒必遇難自在觀法無常當下化刀劍爲蓮花轉生灰爲涅槃究親平等俱證無生無疑耳第老居士分上恐不能忘情微言相勸幸垂採聽世界空華人生幻夢眷屬幻聚冤對幻遇經曰知幻即離離幻即覺若

不覺悟幻沒了時冀老居士開醒眼于夢幻之中釋結解冤以理自遣休已往之嗟期將來之望如張拙秀才之作用庶不孤廿年爲黃檗山護法也丘君回薄具白銀壹封于令郎墓上奠一炷香增一片石以表昔日方外道契幸爲簡入肅候不盡

復三木林居士

向郎至奉教如面乃知老居士返棹遇颶風漂流諸處因憶山野臨別之囑遂於驚濤險浪中呼同伴極力持念大悲名號忽見曙光現一佛相宛如敝寺旬日內乘此悲光一帆到岸如從夢覺慶快生平後對

披瀝

印非禪師全錄卷之三

士

親朋舉似緣起功歸山野然山野何德敢當此哉此自居士盛德至誠所感故現斯境界一以顯居士本有光明即心是佛一以彰持念靈驗不被物轉契經偈云或漂流巨海魚龍諸鬼難念彼觀音力波浪不能沒當時持念之勤不惟大士加被即十方如來同聲讚歎耳大士功德不可思議持念功德亦不可思議今居士處安樂之地勿忘險阻之時時時持念報佛深恩庶不辜大士昔日現居士身而爲說法也今能念念無間心心相續生生世世所求如意亘古光明照天照地耳更願者隨寓而安時自珍重長安雖

樂不可久居諒高明自能返照無容贅承惠茶筆領謝不盡

復萬石居士

人生末世苦海無涯回頭是岸無容饒舌矣今一切付之夙緣逆順銷歸自己當下便是極樂世界若見有身心在苦緣中欲求解脫者如香象墮瀾爛泥求脫而愈深耳惟冀居士時自努力承惠詩畫妙手雙絕藉此而對顏色領謝不盡

與石也居士

世態如棋世味如酒能使人既醉且迷倘於黑白未

支那

印非禪師全集卷之三

五

分時杯盤狼藉處以醒眼觀破寧不悟醉與迷者之可愍哉未卜良晤惟切神馳風便附候不悉

復叔弟

不肖十七歲出家屈指爲僧二十八年矣憶戊子春回家省母重與叔父賢弟一晤壬辰春哭母次冬葬母再晤自晤而別僧俗有間時異地殊宗族親舊雖多往來通問甚少至親骨肉中垂念不肖者惟叔弟數人而已不獨今日受愛仰德即童穉家居朝夕承恩教誡迄今不敢少怠但未知所報爲愧耳屢修尺素問候竟爲石頭故事南望五馬徒切神馳新春上

支那

印非禪師全集卷之三

五

浣正懷憶間忽張友至傳到舊年六月中手示詩簡共三封開函捧讀感諭勤至宛如面奉誨音感慙無量三復德音且悲且喜所喜者天道輔善不忍叔弟久困寒毡一旦俱入泮冠場並振家聲光前啟後慶幸豈尋常哉所悲者不肖子道未盡親墳崩陷不勝風水悲號徒抱蓼莪之嘆一身萬里返棹無期不能掃祭唯修道法爲父母冥資況又伯氏作古猶子頑劣不覺五內爲之酸裂古云一子成道親屬生天不肖道微德涼哀痛何極然究其所極不惟恩愛猶夢卽功名亦幻耳功名恩愛雖曰夢幻智者不爲夢幻

所惑就于夢幻中撥開兩眼始知夢幻而非夢幻也夢幻既非夢幻則如幻三昧存焉然後不妨同入如幻三昧爲孝爲忠爲賢爲聖度夢幻之三有報夢幻之四恩咸成正覺豈不優歟雖然說丈不如履尺欲圓夢中事業須了取未了公案今能了人不能了行人所難行由孝弟而進於道抱忠義無愧于儒大千擔子將重托者捨吾叔弟其誰望哉寄上衲益資二錠一代修墳一置祭田計其遞年租賦以備蒸嘗田須附墳便於守墳者承佃併令培植樹木以垂福蔭永付叔弟輪掌公立規約刻示將來俾永遠無易春

秋祭品只用釋菜香齋用表古禮遵依遺囑香醪金帛從俗不免萬勿兼牲以虧冥福冀念一脈僧幻明真無以微言視為夢語用鑒不肖之心而篤行之先父母幸甚不肖幸甚

上黃藥和尚

薰風微涼恭惟本師老和尚與居萬福不肖久違杖闌道業荒疎緬懷法恩惕然慙懼所願座下大弘祖道壽同古佛振起此土三百年綱宗燈傳承古而法利無窮以茲慧命壽國福民實天下後世幸甚稟者不肖十七歲奉母命從龍山老師落髮承教育八載

恩同同極及落髮師西遐無以報德敬延十二位高僧修懺摩四日莊嚴冥福七外躬荷露骨葬于斂石山與師祖共塋不肖心喪三年後遊方參學侍座下十載繼而住山出世又經十載去鄉益遠歲益久竟不能歸掃負罪良深每念落髮師只鬚度不肖一人親堂法屬雖有數百倪仰二十年間歿者過半而存者又各散處似有若無不肖徒子數人俱在一方亦不得力所託守塋法眷某人不意忽起昧心將塋院及香燈田私賣與黃山監寺逃以以致祖塋荒頽春秋闕祀新來主院各宗其宗樹木聽人所伐塋邊

任人盜葬他日更有不可知者不肖時念及此未嘗不痛心疾首酸鼻出涕也且此院皆三山闍元師太重興甲乙輪下至落髮師在日與廣陵師伯協力鳩緣改向重新手澤具在豈容變易今不肖獨捐衣資壹百兩重修祖塋贖回塋院香燈擇的當徒子守之法子主之更請俗家有名位者代立常住碑記永存祀典少盡不肖孝思萬望慈愍一視同仁下賜法旨以論監寺允不肖備原價贖回庶祖塋晦而復明叢林枯而再茂則感戴洪恩不直不肖已也忝在座下敢此冒瀆伏冀恕其無他垂憐許可幽顯願望并

俟批示臨楮不勝惶恐之至辛丑五月初五日嗣法徒如一百拜謹稟

七月廿三日行者回拜接法旨以斂石塋院撥還深知婆心片片恩大難酬不惟令不肖等少行孝道而師祖祝髮師于常寂光中亦佩德無涯矣百拜鳴謝

答八姪司理

大姪宿乘願輪現宰官身而云悟公庭之一琴一鶴猶不若吾叔一拂之自如愚知大姪非徒羨一拂必感慨度生之難也果以度生救世為念勿起難易之想就于憂國憂民處立定腳跟上與諸佛同一圓證

下與衆生同一悲濟能如是弘願足稱宦途菩薩回
視一拂卻同龜毛耳爲政之暇以道自強相望益遠
臨風不勝馳戀惠扁已領無以答貺附五燈一部詩
箋一握引意簡入不宣

寄樂山慧法兄

林生回重致書問候想必入覽矣讀者敝寺闕執事
敢煩大手眼代擇的當有品行二人過來相助若問
此方風景深山無惡獸邦人恥爭競席無點塵門無
鎖顯夏無臭蟲冬無蚤風僧俗尊佛法重斯文務清
高尚節義至於邪外之徒謀利之僧俱用不著矣倘

有志衲子肯放下諸緣樂然而至久遠不生異念他
日堪托大事皆法兄之賜也惟爾意焉望望

六月十六日暮禪人至伏讀尊翰忻慰倍篤但敝寺
欲擇執事二衆何得人若是之難耶蒙示再議倘幸
其人徒勞神思不若已之啟者敝石弟四代祖塔存
焉數年秋草各天禮祀廢乏每一念至未嘗不瞻雲
而繼之以泣也五月上書老人備價贖回以便祭掃
荷蒙老人慈允目下法姪在彼暫住煩爲照管俟獲
有小徒來日求法兄念弟區區同體之誠將契內所
贖物業一一交明以便任持世守則法兄之惠上勸

原稿模糊，敬請鑑諒。

碑文均垂不朽矣願此布復新昭格是荷承惠謹領
謝謝

與雲崖法姪

別來幾易寒葛懷想德音有逾日月前寄小札計五
次各有非儀引意併掃增資未知曾達座次否俱未
獲翰答恒以爲念近聞法姪居方斂石盛德足以感
人又克莊嚴佛土修好田園此仁人之用心法門之
大厦也喜不勝言但斂石係愚四代祖塋年來阻隔
各天不能插炷香以展春秋典祀思之愈覺慨然今
五月稟白老人備價贖回以便祭掃蒙老人恩庇慨

然許可茲特走筆奉聞倘明年有小徒至煩法姪將
契內贖業併新致田畝一一交妥便其住持足見出
世眼目丈夫心腸不以俗累拘拘則予拜德多矣尚
容答謝伏惟心鑒不悉

答大眉禪兄

行者回知兄成禮黃藥可謂法門功臣真不讓于普
化克符欽歎欽歎斂石事有煩爾神感肅不盡小意
希簡入

與木菴法兄

僧自獅林來述國主有尊道重法之誠度爾老人附

肅此代躬感謝不盡

與崑崙居士

居士幾年不能歸養時緣也尊堂忽旦仙逝大數也數定即百千孝子亦無可奈何惟居士看破假合頓明三世毀不滅性立德修身即尊嚴慈肉身猶在也況尊先人生平懿行聞于閭里百年覺露同歸安養無疑耳惟祈節哀以全大孝肅候不宣

答青嶼居士

返策故山是山野本願那知出自無心歸不由已此何異于光音天食著地肥而身重毛生也一笑近聞

與龍溪大德

京開山祐國福民既有如是盛典去住不得不聽之隨緣耳此雖老人之道緣已稔抑亦一國之洪福所召不才從今不敢勸駕矣惟冀老人與法兄以弘道素懷利生本念立地接得一箇半箇續佛壽命補答國恩庶不虛此土一行耳不才前年杜門禁足放下藤條舌頭縮在口裏眉毛閣在眼上不聚廣衆不允上堂非無爲法爲人之心久長無多之旨槩可卜矣聞老人與法兄道體萬福甚憫遠懷久闊法候原情是禱

支那

支那

九

老人在獅林安居數載與今日太和之機緣實大德之所護念爲法之功豈淺鮮哉惟勿忘初念做箇徹頭徹尾的漢子庶不孤與老人眉毛厮結一番是所望也風便布候不既

與崎主

前歲承顧後即有不出山之戒雖只尺千里而道契猶面秋復暮矣未審日用工夫何似政暇惟努力爲望前者鄉民無知有逾國法聞置重辟深爲悲憫特遣三禪士造府乞方便蒙仁者欣從所請法外施恩此再生之德同于解網矣封佛讚揚朝夕行道以答

老居士與白社輩入詩禪三昧何樂如之有便寄一

二惠我人還肅候併復

答補山和尚

老師叔與不肖雖嗣法同門而不肖仰如日月親如父母常憶早年深承教益至今不敢少忘但地遠莫能省問每遙向第一峰作禮耳林君回敬具果儀小刻充訊起居希笑納爲幸諸惟爲法爲衆生自愛惺叔示寂不能躬弔薄附奠儀一封簡入爲慰

六月十六日泉公至審高年出世不倦垂誘大法九開之任舍吾叔師其誰歟不肖進止聽老人是命若

夫得志行于華域寧不夢寐而神注耶惟老師叔諒之木兄已上獅林盛情統致領悉肅此布復併候不既

復善珠居士

當斯之世養晦韜光此正有道君子善藏其用時也況居士親受徑山老和尚記別具頂門隻眼照佛祖心肝非裴公後身維摩再世其嚆能之承論謂不肯攝取四大部洲赤子置衣被裏不肯則不然袈裟托地泥水通身安能如居士寸絲不掛之爲得故未卜道昭肅此奉訊法任重遠冀力爲匡持猶幸

與法雲上座

近得信知子五日至大坂可謂神用耳美美聞豐主初六日離燕都想月中至礪山月末回府道晤在邇無容贅候又聞高泉姪至礪山設欲下來可同載爲妙山中十五日結夏有百餘衆山僧不上堂不小衆只用一箇栗凍蓬任他咬嚼嚼得破功不浪施知恩有地十五下午艸艸附贅

聞子返錫沿路法友延留如攀青蓮是吾子道行之所滅一慰喜之甚廿八日接子書知豐治西南隅火災之實山野心如焦渴彼時恨無道力不能傾法水

以濟耳慚愧慚愧幸仁檀有甘露以解彼熱惱其功德曷可思量哉法允中艸艸封書代爲致意囑囑山僧近來日用如古徑山今日且了今日事未來何必預思量此安樂法也茲覺心省親艸艸附知餘暑書外

壽峯面目時時相見重申慶祝無乃爲勞齋品登嘉謝子厚供時當海暑以道自強囑囑

即非禪師全錄卷之十四

門人明洞性安性節明覺明幢全編

書問

上黃藥老和尚

座下七十大誕人天圍繞共慶遐齡愧不肖爲山川
修阻未能預祝徒切神馳擬欲奮飛而至猶恐冒違
國禁況未承尊命是以欲舉而中止焉所藉師資道
契君子同風雖在千里外無刻不侍奉左右苟以形
跡相親縱對面亦千里也仰冀慈照幸甚幸甚茲責
具大衣信香齋儀果品具在別幅畧表孝忱特遣化

林徒前詣座下代不肖投五百拜懇動致敬恭願座
下壽量等虛空福量涵滄海爲國爲衆生津梁是不
肖之至祝也藉風頂禮東望惓惓

復高泉發玄二法姪

海外道聚演契風懷旦夕交譚機鋒相湊真不負吾
宗種神也別去之日每以舟陸爲念行者同始知平
順到岸進侍老人如龍得水如虎靠山不勝意氣他
日起風雲布雷雨愚叔實所懸望焉老人七十大誕
子禮當挾履趨賀奈國土有禁雖欲展神足之能不
敢招僞議之誠是以望白雲深處惟竭誠遙祝而已

諒老人必不以予爲不起敬起孝而見譴也太和佐
助之緣聽之時節但予回唐之念未嘗暫輟非作口
頭談柄徒僧化林過蒙吹噓凡事尚賴法姪指示使
勿失禮于老人則屋烏之愛予亦受惠等也豐登之
言如對觀面祈心照不悉

答希孟居士

大塊勞生誰是閒者惟老居士識淵德遠願養古稀
之天視彼役役塵網者烏足絮其短長哉別來入載
車晤末由翹首烟霞徒切夢想承惠佳山水淡遠可
人儼如攜我過瀟湘洞庭與摩詰相對語耳高年勝

筆足傳千古領謝曷既外附拙偈一幅五燈一部聊
端芹祝幸筭存爲愛

答崆峒法姪

泉玄二公至接手札懇動愛我甚矣再讀送諸子偈
語及序言足見黃蘗兒孫俱爲不窺窺影之飛黃逸
紫異日駕起祖庭踴躍天下予實有厚望焉愚者近
況亦惟優游泉石目送飛雲作林下無事道人去住
之緣聽之龍天耳晤對尚餘雲海代語惠寄管生領
謝不盡

答良治法兄

別後雲水各天懷仰無已屢欲致片誠罕逢其便是以音問益疎非敢頓忘道義之好也及接翰教知老兄慰諭之情索寞之況未嘗不掩緘三嘆涉世之難果有若此衆生難度世事堪忍從古皆然惟老兄知幾觀變素位暫屈以俟時節因緣何如耳弟今棲遲溟渤之鄉亦不過隨緣而寓倘得返棹歸來助老兄振起黃梁家聲豈非至願哉未來心不可得徒付之紙上陳言奈何奈何承惠橘餅咀嚼知甘謝謝多矣

復嘉上座

別後常懷眷眷今春得子書方知平安到家慰我衷

曲相去益遠不能如前在左右可施鞭策宜自加精進勿以懶怠翫日愒月則我爾之蹟雖相背於心實相照也爲此至囑斂石堦院蒙老和尚撥還聽我祭掃今變衣益資修理祖塋子若有志可招徒衆在彼焚修洒掃可也目今時勢不同凡事可與我叔弟及月樵青嶼允寧石也諸檀護商議而行其新置田可照價贖回以便耕作萬宜珍重佛母需塋費子莫儀亦孝念可觀辰使又得厚貺皆義氣所孚應復如是雪子曾有書答之想已達併致意

復左近大夫

宋宗室趙子昂學士以遊戲書畫名世胡汲仲謂上下五百年縱橫三萬里舉無此筆且中年留心此道衆中峯國師爲門弟子恒以筆墨作佛事稱讚法門因此雷霆一時人或得其片楮隻字皆寶之如照乘之珠連城之璧況長篇累牘乎今閱此卷墨蹟如新似欠道勁想是早年初學時筆雖然如花含胎已具無邊春色亦可寶也承寄此帖囑辨真僞不得不盡愚衷以答遠惠珍果領謝不盡

復晦堂和尚

辛丑仲冬六日拜接諸法叔和尚手教亟焚香盟讀

知福嚴師翁老和尚寂旦嗟嗟人之云公邦國疹瘁世法且然況佛法乎姪與本師和尚僻處一方隨緣化度功成小補安能如諸法叔之揭麗日于中天豈狂瀾之砥柱高山可仰景行可行豈非今人之金石萬代之龜鑑者哉承諭末法凋弊宗風頹弛此時正在我輩保任使破砂盆完而不壞折足圓扶而不傾令魔外縮首服降諸法叔不可不膺其任矣爰在萬里之外一時難預歸計倘機緣有在重尋諸法叔于吳山浙水之間侍領新教慶幸何如厚賜詩箋尊錄寵惠渥矣敬拜登謝謝趙居士諒不虛行但此方極

重清高一切嫌宜私義莫動一毫如可盡心處尊命不敢辭無以章意敬具不腆聊致遠懷統祈簡入不備

與佛日法弟

佛日初昇光被八表非惟千里外杜門宴默如鏡照鏡即吾宗以及含霸皆在照燭之中幸也何如端此奉賀不悉

答月樵居士

意在樂山十餘載時與居士盤桓蒙益良多至今仰德及山賢東化又出榆揚之賜過分贊美只恐名不

稱實

同治庚午金錄卷十四

五

稱實有累高明耳去夏爾默回手復附候想必入覽今秋諸子南來再接簡問兼以詩箋墨卿之惠誠添知見之香愈固膠漆之義清風古韻泉石有光知老居士不忌方外遠辱垂念何感如之高泉法煙在荒山道聚五十餘日乃接上太和每述老居士不退願輪畱心此道始終法護黃檗祇此一片赤心永為金剛種子千百生受用無窮視彼遊戲法門者實霄壤矣山野杜門兩載一切禁絕且筆墨荒疎不意萬里外明眼更不遑棄索我途鴉潦艸就正不自顧其醜耳臨風懷想卜晤無期爾復不宣

復邵夫居士

泉公至接華翰知尊堂乘舞馬西往在孝子不能無憾法眼觀來憾之無益何也孝子全體即是親身若能修德立名光前裕後即是親身常存於世否則雖殞身捐答何益于事耶重君孝義敬之特深故爾獲言至此伏惟珍重

答惠風居士

泉公至詢起居萬福不勝喜慰未知道晤又在何日徒切瞻風前寄小刻聊借餘閒償筆墨債特因居士頂門具眼馳以相證若作文字觀不啻滿紙葛藤矣

同治庚午金錄卷十四

同治庚午金錄卷十四

六

翰譽過及何以克當家叔輩時獲論文談道何樂如之令叔祖委非一世之士一回相見一回談心誠海外知己也恨不與居士共之承惠佳韻嚮敵秋濤不復

復允寧居士

遠辱慰問併雅惠益感厚意謝謝承招賦歸歟未嘗不引動還鄉曲子第去住之緣實難意必歸其時節何如耳翹企多情無任瞻注啟者尊翁老居士年方高德愈盛不忌佛囑推忠先朝法護黃檗龍藏亦是

世世福田不惟懋神宗業相賓天之霽且感龍天鬼神共相默祐耳惟冀優游之暇如文潞公勉年潛心內典爲將來津梁是望值翁大誕方外弗獲與祝奉寄壽章一軸五燈一部少申懷答不具別幅端爲致敬不宣

復宰漚居士

久仰居士現長者身行比丘行知是霧山會裏人爲白衣中導師也戊戌冬聞貴地銃藥庫火發電捲數百人家直至鄰舍俱爲灰墨而尊府隔一紙獨保無虞非平日敬信三寶長齋積善所感能致是耶將來

文耶

印非禪師金卷之十四

七

之福更未可量矣惟居士勿忘龍天默祐愈堅道念多作好事利益一切是山野之至願也去夏法眷至荒山盛陳雅誼力爲黃檗外護感德何如今春丘君至復承花荳白糖之惠山野舌頭有眼頗知甘香第出先施愧無以答附致御茶一確係王所供轉送居士將備瞋睡之餘以代趙州一棒倘當下惺惺豈不慶快平生者哉艸此復候不宣

復師姪聞馨

辛丑秋接賢姪書以法系念我懋甚囑者賢姪居應院中當依教奉行毋爲機境所移明因求學向上如

此爲僧庶不謬爲吾宗種艸也愚住山雖不能高出常流頗自識慚愧斂石修塋事若任事日當竭一番心力可也師太先號真空爲犯派頭改眞爲幻遂號幻空師祖玉山公原諱明禪俱爲改正非愚意錯也試以師叔祖明初明祥字片觀之可知矣仙巖碧師兄及汝師各寄五燈一部近刻十冊不及東候均此問訊不悉

復惟欽禪人

施茶結緣誠熱惱中甘露真不愧菩薩行門愧子願大力微不能如子意前兩次助貳拾金少資涓滴烏

文耶

印非禪師金卷之十四

八

能令大地俱享清涼耶今歸德于子益添愧赧矣結茅暫守自成蔭樹致田長久倘如願更復不悉

與聿輝居士

憶昔同話月于敎書樓及平月落樓空共結異夢惟居士開眼作好夢而不被夢惑誠爲希有願來春雲錦歸來則山門又添一活伽藍也玆賀玆賀令兄不及簡候併致意

與石鐘霸公允釐三居士

兩致小函諒達均覽問音杳復積抱愈懸東望雙青可勝瞻注俞尚友劉孺孝余希文皆嚆昔影彤友也

曾有書物致問聞俱物故不勝寥落之感若見渠公
耶當轉達鄙誠如三位在日幸荷

復伺初居士

老居士德望素著友誼夙敦山野雖遙隔萬里未嘗
不夢結蘭動展惠詩箋兩袖明月清風情暢神怡故
人時時在握矣第愧莫能酬此善價謝謝

復潛明居士

遠辱慰問知故人愛我深也桑梓之邦何日忘之機
緣不可逆料未審何日復回故山與居士坐潭頭烹
白雲豈非厚幸耶老人復書會寄爾默送上不知何

批

附

九

以不及至承惠古墨描不盡居士萬福也謝謝

復從羽居士

計別念稔景況滄桑遙憶聚談恍如昨夢辱惠翰教
及扇筆知高誼不忘道契感佩殊深再讀佳篇如松
風盤空清氣爽人信學業與德業並進甚暢遠懷承
諭爲福山倡緣此亦正務山野亦當竭力贊成其重
自愛第此邦人住相行檀有孤尊望想見亮焉山野
自居方丈衣蓋之外不蓄分文愧不能相助奈何

復宰官諸居士

法無常住即緣住爲住僧無他心以衆心爲心衆心

猶木緣住如月跡存彼此道無間然非到彼位高明
莫悉此意也謹覆

與一粟居士

百年幻夢何足堪特惟冀優游於清淨之域時時體
究乎性命之源縱未至於聖賢實際亦不失此身子
世世矣新春起居諒必納福端此問訊

復從予居士

讀居士前後二札故人顏色恍焉如對但世態如棋
局隨時變惟見道君子不與推移即遇世途迫促總
不礙真趣流行則無往而非亨衢矣山野今杜門謝

批

附

十

容聽龍天推托可住則住可行則行與故人會晤想
有期耳山居合詠重校付梓俟客後寄卿復

復良義法兄

六月十六日簪子至接法兄手教甚慰倦倦之思但
彼此隔天不能恒以道法相訊用是欽耳五月間鄉
人過謁述尊和尚法叔示寂于慶城吾宗又失一大
法梁矣食不下咽者數日爲未聞訃音計二年是以
不能如世禮也哀悼之極前玄上人回附果儀拾兩
少申慇懃未領示答今夏聞寂又修真儀併祝詩寄
康生郵置想必已達冀法兄重振法幢化導羣品爲

法保愛不宣

復法伯退翁和尚

壬寅春吳信士從虎丘來惠以佳刻示以尊偈儼如昔日侍教于法苑光中遇瞻頂禮曷禁神馳聞今夏降錫金粟知祖庭從茲大振正法賴以重光人天胥慶何幸如之茲緣風便謹以尺素奉候法履倘天淵不隔備禮趨庭重領法誨不宣

復法叔韶明和尚

壬寅九月望日何居士至知座下福嚴繼席讚喜俱深非言可述愧某僻處遐方孤陋聞見烏足膺座下

法

丁巳年九月十一日

十一

之淺美哉承諭師翁老和尚示叙日期併舍利遺囑語此祖道之有光法門之大慶也倘非古佛再世安能顯此一段奇局耶但計音遺囑已詳悉于舊冬仲月茲得手教頒示又重拈一番痛切矣敬將尊札郵置至京想本師老人見書亦恍然如面晤也特此奉復惟冀爲法爲衆生珍重外具果儀一封聊申隔道之敬希簡納不宣

復于平居士

二十年來憶同居士于奎山卧白雲烹綠水夜梵與書聲相間渾然一圓通境界迄今思之如夢如幻不

可得而追遊似昔矣近接華翰知故人動止亭嘉甚感遠懷第獎譽過多益滋頽甲承惠詩箋字韻兩佳錚錚金石領謝不盡聞召移之憐道人未免有情惟冀居士勘破一分則受用一分勘破十分則受用無窮矣世路多艱伏冀自愛

與三水林居士

別來五載音問疎闊常懷雅誼徒存夢想不意濱海召移之憐而居士寄跡名勝之鄉目不經見可謂出世同觀矣浮生幻寄轉盼成空所貴不迷于業網當捨有餘之物作無窮之福是山野之至願也

法

丁巳年九月十一日

十一

與佛日法第

佛日東昇時時相見玄沙白紙猶隔一重所以不曾動致問茲緣何君晉謁託渠遺信萬福

與白漚法姪

法姪道行高古人所不及圖報佛祖正法在茲和尙不期示寂之速同條連裏不能無傷戊戌冬盡上人回附拾金以修遠問未知達否歐詹總請信屢欲通問魚雁阻絕一息良艱想必時來衆議代爲致辭問諸檀信悉平安不風景依稀如舊不堪舉香火不致湮沒不有便報我

復呂成五居士

來諭遭時艱苦俗累如麻若不高提隻眼則竟世役役真萬劫冑鎖矣居士曾與山野晤對一番亦夙緣有在今既躋道成名須求出人頭地爲國敗恥庶不負讀書半世耳甌中密印法通天正慶全荷菴松菴半山菴鞭影堂諸禪刹山野行腳時極感漂惠愧乏翰酬別後不知風景何似丁酉春密印僧回已亥夏林生回俱附謝簡不知所託者能致鄙誠否倘會晤時均爲申及

與性近徒

人生聚散無非夙緣彼時代汝祝髮何嘗不欲朝斯夕斯代予巾餅之執哉嗣後各天奇足鱗雁杳然實非余有孤于汝也近得來書知汝在福嚴實慰遠懷欲喚汝來萬里阻隔不如放下身心親觀老和尚以道自勵待予無異他日做得半箇人庶不孤爲汝窮度也風便示復自重囑囑

與曉深住三徒

聞汝離鎖泉叅方浮蹤無定終非了局茲敏石捨院舊年予已贖回此地山水最勝況四代祖塋俱在子可同彼同兄弟灑掃修持方稱吾髮度弟子也不然

復未發西堂兄

就三吳有佳處可尋一所在作小歇場有便鴻相報子當爲子區畫客行且急書不盡言惟悉我意爲慰道聚未幾風便言旋人生聚散之緣殆有不可意必緬惟法兄丰度過人利養之私了無繫念故饋送之物分毫不取廉以持身誠超世之品愧弟不能爲東道主往來之煩不足供其匱乏私心又自慊矣遠惠好音盛情領悉弟今秋京行省覲會晤未卜何日惟法兄于狂瀾震撼中力爲砥柱法門幸甚

復黃樂諸昆仲

劫燒蔓延荒山無恙皆承諸昆仲道蔭之力非敢作四禪想也省覲寧不欲速爲舊唐懇留時當盛夏恐輿馬艱于奔命而禮物亦爲闕典俟新秋得故鄉消息方堪啟行承列位備禮爲慶賤辰是日寅辦山餽野果轉供三寶同仁同向此所謂一花開而大地春均感均感艸率奉復容晤不旣

復立弟

古文篆法秦漢爲上老弟筆意不減蒼顏茲再煩大篆數字與圖刻並傳以垂不朽臨紙簡入景仰景仰復鄧太守

君與予俱是福城人而竟不相識如兩眼隔一鼻只爲太近生今夏承寄貴集五冊不特識丈夫鬢眉于萬里外則赤膽道心瞭然指掌矣艸率一偈聊答遠誠呵呵

與雪曉徒

古人未悟之先汲汲於福田匄匄於教海以爲進道之階今之學者無古人根器又不知福田教海爲何物何異鳥無翼而欲飛木無根而欲茂不其難乎子力勉之

答虎谿禪德

文那

印非禪師八錄卷之二

五

學者不能深信有悟門所以多錯用心於外學試爲評之悟猶化工也學猶巧工也巧工知寫生逼真非不宛然酷肖欲求其生意則無之昨閱某錄是知解語也明眼者自能辨之

答雲交禪士

今日叅學之弊皆是叅鸚鵡禪非眞叅了生處禪法道與替于斯可見矣來問公案貴在神悟難以言傳縱有可傳皆文字禪耳惟高明察之

與江禪人

初祖西來盡翻義學窠臼倡爲禪學目下兒孫將禪

學束之高閣恣意外學吾不知其可也

與廣智禪人

識心達本源故號爲沙門若不達自心本源則宗爲邪解教爲妄知皆非究竟不可不勉

與西河禪人

一切法不生一切法不滅無一法可棄無一法可取佛與衆生俱是假名子眼若開冷地一笑

答鶴夢居士

步步登高儒宗氣象心心放下達士襟懷身在功名之府樂登解脫之門荷恩已深報德何極林下道人

文那

印非禪師八錄卷之二

六

炷香以答

答允單居士

別來廿載無從一寄婆心辜贖還臨宛爾別峰相見倒峽之雄詞甚慰久渴生花之夢筆足暢幽懷雖晤坡公之尙遲期續傳燈之有在悵焉永望言不寫心

答八姪司理

不面日久夢想用勞忽接佳音甚慰懷抱序致淵雅法道增光但德不稱辭此爲愧耳生處事太貴賤所同公私之隙深心體究可也道晤未涯爲國自重山刻附覽艸復不宣

復三木林居士

八月七日接華翰俱已領悉及聞大賢郎失於波臣石頭亦爲之墜淚以法眼觀之猶月落寒潭惟眞理遣之當消歸風業可也世界空花恩愛假合勿懷悲惱刻痕無益居士慧人也諒早已看破無容贅耳關別八載道晤未涯山野以拙筆自畫自贊觀音大士一尊送居士供養大圓鏡中藉此爲觀面冀朝夕頂禮執持名號如子喚母心念不忘精誠感格必荷提攜現在獲福果而證圓通當來藉津筏而登彼岸更祝者三界無安百年一夢曠劫主人公不可不喚醒

支那

即非禪師全錄卷一四

七

附致新刻二種有益身心性命幸詳覽焉時寒珍重

答龍谿禪師

屢承雅愛懇懇令予得伸孝念復辱端使感也何如行期決於秋初會晤可堪指日先來傳雀之音用酬寤寐之想端復

與崎主島田居士

一路舟車護送兼以天色晴明順風到岸皆護法之力護法護人福自悠遠感謝無涯

答蘊謙禪德

盛德光華發爲辭翰益然而春儼如靚面不覺別來

之久耳承寄密果於黃檗林中所謂苦盡甘來極感美惠孟春猶寒預訊多福

與幻寄逸公

禪德病多諳藥性煉得通身是一株藥樹自可除病近聞經冬愈翠遇春轉青甚感遠懷只如不涉冬春通簡消息來呵呵

與平水禪德

別來六箇月懷念無已念子之招提債未償我之衆生債不了債雖有異苦心則同倘有出格丈夫一肩荷負何樂如之

支那

即非禪師全錄卷一四

太

答化林上座

聞來書知子有志與古聖並肩必有越聖之地何幸如之謂我隨衆過勞我實甘之雖勞亦閒也若比古人一日不作不食之勞負愧多耳寄來信物俱收到無可酬子孝義只有二十棒親來領去呵呵

卽非禪師全錄卷之十五

書問

門人明洞性安性節明覺明幢全編

與豐主源忠真老居士

自開筭道晤隨卽言別不覺秋復冬矣每想高誼厚款何日而忘仲冬二日遠辱書物愈添愧赧居士治定元勳奕葉貴重爲國爲民大展經濟民樂其業物遂其生共登仁壽之域坐享無爲之化此卽不離世而超世也谿山有異雲月是同肅此復謝併候
與石香林居士

平安兩字吉人至寶列位載之而東皆佛天之賜也匪列位盛德莫能感兆耳應以半齋戒用答洪恩是山野所羨望焉當茲季運廣德爲先列位慧人無容贅耳

答無心禪德

少林不立文字將以蕩雜識之情塵示明心之指要要人直地構去自有一段真文字流露將來但患不悟不患無文字上座勉旃

與性延何齋公

道元功德以信爲母解脫諸有以智爲因加以行願

乏力如順水下舟不勞篙楫直登彼岸在彈指間耳但轉身向上一著更須勉旃乃可

答遠州太守

學道豈獨資其性命實有補於治化耳貴使回接華翰知檀越以忠事上以孝事親時以忠孝自娛殆非平日學道之驗歟欽美欽美

答吳輝禪友

道契同風如鏡照鏡無端道箇對雪峯如對顏色聞松濤似聞法音不見猶見依舊隔在萬里雖然不慧自領二十棒何也又存道契同風之見也呵呵

答毓楚何居士

古德云量寬福大性慈壽高今於居士見之矣況又念身皆幻悟世匪堅植善提於濁世遺厚德於子孫是可謂達矣信惠已領復謝不宜

答崎主

化林徒至接華翰知與居如意併留心向上溪以爲慶兼關貴治清簡民歌德政國家實攸賴矣可賀可賀山野重蒙豐州太守款留禮意隆重但愧德京弗克負荷勉強栖遲諸留面悉艸復不宜

上本師老和尚

新夏某禪人齋座下巖示至不肖伏讀至再徹骨徹髓之言炙膚然頂難報此恩所賴仁覆天不憚累屬不肖日夕冰兢豈忘訓誡謹謹銘佩耳

曇承造就之功今得開山廣壽雖風緣有在皆座下福蔭之力居多也中元解制即遣法雲監寺上謁因豐主有參訊之緣謂之同行是以稽也惟座下亮之薄具齋儀果品聊表孝敬若更鋪張又恐失之華矣諒座下不以爲簡也幸鑒微誠俯垂納受臨楮不勝瞻注之至

法雲上座回恭審尊候康裕曷勝欣慰又接初度示

偈併大筆尊錄過望之賜踴躍拜登永鎮福林以壽豐國禱此上復銘謝不盡

復本和尚

弟以不才之資謬叨豐主眷顧皆偶爾成文非敢爲夙緣有在也辱兄遣知客遠顧既承天章雲錦復加齊供堂儀但尊命俯臨不得不仰就耳涓十六日陞座勉強塞責雖無當于獅吼風鳴而法愛難說庶幾無負也錄呈覽惟兄恕而教之謹復

答佛日和尚

愚兄開山廣壽出於意外機緣湊合拈弄一番今以

賤辰遠勞祝頌詞韻清新體意隆重實增愧也勉從陞座塞責勿罪錄呈附覽復謝不宣

法無定法疎濶卻有來由惟觀面於水流花開之外何嘗不握手於千里萬里玄沙白紙又隔一重雲起龍驤無容饒舌

答東林禪師

禪師道行高古有古人風誠未法之標榜讀歎讚歎不慧開山料出意表雖緣契有在皆老兄之慈蔭也半百虛度叨蒙厚貺及金玉之章知法愛之情至容謝不盡

東林一枝向黃檗橫出覆蔭桑土全賴遠公耳不喚之儀聊充益供論訊起居餘略書外

答法苑高禪師

愚叔年值知非錫卓就是慚無美德感人虛受檀越敬信思增報耳賢姪遠將壽敬渥以佳章誠至切也但相去幾千里不勝契闊之懷未審何日仍得如梁山晤對之爲快也時爲盛夏保愛節勞書任神馳客謝不盡

答曉堂禪師

法姪頭角已成猶潛蹤默養異日霹靂一聲奮地起

也承惠金玉之韻兼禮意殊深可以心領不盡言謝也法語未刻客日馳覽艸復不悉

答初山禪師

達聲漸遠近得手書喜可知也賢第行化一方必展蹊足異日作一章大樹蔭涼後人何幸如之遙寄毒偈格外雅頌心領不盡艸復

答獨吼弟

賢第氣宇如王自能出人頭地今且潛修靜攝異日風雲際會受用自不可量矣

答南源弟

自樂山別後常懷晤對想賢第待老人左右贊勸之勤于丰範必有所加也不慧卓錫廣壽亦不過竿木逢場耳半百甫臨總爲虛度承惠佳章雙祝字字相檀愧無德以堪謝謝

答惟一禪姪

孤峯獨踞雙鶴來賓堪稱天外一閒人諒賢姪不以此自足承惠壽章皆從香水海中流出謝語不盡道晤未涯以道自愛

答悅山喝禪二姪

梅檀種草自有餘香惟克賓文遠善培植也承祝初

康佳章香氣襲人領謝

答月潭姪

諸上座皆今時妙選超師之作予所殷望焉承祝初度禮意加厚辭章出格簾錦攢紅列位與有榮施於我矣值一日連日上堂未暇逐位致答就此復謝不既

答萬拙上座

六月廿二日接上座五月廿三日書恍如覩面重惠詩扇並增清氣但爲法忙冗未遑裁答耳所云山野卽大鑑之後身貞宗卽今日之豐主前後若出一轍

卻被明眼人覷破然三身不可得如何和會速通消息報我

答鐵牛法姪

霜花七見鴈字罕逢忽辱問箋欣感高誼令徒畱此兩三日備審賢姪得法之由開創之事及動止清福喜忌曷極信知黃檗一枝當仁而橫出耳厚祝信儀二種謝謝

與天開立公

鄺居雖無松竹之娛上座雅有禪蘿之思差足樂也猶恐爲羅眼繁念翻成不樂不若放下此念併忘其

樂是名真樂是名極樂何如何如

哀居士云吳中冠蓋如雲過客如雨無一人語我性命者求如王以明先生一毛孔不可得甚哉法塵之難也中郎一士人耳時處吳縣之繁治案牘如山錢穀如海惟一簡持之孜孜以性命是圖立公既出塵離俗無此等累居然不了將性命置之度外寧不孤負師友埋沒己靈耶人生有限世事無窮年踰古猶日將暮不急究竟更待何時此際正當看破一切如夢如幻收攝自己精神照顧元辰本命為異日凡莫拘聖不管的張本豈不快哉立公賢而自明未免

述真

四庫全書卷之三

七

面前亦有三尺暗山野愛之特淡故不辭饒舌努力珍重

答梅嶺禪人

重陽後得子書知居山有古人風誠可羨所云有堪牧之牛純乎否耶倘鼻繩斷時好來喫棒夢漢曾從山中來又向夢國去未知何時得夢覺也更鍊漢秋間寄我珍果欲換我舌頭聞其向道之志益堅各寄二十棒均道此意囑囑

與佛日和尚

住山頗久歲月都忘忽覩檣後黃花因憶賢第法且

乃嘆學子備數種家裏物為祝家裏人至親無文第存為愛

答逸然禪德

祖影降臨梵客生動禪德妙手豈讓吳生登時展掛法堂值合郡緇素瞻禮不勝讚歎但開數尊重煩大筆奏成四十三幅全堂永鎮廣壽常住不惟禪德芳名與此山俱垂不朽而壽命與列祖慧命同無窮耳端此謹實客謝不既

答高泉禪師

接來札知錫卓吳山之勝發其幽先者無待於今日

述真

四庫全書卷之三

八

乎惠我禪衣口佩智鎧夏披花卷時聞德馨本禪回艸艸布謝不既

自古聖賢無不委順惟道德芳名不朽者則為法身永存耳然究其所極永存亦夢語也所以略問慰之書惟高明亮之

惠寄新編釋門孝傳一冊焚香讀之乃知賢姪推孝德於古今神孝道於父母誠不謬為吾宗種艸間世英材異日必有大孝出而繼子也其中愚者一條塗污不少恐有累於高明刪之可也復謝不盡

寄源老檀越

大公郎天性仁孝一向栖心普門津爾轉凡必補果位匪同虛生浪擲者比也諒大檀越自能悟剎那為常住化悲惱成歡忻毋吝山野饒舌端候不贅

答石香居士

十六日覺禪至辱惠佳音詞旨增重且詢列位起居康裕感慰深矣來諭謂行館無停刻時暇請問旅泊三界中誰是不忙者但能於忙裏偷閒時時省覺則延一刻如億齡即塵勞成解脫此趙州所謂使得十二時耳聞南行在邇道晤未期惟順水揚帆不勝祝願也雪舟載春別是一番佳趣禿摩詰之筆描不盡

列位萬福古書侑緘承惠領謝

與大堂林居士

人生百歲猶如剎那世間知足能有幾人如居士肯放下究竟大事更加不退之心何患不到古人田地臘雪正寒努力珍重

答兼利居士

孟夏後接手札知居士畱心此道誠濁劫中青蓮也細閱偈語不無見處只是向見聞聲色裏著到如油入麪無有出脫滿紙不勝簡點只拈來偈末句云雖悉皆成佛囑請一字機者等說話若在山僧面前

好與三十痛棒一棒也不饒何也不見道機前薦得猶涉纖廉而況句後承當即箇裏本無元字腳那容隻字可相詰速折兎管吐出狐涎信則改圖疑任別叅觀贊一偈悟到心空一字無無客點墨亂糊塗祖師端的如相委莖艸何非五葉蘆

寄豐主遠州守

春杪聞江戶火災燦及二十里惟三潭府迫近而毫無所損且得種種吉祥如意之事此所謂佛天祐福善也讚歎讚歎啓者山野退休之念已堅况崇福公案未了自延遲至今者本欲候駕面別以盡愚誠昨

聞旋旌在冬間恐時與願左故預辭出山直回崇福然向沐檀恩自不敢忘也言不寫心惟賴秋月肅此奉聞不悉

答法雲上座

丹崖上座及端使至接子手書足慰遠懷山僧退閒聖壽惟存此道任信前緣無固必也廣壽與乾坤同悠久者皆德叟君之忠靈感佛天之默祐與山僧何與焉新豐主繼位霖雨天下其為世道之幸欣躍無量聞台旆初回日即登山拜山僧幻影何以克堪此雖大孝大福人為末世大闡提者作例樣惟恐山僧

又折兩年福也昨又承新豐主遣使齎盛饌下惠侯
聖僧奉賀不既

得書知源府拾糧充廣壽常住可謂福田有種惠陰
無邊推及山僧不勝所重上座數年擔荷法門極其
苦辛今受此供不為分外互體檀越信心當思大法
為重勿以居山自足可也

兩承府中厚惠自揣道德涼薄恐後來有木石之報
故不敢受匪矯廉也即欲附專使完璧又恐孤負信
心權登常住為大權檀福也山僧進退惟道是從聽
乎緣之所定何如矣艸艸以復餘略書外

德叟君平生事業向子筆尖頭點出他日勒之金石
萬古具瞻面目儼然不惟子之道茲兩盡抑令遠州
守之續承孝義竝傳不朽矣原藁付回艸復不悉

與雪曉賢徒

聞吾徒嗣法芙蓉甚慰老懷但今時法道濫廁師承
無眼大為礙法之端良可愍也子今既承當箇事當
以報資恩有為念勿被名利所移毋以往菴自足更
須親近當世宗匠操履到古人田地乃可然後或返
故山守塔保養道胎如種樹一般根株堅固枝葉自
然茂盛方能垂蔭後昆否則自立猶難耳子能遵守

吾言雖不中亦不遠若違吾訓非吾種艸也獨獨

答慧舉法師

闊別日久得書為慰兼惠佳篇豈勝珍誦未卜何日
再與吾弟笠重吳雪瓢貯越烟到處瀟灑之為得也
不慧近自廣壽退閒崇福值洪居士見謁備詳賢弟
動定乃知承嵩和尚付囑遙想雙徑萬緣中又橫出
一枝耳惟冀蓄保聖胎益期遠大此不慧之至望也
明月一方同風萬里不盡欲言

答碧居禪德

鄉人至辱書審動定清休甚慰翹企之素未知何日

再到龍峯岩頭與大德煮雲煮月話鄉曲為樂也聞
劉魯老賢父子俱下世有孫善守踵武可期予知魯
老肉身猶在高節尚存也凡親知為魯老痛惜者惟
此可以少寬耳薄附莫敬一封聊表昔日遺契代致
鄙意是望

答多久長門居士

居士檀囊圓通留心此道已知是佛法中人况住此
山水秀麗之地誠為希有頃承前使傳來意抱恙未
得躬禮欲山野開示病中工夫試問病從身生身從
妄生妄從心生且道心從何生識得此心維摩之病

一笑而釋珍重珍重

居士正信人也一撥便轉所謂智種舍心地通淨悉皆萌夏要山野爲居士發蒙只有三十棒寄夢堂上座處居士自領去未審如何承當速下一轉語看尊考妣獲莊嚴報地雖藉三寶之力亦居士孝誠之所感也又聞貴體病魔盡退正當以道自強了此大事因緣不忘靈山之囑可也

答喜多島東昌居士

閱呈語知是靈山會中人誠爲難得所云被造作心所轉不得自由蓋未會識得本心所以被虛幻之

即非禪師全錄

卷一五

境所惑不無妨礙欲得徹底須覩破虛幻始得

答多久玉岑居士

端使至接華翰恍如對玉慰可知也再讀偈語不無見處但話作兩極耳初云坐斷一切次云氣吞十虛既見有十虛可吞則境猶在如此則人境兩立能所宛然何曾坐斷一切也不若內不見有我外不見有物內外無所則中間自空且道喚甚麼作一切十虛其坐斷能吞者又是甚麼人此處著得隻眼方許見得頭頭現前其或不然莫道法無所悟好

閱來語知從般若中來向本分上留心異日證道可

期但末云只無保任又怠卻了也欲得無疑更須打徹

答多久茂矩居士

自到福山杜絕應酬不聞意外事久矣昨圓通僧至說及尊翁謝世不覺悲喜交集四大并騰百年幻夢歎人命之無常也幸居士信心純孝繼起父風尊翁必瞑目無憾耳惟居士節哀順變多行佛事戒殺放生以資尊翁冥福孝莫大焉僧回艸復

答法雲上座

近得子書念我之至山僧道力衰微不能副子之誠

即非禪師全錄

卷一五

五

惟子行道用報佛祖深恩是山僧之至願也今日得豐主復書今不贊此兩日身又不爽附聞

答喜多島道泉居士

承遣貴价來候山野小恙極感道義開函如對忘卻別來三白耳又知足下抱病中提醒此事誠爲希有夏欲山野垂示大休歇處別無方便只要當前放下苦樂逆順放下生死去來放下擬心大歇運者放下亦放下然後別轉一機好來喫棒玉岑令兄近日入山見謁雖無示語默契有餘急足回迫艸艸以復與法弟獨照禪師

以道常親自忘歲月彼此居山恕其同嬾缺禮可無
款耳賢弟爲老人鈍置多時所謂伸腳原在縮腳裏
今志得伸猶神龍出窟大地有望布霖雨矣不慧遙
空合掌讚歎有分緣晤尚寬預箋奉慶不宣

遺豐主遠州守大檀越

山僧世緣至此法道奈何屢承檀恩難以寸答惟願
檀越崇信三寶永護法門其繁昌功德與壽山福海
同無盡也肅此布謝不宣

啓

候旗山法兄啓

勝旗把住諸佛立在下風要路放行衆生知恩有自
大人作略小子奚知恭惟座下通身手眼滿口冰霜
續黃檗之源流奮臨濟之機用萬仞冷門庭從新開
闢千年間骨董徹底掀翻不出爲人何妨高隱愧某
狂若龍龍愚似木偶終朝同石人相鬪莫定輸贏何
日與猛虎交參同時際會敬修賤素聊布闊襟

候聖泉中柱法兄啓

石眼一泉流出聖賢命脉枝頭百鳥宣揚佛祖綱宗
公案現成還君拈出恭惟座下禪心若雪浩氣如秋
赤手賺得沒根藤盡斷衆流而卓翻大海等閒變將

三要印倒騎五馬而直跨三山事半天成地全人重
某一生莽鹵素性顛預入道十霜箇裏本無元字脚
活却六載此日方登選佛場忝辱弟兄實臻惶恐何
日同兄汲清煮香于萬松樹下令我聞新話舊於一
粟堂中未遂夙心略陳道契

候鳳山也嬾法兄啓

黃檗林中奇一枝之獨秀碧梧岡上異丹鳳之高棲
在處稱尊隨方作主恭惟座下白拈再世瞋睡重來
翻忍痛于當年結淡冤于此日喝走雷霆督使羣機
頓赴棒行殺活直教千眼齊開誠萬古之津梁實今

時之龜鑑也某質愧大蟲空負食牛之氣詎同擇木
喜聽朝陽之鳴此際難分身而作化外之賓希賜不
動步而賀塵中之主遙空合爪不盡瞻依

候岱山時學法兄啓

南山起雷北岱興雲布雨金毛出窟野狐飲氣吞聲
遇緣卽宗隨處作主恭惟座下佛祖爪牙人天眼目
佩單傳正印用格外玄機赤體挂紅霞而橫吞碧海
空拳拈白棒而直打青天龍象窺影以奔騰狸結望
風以踴跳慈威廣攝慧澤均霑愧某傳枝弱羽無力
高飛羨師離乳後倪尤親返擲白紙三張窮谷難逢

秋鴈丹心一片傳郵賴有春風不盡巖瞻伏祈淵照
復崇福諸檀越啓

以人弘道洵檀越之誠心爲法荷擔亦山野之本願
因緣際會當赴時宜恭惟列位老居士德布大方名
欽兩國入不二之門興崇百福開單傳之旨用祝萬
年五島千峯既點頭以相待莖蘆隻棒遂放意以前
來共明本地風光了此現成公案伏冀固金湯於彼
岸永護津梁摧鐵壁于少林共看爛熳荒函覆動端
謝不恭

復高發二法姪啓

即非禪師全錄卷五

七

同出雙林之家總爲一大事直登萬福之奧豈是小
因緣重託堪承克紹有賴法姪二禪師英姿逸羣道
韻拔類孫承天下古佛父事世出親王誠法苑之先
華吾門之龍象也愧叔年近知非道敢自是第入鄉
隨俗法地莫動一毫許我觀師倦足直輕千里喜值
杲勤分半座紅添濟鑒錦同堂共樂泰和之天團笑
話月之會

復陳林郭薛諸縉紳王林夏蔡諸孝廉啓

五音洞裏奏宮商千山起舞無影枝頭懸日月古刹
重光輝鋪大地黃金鑪響一聲天外苟非明眼局賞

原稿模糊，敬請鑑諒。

此音恭惟諸位縉紳老先生列位檀護大居士在廟
廊則作生民之寄居艸堂重爲鄉里之光今者不忘
法護放出餅中鴉子仍復推重山野呼來壁上高僧
闢七佛前不傳心宗其明正印決千七外未盡公案
嗣續真燈誠法苑之裴蘇儒林之陸李也遙接雲箋
恍如對玉兼蒙佳貺益重淡慚每念水木本源遊子
敢忘桑梓之地雪裡掃地丈夫能無扶植之思第事
有不可期緣所莫能遇承豐主以不次之知遇重款
開山諒高明以無外之大觀暫寬卓錫伏望扶起祖
庭藉金湯而各出隻手延禧家國冀玉帶以永鎮山

即非禪師全錄卷五

即非禪師全錄卷五

六

門佛法托在王臣主賓貴乎終始方命刻下道晤待
時肅此八行謝復不盡

復豐主暨法雲上座請啓

福地坦平喜有金沙嚴飾法門廣博全憑雲棟撐持
一會新開付囑猶在恭承豐主源忠真大檀越暨大
德法雲上座趙王轉位興化再來具正信於未遇之
前竭至誠于道契之後所謂如鏡照鏡以心印心者
也但山塋非世出之材賴法檀具鼎鑒之力寶所包
容萬指香幢高接千層盛舉希逢因緣有在伏願紹
續佛祖慧命永固金湯共了大事因緣用補至化大

海廻欄龍設法萬松插漢鶴友家欣從台命行道以
答

復開堂請啓

恭惟大檀越元勳世德仁勇溫恭制令出言動合至
道苟非夙具正因斷不能如是正信者也昨承延卓
錫推廣佛法於東流今復命開堂欲導國人於至善
總不爲自己福田所謂大人具大見耳第愧山野道
行荒疎既荷大法于當興之日仰答顧命於切至之
誠敢藉金湯重樹鐵鼓宣揚國典永祚山靈上座脫
穎機先天生俊骨明宗句外聖養前胎自非夙記重

文書一

日非墨而金卷之二

元

來鮮能全身擔荷愧山僧京德賴毛當溪壁隱何期
明眼拉出畫堂承嗣濟北之宗風勉振江西之祖令
舉唱雖無雪曲知音賴有雲門鉞蓋相投一燈有托
法輪恆轉邦國昌隆

疏

化媽祖殿疏

山爲祝聖而開寺由祈福以建法幢久藉栴檀繞作
福須還有福人今也祠宇年湮宜乎重新修理茲緣
勸疏敢贊偈言

媽祖伽藍會一家神功佛德蔭河沙福田請下金剛

種一度春來一度花

文書一

日非墨而金卷之二

三

卽非禪師全錄卷之十六

詩偈

門人明洞性安性節明覺明幢全編

祝黃檗和尚半百

黃檗三三潭潭潭老龍窟復有二六峰峰峰高峽峽
潭潭澈師心峰峰肖師骨骨瘦貌峻峭地天藉一撐
心空含萬象不覺四時行早梅記師誕占柏記師庚
衆以長生祝愚獨壽無生

次韻題曹能始先生石倉園

千古此林墟直畱高士居門扁非謝客艇設不爲魚

道骨鶴清曠宦心水澹如一閒天所與遊戲出三餘

登武夷

峰巒結構若成文展怪藏奇曲曲分百里尋來將罷
楫數朝行處只看雲谿迴水亦追隨倦谷嚮山能應
答勤不覺舉頭青漢外停筇吾欲對天云

遊九鯉同方道人蔣居士

倦足移時懶出遊偶尋高隱憩丹丘浮沈世界胸中
盡變幻煙霞眼底收半徑溪藏三夏冷千峰倒瀉一
湖秋地鄰君漢疑無路問俯寒流欲認舟古木閒花
皆異卉漁郎樵父亦仙流不知九子腸何熱還把人

問事應酬

樹不出園在泉州永天寺

翠益擎雲漢恩沾雨露溪貪根能自斷寧似躍爐金

訪謝寓中詩伯

高士多清致惟於俗不宜開門溪巷僻矮屋半城欺
眼既青如許頭方白幾時一譚猶宿契無愧識君遲

送盛求中客衍

促途兼夜發山色暗中分馬首銜明月客心似白雲
腰間防失劍市上急收文素識君遊志因之致別云
遊福廬同化門廣陵二師伯

奇峰看欲了何處是叢林再入三天迴唯從一徑陰
泉郵疎竹遠洞鎖落花溪四壁餘清梵猶聞空籟音
憩靈巖般若臺

江山同面目客子自移情地本因人重巖曾借寺名
苔陰粘暑氣對翹起涼聲般般若熾然說何人聽得清
再宿瑞巖值曾弗人孝廉坐雨

偶寄勞生足相逢若有期譚淡皆舊事別久恍新知
半榻憐秋去殘燈聽雨宜山牕重宿處轉憶月明時

嵐峰看梅

嵐溪塢莫辨步自香中入流水引孤筇斜枝牽短鬢

花明月宵歸地 春先及十里瓊瑤堆羅浮差可匹

西谿遠眺次敖良夫韻

閒餘來訪友引路者疎鐘寺僻依溪間城高懸半峰
聽鶯停綠柳選石憩青松極目千山際春陰薄幾重
遊靈石仝石石林林文若石不耕諸居士分韻
石靈何必問所貴主賓閒數里未逢寺疎鐘已出山
步緣峰影入路趁谿聲還窮盡源頭處前林月一灣
重逢林子鶴居士于來青閣隨卽言別
前度相逢處滄江看落霞又同登水閣空憶去年花
身世渾無我逢迎似有家不堪聚散易語盡卽天涯

同山人

陳希孟道士許宗藻葉園乘涼

三

度暑將何適斯園可足淹凭欄看鳥倦坐石喜松兼

果熟風中墜池平雨後添俱爲方外客疎懶未須嫌

登福山訪竺上人同林青嶼吳石也俞尚友吳

載白陳君藻劉維及諸同社分得祿字

蔬水道人祿安靜道人福斯二奚足云所貴在幽獨
地僻夏先秋山空雲補屋貝書白社吟持返瀑前讀

訊夏卿巖孝廉病

默然對顏色淡知得病因功難專藥石累貴脫心身
日月邁須惜林園閒可親經時疎問候荔子又當新

聽權上人琴

置身燈影外兀坐對桐君靜入宵何許調來秋幾分
不禁迦葉舞如聽伯牙云萬籟空中落羣峰倒卓聞

再過林魯充文學竹笑齋

蓄意在相見意滿莫能言卻笑潭頭月又攜入竹軒
庭閒畱曙夢詩苦妒秋魂活句如何舉風高葉打門

南亭夜坐同盤師叔

淒清非不寐霜月半江亭忽爾披神爽於焉得語靈
舟居燈炙岸木宿鳥疑形堪慨長橋客車聲尚未停

雨宿梅灣

同山人

陳希孟道士許宗藻葉園乘涼

四

細雨能當戶滿滿關竹爐高吟通靜夜短睡憶危途
艸暗蟲聲切燈寒樹影孤牕前梅溼重香氣不曾無

途次

去去望奚極行行曠客情平原迷雨雪古道入山城
野店前村暮荒煙幾處明浮生無定跡何必計行程

雲峰訪友

不識幽棲處樵翁引客勤寺無二八里路入萬重雲
山勢迷能辨溪聲近不聞攜來滄海月獨與主人分

過龍峰訪碧禪宿次黃檗和尚韻

度江未暇駕崔嵬且向千峰掃浪堆鹿下巖前迎杖

錫龍歸益底待雲雷遮頭碧樹參天合觀足黃花漲地開凡聖兩頭都坐斷從教古路沒人來

偶成

春寒芹蕪未抽芽客至敲煙煮浪花隔寺斜陽僧定起數聲山磬落人家

贈市隱長老

誰似塵中主俗緣最懶刪境忘喧寂優慮絕是非問世原無地居心即有山寧如泉石者竟歲拚雙關訪林振學居士一枝處

相逢何必早所貴在知音方外交雖淺詩中識已深

五

地曾擎盞至閣始看花臨何日過山寺遲君沒線琴

再謁鼓山永和尚

千里尋師不憚遙山雲海月一肩挑重來請益無餘說依舊雙眸對碧霄

題喝水巖

晏師棲息處豈礙水鳴幽怪出人間去因之喝倒流西禪掛蘿亭懷古

四座炎威不敢侵絳蘿青鎖畫成陰毫端易吸西江

水難寫先人一片心
雲門訪惺師叔不值

斜街盡處即孤村幾片閒雲爲掩門入室謾云誰是主黃花解笑鳥能言

過重光寺訪彌師兄次壁間韻

郭外漁家湖上山幽添一寺在中間時尋竹隱停舟至日愛松門對雨關客思清兼秋氣肅禪心澹與水流閒主人解給廬陵價詩債何妨獨自還

登名山紫頂訪際雲師兄

山不名爲累何妨客作緣一身輕衆鳥短策破層煙路隱如遊夢行高若在天斜陽何處寺鐘磬白雲邊重光寺夜坐懷林勺園居士

六

衲冷夢新足燈殘鐘未移拂雲千个竹貯月兩方池茶熟頻呼趙詩成每憶支西灣亭此際想亦捲簾帷

林無念孝廉見訪

半白重相見恍然如隔生所譚皆夢事得句盡秋聲艸短憎髯禿谿光照膽明於公天不負林燈且藏名宿半山樓同希遷師弟

樹下看殘局登山懶到頭且隨今夕計未暇爲朝謀鳥夢出花路荷香上水樓少焉江月白一嘯碧天秋

補山九日次祇師叔韻

傷時慵出戶姑作補山遊風雨遞重九黃花惜好秋

甲申五月十三日書事

世態如棋局轉乖新符莫換我癡獸恩沾水土難爲
答剩朵青山好活埋

哭 崇禎帝

天崩地陷民無主萬竅怒號鬼亦哀大寶花闌歸本
位還期果熟下生來

是年三月十九日逆暴犯闕 崇禎帝投繯煤

山惟司禮大監王之心跟隨跪帝膝前引帶
扼腕同灰數日後葬於田貴妃墓之斜陽裏
城伯李國楨一人往送國楨隨自殺

文部

即非禪師全錄卷一六

七

由來版蕩見忠臣急難寧無魚水親手種御桃三萬
實其中兩個見全仁

崇禎帝殞於東華門側覆以蓬廠莫有敢往哭

者惟二沙門在傍誦經長伴帝柩

舉國皆悲痛何人竭股肱始終無象主獨許兩閒僧

惠安伯張慶臻盡散家財於親戚致酒團飲四

面積薪全家共焚

大地化爲點雪爐煙消星月印平湖一團正氣知難

掬野衲並將詩句圖

有樵夫負薪至橋上聞帝蒙難大哭赴水

忽聞闖賊犯天庭大義還他艸莽臣寵辱不驚能取
義一時感盡讀書人

時有賣菜者忽見 崇禎帝柩跪號樞前觸首

死義

放下雙籃子全身荷大綱滿城桃李艷爭及菜花香

輓黃侍御海峴居士

有序

乙酉六月大兵渡江文武官員皆逸散惟黃侍御
榜其門曰大明忠臣黃端伯誓不降有司執之不
屈下獄別家人傷曰義士不憂死忠臣豈愛生只
留方寸赤千古放光明八月臨法場說偈曰四大

文部

即非禪師全錄卷一六

八

原無我銷歸烈燄中紅爐煙冷處偏地起清風乃
引頸就戮噫貪生怖死人之常情惟至人悟其本
不生雖生而無所愛達其未嘗滅雖死而無所畏
故於生死之際自見平日操存居士其人乎國危
致命殺身成仁誠無愧於人臣之義抑徵生平學
道之驗人皆痛悼而追慕之然予觀居士早年曾
升壽昌經和尚之堂魁入天童悟老祖之室其造
道立言足以垂範後世豈特忠烈而已哉遙空合
掌弔以偈曰

氣節凌霜雪丹心貫日紅孤光鎔鐵壁隻影出銀籠

澤被雙親外道成一念中大明不可親下載仰清風

福州胡指揮聞大兵入城肅衣冠望東北拜

君親竟南面危坐服毒自盡身不傾斜大兵見之設祭羅拜而出

天傾隻手力難支一盞鴆膠萬姓悲世祿恩深酬一灰此生應不愧鬚眉

福清林貢士存髮殉節問左右曰此何處答曰

先帝朝也曰寧灰於朝不灰於市有司義而許焉端坐受鉞噫林君與能原始及終而得夫朝聞夕灰之實無愧于達儒者也傷以奉輓

卷之九

九

散場傀儡又登場何似先生道自強灰不離朝全節

義生留綠髮補綱常

余狀元赴木灰

吞吐西江誇獨步橫身北闕稱全人九原若遇文丞

相把手陽山訪逸民

省母借某寺度歲有感賦白雲吟

莫怪寒雲頻度關爲溫親舍倦飛還新春自去爲霖

雨不待天風送出山

方丈看菊次堂頭和尚韻

竟日籬頭抱獨芳多情移爾入雲房由來隱逸非凡

類說說花中別有王

松濤

梢頭鼓浪逐風成響近松門若有情幾認半崖看雨色長疑一路入谿聲秋淡似浣千山淨夜永還搖聚鳥驚太古無絃聽自好勿勞調入韻中清

林佃士計部寄惠箋頭并題三天門佳作賦謝

未卽修書答戀戀何當寄我以詩扇滿與乃紀天門遊山僧如讀廬峰傳杜陽王腕清且新擬議行雲及掣電禪餘展對茗香中只此見山兼見面

戊子二月還融城省老母危病有感時事寄榮

卷之十

十一

山諸同衆

刀兵劍戟亂縱橫鬼哭狐啼欲近城回想山中仙一國世途一日百千生

三月義師稍靖郭兵圍城兵退諸親眷資舍懸

諭口占答謝

山僧豈惜一孤身爲念城中萬戶人萬戶多生積善

慶保城活我老娘親

戊子五月省慈還山承檀越乾菴陳大衆及同

社俞尚友陳君藻二孝廉林魯充吳石也裝

憲甫翁允釐林開克葉子暄諸文學王從周

魏震生石不耕余希文許宗藻陳希孟敦良
夫諸逸士釋獨光良偉二禪士枉賜瑤章敬
賦酬謝有引

稱自學禪竊以究竟爲已愛聞譽非所求也愧道
業未成弗能助孀慈發明大事邇者臺疴日篤百
計難痊猥圖幻軀報荷佛天護持獲酬萬一方外
交諸公議行旌舉納堅請止復寵以詩則又曷取
夫人子一身原爲父母生合爲父母捨即捨千百
身供養亦本分事其可因此以爲名耶雖然旌名
也詩亦名也所願偕文字緣結般若因俾世世生

生恒爲道侶庶古文暢當不岐予志云耳

慈將心血壽坤元出世何曾解報恩大地爲肝誠不
貴恒沙轉佛道方尊虛名久作漚花見庸行胡當珠
玉論無德堪酬諸孝友總期當下洞根源

喜繼禪弟入山結夏并答林青嶼吳石也俞尚

友劉儒孝吳載日王大允諸居士見懷

黃檗山中結保社新荷古柳爭春夏天親錫自補山
來恰似翁翁入場舍逢予意滿語難裁郵示贈詩兼
寄懷且喜舉篇對顏色秋翻句裏見高才高才喉舌
蹲李杜筆尖滿灑欺顛素鏤冰琢雪吐虹霓黃絹一

。諒鑑請敬，糊模稿原

時題幼婦欲報佳章擬效蟬農家醜態恐驚人清風
不逞孤明月伸紙濡毫任率真山僧弄筆荷鋤似信
手胡揮無一字有無不作文字觀聊以翰墨爲遊戲
狂吟不盡紙無餘總托薰風訊起居弟兄漱瀑空山
裏秋色猶遲策蹇驢

送林位中居士還徑江

破夏登山又出山也知高士避名難怪石題心
山外看昆即丈室誰云窄得意忘懷天地寬

步老人小谿十吟

寺右一谿林鬱映帶如畫堂頭老人常息影其間
石几艸茵或興盡遲歸而竟日忘去斯時也長夏
如秋濃陰鎖綠清風不呼自至萬物敷獻盈前老
人極一時之樂放懷高詠將山色溪聲收拾筆底
予小子輩不禁忍俊廢步咏歸抑不知爲樵歌牧
曲聊以紀勝云

片石谿邊隱几松陰死坐茅堂一笑清風兩袖何如
殿閣微涼

谿自無心大小人猶差別難忘萬派聲歸巨海一輪
涌出樽桑

風送落花片片時隨流水茫茫閒殺忘機野鳥飛來
聚立人傍
長夏頻頻宴坐禪心印破谿光一幅風柯月渚圖書
發自天藏
水邊林下佳趣時節浪爲播揚雪去百川禮樂春來
大地文章
論交竹君梅友得趣山高水長渴飲源頭一滴飽傾
滄海汪洋
性躁掀翻地軸言奇鑿破天荒谿翁勿笑迂濶大冶
鑄成一狂

十五

潭頭爛煮秋色石上安排白雲只可山僧怡悅奚堪
野客平分
梵僧自渡何往砍脛句子尚存翁仲聞之怖走雙靴
踢破無跟
洞山觀影忘跡悟達澆瘡絕痕笑我閒呼月出于秋
燦破迷昏
過欽石修落髮師塔落成喜雨
半百危途十往還師資義重敢辭艱蒼天憐我奔勞
甚一贊功成雨到山
同熙錫叔祖登石竹山訪隱者不遇

。諒鑑請敬，糊模稿原

躡磴攀蘿上翠微到門惟見鹿巡屏山能作主畱歸
客天外孤雲亦嬾飛

同周松菴居士聖蹟寺夜坐

大隱孤城裏人煙一寺分經時不作客此夜喜同君
樹老烏棲獨隱虛月入羣疎鐘聞未了譚破半山雲

同汝欽叔宿阮田

潮驚客夢明月墮衣襟不踏利名路焉知丘壑心

送古樵禪士之潮州

千里溪山一片心秋高好去聽潮音知君不負梅花
約歸路芒屨踏雪深

十四

贈清禪宿六旬

宛仰沙劫一彈指耳順春秋奚足紀觀破父母未生
前虛空壽量莫能比惟公有之獨不然晝夜百八無
終始門對樽桑看日生山環萬石常礪齒聖凡把斷
不通津鬧市山林渾彼此今朝花甲又重新嵩祝梅
花香雪裏慚予無物可輸誠聊寫閒言爲法喜或遇
揚清激濁人不妨讀作高僧史

贈良守禪宿次本師韻

笑予狂念不知休一口吞殘百萬州此日欲同君結
伴自憐車破覓無牛

送同參還豫章大雷別韻

甘苦同嘗蓋所關云歸安得色無難此行吸盡西江
水雷取寒潭照肺肝

庚寅孟夏同鄭漢奉陳乾菴夏龍岡林月樵諸
居士擇木堂夜坐

白社皆知己宗雷輩最賢還山猶選史譚劔亦譚禪
楊僧無根樹茶烹不老泉挑殘潭底月驚起臥龍眠

送林邵夫士筌叔姪同徑江
月印層樓葉打聽為憐秋色返驚江知君此去逢陶
令文鬼詩魔醉裏降

鄭如水尚書題扇頭機緣見惠賦謝

仁風遠被到山林世上炎涼那得侵野衲生平憐白
壁宰官道誼壓黃金當陽展落千峰影信手揮來萬
怪音每讀機緣如晤對幾回忘卻獨開襟

題林孔碩侍御小景示曉天禪人

渾淪一氣筆中分濃抹山川薄涂雲摩詰潑將半幅
墨山僧快觀一篇文文章滿紙人難讀化作寒流洗
心目若能覩破一毫頭玉樓不換黃金屋

題林京西余希文二居士所惠小楷

文人道自難臨事畏輕薄作書熟且閒點筆不苟落

精神之所鍾混沌如未鑿平視二君書後世擬無作
君書自若人無能註一腳

送僧參獅巖法兄兼寄

古檠林中懶種杉只緣鉞芥在獅巖數行附訊關中
主鴈字雲箋不拜函

次王仲敷居士雷別韻

道心千里共歸路莫辭艱上林春色好爭待雪中看
送虛白法兄高隱

路將千里宵步關青山小動足若行雲高樓同宿鳥
機鋒電裏圓詩債夢中了黃檗九淵潭誰憐秋月皎

贈獨光禪士

凡聖都來輓一團如君明眼似難瞞誰云三尺面前
暗腦後神光萬里寒

贈勸神禪士

明孝廉脫白
黃檗職夜巡

不願選官來選佛當仁豈肯讓丹霞日中打破三更
鼓大地山河獨步跨

題偉上人扇頭

汾陽扇子足風涼塵土奚堪爲簸揚究竟本無元字
腳兔毫未染已全彰

送友還長沙

潭頭月色正秋妍無那孤雲入楚天六十為藤如蒿
拂重來豈惜路三千

垣上人乞傷壽母

忽聞蘭水長新荷僧子求詩壽道婆報德不須閒學
解勸娘參取活彌陀

恭次堂頭老人病起韻志喜

捏住閻浮作一丘法身示疾願難周重移北斗船歸
掛再放西江舌上流山解醫人青不了花能戀主笑
無休謾云骨瘦如癯石一喝收回大地秋
紀春次獨往子韻

四庫全書卷之六

七

春風來谷口掃卻霽冥冥日煦千林暖天開萬象醒
新桃欺雪老古桺學松青鼓角催年急竟歌何處聽
紙炮

千重無縫罅一窺甚分明眨眼電光裏空中霹靂聲

堂頭老人捐地葬希聲錢相國

願力存千古乾坤屬一人惟餘坐具地分取葬孤臣

葉枝南太史為錢公營塋

太史惜幽芳親埋漢國寶味茲仁者心日月不能老
甲午冬錢公安葬山詩以弔之

世界仗君作主張奚堪擦手入僊鄉玄心俠膽安何

處耿耿忠魂爭日光

玉骨深埋榮苑東前身想必是裴公可無清莫表清
節推出九潭十二峰

題姚震咸居士覺夢緣起

夢破覺斯圓盤珠無滯礙業酬高士緣禪了道人債
挂劍兩眉春吞江一口快為君寫瘕言不覺動天籟
同汝讀叔補山夜坐

聽前梅數點鼓角月三更入此觀音理風雷舌上生
中秋同慧門木菴二法兄獅巖坐月刻韻
為憐秋色正況此弟兄同引到天心月呼來谷口風

校題

即非禪師全集卷之六

十六

獅崖頻踞地虬樹欲騰空不覺山將曉金鳥海上紅

示雲葵弟

儒釋半肩荷賃迸開火裏墨花入處只消一唯夏須
坐斷三車

示峽山劔文上人

聰明賣盡半癡欲買得青山甘活埋平地陷人無數
萬莫教自負棟樑材

之石井掃父母塔

亡牛喫首猶忍笑翻成哭白雲滿空山我心不可拘
贈法華靜主

芒屨踏斷買山家短纓頭邊轉法華信手胡揮揮大
用還君斬艸驗龍蛇

詠九潭瀑布

倒瀉晶餅天際流爲霖爲雨不知秋衆生熱惱都消
盡一片婆心未肯休

恭讀神宗顯皇帝賜藏聖諭暨瞻相國葉文

忠公檀越銅像有感

煌煌天語宿生身俱是靈山會裏人法海無涯恩獨
露萬年留供舊君臣

題師祖費老和尚壽塔

虛空撞破出頭來好與生擒特地理無限春光攔不
住徒勞緣影瑣瑤臺

拜中天師太塔

潭北湘南樣不差紫雲常露角袈裟吾翁面目依然
在黃葉關開萬樹花

同慧門法兄觀梅

天月付晴日招遊高士鄉飛來雙袖雪踏碎幾林霜
鎮幹扶松瘦瓊葩照水光此間初破玉大地已聞香

詠黃檗十三峯

吾邑黃檗爲八閩祖庭之冠乃遠祖斷際運和尚

九

文淵

子

家山初出世處後行道江表思瞻故山九潭十一
峯形勝在在以黃檗名之繇茲山昉也座下龍象
三千傑出臨濟大登黃檗宗旨道播諸方故諸方
皆稱黃檗兒孫良有以也寺興於唐盛於宋徵於
元重興於明萬曆中邑檀越相國葉文忠公以中
天祖梵行聞於朝神宗顯皇帝特敕藏賜紫叢
林由是彌新至崇禎三年庚午春敦請天童密老
和尚蒞此開法八百年堂堂各儀再現山中未幾
還吳徑山費師翁繼之放出白拈手腳擒縱呪咒
三載卸擔本師隱老人荷焉紫羅帳外襟卻真珠

寶殿龍樓重重幻出三代傳器今古一時過現大
地無二黃檗矣余活埋山中十載被老人推出拋
向雪峰輓過聖壽大本難忘猶嬰於乳一座黃檗
恒蘊諸一念中繇此一念露出二六峰三三潭本
來面目直令智仁之士咸趨萬福堂與而其暢本
懷其有見山不是山見水不是水者吾恐遲祖猶
未肯點頭在

寶峰

雲根積翠如衆
寶聚居崇微上

形山啓自槃山翁鎮國之名今古通富貴潑天無取
捨大家都在寶林中

屏幃蓮峯若屏障在寺之右叢林壯觀

古殿玲瓏無內外何勞數幅列山眉虛空界破成雙片露出瞿曇鐵面皮

紫微形肖北垣萬峯拱之居寺之北

紫宸瑞應燦雲端元氣英華結一團萬點青巖咸北拱獨餘古剎面南看

獅子天壯形勢巖然露地金毛與靈峯對峙爲本寺界門

出窟金毛孰敢倚長將日月戲爲毬有時忽震風雷舌一吼聲聞億萬州

香爐秀圓卓起間氣所鍾峯吉祥之東乃寺之華表

主

坤維鑄就博山形千尺寒灰一點明沒竅疾藜輕剔香雲徧覆九重城

佛座高將千仞巖勝自然若大佛據座爲寺前案

示現峰頭展化權右肩偏袒髻羸圓若非具透頂門眼千丈舍那見不全

羅漢拔出衆峯宛如應供居天柱上

寸絲不掛若癡愁三界翻爲一小菴坐久那知天地老禪心竟日照寒潭

益盂狀以應量器法羅漢前

誰將應器托虛空半貯寒煙半貯風想是老僧收拾

懶長年安置白雲中

天柱卓然獨挺直插雲霄在羅漢台

壁立千霄一極禪虛空撐拄到驢年欲期放下功成日覩破陰陽未兆前

五雲疊巖有五瑞氣成雲山光射之爛然五色在報雨上

疊嶂層巒競出頭瑞光化作慶雲浮由來五色令人曠大地山僧一隻眸

報雨天將雨每先起雲林木震動農人以此上陰晴爲驗云

舌捲風松谷放喉機先一著解農愁不傳直指西來意試問如何舉話頭

主

吉祥本寺朝案神光不時呈現于上四名

峰不求名名自揚國家藉爾示禎祥奴驅萬象齊嵩祝帝道遐齡祖道昌

宿斂石

清夜理幽獨柴門莫上關聲香來不息形影靜偏閑溪色一簾月雲光四面山簷花能戀主未肯逐春還

題斂石五音洞洞懸五乳乳具五音以石扣之響答山谷

壁立峰如削穴垂五乳長希聲人不識別自有宮商讀葉相國題龍潭石壁詩

鐵箒掃破壁毫光高萬尋雲雷收不得時倩老龍吟

題葉相國假山

多年成結構石積總非頑後樂爲天下完名在世間
堂中同綠壁屋裏有青山憶昔方童穉晨昏學禮還
橋梅大無得法兄韻

鳥至

寒芳如有待獨立石橋間倒影非因月浮香欲上山
畱將霜雪質直與水雲閒穿盡行人鼻春風未許攀
好鳥忙春事聲聲不閒棲分高樹偏語演一音還
罵雨遲新綠催花過幾山象耕如汝見當必爲耘
屈竹

孤石

倚倚將數尺蓄勢若龍蟠久鬱煙霜裏曾經剪伐殘
葉疎聲亦瘦節動影猶寒不改當年綠羣芳似較難
片石誠如嬾悠然好共棲禪餘宜作枕吟罷可畱題
骨瘦何曾異心貞自與齊雲淺難益覆苔蘚豈能述
甕雲

晨鐘

一鐺畱幻質出入自無心別作乾坤小猶藏洞壑淺
孤應忘侶伴滯豈惜浮沈隨處堪爲主舊峰未可尋
洪音纔動處蕩晃覺羣靈每送春秋老頻呼天地醒

霜林遇有跡曙月照無形空外從來去千峰不敢扇

寄南山法叔亘和尚

滿懷欲寫也之乎落筆依然隻字無猶恐凍機多怪
笑一張白紙太湖塗

題梅花紙帳

素繭裁成一片雲秋亦能陰冬亦爽清霄獨影臥其
中伴我梅魂兼月魄冷夢驚翻霜半席一笑能令天
地白堪嘆人間睡正酣流光誰向暗中惜

即非禪師全錄卷之十七

門人明洞性安性節明覺明體全編

詩偈

辛卯夏上雪峰示聖木諸子

久負山靈約而今始得酬孤筇雲外至萬象座中收
花好能經夏林寒不待秋相隨獅子忙殺兩三毬
寄贈陳乾菴參藩六十壽
君親恩已答花甲不知重紗帽挂林麓荔衣課子童
庭芳寶老桂徑節陶公松貧鶴無嵩祝移來雪數峰
咏殘梅次石門法兄韻

鐵幹瓊枝綴綠芽風光占斷不須賒餘香已結先春
菓數點猶開隔歲花微骨精神羸雪月通身富貴臥
雲霞弟兄桃李朋松竹萬經千峰總一家

先妣方老孺人坐化於壬辰年二月八日子時
計至研淚書感

八十餘年一夢中夢中恩愛醒來空從今孝道伸何
處泥淦山花照雪紅
蔬食孀居三十載勉年念佛若恒沙臨行坐斷涅槃
海孫子爭看坐一花

放生

悲懽對衆命生歿只須臾物我本同體悟迷分兩塗
善機人固有受樂汝寧無故國翻身是勿疑鍾處殊
贈宏機居士

方外衲交多無如白也豪雲雷生齒頰落筆走風濤

雪峰廿四詠 并序

古德云居山先見道見道自忘山余自黃檗林中
打失雙睛隱此古雪峰頭方及兩載不但忘山亦
忘其道矣壬辰春憂居丈室枯坐無聊擬尋天巧
以慰孤哀大似貧兒反思舊債仍貶開隻眼還舊
日青山因人遊戲三昧次第胡抹一上夫珠玉其

林瑠璃其苑雪峰之富貴堪誇象王而窟獅子而
人毬堂之家風再振豎起雲梯一任竿頭闊步踢
翻象骨免教索價驚羣望州亭眼空世界何妨萬
松關眉拂雲霄無字碑徧體文章爭如摩香石沒
點氣息文殊向古鏡藏身難逃智眼羅漢聞卓錫
出定賣弄圓通應潮泉吐吞四大海累他彌勒肚
脹穿金鰲橋倒跨五須彌笑彼虛空腰壓斷階雪
嶠以吧瞻枯木樓前忘蘸月喜藍田而兩足放生
池畔看龍眠憩一洞猶在半山黑白未分時恰好
和盤翻卻歷化城而滯寶所銀山壁立處不勞彈

指頓開半句以杖屨轉法輪一時借翰墨為佛事
結殊勝緣於五濁界內即文字禪於無說門頭庶
幾言外知音暨與雪峰相見雖然莫將鐘響誤作
龍吟

雪峰山以積雪得名初為蓋長者家焉後捨
命次子維深為侍者唐乾符間傳宗皇帝
兩嘉法號和尚法號曰真覺大師係全
兩嘉法號和尚法號曰真覺大師係全
使明護侯王敕封檀越主蓋文顯為感武節度
八百餘載廟祀肖像稟然生為慈悲尊者迄今
賢商遠孫振振靈龜皆當今時彥梵行儒風
聖境

雪嶺閩南稱第一名聞 天子勅王侯銀山鐵壁重

包裏竟歲雲中突出頭

寶所亭唐景福元年闢越王迎師入內說法三
次得錢一伯萬萬建梵剎堂舍千百餘
間莊嚴畢備迨明洪武初屋老圯傾值漂港
映禪師者欲遷住富山又中興焉亭立寺前
寶所

瓊樓寶殿敞虛空截斷千差一路通棒下掀翻無盡
藏當頭點出玉玲瓏

三穗堂真覺大師常置幾木石三穗于法堂上
一日陞座親出木穗玄沙提安舊處後
人因而名堂幾徒紫木
殉墓木石二穗猶存

拋下摩醯三隻眼謝郎捉敗置千秋等閒拈出舊公
案萬指堂中觀未休

蕪月池天啓間曹能始總惠城金重開
以蒲舊勝池對山門廣十畝

一池秋水鑑光開湛碧無心月自來夜半雲囊光影
盡紅輪雪曉又投胎

放生池閩王命工開闢恒縱
羽麟于此池約萬工

擊水廣作魚龍家物我空時放亦除佛號一聲通水
國舍靈跨跳上蓮花

枯木菴原一巨木凡十餘圍外嵌內枵枝神
常安坐其中閱王結
直覆之今有像儼然

為法樹王捨蘊空存 師千載定其中曾憑三昧無心
力不屬陰陽造化功

金鰲橋在枯木樓前樹陰足以
蔽日寒流可以照勝

金鱗透網吐虹霓雪裏橫眠不記時好是春梁生鐵
鑄截流補巖度驢兒

龍眠坊昔龍窟此
而得名

掀翻大地作滄溟六出花中睡未醒曾向瞿曇披一
縷遮天金翅覓無形

雪嶠路四方共
由之道

千盤古道砌瑤瓊簇簇谿山競送迎為勸未歸中路
客倚門慈母暗雙睛

萬松關萬松不可復問僅餘寺前數十株大十
徑行立上摩霄漢盡喬叢林皆

國師闍王手施為三門景致千古榜樣

挺雪關春忘歲月傾江倒海總開閑濤聲亂捲雲中去瘦影從來不出山

象骨峰唐時褒象骨故名

自從象骨字危巔一樹瑤花一普賢信脚踢翻陳骨董管教鼻孔再通天

卓錫泉國師為解行人熱渴以杖卓之泉隨杖涌出至今冷洽

石罅迸開錐卓痕尋流若個得窮源象峰一脈從茲出每送蛟龍過海門

無字碑唐代時碑廣久什地兩琢霜磨篆文刻落為土所吞其字

五

通身是字讀難成觀瞻大悲千眼睛五百頭陀扶不起至今高臥白雲平

望州亭亭與一洞天為鄰望見福州鼓山遂名其亭舊傳望趙州而設非也于前詠曾憑其說云為望趙州立此亭今懷雪老又重修二師面目歸何處兩岸孤峰相對青今成建亭之美因為改正甲午春志

一抹微藍是福城亭亭獨立望何人吾今欲起唐千歲古雪峰頭話主賓

藍田莊監文卿長者所施永為供佛勝僧福田味其存心涯天地不能老也

藍老施田萬畝餘耕雲刈月樹莊居檀波法水長流接玉滿青田雪滿爐

化城亭義取法華化城品近藍田

陽燄霜花立化城無貪虛幻暢生平大家努力須前進管地風光亘日明

羅漢崖岩容雪頂巖若僧伽面化城

赤體冰枯沒寸絲錦霞天製贈伽黎春秋不滯忘三際日月從教挂兩眉

半山亭寺左一里許沿小溝而上往來少憩之處

破雪乘驢天外去撥雲挑日嶽邊來兩途欲到大休歇鞭策均須奮一回

一洞天重岩飛出林杪而下視塵寰若一洞天也唐呂純陽曾此煉丹而去路接梯雲

六

呂僊雖往道長存雪綴珠簾掩洞門世上幾更新日月壺中不改舊乾坤

摩香石居半山亭之上屹立路傍通身穴竅以手摩之香氣襲襲從指尖出

石緣手觸鼻聞香香氣非從石手彰內外中空空亦寂雪香流露塞洪荒

古鏡臺片石如半月狀仰露頭豈非山靈有意顯無私之體則寂照之用耶

靚面菱花照雪開當陽打破示非臺分明一點難瞞處自有輝天鑒地來

文殊臺叢綠中一巨石怪甚高丈餘廣可坐十餘人大士出現于此

玻瓈臺上沒文殊碧綠堆中蹉過聖見凡情都掃
卻全身出現只須臾

應潮泉

去寺東五里許攀崖跨壑凌其絕頂頂裏有泉冬夏不涸進退清涼真潮候無差故

名

誰云潮汐叶高原一竅能將海吐吞泉眼活如道眼
活何妨消長應晨昏

梯雲嶺

舉頭天外跋足雲中外國邊觀如指掌嶺通應潮

爲接人天誰水泥亂雲堆裏駕瑤梯一起直到無階
級萬幾千峰自放低

行素居士見訪

七

即非禪師全錄卷一七

七

君從何處帶秋來天半層樓隔水開眼底溪山收拾
盡此行不負見予回

壬辰除夕次韻

有約多時竟不來山堂八字待春開地爐種火燒殘
竹鐵笛無腔吹落梅德愧古人懷洞濟詩題新卷寄
宗雷榮枯閱盡逾而立虛費檀膏不計垓

癸巳元旦用前韻

夢裏韶華去復來山河大地掌中開朝天幸免侵雲
衲供佛新移鬪雪梅野老懽歌林若市虛空裂破炮
如雷慈子無德資恩有一壺春風徧九垓

韓府侯段將軍至山各以詩見贈依韻答之

天開銀世界端坐愧先賢無分英靈漢甘爲解脫僥
逢人方此日小隱已三年何幸光韶畧共論物不遷

新夏東林魯充詩伯

山景偏宜夏松陰漸可親鮑花愁結子芳時識留春
地僻坐無暑雲閒笑有身問君動止意思必與時新

仲秋吳漢光拱光兄弟相訪

古雪峰頭晤二蘇莫教忘卻舊西湖重來相見又三
載沒底船兒路轉無

贈獨耀禪士次來韻

八

即非禪師全錄卷一七

八

通身俠氣步騰騰笑破浮雲作上僧海外誰人憐獨
醒峰頭有路待三登蒲齋供佛平分鳥糞月當牕不
假燈一片禪心秋共淡何妨雪屋冷於冰

題浪公畫竹

此君能謝俗因之移半幅勁節掃紅雲豈容鸞鳳宿
聲影自淵然煙光爲之綠有時邀七賢閉戶猶山谷

送白也師弟之武林次留別韻

問子之何處西湖好繫船無山春聽鳥有寺夜分禪
竹杖橫挑月荷衣半染煙若逢王老宿莫說威音前

詠燈花

幻蒂不從露長芳葩豈逐時新欲向誰家問種依然
火裏藏春

冬至示程秀才

打翻甲子滿盤差狸牯流年何處加無那一陽昨夜
復暗傳春信到梅花

題介石圖壽劉魯庵閣部七十

誰描一副擎天骨無限蒼生豁兩肩欲識古稀真面
目須明文彩未彰時

甲午孟秋送古石禪士請法還樽桑次本師韻
鐵船打就卻從今荷載獅王迤少林兩岸孤峰描道

文淵

聖壽金錄卷十七

九

骨一帆秋水照禪心潮高豈隔中原夢屬遠能傳外
國音莫笑浮杯吾不會大千攝聚一鋒鍼

遲藍識之檀越不至

昨遊樹下得樵音爲道招攜雪裏尋難遲不聞杖屐
響幾回山半立雲漢

喜黃檗老人至樽桑開堂有懷

黃檗千枝秀少林五葉香無繇緘白紙看日上樽桑
接樽桑國書

葉火煨黃獨無心讀紫章誰知千丈雪難掩一枝香
咏雪獅子

徧體風光不假胎巖頭返擲雪中埋只緣貪戲樽桑
日不覺爪牙特地開

畱別本寺諸弟姪東渡

野鶴高飛天外梅花破雪畱人識得同風句子大千
不隔微塵

乙未孟春畱別同門諸法兄

須彌半點塵大海一毛竅竅裏走飛帆日月塵外照
不動萬里濤而涉樽桑嶠觀光非本懷天風吹別調
何似老汾陽閉戶輕三詔杖履出重雲未免虛空笑
畱別宰官諸檀護

文淵

聖壽金錄卷十七

十

分付大唐佛法荷擔賴有裴龐應現此身彼國一輪
月印千江

畱別同社諸士紳暨叔弟

保社何如白社賢雲中關沼貯蒼天自慚野鶴棲無
定又趁春風到日邊

同思騰兄榕城第一峰魁眺

偶來高著眼闢碎魁霞紅市火萬家月樓臺一笛風
忘機于象外大隱亦山中及第人何處天衢路可通

登太姥山同廓堂法叔

舉頭青漢外跂足白雲中帝姥知何在優桃醉日紅

遊西嶽一線天懷孺子居士

海角山牙斷復連別通線路接青天瞿耶竺國遍歸
去令我長懷李謫僊

霧峰紀異

乙未五月同善遇諸子寓福寧霧峯寺度夏值紫葳越十年方開牡丹六月重開福花八月再開寺主克敦同一雲請日三芳再華比德之馨可徵行道其祥固無疑矣不可無記因強至再書偈以示

野衲無心到此三芳有意重開艸木皆存佛性汝曹
不用疑猜

中秋霧峰坐雨

雙眸樂破古乾坤遮卻秋中月一輪驚得雨花天外

落霧源流出萬溪春

送若乙上人參訪

江峰同作客何以贈雲遊

月送君千里舟輕似鶴浩氣壯千秋躡新吳山路須還見睦州

東渡阻船留別木上座南遊

擬鄰藤條富折蘆恐人驚怪必妖吾吾今暫去閒之
繞大道東行藉爾扶

八月廿三至瑞安憫旱

衆生業火熾海水亦難澆天下降仁壽大千也合

次日至頭陀喜雨

吾非龍樹王出則動雷雨昨焉憫焦枯曾對青天語

法通嘉樹

唐永嘉大師手植

笑指庭前樹嘉師手澤存叢林爲榜樣萬古兒孫

慈湖宿鸞

仁澤流今古飛潛托所安無勞長止宿湖外海天寬

宿江心寺

贈延福主人

豈求人天福接得半個人多生願已足

爲勘源頭活水流芒屨踏破一天秋攜來閩嶺千年
雪贈與空山老比丘

登鴈蕩能仁寺卽景

浙中名山鴈蕩爲甲古自道慈山中領畧其繁云

特向鴈山借路過到來先訊諾瞿那當時曾唱金仙

曲此日重煩石女歌柳栗直攜樓法窟鎮鉅橫按泣

天魔宋僧萬外田如數試問而今賸幾多

剪刀峰

盤古鑄成兩股刀阿誰敢動一絲毫自從裂破乾坤

後占新鴈峰絕網羅

鴈頂懷白漚法姪

曉出山城步步艱天風扶我上層巒月明流水人何處目斷倉江鴈影寒

觀瀑

構著源頭水一滴傾下瀑流幾百尺陰晴變態幻百千千眼到來看不及山僧燕坐淵之傍不覺眉毛都打溼舒眸光射碧湫中驚起螭龍波上立吹殘雨雪吐珠璣晨昏護送風雷急

霧巖

巖霧幽且僻一鴈引經行不見高僧影空畱古寺名

展旗看欲盡卓筆書難成收拾詩囊裏吟遊到赤城

七僧巖三首

悅禪人韻

愛此忘機僧心身一片石見石不見僧因之生離卽見時一物無僧可巖亦可可是相本非眞無勞更說假久立此山中何不歸去也自從下天台誰是知音者

天台訪毅菴法兄

丹山碧水久忘情爲訪同流上國清偶續花間末後句臨風散作九秋聲慙無一物充香積賸有片心似月明熟路重來渾打失荷君指到石梁平

度石梁

有引

台山石梁去國清三十餘里居最高察其奇原一

巨石橫抽一牙貫插兩山如玉虹橫空俯臨千仞長三丈許闊不盈尺龍脊龜背上下瀑潄一望可畏過者從曇花亭而下橋盡路斷置一黃金殿高一襟手中安接引大士旁現五百應眞四來觀光望咫尺猶隔十萬八千間有能度者直如登彼岸耳乙未立冬前一日予同心源道篤二三子遠來觀覽履險如平或問是神通妙用法爾如然吾亦不知何以至此識之方廣請實高明

石梁橫折空王殿壓得廣長拖白練瀑花影裏萃雲

花五百應眞同出現我曾俱會前劫中夢裏神遊知幾偏三生復作石梁行身與石梁成一片外有石梁內有身敢保驢年未夢見躡我芒雲方廣僧搽手去來如赴箭究其所得掬其源出生入死無欣厭傳語觀山旣水人腳跟未穩休飛燕一點不來均灰灰萬古寒玉恐受玷末後一著透那邊惟許常人急自薦

華頂二首

山高四萬八千丈才下梯空恣俯仰恰似蝸牛羸外旋一聲嘯落千山響

冬行春令花如錦足下白雲頭上嶺行到山窮水盡
時翻身踏碎華峰頂

通玄

撥轉玄關通要路相逢不用重回互一從密祖賦歸
興滿日青山誰數顧

讀寒山道士詩

兀坐寒山室朗讀寒山吟字字若明鏡照人千古心

酒家眠

已了千鍾債曾知隔宿緣依然聲色裏夢斷五夏天

丙申白麓立春

五

東解山猶冷居溪物自淳依人隱下鹿紀臘間邊椿
夢返松千徑天畱雨一句瓊花開鐵樹別是一家春

元宵賞雪

萬樹銀花四雪妍十分春色點枯禪閒烹空隨嚼新

絲寶所隨身夢有年

題老菴

雪寶寺叔翁遺老處踞方丈之後余因參謁從衆留題

豹守重關竹掩扉一峰養雪灌春薇花能作主春長

在那識人間歲屢非

寄贈大梅法幢和尚

原名林增志嗣法雪寶

謝恩出火宅割愛入禪扉紗帽裁方笠荷裳換紫衣

漢臣心已畢梁主道相依一得嶺南旨全提濟北機
久栽梅子熟近種竹孫肥慶世乘時出人天望指歸

謁天童浮叔翁

太白峰頭振濟宗癯然道臘老于松一枝獨秀青霄
外覆蔭江南幾萬峰

拜天童密老和尚塔

憶昔曾爲驅烏子親炙太翁古槩岑太翁還浙不數
載崛起天童于萬尋直指三根惟白棒雲行大地澍
甘露百千龍象恒圍繞道臘俱高天子欽法雨乍收
垂四世耳根猶利疾雷音驢兒馬子徧天下儼識思

真迹

二

淺怨亦淺遠來三市魏率堵儼然一國充黃金法身
常住不可即似漚在海春在林炷香餅水難盡意營
枯禪筆寫狂吟

泛西湖同陸菴吳居士

湖光倒壓天在水恍移舟楫上青霄疎鐘出寺分雙
塔古柳牽雲續斷橋好友隨來孤島月無絃撥落隔
江潮了元樂事非今昔忍見蘇堤放馬騎

霧隱坐月似堂頭具和尚

獨露吾無隱山空月一林優曇香可掬夜氣不知淡
飛來峰

峰從西域至宛爾鳳來儀石竇通身眼松陰兩道肩
湖山供施園日月伴棲遲有問不飛去待君休歇時
天竺禮大士

稽首正法明如來我已多生學善財若詰南詢行脚
事上牀脫卻一雙鞋

徑山

祖席越中冠山川自不凡五峰栽碧漢雙徑掛青杉
窟底蛟龍混毛頭海嶽函主人出未返渴石望巖巖
謁金粟祖庭王孤雲法叔

峰巒九九列兒孫日日競朝古寺尊天竺花開金粟

果長垂奕葉覆乾坤

虎丘夜眺

廿年清夢結林丘剋泊難禁繼日遊月蕪平湖空是
水山鳴落葉夜爲秋臺如展掌千人坐石解知音半
偈酬遠祖一燈長在望耳孫何幸覲徽猷

重登虎丘值雨同翁允密叔就蠡餘惟用諸公

以雨翻成勝何妨遊事賒懷吳休說劍遇趙且斟茶
樹密樓閒鳥泉新解渴花放舟天色剋隨處樂吾家

正修書院同東來禪師坐雨懷牛明府

層樓時對雨未暇陟天衢說偈貽高衲論文慕大儒

經書心裏血世界眼中珠安得攀龍手重來捋虎鬚
端午後同陸居士泛太湖

重移短棹出煙汀看盡東西兩洞庭浪拍長空鐺沸
白峰浮數點髻羸青無嫌范蠡懷高隱且起屈原歌
獨醒萬頃玻璃休一吸畱遲道者浣巾餅

題霽巖退翁和尚方丈

頻伽巢木末奎壁聚重樓湖外峰千點茲山出一頭
謁玄墓剖石和尚

抱道猶懷玉惟師善琢磨磨成三要印印破六波羅
五百龍生鳳同時餅出鵝遠來謁王老卻遇跋難陀

金山二首

訪勝臨吳地停舟謁宋賢知心餘片石得趣貴淺淵
水繞坡公帶峰安印老禪清風挹下載魚鳥總機緣
夕霽殊朝爽盤高勝倚樓京多爲遠影動卽是閒謀
古樹寒天未歸帆出浪頭傳言淪隱者莫下釣鰲鉤
觀演桃園傳奇

義結當年益代功而今那復繼遺風神頭鬼臉忘爲
劇千古英雄一夕中

剋泊

返照入寒原歸雲掩石門人依魚鳥國舟繫荻蘆邨

潮滿拖山腳江空浸月魂夢回香在水此意向誰論

金陵逢三山吳居士次扇頭韻

垂手毘耶城度生爲急務山花落又開不知春向暮
雖未繞腕牀觸目皆風度移我山水情示我無聲賦
千里念同風意氣濃于霏曉日開松扉出跨通霄路
閒尋明月村野憩桃花渡茅山讀道書霧谷看琪樹
蹢躅吳山用知音方始遇辱問寄脚跟大千吾幻寓
凡聖同安居泯然忘好惡不作廣狹觀寧依有無住
維而體不渾離而又相附再詰無溪譚刺著人憊處
活埋多少人利名號古墓醉夢日悠悠胡繇而醒寤

文事

四庫全書

九

喚起主人翁巧手莫能墮時時解放光智者必驚顧
君昔屹中流狂瀾豈不怒慣作把梢人了然無畏怖
惜哉華亭橈今時妄分付致彼沒底舟例爲閒家具
佛祖不誑人丈夫甘自誤爭似廣額兒立地千佛數
滴水知全潮鼎味和膽吐蒲牢徹九霄以其中空故
吾欲傾吾腸恐君雙耳污宴坐借默鋒畫斷閒露布
同吳居士遊棲霞聞虞山老和尚自江北回賦
此爲別

喧寂皆所歷幸子累尚輕煙霞非有僻山水自多情
減取一罈粟寬茲數日程斯來專省覲當恕謝違迎

返姑蘇省覲虞山老和尚

萬里南來謁祖翁半腔熱血醉薰風滿懷家話難宣
說盡付維摩一默中

侍老和尚觀拂水

維摩經云西三里有許怪石差牙懸流百尺時遇西南颶風逆拂劍通虛空有如彈塵

虞峰剩柄龜毛拂倒掛懸崖待個人一滴源分鷲嶺
脈東流派接少林津斜揮法雨迷青嶂逆綰秋風捲
白蘋入臂到來難把捉曉昏收放囑龍神

過嚴髻珠居士別業名橫嗣法徑山
高士棲遲處居然一艸立四山隨野闊十笏與湖連

文事

四庫全書

三

林下時行道間餘獨種蓮撥開千手眼印破水中天
讀老和尚徑山全錄

吾翁機用如金翅無數掣龍遭活吞揭露入天正法
眼大唐國裏獨爲尊

閱百癡天水孤雲霧岳千峰劍門霧機天則古
笠諸和尚集錄

舌頭藏霹靂筆底捲秋波不入象王窟爭知獅子窩
罷登眺

目足兩無極世界袈裟地但得山水心步步皆淡致
丙申冬回閩偶成

廊下突出隻眼到處徧尋知識艸輟踏破歸來依舊
水連天碧

題鎖泉小隱用趙芝石居士韻

瓊樓忘卻半傾欹兩人茲山疆主持跛鼃從教填古
路寒泉未許落今時風翻曉樹林鋪錦屋繞霜畦玉
插籬久不倚藤天外立雲中橫出萬年枝

支那

即非禪師全錄卷之十八

五

即非禪師全錄卷之十八

門人明洞性安性節明覺明幢全編

詩偈

丁酉二月初六日東渡舟中偶成

一望海天空何處覓西東司南鍼子在樽桑路可通
上下唯一碧宛坐琉璃中飛鳥去無影隻葉飽春風
海日生寒浪五島望朦朧洛伽不可即無二大悲翁
及旬登彼岸喜諸上善同羯羅王水族護送荷神功
十六早登岸志喜
是日福州檀越及三寺僧索
按進聖壽日崇福禪寺卓錫
遙觀此土多根器不辭萬里涉其地四衆雲奔競散

支那

即非禪師全錄卷之十八

二

花一時默授菩提記人賢水秀山更蒼樽桑國裏似
大唐千古機緣今一遇祖道重光舜日長

次日訊木法兄於分紫山次見贈韻

素志巖棲傍石隈無端強逼渡江來欣看紫氣凝春
麗不覺幽懷對月開閨苑羣峰齊點首漢庭雙掌待
攬腮獅絃久輟稀同調此日重彈一快哉

贈蘊謙禪德

謙光輝海外德業滿山中退步竿頭上千賢立下風
贈興福寺逸澈二禪德

東來興濟道壽國福黎民撥轉法輪手須還過量人

桑天唐日月梵刹舊吳閩笑指蟠桃樹千枝本一仁

船主林河清同日開帆遲一句到岍書此慰之
舟同日出沙關後到無吁風浪艱大抵龍神多有
意邀君看盡海中山

謝岍主慰問

宜樓鶴何當象取過天風惺午夢檀澤漲春波
遺契昆耶久恩畱舍衛多雲林與水鳥時演太平歌
今長溪居士雪夜相訪

落花春正寒雪意濃於雨君爲夜話來發我夢中語
富貴如傳郵三界大逆旅來去百千番不知誰是主

賦

即非禪師全錄卷一八

二

斯日達達儒惟道以自處全具文武姿冷然不赴舉
遊學寓異邦抱節猶處女世間稱全人蒼蒼豈孤汝
坐久兩忘言燈寒爐息續催歸隔寺鐘隔桃花落
過禪林春德皓臺三寺

綠編郊原春易緩東風扶我訪知音山行不歸來
題印被滄江月一林

楊啓綸居士攜詩見過次韻酬之

雲松萬壑趣何奢山構幽深一徑斜不覺此身居外
國時隨清夢返中華人生恰似枝頭鶴世如
衰花白地猶憐開眼暗棒頭點月落家

嘗聞氣宇俊於王胡不踏翻沒底航既悟文章如獵
網有將山水入詩囊兔原有角非關種石本無機不
用忘大地一塵海一滴問君動足向何方

贈林爾受居士

紅紫叢中早隱名清風明月富生平雲帆不赴清時
詔冠髮猶存漢日臣杯映落霞天共醉文成滄海浪
低聲遨遊異國逢鄉衲話盡家園世外情

次何崑崙居士見訪韻

空山無事枕楞嚴客至呼茶解黑甜笑我無心期作
聖欽君止氣可驚聞詩從句外明猪案社賸禪餘典

賦

即非禪師全錄卷一八

三

酒籤色見聲求渾是妄宗雷何處著巖瞻

送翁林居士回唐

衆壑松風釀早京嘉禾滿野闌荷香正當擊缶歌無
象何事牽雲寫別章萬里海天客我拙無窮山水任
君裝送朋因起懷親念夢逐歸帆到大唐

福唐林尚質居士惠荔枝

久不見鄉果謝君慙渴懷誰知居異國也有狀元來

臥遊居卽景

重整象王窟爲緣接上流滄溟觀日出河漢臥雲遊
偶讀神京賦因懷故國秋江山爭入座宛對百花洲

閱顧長卿林爾受諸公和篇再續前韻

千峰留卓錫高臥俯東流笑破黃梁夢何期白社遊
山藏偏何暖水近卻宜秋人境兩相得堪稱第一洲
坐月用前韻示弘雲侍者

一喝青山走千川水逆流夜蕭鐘如語亭閒月共遊
玉碗青樓夢金風白帝秋泥牛猶未醒木馬渡滄洲
次知法弟見寄韻

海國眠雲趣甚怡天親別久動關思何時捉返空潭
月共聽松吟不字詩好信郵傳秋到早荒音附答鴈
行遲遙看嵩柏抽新榦橫出樽桑影月支

支那

即非禪師全集卷十八

四

雪子母難日書示

水菴然禪姪初度當而立觀透趙州關突出娘生鼻
道貌瘦千秋禪心貞似石打翻花甲子海上看紅日
瑣綠軒看菊

不逐羣芳艷金葩隱綠叢數枝擎露白幾朵醉霜紅
所見心非眼應知色是空主賓能抱節令我憶陶公
十一月初四日黃檗老人初度即孔子降誕之

晨賦祝

婆師尼父共生晨大地高呼活聖人覺苑日懸東魯
日杏壇花發少林春古今卻似夢中夢儒釋翻成身

外身六六年遊六六國金毛出現異麒麟

江亭夜坐懷寄普門大僧無上無聞諸昆仲
孤帆泊盡長江空茅廠添余入畫中爲憶弟昆難就
寢忍看漁火點霜紅

題大士影寄湛禪座

如意頻拈忘歲月返觀自在樂無爲善財一去無消
息數卷楞伽舉似誰

鏡幻寄繼公

聞君方壯歲點錢卻成金因病知禪寂忘言了幻心
無常生老死坐斷去來今面目歸何處梅香雪滿林

支那

即非禪師全集卷十八

五

歲暮宿東明山房悼言石二兄

三千甲子夢中殘兀坐無聊憶二難竹榻茶爐人甚
處月明空照水聲寒

和乙禪人賦得暗傳春信到梅花韻

南枝消息早幾點播春功雖擢百花首凜然高士風
冰肌初解凍雪谷未成叢卻怪舊交臘吹香過海東
丁酉除夕

按取大唐曆歲除在昨日海外臘歸遲明朝是初一

兩國不陞堂母胎法說畢小師請記年呵凍梅花室
戊戌元旦

中原新漢土外國舊堯天衲亭昇平福山呼聲同年
春風旋島角日上雲肩無德堪圖補重吟祝聖篇
咏紅白餅梅

俱是冰霜質半爲紅紫榮雖云綸閣勝爭及壺中清
東明山觀梅

聲影了然靜香光共一村全承風以德夏念雪爲恩
容比孤山瘦清如吾道尊誰知春面目收拾在芳根
晴村野渡

短棹煙江曲虛虛似有情夏移春樹裏急趁午潮平
滿載雲猶溼爭飛葉共輕揚帆歸遠浦臥對一峰晴

卽非禪師全錄卷一八

六

贈象山木法兄

因地一聲獅子吼花紅艸綠百靈走通身手眼潑天
開日月須彌齊稽首

先慈諱日書懷

子居東竺母西方鞠育恩深曷敢忘每遇諱晨酬懿
德返魂專借一爐香

用前韻答侍者所問

去來無蹟住無方愛斷情枯恩亦忘歷劫不離眞父
母數聲黃鳥百花香

二月十五日世尊涅槃老子亦于是日出世

三光爲晝夜惟恐德不全照日歸春半衆星扶月圓
燈籠心眼活露柱舌頭穿覲破無生滅團圓話別傳
幻寄山觀櫻桃贈八十五翁

選花如選世間賢卻愛櫻桃醉裏禪一段風光描不
盡儼然半經臥神仙

咏垂絲櫻桃贈劉曜哲英士

千條花間錯通身掛瓔珞不與衆芳同孤光何其卓
雨宿逸公幻寄山房

名園春事好半榻臥層陰每聽石泉落不知山雨淺
浮生如幻夢逸想託雲林撥斷無絃曲非公莫賞音

卽非禪師全錄卷一八

七

紀夢

杪春七日夕方半夢越滄浪桃李灣插漢丹楹翔欲
墮陰陰濃樹棲白鷗轉入一門窗無際楸文三字阿
鼻關鏡面良久出迎入藕手甌香殿上頒獄卒稽首
恐不及鬼王贊歎莊容顏默念何緣得至此心通笑
答爭敢攀爲師昨起佛法見暫屈此中兩月閒魔外
聞之手足舞石頭墮淚點花斑道人無往不自適勸
汝石丈開眉鸞調達風流吾不讓羹湯爐炭甚安閒
猛燄化作光明藏沸鍋傾出瀑潺潺浣我心身佛法
垢燼破衆生生死環果因信如潮不爽地獄天堂轉

念間一念回機同本得翻身靠倒鏡圍山歸興曳破
萬峰翠坐斷崑崙佛頂鬢二界觀來大夢宅獨醒猶
未離夢裏爭如夢國夢爲覺以覺爲夢無容刪至人
無夢亦夢語爲君出夢點癡頑身是春山雲是夢何
妨飛去復飛還

贈周楊菴居士

黃金散盡留書劍呼僕攜來海外遊傾國奇珍難著
價俠文兩字足相酬

戊戌三月望前一日觀千葉櫻桃花

去崎江十里地有古桃一樹名列仙芳挺合抱之

材作擎天之勢繁葩燦爛結成寶盃玉團團萬朵
呼噪半露珊瑚光簇簇久臥江山之外寧將富貴
爲懷禹錫重來大似一場春夢霽雲猶在依然特
地心空會四海之高賓不孤爾德續大唐之正韻
敢各微吟

漢宮四月薦桃香春杪看花憶洛陽海外千蹊開獨
艸雲中一樹餐羣芳文章滿眼隨渠讀錦繡通身別
樣妝野衲美君原美德前因或想是劉郎

末次亭題詩寄答黃學士

偶入藏春塢揮殘幾片雲青山當戶見人語隔花聞

翰墨誰知已詩禪好奇君龍蛇翻筆底自讀不成文

竹石居觀百葉桃同王心渠何毓楚林二慧三

檀那

香艷都藏斂居然節操風園桃渾色相獨露幾枝紅
隱不因秦世名傳自漢翁重論花底事心眼更玲瓏

咏熟梅贈林熟也英士

花殘葉已勻蜂蝶不相親圍繞惟千子出林居上賓
能除炎熱渴俯順歲時新嚼盡甘酸味方知有至仁
一水居士索題乃姪魯菴劉閣部與本師黃藥
和尚同幘影卷光嚴鹿巖一禪宿分坐其傍

展對儼然迅筆楮末

黃藥二六峰白雲大小西廝結忘春秋道交天地久
此雖真面目抑亦孔之醜混沌未鑿開甚處分瓊玖
邈哉趙丹青影上脫窠臼梅彰古佛心竹示擎天手
高節有清音能醒利名酒況復道果香時時落座右
何來雙伽黎會中添四友盤石如猿蹲德澤潤春柳
云是嚴與嚴重法克臂肘因補圖之餘劫沙同形壽
魯翁有季父綱常能自守浮家滄海東此軸郵授受
一日示山僧鞠請一揮筆展對欲有云忻歎未曾有
筆舌久空荒辭拙生愧忸信手抹將來春風開戶牖

盟濯謝蒼穹雪我文字咎萬象困不言虛空恒點首

次吼弟見寄韻

江山看不盡舟楫默吾私遠訪豈無意相將未有期
三春不出戶滿眼皆新詩收拾雲箋上臨風寄白眉
答衍弟來韻

三讀君詩枕簟秋儼如對榻話因由句中明月開懷
抱几上青山足臥遊雲影無心移石去鶴蹤有意爲
誰留一緘白紙封來久待囑薰風到攝州
爲何可候信士題畫

誰移碧沼雲縉上一朵紅蓮筆底開相似陸郎何處

去愛君長供活如來

夏日山中早起

寺裏青山雲外樓朝從定起放雙眸疎鐘引日天邊
出五島迴瀾江上浮給侍並無唐虎豹登門只有趙
王侯閒餘更上高峰頂臥聽松風舉話頭

夜集上方示諸子

何日歸唐國天涯共爾曹上方留夜語萬派釀秋濤
海納因能下山名不在高微雲都斂盡月好爲人勞

林居士惠冬筍

閩寒地出角穿破碧雲重萬里從何得令予憶孟宗

雪夜崎王送供

定起天何色忘言雪許淺空花落半樹意氣暖寒衾

雪彌勒

不假黃金骨錯安彌勒名大千留不住豈坐談陽城

雪獅子

本是金毛種金毛類不齊威光凜冰雪開口吞虹霓

雪毬燈

白玉難比其潔琉璃莫喻其光表裏玲瓏洞徹清輝
圓照無方

雪晴林大堂居士獻木鍋供

雪晴

雪晴

土

木鍋爛煮虛空渣飽德餐香豈有涯拈出爐頭寶主
句山留積雪照梅花

咏木鍋有序

鐺以片木合成體方薄甚不假毫錢而能容物猛
火活烹石頭可爛而體自無損天寒就鍋團宴足
供彌日之遊客心奇之請余留咏

變生爲熟入火不焦凡器神用不減仙瓢五行不屬
世或爲饒或爲拈出百味咸調

賞雪次木法兄韻

普通瑞雪歲云春片片飛光照海涯瓦展千盤珠有

蹟山連一塊玉無瑕六霜凍破多生夢九載寒彰五
葉花瑤樹瓊樓觀不盡天將富貴與山家

林至水居士六旬別予還唐賦贈

君家向住海門東著破藍衫不再縫剩得青眸看雪
浪那知白髮老春風圖書醉置三餘外逆順閒藏一
笑中歸去兒孫爭接杖懸弧正值滿林紅

東陳乾菴檀越

松菊知無恙江山夢尚留何時移雪棹海外看瀛洲
己亥元旦王從駕臨有懷唐主

東風扶輦入有愧法王尊拈出無私句恭酬兩國恩

五言

即非禪師全錄卷之八

十三

贈何一粟居士六十

黃添兩葉歲初夏耳順年臨萬物亨富有二多何足
羨龐公有破不生生

贈何哀仁居士七表

有序

居士端士也戒殺多年日課法華爲業處塵勞而
不榮可謂淤泥中蓮花耳茲值因地之辰正是天
誕之日借取天壽用祝稀年

行同古佛壽同天誤落人間七十年八萬塵勞渾不
染寶池長燦一枝蓮

大士誕日過江月居值立禪德生日次韻

大悲示現此山齋兩朵優曇蓋底開父母未生前面
目一時描寫入新裁

同木法兄江月居夜坐

花邊促膝劇論懷兩扇松門徹夜開明月不隨流水
去青山幾點渡江來

送乙維那還徑山友庫司回黃檗

話別時當三月三鶯花無計欸同叅孤舟載日還雙
徑短策挑雲上九潭薑辣未消如藥苦饋香已化嗽
泉甘峰頭錦鯉波心月寄我並裝沒底籃

題畫松壽知法弟半百

五言

即非禪師全錄卷之八

十三

山中雙古柏世外一閒僧可是忘年友堪稱無盡燈
畫竹贈分紫主人

多福一叢竹移來紙上綠擊之卻有聲覓則了無物
葉葉起清風高節宜幽獨誰可此君儔分紫萬年木

答雪峰聖木師弟

六霜不得山中信一紙飛來猶古鏡殘雪斷雲在目
中無外江山皆照映

戒禪者習詩

種殺方免饑蒸沙非究竟吾有無字詩松風吹不盡
輓同門無得法兄

出世能華
歸寂圓通

入市尋彌勒撞著觀世音相牽入地獄真個老婆心
鬼窟樓教碎刀山喝使摧龍華衣鉢在莫上黃金臺
輓南山法叔亘和尚

闍天住久厭朦朧坐斷浮雲碧掃空晉水蛟龍悲夜
月芝山虎豹泣秋風名高不讓知玄輩道大堪追太
白翁六十年來鐘漏盡霧源涌出一輪紅

示念佛緇素

有念鑄無念無念即淨念念念不生彌陀全體現
自心即淨土佛不離自性看破念佛誰是真爲究竟
己亥臘八贈立禪德幻寄閉關十首

史事

即非禪師全錄卷一八

十

三間茅屋傍梅花四面青山護結跏天賜幻人拈幻
境大千幻納一袈裟

關卽是我我皆山了無內外與中間所無所我無
我是誰作主坐何關

悟迷生死兩重關筋斗打來知幾番今日路頭都坐
斷從教大地沒籬藩

脇老三年證大果長慶蒲團破七個莫謂今人非昔
人佛祖原是衆生做

一句話頭如錢概嚼爛舌根露山骨果能如是用工
夫敢保立地補兜率

瞿曇此日悟明星瞎卻娘生雙眼瞞禪德眼睛雖未
瞎看來鼻孔不多爭

明星無異見差異異見施爲皆識神識神學道陰陽
攝不落陰陽名出塵

日日舉頭天外看誰云身裏出門艱忽朝撲落虛空
片壓倒門前大案山

一大藏教拭瘡紙千七百則爛葛藤大開一口都吞
盡個是人間無事僧

霹靂轟天是濟宗知君雙耳幾番聾者回透出頂門
眼不枉獅林觀老翁

史事

即非禪師全錄卷一八

十五

寄呈王林法叔祖老和尚有序

順治十五年歲在戊戌冬 皇帝特差內院張嘉

謨頒詔聘請湖州府報恩寺玉林老和尚入 禁

庭問道奏答稱 旨隨賜大覺禪師之號併賜紫

衣金印虔留供養屢以未莖親爲辭 皇上重其

道德孝義頒金欽賜祭墓復畫御容與師對坐送

錫日 上偕皇后歸依起法名復教羣臣隨輦送

至午門猶不忍別 上親脫御手珀珠以賜諭曰

和尚見珠卽見朕也次年己亥三月再遣中使存
問復賜金印加號明教大覺禪師旌崇知識可謂

極矣庚子冬浙人來述應詔緣起信筆三十韻贊
數萬一云

古今聖賢主多是果位人慈愍衆生故乘此大願輪
不忘霧山囑大法荷諸身報恩大知識同來符宿因
宗風補治道帝德全修真機暇思問法詔請救羣臣
道駕啓行日迎送億兆民瞻禮無立位蹄輪填重闔
合用從新制御庫給萬珍逢山開覺路遇水駕迷津
一拂登寶殿奏答迅如綸機契第一義龍顏悅幾旬
賜號曰大覺衣紫光鱗鱗少林花再發龍池雨露新
殊恩勵後學寵渥澤雙親昏衢與晦室賴師而有晨

史事

即非禪師集卷之六

六

朝野無貴賤傾心願陶甄法施已云普杖拂歸湖濱
人有榮欣意法眼視遊塵道德照今古華樸霽彬彬
何來未醒漢情論嗽齒屑謂師名行道薄言爲解醇
三聘古不起一詔赴紫宸時節以當出隱顯無疎親
道若無所感名亦不易陳差勝德不修名與身俱淪
子於丙申歲爲省觀南詢混雜三作禮知師道絕倫
今冬讀綸語語似陽春堂堂一國師天下仰慈仁

讀法叔祖木陳老和尚語錄

順治十六年九月十七日 呈帝詔請入內
問道于十月望日奉 旨開堂 聖駕親臨
天童寺哀口三緘萬善堂中展鑒譚感得 君王親

聽法道風從此播東南

次答龍溪禪師

東平古鏡已全提妍媸光分照用齊更論不邊端的
旨馬翁梓里在江西

答鄧太守

書來異國江山夜忽感中原霜露秋再讀嘯菴遂願
紳了無隻字可相酬

贈顧長卿居士

肩毛凌寶劍腦後開雙瞳滄海眇一滴老氣吞長虹
贈李木長居士

史事

即非禪師集卷之六

七

廣長覆準眼空羣寶劍高揮不字文天產英豪爲國
器虬髯未許臥溪雲

次石屋和尚四威儀韻

山中行扶得一枝藤纔舉足踏倒萬峻嶒
山中住古今爲旦暮繞視牀檀林無雜樹
山中坐開口成話墮爲無爲石頭點幾個
山中臥一切都放過夢也無說甚風吹破

即非禪師全錄卷之十九

門人明洞性安性節明覺明幢全編

詩偈

立春雪霽對梅東何楚菴林子騰二居士

天翁放夜晴催鳥轉春聲喚起南窓夢香光分外清
林逋新氣魄何遜古交情人美百花長吾欽高士名

鄭虎谿文學踏雪懷詩見訪呵凍以答

天空四壁瑣寒威野鹿幽禽沒路歸何處尋梅雲外
客獨攜春色到山扉乘驢穩以乘桴險映髮光於映
半微人似廣寒宮裏坐受君詩句湛清輝

詩

即非禪師全錄卷之十九

一

已亥除夕用林惠林居士來韻答之

歲夜無餘事天香定後聞他山權作主故里獨懷君
刪卻半林竹烹殘一塢雲管絃隨處濫執解聽獅筋

守歲書懷

未能隨臘返三載錫畱碕孝薄爲人子名慚出世師
浮生俱是夢大覺到何時古殿金鐘動又添一歲癡

庚子元日諸鄉老見過

海外逢儒伯山中禮諾伽直拈崇福菓爲點趙州茶
宇宙仁雙片元正露一芽試毫思舊主飲愧記年華

元旦卽事

夢謁黃檗老人示諸子

歲方度五九心亦是兒童儒釋衣冠異山林禮樂同
片更新氣象梅展舊家風聖德高雲漢焚香對日紅
懷師嘗假寐夢繞碧蘿層斷岸舟難上別峯路可登
話闌三世事撥轉萬年藤醒得一身汗諸人夢未曾

贈水菴法兄半百

兄物爲兄壽聽予一奏篴桂庭鋪瑞艸菡萏吐桑枝
嶽展長生画江開七寶池道齡同實掌知命尚嬰兒

贈鄭天康居士六十

義生羞紀臘賈隱見君賈清素儒中衲優游客裏仙

詩

即非禪師全錄卷之十九

二

次玉融林青嶼居士見寄韻

塵閒揮白雪劍冷燭青天耳順誰相委鄉僧識鄭玄
開眼作異夢六白猶一日遠惠暮雲篇雨點空中出
潔盡江山青澹入蛟龍室不惟波瀾張兼之意氣密
卓錫蓬萊東喜無獅子風食息慕大儒何時桴隱逸
大儒好古道渾朴無倫匹以道永爲好相持泯得失
次吳石也居士懷寄韻

讀易南山下掛瓢滄海東割雲知土異對月想雷同
日注雙青閣書郵萬里風開函香不盡語帶荔枝紅

接汝欽叔雲葵弟詩簡賦答

補山別後時異地殊彼此音問不相聞者六白矣
今春張友傳叔弟手教至乃知吾融數載兵荒事
事不給寒毳共守樂與道俱非介然卓立之士不
能也天道輔善入泮俱占首列雖幸出望外亦足
少酬素志不肖久臥深雲罔知人世有榮枯兩字
誼屬至情能無尊賢樂善之懷敬裁一律爲助竿
頭併次兩韻聊答遠意云耳時庚子仲春望前一
日

亞仲時康道乃亨後先入泮冠諸生冠裳帝賜梨園
服世界天開演劇棚四海風雲從變化三山頭角現

呼嶸僧儒異域懷同氣賢聖廟堂好共撐

次欽叔見寄韻

儒釋無二道大千共一家五言飛白雪萬里照梅花
海闊連天碧山高近日涯法雷平地起桃浪濺紅霞

次羹弟懷寄韻

萬里孤帆江上懸春風護送到桑天郵來棠萼連枝
秀不數瑤池十丈蓮選佛題成藏句外聞梅香處露
機先全身拶透三尼藏始暢心空文字仙

次汝讀叔寄懷韻

非儒非佛亦非仙捏就一團寶愈堅錐穎雄吞青白

玷劍鉞揮落兩三玄漚花影裏分疆界閃電光中列
聖賢夢筆花開醒夢眼等閒看破祖師禪

同木菴法兄泛舟放生

蓮舟共載越恒河爲憫飛潛墮網羅點惺迷雲開活
路澄清法海暢仁波永明悲合上天德王老慈翻古
佛科誰是無生誰樂國山光水影現彌陀

憩香山巖謁弘法大師古跡

雲松缺處露香巖一望江山石半函莫謂大師長祕
密空中說咒口喃喃

舟至浦口

青霄貼海浴朝暾滿棹風光逐浪奔煙水渺茫天路
近好山看盡到松門

菩提寺觀梅花

菩提無樹花何來確柴抽枝爛熳開白玉堂前思舊
老寒香影裏憶黃梅

經二十二義士墓爲說伽陀

山環古塚兀堆堆玉骨都成一撮灰義氣一團吹不
散凜如冰雪郁如梅

古道如今半是苔諸君不必賦歸來翻身便是無生
國九品蓮花好受胎

登金谷山遠眺

摩霄峰頂紫金臺俯瞰滄溟玉一杯杯裏崐崙三兩點並裝詩句袖歸來

廻同木法兄宿雪子泊菴

兩岸紅塵江隔斷一灣流水繞孤菴畫船泊盡僧初定月上前峰第幾潭

應林大堂居士茶供

昨日飽山水今朝味更長齒牙餘綠色衣袖半江光影入冰壺澹清浮綠乳香將何酬七椀爲寫趙州方詠觀音瀑示諸子三首

支那

即非禪師全錄卷之六

五

一片廣長舌分明舉似君耳觀須返照眼聽在遠聞示跡飛龍瀑大悲一念中觀聲得解脫立地證圓通滌彼心舌垢濯渠耳目塵爲何不自洗千手無可伸

翰林萬石居士遠寄閉戶佳作併寫江山烟

雨圖見惠時一咏賞清氣迫人如角巾相從于斷岸飛樓時忘其別來廿載矣使回賦答

二首

登嶂胸中出烟江筆底流知君不出戶移我過滄洲讀詩如對語不覺別多秋半幅乾坤小俱從畫裏遊

謝林梅公孝廉惠管生

益友中書總辨長鬢眉毛孔皆文章鏗鏘不入今時調品節惟留千古香

從羽林居士題扇頭寄贈依韻答之

道契何曾有間關作書端楷見君開掀翻法海千層浪位置詩壇萬疊山公美容儀呼即應子韶物格話何怪擬條拄杖挑雙國自笑人間無二頑

季春朔日登宕山謁地藏大士示諸子

天外懸羸青一點金烏繞處迷雲斂羸顚闊步大千寬偈讀願王落韻險願王願力如青春能令枯朽化芳艷法身徧滿春亦然隨其根器開頓漸地獄不空

支那

即非禪師全錄卷之七

六

佛不成若此弘誓余增慊神珠放出白毫光照空業鏡無瑕玷返擲獅子吼巖前驚起泥牛蹲石上春土爲我鋪花茵萬綠千紅一雨染

紫雲亭曉望懷徑山老和尚同木法兄刻韻

逕轉雙亭北門臨五島東江光開曉市人語鬧春風納映山雲紫霞分海日紅西瞻雙徑杳令我憶師翁

一粟園觀桃贈何毓楚居士

天賜麗居士閒樓一粟園連牆幽隔市一屋錦遮門日映珊瑚樹霞蒸瑪瑙盆別成仙世界莫問武陵源

贈陳入德醫士

天地心爲心聖人道爲用如此善用心盧扁君季仲
贈醫士胡春山之洛

存心忘貴賤藥理自通神贈子一莖艸隨方去活人

桃花咏贈隱者

美爾花中仙來自河陽縣不帶鬱金香路人少識面
朝不醉瓊樓夜不學禪宴獨影臥空山董林相友善
一段樂天真眼所未經見風雨助狂吟赤身擎壺電
少暮松鶴齡老覺春光賤當下悟無生擊碎丹砂片
偶來作主賓盤桓無厭倦胡抹咏桃吟卻成謫仙傳
替者獻筆書偈美之

見雖無見見性聰別開手眼彈絲桐借絃爲舌訴思
怨但覺微風度古松

送衍禪弟再上獅林

萬里東遊六載多蓬萊看盡憶支那歸帆不忍雲邊
掛大義扶師上太和
三易舟車半月程不辭跋涉見君情戒行不附寒暄
信只恐還勞師弟兄
新開少室好趺跏歸去依然在半途到家一句如何
舉十二峰高展畫圖
望斷南雲眼欲穿由來忠孝兩難全江山不放君歸

去想有多生未了緣

服勤一十六年餘感得追風天馬駒吾弟當仁如不
讓顛騎倒跨上雲衢

聞國主布地延本師開山東龍溪諸昆仲

蒼松扶植太和村葉葉新霑雨露恩他日子枝齊挺
秀綠雲深翠覆乾坤

立夏前一日寄答黃幾默公諸耆宿暨諸檀護

時時夢跨五雲飛道契恒親跡有遺莫副故人峰頂
望修將書信寄春歸

懷寄耀禪兄

憶昔別君古栗丘勞勞送我上孤舟贈篇捧對閩川
讀如月輝激浙水秋海外無聊懷萬仞岡頭有約濯
洪流天方五載稀消息夜夜推窓望斗牛

東雲問天則法叔

彼此存吾道睽違知幾年別峰相見後恰似未逢前
豈曰機無證難言意了然以茲言外意少盡寄懷篇
次韻晦堂法叔見贈

昔日晦堂今再來舌稜八角滑如苔玄言突起中流
柱萬派狂瀾挽得回

夏日曝書得林爾受居士于丁酉秋見訪所贈

詩語類雪中春色嚴麗如其爲人和韻失錄
今重補之

電拂猶遲鈍是風一塵不立塞虛空相逢脫略賓和
主幻住寧分西與東惟佛能含天廣大非儒莫顯道
尊崇門開不二君先入優益花敷劫外紅

予四十五初度知法弟惠詩依韻答之

八一原來是九九如身六臂連三首有相原從妄所
生卽矣皆真非妄授時爲恩有轉法輪未曾動著娘
生手借言顯道言遣言任怪岸移舟不走愛君筆底
翻香江吾今只合學鉗口虛空有盡時無邊生生共

卽非禪師全錄卷十九

卽非禪師全錄卷十九

九

事黃檗叟

庚子中秋

中天月色印禪心萬象都歸一照臨映徹山河光采
朵迸開星宿影沈沈推移不爽虧仍滿示跡渾忘淺
與深四十五秋猶夢覺桂輪非古我非今

送木法兄上攝州次畱別韻

一棒支撐天外天一言扶起毘絲懸掀翻初祖西來
意小朗何如大朗賢

答八登姪

子登第時我入山我出世時子之官相去萬里復萬

里此心原不隔毫端飛來尺素儼觀面怱卻十霜別
指彈兼荷題額以寄我福星見耀龍蛇攢雅與蓬萊
爲交勝宜小方丈添壯觀細讀華音知近況奉命改
使歸問安相隨一琴俱一鶴猶美龜拂樓蒲團黃絲
腰金各有道不難於得守爲難惟子天容全道骨通
身錦綉氣如蘭七載雷陽宣政化羅湖英岫供盤餐
今歲轉輪謁天子富國不數劉忠肝上林花發春在
眼望斷芝山香未闌能移子道盡臣道家國兵民托
一盤古來以德輔時出不爲名位甘熱瞞子今才德
堪匹古無泰平生一寸丹衷封定作廟堂器跼待一

卽非禪師全錄卷十九

卽非禪師全錄卷十九

十

柱捍狂瀾示現宰官身說法菩薩度生平等看傳燈
居士百有五勳業道譽馨栴檀記屬不忘仁不讓世
間世出均屏翰愧我傻雲千嶂外未能此道重盤桓
他日功成預選佛妙高峰頂望登壇

祝補山上瞻和尚稀壽

法派師叔
嗣法同門

槍以心空先及第山因道臘補方高種梅子熟知多
少屈指花開七十遭

贈百二十歲優婆姨

龐婆疑再世趙老是同年解說無生話超彼長壽天
示禪徹醫士

泰透禪中旨回生似个難雲門乾箇極真是九還丹

示巫輔臣醫士

棒頭明殺活句裏辨君臣我此一九藥堪療天下人

示吳正旭居士

夢回伸隻腳路轉一輪紅闊步高峰頂雙眸四海空

閱鄭虎溪居士嘯艸

醒來發一嘯餘響落千峰浩氣化雲雨收歸一紙中

陳尊光居士寫圓屏

辱惠山僧一画屏毫端三昧自天成無聲句子燈前讀屋裏青山逐浪行

三原居士集卷之二十一
詩集卷之二十一

十一

閱 敕賜明覺禪師賜紫談玄語錄關百錄和尙

生緣共省法昆仲俱是徑山三世孫雲臥不知天子貴楊岐火種喜雙存

對雪

白玉堂中畱不住卻來蓬島賞瓊花天翁知我思卿甚團取乾坤作一家

梅石偈示林公琰居士

梅花說法石頭聽聽者無得法無刺無刺無得無非無如空合空鏡照鏡

崎主通訊請益大道併喜怒之義示以偈

道本忘言言非道道不借言莫顯之言外之言言皆

道道邪言邪吾不知

喜如日出怒如霆發之以時總曰仁仁德如春萬物

有不遷之道此中明

輓喜翁檀護

夢幻歿生奚足悲仁慈忠孝令人思崎江一片中流石堪勒喜翁惠愛碑

祝槩山常照法兄耄壽

雙鑠高禪八十翁林居端有古人風行多於雨願如海流出毘盧一句中

三原居士集卷之二十一
詩集卷之二十一

十二

贈呂成五居士

倒峽傾湫氣肅肅駛開兩眼空場屋電飛馬足裹風雲霹靂一聲山水綠

贈幻寄逸公六十

烹雲嘯月樂優游眨眼方知六十秋如問未生壽者相長江自古向東流

喜化林徒鶴搏孫至自福嚴

萬里尋師切飄然過海東一雙無柄鑊待子種春風曇瑞徒延十僧薦親示以偈

爲報四恩懺四朝高聲唱了急低腰荷明棒下無生

忍歷劫冤親當下超

贈紫雲謙公五十

杪夏念之七謙公華誕日無以壽元辰聊爲一舉筆
筆重如須彌盡力書不出薰向齒頰間一嚼成齋蔬
震下長壽天燈籠齊賀畢山僧何所云偈語重宣述
知命而知道花果同時實願行互莊嚴壽量無窮極

謝陳允寧居士惠玉筆山

五馬移來五島東削開朵朵玉芙蓉等閒喚起江淹
夢放下撩天卓筆峰

次黃檗慧門法兄見懷韻

腦後目輪似日明已非形跡晤師兄觀潭轉覺源頭
活嚼雪何如燖味清二六峰高頻入夢百千里外憶
交情閒吟佳句空生竊疑是當年霜月聲

次未發法兄見訪韻

江天如畫沒陳新杯渡南逢數雁賓赤腳踏翻波底
月緇衣拂盡劫中塵他邦見花猶賞我國微聞漢
與秦孝悌於君能有幾買舟約看太和春

次慈江月樵居士見懷韻

和光達士勝韶光甚日重期到上方別甌運炊香積
飯何人共喫沒羹湯身棲蓬島承高厚舌捲龍江美

廣長畢約未能賒月空緇雁篆答汾陽

次惠風居士見懷韻

石爛水枯局未分山中萬事付浮雲一條古道無人
見兩字虛名到處聞惹得犀篇潛水怪擬酬獅句走
狐羣傳言問訊麗居士棒喝聲中別梵文

次高泉法姪見謁韻

雖雞雞也迦迦迦字字珠聯雁落沙上座偈言如咒
字山僧未讀眼先花
萬里迢迢訊諾迦恰如麗水裏淘沙低頭問我東來
意笑指堂前幾樹花

寂玄法姪韻

三毬重托出令我憶玄沙特地未咆吼通身露爪牙

次惟一禪姪韻

摩醯隻眼頂門開燥破虛空不露腮佛祖牢關推八
字銅頭鐵額喜重來

贈余宰淮居士五十

五福非他物惟君能自求半生無少惱一刻慶千秋
白社常爲侶頑仙不入流多時出火宅特地以忘牛
次河清居士韻

定起不知三丈暉開窓遠岫喜如歸知君卻有閒中

趣收拾寒雲筆底飛

贈高泉法姪二首

子有沒絃琴不落今時調爲子試一彈清風生海嶠
妙句敵秋濤禪心湛古井聞見意自消畏哉法門卸

觀海簡兆雅叔及統官明諸弟

臥雪忘春碧水涯香光幾點播山家花魁俱是冰霜
野東解上林樹樹花

送雪上座還唐

三界由來稱旅泊不知何處是家山隨緣作主遇緣
住磕破虛空獨步還

支那

即非禪師全集卷十九

五

送永上座回前葬親

未寫蛙旋鐘感詩鶯花滿路候歸期前途若遇曹山
本看破靈衣未挂時

次碧崖書記韻

吾道可西亦可東如空能雨復能風原無門戶從人
入豈有階梯聽爾崇直下騎聲並益色毋勞作亞與
妝雙靈根得土逢天澤更要及時下苦工

希孟陳居士名浩善山水有聲近寄一幅併題

佳作妙稱三絕次韻以答

大揮小抹掃羣迷美爾能起筆墨凝萬里江山憑嘯

做誰知寸步不曾移

古松吟壽希孟居士七十

君爲松寫真松爲君傳神一實無有二如眼不容塵
託跡烟霞裏三妙更可人藤蘿渾艸聖詩句入秋新
山泉爲俸祿再世大丈夫身良匠幸不遇玄鶴忻主賓
有時發清籟儼如聽雅論栽松人七十松老不知春

祝本師老和尚七十壽

歲辛丑黃鍾月朔有四日太和山建新黃檗方丈
成值老人古稀大誕遐邇繙素咸修慶祝某忝弟
子員將何以爲祝耶以佛法祝耶世法祝耶以世

支那

即非禪師全集卷十九

六

法祝世法有窮以佛法祝佛法無相於斯二者當

何擇焉用是別運機籌于一陽未兆之前一著子

以壽老人以老人母胎中一句子以壽天下後世

如斯壽壽非惟壽已壽人抑且世出世間打成一

片劈空補綴喫棒奚辭

新開藥苑卽富丘國泰時和化道周垂老七旬如許
壯度生一念未曾休活拈拄杖撐三界倒挂袈裟覆
九洲百億須彌千日月不萌枝上慶春秋

哭福嚴老和尚

臨濟正宗三十一傳至我福嚴費師翁猶杲日麗

天恒沙畢照不幸於是年辛丑三月念有九日未時西墜大地慘然變黑矣嗚呼色相有壞真身不滅即日火浴復舍利二百餘顆皆五色燦然其最晶瑩大而圓者二十有三粒噫吾翁出生入死光明盛大而若此者豈苟然哉嗣法諸弟子奉舍利進黃檗山壽塢用表化源垂範後學愧不肖與本師行道他方離故山已久消息罔聞是冬仲月六日接徑山法叔書始知遵遺命不徇俗禮示無生滅此又見吾翁推化機於不息懸覺照於無窮也復何憾焉第不肖曩承法誨恩大難酬謹奠以山

支那 卽非禪師全錄卷之十九 七

雲海月西向常寂光稽首再拜而作哭辭
我等胡劣福俄然崩祖屋衆生失所依人天喪眼目憶昔謁家山萬指道共牧通身拖水泥肝胆懸空瀑住世七十年十會坐曲業全提格外機霹靂破巨木咸稱古白拈嚆識後金粟贊起太白峰一噓雙徑綠反用砥活人解彼醍醐毒知罪甘不辭禪統嚴刪續節操猶火輪可望不可觸談笑成寶坊觀史墮林麓四來需禪悅隨量各滿足腳下馬駒兒如潮奔百谷道聲澈九重惟恐加寵辱擦手引春歸別調無生曲示現不壞身舍利累珠玉密在二六峰流光烜東旭

滄溟奠一孟虛空軸半幅吐辭三矢聲萬象代宣讀
三山諸士紳及姪孫孝廉郵啟請回唐賦答
自笑無知類小孩何緣款訂戲述來潮如速駕聲偏切山似畱人喝不開歸夢撥殘闌嶺雪欠伸路倒越王臺雲龍際會看時節聽取春深動地雷
寄贈泰藩陳沁齋檀越七十壽
天竺占先生號曰無量壽仲冬十有七降誕當其晝間浮有居士記囑自靈鷲後遲五日生應上列宿天人夢初醒一身無前後啼啞成文章功名置懷袖屏藩王室勞起民無疾疚丹心貫紅日德澤煦雪雷

支那 卽非禪師全錄卷之十九 八

五子青雲委義方堪匹寶動靜付無心禍福不能囿
林下思明君稀古答天授三山袍笏多嚆視羅錦繡或頌以九如或圖樂橘柚雲未知還語風訊道舊父母非我親想必時衆究覲破未生前方知產脇右富貴猶穠紅芝蘭千載秀仙劫亦有涯學佛證無漏
賀知法弟受囑住佛日
天親久矣罷南詢坐看金烏轉法輪萬卉未資和氣力祇林先發一枝春
懷季洲居士
四海三年別孤舟萬里心天涯一雁少惆悵暮雲深

次韻答周松菴參憲見寄 併序

紙窓留月禪榻分燈憶與老居士道晤于萬壽閣
蘆戍子秋也別後持節南行浮杯東渡風馬牛不
相及者十五霜矣每想方外莫逆重論心于薜蘿
深處奈何緣有所屬徒增各天之思壬寅春復接
老居士于己亥冬所惠教札讀之儼如覲面三復
佳篇高遠雄麗猶旭日熒洪濤深得詩禪三昧因
次原韻用表瓊瑤之義云

句挾風雷韻自著銀鉤剔起雁行斜遙封白紙傳天
外獨露丹心映日華岍關八千餘莫草桃方十五度

即非禪師全錄卷之九

九

開花遲子旋結香山社應喜維揚是鶴家
繇來百谷海爲王旅泊翻成到岍航攝取百千香積
國難填一箇臭皮囊旌章詞切心猶愧負米途遙念
未忘撥轉親親雙面目紅輪赫赫耀東方

次林魯充居士見懷韻

換卻曹劉眼裏珠舌頭蹲取赤覺胡吟成格外新禪
史講出詩中好畫圖特地珍藏非獨有遼天索價豈
全無他年持返山人讀猶勝相貽九節蒲

次前韻柬叔弟

召移士庶落斂珠無計回天爭奈胡自古難延仙子

劫誰人肯寫介公圖家鄉風景誠何似親友聚英他
也無方外未能相問訊寒塘又見長春蒲

次郭道煥居士見懷韻

日用了無開與怙浮沈世界任滄桑簪頭寄我堪千
古屈指別君已十霜故國論心形跡異新詩脫口齒
牙香自慚無物堪酬贈明月疎鐘載一航

答吳石也居士見懷次來韻

雲斂天空山歇雷楮中春色上樓臺賡吟百鳥簧新
奏闌句千紅錦簇開子且苦磨仙吏骨功成易裂聖
凡胎清時物色山林士未許高人臥艸萊

文事

即非禪師全錄卷之九

三

次韻答龔侗初居士見懷

曉風吹散碧蘿烟一勺清涵上下天那得與君時泛
艇平分半榻夜談禪邇聞懶折蟾宮桂逸老惟栽火
宅蓮惠我瑤篇如苑囿百花叢裏對忘年

示姪 併序

君子之處世敬身修德榮顯宗親世出道行報資
恩有愧我不肖雙親不能報況四恩乎自度又未
能況三有乎由是庚子退鼓之後深閉禪局作箇
自了漢因悲梓里召移劫運未消轉念于孤哀失
學不知趨避吉凶之道遂囑楮君喚子前來聽度

出家共登清淨無爲之域奈子根器凡劣向爲古頭所瞞不能嚼出菜根滋味既暫度無緣減我衣蓋微資贖子回唐竟不敢以常住公物作自己私費子不免以我爲薄耶豈知空門中施者不易受者亦不易轉授於子更不易也恐子不識因果直引龍藏中所載一二用破彼此之慳貪耳唐李信爲隆政府衛士顯慶中赴蕃乘艸馬一疋并將艸駒是時風雪馬遂不進信以蕃期所迫撻之數鞭馬作人語我是汝母爲平生避汝父將石餘米乞女故復此報此駒卽是汝妹也償債向了何故救

却非禪師全錄卷之十九

迫信聞之驚愕流涕乃拜謝之謂曰若是信娘當自行歸家馬遂前行信負鞍轡隨之至家養飼有同事母屈僧營福鄉閭咸歎異之又有私取常住一文錢一日一夜長息三分七厘次日利上加利來世作牛馬償之牛日還八文馬日還七文所以云作一生之容易爲萬劫之艱難若捨一文入常住一日一夜長福亦爾吾所以薄子者正是厚子也子能佩斯言安分樂善向上作福自有隨身寶藏受用無窮矣奮志努力勉旃勉旃歷劫愛纏割斷休隨身寶藏載歸舟莫嫌亞父心如

儼免使他生復馬牛

子能學祖耽仁義父母肉身常在世數畝山田好習
畔竹松之外栽蘭桂

贈何性延居士五十

白衣持戒似僧家半百初臨兩鬢華穩坐山堂春晝
永閒看雙桂哺慈鴉

示耀哲信士

親恩罔極等高深圖報何須問寶林豁醒娘生雙夢
眼一天明月蘸波心

寄爾潛居士

却非禪師全錄卷之十九

恥得眼來春欲闌揭牕時對白雲閒知君胸次藏丘
壑不似支公別買山

卽非禪師全錄卷之二十

門人明洞性安性節明覺明幢全編
詩偈 各行辨

歲癸卯八月初九日上京省師留別諸檀越

檀那德澤比淵深負秋蟾一照心自笑岫雲閒未
得從龍飛太勉爲霖

初十日自諫早渡江至神通院謝島田崎主及
諫守

輿馬又輕舟乘子到渡頭水窮山不盡隨處更登樓
十三日肥州道中懷諸公相送回崎

沃野二百里脩途半是松懷君一舉首登嶂幾千重

本州遺教馬爲負道具偶執新撲地幾絕人皆
不覺一馬悲鳴遂得救余義之乃投記一偈

人多愛神駿子兼重其義一念既不迷翻身脫毛類
十四魁次小倉月叟宗洞二禪德接至開善寺

善積小倉優忻達達道流踏翻峰頂月涌出海門秋
十五日謝豐主源忠貞老居士見訪惠齋

久聞君富德一接見平生未了靈山話秋泉帶月烹
豐主呈偈次韻答示

靈山舊面目非古亦非今秋半一輪月全彰古佛心

登嘯月樓懷崎中諸禪德

未駕鐵船浮來邈月上樓大千俱一照豈隔數峰頭

十六魁泊赤間關題 安德天皇廟

德皇廟貌俯滄浪一點英靈亘八荒暗度秋光五百
載乾坤依舊水茫茫

八月廿二日登岸謝筑前太守具舟護送

一帆秋水一江風相送樓船至洛東盡裏江山看到
岸謝君助我半神通

慧林龍谿高泉法弟姪候余于大坂之心月軒
百里光三益辱迎一佛奴江頭欣把握皎月薰水並

廿三日小濱民部正易溪船送至山

木陸一千里旬餘三易舟謝君雙桂楫棹破一天秋
廿四日至黃檗禮本師老和尚暨諸諸昆仲

法躬萬福倍忻忻況值第昆禮意勤一日十霜無刺
語滿堂和氣暖如雲

奉次老和尚雙鶴亭韻

楓林點赤露婆心古澗聊爲直指吟雙鶴現前呈普

眼和山卓立示威音賢于建刹一壘艸須達數闍百
頃金翠靄紗高親觀面南詢漫問剎峰尋

贈惟一禪姪血書奉嚴

惟心法界沒多途萬行因花在一教腐血化為華藏
海一毛頭上現毘盧

次韻贈大眉弟結茅

不著開也豈著忙一瓢高掛白雲傍續燈不假通宵
月兩道眉毛解放光

贈高泉法姪血書金剛經報恩

出佛身血寫佛經矣宣般若咒師親如斯忤逆為賢
孝鐵樹花開別是春

次老人選佛場翫月尊韻

萬里秋空望月光馬翁師弟喜同堂金風乍捲雲囊

盡寶鑑偏從海印彰屢樂成先選佛刹竿扶起好
逢場不須更折簪宮桂露柱花開天外香

竹林精舍觀紅白菊

香色堆頭隱逸翁嬾披金鑑戰秋風虛心日夕對君
子不覺霜花撲面紅

咏御菊

金英朝迥露色帶御衣黃不逐浮華老惟期魁節香

九日侍老人登高

叨陪法駕過東林山自高兮水自深雙袖帶隨雙鶴
舞松蘿時對菊花斟

山重重也木重重九重登最上峰收拾圖歸去
也山城日午未聞鐘

同水法兄過普門訪龍谿公次韻

驟雨相催早到門鼓鐘互動躍砂盆如知補處無雙
位笑倒堂中第一尊閑編獅林花有品嚼殘黃葉苦
連根惟君作用天然別撥轉西江合本源

過佛日寺訪慧林法弟

風顛引上白雲衢一道祥光朗太虛覩楊平分千嶂
裏家山隔別十年餘巨川有豹非難伏三等接人慚
不如老大弟兄歸未得且將大塊作吾廬

寫彌勒贈舶主

肚皮似海深無涯梭擲仙風上斗檣觀史陀天勒不
住塵勞界裏現龍華

萬里中納言見訪

佛是了事漢世豈無全人踏半博桑國初逢社稷臣
松平若州守見訪

聽法于言前觀棋在局外子非遠錄公君是歐陽華

黃藥開山和尚壽像

佛祖西生觀相開悟教法東漸示像傳心斯像之
所由設也本師老人東渡十載臘踰古稀雖欲退

休逸老而壽國慶生之心猶未艾也弟子輩不昧
源本預圖老人常住法身為將來無窮慧命有肅
戒范石甫者聞之泉人也善造像以西域木為之
胎高五尺許踞曲桯握龜毛道容淵穆神宇超邁
緇白瞻禮者莫不贊歎希有復相顧曰巧心妙手
有是哉昔六祖之遇方辯先後一揆機緣亦奇耳
竣工之日值老人大誦千指圍繞迎鎮于萬福堂
中為當代之化儀作後覺之模範誠世世福田也
或謂成壞相尋縱天地不能保況此虛幻之相乎
余曰至道之妙全性之用子知之乎成無成孰能

五

為之壞始無始孰能為之終真如獨露非幻非真
所以超乎天地之外者有至理存焉非普化襄休
不可以同日語也客謝而退敬賦一律志喜

上乘根器自西來郢斲東方出世材劒刃翻身全大
用虛空為口老慵開尊稱萬福堂中主道契千秋腹
裏孩七十二齡雙降誕喜師不墮聖凡胎
形名未兆相何來無那天生格外材照世珠從衣裏
現驗人眼向頂門開繞團龍象餘千指較勝芝蘭富
百孩承鎮轉桑為日月憑教露柱又懷胎

老人壽增

癸卯仲冬同諸昆仲合捐衣蓋資為老人建壽
藏于萬松岡落成志喜

壽域碧雲封影堂傍古松百川朝正脈萬岫繞開宗
字篆疎山石碑題熊耳峰他年入正定隻履覓無蹤
茶和老和尚松隱堂尊韻

放去泥牛不見蹤退閒結屋傍青松隔簾竹色分淡
淺入戶梅花較淡濃得趣時間凌雪操知音未許抱
琴從或時午夢尋高士踏徧綠陰千萬重
前身疑是慧安公嵩嶽移來檠苑中滄海胸襟山肺
腑清秋明月夏松風喬撐碧落門庭峻涼蔭大千化

道隆誰識白拈為榜樣出山原是住山翁

贈王心渠居士七十

手植芝蘭香滿廬從心之戲樂如如一聲喚醒英雄
夢始信堂堂不是渠

寄化林徒及鶴搏孫

不覺別來又一冬白雲無語對青松他時有箇惺惺
漢借子雙橋過萬峰

贈高泉法姪

堂上三千指還誰較一籌元辰曾覩破更不涉春秋
贈監寺吼第四十

今朝十月十剛逢年不惑吞殘粟棘蓬扶起庭前柏
次韻答哲上座

貽予半幅紙掩映一庭芬豕句如齊已塗鴉似右軍

癸卯臘月朔日黃檗老人開戒命予爲教授前

一日妝彌勒大士成迎進戒壇高泉法姪揖
謂余曰彌勒前身之教授法叔後身之彌勒

余笑而不答和其贈詩

非凡莫顯聖借假以明真分取無情物合成有相身
雙眸光映日一笑冷含春觀史忘歸去曇花幾度新

謝眉弟春齋

妙用

妙用

七

妙用繇來別雲廚不費工銀甌盛白雪瓦盃貯春風
席異洞山果座兼普化翁以何酬法供托出一輪紅

人日示曇瑞碧巖二子

玉曆開端標甲辰馬牛脫了好爲人人身難得時須

惜切莫從前蹉過春

贈獨照道第

禪心清碧波峻骨自嵯峨十載栽黃檗爲擎一鳥窠

贈龍谿法第

正月十九日待法

一千七百紫驢極十載接成白玉幢鞭得泥牛攢入

海龍驚起躍春江

孟春同諸公登醍醐山首禮藥師如來

殿上如來號藥師聲鐘接足具威儀由來不假神功
力陟彼崔嵬仗護持

次謁不動尊王暨圓通大士

風柯烏語說真言朵朵青山不動尊轉入圓通無見
頂分明別是一乾坤

寶幢菴齋

午聽齋鐘想寶幢銜花瑞鳥落雙雙山霧卻會山僧
意拂盡春風看遠邦

遊下醍醐

均沾

均沾

八

均沾法乳潤焦枯若個男兒不丈夫傾出曹谿源
滴總教大海化醍醐

禮世尊臥像

有序

慧日山東福禪寺元初時有異僧明兆者能以丹

青作佛事繪世尊滅度像長約三丈高五丈許諸

尊者及天人環列座下悵然興哀異獸靈禽悲號

跳擲視今去佛二千餘年儼然一會未散精致入

神誠不可思議者也每歲遇涅槃日揭于殿中示

不忘自而福澤一方由是都人畢會瞻禮戀慕如

失怙恃甲辰仲春望子同高泉法姪及諸子到山

拈香見其四眾誠懇因示之曰原世尊滅度之意無非從慈愍中示同人法攝受眾生以覺羣迷耳若論法身猶若虛空安有生滅具眼者當以法觀勿以像觀可也眾羅拜而退筆以紀之
世尊放倒涅槃山百萬天人扶起難不意二千年以外日僧舒卷一毫端
靈光一點日並明今古無人圖得成是滅度耶非滅度半春花鳥自含情
謁遠祖無準和尚暨聖一國師像
聖一國師與子正傳雪巖和尚同人徑出佛鑑

文淵

即非禪師全集卷二十

九

老祖之室爲嗣法昆仲
世愈趨兮道益尊翁翁法澤至今存瞻雲隔斷東西
土萬派千川歸一源
讀虎開禪師語錄
大地一虎關未許通凡聖隱顯日月星是師三要印
題大機菴
他山分半茅日與竹松交鉤斧時拈出逢場好斬猫
戒光寺禮梅檀唐像同無心湖青諸禪士
戒光寺裏禮梅檀寶噫皆成優益曇觸破虛空渾色相
相山花似錦木如藍

泉涌寺瞻禮佛牙
法泉時涌出流露一雙牙以此福人世如林春著花
禮三千大士像有引
寶像高與人俱凡三千尊高下行立金碧輝煌恍
佛佛國移下人間考其年代方六百春秋詳其緣
起則白河帝因夢感而造所謂應以此身得度者
即現此身白河帝亦三千中之一數與
天地藏一塵一塵一天地三千大悲翁化身亦如是
手眼各自殊鼻孔元無異稽首如虛空空相難思議
大佛寺

文淵

即非禪師全集卷二十

十

寺在洛京規模宏敞柱可四人圍中踞大佛易敞
方新高大不知幾許較其大略則鼻竅可張小傘
指掌足臥數人
玉泉古刹稱冠絕梵相較此無優劣若能觀破無邊
身千丈舍那眼中屑
大鐘
斤計十萬圍三十尺高一丈有五徑九尺厚九
寸其製有古意頗類金陵之鐘
大寺之傍懸鉦鐘偶然一擊山玲瓏聲塵耳根俱不
涉真聞獨露心自空

為道長題三聖圖

一書肇開文字祖備嘗百艸現醫王冠裳雅製垂人極帝德如天覆萬方

過寶林寺

數里閒行不記灣白雲盡處露青山為探古寺過橋立帶得溪聲隨步還

遊宇治同御航石雲惟徹諸禪士

洛邑日宇治山川發幽秘野曠地攤箋溪紆天艸字同遊日國僧平等唐朝寺不上寶林峯焉窮此韻致

御室山禮大士

後集

即非禪師全錄卷二十

十一

御峰作室倩雲局中有大悲昭厥靈水月千江堪供養何須片藻薦惟馨

題台坂 東照大權現廟

山高分脈遠湖碧引源長古廟雲封盡時聞玉骨香登天台山謁傳教大師道場

大千一片土南北兩天台難徑渾相似頭陀疑再來山高擎日出殿敞翼雲開定裏傳何教天花落講臺

泛琵琶湖

誰把無絃湖面張清風明月別宮商龍吟疑是龍香撥一曲餘音雲外長

遊御井寺

台山歷罷宿湖傍曉起經行到上方山色秀鍾王者氣林花清沃御泉香安禪俱是新傳戒觸目無非古道場勝槩宛然同我國不知身已在他鄉

永觀堂禮回顧彌陀如來

父母皆為兒女癡如來度世亦如斯衆生一去都忘返轉得頭來是幾時

謁夢窓國師像

當時宗輩出獨讓國師賢帝賜三朝號山開四百年道容凜冰雪法眼照人天點醒多生夢全憑一指禪

後集

即非禪師全錄卷二十

十二

宿相國寺次愚溪禪德見喜韻

久聞相國大叢林三代國師降法彙擬欲畱題無一字憑風轉倩古松吟

桂禪者呈詩有山神昨夜報來也之句依韻示之

去來元不涉峰巔愛子呈詩語句鮮自愧修行無道力山神看破我機先

過大德寺謁大燈國師像

入得聖賢數方知道德富譬續百千燈一燈光如故御爐半點烟散作三春表一喝青山開國師全體露

過止法山謁關山國師像

山開三百有餘年梵刹莊嚴似四禪誰是國師正法眼雨輪日月耀中天

對大檀越正長 王像

言佩靈山記身披忍辱衣檀波為說法觀史現皇畿

過柱宮院謁聖德太子像

聖德太子者東國用明帝之長子南岳思和尚之後身也不捨度生之願托生皇宮在胎能言體有香氣相長好佛經帝敕高麗沙門慧慈授以法華太子語曰經中闕一字師知之乎慈曰我國經中

後身

無此字今云闕者當在何處太子曰我先身所持

經在衡山般若臺即敕人往取乃前弟子所讀之

經非舊本也遂閉戶入三昧七日及出定經現几

上乃以落字示之慈驚嘆不已茲略敘緣起以證前身云

竹塢深藏聖子家千年亭畔古桃花前身南嶽胡為驗一字連經記不登

三月廿一日登高雄山值弘法大師諱晨

天雄峰頂再來人莫訝青山識面新笑破古今無二

致大師寂日是初辰

宿法光院贈妙公禪德

廣營如探漬惟叟富知足予亦知足人來此借一宿過直指菴訪照道弟

未末蓄盡閒言語及至相逢半句無或向菴中問直指萬竿松竹兩圓湖

過清水寺禮大士次元清拙禪師韻

寶鏡無痕水無澱大悲影裏開生面肉眼不識淨法身一帶青山繞白練古木聲牙盤蒼崖幻出飛樓壑涌殿疑是三國移桑東不然法法爭成現大悲善應王者身以德化民無罪謫山川秀美俗古風菩薩因

茲發誓願願力猶如季月春紅滿園林緣殆徧眾生

心隱大悲中惡自無性善非善鏡花木月菩提場堂

堂腳下看機變若向盲人覓路頭知伊早已不著便

記遊貂續拙老吟尤疑句裏藏雷電倏忽雲捲萬山青知有蟠龍起郊甸

知恩院禮彌陀

佛號彌陀僧頭陀鹹淡之分江與河識得涇中無異性際天滄海不離波

紀高 有序

甲辰孟夏朔子坐竹林精舍炷香閣中峰國師廣

錄停午值雲子出木法兄大書聯云落筆驚風雨
予奮筆對曰齒頰走雲雷墨未乾忽烟雲晦冥風
雨驟至有迅雷從舍後穴地而起裂五松而昇聲
震山搖聞者膽落少霽木兄及大衆咸往觀焉噫
亦異哉偶爾三昧詎符合如是信天道之不遠將
顯大道之遐昌遙空合掌紀示未聞
虬龍倒跨上天階雲暗千峰雨送雷霹靂一聲喧宇
宙含靈手眼一齊開
電光燦破人肝膽曠劫無明當下灰正令行時全殺
活一聲因地頂門開

和達震激蒼天驚我母猶聞箍脫聲因此不須哀掛
聚輒成木偶兩忘情
卻笑弟昆語句靈中峰廣錄一時呈填溝壑皆文
字不用思惟總現成

省初禪者血書金剛經報親偈以示之

移出黃金汁輝殘白玉箋娘生一點血字字化紅蓮
越傳禪德呈偈次韻答之

當陽直指見全功人法雙空空亦空會得真空含萬
有金烏依舊出桑東

次答玄周醫士三首

竹裏邀明月清風拂素琴高深藏指外六合渺知音
非玉亦非金兼非瑟與琴打翻雙鼻孔直下吼雷音
別來將數月令我憶陶琴明日春歸去順風一寄音
子因地在五月十四日恁的禪人誤記爲初夏
冒雨而來預祝偈以示之
眼裏瞳人欠屬藥爲慶未生沒了日觀破未生日日
生不妨花雨恒復籍
藍岫大德見謁
右袒獨衣特遠來入門影艸不須探衲衣下事如何
率海上孤峰映水藍

答申景禪德

梅熟憶花苦詩成簡道安不將三幅帟大地一蒲團

示素白禪者血書金剛經

拈出金剛錍刮卻根塵膜皮下有血性禪指超無學

示錢文禪人

驚殘鉢盂子滿口是文章意趣超言外世間難度量

題假山有序

老人于松隱堂之右復構一小軒有信士見其素
乃爲布置丘壑宛若生成一石一花俱有韻致足
供定餘清玩真妙手哉初夏告成承召同法昆仲

侍坐靜對茶香雜花香莫辨瀑韻與道韻俱清信足樂也可無一言以紀之由是泚筆敬呈二律

一座古廬山移來屋裏看微雲穿石牖小瀑動雷離綠瑣三春秀陰生六月寒一拳千里勢胸次海天寬景物雖虛假頭頭契本真點流成巨壑大塊納微塵龍積無爲福宜歸有道人人工渾造化道用妙通神贈龍溪法弟

上皇召見話離微囊得御香滿袖歸兼賜觀金何所表針鉞百懷愈光輝

法弟以上所賜御香供師御金齋衆大韻

萬福堂蒸萬壽香香雲香積霽東方雷聲淵默無私祝慧日光同化日長

示月潭上座二首

潭澈月自現獨露本來面月落潭空時詩子親相見能隱復能現如蓮開水面移向雪中栽于聖觀不見

示別傳上座

西來本無意臨濟有別傳棒前開活眼免下策愚拳

示大雄院萬拙上座

古佛關戰勝津號曰大雄子今倒退步其進也無窮

阿羅漢有序

。諒鑑請敬，糊模稿原

十八尊者俱是霧山記前之僞老人欲肖其法身雲會一堂爲此邦植福會中有大德獨妙公者知老人意勸本田野州守施金命范生刻其像坐身高半丈許梵相奇古儼然如生瞻依者生難道想其三輪殊勝功德詎可思議耶經始于癸卯冬至甲辰夏功訖其半端午日預請八尊入圓通殿于不揣羣空輒成數韻用做石門筆供養云

一自霧山同授記神通妙用皆如意放光讓爾眼睛高鼻孔僧子方出氣或謂木偶有甚霧供之畢竟何所利無心應物月臨川川增之福如潮至觀之風雲

無甘霖甘露必藉風雲致達人契理超象先妙斷無痕渾天地

贈青木端峰居士

鏡梁肇佛日赤膽對青天屈指多英傑饒君一著先

同慧林法弟慈眼室宛眺

丈室新開早彩霞愈添慈母眼中花學耶山外歸人遠且聽疎鐘點暮鴉

過慶瑞寺示拙道寂宗二禪座

二難養拙樂天真禪寂自純慶日新自是龍天能輔善一邨水竹付閒人

題性貞信士假山

入門盤曲徑少憩古松陰
乳岫牕前綠霧開皆下深
不惟彰佛髻端可蘸天心
龍臥富丘經率輸支通林
宿庵然禪人水月菴

池菴登露月痕新如許
清光冷照人暑氣洗殘無半
點古梅瘦竹共精神

南都觀風吟

併強

邦人士尊佛敬神守法自律物我一體彼此忘懷
羣鹿狎遊于塵似同家牧池魚授食掌上無怖
疑竹木蔚然不損一毫瓜果載途莫私半箇風俗

之美國政之良窳有太古之風因迷觀風吟

國君布德澤含霧魚鹿逢人總不驚二尺兒童知政
化宜乎萬代享昇平

題興福古刹

國主賜地澹海公布金

一堂分兩全千載沐恩深帝賜袈裟地臣開菴箇林
風柯明法相月渚現觀音不但爲興福要人發道心

禮銅像

并序

東大寺爲南都十大刹之最有盧舍那佛銅像長
一十六丈益 國主以感異夢所造也當時
殿堂樓閣窮極宏壯治承間寺遭兵燬建久復興

永祿又燬惟古銅像至今猶在寶冠蓮座隱然如

山聞洛陽大佛亦追軌于此儼非大心檀度乘風
願再來未易恢張也向欲拜觀不果茲緣拙道寂
宗諸禪士不憚長途導爲法喜之遊因得瞻禮焉
敬題一偈以俟知音時甲辰閏五月三日也

誰把小鐘山肖佛範大冶法身隨處圓一真中無假
大地千羣座虛空一片瓦幻益古如來廣博無踰者
日月無盡燈清風常自把羣鹿時獻花異香吹綠野
萬衆聽宣揚一音開聲啞稽首讚空王海墨難描寫
題春日山神廟

有引

南都勝地多真神祠雨後艸艸登臨未及徧覽惟
見其畫密飛翠茂林滴青泥水通身爲之洗盡庶
不虛此一行也敬題二十八字以當瓣香

臨下赫然神且明欽承護國祐生民昇翰三寶將何
答聊假空箋寫寸誠

咏古檀

有引

春日山萬林之中有檀樹一章高出雲表大可人
人圍相傳千年物也偈以誌之
檀魁立地不知年翠變千林綠到天憶昔不承秦帝
淚今堪扶起雪峰禪

高安演劇爲供偈以示之時演殺酒鬼齣

大地由來一戲場諸郎卻解殺無常肉絲調合無生曲度盡迷雲出醉鄉

閏夏五日雨雷高安幻生家

天符人意緩歸期人與天公想要詩曉起拾來雲幾片揮毫掃盡雨淋漓

泛舟回梁山

白雲題破雨初收從者歡呼催放舟咄刻高禪迎兩岸川浮巨楫泛中流者回以道觀風返不比當年孟浪遊或見吾師問勝概有聲畫出古皇州

示齊雲上座

腳跟生鐵鑄頭角五雲遮覷被轉身句雙眸空月華

甲辰仲夏望前一日乃于四十九初度時逢閏

月誓恬曇碧諸子重爲予祝席上書示

母難逢雙祝猶疑是兩年昨非渾不覺半百似徒然閨結三祇果重敷五月蓮頂門開雙眼看破未生前

月泉上座索偈補次舊韻答之

遠來訊老翁遇子福城東隻眼青霄外百城跬步中早知君慧理莫笑我愚蒙放出轟雷舌山河耳亦聾

示因碩奕士

局上縱橫十九路灰生迷悟沒閒時任君一著高天下爭似山僧都不知

贈諸昆仲

西堂

千霜居洛土冰炭嘗來苦苦盡甘自回倒生獸角虎

監寺

吞殘果棘蓬毛孔吹香風翻卻舊燈盞金烏午夜紅

維那

二六時禪誦綱領微塵衆合眼念摩訶罷醒千劫夢

書記

冥坐翰墨林胸藏義海深和心都嘔出徧地是黃金

知藏

一切多羅藏不在黑白中咬著元字腳滿口吐春風

副寺

鎮庫渾無物生薑辣古今祖師不可見千載有知音

典座

爲山千七百一杓百將來隻手裏伸出曇花鏤上開

知客

三根作麼接一例升烏藤佛禮不肖做遊渠兒老僧

直歲

直原爲衆務請鼓三通不運四時力爭成一歲功
知浴

浴此無垢人妙觸已宣明雲淨水無影雨餘山更青
侍者

慶喜三十載達摩四十年今人乃若古鈍置祖師禪
飯頭

菜頭蒸出骨香飯煮無渣彈破趙州齒與君三十又
曉堂法姪書遺教經示省禪

毫頭藏鏡面描出佛心肝獨許知恩者頂門著眼看
殊筵書報恩經答親

親恩同罔極析剝也難酬法海毛吞盡俱超生外流
示道昌通士

服異人無異音殊理不殊驛驛蹲占上笑我腹如餅
觀流亭

一脈出崑崙聲光澈海門萬流旋轉後何處不逢源
百花軒

栽培如種德樂道已忘榮正信春無盡花開果自成
偶閱夏梅詩寫贈官人

筆端三昧非吾長戲抹斜枝幻冷香雪質能消三伏
暑飛紅滴翠總幽芳

贈馬友松醫士

仙方藏秘訣佛道露倪端一句無生話鍊成不老丹

子所寓竹林居西照盛夏熱甚正明法弟延子

至江州法輪山消遣立秋前一日到上利見

其平林廣隴秀色可掬緇素稽首信心倍常

援題一律以寫近趣

山靈符主意有待道人遊宿雨消殘夏涼風送早秋

忘機隨鶴出在處爲雲留夜演微塵偈都盧一句酬

禮大悲像

四八陀羅臂時時轉法輪威儀聲色外千日繞崑崙

次獨和禪十韻

勞爾赴朝晴迎子到正明相逢賓主外一句若何呈

次正明法弟見喜韻併答諸禪士

字字皆含花雨香風吹澈滿山房只茲數偈堪清

供何必人天敷法牀

贈豐主忠真老居士

治定大勳臣樂道忘歲勉凜然忠義氣爲民暖肝胆

贈小笠原遠州守

二千五百載授記到于今外現郎官相居然出世心

立秋後五日賜紫大牛大德晉黃檗山延子到

土佐州偈以答之

吾自未能度焉能以度人州主與大德足以化生民
牧野佐渡守府中產靈芝數朵于六月廿七日
寄其一請問因答之曰王者仁慈則感生瑞
艸昔漢殿九莖天台五秀邦國禎祥重兆于
今日矣可嘉可賀後三日承駕見訪復贈以
偈

地靈鍾瑞氣祥感五芝生仁與天心合道同世運亨

吉良若州守朝覲回駕憩樂山見訪

遠秉將軍令耑來朝聖君綉衣餘紫氣旋結樂山雲

建仁開山千光國師遠忌以偈代香

國師早出天童門真是黃龍九世孫四百五年燈欲
盡轉桑頂上現朝曦

贈范贊公居士七十

日月閒邊度渾忘海國遊仙齡方七袞孤且值中秋
雙桂堂前郁脩琴竹裏幽江山收筆底元不羨丹丘

贈吉峯居士

年踰稀古鬢春芽千里懷香行可嘉暫轉一機逢徧
吉妙高峯頂綻曇花

甲辰中秋乃黃檗慧門法兄半百之辰寄贈

指屈中秋五十番圓明一點不相瞞迸開因地頂門

眼照澈娘生赤肉團算疊南山機共變社庭東海量
同寬無邊風月無私祝虎嘯龍吟動九難

今歲豐稔秋成倍登江州正明植信不憚百五

十里遠來獻新福田有種功不唐捐山僧愧
道微不能消受口占答謝

新秋炊白粲香氣滿村村粒粒丘山重將何爲抵恩

中秋侍老人坐月

竹隱將雙白時逢入月中清光寒玉宇古桂撲金風
席預曹溪話吟巖檠檠翁茶香難入夢一嘯萬山空

和王陽明先生前身偈

先生嘉靖初論功封新建伯隆慶初謚文成世襲
伯爵萬曆初詔示天下從祀孔廟稱先儒王子諱
守仁字伯安號陽明杭之餘姚人父華成化辛丑
狀元母鄭氏孕十四月而生將誕之夕夢仙人抱
赤子乘雲而降因名雲生六歲不能言一日有老
僧過其門爲摩頂曰好箇寧馨兒卻被名字叫壞
了改今名遂能言穎異頓發讀書過目成誦少喜
任俠長善詞章壯好佛老才辯擅名登進士官至
極品雖處富貴志在物表每以道學爲己任不宗

程朱獨舉良知爲說上欲以其學輔若下欲以其學淑民倦倦欲天下人同歸於善而後已一日遊山寺見其院封鎖甚固欲啟之寺僧不可曰中有定僧閉五十年矣先生竟發視見龕中僧儼然如生貌酷像已既而見壁間一偈云五十年前王守仁開門原是閉門人精霽剝後還歸復始信禪門不壞身先生乃對寺僧曰此吾之前身也茲緣此儒者崇先生之學居多故欄而傳之以昭儒釋不二云時甲辰中秋日

先生大道繼能仁有相何曾著我人只爲度生心未

支那

聖德集卷之五

毛

了再來示現宰官身

天津甚四郎性敏慧二歲能書六歲謁予于槩

山竹林精舍面書風雨高堂明月六大字爲

供筆意古勁予甚奇之就字成韻走筆以贈

六歲甚四郎謁我于高堂落筆疾風雨心如明月光

曉出楓宸外遙臨槩苑中卿雲初布影林野沐仁風

示露秀道士

雨霽山偏秀秋空月正涼相逢無一語別去話頭長

示了喜老叟

八十五老叟鑒似趙州世間無可喜此外復何憂

示在恬禪姪

海闊天空風恬浪靜萬象森羅收歸一印

示常信画士

人道有五常信者居其一用一如画師不離五色筆

新賜紫檀鼓大德見謁

觀面無玄語且斟趙老茶堂前花正發色映紫袈裟

探幽信士爲寫三笑圖書贈

何年佩法印筆底自需通千載匡山客呼來半幅中

甲辰九月初五日拜別本師老和尚出山

賦

聖德集卷之五

毛

法育恩逾父母慈敢將自便忍離師緣栖海國中霄

鶴整頓當年掃地枝古渡霜深須早發重來水遠恐

畱遲願師四大恒安穩千里同風不隔眉

畱別木菴法兄

鄉國途遙緩鶴回隨緣作主且浮杯未能七市續花

雨側聽三冬震法雷仙島雲畱閒漢臥祖山槩付長

兄培他時若肯光垂顧法供禪臺萬樹梅

畱別佛日正明諸法弟

大塊原爲寓隨方皆可安直將畱別意轉作未來看

補處賢昆仲相期豎刹竿乘閒能過我山水雷盤餐

次秀峰茅贈別韻

謝贈遼天句難將踞地酬相辭重折章不忍話深秋
杲日杖頭挂滄江塵尾流兩般君固有益待壯林丘

次南源弟贈別韻

法脈宗黃檗詞源出孔丘傾腸當別我運筆迅如流
從此一相對不知又幾秋問梅先得信勿爽到青州

次曉堂法姪贈別韻

明日辭京國連宵話故鄉清言如簇桂窟寐已生香
白浪峰頭鼓紅塵海面揚華兒通正脈杲老有餘光

次潮音禪士贈別韻

支那

支那

支那

知君學有本南浦是其宗久鍊降魔劍多年不露鋒
謝君呼片月送我下高峰宛爾對顏色壽云不遠從

次愚溪禪德贈別韻兼示恁的禪人

速駕鐘何處金烏天外懸大家接足禮送上渡頭船
無語安高足和詩答老禪歸逢癩漢子爲我屈三拳

執事諸公各以詩贈送總答一偈

指點風雲明祖意團圓水石語玄宗妙高頂上空王
殿撐拄全憑二六峰

高泉法姪送予至大坂同宿心月軒

兩番宿此岫雲來去無心百里重臨松鶴送迎有

禮真酬高義耶敘法緣

來去渾如昨東籬兩度花此心談不盡笑引一天霞
過天王寺觀聖德太子道具示秋野來林院

惜此以發機見聞勿泥跡悟取本來無人天均利益

太子所握佛舍利

如來真舍利無成亦無壞虛空莫能藏法地方堪載
前身所書法華

達摩所授法衣

觀破無一實元腳何處立太子因地時法華轉已畢
一幅古袈裟展開如鏡壁堪笑老臊胡覲面自不識

支那

支那

支那

謝石見守

昨夜夢明月今朝燦福星同光同本得雙眼燭天青
贈高泉法姪應玉峯居士請

祇陀園裏富鋪金長者難忘舊日心百頃彤雲翻錦
浪遲君法雨種瓊林

喜慧林法弟開堂題聯爲贈

佛日新開黃檗禪雪峯敢各選場聯一條拄杖支天
地半個紅爐鑄聖賢

示伊藤清三郎

世情淡處是情濃如水使帆帆使風波呀嘖登方慶

快長安古路一特通

初八午舟發

霽日開風烟雲帆鏡裏懸浮生滄海隔有路可通天

九日舟中懷本師老人

朝逢重九趁浮杯移此瑤花鏡面開未審吾師當此際幾人扶上妙高臺

初十日泊室津次韻示諸善信

市籬道人家競叅似織霞善來期見性勿使路頭差是剋宿見性寺

何處無山寺順風泊室津江雲招一宿松月解留人

又那

即非禪師全錄卷二

十二日泊牛窓祈風

山野沒神通兩日住江中竭羅如有意敢借一帆風

十五日過上關同瑞巖二子賦

野鶴度江灣乘雲在處閒海中知有國天外恐無山

日涉烟波趣時忘道路艱天風扶到听闌步上頭閑

十八勉至下關寄永井右近大夫及獨航監寺

謝君兩葉舟送我下江流載返壽山月清光徹九州

十九早月叟法雲二禪德具舟相迎偶成三友

偈以贈

澤一切物者雲也破一切始者月也度一切衆生

越生歟流者舟也體雖有異用則大同立爲三友誰曰不宜

開雲出洞非無意明月渡江更有情三益相求添巨舶不妨隨處任逢迎

又那

即非禪師全錄卷二

卽非禪師全錄卷之二十一

門人明洞性安性節明覺明幢全編

詩偈

駐錫吟 并序

歲甲辰九月十九日至豐州金粟園承豐主源忠
真大檀越款留卓錫予固辭曰貴治山水甲九州
不惟鍾瑞氣亦可以益道氣敢不忻從但愧道行
微劣有負檀德耳今既感公敬法之心誠而且切
遂說偈答命以誌夙緣之有在云
擬辭聖壽返中原無那延居摩詰園撥轉玄流朝海

岳迸開慧日耀乾坤微塵法裏王心裏舉國民崇佛
道尊涼德衲僧何所補全提向上答溪恩

原夢 有引

余未至豐州夫人那須氏夢雙日照耀下有一扇
捧之及余至夫人來參值余手握英扇符其夢及
有所請乃授之

寐語原奇夢無非大覺場仁風彌海國克復永繁昌

簡崎主併答崇福諸檀越

豈不欲前去其如緣在茲江山雖有阻雲月總無私

上黃樂本師和尚

何事又留舍衛城由來佛法付王卿酬恩重展龜毛
拂願放眉光作證明

寄答唐諸宰官居士及叔弟姪 并序

道無彼此在處爲家法無親疎逢緣則住暫方尊
命幸恕諒焉白社盤桓尚有日在

吾未出三界敢忘父母邦闍天雲斂盡指日返融江

小倉卽景示宮本吉岡大羽諸居士

一帶福源水曹溪正脈通汪洋三島外灌漑九州中
道與邦同泰物將歲共豐千山長拱翠萬匯悉朝東

豐主源檀越齋予於西園

西園勝槩似西沂兩易舟輿始到屏滿地栗梨人不
取相親魚鳥自忘機佛心將監呼名慣蓬髮沙門識
面稀此日因齋重道話有緣令彼一瞻依

次答法雲洞上座

合國重僧寶法門誠有光道心油若雨戒行潔於霜
錫卓無雙地義翻第一章猶疑千載上相與樂陶唐

小笠原次公郎隼人面寫花木爲供書贈

寫意離繩墨手段誠出格筆底無盡春妙不著空色

初祖忌日瀝血寫照

嵩山千丈雪無地可塗肝一點陽春色迸開五葉丹

題涌金樓

甲辰臘月二日豐主大檀越延子城府齋齋畢過
登涌金樓樓高二百尺時同三子推牕遠眺但
見山列下風水朝上岸真海國奇觀也時有雙鹿
至樓園逢人不避撫之無怖園丁報聞命放足立
山豐主向予合掌陳其事予賀之曰鹿仙獸也至
則壽國增永天祿咸自檀越仁德至誠所感也乃
援筆成偈以贈

舉首青天外方知日國尊千山宗太岳萬派出高原
鹿爲迎祥至鳥因聽法屯王城如舍衛別是一乾坤

紀檀度

豐主源檀越係清和帝之後裔也積代食祿向
爲佛法金湯頗類呂文公每晨拈香必祝曰不信
三寶者勿生我家後子孫皆貴顯豐主金枝玉葉
源遠流長行不言之令成無爲之化路不拾遺市
無丐者牢無罪人常放生禁採捕羽族蔽江連野
悠悠洋洋宛爾唐虞上世今秋延予卓錫州畿值
大年豐主垂念稼穡艱難乃捨有餘之庫藏成無
盡之福田發粟萬石賞勞農民又新給條例賜免
租賦十蠲其三非給公再世曷能已爾農民懷風

詠德祝頌知歸望城頂禮有二菩薩出世之言予
聞益愧曰農民可謂知恩矣於予何有哉斯乃豐
主現王者身以有施爲說法得子證明而已因是
贊歎一偈時在甲辰臘月之望是日瑞雪呈祥異
葩吐彩併識之

積德遺賢裔治邦守不貪年壽千及億賦免什之三
古國疑同趙前身或姓藍佛臺呼欲震天爲雨優曇
立春

雪裏金毛欲展眉燈籠露柱失威儀春風一見呵呵
笑萬籟吟成一首詩

觀劇

遠州守延予府第齋與其弟及童子六人供以
傳奇初演神道俱感佛僧之化次搬忠孝各壯臣
子之心雖曰遊戲無非佛事誠有益於世諦偈以
贈之

英姿麗服儼如神疑是大悲應化身度盡高僧成正
覺不知自己是官人
靜聽檀版愈精神幻化門頭亟轉身以孝以忠爲說
法梨園豈是等閒人
能文能武伎通神紅綠叢中獨露身觀破未生前面

目塵塵盡是本來人

甲辰除夕

歲月有新舊癡頑無減增林園如兜率在處樂豐登
元旦次瞻宗禪德韻

堂不懸白澤戶豈揭桃神端坐無爲國炷香祝聖人

豐主二日見謁酬以道偈

何事寒山子而今咲未休邱工猶費斧庖解未忘牛

道向塵中悟禪非事外求西江能一吸千載兩風流

示萬水錢橋二禪士省親

石斲孤舟鍊打檣古帆未掛見爹娘臨行覓我途中

句萬疊山分一水長

謝月交禪德夜茶

新春齋和尚連夜烹萬象金粟口未開彌勒肚已脹

法雲上座新構圓通菴成人日延子齋有五歲

童子書呈大小山川四大字席中筆示

小子心通慧大圓相從人日看山川川中流出無聲

句分付春風莫浪傳

法雲上座生日并引

洞子五歲能書童眞入道年甫十三即能陞座論

經義甲午秋黃檗老人至崎知趨慕歸向時年已

十七矣益其天性之敏善根夙具故能取信于豐
主立精藍以處之及子駐錫金粟園竟捨之佐予
弘法向上之志尤人所難也茲值初度之辰偈以
勉之

當下洞然了了發明佛祖宗猷嗣續金剛慧命非同
世諦春秋

畫松寄大脣靜主有引

兄與予同參年亦相等久侍老人發明此事而一
種謙虛之德尤有過人者茲值五旬無以爲祝敬
抹壽松聊申遠意云

東林雲塢裏橫出一枝松異日爲標榜恢弘黃檗宗
爲高力左近大夫題畫三首

王子心如雪中宵訪戴公移舟不到岸千里卻同風
西湖爲玉爵越地作蓮航度盡風流輩還他白侍郎
月小波光大更淡鶴夢長江聲時喚醒無語可商量
贈蘊謙禪德

幾回夢晤在雲峰此日猶疑是夢中喚醒春山留不
住錦帆相送到江東

紀魚并序

豐州向稱福善之邦豐王源相越放生戒殺舉國

咸頌乙巳二月朔忽有巨魚化千州外三十里間島諺云巨魚入州秋成倍收豐主聞報大喜命乘早潮挽入內港計直數千金盡賞一方居民仍賜錢若干貫可謂仁之至義之帥也次日請予往觀視其身若大石灘頭若小岫脊擁礪蟻聚如津步藏典載魚大如山背產大樹身至萬餘里者謂之虛也乃為授記命大眾舉經咒為津助或謂宿願何業今報此身子答曰子但知為業感安知非大願力菩薩隨類度生將此報身以代水族為布施答豐主仁德之感於一朝耳不然水激風翻倏忽

萬里何有見於海濱沙際耶或者默然重說得以俟具宿命通者辨之

魚因感而至人祿受於天天人理合一功大福無邊高力左近大夫見訪書贈

贊為難書白心因撫字勞不入藥山社何人識李綱畫祖像有引

二月初八日乃曹谿六祖大師誕辰值先慈方老孺人諱日不肖自知親恩法乳折刺難酬是日敬瀝指血拜寫祖像于方丈供養藉此以對慈容伏願生生世世為菩提眷屬云

。諒鑑請敬，糊模稿原

不覩娘生面為描活祖師通身血滴滴藉此對容儀

二月十五日世尊涅槃瀝指血拜寫法像

來去春無蹟花開果自圓霧山真正脉嫡血始堪傳

仲春念八日豐主源檀越七十大誕禮千佛懺

竟忽雷雨書偈奉祝

此日豐州降壽星三千諸佛福元辰法雷乍動續花雨慶祝從心果位人

題畫松壽源檀越

自持冰雪操不覺到從心直隸擎天壯千秋復地陰竹君新益友鶴交舊知音更喜芝蘭秀芬芳彌古今

獨立禪德七十 并序

立公唐山陰戴安道先生裔也世業儒早登囊序博通古今慘以國變棄家作海外遊值吾師東渡依之剃落予向在聖壽卓錫以道相親有年矣今乙巳春從予於廣壽充記侍年政七十而誕生適符二月十九老益豐鑠志與道俱進予壯之示以偈

一聲因地頂門開疑是大悲降蹟來入佛出儒方七

十毫端隻眼耀三合

示化林上座 有序

徒僧化林三山英士也戊子丁國變隱于支提壬辰秋禮于雪峰見其行履周詳機鋒迅發爲之難及子東渡乃相從遠歷名山大川于本分事有所默契癸卯秋子上觀黃檗老人以聖壽法席囑令監守今子緣屬豐國豐主請開堂而化于從心之年不憚跋涉願任巾執之勞有古人風偈以示之

威音那畔古瓊坵留待兒孫報有秋空手把鋤耕到底關黎機用越常流
示徒禪德并引

五言

聖壽金堂存一

九

人生七十則精神衰憊健公年七十有四不特向上之志不衰且能善下甘充子侍者易曰天行健君子以自強不息其公之謂乎傷以勉之

霜角雪鬢志恢諧杖側追隨可快哉須信趙州行脚事摩醯眼在頂門間

上梁

豎起撐天柱橫安法界梁山川俱綸綵邦國現禪祥鹿護傳燈益雲敷選佛場春光開祖印吾道永昌昌

卓錫

有序

豐主源大檀越開創廣壽山福聚禪寺延子卓錫

于本年正月十五日始奠梁棟閱六十日乃訖厥功其山門方丈禪堂應供堂浴室各寮舍及諸莊嚴次第俱備四方隨喜者恍疑天降地涌焉三月十五日豐主致書幣躬請進寺一望萬松與千峰合翠三門同寶構聯雲儼然一大梵刹溪感知遇之隆誠有光于法道賦此以謝

蓬萊海國老賢侯不爽當年大道謀摩詰掌中開世界遮那頂上現瓊樓閒拋日月爲毬觀震動乾坤咲點頭勘破世間三不朽漢培萬樹蔭閭浮

小方丈

有引

五言

小方丈

十

予三月十五日進山偶指方丈後曰此叢緣中宜夏亦可安禪豐主聞之輒爲建小方丈前舒曲徑磊石爲山下引瀑泉以滋道韻居民踴躍不呼自至不旬日工竣人巧神速妙奪天工凝碧堆青窈然圖畫觀者勿作境會可也因成三偈以誌

幻出一樓臺渾然天鑿開豐君大手眼斷取小蓬萊體物須宗本尋流貴得源潑開新氣象拓出古乾坤石邊雲繪影花外水生香觸目皆禪意步步大道場

題妙見權現廟

有序

足立峯乃廣壽之屏山也壁立萬仞高摩雲漢神

居其頂巖然別一洞天乙巳孟夏二日子阿法雲

雲瑞諸子登山拈香將至聞雷因成一偈下開前

人益信

神而需且明如月以臨清預卜山僧至轟轟天鼓迎

次玄周醫士韻

春風已解寒祝國築方增喜有杏林士惠詩似畫繼

開堂并引

山僧自崇福退鼓之後擬作無事道人不意省觀

旋棹緣契豐州承豐主及洞上座懇請開法四方

龍象一時駢臻不免拈出隨身竿木隨機展演勉

杖屨

即非禪師全錄卷二

七

就一律博諸子向上之基云時孟夏八日

道人法界以爲家忘卻山根與水牙栗棘年溪方結

果葛藤爛盡又開花趙王敷設法空座典化高懸毒

鼓擲大事因緣重出現單提白棒驗龍蛇

鐘樓有引

洪鐘鑄就仍建樓以嗣之仲夏望前甫告成懸鐘

其上子考之其聲鏗鏗徹九霄真叢林大器也爲

說偈曰

廣壽一聲鐘洪音徹九重含露俱醒覺敲出一輪紅

示友松子

人多愛厥質子默友其心試問心何友庭前雪許洩

五十初慶有引

乙巳五月十四日乃山僧半百之辰承源檀越

府寶眷併諸山法屬暨會下門人等各殷勤致祝

不及一一裁謝統答五偈

親恩鞠育重山丘剎髓塗肝未足酬彌月舉州稱慶

誕虛空莫掩面門羞

年及知非道無補自慚虛度好時光惟憑格外千能

衆共續曹溪一脈長

莢吐望前餘一葉蓮開夏仲碧千枝無情解記山僧

杖屨

即非禪師全錄卷二

七

誕葉葉枝枝字字詩

父母未生前一著謝君爲我選將來爐薰清供山堂

裏髮髯青蓮壁上開

虛空原是一胞胎筋斗打翻知幾回看破空王未始

劫了無八字可安排

廣壽山十六景并序

山河大地神木叢林皆恨此邇而翕張之只爲人

逐內妄境覓外塵則人雲對待倘能即境會心因

心契道當下如空中鳥跡水底月痕曾何根塵之

有哉山僧自今春車錫茲山日與山水相得之樂

亦不知其山之爲我我之爲山也坐臥之餘寫出
十六景月痕鳥蹟以導遊者返塵合覺之徑路
至於向上一著俟明眼註破

不老峰 本寺主山也不涉動靜坐靜古今峯列兒孫潮分賓主

巍巍壽算等乾坤今古具瞻海嶽尊道當德豐扶不
動青巒闢繞萬兒孫

足立峰 足臨雲頂旋日月八百年前有忠臣其忠願養數年足筋平復因是得名

了無願恨盡孤忠一片丹心捧日紅萬仞峰頭獨足
立翻身殪破太虛空

萬松軒 松竹交青峯巒拱翠豐主愛其幽深軒隱以爲駐駕之署明一著于局外時聽

法王

經年積翠瑣林嶺四座陰生六月寒山磬一聲松子
落等閒敲碎玉棋盤

十八松 屏列方丈之前驟風若滿遊梁雁益嬌若蛟龍冬夏長青貞心不改

丁固腹中無此種豐君掌上植多年春來未許驚雷
變留取空山伴鶴眠

瑞鹿居 在寺北之後因雙鹿齋得名翠竹喬松環繞左右靈芝異卉各自靜茂

當年鹿苑始開場應運重來祚國昌由是居名安瑞
鹿時時銜到百花香

看雲亭 在方丈右由小閣穿林而上山高不礙亭全易留

濟物垂慈閒出山了無蹤跡落人間多情最是亭前
月時拉清風伴往還

放生池 雙池約萬工其水自山左脈而出聚匯於此

源遠流長脈自源一泓定水湛禪心就中養就千頭
角他日期爲布雨霖

應城鐘 四山當戶樓高入雲豐城鐘聲數里晨昏考擊同時地風互答在在觀音

心空自解發圓音普應羣機不計程來去本無通塞
礙晨昏響答更分明

望海樓 在寺左幾前許從修竹徑度小橋望古松而入山環樹繞海闊天空人坐樹中

宛然

漫將折筴攬滄溟入望蓬萊一點青何處蜃樓飛到
此滿山雲氣帶龍腥

吐月嶺 每夜月滿巔口而上清光如吐遂以名嶺在不老峯側

泥牛口向嶺頭開吞卻何知吐得來一自霧山探指
後分光夜夜到樓臺

脩竹徑 山門以至望海樓沿竹數萬竿以接松徑先有淇園之趣重新舍南之風

虛心君子傳消息留待新春發鳳過有路可通香漢
表渭川千畝未爲多

白雲室 古人以雲名室示恩親也予財不爲本樂真父母歷劫不曾離

奇峰時布雨花陰秋老休傷親舍吟霜露洗清無半點一輪獨露老婆心

豐田洋二聖平晴似掌萬頃黃雲如茵天賜豐年人樂太古

綠雲萬頃是西嘯歲歲登樂有秋心地福田收不盡平生知足富無求

白鷺洲青莎紅蓼相映發勝玉點綴其中天然半幅圖畫

長鯨一吸露莎汀雪客飛來點點冰到處家山堪自通無勞相對憶金陵

大硯海在足立學後數里并漆雲作句林浪成文格外高流收歸一滴

大千爲硯海爲池倒蘸須彌筆數枝點化蛟龍昇碧

漢滿空雲雨墨淋漓

文字關空中一畫凡聖迷離透關者一任丹青獨步

向上玄關別一重縱橫是字了無文之平者也望崖

退覲破還他格外羣

東照大權現祠在瑞鹿居上豐玉重新木木本源不忘其自

重建祠堂古翠微林巒泉石轉清輝月明夜半松風起疑是將軍跨鶴歸

圓通菴六景并序

見色心先現桃花映水而紅聞聲道已彰空谷傳音以答圓通法門秘密寶藏八字打開一時分付

了也大士手眼重新點出

來薰堂法雲洞上座風機禪處也舊冬豐主重新爲駐錫之所時當盛夏獨薦南薰

疎簾曲几篆爐香兀坐渾忘夏晝長一線薰風開竹戶大千熱惱化清涼

百花叢綴紅叢綠東風裏羽信壺中別有春

飲光微笑展桃唇紅綠叢中轉法輪獨露一枝滄海外花香果熟不知春

五松丈風溪點首對戶吟風誠格外韻度也

爲問大夫誰結鄰食霜立雪愈精神竹梅以外餘雲鶴日日飛來作主賓

三家邨宛似桃源舊隱子孫世樂仙踪

是佛是仙都不識生涯一鑊微王侯三家邨裏乾坤大不博瓊堆十二樓

曹源井當時特地覓驢何似今日化泉爲雨

曹谿一滴出高原正脈初分到栗園井底鯉魚能惠世當頭一棒雨傾盆

截流橋在菴之右一箇詩定如香象一踏到底

急水灘頭打繡毬何如砥柱截狂流因茲度盡通霄客贏得嘉聲播九洲

示雲瑞徒子三十

一三三一 一三三 栗棘金圈乳樣甘一口吞歿無欠
刺須彌頂上吐優曇

示優婆塞 并序

豐州有交年九十又二名首來仙兒發心願鑲檀
佛一千六百尊與人普種佛因乙巳春將滿願送
三尊入山像高五寸許梵相莊嚴尤儀渾樸直與
鬼工爭奇見聞贊歎答示以偈
仙兒年已九十二善以雕鑲作佛事惟心成佛餘于
尊他日頂摩親受記

示筑州優婆姨

八十三老婆百里禮頭陀直指西來意江頭問達磨

贈小笠原正休居士 有引

居士年近九十雪眉童齒尚能乘騎矍鑠如壯齡
不憚山川特來參禮予甚起敬因示夙因併贈以
偈

老矣得長壽皆從戒殺來此心恒不昧鍊樹正花開

示豐田諸信士

新秋豐田翁送新米云本土三十年未曾見此成
熟蘇和尚卓錫茲地道業所感俾歲稔時豐某等
戴在耕幪也山僧曰此造化之工皆豐主仁風廣

被汝等均發善念而致是于山僧何有因示以偈
南畝禾場熟九州足歲華福田今有種永爲子孫芽

示既白禪人刺血書經

奕禪前年于黃檗刺血書金剛經今春侍予廣壽
自恣日又血書千佛名號併孟蘭盆經孝念慇懃
可謂至矣重示一偈
皮膚有血痛鍼錐圖報親恩示勇爲滿帟妝成紅錦
繡何如隻眼透牛皮

示東白禪人血書金剛經 并引

曉禪人參究行行之餘刺指血書金剛經每下筆

一點念佛一聲夜則一字一拜其用意報恩亦良
苦矣雖然以正眼觀來猶是住相法門要須跳過
金剛圈突出金剛眼庶幾無負此經不然析剎難
酬子其勗諸

虛空金剛體日月般若光霜毫未染血經卷已全彰

示清淵禪人血書普門品孟蘭盆二經

向未展卷前著得隻眼猶月隔百川光吞上象反
視此經皆成故帟否則敲門瓦子當家珍江上鎮
霞徒費力

禪不在經卷孝豈著皮膚本來真面目慎勿強糊塗

示可新禪人血書彌陀孟蘭盆一經

至圓至簡無出此經倘能向一句中嚼破和心肝
嘔出如春行大地萬紫千紅其或情見未忘一任
枝頭點淅

白帟裹春風花開筆底紅寶池八德水一滴可流通

解制有序

今夏遵依聖制安立禪期龍象駢闐鐘鼓敲唱發
揮祖道陰贊王綱一會儼然決非偶爾茲一期圓
滿庶幾不負選佛場中題目可謂盡善盡美全始
全終者矣一炷清香用酬檀德曲成兩偈以了婆

九

心

月曉做回天上夢放歸鐵馬吼秋風獨餘半幅袈裟
角舒卷還他雞足翁

十八公公展瘦眉等閒報與衲僧知九旬石女懷胎
滿昨夜雙生百歲兒

示執事九山北源納川雪濤萬木湧泉金嶺諸

長老

各具摩醯眼神光耀頂門千山無異土萬派總同源
天上步雲貴人間出世尊拈來泥彈子陶鑄鐵昆侖
示鍊橋龍舟梅嶺徹玄僧眼慧雲印心東曉月

江宜山諸執事暨香林寂照不傳越山當陽

不宣石水白室諸長老

鍊壁易扶起銀山放下難秋聲譚直指半字不相騰
蓋底滄溟小杖頭世界寬有斯殊氣繁方許話金欄

即非禪師全錄卷之二十二

門人明洞性安性節明覺明合編

詩偈

示化子初度

七旬初度日邊臨宴坐渾忘白髮侵
葵吐仲陽方二葉手栽古檜已千尋
山雲久抱從龍志澗水長懷出世心
兩兩無情能惠物道人豈肯負光陰

霽芝壽豐主

春半融和芝艸生山霽有意壽翁庚
應知鹿苑含雙秀不減龍樓簇九莖
甘露沃成邦國瑞香風遶度歲

時亭點湯會宴金仙子美勝當年碧洞美

示法雲監寺上黃藥

子承師命渴師翁樓閣重重彈指通
路轉上頭關根子頂門迸出一輪紅

乙巳除夕值宗瑞侍者生日書示

臘去留殘夢春回知幾更江山常自在
日月太忙生蠟燭黃皮膚忻煨折腳鐺
七旬明日是正好樂時亨

丙午元旦海侍者母難書示

初度三三歲辰逢第一朝春風開殿閣
玉浪奏雲韶胎裏乾坤大區中雨露饒
百川融點滴觸處長靈苗

遊增闢峒有序

山距豐府東南百六十里峰巒秀拔崖壁千尋沿
曲溪盤古徑而上龍脊峰峰迴徑折有洞曰羅漢
以五百尊者現像得名像高三尺許係元僧建順
手鑄梵容古樸闢繞佛菩薩左右有四天王衛護
儼然一會未散洞高二丈餘廣倍之洞之右又有
重岩中安千尊石地藏及十閻君洞之左復有大
洞積翠玲瓏諸峰掩映僧舍納其中後祀開山
昭覺禪師皆天然佳境東海奇觀惜乎淺僻世人
所未盡覽丙午春山僧領衆之暇特造隨喜偶題

兩偈用歲歲月從遊諸子益法雲雲瑞栗田等二十餘人也

鐵石心身數一千團圓三百有餘年時時常說無生
法何似山僧一指禪

幻示應真五百尊倦遊海藏臥山根恐教在處成狼藉喚醒寒岩一口吞

宿法性寺

好山行盡接仙橋樹籟溪聲半雜潮信宿毘耶城裏

寺夢中猶聽奏雲韶

遊彥山并序

去時闊壩百三十里有山最高其間溪流百折
疊嶂千重極頂有古廟以奉開山神異不測之神
神之子孫將千餘丁居山之半習符咒爲業一金
枝座主諱亮有者統之子遊是山時座主遣使于
五十里外相迎到即延齋嘉此勝緣留題以贈
大川雄入海人語響霄岬日簷間掛春雲衣上生
停車遶宿德延我飽香杭夏羨開山主千年道愈亨
觀瀑有引
瀑布泉在管山距豐府三十里許自懸崖瀉下望
之如玉虹垂空觸石澎湃奇趣絕塵

玉龍倒掛白雲巔時吐甘霖潤大千不憚飛流奔入
海揚清只爲浴蒼天

豐主回自燕都見訪道話

三千餘水陸歸思已忘勞馬上看山色舟中聽海濤
冷冷大士語點點小兒曹撥轉功勳旃方知出世高
遠州守初度書贈

遠州源太守間氣淑英賢未了三生約重逢二十年
政明心即佛道泰吏如仙何以申眷祝一枝華岳蓮
源太夫人送法衣

昔日寸絲都不掛今朝錦上又鋪紅裏得法身無欠

剎淨檀福德等虛空

亮有座主見謁呈偈書示

衆禪直下究根源夜半金烏出海門觀破個中無點
墨有何教外可重論

解制簡立公

跛隨憐龍放出關一軒松竹伴沽閒眠食以外無餘
事時望白雲歸舊山

送梅谷上座還山

谷項寒煙凍未開雪香幾點送春來溪山一望三千
里不是南陽喚不回

示祖禪居山

未育山時誰作祖闍黎爲我舉將來忽期踏到山窮
處百億彌盧沒點埃

恭次徑山老和尚尊韻示曇瑞上座

新羅鷄子過多時巷內闍黎猶未知若問頂門開隻
眼優曇瑞現實堪怡

晚未發禪師

自古聖賢無不灰惟於有道灰猶存何時再赴羯羅
供倒跨泥牛出海門

晚上躋和尚

七十五年結祖冤，知原是古雲門。九重城裏留難住，應現他方補處尊。

輓旗山和尚

純金鉤鍊與頑銅，迸入鉗鎚大轡中。煅鍊未成先擦手，紅爐煙冷動悲風。

輓法兄慧門和尚

坐斷無生樹，休誇不灰符。清風彌樂苑，慧月照東湖。日令降龍盆，塵埋點鐵爐。高崖留火種，格外鑄賢模。輓曉堂法姪。

知君看破吳皮囊，膿血化成乳滴香。風障不辭酬了。

了獨饒眼活耀樽桑

次吼仲見寄韻

錫卓海中洲，何如樂苑幽。浮生幾許日，一別兩三秋。憶自烹龍澗，時同話虎丘。團圓昆仲輩，遲月竹林遊。送柏岩維那上黃檗省觀。

爲觀師翁上國遊，達人謾舉過湘牛。長江一碧平如掌，好看金毛覲出毬。

心牛禪者然指

心光一點難遮益，火裏芙蓉指上開。曠劫無明卻灼破，是真精進供如來。

柏岩上座生日

三十三秋一覺長，初辰何以報爹娘。當年饋飯餒酸氣，此日化爲丹桂香。

松子省母

明朝跨馬放船時，滿路樨香送到崎。拜母爲傳山野語，老年正合念阿彌。

爲松平將監題牧牛圖

迷本以逐物隨流墮，生來往來六道中。何劫而出離先聖，設方便譬如牧牛子。初機求見跡，尋跡得牛始。狂走痛加鞭，純熟忘彼此。人牛兩俱空，空空翻到底。

玉管報春回，轉身幻化裏。和光而同塵，猶是舊行履。大匠不留蹤，說甚分皮髓。收拾一毫頭，舉世提不起。

次韻黃藥山 御賜佛舍利塔志喜

覺皇應跡際無邊，最後一機超劫前五顯。光中含日月，片牙鋒裏現金仙。育王功被東西土，翠堵波分上下天。不昧彌山親付囑，全收雙放福三千。

端午偶成

佳節值天中，吟騷弔楚翁。飄舟吞巨浪，艾虎嘯熏風。人已騎鯨去，花猶照水紅。船頭齊撥轉，片月印江空。重陽寄懷長卿石香爾潛子謙諸居士。

節值黃花候詩煩白雁題未涯歸故國且自托淡棲

倚杖豐城北停雲斷岸西千峰掛眉睫遙想費攀躋

贈林碩梧居士八十

白雪滿頭月滿襟兒安生理叟安心年踰八十貧無

詔一世清閒值萬金

贈王心采居士七十五

鐵鑄面皮金鑄骨眉毛落盡頭如雪庭前蘭桂鬪芬

芳壽君一句離言說

題松爲何一粟居士七十

長憶何恒契七旬夢裏逢新正方二日點筆寫喬松

爲記無涯壽藉觀有德客庭前孫子輩頰仰活如龍

贈林公琰居士七十

逢君方耳順不覺又稀年卻笑雲邊鶴何如地上仙

交朋推禮義教子拔英賢不羨長生術惟榮直指禪

題畫松贈林大堂居士六十

一幅千尋勢長青不老容無心沾雨露得趣臥虬龍

歲月渾如夢溪山好奇蹤描成霜雪操子結綠陰濃

呈子初度次韻題畫以示

無聲句子韻尤長崎信毫端納渺茫揮出一雙無影

樹陰留大暑清涼

示筑後州陸田奇童

靈羽纔出殼便有冲天志譬如將家種種性迴殊異

陸田主膳郎生具自然智五齡會大書七歲能飛驢

咸稱罕譬兒骨格甚標致繩武闢門牆祖業堪紹寄

不憚數百程特謁山僧至稽首具威儀面書爲委贊

我觀其鍊書眞個出人意不覺下禪牀走筆以開示

筆墨久荒疎叙叙無奇思囑汝受美祿珍重靈鷲記

丁未元旦偈

乾元啓旦麗春光煙熱御爐祝聖王髮剪頭陀明有

本身安福地樂無疆千年古樹雲中翠一鳥寒梅劫

外香五十二齡縣道力轉將陽德壽陶唐

雷洲戒子發心梓彌勒大士一生經井血背誦

持嘉其志向偈以勉之

書持功德等虛空一片霞鋪錦上紅千聖不傳一句

子聞黎試爲我流通

後堂吼弟住舍利殿

琳宮新敕建賢仲得安居守道閒無極侍師樂有餘

身輕巢樹鶴志壯化龍魚舍利衣珠映圓明耀紫虛

示雲子二十初度

青陽念有七雲子初度日童眞誓出家不覺年而立

倒跨三脚驢步起千仞級接得壽山棒自領真二十

謝逸公寫全堂祖圖

一毫頭上各翻身鏡像春容妙入神隻眼豁空今古
夢法輪從此轉微塵

平水禪德耆年

知足無求道自全金剛壽相妙難傳六旬花甲都翻
轉公裏摩尼顆顆圓

義叟宗公老居士諱日

昔者奉符出勇占萬夫雄義殲邦家效仁成汗馬功
丹心懸杲日英氣凜秋風一念回機處高超果位中

晚孤峰靈明居士

生前既愛誦觀音薦拔應須沒字經若問正文在甚
處靈明獨露一峰青

悼化林徙子

化子捨儒從釋依子於雪峰剃染服勤叅究有年
及予東渡子復徧叅吳越諸知識頗有見處金陵
士庶欲留供養子辭以化城几席非某所安必欲
登寶所見家尊乃已噫志何壯歟由是子辛丑秋
不憚萬里鯨濤攜徒從侍朝夕承事了無倦色越
數載子緣契豐君開山廣壽以崇福道場令其監

守子捨輒從重又入山侍巾執一期爲徒之道可

謂盡耳解制別去乃問曰和尚無底盞分付阿誰

予曰人人有分進云與麼則某甲領荷去也予曰

更待合國人爲子證明始得因以後堂職授之返

錫未幾又能鼎新伽藍誠不愧爲主持之任時或

寄呈偈語皆不失家法子其所得不亦至乎近擬

授子之道遲之不至豈謂幻海漚生遽然變滅嗚

呼痛哉盞破半邊矣聞子俄發背癰大如升出膿

血旬餘日總不見有瘦容亦無臭穢之氣酸痛之

聲又聞力疾開示繡素人多感激至六月初三日

即非禪師全錄卷三

十

已刻炷香未盡凭几脫去時當暑天待衲兩日顏

貌如生荷非梅檀其表金石其裏焉得超脫乃爾

足驗生平薰修之力也

放得下時轉得身縱橫何處不通津人天路上行方

便佛祖位中證本真盡道開黎今日灰暗知補處止

生辰反觀七十一年事水面瀝花鏡裏人

晚梅初薛居士

萬里家山歸未得廿年夢事向誰論無腔鉞笛希音

韻五月梅花也斷魂莫愧生前金膽喪餘餘化外赤

忠存東西水土原無異就路翻身禮世尊

紀鹿吟

法雲上座近於廣壽山之右新構小庵以安蒲團
定破之次晨爲中秋既望予同雲瑞柏岩印光慧
雲禪燈八九輩臨觀新址址之傍有鹿臥艸窩彼
此相忘俄因沙彌覺心所觸而起且行且鳴直上
小岡數十武良久乃轉入溪處因語諸子曰此係
一豐主前年所放的仙鹿也人罕得見今爲雲子所
感而出我輩遇之若有所俟豈非欲彰豐主之盛
德壽豐主之永祿也歟況此鹿苑重開一會猶在
輒成山偈以志

土

雲子構雲屋感得鹿守宿觸醒見山僧標花上林苑
回顧欲有云託爲豐主祝雙活千年恩報以萬世福
輒檀越德叟源老居士有序

小笠原祖先明德正信爲朝野所稱宏北溪源謚
啓厥後居士振繩祖武于壯齡之時所踐所言允
爲可法其於舍衛城可謂不苟處矣年踰從心無
意寓世歲丁未七月末遽示微疾掃空一榻癯然
危坐不異常時其所異者差減飲食耳月中尚辱
倦倦存問小五六中感高誼曷能以口至下月朔
遣使致問曰弟子忠真處病七十餘日雖四大相

迫而自覺身心泰然了無一毫苦惱相匪向蒙吾
師指示焉能臻此想大限變故之時亦當如是未
知別有向上工夫也無山僧答曰居士所云足徵
平日學佛之驗也只此泰然之心亘古亘今了無
變易了無限量何有向上向下之可云就此之見
亦須放下又放下可也居士聞之如釋一重須彌
山寧非有力丈夫哉嘗語左右曰久不謁廣壽和
尚可備大饅頭爲供山僧飽德無涯抑知福田有
種耳十八早病將革櫛沐更衣正念現前生死路
頭當下看破恒以手自指其心云惟廣壽和尚知

土

我後云當知法供養爲國家植福云云遂安然坐
逝噫當茲臨末梢頭十有五雙心忙意亂居士能
如是自在不變所守猶勤勤以國家法門爲念非
雲山記荊中來斷不能爾也嗟嗟哲人往矣無計
挽留至於期頤上以扶斯道下以福斯民爲可憾
耳所幸諸賢孝能繼述先志庶慰此心雲上座及
專使以遺言舉似山僧不勝悲悼愧檀度而莫報
懼德音之無聞故不敢默聊述梗槩以副其正信
併綴聲偈二首以奉輓云

那知風障病交纏看破身心愈泰然足驗平時心繫

道臨終不變蛻如蟬空拳捏住三千界彈指聲消七

二年益代助勞奚所羨芳名早已播青蓮

百年身世類浮漚感激高情水乳投摩頂未伸金色

臂謝君拈出銀錢頭推劣劫數天何樂說到輪迴地

也愁一念圓明登正覺八功德水七重樓

三年六應府中齋道愛相忘雪映梅與必登庭君下

榻果嘗親捧茗同杯恩如滄海難爲答軸展虛空一

寫哀哀失法屏推國棟願欽佛救待重來

丁未除夕次韻

屈指占癡愁明年五十三未能如濟北空自憶江南

瓶插疎香藥盤堆一色柑小師辛守歲夢裏打鄉譚

十三

戊申元旦祝聖

個裏原無始人天眼目新陽和調太簇瑞氣轉洪鈞

定起千花座高呼萬歲人時雍業至化共享太平春

咏梅次雲瑞監寺韻示之

南枝消息播初陽凍破寒煙冰曉光錢骨稜稜心似

雪半邊鼻孔許聞香

春日簡法昆仲

五雲有約來何勉瑞鹿銜花出未歸獨倚懸崖爲几

席坐看臘雪映春暉

將軍賜白金二萬兩爲本師和尚開建黃葉大

殿進偈奉賀

梵宇賜新建法光耀上都善哉阿育主希有寶頭盧

日月開聰牖江山展畫圖剎竿重豎起萬古仰宏模

黃葉大殿上梁進賀

法梁普覆億由旬一道祥光映日輪百福莊嚴三世

佛萬年瑞霽太和春大檀赤脂含黃葉老衲丹心添

絳綸悠久撐持須鍊漢世間世出化風淳

敬拈本師和尚結句爲起句輒成一偈奉答

托出博桑第一枝花敷五葉麗三祇檀林結果聲珠

警覺苑鋪紅映彩眉積翠拓開樓鳳闕高源引入化

十四

龍池形山鎮國將軍寶福彼蒼生壽帝基

謝本師老和尚賜大殿上梁偈并呈木法兄

自昔聖賢坦岸巔懸記重來五百年我師真是古黃

葉弟昆不減臨濟玄法幢鼎豎高無際鼻果橫跨廣

無邊龐眉據坐主中主移來藏海納九淵兩掌一呼

欣再見直將大法補蒼天曉夕鐘梵答山谷提醒衆

生出益纏輪奐寶坊示普眼識妙高有四禪退閑

盡得閑中趣就澗烹芽帶月煎暇能仍集笑花衆露

山一會尚依然白黑繞團如竹蔭法施平等戒赤旃

西來大意或請益默然笑指盆中蓮稽首支那尊古
佛棒點金手徧大千

本師和尚法臘七十有七前後所說語錄偈頌

卷如其數戊申孟夏以松堂新集分賜始獲
跪誦信廣長之不可及恭述一十二韻贊歎

萬一

自從錫卓壽山巔不覺違師又五年員海無垠山隔
斷別峰有路可通玄定中正擬禮尊足忽接伽陀來
日邊慈喜法躬老益健耄齡道富韻如淵由來詩瞻
大於海空卻三心含碧天衡口千偈敏風雨揮毫電

文苑

即非禪師全錄卷之二

十五

掃蛟龍繚全彰棒喝人妙會往往錯喚老婆禪足與
衆生開慧性宜留濁劫洗煩煎初吟萬壑動寒巖毛
孔軒軒一粲然利智言下獲頓契頑鈍可不加勉旃
明應載讀月生紙一字包函一朵蓮沙數香光藏不
得收歸隻眼耀三千

次韻月潭姪重登天台見懷

神州原不異台州一帶江山氣象幽幾載存中思勝
槩溪宵夢裏晤同遊時哉恰似搏雲鶴老矣渾如架
閣舟細讀奇篇猶再陟千峰翠色現眉頭

吉峰居士園中忽產菩提子狀如烏豆可串念

珠千里寄獻客伽志瑞

雖分百億身元是一能仁觀入仕林裏爲提上善人
花管含白雪果不染紅塵清淨既如此堪稱瑞世珍
示印光侍者省親

我已禁筆硯爲子開方便走筆不成章闕劣當自薦
古印無篆文按指光如電燎卻蒼眉毛印破娘生面
面孔既不全子去如何見腦後隻眼開那吒頂門現
謝雨

陰陽推縱開率土皺雙眉和氣蒸成露甘露沛及時
至誠三日福大慙九秋期頓入清涼境煙香答廣慈

文苑

即非禪師全錄卷之二

十六

初度答示緇素十首

因地逢斯日元辰自舉揚中天紅日麗古淵碧蓮香
兔角全三昧龜毛現廣長豁空壽者相沙數莫能量

其二

虛度五十三白棒當司南點出一輪月清光映萬潭
久思黃獨美愧負碧泉甘卻笑無情漢翻身入闌藍

其三

抱道古尊宿發真歸本元銜花迷舊路禮足入無門
愧我後涼德且酬曠劫恩無端被看破獻供鬧喧喧

其四

今朝逢母難寸德未能酬幾度思黃髮長時憶睦州
陽爲冥隔淚與霰爭流恩愛長宵夢天明一笑休

其五

淺掩雲扇後罷登說法臺堂前艸壓路口裏舌生苔
年越五旬歲心猶三尺孩娘生無孔鼻觸著吼如雷

其六

無情會慶祝爲子一閒吟香篆空中字松彈格外音
壽山渾色相福海照禪心圍繞金仙子梅檀無雜林

其七

桃實三千齡雙生更可人花仙如有意爲祝我元辰

別選

南華經金卷之三

七

世相邦家瑞沙門道德新善因感福果品入上方珍

其八

何事出頭強大千莫覆藏法身彌宇宙慧命等金剛
喝下風雷動棒頭日月長無生一句子爲答本爹娘

其九

是爾地寒冷毋嫌春色賒冰山回暖氣石笋自抽芽
相去半千里飛來一片霞知恩方解報足可剪袈裟

其十

奇言諸伯仲不用問如何東渡十餘載半生一刹那
山川怪眼力歲月老頭陀自分生涯拙甘心臥綠蘿

輓逸然禪德二首

厭住人間世襟手在初秋會取個中意須還逸格流
大千皆幻寄何處是君家杖頭開隻眼直指上蓮花

薦迪玄禪人

預期去日程好識來時路轉目前機青山尚如故
生佛不隔塵度人志自度劈破玄中玄雪裏梅花吐

示雲瑞徒子建廣福菴上梁二首

托出一梁橫法界撐持自有好兒孫片椽隻瓦丘山
重貴要知恩解報恩

又是日有雨

別選

南華經金卷之三

十六

曇花纔現瑞法雨便均霑異日道弘博自然福愈添

示朴禪血書金剛經

血自血兮經自經道非道也親非親渾侖一個金剛
鑽吞得方稱報德人

示碧嶂禪人

向外覓心著相求佛授破虛空是甚麼物

戊申仲秋煎錫圓通次夢堂上座志喜韻

天鼓解饒舌虛空咲展眉慶雲雨乍起法雨北相隨
跡紀千年瑞僧稱一團師開來與繼往喜有金毛兒

退閑崇福偶成

我欲忘塵世世卻不我忘寂喧無二致大地一禪林

山自留人好谿爲送客忙檀恩何以答一炷石樓香

晤新舊唐諸居士

春夏秋冬景東西南北身重將夢裏語說與箇中人
冰雪顏長在悟迷局轉新本來一著子觀破讓當仁

寄贈新豐主源檀越

家世有淵源永流出將門時豐民自化文簡望彌尊
道在無心得親安至樂存王庭騰瑞氣法海涌崑崙

答新豐主有引

豐主十月十二日入城嗣位是日行香直上廣壽

謝

即非禪師全錄卷三

十九

拜山僧像國人見其殷勤盡禮靡不欽其出忠入
孝之篤重法尊師之誠因附驥瞻禮者衆山僧聞
之不勝惶恐

豐君頂禮山僧像著地腦門光萬丈海下因稱百谷
王宜乎一國歸仁讓

天龍恭敬不爲喜歸信侯王奚足齒自愧山僧道力
微願如古德福台履

咏丈室映池千葉梅

花魁千片玉品與百花殊卻喜瑤池浴願邀海月俱
香曾聞北闕夢屢到西湖返照本來面春風咲雪顏

夜坐懷德峰居士

二界由來大旅泊何妨孤錫又飛來思君濟世情何
切老我度生念未灰坐久不知山月落更演猶聽野
猿哀當年聽馬經行處剩采黃花挹露開

莫化林子塔

泉扁獨掩冷冰冰一片婆心猶未寧弔子遠來無半
語恰如相見望州亭

次謙公韻

不知月色上高林蘸筆和君雅正吟借榻紫雲如有
意出山流水自無心井中目繫新藤鼠聽外希聞念

技

即非禪師全錄卷三

二十

佛禽莫謂退閒無客擾詩魔未去睡魔尋

簡謝五賢侯

殿下三千笏何如五老賢纔親金粟佛今現玉堂仙
道契裴公美功並楊大年丹心猶日月曷幸照枯禪

簡獨廣居士

一春今又半佳況近如何不覺別來久懷君夢易多
日登觀海關時聽樂堯歌偶爾成章句願風寄老坡

寄島田出雲守

自枉去年札跡疎道愈親乾坤皆寓舍山海獨留人
欲展搏雲翼其如老樹身懷君千里外相見在何辰

翁志鑒居士袖依禪艸見訪次韻以答

傑士遙從故國來交情愧不及春荻半生一別十餘載重晤天方得幾同趙王法壇客我頗陶公詩館待君開依禪遁世成商隱物色無由屈吏才

咏石船

爲緣超兩岸豈是盤難藏把斷龜毛纔休撐免角觸無心遊法海特地示津梁胡不騰翻去度生願未忘

廣福菴卽景

壽峰千井外大隱樂棲遲野客筇相訪山僧定出時煙描江上景潮咏畫中詩造物留心地茅菴卜夏宜

即非禪師全集卷之三

三

謝圓光院御茶

爲接上上賓分身偏刹塵趙老家風舊恩霑雨露新題大士薦顯眞日實信士

眞實爲報地心空時頂戴南無觀世音直下超三界題初祖薦正源信女

尋流已得其源西方不離東土說甚轉女成男當下超聖越祖

贈佛日慧和尚六十并序

介公之一拂清風美流萬世老人之半瓢明月獨朗大千我慧林法弟兩手把牢全身擔荷可謂家

聲不墜源委相承者也若以正眼觀來二老合掌有分茲戊申重陽前一日值周甲初度走筆記壽兼祈咲筭

近傳道況至山家耳順年臨趣轉耆頭似峨嵋秋降雪心非菊圃日開花精金出鑛難增色古璞全奇不揀取拾未忘皆戲論何如獨獻趙州茶

贈黃榮時默教授師八十

萬福堂中老比丘八旬初度值三秋霜欺白髮斑來早德喻丹桂馥未休錫杖卓開香積國益孟藏取勝神州波離面目知猶在承扇亮風壯祖猷

即非禪師全集卷之三

三

贈法兄虛白和尚繼席黃榮

自從嚼碎鐵團紅端坐重潭疊嶂中敕點神龍施法雨指呼羅漢展家風巍巍道骨摩霄峻落落襟懷徹海空最喜一燈聯大夏毫光爍五雲東

大覺禪師以詩見寄依韻賦答

開函如嗅荔枝香咀嚼佳篇滋味長況復兼貽團雪飢令人消盡幾炎涼眼空觀透微塵劫骨峻鍊成大法梁承示讀予三會錄慚惶惟恐汚君腸

贈南源弟建華藏院

盡道空王一莖艸嚼知古佛是他奴毘盧頂上安華

藏十聖三賢聽指呼

贈高泉禪師建法苑院

信手擘開獅子窩包函一切修多羅西來祖意如何
舉直指金輪壯太和

題何毓楚居士壽域

梅貪結子花先萎竹欲胎孫餘愈青看破灰生原一
致藏仁敦德有餘馨

建本師老和尚髮塔落成志喜

并序

老人法身爪髮與衣蓋錫杖之壽塔有五本山聖
壽其一也益子舊冬從廣壽退閑於此因念老人

山陰公集卷二

三

始來桑東開法之地亦予舊卓錫之所遂捐資獨
造爲邦國壽叢林福不惟令座下兒孫知淵源之
所自抑使法界衆生仰津梁之有藉也塔居本寺
法堂後高及丈頂寶珠次寶蓋復次塔身命道榮
子篆書 賜開山黃檗上隱下元本師老和尚髮
壽塔承以蓮花盤載以須彌座前長几後圍屏下
方堦上欄干皆以石爲之外繞松杉偉觀山海四
來瞻禮者咸稱弘麗俱稽首三市而去予復命曇
瑞徒子結艸菴於塔之左以任酌獻酒掃之勞雖
地連只尺其勝槩又別一圖畫山經始于戊申仲

冬落成今已酉季春擇吉進髮緇小雲集共慶法

禧乃說二偈以志

萬福無縫塔壽山觀面呈三文造不就一念自圓成
髮映摩尼潔光吞霽月明少林花再發香透九重城

其二

華髮丘山重因之憶世尊掩泥求大法豎塔報深恩
雪覆菩提樹霜銷煩惱根化成黃髮果一柱頂乾坤

先慈上生之日乃六祖涅槃之辰書懷

阿娘面目祖師心道眼圓明空古今法乳親恩酬不
盡淚痕歲歲洗春霖

山陰公集卷二

五

報資室

廣福菴六味爲
曇瑞徒子進

何以資恩有全憑三昧力一念未萌時頓超千百億

出定鐘

身心空似鐘鐘鳴猶出定是定不見定寂寂見聞性

洗盞泉

地涌一泓泉天賜供洗盞放去潤福田解盡塵勞渴

補衣石

衲破剪春雲石破如何補跣趺不盡處一任莓苔裏

三友軒

香翠結一團依然室是蘭愛君均節操留客倚闌干

觀潮坪

瓊花逐浪開眼裏添塵埃返照本來面大千一鏡亭
贈謙禪德耆年

出塵蹤跡貴同塵無愧荷囊一轉身換甲桑弧逢杪
夏爛蒸栗棘飽高寶山開分紫雙那瑞緣熟東方累
世因福海汪洋期變化好將德臘壽天人

示梅嶺禪人居山

何事柴門不浪開聰明用盡學癡猷吸乾滄海無涓
滴放出高原活水來

戊申除夕

三百六周天外天退閑猶未得閑眠鄉人訪我話鄉
曲瞬息東來十二年

元旦

自愧未能學懶殘臥雲塢裏熱梅檀年頭佛法從教
爛一個蒲團天地寬

寄答紳衿諸親知

殷勤爲報衆仙臺勿念孤棲碧水涯待得故園松竹
茂閒雲野鶴自歸來

示德政徐信士

破暗無別道貴乎自明德德明昭世間所願無不克

即非禪師全錄卷之二十三

門人明洞性安性節明覺器幢全編

詩偈

歲已酉閏十月朔

上御製舍利贊併親

灑宸翰賜黃檗開山本師和尚命和御韻恭

頌進覽

全提堅固鎮堯山宸翰輝騰霄漢間三藏珠聯黃卷
廖五雲璧合紫泥斑金鐘廣韻長申祝鍊佛忘機亦
展顏國泰時和君有道玉音宣賜老僧聞
贈法兄本和尚六十

未遑躬祝托飛翰遙寫大方壯道顏毛孔吸乾香水
海棒頭點出錢牛山一周花甲推庚長不記春秋孰
與班席繼六年昌國祚宗風從此播塵寰

題蘊謙禪德壽藏

夾老藏身處是名安樂鄉洞然無表裏原不涉陰陽
肯倚雲山紫門迎濟水長他年來入定雙桂潑天香
送悟休二禪使回唐

使乎不辱命別我返三山未卜在何日重來扣竹關
思鄉傷歲暮送子迂春還兩岸梅花馥渠儂一解顏
送默居士省親老人回唐

不盡三生話都盧一句收好山繁客夢順水送歸舟
老矣師恩重賢哉孝善優十霜今再別道悟是何秋
寄玉融諸叔姪

端坐無爲域靜思恩義途一川雲隔斷萬里月同孤
錫指東方柏杯寬西海蘆遙知八龍輩踏雪上皇都
寄補山白也禪師

憶昔同參歷年所齒牙猶帶榮根苦縱然噴作青蓮
杏明眼聞之益嘔吐何如小朗豁芝眉飛越夢河繩
祖武錢樹迸開金紫花祇林春色饒今古

閱三非禪師詩集

讀詩如對玉卽景已忘詩寫到天眞處超諸象外時
碩年想不及新學豈易知惟有徐錢眼證以道益奇
雪潭瀉春色煙岳開異姿一言描到骨劣也復何詞

驚峰禪師以詩集見寄賦答二首

墨煤雪粉任渠分惟我癡癡獨喜君真率爲人任似
鹿不羈之性散于雲山誇好友無時見蟻關如雷竟
日聞聲色收歸詩益裏世人錯喚沈休文
佳篇寸寸是珊瑚法眼看來隻字無不願披毛酬施
主豈堪握拂頻騷奴君今且守臥雲塢時至憑開鍛
祖爐十載希逢西海雁素心獨露九枝烏

示道昌劉信士

富貴在天行藏有命惟達道者能知前定
輓汝讀叔霽霽弟

世間富貴若浮雲百歲光陰猶閃電叔弟之心滄海
月捲簾夜夜頻相見感時能使春無顏冷落文章星
斗寒有志匡扶回大漢倒翻筋斗孰遮欄

德叟源老檀越大祥

天祥臨此日何以薦豐侯對衆伸驢腳爲君指路頭
橫吞八德海直上七金樓咲破閻浮夢紅輪豁頂眸
輓祇園師叔

定光堂後祖山缺手植雙樺補有餘喝石岩前公案
在重來了卻莫躊躇

輓牧野吉峰居士

佛法留心踰七旬宦情冷處便翻身身前預卜日時
去定是蓮花國裏人

新廳映水梅花

高士愛高賓留花過仲春臨池猶展鏡挂月似垂綸
顧影形爲果曉知香亦塵鼻聞原不少具眼幾何人
光巨上座告別口占送之

自咲無餘物隨機表遺情梅花香夾路送子返高城

圓通十二咏

開足峰 二峰似六為寺後屏

楊岐三腳驢化為馬足峰頂戴出世法時感紫雲龍

祝釐峰 義取連呼為寺前案

壽君有秘密不止效嵩呼一朵秀天外真堪壯帝圖

積翠林 堆青積綠因以得名

間氣山增秀青林日鎖煙只茲一片綠端可補蒼天

認性流 發源高岩引注山下

性本無形段汝們若何認入流自忘所乃悟一切性

長舌谿 遠出岩洞下連庭池

翻翻八萬偈經年詠不休西來一句子未審若何酬

蔭涼樹 合抱偃蓋垂蔭復見

濟北蔭涼樹何時移到此無為小棟梁留取撐寰宇

消災池 請前救災因以命名

清涼施一句無明熾自滅因得彈災名此池終不竭

青巖峰 疊疊池上形似更名

羸者善閉塞絲密不通風欲宜第一義獨露碧池中

建源池 重門兩沼可靈勝所

直教窮到底左右自建源更不隨流轉許伊齊入門

淨瘦寒 寒光徹底在判兩下

一而致聚鏡光明沒點埃要觀真面目急自轉身來

邀月樓 樓先得月語實標名

樓上月先登還期邀老僧有時憐月晦永夜續傳燈

老僧梅 老僧手植在方丈前

骨瘦久凌霜花分戒定香愛君高德臘日侍法中王

慈岳禪姪呈偈次韻以示

拈來無不是放下莫思惟只此詩中眼全成買老脾

才高先用拙理道不求奇慚愧風顛子難為一字師

贈天閣禪德

道在忘寬狹身安泯煖涼若非真鍊漢爭得煉金剛

目富江山麗牙粘雪繁香年垂七十五浩氣塞洪荒

贈法眷瑞跡達長老八十

人生耄耋古稀奇德臘俱高慶亦宜若使還齡同寶

掌子今正是小沙彌

簡夏志翰陳韋輝二進士

舊年騎馬去今歲跨龍回雙折蟾宮桂平分雪嶺梅

大方傳盛德千里望提孩異日登黃閣為霖徧九垓

示翠峰上座住菴

積雪連翠微山川生光輝頂門開隻眼大千獨步歸

題血書五大部經 有引

徧吉大士爲大法故不惜身命剝皮爲紙刺血爲墨析骨爲筆書寫大乘經典舉滴血與法海同盈視點畫與法界同量如是功德豈可得而思議耶黃檗惟一禪姪闕如是經募如是行于辛丑春歷指血手書華嚴八十一卷其中三十九品之次第五周四果之行布四十二位之森嚴燦然全彰計五十九萬七千三百七十七字晝書夜拜方三載而告成可謂善作佛事矣繼而書法華報恩金光明涅槃其五大部至丁未冬乃得圓滿遂捐衣益資齋僧回向用資恩有子嘉其願行說偈爲證倘因

經以明宗真是報恩者更有佛祖說不到末後一句快下一筆

三山惟一公世襲爲參戎猛性羈不得割愛學大雄天生錢漢子剖指露丹衷血書五大部溼透梵天紅佛種從緣起法不離已躬華藏涅槃海收歸一滴中摩尼映五色色相有異同光影互相入差別自圓融此經亦如是子不宰其功觀破紅白外眞實義自豐實義不可見見性等虛空了無能所見是名眞流通恩有俱已各聞見超樊籠劫石可消殞行願無始終佛祖說不到只在百花叢子能書得出千聖列下風

輓法弟龍谿禪師

欲枯苦海吸秋波撲散漚花一刹那法愛王臣心戚戚狂顛寒拾笑呵呵風生定業乘時畢一點靈光不可磨莫戀水晶宮殿好故衣留待樂山阿

輓拙道上座

誼執巾瓶久益親爲徒不讓古之人龍宮說法扶師入果位期登急轉身

次韻天柱峰

羣峰獨讓出頭先力荷乾坤總泰然變理陰陽資聖化雷轟掌上喜開天

贈獨振新比丘

竿頭進步易中難恰似撐舟上急灘勇猛直前無退轉許君坐斷潑天瀾

贈需叟禪德

南禪叟大德龍象中英靄山祿從天授道心合杳冥示石點禪者血書金剛經報親

刺血寫經又寫佛多生父母坐蓮花一毫頭上空諸相是則名爲眞出家

次答高岡忠居士

高岡忠信士行運皎於霜德盛三冬暖言非幾樹香

人遐居不遠道契意偏長分取玄沙紙聊書客大方
贈袁翁和尚

破砂盆貯南湖月揚輝豈止照閩越大地衆生燭其
光一時頓證大禪佛婆心如沸面如鏡七十餘齡尚
饒舌假使世間無知音滿口冰霜成噴血

輓范石甫

暮雪冷新香堪悲客路長大千皆逆旅何處是家鄉
夢斷華胥國猿啼午夜霜電光留不住佛日照西方
示公琰居士持咒圓滿

通身是祕密動定顯全機感應道交日圓蟾映碧絡

符忻孫子畫偈愛野禪題海澗江天迴年尊德與齊

贈南源弟四十

流年逢不惑此日值懸弧撲落月中桂義井日裏烏
輝煌昭大野璀璨馥東都一段香光美全彰不老圖
題鳳凰山七松寄陳郭林諸居士

煙雲不識眼前事木石那知身後名天惜漢冠無著
處山中留取七松榮

贈醫生

知君作用自超倫況復時逢德化淳國脈調和活手
眼杏林花發重園春

一言能愈維摩詰便是文殊不老丹教外別傳正脈
印當陽拋出與君看

贈神童

五齡能記萬言書德備功成名與俱滿紙縱橫無影
跡細看字字戲龍珠

贈別吟

鄉友松仙子追隨及數年頻乘誰念佛忘卻樂如仙
學究還丹旨囊餘賣卜錢無心歸小隱有志赴招賢
夜聽御樓鼓朝看相府蓮土因清益貴產以福爲田
幾句口頭語無非直指禪山林物色久待進莫稽延

示白靜禪人

汝師面目明如鏡頂眼未開隔萬山信腳踏翻無寸
土四思總報剎那間

示梅峰禪人

黃梅結子綠荷新正是那吒現本身彼此丈夫胡不
爾急須覩透本元辰

示禪燈禪人省親二首

燈孫回薩摩爲禮活彌陀彼岸須同到慎無阻愛河
聞彼有金甌年深解化魔中途如遇菩提返與頭陀
滿相八景

洞庭秋月

萬頃澄湖僧眼碧秋蟾獨露眼中晴岸頭邊事都看
破吟不就今畫不成

山市晴嵐

餘嵐一抹橫山根聚落迂墟接遠村樹密風遮人語
輕翠微缺處露朝暾

江天暮雪

煙鎖寒江凍不流微茫影裏泊孤舟瓊樓人慶豐年
瑞銀海三千一日收

瀟湘夜雨

通宵雨響雜琅玕疑是簫聲散遠灘破溼湘雲愁客
夢沙田木滿萬家歡

漁村夕照

業網收歸古岸頭稀林猶見數鴉投斜陽掩映舵旗
赤一刻閒消萬劫愁

遠浦歸帆

照世明珠覺得無雲帆幾片類鷗鳬春風飽載歸來
勉令我長懷五葉蘆

煙寺廻鐘

百人圖音斷續聞遙知有寺在江濱高禪爲警迷津

黑敲出君山月一輪

平沙落雁

岸浴銀沙出葦蘆羣披秋色越平湖天開一幅真文
字篆寫瀟湘八景圖

筆

毛頭吞巨海逸氣凌雲煙點開萬象眼觀破未盡先
墨

紙

翻身寶焰裏磨煉愈馨香出入混沌竅滿口嚼玄霜
文彩通身露片心潔似霜非惟模聖訓端可續聯芳

硯

體如山不動應用功無邊喻義同金石論心到聖賢
橋

截流須到底挺特駕津梁獨步雲霄外遙有龍起驤
池

經年資灌溉兼復養魚龍雖云一勺水派接五湖宗
菜

移來春不老山家祿自饒金剛好種子隨處長露苗
示緇素 四言四句共一百三十七首

話頭如劍截斷千差千差一致劍化蓮花

一爲萬宗萬惟一通一若不立萬亦奚從
珠沈濁水蓮出污泥迷爲煩惱悟卽菩提
明鏡無心萬象不斲色卽是空真不離幻
性命在身如月在壺脫體似有究竟實無
空色兩亡未亡識性不盡空理未爲究竟
狂慧多言癡禪守默離此二途還我極則
易了凡心難明差別毋住小悟當期大徹
心旣強名身亦是假證無所得解亦都捨
捨無所捨覺空空也是故衆生實無度者
法離文字方便開示百艸頭邊西來祖意

天邪

印禪錄卷之三

三

本性全真卽成智用所處常如諸法不共
性海吾鄉法界吾宇凡聖同居渾忘彼此
無相觀身如幻涉世此土他方無往不利
法與非法悉自無性無性之性性自平等
至理忘言至言無說無說無言虛空釘橛
道本無形亦自無未聞其壞安有其成
不留而照不待而鳴寒潭月影靜夜鐘聲
法逐心生心隨法變心法俱空獨超見兒
要明生死勿滯言語以解當悟未敢相許
真空不空萬變靡礙偏計色空小乘見解

一眞法界妄之所成心空法空諸妄皆眞
內心旣空外緣亦寂千變萬化不費毫力
腳下一著明如杲日十有五雙自信不及
西天梵語此上華言不消一捏左右逢源
舉措施爲全承渠力知恩報恩受用無極
攻苦食淡廢寢忘食欲證無得先斷有貪
繇林赤幟禪苑白眉打翻筋斗大法可期
傳不以言而以心受百千三昧一時成就
法無內外無求爲最求而得之已落解會
道本忘形遇緣卽現聲色堆頭識取佛面

文野

印禪錄卷之三

三

歷劫生灰盡力發揮纖毫不盡便是錢團
離意識叅絕功動會萬法縱橫初無向背
青山自在白雲卷舒塵塵旣爾法法皆如
法與理冥心與道合萬事隨緣是安樂法
雪庭未曉月暗林寒頓明眞性花開滿欄
佛牧產難未曾殺生日上月下海晏河清
楊公再世道行無虧轉化未悟同人無爲
二由一有一亦莫守篤直是繩外曲非肘
當頭一棒如日光明情雲識霧當下廓清
識得自已辨得他人纖毫不立手眼通身

清淨寶月圓滿無缺光境永忘模索不著
求之於人不若求己別無奇特放下便是
人我業識生灰根本有志丈夫一時翻轉
色非青黃聲無生滅於汝眼耳有甚交涉
離師學業切勿敢憚學廣德成如月破暗
求師受業琢玉相似不經匠手不成寶器
明鏡離垢湛水無波東平一棒打破請謁
在聖不增在凡不減不減不增證無等等
身心寂靜三昧現前若要成佛更待驢年
種種神通變化自在如鳥翔空了無挂礙

即非禪師全錄卷二十三

十四

一座纔起大地全收雲門拄杖轉見風流
巡官掌上推定不差算不到處鏡樹開花
虛空一呼萬象應諸艸木昆蟲俱證圓覺
白日雷轟虛空噴嚏百怪千妖一齊什地
卽色明心附物顯理若遇衲僧打落汝齒
漏洩混沌出入造化衲僧門下勘過了打
踏破艸鞋坐消白日一動一靜各得一樞
心無形相那有古今默然作禮山高水深
若論此事日用無別一念相應直超幾劫
萬物無常惟福可恃福爲道基集成川至

一聞舉揚卽起淺信吾知此人占佛所印
七佛行道六門放光舉足下足無非道場
呼喚不回籠罩不住爭知古佛早已過去
萬法歸一銀山鍊壁一腳踏翻大事了畢
汝能入佛不能入魔魔若來時汝將奈何
入得魔時勿順汝意若順汝意禍事禍事
心非道外行在言前若是龍驤不窺影鞭
不被法縛不求法脫了事衲僧更須一撥
文殊饒舌維摩默然門通不二猶隔三千
金軀無垢何用犀斗一齊打翻山河倒走

支那

即非禪師全錄卷二十三

十五

人人本有個個不無當下觀破了事凡夫
句要分明意須不錯格外明宗機先湊泊
佛之一字吾不喜聞凡聖一口氣字絕倫
念佛一聲罪消永劫如日破昏如湯沃雪
識得○字做得座主五千餘卷皆爲剩語
夜半正明天曉不露形諸文彩卽成染污
直哉開示了無剩語木樨花香無隱乎爾
聞所聞盡覺所覺空聲香觸法俱證圓通
如實而說如說而行向上一著不涉途程
鍊印無文印空成跡觀面全提千眼不識

佛是假名法離文字汝口若開虛空墮地
生灰無窮百年頃刻莫待頭黃一無所得
一代時教如標月指了知所標皆成故紙
誼重金蘭言投藥石末世之中百不得一
青山作主明月來賓遇緣則應了無疎親
內外無礙動靜皆空敢保此人疾證圓通
百丈懸崖獨冠羣峰惟摸手者能住其中
攝心無涯定方無差轉身一著須見作家
召不常居功難與畢世有智人一鉤七筆
寒不加絮暑不追涼敢保此人可入仙鄉

五

印非禪師全集卷之三

三

只知作福不求向上肉有千筋智無半兩
趙州布衫花泥帶水若見山僧拳喝兩嘴
坐斷兩頭退身三步猛虎來也急尋出路
舌頭捲海足下生雲六十大棒賞汝功勳
全體出現要見便見轉瞬回睛太虛閃電
推倒雪峰扶起黃檗直苦至今追悔不及
一片頑銅磨成古鏡爲甚學人不見本性
剖出微塵迥超教外別傳一句作麼生會
一定之論非達其理物有不齊道無終始
隨情逐物變化不已三變凡鳥鳳凰是矣

千將之劍只是鏡片遇火則鎔奚足欣羨
金剛智劍無壞無成不威自伏坐享太平
佛日長明春壺不老搜不肖人不知其可
口縫未開禪牀震動凄泊不來且莫說夢
磨推西北碓搗東南分明開示疑則別衆
宿植德本於法有緣花開佛國果熟人天
情生智隔形變體殊本來佛性圓同太虛
回首塵勞曲開方便隨禪起感池清月現
佛不遠人卽心而證但空其心何患不聖
大辯若訥大智如愚人得世間出世有餘

五

印非禪師全集卷之三

七

我爲法王於法自在出世入世了無掛礙
同器而食飯色有異是何因緣福業自致
衆生界中植佛種子汝卽諸佛卽佛卽汝
了無依倚能容萬物吾心常分非假他術
爲官廿年始終一節心熱若湯而冷如鐵
轉業爲福解冤作親有此德量是名智人
心若通徹其理自明如鏡現像隱顯忘情
掃卻迷雲惜取光陰尅期取證撮土成金
以心爲宗修道爲本源頭既長支流必遠
要識注翁莫錯用功拶開夢眼海日東紅

法無二相道合同途吾不汝負汝豈負吾
事勿厭繁理當自簡理事圓融不失隻眼
東方已白汝猶未醒開眼寐語牆壁解聽
古篆無文作麼生識面門一掌始知端的
父母師長如敬佛想孝爲道先惟瞻惟仰
聞聲悟道見色明心汝若不薦問取觀音
勿求陽報且行陰功一德既立百善自從
大隱城市溪居薛蘿調無生曲唱太平歌
開解脫門示正法眼臨濟白拈睦州擔版
浮雲富貴艸芬功名千載林下今遇一人

即非

即非禪師全錄

太

誠感人天信貫金石百千人中汝居第一
道光莫掩簡在宸衷且問是誰松隱老翁
獨處幽居養高泉石處世遺世人所不及
光被八表影落百川跡自不滌體亦常圓
收視自明返聽自聰一念不起萬化俱空
心如大海一切容受有此汪量法法成就

五言四句

七十二首

千聖頂額尖有個通天路口吞三世佛方許伊獨步
立地超果海彈指證無生倒騎生錢馬虛空背上行
諸法本無滅是故無所生會得無生滅日午打三更

心淨土皆淨心開花亦開彌陀不東往初祖自西來
念佛須心心念念佛不忘念頭都打斷何處不西方
法性等虛空於空無不攝猶如雲布雨點滴無差別
其性本空寂內外俱解脫見性解空人見得差別法
聖賢如電拂刹海一浮漚可咲瞿曇老無端強出頭
一真一切真一了一切了如日處虛空千差都一照
平地登天易從空放下難轉身須猛省莫作等閒看
拈來無不是放去莫生疑海濶潮來早山高日出遲
家山行不盡野寺足堪投咲破秋江夢踏翻舊路頭
大道無去來幻化有生滅白日暗昏昏夜來光皎潔

即非

即非禪師全錄

太

虛空有限量大道無滅增期作將來眼長爲照世燈
本來真面目不用更疑猜昨夜雪消去春雲補斷崖
塵勞雖暫息定力未能淡必使心路絕西來意自明
優遊華藏界出入寂滅場梅檀林裏坐時聞解脫香
山河無隔礙世界掌中觀彌勒千樓閣何須一指彈
人歸千嶂裏月上曲江頭此景難描畫披襟獨倚樓
本來無一物赫赫動乾坤無端留破蓋千古累兒孫
入水不動波入山不動塵東西無異土十萬八千程
一切金剛種收歸無盡藏好囑主人翁及時爲收放
聞黎莫匆匆消息若爲通聲前未後句迸出指彈中

茄樹探冬瓜兔口裁象牙冰河初發焰枯木再生花
燈籠與露柱相對說無生情與無情等蓮花頂上行
蒲劍伏禪龍藕絲縛猛虎魁魘與妖邪槌胸齊叫苦
拾得訪寒山撞著老豐干相呼好歸去忘卻路行難
一領破袈裟舉世提不起多年沒處尋元來在者裏
聚得活句子做得成工夫通身無向背陸地燦芙蓉
此菴亦非石借石以名菴菴空如法界萬象是同參
洗蕩入心毒消融刻骨冤冤親平等處做得佛兒孫
喫了三頓棒推開一字關腰包休放下山外更青山
半點無明火燒殘功德林利那不返照萬劫爛身心

五
五

五
五

五

業冤不蠲除因果瞭然住數里必逢橋了無迴避處
道以義相濟交以德相扶見溺而不拯枉作大丈夫
熟睡饒寐語隔壁有知音眨眼辨言句風吹過別林
午夜明星現博桑日正紅瞿曇黃老子耳瞻眼如華
開得一隻眼受得半肩衣未展風雷舌先行掣電機
手執毘盧印直透生灰關三更市上過撞倒錢圍山
獨步空劫前橫身三界外彌勒下生時共入龍華會
昔日無多子今朝縱目觀泥牛產石虎荆棘化梅檀
薛蘿無俗客榮樹有聯枝山雲與海月隨時可設施
蕉蘆實非實鏡月光虛銜般若金剛種拈來顆顆圓

水鳥念佛名喚醒本來人樂邦看不遠貴在一翻身
宗眼即教眼祖意同佛意看取一個鼻兩竅齊出氣
寒潭清徹底分明指示你中有一輪月試爲我撈起
寒時股慄慄熱時汗滴滴寒熱兩忘時卻是好消息
養生原有道身世順無常喚醒閻浮夢頓登大覺場
佛是心良導僧爲世福田檀那來下種好結千生緣
學道要勇猛如登須彌頂一氣到上頭世界眼中肯
源出崑崙北派分滄海東若達龐老漢一口吸教空
毫頭半點墨吞吐萬江山曠劫本來面試爲露一斑
掣電光不留點水性隨合身世順無常懺懺雙眼活

五
五

五
五

五

脫卻臭皮帛方知步更濶灼破黑漫漫神光從口發
突出小崑崙蓬萊稱獨尊羅刹摸不著蟪蛄一口吞
放下無一物舉起見全真無生無住著處處見全身
不見有一法滅將何處起了卻無生滅當下超生灰
截斷聖凡路踏開生灰關筋斗倒翻轉何處不家山
百年一彈指身世總無常活句重拈出懺懺解放光
毘盧印在手不面轉輪王隨方皆極樂亘古不知春
八德水最清般若樹成林老婆心徹因去伴觀世音
知識五十三普現一毫端善哉諸佛子應作如是觀
三界猶旅泊何處真吾家隨緣開作主知足樂無涯

美君遇智愚密劍鑄犁鋤知足富無極一生樂有餘
鑽破百千卷悟來一字無爲君重舉似片雪點紅爐
驅馳三十載車破亦忘牛浮渡杯還在無勞打鉢舟
齒嫩放毫光屎盆沸似湯棒頭輕一觸大地化蓮香
衆禪無別訣只要生死切異日頂門開隻眼照三世
覓巧不可得拙也自何來父母未生口逢人莫浪開
梅花瘦愈香黃獨肥爲良觀破十八界石巖始放光
磨磚爲古鏡返照本來人本人無形相方知鏡亦塵
格外通玄路忘言契本宗百城都踏徧不離妙高峰
七言四句

一超直入指彈中萬劫修行始見功撲碎雲門乾
橛龜毛拂子舞春風
既飽食味則傷食食傷犯病則無日肯將吐卻昔時
貪元氣自復無得失
一千水陸苦奔波法愛情濃喜見過聞說佛魔俱捉
敗莫來驚恐老頭陀
大千爲榻雪連天試問闍黎作麼眠此景此時如會
得徒勞費老話機先
芭蕉無耳聞雷開落花無眼隨日轉會得無情卽有
情無漏智性自圓顯

。諒鑑請敬，糊模稿原

欲留汝父父難留父子恩情一旦休歸去勸娘齊拭
淚好聽流水說因由
了歲剛逢而立年問予三後與三前山僧舌秃不能
答咲指松岡綠到天
一樹梅花劫外春不勞冰雪也精神移來燒敬峯頭
種別有清香徧剎塵
戒香馥郁氣如蘭知有天花落講壇教外別傳開隻
眼方知不被老胡瞞
是見見時非見見得休休處且休休定香塞滿三千
界慧月光吞百萬洲

舊路來也舊路去家山只在雲濺處推開木後兩重
關還我未生前一句
若肯爲人水也暖不爲火猶寒寒溫之氣消除
盡寒暑由來總不干

即非禪師全錄卷之二十四

銘 門人明洞性安性節明覺明幢全編

應城鐘銘 有序

歲次乙巳春豐州太守源忠真大檀越同法雲洞上座延山僧於本州開山山名廣壽寺名福聚寶構既成復範鉅鐘端為祝國用覺羣靈其大心功德與乾坤同悠久者矣太守請銘銘曰鐘是銅鑄饒舌指注格外知音丹霄獨步叢林禮樂衲僧軌度大振綱宗隨機頓赴聞於無聞聞性空故

聲而非聲道心獨路如是返聞功超沙數凡聖揚眉入天覺悟體靜壽山用弘福聚常轉法輪國基永固

崎陽鐘銘 并序

崎主島田源守政檀護慈昏衢之不覺警子姓之迷蒙乃捐俸範銅鐘以時考擊俾聞者從迷悟覺共證圓通政事之暇重不慈旨其設心用器可謂弘矣歲乙巳中元後六日郵書請銘為之銘曰惟我大士從聞進修一根圓證六用俱休源氏守政由聲悟性寂然忘機遇物則應應念如霆迪陽落冥時至震發百蟄咸醒以模以範方便爐鍛一音普被

如日之旦

泉福寺鐘銘 有序

筑前宗像郡距城之北越百里間有山名影向島名鐘崎原其所由昔有巨鐘沈此海濱橫機截渡不利舟楫鄉人患之合舉不起且舉必得殃知下有龍鬼司護待時而然因是不敢復動識者會議再範銅鐘建樓崎步使人時時扣擊於陰雨晦冥風潮浩蕩之際令津渡彼岸者聞聲知所趨向則不墮前轍功德之大應與鐘聲揚溢俱無盡矣乙巳仲秋朔日泉福寺寺主照空來謁銘為之銘曰

後郎之北名曰鐘崎昔有巨鐘忽沈水湄年湮月遠龍鬼護持民莫觸背況敢動移識者合議珍重臨崎再範大器聲應高師從昏暗中如母得兒默守斯要發宣以時返聞無性圓證剋期人天護福永壽贊詞

圓照寺鐘銘 有序

寺在西海道肥後州志岐縣之萬松山寬永中鈴木重成郡守承先大將軍鈞命鼎建為祝釐之所令嗣重辰復鑄銅鐘以揚正教俾黎庶有情同歸佛化倘因聲而入圓通因圓通而證滿覺則無負於斯鐘之建也寺主遠來徵銘銘曰

鈴木居士宗秀禪和鳩治巨嘴以警自他晨昏百八
破煩惱魔由聞而覺俱渡夢河苦脫六趣利及娑婆
如斯崇德證蜜波羅真實教體永劫不磨誰銘是勒
廣壽頭陀

三嶽寺鐘銘

此方教體妙在音聞所以存禪德以鐘聲轉法輪
諦聽爲佛事警悟昏衢願亦至矣己酉夏遣僧來
請銘銘曰

超出五合法音遠震爲警迷途大啓正信聲不在鐘
耳亦無聽以空爲體無扣不應度垣匪礙心圓如鏡

一切有情圓覺同證

華藏閣鐘銘 并序

高城光巨上座與大石道固信士道聚之間恒思
濟益念三途未脫苦網敞高閣以懸鉅鐘聲越遐
邇通法利冥陽高著隻眼頓登華藏玄門一歷耳根
徹證毘盧法界其功自不可思議者矣炷香請銘
爲之銘曰

實際理地廓無形名方便門中萬法交并華藏鏗鯨
體用惟貞表裏洞徹頓覺幽明道福資始金石貫誠
不壞世相爲勸斯銘

安國寺鐘銘 有序

雪上座慕叢林禮樂純銅爲鐘朝夕考擊用覺冥
陽其立願可謂弘矣懷香求銘銘曰

體佛慈悲振拔六趣運大音聲而作佛事普赴羣機
無遠不至月白霜清益神其智上窮有頂下及無際
一觸其音頓超十地新新常住恢恢法器福利人天
曷可思議

序

餘錄自序

侍者重編予詩偈雜著另梓流通與世結文字緣別名曰餘錄予怪而問之何謂餘錄對曰吾師前後著作或得於禪定之餘或得於杖屨之餘或得於應接之餘或得於鋸拂之餘茲編卷帙又得於脫略之餘味斯全旨則見於古人未說之餘以是立名耳予咲而答曰是則是矣未盡善也夫身心一如身外無餘知此則求錄之實尚不可得而況名之以餘耶侍者復進而言曰古人立言與名俱垂不朽非身心之餘

改題

即非禪師金錄卷二十四

五

歟子曰噫是何言也天地數終世界變壞聖賢載籍一切不存於言何寄於名何有雖然猶有說焉變壞之中有不變壞者存不變壞者何即當人本具一篇真文字流露充塞離文字相無起滅相在三世諸佛不見其有餘在河沙凡夫不見其欠少窮劫不盡朗然獨存子能索之於此則可以名餘錄耳侍者承命唯唯請題首簡再拜而退於是乎書

滄浪聲詩序

心源已識識浪自滅復何聲之云乎酒過而人不活不能無激于滄浪也

西春東渡南來旬日宴坐舟中滿眼滿耳以及通身毛孔皆作吼天浪語震地潮音吾實未嘗聞也非無聞也所聞恒寂能聞亦空能所雙絕而真聞獨露耳於斯時也求聲之相不可得況其名乎法弟獨知禪師跋涉汪洋放浪詩偈以滄浪之聲名其集意在言外也觀斯集者又當言外而求之人能言外求之于禪師之道與有聞矣

一滴卅序

鳩毒一滴斲人命根醍醐一滴活人性命倘遇非器而不善用縱上味亦能誤人可不慎歟高泉法姪乃

改題

即非禪師金錄卷二十四

六

黃檗慧和尚之嗣童真入道負清淨器貯曹溪一滴于妙齡之年他日需之為霖為雨益未可量也禪暇喜作詩偈不覺盈帙自鳴其集曰一滴意謂文字之於吾道猶一滴投于巨海視彼河伯自多不復知有百谷王者為何如哉辛丑夏不憚萬里鯨濤省親師翁道由崎島首謁余于聖壽山中瀾別十載相見如隔生意外道聚月餘將別去出是集請益復馬一言為證余因是而讀之顧其言澹而旨遠如激川遠逝而無怒奔之狀非涵養之功烏能至是雖未盡其餘然嘗潮一滴味具百川舌頭具眼肯必言取焉是為

序

山居合艸序

王寅春格友持廣陵伯萬石君山居合詠來余喜而讀之句含蘊碧之淵韻協五音之洞儼然一座斂石山飛來海外與五島爭奇矣非胸中洞澈筆底玲瓏焉能竝露山身谿舌不惟調高一時抑道合千古誠足傳也余出岫廿載餘因道而忘其山因詩如見其人因人而懷其義不揣管窺重校授梓未審二公與山靈宵石點否

孟蘭普度序

衆生無盡佛菩薩之弘願無窮仁人之心卽佛菩薩之心也末劫衆生可傷尤甚或夙業所感殞于天災或現業應償斃于時事或因召移缺典或乏宗嗣靡依望一滴之無從思度脫之何自凄風楚雨枉自悲號目擊耳聞重爲怛惻茲逢中元佳節乃尊者度母之辰本山特建孟蘭普度數日分道場陳年公案不得不重新提起耳益三寶爲衆生福田檀度發心非止植福藉此爲進道之資以報其多生父母也施諸有情豈但飽滿直欲度彼脫鬼倫與諸趣俱生極樂也樂國既生大地無冤愁之鬼親恩重答天下皆孝

梯之人可致風雨時若河海晏清由斯觀之則檀波峯德與弘願等無有異也茲土向稱福善之邦多駐四方賢士倘有能行難行共成勝會誠無愧于仁人君子亦知出世佛菩薩原不離于世間也壬寅孟秋朔某頭陀題

新黃檗志略序

山以人重人以道顯道藉衆傳傳道之本不可以無紀也本師老人自甲午秋東渡卽有採隱之思遙望茲山紫氣而識之第時節未彰戢影于普門者八載至辛丑冬承 國主布地遂欣然卓錫焉乃將太和

易以黃檗益取所自之名用廣新除之道無不在也于是觀光起敬聞風知慕檀施日衆建置一新佛有殿僧有堂膳有田雲水川增開堂祝聖林壑爛然生色矣噫山不遇于昔而獨遇于今非山靈有待歟余不獨爲山靈喜亦爲國家喜也國有道而道人至止禪興之兆于斯見耳 宣宗皇帝有云唐國無以爲寶惟有道之士爲鎮國寶當知王化法化與乾坤日月交相悠久癸卯中秋余入山省觀觀其山川迴環宛然圖畫殆天造地設以壯大觀信龍象之窟宅植福之勝地也老人慮後之學者不知其本手輯志略

以垂將來命予編閱因僭叙如此如其詳悉以俟大方

雲濤詩卷序

凡人之品格不同則其所行亦異是以鄉有舉里有選衷美之不足則爲歌詩以詠歎之一粟何居士素行精純操心篤慎持二十年齋力爲法門檀護此誠人中之傑也甲午秋歸命我黃檗老人而老人特見重焉今夏特入太和山省觀老人以雲濤會志喜不法兄及諸公各爲詩以贈之然詩之清新雅麗足爲居士傳神而居士品格高超遂得與詩俱垂不朽此

雲濤詩卷序

九

何啻一命之榮鄉里之重也耶予不勝贊歎爲序卷端

同聲艸序

予有寺裏青山雲外樓之句益指臥遊居也居雖小山海大觀一覽而盡得之黃檗老人曾宴息于此及余卓錫有檀越林大堂因其局布金而夏張之居成瞻雲賦詩以教其本縑素叅訪倚韻而和者不覺盈帙予命門人將鏤之梓有客進而請曰禪宗不立文字何取于聲詩而傳歟曰詩乃心之聲也因感物而著形焉形聲相感觸目無非文字所謂詩卽文字之

禪不達乎此禪與詩岐而爲二矣如悟明不二則聲和響順志同氣合可以植而爲忠爲孝爲聖爲賢此聲詩有補於世教者多矣其可不傳乎客不復語余亦默然因爲之序

老子廣齋口義序

是書傳至東國將三百載陰翼王化者多矣惜無序文不紀世次只標廣齋林某後學不知爲何許人時有洞上座者博通古今知是闡產一日謁予致問曰廣齋居士是貴族否曰先遠祖也因慮唐之一白三產兩悟分宗尋補宸翰圖像及省邑之名前後二號

老子廣齋口義序

十一

以便後之學者知予祖之生緣出處敢僭述焉祖諱希逸字肅翁號竹溪宋端平乙未會魁嘗爲玉堂文字官廣齋其書室也早年潛心此道屏去腥葷先從樂軒陳先生學次叅柔萬菴禪師澆有得于三教合一之旨爲政之暇釋三教之書皎如三光豈非世出世間之人表哉其所著有易講春秋傳楞嚴維摩註疏老莊列口義及竹溪集等書家傳流布歷今四百餘祀隨世浮沈十存四五予幼時披誦不置自學佛後無復經目不意於甲辰秋飛錫豐州寓源太守之金粟園重觀是書不勝欣慰但歲月久遠版經幾翻

字至亥未脫誤且中間入一二語不知何人增贅與
本文不相脗合甚戾當日作者之意由是仍家傳舊
本而刪正之遂捐益資付梓用廣流通庶遠祖手眼
重新老氏面目猶在或謂儒教治世釋教度世足矣
復用道教奚爲予曰當時佛教未至儒教難治而老
君乘時救世著道德經五千言授關尹子莊周繼之
始有道教之稱其所發明三皇五帝之道德其文約
而詳其理簡而至至以修身養神之方治國治家之
法天地變化之道莫不備焉史載孔子問禮於老氏
及佛教既至古道元指天竺古皇爲老氏之師然道

後漢書

即非禪師全錄卷二四

七

之原本一此而爲三互成天下之化無非欲教人克
明斯道者也唐肅宗皇帝題三教聖人贊云儒君之
師曰魯仲尼仲尼師耶龍吾不知耶師西乾善入無
爲稽首正覺吾師師由斯觀之儒釋道三教爲天
下國家相乎治化有如三光垂象闕一不可後之
子讀其書窮其義忘其言契其道自能咸造聖人不
二之域超然獨露萬象之表矣雖然正眼觀來猶是
毘盧耳邊消息頂額上一著須是過量人始得客謝
而退併識諸簡首

跋

題黃魯直居士手書道德經

學士寫經尊崇其道林君惜字兼重其人寶此遺墨
豈徒爲耳目翫哉若能親蹟明心則老子面目猶在
苟尚其蹟一雙眼睛被學士換卻了也

題嚴統後

統上綱宗聯芳佛祖嚴正法眼照耀古今直得虛空
點首萬象揚眉吾祖之功益有不可思議者矣書至
轉桑如日東明大地衆生藉是而醒覺耳幻寄逸然
禪德行深願重以法爲懷獨減衣孟之資鳩諸善信

後漢書

即非禪師全錄卷二四

十三

共肩創刷用廣流通其設心措慮與吾祖同一慈憫
可謂仁之至義之深也老人及木法兄既跋而贊之
予雖不能言烏可以無言

題松花鑑

醍醐上味爲世所珍若遇非器翻成穢物君子擇器
可不慎歟長岡大司空家有茶鑊傳自祖父流于上
古外質素樸內蘊蘭馨因以松花名之戒家人護惜
如眼中珠嗟世間美器誠爲難得長岡寶之不亦宜
乎一日崙託融公轉爲求識遂書數語以歸之乃問
融公曰渠之世器吾已知矣公之法器試舉似看公

佇立微笑予曰猶較一籌公唯唯避坐予復謂之曰
公此法器自無始劫流至于今盡未來際而不損壞
者較之世器與天地同悠久而傳自上古者不啻霄
壤矣然此法器人人本具只爲年代已久多爲遺忘
今既歷歷不昧實爲希有倘他日以裝法乳實爲幸
甚紙長併書此以示

題畫卷

明解元唐伯虎摹唐宋文物圖成此卷妙手丹青益
得意時筆也流傳數十年脫落在何一粟居士箱裏
一日特來請跋出以相示翛然靜淡神氣飛動亞然

文

即非禪師全錄

卷二四

欲語不勝清絕遂援筆題其後曰佛說三界法惟是
一心作故十界聖凡皆一心之影像然像外之像影
中之影及一切幻妄豈從外來耶但了法法惟心此
心亦如幻耳幻若不立真亦俱遣且道影像向甚處
安著者裏具一隻眼看

題畫馬

龍無常形筆可欺世驥以恒見畫者難工工其似者
人皆貴之予觀此圖臥立展轉情狀入神意非庸筆
所能殆必趙松雪學士擬向異類中行寓其逸想耳
子其珍之以俟明眼

文

紀壽文

歲重光大淵獻復月之孔日恭逢本師老和尚八秩
降生之辰壽山嗣法不肖徒如一敬焚香檀頂五百
拜奉祝以文曰天地未分道在天地天地判矣道在
聖賢聖賢出世道滿天下夫道之在天下也與天地
同一氣與今古同一時與歲月同一息與晝夜無分
限量同一機焉自覺皇應世肇啓大道之光爲九天
十地授受相承垂今七十葉以至本師老人法嗣徑
山費老祖之一燈卽同大道之一光與一氣一息一

機爲天下用至足爲天下法也天下之人有能入聖

賢之間與窮天地之根源者始可與言出世之道也

十四

茲值老人誕誕不肖雖不敏可無片言爲出世壽據
世出而論無生尚不可得豈有生之可算數無量壽
尚不可名豈可計甲子而爲慶祝然不肖之所壽老
人者異乎世之所謂壽也爲壽一燈之光先天而映
後世者也伏思老人自幼至壯之老出處參方千百
其艱難承大法出世開堂歷三十餘載七住名藍大
振黃檗宗風爲中外叢林師表荷國主賜地開山成
今東渡一系宗始座下龍象恒千指圍繞無非法子

宗孫爲一系相承於不息豈非古斷際之重來歟今者壽屆耄耋輪道貌龐然春風法身矍然乾健耳聰目明甚爲希有不肖是祝豈徒麥東海之籌誇南山之頌喻天地之高厚能且盡哉若老人者道邁今古德配聖賢壯契無生年忘逸老雖示生之可見而其所以生之不可見豈等閒春秋同日語耶且夫山之高有頂海之深有涯乾坤之固有時而弊將焉用祝烏足是擬惟最上一乘正法眼爲壽乃致其幾耳試觀乎先天地生而無始後天地老而無終萬有依爲父母四時循歷不凋此是吾老人正法之長春也與其

十五

趙州翁之柏樹子密菴祖之破砂盆無二無二分無別無斷故卽此無二無別之長春普壽人天以及未來際盡大地微塵數衆生同證本來金剛壽域同明固有元辰是不肖之至祝也作如是觀者始知我師之道一一則著著則圓圓則大大則化化則浩然如環之無端無端之理可以包天地超日月詎祇年劫之多歷已哉敢於是爲壽老人亦自破顏而默點也耳重說偈曰陽回觸動法中龍福海無邊足有容異國雙傳東日益耄齡大振少林宗頂門涌日昭沙界舌鑄藏雷徹九重正眼豁空壽者相微塵數劫一春

冬
祭文

祭考妣文

維順治歲在癸巳孟秋望日出家男某等恭就雪峰山堂設位致祭稽首拜奠先考林府君先妣方老孺人謹陳情以昭告曰嗚呼生我父母也育我父母也昇天罔極何以答劬勞也不孝之罪不容不再言之也蚤年失怙辭母出家非背恩也將期出世之道報父母也不願婚娶非絕倫也將以紹法王之覺胤也長兄獨膳非乏供也將以禪悅法味助甘旨也頂頂

十六

然臂非毀傷也效古人重法輕身易成道業也故從其大而忘其世之所謂孝也孀母欣然放之而從不孝之志也及不孝歸省未嘗不以此道喻吾母也吾母念道勤切每至忘暄涼廢寢食以克臻此道也吾父當年雖未聞道而歸今或聞之必含咲于九原也去春吾母念佛西往俱會吾父于上善之堂自無疑也不孝忍生爲法卽父母肉身常住于世爲擔荷也茲值自恣之晨敢薦露芽秋月于古雪峰頭將報親也嚴慈有霽同在寂滅光中霑法喜也海淚山毫亦不能盡述不孝風木之遐思也願雙親生生世世爲

不退轉菩提眷屬也尚饗

祭福嚴費老和尚文

歲辛丑十月六日黃檗法孫如一寓肥州聖壽山崇福禪寺爲前一日申刻郵到福嚴師翁老和尚遺囑併末後事實一封開函拜讀知師翁以是年三月廿九日未時示寂今早同大衆灑掃法堂設位掛真謹以名果之莫稽首再拜昭告于覺露曰不肖廿五年前從翁受戒廿五年後復承法誨得法源流是翁二代落髮連枝祖共師太法屬孫曹仰如奉岱計音忽聞肝膽俱碎最後純陀遠愧不逮戀慕慈恩此心未

其

其

其

艾道履德容不能復對鏡裏虛空重加綵繪翁嗣天童正傳濟派道播寰中聲馳域外棒頭日月光吞沙界喝下雷霆頓醒聾瞶世壽七旬法說十會林皆悔檀窟無異類將墜五燈不無顯晦厥集大成有光先輩化事甫周功成而退大地衆生如失覆載末後光明人天頂戴舍利金剛劫不同壞潮泣林號龍驤虎拜願度未度來而必再定起那伽神遊大塊輪雲滄桑無在不在尚饗

祭德叟老檀越文

康熙七年十月廿四日乃前散騎常侍右近衛將監

源檀越德叟老居士首七之辰本山住持嗣祖沙門某謹以瓣香旣茗致奠於台露而言曰天地之大亦歸乎極新故之恒何忻何戚人命遷謝如月晦蝕體有盈虧光無變易況我檀越德本夙植扶登利竿不忘佛教身現元勛行同知識望重日邦名垂千億百福滿前芝蘭盈鄰退自功成韜光斂跡道契三周義厚膠漆檀度丘山補報無及聊展寸忱薦以法力冀轉蓮胎度世爲急心心相照幽冥咫尺霽其鑑之

祭龍溪禪師文

法弟龍溪禪師於今歲庚戌八月廿三日償木劫示

其

其

其

寂越二七爲九月初五日計開聖壽山崇福寺同門法兄某暨徒衆等作禮設位於山堂具茗果之奠奉輓以偈併祭以文略叙其由曰嗚呼法弟博桑首枝金風頓折其枝雖萎其香愈烈塵世觀之以爲匪祥道眼照之如月盈缺請法開山堪稱僧傑續嗣砂盆極力持挈上皇問道猶梅蘼雪西江橫吞羯羅吐舌報緣會遇因該果徹警世無常示命呼吸朝聞夕可片時千劫豈比生而罔聞歟同灰滅神光微燄終古互迭萬象同辭莫竟其說於是以超情無間之道以致誠亮大寂定中必鑒予之痛切尚饗

雜著

齋單引

施與受等食與法等是法平等福無等等一飯一茶各自猛省

寒林榜

半點迷雲障盡無邊法界一輪慧月照空黑壤三途鏡中之四聖非真夢裏之六凡自開天堂地獄元無寸土福因業果結由一心苟非當下洞明依舊面前黑暗汝等佛十大地冤親各展本地風光放下孃生帶子赤脚踏翻生死海空拳打破祖師關直駕大乘

之車休跨白鶴頓入無生之國莫問楊州急切承當
幸母踉蹌過

題心光壽榮信女影

壽榮上奈氏乃法雲上座之養母也幼而穎悟好奉佛聞經典過目成誦志求出家祖母不許年十七隨祖母往神京稟戒於泉涌如周律師又謁大德妙心法性諸師問禪學年大為諸親尊志遂歸大羽氏乃別立庶房以充箕帚自築一室閒居肅成閱諸經無虛日或續一麻絲稱佛號一聲續一縷念經咒一句積若干束織成全機命工製袈裟褊衫特供有道尊

宿其餘勝事難以殫述慶安壬辰秋大限時至今左右設香案觀心念佛諸親環坐掩袖垂淚母止曰盍各收涕聞天樂聲耶復請開善長老越溪為證明曰時至矣合掌而逝春秋二十有八火化骨中綴舍利見聞無不嘆異未寂之先聞黃檗老和尚將至本國喜為雲子曰觀水須觀海法駕若至必須依止為出世舟航庶不負出家初志惜我不見有子歸依吾願足矣雲子依山僧座下發明大事皆藉人力也諒必含咲于寂光中矣戊申秋十七年忌雲子述緣起求薦乃為書

法華經

即非禪師全錄卷二十四

三

卽非禪師全錄卷之二十五

門人明洞性安性節明覺明幢全編

佛事

黃檗大和尚命蘊謙監寺齋法衣至師舉示衆云寸絲不掛人天瞻仰無門一線放開衆生成佛有分老黃檗既向普門分付新聖壽亦如雪嶠承當不敢囊藏對衆披露幸遇明眼證明直下酬恩去也諸大德委悉麼纖成古錦含春象無奈東君漏洩何

掛鐘版

前佛慧命後佛綱紀今佛出世從新提起大機大用

後記

卽非禪師全錄卷之二十五

十一

透頂透底案著磕著繩繩不已

觀音大士開光

圓機獨運徧界不藏妙用常寂諸相全彰普開甘露門戶廓示苦海津梁正與麼時如何是應機赴感一句毫頭點出千手眼一月當天印萬工

源檀越丁未二月二十二下午送大士進壽山

開光與山僧午間所夢無異亦奇哉輒成一偈開眼說夢法覺盡諸有情山僧未開口龍天已證明

爲德史源老居士起霧

生來猶夢幻恩愛兩忘情寶所好歸去翻身出化城

霧轡至山拈香偈

虛空不二門大地一匡牀不用雙殊重問答了然一默愈風光或問如何是語默外一句看山僧燒此一瓣香

進堊封壙法語

石火電光埋無常照丹心如日亘古長明恭惟源檀越德史老居士七十二年來門題忠孝室滿芝蘭功業福緣之如此自當含笑蛻去何憾哉所餘憾者三寶福田已種四弘誓願未酬大限到來擦手歸去筋斗倒翻猶可待也茲當瘞玉藏真之際安神樂土之

後記

卽非禪師全錄卷之二十五

十二

宵且作麼生是耀後光前不受埋沒一句月沈西硯

海雪覆紫金山

卓拄杖授記偈

佛國聖境隨意遨遊子孫緣遠福蔭豐州

神主安座偈

廣壽枝花芳聯萬世福聚正脈源遠流長檀越不昧霧山囑重來扶起金剛幢

爲化子入塔

雪消山露骨葉落樹歸根壁開無縫塔別自有乾坤正當怎麼時如何是合上座安身立命的句石人坐

斷鍊呢噲撥轉金烏出海門

薦亡

不見有生法滅從何處起了卻生滅心虛空無表裏
月桂京風香未已

生而不生鏡裏形滅而不滅海中月徧界明明不覆
藏薦取本來真面目

夢禪者求薦故世月庭

善人乞法薦親一法空時萬法平七十餘年如昨
夢翻身踏倒涅槃城

爲求薦拔語無多一念回光出愛河直指亡窮歸去
也無生國裏禮彌陀

三

三

三

閻浮一別幾春秋山自空兮水自流直指歸元無別
路無生國裏任遨遊

十九年來夢已醒時無復戀人間踏翻生死兩條
路佛國天堂到處安

長江月落室燈存善施門開見世尊老叟灰心行活
路金簾背負鏡崑崙

度人自度兩無難生死岸頭急轉凡十七年來猶一
夢欠伸推倒倚天岩

薦周鐵禪德遠忌

吐珠還爾爲傷蚌不覺寒蟾暗後夏血沼化成八德
水惟心淨土了無生

薦心德院天融大師

雙親已度孝心存法雨爲君洗淚痕生死涅槃俱夢
幻翻身推倒鏡崑崙

覺爾謝世歸何處諸行無常自在觀會得頭陀無網
語樂邦只在一毫端

次從何去生何來把得住今放得開隨處逢緣能作
主任從高步上蓮臺

道無內外與中間妙在回光照本顏直下鬻髻開活
眼翻身踏破鏡圓山

一別人間廿五年爲君直指未生前回頭屋老春長
在信腳踏翻九品蓮

四

四

四

坐斷生死兩條路踏翻名利大夢場轉身便是極樂
國無須更戀舊家鄉

拔卻杏桃栽栗棘不玩其華食其實機前末後句無
多石火電光構不及

雨霽雲收山嶽露本來面目甚分明一毫頭上翻身
轉天上人間利有情

喝下鐵圈丁倒走閻羅鼻孔如雷吼驚得上善住西
方不用將身藏北斗

杖頭點醒三春夢覺岸初登一刹那不用別尋龍女
單隨方頂禮活彌陀

江東孝子薦親嫌直下分明爲舉揚五十年來春夢
曉一輪紅日出西方
煩惱菩提如夢幻涅槃生滅等空花空花夢幻都拋
卻午夜天開露月華
不生而生鏡裏形滅而不滅水中月識得自性天良
佛大地山河一片雪
路斷或生舊路頭參差不用更思愁牧童月下笛三
弄石女夢回雪滿樓
身如明月蘼波心一片禪心石共貞脫體迥超生外
外蓮花國裏任縱橫

五

浮生大夢誰爲覺虛妄幻耀孰是真般若光中舒隻
眼金剛智性常圓明
無量壽佛放光明照徹恒沙億萬程返照一心無別
法蓮花國裏任縱橫
說是謗也默是誑離卻語默何近傍翁翁慎勿實諸
無木底有天含萬像
福海無非大法海壽山原是大道山祝禪有願重來
切法海道山任往還
纏綿夢河登覺岸未明一念爲雙觀千念請我重宣
偏直指無生向上程

苦海踏翻趨覺岸大圓鏡裏好安身蓮華九品從君
話一會堪稱上善人
細林苑裏究根源枝葉無非解脫門踢脫悟迷無刺
跡有何生滅可重論
豁開夢眼望無涯午夜鐘殘月未斜漁父不知何處
去扁舟依舊宿蘆花
花果將馨風頓滅蚌珠不吐傷俱失夙因已了證無
生直指歸源完合璧
般若智超男女相本來面目已全彰喚醒芳魂歸去
也縱橫何處不西方

六

而今不作巫山夢直下頓登大覺場諸上善人俱一
處實地風送碧蓮香
知恩方解報親恩點醒泥牛出海門地獄天堂都踏
破十方凡聖一齊吞
昨夜松梢新月懸半邊鼻孔未生前打翻三十三年
夢立地頓登兜率天
孝德羨君全始終無勞揮淚染春風婆心一點明如
鏡返照涅槃當下空
心如鏡石盡丹衷生滅陰魔直下空一拶鐵圍山粉
碎西方日出滿天紅

遺囑語

數角驕驕不著鞭倒騎直上三禪天翻身踏轉西江月照徹威音夏那邊
梅落花殘重結果猶如轉聖已超凡無生曲子解拈出不用提胸哭峭岩
去來無跡住無蹤一性如來體自同染淨二邊俱不涉天堂地獄一齊空

生次如日必有暮運逢法雨花方吐惺惺寂滅以為樂立地頓超于佛數

薦覺海溺亡

踏翻苦海高登覺岸一念回光諸佛贊歎

收師

即非禪師全錄卷二五

七

遊省卿孝子求薦考妣昆仲

罔極恩難答中元附薦超鶴鵲義自重津筏德偏饒福果檀林結罪花秋葉凋歸元無別路佛國任逍遙

薦一水劉居士

人間一別十三年早已超登第四禪此日譚晨重薦拔百花叢裏燦青蓮

吉兵衛信士求薦故考淨雪公

謝世十三年何似未生前而今在甚處一朵雪中蓮

小金十片命監寺辦齋供佛伽藍及檀越大眾囑囑

火化偈

我若火化如空合空真空不空青山依舊白雲中

別眾偈

生如是死如是坐斷生死開觸破沒巴鼻喝一喝

收師

即非禪師全錄卷二五

八

吉凶禮同僧俗事別吾雖謝世當在寂滅光中垂手汝等遵吾訓行吾言便是吾常住世間也成服不必著麻戴白悲號哭泣效舉世禮有違古訓亦不必效應院念經拜懺擇地造塔此等虛文一齊掃斷違者非吾弟子亦非吾眷屬至囑至囑

入籠之後俟大瞞擡上東山三四火化秉炬不敢勞尊宿命雲子舉火火後收骨灰調麪施魚毋得存留至囑再囑

山僧所居方丈衣盂之外了無餘蓄緇素咸知只剩

壽山本師即和尚末後事實

是歲春二月中和尚再示微恙告曇瑞曰此番不起之病勿以世情逼我三月初舊唐檀越來勸藥餌師從容謝而卻之初十日少有起色十四日洞來省親禮拜曰泰喜和尚法體萬福師莞爾賜坐啜茶四月朔為豐州太夫人題藕絲織彌陀像贊初七日黃檗專使齊師翁老和尚書至師焚香頂戴曰恩大難酬翌早赴大殿燒香浴佛不異平時十五日答獨照圓禪師通法屬書并復諸師啓頃因洪居士船帶南湖衰和尚所送語錄來師書一偈於扇以謝時者瘦色

九

日加食飲弗進然且攜杖上山菴或到臥遊居猶不甚見有羸弱之容五月朔末次居士來候師謝其多年為法金湯暨令堂信心供養為三嶺長老題臨濟祖像贊為翠峰光巨題自贊其餘題贊二十有餘幅外有示曇瑞最後法語初二日高城光巨來省尋而圓通翠峰亦至初六日親書遺囑并規條六則永鎮山門初七日豐州太夫人差小沙彌北垣拜候師為摩頂授記勉問寢椅背坐適翠峰入師問曰正當恁麼時如何答曰脫體現成師曰萬里不掛片雲青天也須喫棒汝又作麼生峰便喝師曰再道看峰連喝

兩喝師曰胡喝亂喝作什麼峰禮拜曰謝師褒贊次日問光巨曰正當恁麼時如何是汝受用一句答曰八角磨盤空裏走師曰再道看巨便喝師曰一喝兩喝後又作麼生巨禮拜而退初十日命知客喚翠峰光巨二人入室以法語并拂子相囑居山長養勿輕泄也峰接拂子曰當爐不避火冷地裏燎卻佛祖面門去也光巨提起拂子曰等閒提起大地發光明師曰一齊為你證明了也二人同禮拜退次為長福院題自贊十四日師五十六歲降誕之辰兩寺法眷本山檀越及諸方縑素預約前後數日設齋慶祝師起

史事

十

坐酬謝一一若常毓楚何居士進祝曰今年最祝今朝誕直指須彌作壽筵師曰善哉供養轉壽居士曰弟子久霑甘露惜乎未得親切一番師曰早已與居士親切了也士禮謝而出林道榮曰恭惟和尚福壽無疆師曰出乎爾者反乎爾榮禮拜曰謝和尚慈庇師曰喫齋去十五廬高木居士至師謝其年來衛護示以不退心要時四方道俗問安者或差使或自繭足絡繹于道十七早謂曇瑞曰山僧行期在邇造個不斷的龕子來眾謂和尚精神尚健何急乎是瑞曰尊誕已度三朝請問如何是法壽金剛句師登三

指示之瑞曰莫是前三三後三三麼師曰時節若至其理自彰十九日筆火化得裁謝豐主暨諸州宰官居士遺帖次問柏巖曰樹凋葉落時如何答曰花燦不萌枝師良久柏問如何是和尚未後句師豎拳頭柏曰只這是夏別有麼師與一掌柏曰此恩難忘二十日天將明雲瑞柏巖翠峰光巨洞等及印光梅嶺各侍單前師顧謂曰汝等今日都不要離者裏瑞問如何是今日事師曰日輪正當午比已時問瑞曰龜已成否瑞便進筆曰與某甲寫個封龜字師大書壽字左右乞遺偈師曰我若無偈終不得外乎衆愈

士

請不已師乃揮筆曰生如是死如是坐斷生死開觸破沒巴鼻喝一喝置筆命點茶來茶罷自劈開胸曰快活快活瑞曰好個快活和尚洞曰一生敗闕今日全彰師微笑曰天已午否左右曰未也師且就寢正午令曇柏扶起跌坐香半炷間泊然而逝前一夕大風拔樹雷雨動山是日清霽天氣甚熱師顏貌如生及翌午鎖龕手尚柔軟頂有暖氣合嶠緇白蟻聚雲趨悲泣頂禮以俟闍維惟恐執紼之後火餘頂骨不壞收五色舍利無算煙光所到衆衆然如綴珠見於舟木之上以至四衆爭奪灰土俱盡瑞等不忍遵其

遺命竟奉露骨與舍利貯于審餅以圖建塔於兩壽之山瘞焉於戰師平生以大法爲已任雖至疾之危鉗鎚學徒不敢少懈其間答勘語悉詳載于別錄中茲畧其細而紀其大槩云

廣壽嗣法門人明洞稽顙百拜敬述

主

壽師非和尚行業記

師諱如一號即非福州福清人俗姓林宋寶漢開學士虞齋先生之後也父英母方氏勉禪觀音大士而娠夢大士授白蓮花一枝覺而生焉甫七齡舅氏使習孝經及詩論輒能誦略通大義十三而孤事母孝謹北海大姓陳君奇之招配以女弗從閉戶讀書一日觀演目連傳奇有感嘆曰立身揚名特世間孝耳曷若出世法徧資恩有乎乃蘊志緇褐母曉而難之以故不敢啓口旦夕同母茹蔬而不入陳氏門其女因抱病而卒萬曆庚午師年十五聞密雲太翁和尚

柄法黃檗特往瞻禮始知有宗門事又從細母舅讀老莊潛心釋典十七歲出家時至跪請于母母察其堅志聽投本縣龍山寺西來瀨公爲弟子受經業以明年佛生日剃髮是冬曾大父費老和尚繼主黃檗從受沙彌十戒二十歲登壇受具後二年師翁隱元和尚接席趨之圓菩薩大戒期滿復嘆曰羽翼成矣不怒何以搏九萬之風乎便誓學秦禪欲杖策江外以母老不能遠離乃隨落髮師于奎山染指教業二一年一夜復嘆曰古人說法感天雨花尚未脫生死何況區區於空言耶棄之游方首抵長慶禮石雨禪師

。諒鑑請敬，糊模稿原

扣入路之要兩示以狗子無佛性話退疑是甚麼道理單單推究三七日夜目不交睫心膺發痛然無所入質諸補山和尚蒙啓激曰茫無所入正好入處何不向趙州未嗣已前猛著精彩由是進得一步昏散稍退話頭不舉自提拍盲中挨過九夏未見創斷別黎朝宗和尚于靈石萬如老人于曹山再參未覺大師于石鼓旦信禪師于羅山所至請益每有省發但未經本色鉗鎚乃菴于一山中一味坐在純清絕點地自謂得歡喜處卻被靜定魔所攝少遇喧擾境界依舊熱惱復慨然出山會有耆舊與師同邑諭之曰

賢兄今去欲依止誰若是孤燈自照的禪諸方或有之苟要開大機豁大用須參運祖始得於是奮發回黃檗入門便問如何得大徹大悟去師翁與一棒師曰看破了也翁曰看破個甚麼師曰現成公案翁噓一噓師便禮退歸堂隨眾竟勤僅八踰月方得動靜一如喧寂一致時同廓堂也懶時學良冶中柱虛白諸師結頌古社社侶三十餘人一期得頌古三十六首混呈方丈均點無遺師翁復批曰汝雖因言會宗未透離言之旨東山所謂頌也頌得只是未在師把其稿火之冬制命掌記室二年典賓寮六朔補侍者

半載充持益一期復書記一白戊子冬轉維那是時
在會龍象各司樵爨爲道攻苦師彌切激勵身不倒
單者三年一夕因甚起行廊廡間曳履而蹶忽然夢
想頓破動靜兩忘翌早趨室翁纔見曰住住我早識
得你師喝一喝拂袖而出時鄭尚書陳泰藩夏孝廉
諸居士入山設齋至禪堂尚書問師曰日間工夫如
何師曰行住坐臥又問此外還有工夫也無曰有曰
作麼生師曰今日對居士說話又問如何是善逝世
間解師曰待海水逆流向居士道尚書揖謝一日師
過客堂看單堂主良清公問曰客來須看賊來須打

文

口

十五

只如客賊俱來時如何師獨胸把住曰賊賊清曰作
家作家師送開曰再犯不容當時拈頰機緣如建瓴
之水莫能禦也緇素咸服師亦自負其氣惟師翁猶
未肯曰譬如獅子兒未脫胎尚欠奮迅三昧耳值臘
月三十日寺後山林發火烈焰滔天師同數百衆上
山救焚倏然逆風返焰舞馬一逐路頭打斷遂拌命
跳落坑莽中和個身心器界化爲一團活火頭面手
足傷損不知時有同行智圓惟生躡後急呼推出豁
然大悟方知絕後再蘇歎君不得之語直上方丈師
翁迎咲曰且喜汝大灰活來自此慶快平生不啻如

雨後明月特地清涼也上元前五日侍丈室式師翁
舉臨濟三玄三要曰汝試領看師銜口而應曰打頭
玄關截斷要路一句齊攷入天罔措休罔措朕兆未
彰全體露翁曰狗子佛性無聲師曰狗子佛性無黃
金捺滿途寧知康義者不作守錢奴翁曰今日瞞汝
不得師曰某甲不敢自瞞翁曰卻是汝瞞我師作禮
而退解制翁付以拂子師接得豎起曰借此威光指
揮凡聖號令人天去也再拜而出尋移錫雪峰寺主
化門公延居方丈師謂古人有言大事已明如喪考
妣我何人斯敢以師位自處哉從是愈自昭昧時順

文

口

十六

治辛卯師年三十六歲也次年秋聞師翁重慈特回
省覲得擢座元秉拂陞座期畢又返雪峰甲午夏師
翁應本朝請是冬復馳書聘師東渡師修啓辭免催
書重至乃畱別檀越法眷及叔弟姪啓行至寧德縣
值途路荆寒獲龍華無得和尚指住福安琅泉寺俾
監院見性公暨行者方親數人前引護送乘風而行
入林莽間迷失道路倒躡懸崖下臨無地同行相對
躊躇忽有人撐竹筏至問其所從來曰偶渡前峰採
藥聞上人呼我故來相迎登山靈預告耳既渡又沿
崖壁行數里始達通途次日至大谿謁籍輝元謝景

初檀越接住瑣泉數月往福寧候船遇良哉無上二
公承師翁和尚召書急擬航海不克同明玄亦空化
林徽休若乙等諸子二十餘人就邑之靈峰寺坐夏
會紫薇花越十年方開牡丹六月再發榴花八月重
敷寺主克敬同諸子請曰三芳再花播德之兆不可
無記因說偈曰野衲無心到此三芳有意重開神木
皆存佛性汝曹不用疑猜解夏爲有司阻船乃有一
遭三吳之思自東甌徑遊雁蕩上天台登雪竇造大
梅謁天童循於稽山鏡水淩西陵自武林步陟靈隱
禮三天竺南經淨慈瞻金粟轉閱雙徑資福益折由

歷晦堂浮于太湖過虎丘搜覽西園靈巖萬峰之陳
跡下舟洞庭出京口眺金山抵金陵而宿棲霞見知
識三十三員居士宰官莫知其數末後問徑山老和
尚自江北回廬山維摩再返姑蘇省親老和尚喜曰
遠涉不易命坐賜茶茶罷呈偈曰萬里南來謁祖翁
半腔熱血醉薰風滿懷家話難宣說盡付維摩一默
中老和尚復問曰善財參德雲比丘七日不見爲甚
向別峰相見師曰踏翻滄海日涌出碧峰頭老和尚
鑽之留度夏一日點名磨麤以師遠客而免師自出
曰無位真人來也老和尚指旋磨曰與你位次師曰

安作不著仲秋將別令呈頌古并桑拂提唱闕畢喚
進方丈囑曰汝語甚有生機活路他日話大行不必
東往我有檀越請主名席今讓汝住之可乎師謝曰
承大恩敢不遵命已允轉桑之請加以師命義不容
辭老和尚知其勢不可沮乃示偈曰汝自閩南省親
來語言對我亦恢諧隨身七事臨時用濟道從教不
冷灰又書獅子吼三大字授之師禮辭南還計程往
返將萬里途行及半避大兵下閩涉艱履險回溫州
踰歲于永嘉密印寺丁酉春正月粟日逢蘇洪二居
士承王檀越命游迎東渡至瑞安宿林廷卿家便路

訪林集侯公子公子于雞鳴時夢草賦戎妝威嚴而
告曰肉身大士來也公子驚醒對家人曰今日必有
異人來當灑掃以候有頃師至公子倒屣出迎舉家
延禮留齋數日別至沙關寓惟白長老與德菴二
初六早有王船主維陽者設齋請發舟遂拉疊瑞等
乘風而東不旬日登岸是日王心渠何毓楚林大堂
魏之瑛諸檀越奉 上意請住聖壽山崇福寺即欲
上京觀師翁緣水陸遙隔又限以國約姑止時木菴
和尚董分紫每相遇嚙齋送寒喜可知矣本朝萬治
戊戌冬十月王何林魏諸公請師開堂拈香酬法當

道臨席敲唱肅然辛丑秋唐舶至得鄉省諸紳居士併諸叔弟姪司理孝廉文學等書啓請回雪峰師客以未覲本師未敢言旋癸卯秋八月始得赴洛路經豐州館于開善寺豐主源公出接師曰靈山話頭還記得麼公微笑師曰一念圓明無古今公曰秋夜長江雲自淨滿天明月印波心師曰且喜不忘付囑公禮拜設伊蒲供盡敬而別月末到太和師翁大喜命居竹林精舍內外學子參謁者戶屢常滿是冬師翁新創黃檗結制命師同本和尚首衆于兩堂甲辰春無心獨航諸公倡請觀光洛上名利所至畱題莫

九

不膾炙人口秋九月初辭祖下崎擬謝崇福回唐重陽後舟次豐州界豐主遣洞及開善長老月叟出迎駐錫于金粟園豐主問候特加殊禮先數日豐大夫入那須氏夢一應真坐寶華座手捧雙日於扇上耀而異之亦不告人及師至夫人來禮見師坐視牀畔握圓扇其與夢符喜感不勝歸告豐主主曰有是說客秋我始面師恍若舊識聞其舉靈山話頭不覺唯唯今法師既降而符子之夢夫豈偶然實是天佛日並照之兆矣時不可後乃擇基于東山 東照大現之祠前開建蘭若延師開宗臘初洞

。諒鑑請敬，糊模稿原

中而陳其事因榜山曰廣壽寺曰福聚時有雙鹿至逢人不驚呦呦相呼若素所馴養者豐主合掌曰師言曾聞佛光禪師始創圓覺感白鹿臨筵今當師立廣壽之榜而復見瑞得非聖聖同揆之應耶師曰是檀越至誠所感明年春三月略竣厥工豐主具疏幣躬請進山四月祝國開堂凡叢林所宜有而規矩所可法者悉舉行之時湖海碩德顯密諸師及名公鉅儒咸嚮風歸化如水赴壑居三年學衆益盛堂宇無以容道俗歡呼曰古佛出現師早有厭繁之意方丁未休夏豐主就萬松軒請茶師示以末上頽脫一書

三

而說及退閒衆皆莫測其然爲豐主強留而止入冬豐主病矣既大漸安然曰惟廣壽和尚知我乃顧命嗣主以力護法門爲我報師之德及豐主薨師爲盡灰生之義畱一年嗣主亦善繼述先志明年秋七月大旱師謂曰林下道人安可坐視民物于塗炭耶登殿祝香甘雨應時滂沱三日州郡靡不感嘆月杪獨退鼓赴崎合府哀慟弗盡至于郡民遠送涕泣已而所過之地黑白瞻拜者如雲中有衆學之徒若筑之聖福承天肥之國通高城育王諸長老各率衆僧踰數十里延接或適午而餽或先曉而館互相競請師

笑而謝之及抵諫陽崎人聞師之來奔迎擁轎如載
怙恃王何林魏諸公接入崇福自時厥後不聚眾不
上堂有長福院道壽等請結冬願充浴主師堅拒不
允尚有遐邇衲子追至者不能悉拒則接之不倦初
師翁和尚入國崎俗多發正信自師之再住崇福雖
販夫閭童亦能隨喜禪誦齋戒放生至有漁者斷網
屠者毀刀益多化於自善矣庚戌秋師示微恙抵冬
而愈明年春仲再發謂諸徒曰予病不復起矣勿以
世情逼我有諸檀越來勸藥劑皆謝而遣之彌月減
食瘦色稍加然日上山菴或到臥雲居繼目海山道

遙于形骸之外有求法語題贊者輒走筆不報五月
初六日書遺囑略曰吉凶禮同僧俗事別吾雖謝世
常在寂滅光中垂手汝等遵吾訓行吾言便是吾常
在世間也著麻戴白悲號哭泣効聲世禮有違古訓
念經拜懺擇地造塔此等虛文一齊掃斷違者非吾
弟子亦非吾眷屬入龕之後俟天晴擡上東山西向
火化收骨灰調麴施魚毋得存留至囑再囑本月十
四日值師誕辰桑華諸檀越及諸法眷約前後數日
設齋慶祝師爲起坐相對曰轉與汝壽或引永山先
祭因緣而謝之又有羣方善信徒侶問安香至者一

一應酬不異平時十七早謂曇瑞曰行期在邇造個
不斷的龕子來衆謂和尚精神尚強何遽出此言瑞
曰尊誕已度三日請問如何法壽金剛句師豎三指
示之瑞曰莫是前三三後三三麼師曰時節若至其
理自彰後二日自筆火化偈又書遺帖訣謝豐王暨
諸州宰官居士等二十日黎明洞與諸仲昆環榻而
坐師顧謂曰汝等今日不要離者裏瑞問今日事作
麼生師曰日輪正當午徐而問曰龕已成否瑞乃進
筆求封龕字師大書一壽字左右驚泣乞遺偈師曰
若無偈不得灰乎衆切請不已乃揮筆曰生如是灰

如是坐斷生灰開觸破沒巴鼻囑一囑置筆啜茶自
開胸曰快活快活又曰天已午否左右曰未也尋就
寢正午令瑞等掖起跌坐香半炷間泊然而逝前一
夕大風拔樹雷雨交作斯日清霽天氣甚熱師顏貌
如生及翌午鎖龕手足和柔頂有暖氣合崎繡白含
悲而至頂其手禮其足舉聲號哭不能引去溢門與
衝以俟華龕茶毘次白光上騰化五色焰火後頂骨
不壞多收五彩舍利當煙氣所觸樹木之上皆紫紫
如貫珠四輩爭取至淘土汰灰而獲者亦不可勝數
羣弟子不忍守其治命竟奉遺骸塔于廣壽舍利塔

于崇福更有粘綴于齒牙者又塔于黃檗之瑞光師
生于大明萬曆丙辰五月十四日申時寂于本朝康
熙辛亥五月二十日午時闕世五十有六坐四十夏
同門江湖及遠近薦紳居士聞者哀悼不置換輓傷
祭文或躬走或遣使逐日致奠至卒哭而止先是師
在廣壽見水頭遠運并偶於丈室後舉指曰此處有
水則可俄有泉涌出色白而甘鑿而斲之匏杓可汲
名曰直指屬者泉水乾竭狐鹿號鳴沿蓮枯卷松柏
皆凋又有白氣籠山紫雲上益方丈一衆疑而且懷
既而計至知示化之日正山中見異之日也又崇福

支解

即非禪師全錄卷二五

三

有泉常流于崖石間一時同潤及其冬再流考之則
與瑞光塔動土同時日矣聞見咸嘆曰何至德之感
物如此其奇也師爲人莊懇進止有常度自荷良苦
祕重法道在衆曰儻嘗百苦無以爲喻逮記別後埋
蹤雪窟蓬頭垢面自以頭陀稱其發自靈峰迄于維
摩密印壞衲敝履徒行無從屢投山寺名利不敢通
名字嘗坐卑溼于南湖擁穿席于堯山或解包山門
或憩錫古廟風食露宿冒暑衝寒具憂有不可言者
師處之泰然在處住持不事寮室一榻凝塵若經遊
旅竊窺見其斂容端坐展對經錄宛與佛祖親伍每

閱簡編中有言行可以誘人者莫不踴躍稱嘆或聞
人善喜溢眉宇或有揚諸方僧行之不軌者輒爾動
顏人詰之則曰吾曹已負主法名不能以道德感彼
奚卻罪彼之非爲哉多有聞斯語而正心術者也其
仁慈孝友行義尚節益出於天性非一二說焉初行
卿八年中途遇叔父說母氏有病即歸寧母見喜泣
曰願子作日度我當如目健連師曰兒雖不肖敢不
尅志母曰孺願足矣且以塵中不可處別借一寺近
舍而便於奉養寺僧有難色師賦白雲吟以似之曰
真怪寒雲懶度關爲溫親舍倦飛還新春自去爲霖

支解

即非禪師全錄卷二五

三

雨不待天風送出山僧乃悔謝於是度歲奉母勸淨
業戊子春義兵困城母老病將歿師時掌記藥山不
避劒戟直抵親舍禱佛天剴割而療立瘳諸紳士議
行旌舉師極辭曰我佛有言善男女於一劫每日三
時割自身肉以養父母而未能報其一日之恩況我
此身從父母生合從父母捨即捨于百身供養亦本
分事其可因此以爲名耶方外諸交若乾菴陳公等
三十餘位皆感嘆贈以詩卷謝之還山其記室俄產
靈芝大如盆瞻後堂見而賀曰是公孝念所感異曰
道必顯著漳南道周經由福清爲篇序以稱美之越

四年母壽八十無疾而終復往哭靈追嚴冥福尋葬于北門石井山其營葬之費俱出自衣盂資不煩諸戚其爲人子之道可謂至矣師事師翁和尚極盡其誠雖出世領衆尚披侍若執巾盂之日其索居也逐時涼燠無不修敬或師厚于禮以爲眩異則未嘗辨之曰惟我自信而已以崇福乃師翁演法道場躬自役作營建壽塔于中央結菴一區諫之本所先而示所後焉當疾之時蒙師翁專使以書慰問師焚香拜閱親作嗣音再捧墨寶顧左右曰健哉老晚古佛之壽可卜矣今耄齡鄉邇我雖不與筵不可不先祝

文

三

五

遂述壽文并偈其推崇師法于終始雖古人何以踰之其事西來瀨公惟恐有悌其意暨沒盡禮執喪躬負靈骨塔于斂石山隨置土田以充香燈後爲無賴者所侵奪師復變衣孟百計贖歸以全千載不墜之業平居自奉清約臨衆甚寬雖一茶果必問大衆有廢否則不自御凡檀信贖饋不能都則負愧而受之曰此是前緣所致於我何有悉皆隨手分施或給貧寒或傳放生或爲病徒辨醫藥或助亡者之喪餼辛卯春崎嶇遭變攸之變師命知事作饌粥濟衆前後退院杖拂之外寸無所攜雖輕書畫之類盡散于

所在人至無崇卑長幼一以誠待常曰佛視一切如一子我視一切如一佛故有策驚者一瞻德容不覺心醉氣消自恨懺歸之想及接衆也隨其器度而啓迪之如濯清風而忘煩暑之祛體然到下刃之際至嚴至峻無少假借其陞堂說法只就衲子所問隨機而說縱橫自在如珠走盤及示人偈語筆筆迅成未始有意而意句圓活字畫道勁足以驗咳唾掉臂盡是遊戲三昧有得片言隻字者莫不珍秘寶襲益重其德也虎賁鄭文學嘗贊師像曰有臨濟之機用而不濫行棒喝有妙喜之波瀾而不虛施語言讀者謂

法

三

五

知言矣有聖壽語錄乙卷廣壽新錄乙卷廣壽後錄三卷黃葉拾艸雪峰艸之繞吟樽桑集洛行艸豐州艸佛祖道影費源流正傳頌答客問如語若干卷並行于世往者洞同諸弟兄請師說行由然師言謙遜節約有所未詳茲奉在長嗣追繹夜乘承訓之餘謹摭拾其日常之所見聞與同門諸仲昆之所舉似衷而紀之俟他日名公大人欲登塔銘者庶有考於斯焉昔壬子歲五月日廣壽嗣法門人明洞禮首拜撰

廣壽山福聚禪寺開山即非大和尚塔銘

賜進士出身資政大夫欽點兵部尚書兼禮部

侍郎翰林院侍讀學士經筵日講國子監祭酒

內祕書院侍讀學士宋德宜拜 撰

金鷄銜一粟之後得馬竅箕發揚大康萬斛珠玉粲然于天下四傳至慧照翁向無煙火處炊香鼓粥飯氣別開玄要之門高唱賓主之句是為臨濟宗旨也由是續焰聯芳縣縣不絕逮天童悟公靡年七百計世三十令行吳越中興濟道棒喝之下陶冶海衲子指不勝屈其傳正脈而嚴大統者惟費隱客大師

即非禪師全錄卷二五

三

而已大師具惡辣手段打鎖敲枷箭鋒相直者亦廣首出隱元琦和尚董蒞黃檗不振其宗暮年東渡為桑國之初祖得人頗多而能捷出其門者則即非禪師也禪師諱如一號即非福州福清人姓林出於宋寶謨閣學士庸齋先生之裔父英母方氏魁禪觀音大士而娠夢大士授白蓮花一枝而生自幼挺拔不羣甫七歲從舅氏習經書略通大意十三失怙事母至孝每懷出塵之志母察其誠許之十七辭謁本縣龍山顯公為弟子明年浴佛日剃染受沙彌戒於費大師尋登壇受具知有宗門下事銳志游方首蒙長

慶石雨和尚看狗子無佛性話三十七日夜目不交睫未有所入逢一尊宿敷願稍覺得精彩換過九夏自料未能脫洒凡當世有名知識若靈石朝宗曹鳴萬如鼓山永覺羅山巨信歷扣其席皆得機契但未經本色爐鞴乃晦跡居山坐在純清絕點處莫能諸通水波憤然走上黃檗見隱和尚方且啓口痛領一棒直下翻轉現成公案乃隨眾歸堂敷歷職事而一味孜孜于道至廢寢食一日與眾登山救火向火焰裏勦絕命根慶快平生急進方丈隱和尚迎見笑曰今日乃知我不瞞汝師云如一不敢自瞞和尚云卻疑

即非禪師全錄卷二五

文

汝瞞我師禮退解制承記前直去掛錫雪峰寺主化門延居丈室師淡自謙牧不以師位處唯刻苦勵節以風先德值母氏謝世還鄉修冥福是年冬隱和尚命首眾黃檗分座說法乙未夏隱和尚寓禪東明以書招師於是飄然乘風而來不旬日抵長崎王心渠等諸檀護奉 旨請出世聖壽寺者繼風化權大振矣亦上太和會隱和尚新開黃檗續廣眾結制與木法兄為兩堂首座秉拂提唱名震 王畿明年秋將辭回崎因遊覽名山古剎所至留題繡素懷香而拜者如見生佛及抵豐州府王小姐原忠具居士具

疏幣躬請開山廣壽值師五旬誕辰供設莊嚴一時
其備於是四方碩德日來問道者絡繹于途丁未年
會豐主賓僊師念檀波不淺為畱一年修法事畢辭
還聖壽諸方屢以名席挽師皆不應歷四寒暑俄示
微疾一朝謂門人雲瑞曰行脚在邇與老僧道備不
彫龕來一衆駭愕問其所以師答以時節若至其理
自彰三日後作書訣別諸王宰官向午衆知師之無
意于世請遺囑不允愈請不已乃揮筆書曰生如是
死如是坐斷生死關觸破沒巴鼻喝一喝擲筆而終
實辛亥五月二十日午時也世壽五十六僧夏四十

史記

四庫全書

五

翌午鎖龕手尚柔輾頂有暖氣茶毘白光上騰化五
色焰火後頂骨不壞舍利無算煙所觸處皆結如貫
珠黑白爭取供養莫不稱為古佛再世也師先遺命
以骨灰調麩施魚不許存畱至是門人等不忍竟奉
頂骨舍利貯于壽餅以圖建塔於說法道場齒髮塔
于樂山之瑞光師平日多異跡如山靈隔溪送筏天
神感夢備館三芳以秋重開雙鹿獻芝而至或乾地
舉指清泉迸出或大旱應祈甘雨大降似此之類不
一而足其依歸門下授戒求法名者常以千百數而
副其法各化一方者則廣壽法雲洞聖壽瑩瑞俊景

福柏嚴節朝日翠峰覺普明桂巖幢也師於授受之
際最慎許可非若當今瓊子之印故自始至終舉皆
可法嗚呼世降道衰魔孽紛雜雖有正見名德亦無
地駐足自匪亞聖大人乘願報而來應世者安有若
禪師之克全哉比新廣壽以師廣錄并行紀微予銘
其塔予嘗與師會于虞山之維摩每想道客照人輒
神馳於萬里今幸復觀其平昔道行不覺悲感交懷
銘曷敢辭因書學行之著者揭之蒼氓以為後昆之
軌則云銘曰

臨濟正宗如日麗天光明赫奕徧照大千惟師乘運

史記

四庫全書

五

來作福田親承濟宗三十三傳東遊日域不關化權
二會說法震動山川王侯稽首龍象駢闐隨宜誘迪
五十餘年一朝厭世遂散化緣闍維設利聚若珠圓
四輩爭取悲淚漣漣無殊竺土初喪大仙審師之遺
囑后光前是法中隨如火裏蓮雖生末代寧愧義玄
今既去矣幸有諸賢不墜其緒克續其茲三處立塔
唯一齊堅我作銘詩磨石而鐫庶傳千億法脈綿綿

廣壽即翁大和尚舍利塔銘

法苑法姪性澈撰

夫人之生也稟天地之氣假四大而成形凡有三十六物所謂髮毛爪齒皮膚血肉以至生熟二臟皆臭穢不淨藉飲食以資養一旦氣消則成灰壤何足論哉聞有滅後而骨石不壞舍利流輝不可得而思議者其惟至人之垂現歟壽山即翁大和尚即其人也師諱如一即非其字姓林氏福州福唐人父英母方氏長齋誦佛夢大士授以蓮花而生幼聰穎讀書過目成誦十三歲失怙事母至孝十七出家二十受具

法苑

即非禪師全錄卷二五

三

音習聲梵一夜嘆曰古人說法感天雨花尚未脫生况況循行數墨邪遂罷經編泰名宿所至少留請益弗忘後泰黃藥隱老人雖歷任諸職研究益力嘗堅坐不臥值臘月三十日後山火發向火微裏打失雙輪受印隱古雪峰丁酉春二月應聘東渡遂開法于崎之聖壽山癸卯上新黃藥省師分座說法甲辰秋告歸舟次豐州值豐主及洞禪師請開山廣壽戊申謝事歸崎今年夏五月二十日書頌坐化茶毘頂骨不壞獲五色舍利無算經所及處皆結如零露四衆瞻禮至數萬人無不悲戀涕泣於戲如師者非特近

。諒鑑請敬，糊模稿原

世罕有求之古人中亦不多得非至人垂現奚以臻此誠如師言三世外傳今傳黃藥燈誰知盧行者即是嶺南能師生于萬曆丙辰年五月十四日申時距今還化享世壽五十有六僧臘四十語錄若干卷遺集若干卷嗣法弟子五人先是師遺誠不許造塔至是諸門人不忍竟收舍利而藏諸有司末次平藏居士與母氏長福院發大信心就聖壽山之廣福菴營石塔取所藏舍利并不壞者座焉兼給僧膳爲千秋護塔之需其用意亦勤矣當山接席曇瑞俊禪師徵徵爲塔上之銘敬雖不敏以識師最早受教最深

法苑

即非禪師全錄卷二五

三

且與禪師爲法門昆季故不辭爲之銘銘曰
偏觀大地 有質之倫 堅溼煖動 假合成身
或賤或貴 厥質則均 凡四九物 卒無一具
腥羶垢穢 殆莫可親 百年潰散 輒作蜚塵
胡有設利 流映千春 惟大知識 乘風願輪
於濁惡世 出以導人 乘戒定慧 三者精純
乃於烈燄 獲此珠珍 以戒定故 益煉益新
藏之寶塔 用鎮海濱 光爭日月 福庇官民
吞爾左右 嶽瀆之神 晝夜呵護 禁絕波旬
庶幾師道 永承無垠

版存嘉興楞嚴寺經坊
附藏流通見聞電刻

佛祖正印源流圖像贊自序

形名未彰全無已鼻些子露出猥藉三千承虛接響者起模畫樣何異繪虛空于鏡面喚鐘作甕者歌頌贊歎豈非施五綵于光中予既不能破鏡復爲忍傻效顰明眼觀之寧不絕倒噫虛空面目果如是耶益欲借指標月令人見月自忘其指耳昔公美觀斷際儀像而直下

頓省高峰讀五祖真贊而打破疑團此非因指而見月得意而忘言者乎所謂色相語言皆歸第一義諦信不誣矣邇承黃檗老人賜佛祖圖贊一卷焚香頂禮胡跪披閱自霧鷺一花少林五葉吐英葩于南岳抽繁枝于濟北正榦流芳七十一葉皆從老瞿曇實相無相中流出言下無容贊一辭耳竊愍像季難信

安得法界有情共種佛因於是重參古本繫贊付梓不圖話行千古只貴正眼流通佛祖面目一時點開不傳之旨大家領荷

皆

康熙二年歲次癸卯孟夏

佛誕日雪峰嗣祖沙門如一敬題于聖壽山方丈



釋迦牟尼佛像



佛祖正印源流道影贊

釋迦牟尼佛

聖壽山崇福禪寺嗣祖沙門如一即非拜換

佛國土名迦維羅居西天竺之中姓利帝利名
悉達多父淨飯王母摩耶夫人佛本居兜率天
宮緣因地中承然燈如來授記汝於來世當得
作佛號釋迦牟尼三祇果滿萬德功圓宿願未
周示同生滅駕日輪香象託陰王宮於周昭王
甲寅二十四年四月八日毘藍園內右脇降生
是時地涌金蓮龍沐香雨即於花上周行七步

目顧四方分手指上下作獅子吼曰天上天下
唯吾獨尊具三十二大人相八十種隨形好漸
長父王嚴駕抱謁于大自在天廟諸神像悉起
拜佛之足父王驚嘆我子于天神中最尊最勝
宜字天中天及七歲當修學時徧訪國中聰明
波羅門名曰選友為佛之師佛問曰以何書而
相教乎其師答曰梵住畱書佛曰異書六十有
四何只言其二復問其義師不能答深生慚愧
白王言曰太子乃天人師我安能教耶年十九
欲求出家于四門遊觀見四等事心有悲喜而

佛祖圖

釋迦牟尼佛

四

作思惟此老病必終可厭離於是夜子時有一
天人名曰淨居於窻牖中叉手白言出家時至
可去矣佛聞已心生歡喜即逾城而出於檀特
山中習定苦行六載於臘月八日忽觀明星悟
道號天人師佛世尊時年三十矣既而於鹿野
苑中為憍陳如等五人轉四諦法輪而證道果
復陞忉利天以道喻母度世四十九年說法三
百餘會時大梵天王以金色波羅夷花獻佛請
佛說法佛拈花示眾人天百萬悉皆罔措獨摩
訶迦葉破顏微笑佛告云吾有正法眼藏涅槃

妙心實相無相分付摩訶迦葉汝當護持并勅
阿難副貳傳化無令斷絕而說偈曰法本法無
法無法法亦法今付無法時法法何曾法爾時
佛說偈已復告迦葉吾將金縷僧伽黎衣傳付
于汝俟補處慈氏佛出世汝轉授之勿令朽壞
迦葉聞已頭面禮足曰善哉善哉我當謹依佛
勅爾時佛至拘尸那城告諸大衆吾欲入涅槃
說偈曰諸行無常是生滅法生滅滅已寂滅爲
樂卽往熙連河側娑羅樹下右脇累足泊然宴
寂合成大衆僉議依輪王法用以金棺槨昇入

印非禪師自序

城供養多力士盡其神力不能舉遂各持香新
丘積茶毘亦不能然少頃迦葉尊者至佛現二
足千輻輪相出于棺外迦葉見已慟哭作禮足
還收入大衆以偈贊曰凡俗諸猛熾何能致火
慈請尊三昧火闍維金色身爾時金棺從座而
起高七多羅樹往反空中化三昧火自焚灰燼
得舍利八斛四斗是時四天王及諸龍神八國
主共分舍利往天上人間龍宮海藏各建塔廟
八萬四千使一切衆生貴知有佛普得景福是
年佛壽七十有九卽移王五十二年壬申二月

十五日也佛滅度後一千一十七年教至中夏
卽後漢永平十年戊辰歲也此於大藏諸經論
摘要一二闡佛行繇如欲多聞當閱全藏贊曰
受然燈記成賢劫佛托質皇宮慶生母腹因地獅吼
三界尊獨容顏殊特秋蟾春旭御遊鳳城悟世迅速
視金輪位不啻帚秃雪嶺六霜突開頂目光被河沙
道成兩足切利首登爲酬鞠育普副羣機春行艸木
大人跼敬魔外降伏三百餘會響答空谷拈花啟笑
星已露出不了命根迦葉能續丈六金身幻臨片牘
永陳供養筆底燈燭

佛祖圖

印非禪師自序

本



摩訶迦葉尊者像

西天祖師



第一祖摩訶迦尊者

祖摩竭陀國人父婆羅飲澤母香志前劫中爲金師以金飾佛面感九十一劫身皆金色後生梵天轉生中天名曰迦葉遇佛出家頭陀第一阿難問曰世尊傳金襴外別傳何物祖召阿難難應諾祖曰倒卻門前刹竿著後付以偈云法本來法無法無非法何於一法中有法有不法說已乃持僧伽黎入華首侯慈氏下生贊曰株守金襴於雞足山中鈍置黃老喚倒刹竿於王舍城畔貽累阿難九十一劫身金色面皮厚也不堪觀


阿難陀尊者



第二祖阿難陀尊者

祖姓刹帝利斛飯王子佛之從弟總持第一囑商那和修曰昔如來以正法眼藏付大迦葉迦葉入定而付於我今用付汝偈曰本來付有法付了言無法各各須自悟悟了無無法贊曰如來成道祖生日珠聯合璧三十二相祖缺一粒甘如蜜爲佛侍者三十年智慧總持稱第一從上正法眼展轉流通遺下多羅藏如是結集人天信受奉行迦葉證明已訖向恒河涅槃許一王親到中流彼岸度五百仙人唯商那會得眼橫鼻直

商那和修尊者



佛圖

印非禪師贊

九

第三祖商那和修尊者

祖摩突羅國人姓毘舍多父林勝母憍耆耶在胎六年而生國有九枝秀艸若聖人降誕則此艸生於淨潔之地祖生時瑞艸斯應昔如來至其國見一青林茂盛語阿難曰此地吾滅度後一百年有比丘於此轉妙法輪果符佛記居此證道二火龍歸順以阿難所授大法付授多胎六白而出世感九枝以降祥兆符佛記百歲後法輪常轉迸開法眼二火龍匿耀無光趨多分得一枝秀偏界咸聞瑞艸香

優波鞠多尊者



佛圖

印非禪師贊

十

第四祖優波鞠多尊者

祖吒利國人姓首陀因和修問曰汝年幾耶曰十七修曰汝身十七性十七曰師髮白耶心白耶修曰我髮白非心白祖曰我身十七非性十七修知法器遂為剃落受具付囑偈曰非法亦非心無心亦無法說是心法時是法非心法答身十七以性渾圓性身本空法何以傳真空不空如春有權時節若至硬地皆穿魔嬈正法何尊者便逆風把火反燒其面度人如沙香眾英彥法付已竟猶弦離箭踊身虛空現十八變籌放光明如雷如電

提多迦尊者



第五祖提多迦尊者

祖摩伽陀國人初生時父夢金日自屋而出照
耀天地前有大山諸寶嚴飾山頂泉涌滂沱四
流後遇他多尊者解曰寶山者吾身也泉涌者
法流無盡也日從屋出者汝今入道之相也照
耀天地者汝智慧超越也付囑以偈曰心自本
來心本心非有法有法有本心非心非本法
巍巍寶峰佛日方中法流無盡優波疏通心離名宰
身等虛空無我我故佛體是同證無所得聖種紹隆
化行中印首度仙翁

彌遮迦尊者



第六祖彌遮迦尊者

祖中印度人聞提多迦至率眾瞻禮曰昔與師
同生梵天我遇阿私陀仙授我仙法師達十力
弟子修習禪那自此報分殊途已經六劫提曰
支離累劫誠哉不虛今可捨邪歸正以入佛乘
即度出家乃囑祖曰昔如來以大法眼藏密付
迦葉展轉相授而至於我我今付汝偈曰通達
本法心無法無非法悟了同未悟無心亦無法
別師梵天錯腳神仙已經六劫始了夙緣入一乘道
其道無前誰契密意抹過那邊

婆須密尊者



第七祖婆須密尊者

祖北天竺國人姓頗羅墮常執酒器吟遊及遇
彌遮迦尊者逆而問曰師何方來欲往何所迦
曰從自心來欲往無處曰識我手中物否曰此
是觸器而負淨祖曰師識我否曰我即不識識
即非我祖乃置器出家受囑偈曰無心無可得
說得不名法若了心非心始解心心法贊曰
手提觸器街坊遊咏不染外塵朗然內淨先三百年
佛記汝聖頓省前緣傳提法印有智者來鋒論不勝
願歸座下上鉤負命

佛陀難提尊者



第八祖佛陀難提尊者

祖迦摩羅國人姓瞿曇氏頂有肉髻辯捷無礙
謂七祖婆須密曰今與師論義希曰仁者論
不義義即不論若擬論義終非義論祖知師義
勝心即欽服曰我願求道需甘露味密遂與刺
度而授具戒復告之曰正法眼藏今付於汝汝
當護持乃說偈曰心同虛空界平等虛空法證
得虛空時無是無非法
義路如苦難逞大辯才大道無階授取入門來紹承
一滴真甘露灌得伏獸臭口開

伏默多尊者



即非禪師贊

室

第九祖伏默多尊者

祖提伽國人姓毘舍羅年已五十口未嘗言足未嘗履因難提尊者至其家遂起拜曰父母非我親誰是最親者諸佛非我道誰是最道者提曰汝言與心親父母非可比汝行與道合諸佛心即是云云祖聞已便行七步其父長者遂令出家尋授具戒付囑偈曰虛空無內外心法亦如此若了虛空故是達真如理贊曰

五十年口未曾言言與心親自墮地足未曾行行與道合翻身磕破虛空壓碎難生臥榻

脇尊者



即非禪師贊

去

第十祖脇尊者

祖中印度人其父香盎長者嚮以禮伏默曰此子處胎六十歲因號難生嘗會一仙人謂此兒非凡當爲法器今遇尊者可令出家即落髮授戒自此執侍左右未嘗睡眠謂其脇不至席遂號脇尊者焉羯磨之際祥光燭座感舍利三七粒現前愈加精進伏默以法付囑說偈曰真理本無名因名顯真理受得真寶法非真亦非偽

週甲胎中打坐三生不著睡魔感雨祥光舍利分付夜夜富那

富那夜奢尊者



第十一祖富那夜奢尊者

祖摩氏國人姓瞿曇氏因脇尊者憇樹下指地告眾曰此地變金色當有聖人入會言訖祖合掌前立脇問云汝從何來曰我心非往脇曰汝何處住曰我心非止脇曰汝不定耶曰諸佛亦然脇曰汝非諸佛曰諸佛亦非脇知法器即度出家復具戒品仍付偈曰真體自然真因真說有理領得真真法無行亦無止
來無所來去無所去心無所生法無所住無住之法付與大士仔細觀來秤鉅難醋

馬鳴大士尊者



第十二祖馬鳴大士尊者

祖波羅奈國人因夜奢尊者化度彼國祖拜而問曰我欲識佛何者即是奢曰汝欲識佛不識者是祖曰佛既不識焉知是平奢曰既不識佛焉知不是云云祖豁然省悟遂求剃度奢付法授偈曰迷悟如隱顯明暗不相離今付隱顯法非一亦非二祖示寂時挺身空中如日輪相覲面是佛尚自不識言下悟去信汝不及前因化發功無等匹感化摩羅三千入室明暗不二法非離即相現日輪騰空而寂

迦毘摩羅尊者



第十三祖迦毘摩羅尊者

祖華氏國人初爲外道有大幻術于馬鳴大士座前涌出金人復化女子有頃風雨晦冥山岳震動角法不勝復現本形作禮懺悔鳴爲說性海云山河大地皆依建立三昧六通由茲發現祖聞發信心歸依剃度付法偈曰隱顯卽本法明暗元不二今付悟了法非取亦非離贊曰有形總歸于盡無相方知道尊涌金人而復現女人孽芽翻作菩提種化性海而毛吞巨海接得半于龍子孫

龍樹尊者



第十四祖龍樹尊者

祖西天竺國人因摩羅至祖默念此師繼大乘否羅曰汝雖心語我已意知祖悔謝與五百龍衆從祖難陀世間書讀盡入龍宮看藏復造大智度論中論十二門論垂世摩羅付偈言非隱非顯法說是真實際悟此隱顯法非愚亦非智測度聖智自生慚惶一禮簷荷不嗅餘香世間文字海一口吸盡華嚴十萬偈一目不遑身現月輪令一切人皆觀佛性雷音灌耳惟長者子擇乳搗王親製三論疏鈔相當焚卻可惜施人拭瘡

迦那提波尊者



卽非禪師贊

圭

第十五祖迦那提波尊者

祖南天竺國人姓毘舍羅謁龍樹尊者者以滿
蓋木置座前祖觀之卽以一鍼投之而進欣然
契會乃付偈曰爲明隱顯法方說解脫理於法
心不證無瞋亦無喜有淨德長者園樹生耳珠
甚甘恒取食之問故祖曰汝昔供一比丘道服
不明故報爲木菌償信施耳贊曰
座前置滿蓋木法海無涯尊者投之以鍼直窮到底
一頭陀恁麼贊揚多少人背後嚙指謂予不明向上
只管愛說道理咄木頭有耳急請羅多收起

羅睺羅多尊者



卽非禪師贊

圭

第十六祖羅睺羅多尊者

祖迦毘羅國人其父淨德送祖出家提婆曰昔
如來記此子爲大教主今符宿因卽與剃度付
法眼偈曰本對傳法人爲說解脫理於法實象
證無終亦無始祖受囑行化至金河五佛現影
有僧伽定起祖問曰汝身定耶心定耶提曰身
心俱定祖曰身心俱定何有出入提曰雖有出
入不失定相如金在井金體常寂云云贊曰
放過佛初出頭來冰河發焰把住乾坤不露巖黃金
失色當時僧伽常在定金盞香飯成狼藉

者尊提難伽僧



佛祖圖

即非禪師

卷

第十七祖僧伽提尊者

祖室羅王子也生而能言常贊佛事七歲即厭世樂以偈告其父母求出家遇羅多尊者得法受記多即以右手擎金盃至梵宮取香飯齋衆衆不能食惟祖分座同食多付偈曰於法實無證不取亦不離法非有無相內外云何起贊曰寶莊嚴王之太子娑羅如來之後身生而能語猶頻伽在穀中音超衆鳥七歲厭俗如獅子初出窟氣槩絕倫事師十九載不倦博得一百歲童真緣盡攀樹而化衆力難舉全身就樹建塔垂蔭後人

者尊多舍耶伽



佛祖圖

即非禪師

卷

第十八祖伽耶舍多尊者

祖摩提國人爲童時持鏡造難提提問汝幾歲祖曰百歲提曰汝尚幼祖曰我不會理正百歲耳提曰汝鏡何所表曰諸佛大圓鑑偶聞風吹殿鈴聲提問鈴鳴風鳴祖曰非風鈴鳴我心鳴耳提曰心復誰乎曰俱寂靜故提付偈曰心地本無生因地從緣起緣種不相妨華果亦復爾娠七日而誕其肌無瑕瓊枝寸寸是玉生未嘗入浴其體芳潔栴檀片片皆香風鈴不語境由心寂圓明寶鑑道藉人彰聖者德風彌宇宙祖燈嗣續永昌昌

鳩摩羅多尊者



佛祖圖

即非禪師贊

卷

第十九祖鳩摩羅多尊者

祖六月氏國人昔爲梵天善說法要爲天導師
遇舍多尊者受記付偈曰有種有心地因緣能
發萌於緣不相礙當生生不生因闇夜多問我
家奉佛所作不如意鄰家爲屠所作皆和合彼
何幸我何辜祖曰凡人但見仁天暴壽逆吉義
凶便謂無因果殊不知因緣會遇如四時不爽
在天而天與天作眼在佛而佛爲佛偏袒示因果如
影隨形說生滅猶迴歸浣無生偈付闇夜多面放紅
蓮香不斷

闍夜多尊者



佛祖圖

即非禪師贊

卷

第二十祖闍夜多尊者

祖北天竺國人因羅多尊者示曰汝雖已信三
業而未明業從惑生惑因識有識依不覺不覺
依心心本清淨無生滅無造作無報應無勝負
寂寂靈靈若入此法門可與諸佛同矣祖承言
領旨即發宿慧出家受具羅多付偈曰性上本
無生爲對求人說於法既無得何懷決不決
闍揚頓教縱橫與奪辯若懸河不消一拶解纏縛之
苦行令絕功勳破執著之妄心當下解脫若不是婆
修盤頭爭領得者虛空棒喝

婆修盤頭尊者



第二十一祖婆修盤頭尊者

祖羅閱城人因闇夜多示曰若不明道設苦行
多劫皆虛妄之本又曰我不求道亦不顛倒我
不禮佛亦不輕慢我不長坐亦不懈怠我不一
食亦不雜食我不知足亦不貪欲心無所希名
之曰道祖聞已發無漏智多付偈曰言下合無
生同於法界性若能如是解通達事理竟贊曰
杖倚佛像遂失二果墮富家兒堪作甚麼未出娘胎
被人看破聖子在懷生爲法寶一食終日長坐不臥
感摩拏羅同證佛道

摩拏羅尊者



第二十二祖摩拏羅尊者

祖那提國自在王之次子王問盤頭尊者曰貴
城土風與此何異曰彼土曾三佛出世今玉國
有二師化導王曰二師者誰曰佛記二五百年
有二大士出家繼聖即王之次子是其一也王
曰誠如所言當捨此子作沙門盤曰善哉大王
能遵佛旨即與剃度授具付法偈曰泡幻同無
礙如何不了悟達法在其中非今亦非古贊曰
全德天授一念正信遵父王命佩佛祖印度彼世主
七日證聖鳩鵲上座荷擔上乘

者尊那勒鶴



第二十三祖鶴勒那尊者

祖月氏國人七歲見淫祀入廟叱之曰汝妄興禍福幻惑於人歲費性年傷害斯甚言訖廟貌自壞由是鄉黨謂之聖子年二十出家遇摩拏羅尊者為說鶴衆夙因復說偈曰心隨萬境轉轉處實能幽隨流認得性無喜復無憂贊曰子神童英中秀金環在握花生肘幼行聚落叱淫言訖廟貌立崩朽中年行化至中印國王接足天首至人達觀體性空無作功德亦非有復為師子休咎衆生倒計汝正受

佛經

非非

元

第二十四祖師子尊者

祖中印度人遇鶴勒尊者開示即入佛慧乃付偈曰認得心性時可說不思議了了無可得時不說知至麝賓國攝伏五宗得斯多以夙因還其珠謂之曰吾師密有懸記正法今付於汝聰明難敵業無作即功德悟此至人言深入智慧主詰化小乘禪五衆齊解惑呼重還宿珠古今理不隔伽黎付斯多他方施法澤祖受鶴應記獨爾方客平地骨堆成覓對路頭迫劈開瀑布界散青山色槐根既傷鋒柳枝斷移刻俱了本來空無失亦無得

佛經

非非

子



婆舍斯多尊者



第二十五祖婆舍斯多尊者

祖廟賓國人母夢得神劍因而有孕得法于師
 于尊者者付偈曰正說知見時知見俱是心當
 心即知見知見即于今併以僧伽黎付之贊曰
 劍鑄鼻孔珠換眼睛藏身露影面目分明被師看破
 特地安名密授心法直抵王城摧伏外道義海無聲
 聞師償難北面傷情振策南邁山谷遁形德王微起
 疑信相并祖出信衣命付丙丁薪盡如故謝過致誠
 諭弟嗣法祖道雷鳴神變入滅舍利尺盈敕賜建壇
 空碑宿銘

不如密多尊者



第二十六祖不如密多尊者

祖南印度天德王之次子也斯多尊者問曰汝
 欲出家當爲何事祖曰不爲別事者曰不爲何
 事祖曰不爲俗事者曰當爲何事祖曰當爲佛
 事者曰子必聖賢降迹善護正法付偈曰聖人
 說知見當境無是非我今悟真性無道亦無理
 不捨四誓願降跡誕王宮爲一大事故傳法度愚蒙
 楓宸初羯磨地震搖虛空大人具大用不與尋常同
 隨類化王者外道術相攻祖以無心應一指超五通
 化山頓殞滅首度瓔珞童以聖而繼聖果熟遠劫中

般若多羅尊者



第二十七祖般若多羅尊者

祖東印度人遇蜜多尊者與王同車而出稽首
於前尊者謂王曰此童子非他即大勢至菩薩
也遂爲安名受記付偈曰眞性心地藏無頭亦
無尾應緣而化物方便呼爲智祖得法已赴南
印土香至王供養得其王子菩提達摩嗣法焉
璵珞童眞勢至化身先佛綱紀後代繩津報緣已周
謝萬乘之弟子度生果滿作勝熱之上賓放光二十
七道如虹貫日騰空雨注舍利墜若飛星袈裟留裹
菩提子一葉花敷無盡春

菩提達磨大師像



東震祖師

唐代宗皇帝論國
覺大師增曰空觀

初祖菩提達磨大師

祖南天竺國香至王季子也姓利帝利因其父
王施無價寶珠與般若多羅尊者者欲試祖所
得乃以所施珠問三王子曰此珠圖明有能及
否第一王子第二王子皆曰此珠七寶中尊固
無踰也非尊者道力孰能受之祖曰此是世壽
未足爲上於諸害中注壽爲上此是世光未足
爲上於諸光中智光爲上此是世明未足爲上
於諸明中心明爲上此珠光明不能自照要假
智光光辨於此既辨此已即知是珠既知是珠

即明其審若明其審審不自審若辨其珠珠不自珠珠不自珠者要假智珠而辨世珠審不自審者要假智審以明法審然則師有其道其審即現衆生有道心審亦然尊者歎其慧辯領之及父王厭世衆皆號絕惟祖于龍棺前入定經七日而出乃求出家既受戒已尊者告曰如來以正法眼付大迦葉如是展轉乃至於我我今囑汝聽吾偈曰心地生諸種因事復生理果滿菩提圓華開世界起祖承囑已服勤左右垂四十年未嘗廢闕迨尊者順世遂演化本國闢邪

佛祖圖

即非禪師贊

謹

見六宗望震旦佛種緣熟泛重溟三周寒暑至金陵梁帝問如何是聖諦第一義祖曰廓然無聖帝曰對朕者誰祖曰不識帝不契祖乃折簾渡江止嵩山少林面壁九年乃接慧可以大法囑累併授袈裟表信云云贊曰

西乾正幹東土初枝貌五露而象五竺胸天空而印天池志紹覺胤徹履香至大寶智珠月朗眇視無價摩尼柳邊人定七朝昏道酬鞠育座下服勤四十載義盡師資除六宗婆心何切對梁主覲而相欺九年壁觀成何事賺得承宗半臂兒

慧可大師

唐德宗諡
大祖禪師



佛祖圖

即非禪師贊

謹

二祖慧可大師

祖武牢姬氏子名神光泰初祖達磨磨即汝久立雪中當求何事祖曰願開法門廣度羣品磨曰諸佛妙道廣發精勤難行能行非忍而忍豈以小德輕心所希冀祖自斷左臂置座右磨曰諸佛最初中道為法忘形汝今斷臂求法可乎磨曰吾從人得祖曰我心未寧乞師安心磨曰將心來與汝安祖良久曰我心未寧汝安何心磨曰汝安心竟乃授衣付偈曰吾本來茲土傳法救迷情一花開五葉結果自然成祖時一百七歲頂似五峰秀出胸羅三藏文章開舜若身中活眼現毘盧頂後神光為法斷肱續少林之嫡髓密傳正印燦驚嶺之芬芳業空百有七齡霜消雪解承付風恙長老杏接梅香

僧璨大師

唐玄宗諡鑑智
禪師諡曰覺寂



佛祖圖

即非禪師贊

毛

三祖僧璨大師

祖初以白衣謁二祖慧可請為懺罪可曰宜依佛法僧住祖曰今見和尚是僧未審何名佛法可曰是心是佛是心是法法佛無二僧寶亦然祖曰今日始知罪性不在內不在外不在中間如其心然佛法無一也可深器之即為剃髮曰是吾善也宜名僧璨後付衣法偈曰本來緣有地因地種華生本來無有種華亦不會生贊曰僧中之毒法中之龍心銘如鏡無不包容委順時至合掌立終輕信沙彌敗露家風

道信大師

唐代宗諡大醫
禪師諡曰慈雲



佛祖圖

即非禪師贊

天

四祖道信大師

祖姓司馬氏新陽人生而穎異幼慕空宗攝心不寐脇不沾席者六十年問三祖燦大師乞與解脫法門燦曰誰縛汝祖曰無人縛曰何更求解脫祖於言下大悟服勞九載乃付衣法偈曰華種雖因地從地種華生若無人下種華地盡無生後任破山學侶雲臻太宗嚮祖道風三詔不赴就賜珍繒
自縛自解乘風展翼經六十載脇不至席鳳詔三卻帝彌加欽一枝橫出吾道如林

弘忍大師

唐代宗謚大滿
禪師諡曰法雨



弘忍大師

即非禪師

光

五祖弘忍大師

祖先為栽松道者因四祖大師囑曰倘若再來
吾當遲汝遂托生周氏女童時有智者見而歎
曰此子缺七種相不逮如來後復遇大師出家
納戒付法傳衣偈曰華種有性因地華生生
大緣與性合當生生不生贊曰

以宿緣故出家童真兩夢一覺鏡像瞳人相缺七種
不逮能仁以性為姓族無比倫破山忽晦嗣化方晨
七百龍象選取一麟樹堂養母以道資親有情下種
如火傳薪

慧能大師

唐憲宗敕諡大慧禪師諡曰大慧
宋太宗追諡真覺禪師諡曰真覺
仁宗加諡真覺禪師諡曰真覺



即非禪師

即非禪師

罕

六祖慧能大師

祖俗姓盧其先范陽人父行瑄武德中左官于
南海之新州遂占籍焉三歲喪父其母守志鞠
養及長家貧無所依為業鬻薪市中聞讀金剛經
無所住而生其心有佛性若為作佛日人
求作佛問汝自何來曰嶺南人無佛性若為作佛日人
南北佛性豈然然佛知是異人命居確坊以石墜
腰春米供眾於誦神秀偈曰身是菩提樹心如
明鏡臺時時勤拂拭莫使惹塵埃祖別曰菩提
本無樹明鏡亦非臺本來無一物何處惹塵埃
祖知其得旨乃詣確坊問曰未白也祖曰白
也祖曰未白也祖曰未白也祖曰未白也祖曰未白也
法授衣偈曰有情來下種因地果還生無情既
無種無性亦無生後返曹溪雨大法雨贊曰

八十一生為善知識一物也無畱取腰石石爛花
果熟梅巖馨香充塞東西土示益誰云在嶺南

源流世系

南嶽讓禪師

唐玄宗諡大慧禪師
始曰最勝輪



師

即非禪師贊

聖

第一世南嶽懷讓禪師

師性杜氏金州人也於唐儀鳳二年四月八日降誕感白氣應於玄象在安康之分太史瞻見其開高宗皇帝帝乃問是何祥瑞太史對曰國之法器不染世榮帝傳勅金州太守韓偓親往存慰其家家有子唯師最小炳然殊異性唯思讓父乃安各傳讓年十歲時唯樂佛書十五歲依律師出家十七詣曹溪參六祖祖問甚麼處來曰嵩山來祖曰其麼物結麼來師無語遂經入就忽然有省乃白祖曰某甲有箇會處祖曰什麼生師曰說似一物即不中祖曰還假修證否師曰修證則不無汚染即不得祖印可曰彼此下汚染諸佛之所護念故既如是吾亦如是西天般若多羅藏汝足下一馬駒踏殺天下人師執侍左右一十五年贊曰

佛曰降生聖賢應化為國法器象應王霸五葉紹芳英靈獨跨腳底兒孫踏滿天下

馬祖一禪師

唐憲宗諡大寂禪師
始曰大莊嚴



師

即非禪師贊

聖

第二世馬祖道一禪師

師漢州什邡縣人也姓馬氏本邑羅漢寺出家容貌奇異牛行虎視引舌過鼻足下有二輪文幼歲依資州唐和尚落髮受具於渝州圓律師唐開元中習禪定於衡嶽山中遇讓和尚同參六人唯師密受心印付偈曰心地含諸種遇澤悉皆萌三昧華無相何壞復何成贊曰

全德異器牛行虎視引舌覆鼻足紋成字衡嶽坐禪看破磨靚車牛兩人心佛俱捐八十四員鼻孔被穿百丈老祖扭失半邊

師禪海丈百

唐五家宗益大師禪師益曰大德
等語 宋徽宗加諡覺範曰覺範
聖元明宣宗諡宗覺禪師



佛祖圖

即非禪師贊

王

第三世百丈懷海禪師

師福州長樂人姓王氏兒時隨母入寺拜佛指
佛像問母曰此是何物母曰是佛師曰形容似
人無異我後亦當作焉母遂離塵三學該練聞
焉大師開化江西乃傾心依附一日待行次見
一羣野鴨飛過祖曰是甚麼師曰野鴨子祖曰
其處去也曰飛過去也祖遂把師鼻頭扭負痛
失聲祖曰又道飛過去也師於言下有省又於
舉拂機緣被馬祖一喝直得三日耳聾大徹源
底受囑住洪州百丈學者四至凡作務執勞必
先於眾放有一日不作一日不食之語終日

佛與人無異我後當必至虎子生三朝便有食牛氣
喝下雙耳聾突出超師智叢林製禮樂萬古為標幟
日作必日食不置閒家具卓然而獨存享壽九十五
道貌甚清癯儼然永度世千載遇一時慚惶續世系

師禪運檠黃

唐宣宗勅諡斷際
禪師益曰廣業



佛祖圖

即非禪師贊

王

第四世黃檗希運禪師

師福州福清西溪人族姓林出家本邑黃檗山
額隆如珠足有肉痣身長八尺往來百丈丈問
魏魏堂堂從何方來師曰魏魏堂堂從閩南來
丈曰來為何事師曰不為別事便禮拜一日聞
丈舉再參因緣師不覺吐舌云云丈印曰如是
如是見與師齊滅師半德見過於師方堪傳授

魏魏如山頂珠面盤轟轟烈烈虎嘯龍翻放下九潭
十二峰硯池筆架提起須彌大千界拄杖蒲團萬象
森羅都喫棒至今濟祖瞻猶寒

師禪玄濟臨

唐德宗諡慧照
禪師增曰激堂



第五世臨濟義玄禪師

師曹州南華邢氏子幼負出塵之志及落髮進具便慕禪宗初在黃檗會中行業純一一日爲首座勉令問佛法的大意三度被打遂辭到大愚爲愚點破築愚三拳回黃檗了大事後住鎮州建立黃檗宗旨凡見僧入門便喝于咸通八年四月十日將示滅說傳法偈訖端坐而逝智擬孫曹面冷如鐵道越古今胆赤腸熱倒拈虎鬚露覩兇之爪牙誑嚇閑閑肆風雷之喉舌是所謂風顛之烈白拈之條熱瞞瞎驢殃遺跛腳

師禪族化興

唐莊宗敕諡興濟
禪師增曰通寂



第六世興化存獎禪師

師大名入依臨濟座下六載已有契證及濟遷化在三聖會裏爲首座常曰我向南方行腳一遭拄杖頭不曾撥著一箇會佛法底人又到太覺爲院主兩處棒喝交馳薦得臨濟於黃檗契棒的道理開堂一香供養臨濟後上堂示寂濟祖剃度六載承歡孤賒撲落兩不成單拈香雪屈新艾著舊癩揭開羅帳砥柱迴狂瀾中原驗寶明眼幾瞞出生死如遊園觀聲鐘告衆般涅槃辰日午面南看

南院顯禪師



第七世南院慧顯禪師

師陝西咸寧杜氏子幼而岐嶷稍長克志精勤及脫白則孜孜以了生歟爲念偏叅耆風未愜所懷乃謁興化而取證焉化一見知是法器許其入室機緣密契以衣偈付之後出世實應上堂曰赤肉團上壁立千仞時有僧問赤肉團上壁立千仞豈不是和尚道師曰是僧便掀倒禪牀師曰汝看者瞎驢亂作僧擬議師便打趲出臨濟三世興化克家眸然道貌雪皴春葩壁立推倒扶起無從瞎驢趲出逸驥追風

風穴紹禪師



第八世風穴延紹禪師

師餘杭劉氏子幼不如童長習儒業不第遂出家於本州開元寺初謁鏡清次叅南院一日院問南方一棒作麼生商量師曰作奇特商量卻問和尚此間一棒作麼生商量院拈棒曰棒下無生忍臨機不見師師於言下大徹玄旨依止六年後主風穴贊曰一舉不第直出凡籠棒下契旨如空合空艸屋單丁幾三十載繼承重託崛起顏宗爲法求人淚點血年年華添萬枝紅

首山念禪師



印非禪師贊

第九世首山省念禪師

師萊州狄氏子受業于本郡南禪寺纔具尸
偏遊叢席常密誦法華經衆目爲念法華也魁
於風穴會中充知客一日侍立次穴乃垂涕告
之曰不幸臨濟之道至吾將墜於地矣師曰觀
此一衆豈無人耶穴曰吾雖望子之久猶恐耽著
曰如某者如何穴曰吾雖望子之久猶恐耽著
此經不能放下師曰此亦可事願聞其要穴遂
上堂舉世尊以青蓮目顧視大衆乃曰正當迷
麼時且道說箇甚麼師乃拂袖下去穴拂下柱
杖歸方丈侍者隨後請益曰念法華因甚不祇
對和尚穴曰此子會也於是名振四方學首景
仰爲首山第一世於淳化四年十二月四日上
堂辭衆下座安坐而逝
茶毘收舍利建塔贊曰

荷負隅絲真丈夫兒門庭高大一肩支持天人物表
獅象威儀道昭日月邁種之師

汾陽昭禪師



第十世汾陽善昭禪師

師太原俞氏子歷叅知識七十一員後到首山
問百丈卷席意旨如何山曰龍袖拂開全體現
師曰師意如何山曰象王行處絕狐蹤師於言
下大悟曰萬古碧潭空界月再三撈撈始應知
郡侯前後八請不出世末後三聘停箸而化
未曾撥入徧叅知識七十員放下身心郡侯八聘堅
不起無奈同門啟封迸出西河獅子別立三句直闌
向上宗猷繼示十同如箭不離弦矢末後三徵迫不
得已停箸蟬蛻報李君休向圓環覓終始

慈明圓禪師



即非禪師贊

第十一世慈明楚圓禪師

師全州李氏子少爲書生出家湘山其母有賢
行使之謂汾陽陽顧而器之經二年未許入室
每見必詬罵一日訴曰自至法席不蒙指示念
歲月飄忽已事未明有失出家之利語未卒陽
叱曰是惡知識敢裨販我怒舉杖逐之師擬伸
救陽掩師口乃大悟曰是知臨濟道出常情
麝匿舘甕藏鮮封愈固香益全時節至水出蓮道如
蜜甜中邊忘垢淨月臨川等逆順風區圓暨寶劍列
聖賢正法眼照人天

楊岐會禪師



即非禪師贊

第十二世楊岐方會禪師

師袁州宜春冷氏子少警敏及冠不事筆硯繫
名征商課最坐不職乃宵遁入瑞州九峰落髮
每閱經心融神會扣叅老宿佐慈明總院事每
咨叅明日庫司事繁且去他日又問明日監院
異日兒孫徧天下在何用忙爲一日明出師偵
之小徑擲住曰者老漢今日須與我說不說打
你去明日知是般事便休師大悟贊曰
小出大遇意下休休十年冤債一旦相酬天共雲曉
水和月流三腳驢子關殺牯牛

白雲端禪師



第五圖

即非禪師贊

三

第十三世白雲守端禪師

師衡陽葛氏子幼事翰墨冠依茶陵郁禪師披
剃叅楊岐岐問受業師爲誰師曰茶陵郁和尚
岐曰聞伊過橋遭擲有省作偈甚奇能記否師
誦偈岐笑趨起師愕然通夕不寐黎明咨詢之
岐曰汝見昨日打毆誰麼曰見岐曰汝一籌不
及渠曰意旨如何岐曰渠愛人笑汝怕人笑
瞿曇舉身毛孔俱笑楊岐笑趨驢涇處尿管前白雲
江山失照提醒一籌頓契本妙六會舉揚風號萬數
曲演無生宮商合調

五祖演禪師



第六圖

即非禪師贊

五

第十四世五祖法演禪師

師絳州鄧氏子三十五祝髮叅白雲端于未
之語契悟住東山法道大行將示寂淨髮澡身
吉祥而化是夕山摧石墮四十里開維舍利
而立之外剡艸受具初習惟識乃通大義不會空宗
知識是慕逮見白雲如瘳其痼鐵裹酸餽隨時吞吐
撞破口門汗泚無數勉住東山蠅依蟻附彩鳳丹青
鐵蛇古路下載清風疇堪分付授與滅宗究有頭故
告倦津梁示同電露舍利旋烟疎雨出雲體同虛空
法身常住眞天下師法門大樹

佛果勤禪師

宋高宗賜號
悟真覺禪師



佛祖圖

即非禪師贊

筆

第十五世佛果克勤禪師

師彭州駱氏子幼敏慧長爲比丘徧參知識最
後見五祖盡其機用皆不諾及再參遂獲契悟
出世成都昭覺示寂日跌坐書偈遺衆投筆而
逝茶毘舍利無數皆五色齒舌不壞贊曰

一目十行自笑無書可讀艸鞋踏破方登五祖之門
瞎雙眼于聲色堆頭風流千古辨龍蛇于無生棒下
機用雷奔相府談玄全提華嚴法界紫宸入對別立
格外乾坤特賜金襴師號東山之道益尊舌牙舍利
三不壞睡虎翻身一口吞

虎丘隆禪師



佛祖圖

即非禪師贊

筆

第十六世虎丘紹隆禪師

師禾之舍山人也九歲謝親居佛慧踰六年得
度受具初謁湛堂黃龍次參圓悟悟問見見之
時見非是見見猶離見見不能及舉拳云還見
麼師曰見悟曰頭上安頭師聞脫然契證悟叱
曰見箇甚麼師曰竹密不妨流水過悟有之有
問曰隆藏主采易若此何能爲哉悟曰瞌睡虎
耳

通身是斑一翳在眼竹密水流天空雲斷涌出金輪
第一峯堪作四生大彼岸

應菴華禪師



師贊

卽非禪師贊

三

第十七世應菴曇華禪師

師蘄州江氏子生而奇傑十七去髮參虎丘侍
行半載頓明大事丘忌日師拈香曰平生沒興
撞著者無意智老和尚做盡伎倆湊泊不得從
此卻卻干戈隨分著衣喫飯二十年來坐曲衆
木懸羊頭賣狗肉知他有甚憑據雖然一年一
度燒香日千古令人恨轉深贊曰
巾侍半載鼻孔去半邊不沾肉氣惹得滿身癰外揚
父醜高索價錢抄喜長姪之惡彌增逆子之憊知罪
不辭讚歎讚歎或爲疎密蒼天蒼天

密菴傑禪師



師贊

卽非禪師贊

表

第十八世密菴咸傑禪師

師福州鄭氏子幼而穎悟徧參諸方後謁應菴
菴問如何是正法眼師答曰破沙盆菴領之一
日告假省親菴示以偈曰大徹投機句當陽廓
頂門相從今四載徵詰洞無痕雖未付益倍氣
宇吞乾坤卻把正法眼喚作破沙盆此行將省
親切忌便踈跟吾有末後句待歸要汝遵及回
又執侍三載乃付囑出世烏巨及徑山七大刹
撥出砂盆賣弄家風正法眼藏自此流通被人看破
卻成滯貨明眼人前不直一唾

破菴先禪師



卽非禪師贊

卽非禪師贊

空

第十九世破菴祖先禪師

師廣安王氏子徹證根源機辯捷出徧遊叢席
後至霧隱叅密菴菴命師分座未承許可有道
者請益曰胡孫子捉不住願垂開示師曰用捉
作麼如風吹水自然成紋菴聞曰不謬爲霧隱
首座乃囑累住山于夔州臥龍上堂不是心不
是佛不是物忍俊不禁爲諸人作箇撒脫拈拄
杖卓一下曰流水暗消谿畔石勸人除卻是非
徹證根源無本據教得胡孫倒上樹烏頭子也早留
心直至于今無覓處

無準範禪師



宋理宗賜號
佛鑑禪師

卽非禪師贊

卽非禪師贊

空

第二十世無準師範禪師

師劍州梓潼雍氏子髫歲依平山道欽出家初
謁育王佛照照問何處人師曰劍州照曰帶得
劍來麼師便喝照曰者烏頭子也亂作大衆破
菴有道者請益胡孫子話師於侍傍大悟相依
入載受囑住明州清源後奉詔住徑山贊曰
尺短寸長量盡虛空無欠剩殺刀活劍威光凜凜逼
人寒一朝劍尺忽雙失竊得胡孫上徑山少賣弄悅
龍顏誰知難掩面門斑欽頒紫服銷金帽衣拂並傳
匹似閒

雪巖欽禪師

宋度宗賜號法
印慧朗禪師



第二十一世雪巖祖欽禪師

師清漳人五歲出家十六為僧十八行腳至雙
林遠會下看狗子話不明往叅徑山無準和尚
十遷星序亦不得徹一日在殿上行擡眸見古
柏觸著向來所得境界和底颺下礙膺之物撲
然而散懷香向準說悟由即為印證後出世龍
興魁住仰山凡六大利賜紫登對名震江湖
看破庭前柏趙州欠悟門平生作一夢且喜有人原
居住萬指千礎身披御賜衣黃芳流千載目擊道存

高峰妙禪師

元仁宗諡佛日
普明廣濟禪師



第二十二世高峰原妙禪師

師吳江人俗姓徐十五歲從密印寺法住問顯
廿二叅雪巖和尚纔問訊被打出後凡人門巖
便問誰與汝拈者汝屍來隨即打出後因觀五
祖真贊忽然打破疑情巖問無夢無想時主人
公在甚麼處師無語越五載墮枕席然大覺云
元來只是舊時人不改舊時行履處承巖密印
入天目閉死關及巖寄竹篋法語囑累燈闍堂
誰拈汝屍來自負還自埋三吳為土墓天目作棺材
大歎忽大活咳嗽成風雷獨許不肯兒扶起上高臺

原稿模糊，敬請鑑諒。

師禪本峰中

元仁字陽號佛慈圖照
廣慧禪師至願宗諸著
應國師指曰法雲



第二十三世中峰明本禪師

師錢塘孫氏子觀流泉有省詣高峰求證被打
趁既而訛傳官選童男女師問曰忽有人來問
和尚討童男女時如何峯曰我但度竹篋子與
他師於言下洞徹底源峯書真贊付曰我相不
思議佛祖莫能視獨許不肯見見得半邊鼻
觀流泉有省大意度竹篋洞徹源底道容滿月沾光
莫不清涼齒頰春風拂地皆成紅紫有福慧等滄溟
視名位若敝履天子知師不可致潘王懷香扣直指
兩賜金襴五山不蒞奔走萬方龍象千公卻被些子

師禪長巖千

元陽號慈圖明廣
無邊普利大禪師
明遠慈明公諸禪師



第二十四世千巖元長禪師

師蕭山董氏子天資勇敏經目成誦十九歲
髮受具參中峯求示法要峯授以狗子無佛性
話三年不沾片一語問風翻翻語語地有聲
恍然開悟住寶峯峯問趙州何故云無師曰
食猶飯峯曰未也師曰飯器破矣峯曰破後如
何師曰築碎方竟峯乃印可出世聖壽贊曰
豐頤美髯眉清眼碧脫口河傾漢注落筆無字渾圖
堅不可入築碎方壺萬機頓息道離有無用即權實
濟世醫士隨證愈疾敷揚大教雷霆啟蟄毒構凌空
如鵬展翼追韻德容可捧可掬王公大臣望風屈膝
迸出金毛懸崖返擲腳下萬峰頭上紅日化儀云周
投筆而寂兩朝諡號用垂千億

萬峰蔚禪師



第二十五世萬峰時蔚禪師

師溫州金氏子母鄭氏夢儒釋二人入其寢覺生二子師居未襁褓中見僧微笑長依講主昇公受具出家謁千巖長老巖問將甚麼與老僧相見師豎拳云者裏與和尚相見巖曰久燒了向甚處安身立命師曰溫生溫滅水還在風息波平月映潭巖以法衣寄之後卓錫蘇州鄧蔚山叢席大振贊曰

拳頭上相見荷葉下翻身不是劈空手爭擒萬甲麟自從逆浪後隨處作甘霖大賣無心得舒光耀古今

寶藏持禪師



第二十六世寶藏普持禪師

師滇之鄧川人姓張氏壯歲出家以苦行作佛事人所不能堪師處之裕如也雖歷寒暑一衲蔽身爲友激發初依淨慈可授次叅萬峰和尚久之未有所入一日峰上堂舉臨濟叅黃檗因緣師在座下聞之大悟峰印以偈曰大愚肋下痛還拳三要三玄絕正偏臨濟窟中獅子燈燈續燄古今傳贊

久依鄧尉不事寒溫大事了畢有禪無禪徹底掀翻無盡藏玉蕊散作樽桑暎

師禪明東



第二十七世東明慧岳禪師

師湖廣王氏子年十四禮丹陽妙覺寺湛然落髮叅寶藏和尚爲典座一日藏問心不是佛智不是道汝云何會師向前問訊又手而立藏呵曰汝在此許多時還作者箇見解師乃發憤至第二日驀然契會呈偈藏大喜印之師受囑至安谿設關三十餘年影不出山道風遠播贊曰一箇毘盧兩夜慧醒今古季昆天下匠郢餘三十年空山弔影千里起風雲濤萬頃欲泛滄溟呼龍入井秋竹垂綸拾得釣艇

師禪慈舟海



第二十八世海舟普慈禪師

師蘇州常熟錢氏子出家破山聽楞嚴至但有言說都無實義處有疑往謁萬峰舉前話求示峰劈頭兩棒曰只者是實義師有省結廬洞庭同衆呵其見解未忘遂叅東明明問曾見人否師曰見萬峰明日萬峰卽今在甚處師罔然明日恁麼何曾見萬峰師歸寮三晝夜寢食俱忘偶琉璃燈墮地忽然大悟呈悟由明乃陞座付磑磑論實義扁舟過洞庭琉璃忽墮地築碎水晶餅七十四僧臘九十六報齡寂呼瑄長老無語可丁寧

寶峰瑄禪師



第二十九世寶峰明瑄禪師

師吳江范氏子因海舟和尚造塏院斧傷足有省乃充火頭刻意參究不覺被火燎卻眉毛面如刀割以鏡照之豁然大悟詣舟求證舟便打師接住曰者條七尺幾年不用今日又要重拈舟笑而罷師呈偈曰棒頭著處血痕斑笑裏藏刀仔細看不是英霧真漢子外人喫棒舞喃喃

面門放光燎卻眉毛現成公案悟箇甚麼我見燈明

瑞如此高提古鏡印山河

天奇瑞禪師



第三十世天奇本瑞禪師

師鐘陵江氏子二十一歲從荆南無說能披剃徧衆後謁寶峰峰問曰甚處來師曰北京曰別有去處麼師曰隨方滿灘曰會到四川否師曰到曰四川境界與此間如何師曰江山雖異風月一般峰豎拳曰還有者箇麼師曰無曰爲甚卻無師曰非我境界曰如何是汝境師曰無曰爲甚佛不能識誰敢強安名峯有之乃付偈印可雲月是同蕩然一片古皇風諸佛不識平收佛祖超常倫從前聞見非聞見獨露一枝優盡

原稿模糊，敬請鑑諒。

無聞聰禪師



第三十一世無聞明聰禪師

師邵武光澤人姓奚氏依隱菴剎染聞馬誓徹
悟參天奇和尚奇問在世忘世是如何曰了物
非物奇曰在念念念是如何曰於心無心奇曰
心物俱忘時如何曰華山高峽太行我奇曰教
壞人家男女惟汝一人乃付偈曰破情情破破
還情絕跡無私精內精知是箇中今不惜盡情
分付與仁行後於隨州龍泉寺爲開山第二世
人家教壞不知羞卻向龍天說悟由露柱揚聲罵不
徹燈籠鼓腹笑無休

笑巖寶禪師



第三十二世笑巖德寶禪師

師金臺吳氏子聞巨雷震而誕出家廣慈衆無
聞和尚於十聖三賢機語不契一日洗菜次偶
一莖菜墮水逐流圓轉捉不着忽然頓省一日
聞問人人有箇父母子之父母今在何處師曰
一火焚之曰恁麼則子無父母耶師曰有即有
只是佛眼覷不見日子還見麼師曰亦不見日
爲甚不見師曰若見則非真父母問梁育之
因地一聲雷通身手眼開光明遠宇宙標格露
賢聖目中屑爹娘爐底灰曹溪一滴乳老親歸來

師禪傳有幻



第三十三世幻有正傳禪師

師深陽呂氏子十九出家顯親寺誓期見性一
夕聞燈花爆聲有省泰笑巖和尚於翹足處當
下脫然一日巖入堂曰我者拄杖要與人有要
底麼師躍下禪牀曰恁麼須分付某甲往前迎
取巖笑曰汝當久久執持一番始可打州去也
已而辭去巖書正宗源流付焉併贈一笠曰以
此覆之無露圭角後開堂龍池著物不還題旨
拄杖頭雙懸日月笠子下盃覆三千幻起微雲半點
龍池浪涌滔天翁翁常住寂光土萬象共論物不遷

師禪悟雲密



第三十四世密雲圓悟禪師

祖宜興蔣氏子因樵採見一庵葉突露有省依
龍池和尚脫白未見劉斷具威儀請益池曰汝
若到者田地便放身倒臥祖益疑一日過銅棺
山忽大悟自此機緣屢契後池薨益繼上堂授祖
衣拂及池示寂守塔三載衆請繼席開堂次任
五大利重興天童宗風大振付法嗣十二位于
崇禎十五年七月初七日午時坐化流光夜照
四山變白壽七十七全身輪於本山贊曰
他方補處此土樵夫曹谿芳躅千載合符銅棺開眼
大地平沈全提白棒直指元辰漏殿飛樓應念成就
道播九重公侯稽首七十七年普注法雨大根小草
盡量而已二六法嗣堪方四季生化無窮毫力不費
風眸龍姿身掛紫衣瞻禮遺像渾是生機

費隱容禪師



第三十五世費隱通容禪師

祖福州福清何氏子十四歲依鎮東慧山公祝髮十八行腳二十五有省作偈見志云吾年二十五氣海吞佛祖不過古人關豈踏今時路慕天童老和尚宗風遂往參謁問曰覲面相提事若何童便打祖曰錯童又打祖便喝童復打祖復喝至第七打伎倆知見泮然冰釋一日童問薰風自南來殿閣生微涼汝作麼會祖曰水向石邊流出冷風從花裏過來香曰離了此又作麼生祖曰放和尚三十棒曰除卻棒又作麼生

祖便喝曰喝後響祖曰更要重說偈言童休去既而童主金粟命職西堂明年隨赴黃檗重陞座以源流衣拂付焉祖自出世黃檗及蓮峰法通金粟超果天童徑山維摩堯峰以至重興福嚴鉗鎚衲子寒暑弗怠著書十二卷顏曰別集與語錄三十卷並行又作五燈嚴統一部示寂于順治辛丑年三月廿九日未時右脇吉祥而逝茶毘收翳骨復舍利二百餘顆皆五色燦然其中最晶瑩圓大者廿有三粒貯于餅以俟建宰塔波然祖先有遺囑歿日勿出計音勿食不

佛祖圖

即非禪師全錄

三

莫勿留骨石勿造塔以占人間地免累世間難此治命也但黃檗壽塔已造于二十年之前非是乃禮也于是大眾俱曰可門弟子率同僧眾百餘扶靈龕而行當道薦紳及四眾人等沿途設祭瞻禮如雲載道香花送至黃檗歸葬壽塔焉祖佛臘五十三世壽六十有九贊曰

翻轉面皮自是出爐彈子辣鎚不變終成百煉真金年而立大方獨步迄稀古十振叢林撼天童三面毒鼓掃雙徑百萬松陰全展金翅之威滄海中得龍活捉倒用魔王之印藕孔裏大卒生擒續五燈未全之語符列祖大公之心空胸峻骨龍辱不臨落葉歸根舍利珠圓玉皎無隱面目依舊山高水滾

隱元琦和尚



印非禪師

第三十六世上隱下元琦和尚

師福清東林氏李千也童時每靜夜坐臥松
下仰觀天河運轉星月流輝雖繁雜主纏度不
忒欲明此理遂有慕佛之志年大弗要投禮聖
源公雍深受具徑往金粟參密老和尚機扣有
省大渴費師翁于黃檗上堂師出問云打著
翁打云舊處而今猶恨棒頭經請師末後一頓
去也翁曰如何是汝微底意師云時清休唱太
平歌後呈百丈再參馬祖因緣頌曰一聲塗毒
聞者喪白如霜翁目訖即圓拈法堂示衆曰千
秋葉白如霜再行勸發入室機緣觀面分付崇
持拂座座再行勸發入室機緣觀面分付崇
泉順治甲午秋應聘東渡與黃檗贊曰長樂龍
首入費師翁之室獨踞運遠祖之席痛處加錐紹三
十五世骨髓酬恩兩佛續二十八代正脈此吾師承

印非禪師全錄

佛祖圖



從上源流之大體也奔流度刃花劈三立千棒頭電
激雷轟包羅五教千喝下此吾師整臨濟接人之大
機用也望之儼然如海上孤峰卽之油然若垂雲無
跡此吾師之隱顯三昧得法大自在也六坐道場皆
栴檀圍繞衆栴檀總一栴檀七十二臘賜黃檗重開
一黃檗現多黃檗是無忝徑山之眞子斷際之象孫
也至于雲仍繼美法脈悠長非不肖一人所敢擅其
後塵以開來學用新東來之正印也

板存 佛藏藏坊
嘉興倪爾繩刻

即非禪師全錄

佛祖圖

華嚴聖可禪師語錄

清
•
光 聖
佛 可
德
玉

等 撰
編

華嚴聖可禪師語錄目錄

一卷

上堂

二卷

上堂

三卷

晚參

機緣

四卷

拈古

五卷

頌古

禪錄

華嚴聖可禪師語錄卷一

門人光佛等編

上堂

重慶府巴縣華嚴禪院語錄

二期十五則

康熙庚戌年十月十五日雙山里蔣弘道等新建本

院請師開爐

拈疏元符太白同斯理雙桂華嚴沒兩般祖脈淵源

在裏許維那剖出大家看

法座不是曲象木亦非吉祥草喚作諸法空依前不

恰好且道如何方恰好看取令行時陞座

支那

聖禪師語錄卷一

一一

拈香 此一瓣香初得廣成子三祝華封人箭為祝

今上皇帝聖躬萬歲萬歲萬歲唯願一人無事免

股無膚脛無毛之勞眾庶謳歌得日出作日入息之

樂次拈香云此一瓣香在天乘東維騎箕尾在地隱

傳嚴舉版築奉為滿朝文武闔國公卿暨本省本郡

本邑當道尊官現前檀越今期請主惟願在位者祿

位高增在野者臻延福壽末後拈香云此一瓣香一

出一入於極險地始自兵戈隊裏得來再甄再陶於

百煉爐今就荆棘林中拈出熱向爐中奉為雙桂堂

上傳臨濟正宗第三十一世破山先師用酬法乳之恩歛衣敷座上首白槌云法筵龍象衆當觀第一義問新開爐鑪設斯場四衆欣欣建莊因此懷香呈一問以何法道播諸方師云理長則就進云就箇甚麼師以拂子拂一拂云會麼進云不會師云幸爾不會若會打折爾腰進云過在甚麼處師云道理也不知問如何是已躬下事師云腳根下薦取進云體露堂堂時如何師云先天灼地進云未出方丈時如何師云閉目看進云出後如何師云劈箭急進云撥轉虛空笑一場原來無物可商量道可拂袖歸衆師云

支那

聖禪師錄卷一

二

莫道無事好乃云把得便用意若灰擦起便行心如墻壁聞言而信萬年一念做工夫得意而歸東去西來行祖道有生可度鈍鳥栖蘆無佛可成情同止水凱歌齊奏難乎不涉程途天下太平理宜歸家穩坐安禪結制話已周圓祝國祐民作麼生道但願皇風彌宇宙堯仁舜德萬斯年舉南泉住山有一道者相訪泉云我上山作務你做饭喫了與我送些來泉去後道者做饭喫了打破鍋碗太床上臥泉見不來便歸見打破鍋碗在床上臥泉亦太道者身邊臥道者便起去泉後出世舉云我二十年前在山見一道

者甚是靈利直至而今不見師云說甚麼二十年不見殊不知道者打破鍋碗時早不見了也泉去身邊臥尋踪捕影耳二十年後恁麼舉意在於何從前汗馬無人識只要重論蓋代功上首復白槌云諦觀法王法法王法如是

上堂問世尊不說說迦葉不聞聞則背世尊說說迦葉聞聞則觸不觸不背時如何師云華岩向者裏道不出僧擬議師便喝僧亦喝師云是背是觸僧便拜師復喝乃云世尊不說說華嚴不曾出方丈迦葉不聞聞大衆何嘗到法堂向者裏直下肯承當如紅爐

支那

聖禪師錄卷一

三

上著一點雪將此事當機齊捨卻似枯木上撒些子花大衆還委悉麼也是石曰呼風虛應吐白各人回觀返照自然口耳根寂聞說塵消凡聖同源古今不二誰非迦葉誰非世尊靈山一會儼然未散只如華岩依舊歸方丈大衆仍復還本位又且如何不離當處常湛然覺即知君不可見長至上堂天地之心今始開云何一復萬機回爲他枯盡閒草木律管吹灰力自來上堂昨日黨元戎至靜夜繹思幾句佛法想今日陞座背諷一遍與諸人結般若緣竝酬信施洎乎諸人

形問形答盡情遺忘華嚴從頭至足內而肝膽腸胃外而髮毛爪齒乃至大地山河于其中間覓佛法如芥子許不可得且道將何以酬遂喝一喝下座

佛成道王有功送子披剃請上堂以拂子召衆云見麼此是王元戎捨子出家底捨心也昔釋迦老子捨王位國臣妻子皆同者箇捨心今日子夜觀明星而悟云吾觀大地衆生俱有如來智慧德相亦悟者箇捨心卽是人人俱有如來智慧德相因甚釋迦悟大衆不悟釋迦老子恁麼道豈不是壓良爲賤汝等可以見義勇爲見賢思齊也還委悉麼山東宰相山西

支那

聖禪師語錄卷一

四

將彼丈夫兮我丈夫以拂子拂一拂下座

劉光喜請上堂雞鳴犬吠鵲噪鴉啼觀音菩薩來也牆壁瓦礫大地山河普賢願王在焉來在聲色裏求人聞見中垂手則不無掀翻聲色踢脫見聞一句作麼生道數聲清磬是非外一箇閒人天地間周啓嗣請上堂將拄杖在目上視了復顧左右云者箇木上座默也可卓一下云語也可豎起云直也可橫拄杖云橫也可語默直橫俱可且置拄杖未出方丈倚牆靠壁時還解恁麼也無一氣不言含有象萬靈何處謝無私

元旦上堂問爆竹一聲除舊歲梅花幾點迓新年如何是舊歲師云桃符已喚進云如何是新年師云曆日已頒進云不涉新舊時如何師豎拂子云是涉是不涉進云放下拂子又作麼生師云闍黎且歸衆公僧便歸衆師云看者僧好穩腳跟乃云空却已前一句子梅花吐露已多時今朝何故重重舉貴要眼前人共知且道知箇甚麼恭賀大衆新春納祐解制上堂問寒去春來卽不問如何是解制句師云紫綃草鞋進云向上宗乘又作麼生師云鐵蛇橫古路進云與麼則諸佛不出世祖師不西來也師云那

支那

聖禪師語錄卷一

五

裏云來僧便喝師便打乃云父母所生眼畢竟壞父母所生耳畢竟壞父母所生鼻畢竟壞父母所生舌畢竟壞父母所生身畢竟壞父母所生意畢竟壞六根既壞六塵絕待心識全銷無罣礙大衆還會麼若於斯會得便可高高峯頂立淡淡海底行十字街頭橫行直撞者邊那邊西天東土無可不可如或不會不妨長連床上依舊衆盧都舉僧問大隨劫火洞然大千俱壞未審者箇壞不壞隨云壞僧云恁麼則隨他去也隨云隨他去僧不肯師云者僧與麼問大隨合答他甚麼語免者僧不肯設有人問華嚴切火

洞然大千俱壞未審者箇壞不壞亦向伊道壞恁麼則隨他去也但答伊云一任舉似諸方

師誕雪林維那請上堂無明父恩愛母念念遷流莫可補賴遇朗公推出頭與他道箇雲門普卓拄杖一下云者是無明父又卓一下云者是恩愛母雲門普在甚麼處復卓兩下云于茲委悉得大地無寸土辛亥冬結制印金印剛請上堂以楔去楔棒頭落處山河隱將錯就錯撒手歸來機用齊臨濟悟黃檗宗旨首山改風穴憂思摩尼莫喻連城金上上人最貴中下者不知明明道破的的全施期九十日日十

支那

聖禪師語錄卷一

六

二時無分南北莫辨東西警然省得不受人欺執本現成猶是得少爲足須喫痛棒大呼土廣人稀連卓拄杖云還委恁麼屋北鹿獨宿溪西鷄齊啼

光燦光鮮請上堂舉昔日有一婆子到趙州齊僧次向前指云者一堂僧總是婆生底只大底兒子不孝趙州纔顧視婆便出去今老僧住華嚴三載光鮮婆子頻頻請益雖未有如是機緣而弘護求道之心不在趙州婆子之下設使光鮮翻轉面皮突出人前亦向道者一堂僧總是婆所生只有大底不孝老僧作麼生下得一轉語一與目前增光二與趙州出氣遂

起身作女人拜云兒孫自有兒孫事祖父從來不出門

長至後上堂爐香多誦兩字一線工夫日日加萬物無心承雨露陽回依舊木敷花舉雪峯岩頭末後句機緣畢云岩頭以同生不同死爲末後句者僧被他熱瞞後來者僧天下人還奈他何不奈他何今無私吾兄渠也吾姪昔與德玉同參同條生又同條死德玉只憾他二老不與玉道末後句若與玉道末後句天下人亦不奈德玉何免出斯醜者事且止及節應時如何通信荷盡已無擎雨蓋菊殘猶有傲霜枝

支那

聖禪師語錄卷一

七

元旦上堂九淵參敏樹汾兄雲幻法兄有年而未染旨來華岩一冬于老僧棒頭喝下稍有入處老僧勘以女子入定機緣淵與老僧一拳老僧便打淵擬議老僧又打淵云誰家不愛子孫賢老僧彼時痛與一頓搭卻不錄淵至夜溪復入方丈老僧向他道大機大用卽不無入理溪談未夢見在淵躍然喜遂請老僧上堂只將搭卻機緣叙說一上借花獻佛兼賀大衆新年別無法說

雪林還初二上座請上堂大衆纔集定雪林白槌云吾宗無語句師便下座歸方式

解制上堂百日禪期業已終解開布袋欲何從遂卓拄杖云過頭拄杖隨身執請續後句苦續得卽續若續不得待汝諸人到報恩寺爲諸人續換拄杖下座重慶府報恩禪寺語錄一期壬子孟春望六日渝城衆鄉紳耆庶暨舊住持超淪請師入院

三門恢基已久門庭不設如斯爲人卻也直提佛殿是乾屎橛是麻三斤日而月而卽心非心新報恩到來覲面相逢又作麼生方丈喝一喝云一言旣出馴馬難追一機纔發萬牛

支那

聖禪師語錄卷一

八

莫回擒虎咒定龍蛇句分付阿誰復喝一喝

當日衆紳士請上堂拈疏云文韜武畧擲地作金聲江漢秋陽翻空成玉露大衆見麼請維那宣過拈法座云瀉山左脇書字嬾菴收放索頭要有寒山拾得卻都是我同儔遂以右手理袈裟左手將拄杖安頭上云新報恩披毛戴角入他者一夥羣隊去也遂陞拈香祝聖畢末後拈香云此一瓣香蒙山言下知音大隨饅頭馴得此乃第二回拈出熟向爐中爲爲傳臨濟正宗第三十一世破山先師用酬法乳之恩歟衣敷坐維那白槌云法筵龍象衆當觀第一義問如

何是報恩境師云直武山上鐵圍竿進云如何是報恩人師云眉橫鼻直進云人境且置入院慶賞一句作麼生師云一炷清香古柏根願祝當今無量壽進云師子窟中無異獸象王行處絕狐踪師云帶累三軍將頭不猛進云西河師子字水出頭師云文殊來也乃云予本林間人藏拙而自守無端衆檀那三請出山口草鞵套腳下拄杖橫肩負到來陞此床一旦揚斯醜不惑亂人天敢鈍置諸友各與三十棒永光臨濟後喝一喝復舉朱行軍入南際院自行香云直這是直這是時有一僧問云直這是是箇甚麼軍便

支那

聖禪師語錄卷一

九

喝僧云行軍幸是佛法中人惡發作麼軍云你作惡發會那僧便喝軍亦喝云鈞在不疑之地呼左右認取者僧著師云你看他二人一縱一奪一殺一活發明臨濟宗旨古今罕有今日超淪暨衆檀那三番四番來華岩迎請老僧辭之不獲只欲老僧來此住此與揚佛法建立雙桂老人宗旨亦是古今罕有且道一念萬年始終不變一句作麼生道君玉磨成西子骨黃金鑄就伍員心維那復白槌云諦觀法王法法王法如是

結制光裕光雲請上堂長期短限作甚麼坐禪坐佛

事何多打牛打車君如會誰把輒來石上磨車若不
行打車卽是打牛卽是問十方諸國土無刹不現身
身作麼生現師云龍門皓月映長空乃云一日之計
在乎寅一年之計在乎春一生之計在乎勤勤箇甚
麼勤澁耕淺種農人之計勤五經四書文舉之計勤
馳馬試劍武舉之計勤貿易貨殖經商之計勤闢土
地而撫四夷國王王子大臣之計今日現前檀越當
期請主決不是如上所說之計計在於何在要將報
恩寺中荆棘化爲赭堊瓦礫翻成梵宮令老僧日日
陞于此座演揚臨濟正法眼藏使人人鼻孔遶天箇

支那

聖禪師語錄卷一

十一

箇腳跟點地咸悟上上一乘生生世世不受閻家老
子所羅繫以滿百劫千生之計計在斯也百劫千生
之計在乎甚麼在乎最初最初一句作麼生道妙舞
必當誇偏拍三台須是大家催

仲春花朝上堂澗濁江清斷岬全消雪路春和日煖
滿山復露燒痕晴月何常有心一夜之間晒開桃紅
李白朝風原來無意剝那之際吹綻柳眼桑包百草
萌芽萬蟲關戶情與無情熾然而說說無間歇僧之
與俗立地而聽聽箇甚麼不見道心隨萬境轉轉處
實能幽隨流認得性無喜亦無憂生機一路到耆田

地也大難得打麪還他州土麥唱歌須是帝鄉人
浴佛上堂天下叢林商量浩浩地評題初生公案多
是與雲門作主雲門要打殺悉達何嘗作不得主報
恩今日要與悉達作主使雲門有捧無下手處驀拈
拄杖卓一下云大衆會麼悉達生也摩耶夫人卽今
在甚麼處遂起身倚拄杖而立云每憶獨丁難遠害
從教千子一胞胎連卓拄杖下座
解制上堂舉藥山陞座默然而坐大衆纔集定藥山
便下座師云藥山恁麼銀山鐵壁鍼刮不入雖是識
法者懼要且太險絕生報恩則不然道火怕燒著口

支那

聖禪師語錄卷一

十二

耶今日與諸人八字打開合水和泥去也還委悉麼
普請大衆舉岩松秧拽拄杖下座

再任華嚴禪院語錄

十二期七
十九則

壬子孟冬望日結制上堂祝聖畢末後拈香云此一
瓣香乃天華棒頭二祖拳頭忍痛已久拈來熟向爐
中奉爲雙桂堂上傳臨濟正宗第三十一世破山先
師用酬法乳之恩斂衣敷座上首白槌竟師云服如
黑漆明察秋毫耳似卷荷聰聞蟻鬬根根明鏡塵塵
止水一攝一切一切攝一融通三際含裹十虛法爾
如然神通妙用不假修造本自現成只爲汝等有生

之後眼隨色變耳逐聲移情塵妄想日積膠固故有長期短限漸修頓悟之規非老僧特地妄爲強向空裏畫眉孟上安柄也還會麼劍爲不平離寶匣藥因救病出金瓶上首復白槌竟下座

長至上堂問陰向鼻端滅陽從眼裏生如何是滅句師云一氣不言含有象進云如何是生句師云萬靈何處謝無私進云如何是不生不滅句師云無言可答無理可伸進云恁麼則乾坤有眼大海無波也師云八方霹靂無爲化四海歌謠樂太平僧禮拜師乃云履長之慶亂如麻至日閉關卻較些灰盡全心無

支那
誤述

聖禪師語錄卷一

三

剝復纔生一念看飛葢

上堂昨日光蒞云來日是弟子母難之辰請和尚開甘露門慈悲利濟老僧向他道徐父母未生前道一句來士無語老僧云明日陞座與徐說破今日故陞於此座舉似大眾大家證明父母未生前句子與君拈出記須牢二即關上瑤芝秀帕子岩前碧樹高新戒真壽請上堂高沙彌拂袖而去從空放下盧行者網中跳出就地升高不入者係社膏肓不少向者裡衣頭上安頭兩者俱全一體不成二佛拈一放一如何脫盡廉纖既是行者得衣鉢於黃梅因甚卻於

智光受戒了達本來無一物何妨錦上更鋪華

光常請上堂問放去天雨四花收來地播六震如何是禪師云金山高進云滿目盡是青山綠水如何是道師云字水滾進云自性了然如何是佛師云頭上安頭進云三藏拈向一邊如何是法師云斬頭覓活進云禪道佛法既爾分明如何係任師云饑喫飯困打眠進云任麼則錦上鋪花去也師云漳州橘皮莫當火枯木岩前岐路多乃云閉門打睡接上上機顧鑑嘖呻曲爲中下只如魯祖見人來便面壁去是接上上機耶是曲爲中下耶老僧恁麼舉卻有兩意一

支那
誤述

聖禪師語錄卷一

三

薦光常之母生天成佛二祝光常之壽山高水長曾祖面壁意旨果只如此耶向下文長付在來日解制上堂梅子兮脫胎柳眼今乍開征夫兮出戶農人兮歸來春雨如膏兮石頭路滑君等且住住今免怨草鞋

中秋明立師請上堂體露金風萬象如松蘿無影映山居當臺一鏡分明甚照徹諸人肝膽無有卽出來大家證據問萬古長空一朝風月畢竟是甚麼意師云普天匝地進云月正圓時作麼生賞師云塞壑填溝進云月落後如何相見師云非公境界僧拂袖歸

衆師云果然乃云明玄鏡上人存心甚廣大追師及薦徒請吾說佛法吾說恐不如拄杖爲通達遂以拄杖打圓相云如是光輝徹四維翁孫乘此齊超拔復卓拄杖兩下下座

心安送法衣請上堂雞足山中埋沒久大庾嶺上空開口吾徒甚處得將來自不受持供老朽老朽披登獅子床人天共證無何有大端個個解翻騰無一不能獅子吼遂驀拈拄杖召大衆云獅子吼且置既是人天共證因甚卻又道無何有拽拄杖下座
癸丑冬結制上堂一年一度開爐今歲期中不如四

文冊

聖禪師語錄卷一

五

海禪和雲集十方檀供稀疎幸有龍天可恃不致飲水食茶珍重諸人努力蘊飽趙州曰無朝參暮參綿密做個鐵鑄丈夫一日冷灰豆爆自然列上祖圖喝一喝

上堂舉龍池幻有傳師祖云佛法二字雖不是偶然亦非特意會得但有箇悟入處信意拈來自然貼體隨分道出自然恰好師驀拈拂子左拂云貼體不貼體又以拂子右拂云恰好不恰好雖然如是也須的的當當有箇悟入處始得不然終是矮子看戲
冬至上堂空劫已前承當枯根乾桺佛未出世時會

取死火寒灰尚不得一箇半箇于兵易得一將難求他恁麼驢年去莫守寒岩異草青坐卻白雲宗不妙大衆者四轉語判著判不著印先大師將魯祖南泉老僧大衆鼻孔一串穿卻撒向諸人面前了也莫只團團吞卻直須識些子滋味好

佛宣佛崇請上堂問雪峰三登投子九上洞山如衆居士登山涉水到華岩是同是別師云左戒堂進云雪峰後來鰲山成道衆居士向何處成道師云右方丈進云雪峰成道岩頭證盟衆居士成道何人證明師云闍黎進云莫壓良爲賤師云屈煞汝乃云一日

文冊

聖禪師語錄卷一

五

一次上堂佛法漸漸興揚僧俗如龍若虎都來直下承當且道承當箇甚麼承當四果耶辟支耶十聖耶三賢耶佛耶祖耶金屑雖貴落眼成翳

解制徹心請上堂有一樁事對衆舉揚天纔下雨地便生漿東南林茂西北草荒石橋路滑嶮巖二即通霄一路不許商量園有剩菜倉有餘糧不妨衆廣坐折禪床兼逢馬亂又值兵荒山間林下且暫退藏四野無事一任周行

浴佛日崇心師請上堂纔生就被雲門打既長屢遭調達欺自古逮今一毒鼓斯朝誰不用桴槌

甲寅冬結制印光大師請上堂世道安危不可量斯須大塊幾滄桑幸今結制山林下多得同人共舉揚新戒妙樂請上堂戒如金剛寶劍斬恩愛煩惱之利刃戒如踞地師子遊羣孤魔外于他方戒爲人道之前茅戒爲衲習之殿後戒乃生西方公據戒乃破地獄赦書戒之一法衆妙之門也只如祖師門下還用得著麼若用得著丹霞不應掩耳而去若用不着六祖不應受戒智光還知麼取淨捨穢者戒在眼厭喧求寂者戒在耳逐臭尋香者戒在鼻說是說非者戒在舌愛暖惡寒者戒在身過未習想現業流注者戒

文那

聖禪語錄卷一

去

在意六根紛紜戒在一心只如六根不行一心不亂戒在甚處良久云待喫了妙樂齋來與你們說

三淵師請上堂念佛一聲火急漱口纔起二見貶向鐵圍大人境界報君知承當卽便是歟金屑落眼成障翳好事不如無也到者裏忽有人道老和尚說得盛水不漏了無一鍼鋒許縫罅卽不無要契他達磨魯祖藥山維摩不啻鄭州出曹門驀喝一喝云老僧正要問你藥山維摩置之不論達磨魯祖向你道甚麼莫向鬼窟中作活計

光雲請上堂父母未生前承當咳唾掉臂也是祖師

西來意一念纔生處觀破妄想清慮皆鎔化爲真心行向者裏行說向者裏說現證色身三昧疾得語言陀羅尼一腳踢倒塗山與乾坤而竝濶一喝逆流錦水共觸體而齊乾然雖如是若果見處分明悟處諦當行合乎說說合乎行處處與人爲龜爲鑑拔楔抽釘如其見悟不真行說不合不如直下如蚊子上鐵牛一般相似將父母未生前一念纔起處一較較定如印圈契券之無差下腳不得開口不得更穩當也拽拄杖下座

文那

聖禪語錄卷一

七

山僧拄杖子不隨新舊改容顏

解制上堂問楊岐偵慈明於小徑是何意師云老僧在此二十年不會進云岐楞住云今朝須與我說不說打和尚說箇甚麼師云銀山進云岐又問窄路相逢慈明答你且躲我要往那裏去且道向何處去師云鐵壁進云當時若遇玲瓏漢劈面攔腮又如何師云也要是箇人始得乃云從上諸聖無一法與人老僧不怕瞎人眼不怕諸方檢點卻有法與人且道有甚麼法遂大展兩手顧維那那白椎竟便下座

金薦伯請上堂以拂子召伯云父母未生前畱塞虛

空無背無面無是非無眼耳鼻舌身意及其既生也突出難辨非聖非凡非僧非俗無色聲香味觸法未生既生渾然與琉璃光明法體無以異也及其少而壯壯而老也情竇日鑿念慮時遷便有六根六塵六識萬法縱然似乎與琉璃光明法體漸覺疎遠金薦伯休既發無上道心然琉璃光明燈供琉璃光明佛念琉璃光明經求琉璃光明壽飯琉璃光明僧祈琉璃光明果老僧不辭爲汝說破只恐你承當不下耳你若承當得下但將從前所積凡所有相一切頓捨難捨能捨捨亦復捨捨黑暗色得光明眼捨黑暗

支那

聖禪語錄卷一

六

聲得光明耳捨黑暗香得光明鼻捨黑暗味得光明舌捨黑暗觸得光明身捨黑暗法得光明意如是六處既得則七處八處九處十處四十九處光明燈燈相續焰焰不絕八萬四千毫毛孔竅竅放大光明灼然與琉璃光明法體無二無別雖然如是不可聞老僧恁麼告報便乃坐守長途不肯歸家穩坐此是化城終非寶所設使途路不得力不若還將父母未生前一段光明靠之如倚天長劍將第八識奮志一刀兩斷如斬一縷絲相似如輕帆遇順風到岸不勞彈指頃如大象渡河截流而過如師子哮吼火急鼓

人恁麼奮力一回始得

乙卯冬結制上堂三百六十箇日子隨他念念與遷流騎聲蓋色全無礙東去西來得自由衲僧家氣宇如王腳跟下無紅絲線舌頭上無十字關因甚於一冬三箇月內有眼盲有耳聾有口啞六不通遂卓拄杖云只爲把柄在老僧手裏復打圓相云從今綰就水澌結直待春和始放開

楚石請上堂驀拈拄杖展手作量勢云大眾會麼此拄杖長華嚴二尺便度與侍者舉五祖演上堂云此拄杖長老僧一尺便下座華嚴看來不惟只長演祖

支那

聖禪語錄卷一

九

一尺自圓悟勤虎丘隆乃至密雲師翁雙桂先師俱只長一尺因甚到華嚴卻長二尺養子不及父家門一世衰

梓匠周崇禮萬啓富請上堂滿腹經綸不自欺毀樓玉宇我先施無分貴賤與高下到處逢人露一絲元旦上堂以拂子召衆云會麼三陽開泰日百戲作舞時禮樂於今密咽花分外奇無錢食餽飽有地折松枝應以裁成道輔天相地宜輔相卽不無如何是裁成道以拂子打几案兩下

彭佛幢等請上堂日日爐邊把火圍不知門外早春

歸等閒信步山頭望雨後梅花帶雪肥

解制上堂問春工怱怱向何處下種師云腳下進云空劫已前下得麼師云不顧腳跟三尺水猶貪縱步上高層僧便拜師乃云蘭蕙芬芳鼻孔昂藏桃李紅白莫被眼惑蹋破草鞋來老僧爲你說只如掉頭不顧三搭不回者作麼生與他說珍重道傍荆棘刺休教搭破爾衣裳

佛誕謝啓祥送緬佛至請上堂祝聖問答畢乃呼謝啓祥云此佛豈不是你家中自所供養者得持來請山僧說法耶殊不知此佛在你家中鼻觀十餘年

支那
撰述

聖禪語錄卷一

三

默示向上宗乘你自不薦向外馳求多者一番起倒遂起身拓起緬佛云大衆佛生迦毘羅因甚緬國成形既在緬國成形因甚又在渝州謝啓祥家出現既在謝家出現因甚又在山僧手裏乃放下云是處是慈氏無門無善財復舉遵布衲浴佛次藥山云者箇從汝浴還浴得那箇麼衲云把將那箇來藥山休去師云藥山雖爾分星撥兩要且句裏藏鋒布衲固然截鐵斬釘未免落他圈套藥山休去又且如何有解道識法者懼有解道爭之不足讓之有餘有解道欲隱彌露俱不是者箇道理設使藥山信手拈出布衲

又安肯放過還會藥山意麼他怕打濕袈裟角丙辰冬開爐金光慧鄭光選請上堂現成爐鞴紅如火仍舊鍵槌辣似姜珍重銅肝鍊胆漢一回鍛鍊一回剛

上堂問薩婆多云若人犯欲卽是佛法邊外人是否師云是進云熒光比丘犯婬因甚向維摩一言而釋師云是進云某甲犯律和尚說何法與某甲懺悔師云道得與你懺悔進云恁麼則無罪可滅也師云也要你自肯始得進云文殊有言清淨行者不入天堂破戒比丘不入地獄師云老僧今日功不浪施乃云

支那
撰述

聖禪語錄卷一

三

是不是不是通身是遍身是似此之類也道道不道不道胡亂道莫亂道如斯而已乎寶劍多品只饒解弄不解殺人終歸無用籬根之下捨得莖草便殺活自由縱奪可觀者畢竟是甚麼人薦拈拄杖卓兩下云腦後見腮莫與往來

王仲請上堂舉五祖演上堂云多說不如少說少說不如不說便下座師云一言出口海墨書之不盡多說也在裏許少說也在裏許說也說了說甚麼不說華岩則不然薦拈拂子云要多說就多說要少說就少說要不說就不說作麼生是多說以拂子搭左肩

作麼生是少說以拂子搭右肩作麼生是不說放下拂子

解制光選請上堂舉鼓山赴大王請雪峯門送回至法堂乃云一隻聖箭直射向九重城裏去也孚上座云是伊未在峯云渠是徹底人孚云若不信待某甲去勘過遂趕至中途問云甚處去鼓云九重城裏公孚云忽遇三軍圍繞時如何鼓云他家自有通霄路孚云與麼則離宮失殿去也鼓云何處不稱尊孚拂袖便回峯問如何孚云好隻聖箭中途折卻了也遂舉前話峯云奴渠語在孚云者老凍膿猶有鄉情在

支那史述

聖禪師語錄卷二

三

師云古人是悟得底禪所以開口各自作得主宰咸有出身之路鼓山恁麼道畢竟那裏是他折箭處若也見得安南塞北東擲西拋八面玲瓏縱橫無礙其或不見只恐行到前不構村後不抵店之際平田淺草之中跳出一箇沒情面底孚上座不惟中途折箭只好飲氣吞聲受他處分有在

華嚴聖可禪師語錄卷一終

華嚴聖可禪師語錄卷二

門人光佛等編

丁巳冬結制張自新等請上堂爐炭緋紅爲鎔頑鋼鈍鐵砧槌網密要打利劍鋸鎗設使本有現成何妨重烹再鍊若是躍冶自況徒勞爛額焦頭遂驀拈拄杖卓一卓喝一喝度與侍者云誓教放在幽窓前閒日與君重打算

化主光體率渝城衆鄉長送毘盧佛入山請上堂問未出母胎度人已畢因甚又有者翻起倒師云河源萬里進云卽如衆鄉長跋涉送佛入山得何功德師

支那史述

聖禪師語錄卷二

一

云隄高百尺乃驀拈拄杖打圓相云大衆見麼毘盧遮那佛說法已竟若於此見得不消德玉重說偈言其或未然德玉落第二頭與諸人打之遶一上要會毘盧遮那來歷麼發足滇海經涉黔陽不御風雲豈待車馬東山水上行西河火裏坐阿誰藏身比斗薰風推送南來渝中兩月淹留檀那一朝奮發麻三斤約束全軀竹筋鞭策正道昇奉斬新華座幻出仍舊主人非我多兩片皮緣他少一口氣雖爾無法可說要且有儀可觀相好八萬四千光明普天匝地爲祥爲瑞福國福民卽不無只如今日化主率衆檀越

旛蓋溢目香火蒸雲迎的迎送的送煥耀梵宇光輝
佛日一句作麼生道落華臺上重鋪錦瑪瑙塔前布
玉沙卓拄杖下座

黃之尚生日請上堂侑有拄杖子我與你拄杖子泥
多佛大水漲船高之尚之母極樂逍遙你無拄杖子
我奪你拄杖子不掛本來切忌未生之尚之壽如崗
如陵者兩判語與芭蕉拄杖還有契分也無若有契
分則止止不須說我法妙難思若無契分老僧同黃
之尚乘芭蕉拄杖子入無邊香水海去也還委悉麼
昨日如心相告周生直念不差大家護惜常住斗米

支那
佛地

壽禪師語錄卷二

二

換箇冬瓜

胡悟聖請上堂侑有拄杖子與你拄杖子高高築牆
你無拄杖子奪你拄杖子溪溪掘塹芭蕉用處畢竟
如何你保得他人腴田萬頃難免自家窮無一線還會
麼聽取一偈黑漆電疾劈脊血滴顧左右云咦
曹文秀等請上堂佛法二字向下說時直饒文殊普
賢現大人相以虛空爲紙大地爲硯須彌爲筆濺四
海水書老僧所說至樓至佛出世及窮未來劫亦書
說不盡向上說時不消拄杖一默遂顧拄杖云且道
拄杖子有甚麼長處

黃光潤請上堂帕子崖前一片石四方八面一般寬
拈來度與黃光潤歲歲今朝作飯錢

長至敏松請上堂陰陽無氣律管不應飛灰天地有
情梅花故開笑口青宮世子郊外扶犁先王閉關一
人有慶洞山此日拈果慈明今夜放參且道待老山
中野人畢竟安排箇甚遂以拄杖打圓相于中書一
雲字云大衆休得眼拳老僧終不杜撰
佛成道劉澤民請上堂六年忍苦住寒山笋膝巢巖
安不安今日長連床上客全三全七坐猶難
上堂釋迦彌勒猶是他奴他是誰奴郭居士飯錢莫

支那
佛地

壽禪師語錄卷二

三

只靠老婦人家還始得衆無對師乃擲口一下

解制記來請上堂舉起拂子云拂子有情豎起諸人
將不去拄杖無力靠下那箇肯承當所以九十日中
按圖索馬三箇月內綠木求魚遂以拂子作此云云
老僧不免爲八字打開劃斷鐵限高啓翳幪令汝等
眼蓋乾坤氣吞宇宙去復云住住只如鐵蛇橫古路
又作麼生去乃拋下拂子

戊午冬開鑪王仲請上堂紅似榴花火一鑪徹天徹
地徹雲居人人鍊就鐵肝膽問你骨毛生也無
無塵大空請上堂橫刀且斷真人足織女攀弓欲上

弦紅日一輪從古正草之上下自相連良久云雖然如是早曲了也莫將閒學解埋沒祖師心

長至上堂舉石霜冬日榜僧堂門作此三三三三三几
現抽其下註云若人識得不離四威儀中首座見云
和尚今夜放參師云首座道放參且置石霜作此老
僧二十年不會今日穿鑿得箇抽頭舉似諸人大家
剗削看衆藝文淵六七庫無位真人一喝收直指心
宗如是法石霜榜上看根由喝一喝下座
新戒法本請上堂召法本本應諾復舉起袈裟角云
會麼本云不會師云此是佛涅槃後迦葉尊者持上

支那
換述

聖禪師語錄卷二

四

雞足山中入大寂定七十俱胝五十六百歲以待慈
氏底卽今慈氏未下生迦葉未出定此個從甚處得
來良久云祇是不歸歸便得五湖烟景有誰爭
解制上堂舉南泉道老僧自小牧一頭水牯牛擬向
溪西牧不免食他國王水草擬向溪東牧亦未免食
他國王水草不如隨分納些些總不見得試問大眾
既是納些些云何道不見得既是不見得何故又道
納些些請譌在甚處老僧者裏於九十日內也牧得
一群水牯牛雖爾水草均調其實欄捲畱隘不免將
東夔西益南遵北果作一欄捲亦隘東海岱西吐番

南五嶺北長城作一欄捲亦隘將四天下作一欄捲
亦隘驀以拂子打圓相云只得將萬億佛土無邊妙
華炷香水海作一欄捲去也亦任他掉尾搖頭昂藏
鼻孔食中不怕走卻鼈

已未開爐上堂顧左右云八萬四千生鐵漢通身爲
爐諸根炭無明火種著些些鍊億山河成一片驀拈
拂子召大眾云喚甚麼作無明火種遂折疊拂子吹
兩吹云若是不顧危亡的只教他肝腸似易着日怕
然若是貪生畏死之流早已爛額焦頭無你迴避處
乃以拂子度與侍者云收起火種

支那
撰述

聖禪師語錄卷二

五

長至上堂斗柄北指復見天心春信南枝暖啓地肺
一陽初動嵩嶽之壽宜呼萬物未生塗山之梨可獻
以斯福國祐民以斯保障方土卽不無只如華嚴院
裏老僧長連床上學士枯木其形牆壁其心如何通
信仲冬莫言無煖氣陽春盡洩不萌枝

解制上堂問如何是奪人不奪境師云老僧卽主杖
進云如何是奪境不奪人師云主杖卽老僧進云如
何是人境兩俱奪師云倚牆靠壁時薦取進云如何
是人境俱不奪師云閒持主杖松間立笑問客從何
處來問如何是結制師云解也進云如何是解制師

云畫斷鐵限乃云三個月九十日一千零八十八時簪毛彷彿鼻孔依稀同千百億化身之有相類十八高賢之無爲鐵壁銀牆枯情乾識收心放膽掌電喝雷事既功圓行滿理合展目揚眉放全機于方外收露布于懷中卽不無抵如不動腳跟而行千里不出戶庭而徧塵刹一句作麼生道有翼石虎來刼外無毛鷄子拍天飛

佛宇寺玉初師送僧伽黎請上堂舉海舟慈祖訪東明岳祖于古道山扣關而問曰無上福田衣甚麼人得披明下座打一掌舟云四大非有五蘊本空作麼

支那

聖禪師語錄卷二

六

生明又掌舟云一掌不作一掌用又作麼生明又掌明見得海舟神色不變稱譽道我住古道山二十年今朝只見者漢遂以袈裟與之舟辭曰某不爲衣來師云德玉謬解道慈祖大似眼觀灘浪失卻手橈自已話頭渾然忘卻旣問無相福田及其與之卻又不受恁麼會又爭得殊不知明祖乃醉後添盃慈祖乃飯飽弄筯耳今日玉初上人將師所授衣秘惜已久特捨請法大類乎此亦似飯飽弄筯來請老僧出季而關升曲杲木出東轉西一上一下不可徒然還當得醉後添盃也無乃樸袈裟角云若將耳聽終難會

眼底聞聲方始知

庚申冬結制上堂往歲有檀那請我陞此座今歲無人請祇想挨排過所以病老僧開口無法說喝一喝云各人自薦取鼻孔下頭大

佛成道九超請上堂豎起拂子召大眾云會麼此是九超尋常用底鐵火叉也日日剔柴撥火朝朝辦生作熟供養諸人不獨今朝也九超用底卽是世尊今朝悟底至于塵沙國土普世界叢林世尊無一處不是今朝一齊而悟不獨華岩也如是舉揚若單爲聖節則孤負九超若單爲九超又孤負聖節畢竟作麼

支那

聖禪師語錄卷二

七

生遂以拂子擊几案兩下云兩彩一賽乾州李別駕三元章臺諫請上堂問郭功輔截江訪白雲于海會是何意旨師云四壁光吞蓬戶日進云白雲問功牛淳乎功曰淳矣白雲叱之功拱而立雲曰淳矣淳矣淳在甚處師云一餅香熟地爐茶進云卽今二護法遙來相訪請和尚說法且道與功輔訪白雲是同是別師豎拳云會麼進云不會師云苟非意外相知者徒把空拳豎向他進云恁麼則水向石邊流出冷風從花裏過來香師云且喜薦得乃云萬疊巒疏一逕遙千株松續斷山腰今朝何幸來雙轡

起我幾荒破寂寥舉臨濟同普化到施王家齋濟問
化云毛吞巨海芥納須彌爲是神通妙用爲是法爾
如然普化踏倒飯床濟云太龕生次日又到施王家
齋濟云今朝何似昨日化又踏倒飯床濟云得得太
龕生化云瞎漢佛法說甚麼龕細濟乃吐舌師云普
化兩次踏倒飯牀若是神通妙用臨濟不合道他太
龕生若是法爾如然臨濟不合吐舌二老發明黃檗
宗旨卽不無爭如我李章二公王臣蹇蹇匪躬之故
不畏蜀道之難登劍閣而識張載之銘宿釣魚而知
二冉之指穿縉雲涉字水來此江州國事之餘得得

支那
史記

聖師語錄卷二

八

來山供佛飯僧請法不懈俾老僧舉古舉今演揚佛
祖正法誠哉希有看他二公一面勤勞王事一面墻
壁三寶如斯神通妙用誰敢道細道龕豈不超他古
人頭地者事且止因齋慶讚報答二檀祝國祐民羣
固江山一句作麼生道北門函固金鎖鑰南來劍益
萬里城
陳宗富薦妻請上堂驀豎拂子云渾沌初分開柳條
無文心印綻桑苞女媧昨日補天漏鍊得雲根上九
霄擊拂子一下時正月廿三日也
解制上堂問大通智勝佛十劫坐道場因甚佛法不

現前師云業識未盡進云因甚不得成佛道師云待
汝業識盡時向你道僧無語師豎拂子云會麼僧云
不會師云凡老僧所說不可作實法會復以拂子擊
几案云但與麼會便下座
辛酉冬結制李承應請上堂佛法遍在一切處既遍
在一切處還有針鋒許芥子許不周遍處也無若有
卽非佛法也恁麼說話忽有箇漢出來拽將下座好
搥腳折不爲分外良久云住住老僧非是壓良爲賤
卑視諸人老僧有箇驗法可以作證秘魔見人來便
以叉叉住云道道道得也叉下死道不得也叉下死

支那
史記

聖師語錄卷二

九

速道速道擬議便叉出慈明室內常安一水盆盆上
置一劍傍著一鞦韆僧纔入便云咦僧擬議便趁
出老僧恁麼舉妄想得一個撞著露柱瞎漢出來承
當總不見有也驀顧維那喝一喝下座
冬至日上堂石霜揭出榜文爲蛇腹下畫足洞山徹
退果桌向龜背上拔毛二老恁麼爲人汝等作麼生
會問德山拓鉢出方丈意旨如何師云爲汝不薦進
云雪峰與麼老漢爲甚默然歸室師云欲隱彌露進
云覓火和烟得擔泉帶月歸師云你見甚麼與麼道
進云德山道你不肯那頭密啓其意啓甚麼意師云

老漢出醜進云不然腦後一槌堪著力到頭雲足見山歸師云是頭歸是你歸僧便喝師云老僧也出醜進云因甚師遭徒記師云如蟲蛀木偶爾成文進云也是月滿還虧欠火猛不久然師云是何言也大干沙界海中漚一切聖賢如電拂乃云石霜榜文老僧一一爲汝等註破。二〇二〇三〇八〇。理〇。唯此個註不得既是六箇註得因甚。此個註不得要再打一箇有甚麼難喚。

解制鄭明政鄭守能請上堂九十日内如何鼻孔雙垂正當九十日如何雙垂鼻孔今則九十日後也又

支那

聖禪師語錄卷二

十一

作麼生穿卻鼻孔衲僧家的鼻孔東西十萬南北八千不能比其寬狹過去未來現在盡三世際不能擬其礙通甚麼人敢穿衲僧鼻孔乃顧拄杖云珍重撩天拄杖子應知淺淺與高低

省山維那薦公弟念先請上堂舉僧問雲門如何是塵塵三昧門云鉢裏飯桶裏水師云者僧於此瞥地去雲門可謂功不浪施者僧于此不瞥地因甚默然而休念先禪人於此履踐得入斯門生前面目儼然現在顧左右云大衆還見麼若以父母生眼見是凡見不以父母生眼見是聖見。愛聖憎凡生死海裏浮

沉既不如如此且道如何與他相見。驀拈拄杖云來也只見子形不聞子聲。復卓一下云只聞子聲不見子形。又卓一下云細無不入大無不包。其直如箭其利似刀。所以三平得中成聖。臨濟被拂如蒿。又卓拄杖兩下。

曾光省請上堂召省近前云你未出門時老僧已爲汝說一念回觀便同本得法了也。出門時已爲你說舉足下足無非道場法了也。既到者裏已爲你說三飯依近事男法了也。你請老僧復爲說法說何等法。耶老僧付你意謂此是化城終非寶所不入驚人浪

支那

聖禪師語錄卷二

十一

難逢稱意魚必欲得上上法爾乃驀拈拄杖卓兩下云十方世界平如掌一條官路直如弦。珍重眼前緇素輩殷勤來踏上頭關。

雙桂忌辰慈雲价南大士請上堂卓拄杖兩下顧左右召衆云汾陽喫一齣雙桂喫一世。葉縣接浮山惟以水漉地棒棒德山喝喝臨濟喫肉斷慈悲打罵乖佛制。況今學道人作匹事聞耳不惟不肖疑且亦不解舉復卓拄杖云舉已舉了且道作麼生疑疑斷大慈悲佛性種子耶。疑打罵耶。聽取一頌無影樹子一高株葉葉枝枝還自扶方便若干差別智悟來

毒藥亦醍醐

壬戌冬結制八德大士請上堂舉南嶽讓叅六祖祖問甚麼物恁麼來讓無語依止六載祖一日又問云甚麼物恁麼來讓云說似一物卽不中祖云還假修證否讓云修證卽不無染汚卽不得近時禪者設或老僧問著甚麼物恁麼來他卽挺身向前請和尚鑒或豎一拳或展一掌或拂袖便行如斯鹵莽怎能相契你看他古人叅則真叅悟則實悟靠個話頭六載之久心地開朗出言吐語有甚縫罅只緩緩低對道說似一物卽不中六祖又復驗云還假修證否若是

支那

聖禪師語錄卷二

七

而今禪者便道不假修證或喝一喝云猶有者箇在發虛不少你看他讓祖是諦當悟證有底蘊的人只答道修證卽不無染汚卽不得若是悟證不諦當怎能如此卽今禪者就此爐錘正好用力求個實在諦當證悟處不得以太平無事爲安樂纔有安樂之念便成染汚切忌切忌下座

大空師請上堂問六祖得脫獵網尚登毘尼因甚丹霞掩耳而太師云歟箕有唇進云高沙彌拂袖未審不肯阿誰師云貓兒尾後繫研槌乃云芭蕉道你有拄杖子我與你拄杖子你無拄杖子我奪卻你拄杖

子老僧始觀如湧泉得相續心漸次視如長江得流注心而今老僧究竟看來如大海一樣得飽滿心恁麼舉揚與諸方評唱如堰鼠飲河無過滿腹而已乃左右顧視云汝等諸人作麼生會

進斯請上堂以拂子召進斯云汝昨日請老僧今朝爲汝說法與汝說父母未生前底法彼自無瘡勿傷之也與汝說父母生後法六根具足欠少甚麼不免舉則現成公案暫畱大眾觀聽昔迦葉問阿難世尊在日嘗道一言一句該括三十七品無邊法義何者是阿難云諸惡莫作衆善奉行自淨其意是諸佛教

支那

聖禪師語錄卷二

七

汝還會麼此四句三歲孩兒也道得八十翁翁行不得諸惡莫作十重四十八輕也衆善奉行三十心地也如是莫作如是奉行自淨其意可以自利如是莫作如是奉行是諸佛教可以利人雖然如是不及水潦叅馬祖祖一踢潦蹶起云百千法門無量妙義今向一毛頭上識得根源去猶較些子以拂子擊一下云截斷葛藤

總府陳公子發賢工部陳公子光哲叔姪脫白請上堂會將名字寄吾廬八載形同事不虛賢母倚門而日望待親一杖墮金魚綠袍頻換紫袈裟記得靈山

附囑麼祖彌蜀燕添五福兒孫南北益三多

上堂召斷米師及葉侯余三人近前云爾等乍來即請老僧開示老僧默然知賓道乞和尚開甘露門利濟群品老僧便笑今又請老僧陞于此座爲爾等說法老僧點頭如是一默一笑一點頭已是葛藤不少那堪搖拽舌頭更切切怛怛也耶雖然如是汝當善聽利濟群品不易開甘露門實難何謂甘露有世間甘露有出世間甘露何謂世間甘露墻壁瓦礫日月星辰山河草木眼之甘露也鐘鈴鐃鼓歌舞技唱耳之甘露也梅檀沉水鼻之甘露也酸醎苦澁舌之甘露也

支那撰述

聖禪師語錄卷二

五

露也冷煖猶細身之甘露也思量分別意之甘露也此是世間甘露也何謂出世間甘露照破諸色皆空眼之甘露也返聞聞性耳之甘露也離出入息鼻之甘露也緘默寡言舌之甘露也恒寂不動身之甘露也言思道斷意之甘露也此出世間甘露也若門則應不言而喻亦有說焉法華云惟此一門而復隱小祖師道入此門來不存軌則楞嚴云十方薄伽梵一路涅槃門水潦道一毛頭上百千法門如是等門若於此會得就如樊噲之踏鴻門若于此不會則仍舊鄭州出曹門老僧不是一說便了直要汝等諸人各

自努力便下座

副臺蔣元魁母難請上堂顧左右以拂子打圓相召衆云會麼此乃蔣護法請啓也且道啓中說個甚麼他道莫問當年金犢聊爲此際趙州此不是山僧爲蔣護法說法反是蔣護法爲山僧等說法也只如金牛飯汝等諸人作麼生喫趙州茶汝等諸人作麼生飲忽有人由來道喫已喫了飲已飲了饒汝喫了飲了更要汝吐出始得還會麼上上之人舉起知有中下之流未免心頭茫昧到者裡只好與汝等說箇譬喻此事如人學射未慣習之時高一箭卑一箭左一

支那撰述

聖禪師語錄卷二

五

箭右一箭前一箭後一箭千箭萬箭總射不上及乎慣習之久一箭中上紅心高卑左右上下前後就如射大地一般無有中不著者且逆驗在于何驗在慣習之久今日蔣護法久習已熟有穿楊貫虱之巧一箭射到華嚴正中三世諸佛圓光之中佛也射著祖也射著老僧也射著大衆也射著就如射虛空一般無有射不著者因此一箭之後前箭後箭相續不斷只教他三世先靈咸超覺現前檀越益壽延年無有窮盡永爲法門金湯復顧左右云只如老僧和汝諸人觀禮承當袒胷受箭一句作麼生道以拂子自

點胸云接饑枝上垂金果消渴泉中湧碧流放下拂子下座

春日上堂萬山林木森而高一道嶮巖曲且遙枰筆柁桃華正茂看來無地著塵囂

解制上堂華嚴者裡一冬三箇月牧得一羣水牯牛水草雖不甚調勻卻也頭正尾正暮以拂子打圓相復劃破云今日爲他八字打開又以拂子作鞭撻勢云叱叱一齊趯出只是不得犯人苗稼若是犯人苗稼鼻孔上被人穿上一條苾繩不得自由莫怪老僧今日不與你門說破喝一喝

支那
撰述

聖禮歸藏卷二

七

癸亥冬結制上堂紅爐云何施設爲煅鈍鐵頑鋼倘有躍冶之金不妨就中躑跳有麼有麼問華岩堂上大彰旗鼓雲集四來最初一句作麼生露布師云莫浪聞進云學人無耳聞個甚麼師云相隨來也問解搥塗毒鼓能舞太阿鋒且道阿誰境界師云是無面目人境界進云無面目有何境界師云喪卻窮性命乃舉趙州訪一菴主問有麼有麼主豎起拳州云水淺不是泊船處又訪一菴主問有麼有麼主亦豎起拳州云能縱能能然能活便禮拜師云有著前菴主豎拳云突出難辨著後菴主豎拳云好本多同因

何趙州有一箇不肯一箇著云舌頭還在趙州口裏只要磨稜合縫便了也與此個事有何交涉正所謂醍醐上味爲世所珍遇斯等人翻成毒藥只須努力體取好審實悟證自在可期

光銳請上堂舉德山拓鉢上法堂富嫌千口少雪峯晒飯巾次云者老漢鐘未響鼓未鳴拓鉢向甚麼處去獅子窟中無異獸德山便歸方丈貧憾一身多峯舉似岩頭頭云者老漢未曾末後句在旃檀林中豈有禪草山使人喚頭至云你不肯老僧那頭密啓其意父爲子隱子爲父隱山次日上堂果與往不同雲

支那
撰述

聖禮歸藏卷二

七

遍虛空蓋覆不著頭撫掌云雖然如是也祇得三年活家富小兒驕遂顧左右云老僧恁麼批判還穩當也未良久云老僧只管鑽龜打瓦一任諸方貶剝長至上堂問今朝冬至節拈香祝聖朝未審太平時主人在甚麼處師云溪宮裏進云怪得六臣班不序無路奉聖顏也師云古殿苔封進云如斯則化日初長咸增意氣師云但得皇風成一片不知何處是封疆乃驀顧左右云大衆不解慈明貼榜文不作洞山徹果桌遂拈香插入爐中云只拈一片老枯檀奉祝當今多壽福

玄度大師請上堂老僧若作藥山維摩靜寂寂的不吐一辭卻墮在嘿裏若作雪竇石門絮絮叨叨水漉漉的又墮在語裏不墮嘿不墮語如何相爲乃擱口一下云口是禍門

上堂舉鹽官上堂云虛空爲鼓須彌爲槌甚麼人打得衆無對後有僧舉似南泉泉云王老師不打者破鼓汰眼別云但道不打自然是破鼓應菴華祖云南泉撥亂飛灰法眼埋兵掉鬪更無一人性燥下得一槌乃顧左右云漆桶茶堂去師云南泉打破鼓法眼補破鼓華祖性燥下得一槌又何嘗打著爭如今日

支那

聖禪語錄卷二

大

悉知上座下者一槌使得老僧與汝諸人就如虎丘弔桶一齊都到食堂裡看觀世音將錢來買餚餅放下手卻原來是饅頭遂以拂子打一圓相云者是虛空鼓於中著一點云者是須彌槌顧左右云還有麼試再打看

上堂昨日大毘師同知賓上方丈云明日某甲薄設粗齋懇請和尚登臨率座垂示法語利益衆生老僧彼時嘿然至晚大毘同維那領衆持啓重重懇請老僧亦默然世尊掩室于摩竭淨名杜口于毘耶達磨面壁冷坐九年藥山陞堂不吐一字華岩兩次嘿然

還有契分也無若有契分何勞今日再鼓兩片皮水漉漉的作甚若無契分好聽註舉雪峰問德山從上宗乘某甲還有分也無德山便打云道甚麼峰云不會明日請益山云我宗無語句亦無一法與人峯于言下大悟師云老僧昨日恁麼嘿今日恁麼舉并不會吐露一詞汝等諸人悟與不悟且置且道還有利益也無聽取一頌師子教兒不用別教兒一味迷踪訣師兄反躑解翻身總是恰時而應節喝一喝下座

行能薦親請上堂問文殊爲七佛之師因甚出女子

支那

聖禪語錄卷二

尤

定不得師云如水益溪進云下界罔明因甚卻出女子定得師云如火益熱僧禮拜師云切乃云虛空尺量風線繫肩擔父母把空行父母未生恒著念四行能公能不能以拂子擊几案兩下

重慶鎮左都督王差官偕楚成上人請上堂地僻山荒野遙遙何緣專使屢勞勞爍然明德充如日幾度分暉暖我曹遂合掌云願護法王公多福便下座新戒請上堂眼不著沙山河大地向甚處著而云眼戒于色耳不著滴瀑布潺湲向何處著而云耳戒于聲乃至意不著思三世十方向甚處著而云意戒于

法眼不動不搖耳不動不搖乃至意不動不搖色不動不搖聲不動不搖乃至法不動不搖恁麼如水投水似空合空即不無此個不動不搖底畢竟有甚奇特拋下拂子云唯此一事實餘二則非真
解制楊繼芳請上堂問約束布袋時如何師云放開好進云解開布袋時如何師云出頭天外看誰是我般人進云還許觀山翫水踏月穿雲麼師云莫亂走進云恁麼則隨緣體會任運無憂么也師云你不得做矮人觀場問不求法脫不被法縛是甚麼人境界師云恁得灑灑落落底進云結制時不減一物解制

支那
撰述

聖奇禪師語錄卷二

三

時不增一物結底是解底是師云取生也進云解制後還有爲人處也無師云有進云畢竟以何法爲人師云善爲道路良久乃云不縛不脫灑灑落落不增不減取生照膽爲人一句善爲道路喝一喝
上乘知事爲陳資進父子披剃請上堂天命離塵老不老叱烏脫俗小非小但能識得鞭羊法那畔今時咸恰好如何是鞭羊法扁擔作笏
載升薦師請上堂作此○云天人羣生類皆承此恩力且道何者是靈源恩力載升錫飛二上座承來底慧耳上人承來底復劃破云承來底是甚麼我見燈

明佛本光瑞如此

率巖聖可禪師語錄卷二終

支那
撰述

聖奇禪師語錄卷二

三

華嚴聖可禪師語錄卷三

門人光佛等編

晚參

除夕晚參北禪賢禪師烹露地白牛林野奇法叔煮透海鳥鷄二老爲人可謂豐且美矣但叢林中不可損傷物命賣弄腥羶遭人檢點幸而華嚴者裏也無白牛烹也無鳥鷄煮也只隨緣消舊業任運著衣裳逢茶飲茶遇飯喫飯只此分歲且道與他二老是同是別萬國醉心嘗大鼎相逢携手蹈高臺晚參心隨萬境轉轉處實能幽隨流認得性無喜亦

支那

聖禪語錄卷三

一

無憂河下篩鑼播鼓寺前犬吠驢鳴客船上打寬神廟中唱戲字水金山燈籠露柱俱皆是境心如何隨境如何轉性如何認時有僧云謝茶師云鞏縣僧不語師云認得底許你無憂認不得底莫道無憂好晚參舉慈明參汾陽陽揣其志必詬罵明一日請益汾陽以杖逐之明擬申救汾陽以手掩明口明大悟云今日始知臨濟道出常情師云華岩習氣不除敢私淑古人爾等若向老僧上堂小參入室考工晚參時識得此人只具一隻眼若要雙眼圓明須是向老僧痛打痛罵時識取若也飲氣吞聲又非丈夫觀體

承當難爲湊泊畢竟如何見義不爲非勇士臨危不變始驚羣

晚參舉香嚴道此事如人上樹手不攀枝足不蹋枝口叩樹枝有問祖師西來意不答違問答則失命答底是不答底是衆無語師乃云當時香嚴恁麼問時會中有箇虎頭上座出來道樹上卽不問卽今未上樹請和尚道香嚴呵呵大笑後雪竇舉云樹上道則易樹下道則難老僧上樹去也致將一問來香嚴他衆活句不參死句等閒立箇問端只是險絕無比虎頭雪竇二俱作家一箇上樹了不得一箇下樹了

支那

聖禪語錄卷三

二

上不得所以望影猶難要見香嚴亦未可在今日華岩與諸人別恣一路要與香嚴同一鼻孔出氣遂吐舌云會麼殊不知人人人口內唧一樹枝放之不下拈之不起吞之不得吐之不得日用動靜開口閉口穿衣喫飯行住坐臥皆是喪身失命處只因不覺所以命根不斷耳還見香嚴爲人處也無欸乃一聲船子曲善歌漁父和難齊復頌云香嚴用活句捨命爲人虎頭與雪竇樹枝未黏唇晚參舉楊岐依石霜總院事甚久一日霜出雨忽作岐偵之小徑既見著語云捉得賊了也又云好面孔

遂擄住云者老漢須與我說不說打你太著云賊物現在又云有理難伸霜云監寺知是般事便休著云詣實通供又云將錯就錯語未卒岐大悟著云敗闕不少又云學圃驚雷卽禮拜於泥途著云有先鋒無殿後又云詐敗伴輪問曰狹路相逢時如何霜云你且躲避我要去那裏去著云熟處難忘又云一身都是膽岐歸次日具威儀詣方丈禮謝著云轉見不堪又云前箭猶輕後箭深霜呵云未著云蓋覆著又云賊是小人智過君子復召大衆云會麼德玉未見先師時聞先師飲酒食肉疑終不決及見先師先師

支那
誤述一

聖師語錄卷三

三

云老僧以酒肉爲隱令人信不苦令人疑玉於言下如日銷冰玉閣諸錄見楊岐輔石霜爲監寺時明多山行岐偵之小徑旣見問道言下大悟玉猶恠你且躲避我要去那裏去之語大率是德玉無量劫來情見未獲乾淨故爾猶恠馮山道絲毫情見未盡便是生死根本情見盡處當究其盡之所以如人長在家愁甚麼家中事不辦若人長在家則嬌房酒肆肉案歌樓咸爲發覆況至人全體無欠無餘如金剛王寶劍嬰其鋒者失命如塗毒鼓遠聞者死况其邇乎而今季代禪流不肯苦心諦觀古人作用深思古人言

句只貴現成平實明白便了也疑此行者寡舉此語者希先師怕見人耶何以酒肉爲隱明多山行禪者問道多失所在亦似怕人見一般岐旣見求說霜云知是般事便休語未卒岐大悟節節請謁又問又答你且躲避我要去那裏去更是難會二老行言第一不得作佛法商量若作佛法商量入地獄如箭晚參佛法不離四威儀非言過便了必行言始得遂起身遶几案一币云豈不是行立地云豈不是任復座云豈不是坐垂頭千几案云豈不是臥時一僧云漏逗不少師云老僧用得四威儀汝等被四威儀用

支那
誤述一

聖師語錄卷三

四

所以趙州道老僧使得十二時汝等諸人被十二時使汝等要使得十二時須是向四威儀中體取要用四威儀須十二時中莫教有一彈指頃空過還見趙州麼乃拍左膝云只者是還見華岩麼拍右膝云只者是乾峯云舉一不得舉二錯過一著落在第二師顧衆云且道一作麼生舉時有僧云問取無言童子始得師云乾峯大似冰凌上行劒刃上走小膽太過華岩則不然舉一一任舉二蹉過一著落七落八且道如何是二空却已前母未生時死了燒了豈不是二乃至折旋俯仰舉足下足行住坐臥豈不是二華

岩具甚手眼敢與古人翻案一有多種二無兩般結制前夕晚參師召大眾云盡十方世界都盧是一箇禪堂結則普天匝地結在山結山在水結水在草結草在木結木不獨在華巖也在水單者水單上結在火單者火單上結在廚廚結在庫庫結在旦過旦過結在諸寮諸寮結在方丈方丈結不獨在禪堂也者些說話且置只如大殿門口化錢爐作麼生結良久云生鐵鑄就

晚參舉雪峯云望州亭與汝相見了也烏石嶺與汝相見了也泐堂前與汝相見了也保福問鵝湖乎泐

支那

寄禪師錄卷三

五

堂前即不問作麼生是望州亭烏石嶺相見處鵝湖驟步歸方丈保福入僧堂師云有的道明露秋光暗含春色有的道官不容鍼私通車馬有的道者一駭販私鹽漢有甚憑據老僧者裏總不與麼二郎關與汝相見了也佛圖關與汝相見了也泐堂前與汝相見了也二時喫粥喫飯與汝相見了也遠也見近也見朝也見暮也見且道見箇甚麼驀以拂子擊几案云無諱處

晚參蕭繼衢請雲我開示我拍禪床三下云會麼衢云不會我云你不會我與你下箇註腳遂遶禪床

一市衢云某甲亦隨和尚步步走我云師子咬人韓盧逐塊師云雲我泐兄恁麼機用全備煞活齊彰照用同時人境俱奪即不無要得入理談談落草開示大遠在華巖則不然設使繼衢請華巖開示華巖亦拍禪床三下云會麼衢若云不會華巖亦與他下箇註腳便放身臥何以如此不惟截斷繼衢脚跟更要免他韓盧逐塊

晚參僧問汾陽罷參意旨如何師云意謂沒箇薦得的人進云華巖夜參意旨如何師云古今無二道進云就中莫不有居士麼師云不是全無只是希有乃

支那

寄禪師錄卷三

六

舉婆子燒菴話畢云者僧道枯木倚寒岩三冬無煖氣是有過是無過若云有過在甚處若云無婆子何故恁麼以老僧看來者僧答話明如日月潔似冰霜可謂有本矣云何猶不稱婆子意而逐出燒卻菴還委悉麼研卻月中桂青光轉夏多

因鋒烟相通晚參父母未生前原來有箇甚麼本自天下太平民豐物阜只爲有生之後有此身便有六根六塵六識千頭萬緒從此始矣致令眼隨色變耳逐聲遷六處紛紜惑亂心君不能自主要得六處寧謐一心不亂除非是將內六根外六塵中六識一齊

放捨捨亦復捨一總付之于不可逃之定業則父母未生前話頭迥然安露不安而自安也脫或不然身在安樂之地心在憂虞之鄉將父母未生前話頭拋在無事甲裏任他塞壑填溝者甚死急喫只恐荆棘林下腳易月明簾外轉身難也莫怪老僧不與你們說破

晚參僧舉問虎丘九旬禁足此意如何虎云理長則就是何道理師云喚什麼作道理進云僧云只如六根不具底還禁得也無虎云穿過鼻孔意在於何師云按牛頭喫草進云僧云今日學人小出大遇也

支那

寄禪師語錄卷三

七

虎云降將不斬是賞是罰師云我王庫內無如是刀進云僧云恁麼則和尚放某甲逐便虎云停囚長智是肯不肯師云說甚停囚長智正是因事長智師復云老僧不恁麼爾從頭問來僧便問九旬禁足此意如何師云屈蛇化龍僧云六根不具底還禁得也無師云囊中不曾走卻龍僧云今日學人小出大遇也師云一任跨跳僧云恁麼則和尚放某甲逐便師云貓兒尾上繫研槌僧作禮師云且道與虎丘是同是別僧云恩大難酬師云再與頌出嚴霜苦雪去還來片片飛花點石臺分付菴童忙掃卻莫教詩客又囊

歸

機緣

師參蒙山曉元大師元問聞你曾業儒是否師云不甚通元云吾無隱乎爾無隱箇甚麼師說道理元不肯師力參日久元問無隱箇甚麼師仍無對元乃喚師師應諾元便歸方丈師隨入問云喚德玉作甚麼元云攢火師便攢火元便出師於斯知有乃呈偈云蒙垂無隱塵寰皆徧庖丁解牛赤心片片數日茫茫絲毫不薦急處一提卻較一線恩不同期貧心時獻元收末句云金須百鍊

支那

寄禪師語錄卷三

八

師參大隨問百丈耳聾利害在甚處隨云即今汝聾麼師作聽勢隨云何不喝師云不敢草草隨以火筴打火爐云是非爾所知也師便拜隨云見甚麼師又拜云放過即不可便出隨追至門把住云道師提起坐具向空中劃兩劃隨云且莫搖鈴子便推出師復參曉元於極樂進門便問登山涉水程途事覲面相呈時若何元云且緩緩師云與麼則同歸少室也元云猶隔山在師提起坐具云者箇隔幾許元云三日不相見師云是何言歟禮拜便出師參草堂離指和尚在簷下坐問師甚處來師云梓

童離云梓童向你道甚麼師云自在廊幕下離云恁麼不會從梓童來師拂袖入堂

師到梁山問雙桂和尚草屢脫卻雙桂鉢袋高閣金城覲面相呈請師答話桂作聽勢師云謝師答話桂云你道我答你是甚麼話師便拜桂顧傍椅子云坐師又拜云不可放過桂呵呵大笑

一日雙桂問師如何是活句師豎起拳如何是死句師展開掌如何是不死不活句師撒手便行桂乃證之以偈云捏拳展掌露家私撒手逍遙一竝齊橫骨暗抽容易得舌頭明墮少人知

支那撰述

聖禪師語錄卷三

九

師到二祖問雪臂和尚大通智勝佛十劫坐道場因甚佛法不現前不得成佛道臂云天無四壁師云恁麼則畱塞虛空空也臂云你卽今在甚麼處師拂袖便出臂喚師師應諾臂云有茶把一鍾來師便轉身禮一拜而出

師至汴鄆乾明茶次武鄉令鵬溟梁居士問舉一不得舉二錯過一著落在第二且道一作麼生舉師以茶奉士士云師所賜理合當飲舉鍾便飲師云利腦入膠盆矣士云應皆作禮師云也不消得

師同連江令顯允梁居士坐論狗子無佛性話師云

且道你狗子卽今何在士云只在者裏師云者畜生士擬議師示以頌云趙州狗子無佛性朝朝只在門前因忽然遇箇賊人來一口斷卻渠性命

師至古鄭國同趙生員看燈圖趙云德山棒臨濟喝莫便就是他麼師顧傍僧傍僧云趙相公好熟公案師云熟也熟只不知落處趙云特來領教師向趙背上撫一掌云會麼趙擬議師笑云果然不知落處師冬乾明同石華顯允鵬溟茶次允以果子奉師師云飽也華云一口吸盡西江水鵬云師從北來當道一口吞卻五臺山師取箸放一隻在華前放一隻在

支那撰述

聖禪師語錄卷三

十

鵬前云吸西江底吞五臺底請試吞者箇看二俱無語師乃收卻云原來是古廟石師子

衣水道人舉斗山問國符座主德輪如毛因甚民鮮克舉之符云霸王力能扛鼎不能自舉其身衣水又問出治治云盡在裏許又問師師云放下著衣云前兩人何若師云符座主奴也斗山未具擇恣眼當時待符恁麼道何不與一撥旣力能扛鼎因甚不能自舉其身符未必又將白文作註解也出治自了未得一箇沒量漢被一莖毛蓋卻衣云舉尚不可放下箇什麼師云蒼天蒼天你道舉不可得你每日間穿衣

喫飯底聲殊不知百姓日用而不知故君子之道鮮矣衣云鵝王擇乳素非鴨類

師問僧油盡燈滅時如何僧云遍界不曾藏師云從來疑著者漢僧云和尚爭見得師云昨夜三更月到牕一僧云畱塞虛空師云只道得一半僧云那一半請和尚道師云看脚下

僧問三界唯心萬法唯識劫火洞然大千俱壞未審心識何依師咳嗽一聲僧擬議師云會麼僧云不會師云喫鹹瓜子多了

衣水道人舉僧問雲我和尚大通智勝佛十劫坐道

支那一

聖諦語錄卷三

十一

場因甚佛汰不現前不得成佛道我云溝壑易填人心難滿問師何如師云此乃明白恰好死語也衣便問既是十劫坐道場因何不成佛道師云疑殺古今人衣猶瞽瞍師示以頌雲端妍嬌面露些些因甚還將衫袖遮疑殺古今人莫數半思半憾滿天涯

鵬溟問僧問趙州萬法歸一一歸何處此意如何師云鐵壁鐵壁又云州云我在青州作一領布衫重七斤又何如師云銀山銀山即頌云問頭如鐵壁答話似銀山堪嗟未悟者千難與萬難師同一僧論女子入定機緣一僧近前云大家受用

師拂袖轉身云吾為汝向紫羅帳裏撒珍珠去也僧近前以袖拂地一下師云非子不肯承當

一僧向師前低首云昨那兩字承教甚是痛快師云不敢又僧云是那兩字師以指向空中作一圓相僧擬議師拋向一邊僧無語師云情知你認他不得師同僧看偈次僧云此兩句好師云好作轉語僧目師師笑僧云者一笑也作得轉語師云不得忘卻師見天華握杖相待師至華云速道速道師云與他一頓何如華云渠無氣力師云多謝多謝華云謝箇甚麼師乃哭兩聲華便打師接著拄杖送兩送華

支那一

聖諦語錄卷三

十二

擬開口師撒下拄杖便出

華問師普眼因甚不見普賢師左旋一币未竟華便打師卓然而立華又打師復右旋一币華默然師卓然而立華云再旋一币看師歸衆忽一僧不肯近前問師普眼因甚不見普賢師云刀不自割趾不自躅僧云一念靜中因甚見普賢乘象空中出現師云情生智隔想變體殊僧點頭師云你只好到得者裏僧問泗州大聖因甚楊州出見師踢出一隻履云踢破了也

一僧收茶鍾一僧問師者箇得與麼白者箇得與麼

黑師以袖一總掩卻僧無語師云妙玉本無瑕雕文喪君德僧復無語傍僧云好聯詩師云無人和得僧隔窻問一切人皆於師處有領會何故不慈悲我師云進門來僧佇思師云盡大地是解脫門把手牽你行不得僧云更乞方便師云但入門來別無方便僧便進云來也師指椅云坐僧便坐師便休

師在福嚴時同數僧至桐鄉忽城門閉一僧於高石上坐一僧云太高生彼僧云天上天下惟吾獨尊僧云既是天上天下唯你獨尊因甚入桐鄉城不得彼僧無語僧問師師云大象不遊兔徑僧云好與三十

支那
撰述

聖禪師語錄卷三

圭

棒師云謝子殷勤僧便喝師云何勞錦上鋪花師至棲賢茶次賢問師法號師云自曉賢云既是自曉又來作麼師云若不自曉怎得相見和尚賢云腳跟下好與三十拄杖師云謝盛設賢云恁麼則刺腦膠盆也師云偃鼠飲河無過滿腹至金陵與一僧擡水次忽一犬過師云四面無路從何處來僧云從家裏來師云者畜生僧云金毛師子師云試哮吼看僧擬對師云將謂將謂元來元來僧便喝師云賊過張弓僧擬再進語師云度扁擔來在金陵摘槐次僧問香嚴上樹話未終師云若有人

問我祖師意我斷答他不得僧云答了也師云莫謗他好僧云爲甚不承當師以一枝槐向僧擲云接僧問如何是開門造車的道理師云公然香來僧然香至云香卽然來會卽不會師指爐云插在裏許僧便挿師云不惟開門解造車而且閉門亦合轍僧點頭作禮師云百年一夢

僧送拄杖至師接僧云恭賀和尚師便打僧禮拜師又打僧又禮拜師放下拄杖又一僧呈拄杖頌云七尺烏藤活卓撐拄世界乾坤拈來打佛打祖衲僧箇箇落魄殺活當機全體用令人腦破血淋淋師接得

支那
撰述

聖禪師語錄卷三

西

置下不顧僧目師師拈杖便打僧禮拜師又打僧擬議師直打出方丈

師問僧吾得天龍一指頭禪一生受用不盡是那一指僧云是和尚道著師云你 also 道看僧云不離當處常湛然師云此是永嘉的你的聲僧云學人無語師云情知你無語

師問剖石石剖也未石云不敢造次師云何妨石以香盒拈向一邊師云剖後如何石云血滴滴的師云夏道看石問訊退師休去

師問僧我緩緩問你緩緩答僧云是師良久便問僧

你適纔道是僧云是師云鵝子過新羅

僧問家家有路透長安如何是華嚴路師云看腳下
僧遠一市師云鐵蛇橫古路又作麼生僧禮拜師云
中毒了也

師問三淵打七來兩日也如何淵擬對師便打淵豎
拳師復打云賊過張弓堪作甚麼淵後入方丈請益
師問云無隱箇甚麼淵仍豎拳師云休鼓風力淵作
女人拜師不肯淵舞坐具師云一處不通兩處失功
淵云請和尚代一轉語師云遍界不曾藏
僧問如何是有相師豎起拂子進云如何是無相師

支那
撰述

聖壽禪叢書

五

放下拂子進云如何是不有不無相師云退後三步
僧近前三步師云依稀似曲纔堪聽又被風吹別調
中僧擬議師云何不再進一語僧無語師云爲山九
仞功虧一簣

一日墻下一土狗爲蟻所困一僧救之師云不救傷
生救則奪食二俱失慈救卽是不救卽是僧云某甲
罪過師云與麼見解參禪何益僧卽問師師云老僧
罪過僧佇思師便喝僧云某甲恁麼道何言不是師
云是你不是師卽說偈云不悟通身口心生法法咎
鸚鵡雖會言道得不知有又一僧云土狗性命在某

甲手裏師云你做蟻曾未得師亦示偈云見境生情
法法有乖若能轉物卽同如來一僧云二俱不取師

云蒼天蒼天亦偈云二俱不取蒼天蒼天徐六擔板
只見一邊一僧云救師云不救失慈救亦失慈兼言
者喪滯句者迷一僧云不干某甲事師云一家有事
百家憂僧云無著處師亦示偈云何哉大丈夫不肯
入荒草推過怕承頭膠盆已刺腦一僧云護生須是
殺殺盡乃方休師云不是者箇道理僧云和尚又作
麼生師云護生須是殺殺盡始安居僧云某甲道了
也師云差十萬八千程在亦偈云語尚有滲漏情見

支那
撰述

聖壽禪叢書

六

幾時虛護生須是殺殺盡始安居

師一日問衆云善侍者置瓦子於石上真點胸無語
作麼代他下得一轉語免善侍者癡禪之誚一僧以
扇子拈向一邊師云我六月問你你拈扇子我臘月
問你拈甚麼僧豎一指師云兩箇僧無語師云癡禪
癡禪又問一僧僧揲卻經師云你無看經分也僧便
展開師云救得一半也只是箇癡禪
一僧呈趙州狗子頌師接得便看中有抖擻也抖擻
之句師云你試抖擻看僧以扇子向一邊扇師云好
狗子善抖擻不解咬人一僧云他年老師云你抖擻

看僧過一邊立師云好狗子善抖擻不解咬人
僧問情忘心盡處如何轉身師云禮拜著僧便拜師
攔頭一踢僧蹶起云因甚漆桶不快師便喝隨聲又
掌僧又作禮師云你既漆桶不快怎解作禮僧作舞
而出師呵呵大笑

一僧溪夜入方丈問未竟師便打僧擬開口師又打
僧作忍棒勢師連打呼傍僧云與我將火來就者裏
遷化僧方禮拜而去次日早上方丈白云某甲作
蒙和尚激發大事因緣會得了也只是覓他蹤跡不
著喝一喝便出師使人喚至問云靈雲見桃花而悟

支那

聖禪師語錄卷三

七

玄沙因甚不肯僧以手掩師口師笑云猶弄手腳在
僧便出師復呼僧僧應諾不回師云入膏肓了也
師問一僧如何是透法身句僧遮一市歸衆師云未
在僧復出師云北斗藏身是甚麼意旨僧豎拳師云
死了燒了又作麼生僧仍豎拳師連打兩竹篦
入堂舉黃龍誨機問巖頭如何是祖師西來意頭云
你解救糍麼機云解頭云救糍去機又問玄泉泉拈
起皂角云會麼機云不會泉放下皂角作洗勢機便
作禮云原來佛法無別泉云你見甚麼道理機云某
甲問巖頭頭云你解救糍麼豈不是解粘今日和尚

支那

聖禪師語錄卷三

六

拈起皂角亦是解粘所以道無別泉呵呵大笑機乃
有省師乃問衆云誨機悟處得力在救糍耶在拈皂
角耶衆下語不愜師代云夏使玄泉笑轉新又云和
尚問處不在者兩頭即頌云救糍拈皂角知解亂如
麻也得資糧益一笑始歸家又云巖頭恁麼道救糍
也不差不因樵子徑爭到葛洪家玄泉拈皂角皂角
也不惡洗淨弊垢衣脫了打赤膊時有僧著語云萬
丈溪潭清徹底師即以偈示之云萬丈溪潭清徹底
半途而已未歸家不知月落潭無影玉本無瑕亦有
瑕萬丈溪潭清徹底拈來便用不須疑自家本有精

神在奮迅承當師子兒

師考工看簽呼云雪林林出師豎起簽云拈起則山
河大地十法界十二類衆生三世諸佛百千法門無
量妙義盡在者裏老僧放下時你道一切在什麼處
林歸本位師歸方丈

一日師同數僧商量做工夫一僧云做到前後際斷
始得師云前後際斷猶被正知見礙在一僧云既是
前後際斷有何正知見礙師云若果到此正好喫棒
如不逢人打脫所以有礙藥能去病藥亦是病藥若
耽守其病更甚僧作禮師攔頭一踢僧起拂袖便打

師云未信你在

師問一僧甚處來僧云城中來師云見甚奇特事僧云無師云恁麼則空走也僧云見纔舖面師云又道無又問一僧見甚奇特事僧云無師云恁麼則空走也僧云若不容走則有也師笑云也只道得一半

師問僧文殊爲七佛之師因甚出女子定不得僧云從來不借他人力師云罔明因甚卻出女子定得僧云觸著磕著師云文殊不及罔明耶僧便拜師云弓折箭盡也

師問僧無邊刹海自他不隔於毫端因甚菴內人不

支那
佛述

聖禪師語錄卷三

九

知庵外事僧云官不容鍼私通車馬師云十世古今始終不離於當念因甚今日不知明日事僧云有水皆含月無山不帶雲師云雪峰道底

師問僧三界惟心萬法惟識死了燒了何爲心識僧豎起拳師云死了燒了阿誰豎拳僧仍豎拳師云生鐵鑄就卽不無兩片皮交閣在甚麼處僧便拜師便打次日復以前語詰之僧仍豎拳師云昨日道過了僧云一回拈出一回新師打云放你不過

師問僧誰僧云兩眼對兩眼師云你燒作一堆灰老僧燒作一堆灰又如何僧云遍地是黃金師云試抓

兩把呈似老僧看僧無語師便打

僧入師云如何是世尊不說說僧默然師便打僧便喝師云如何是迦葉不聞聞僧又喝師又打僧近前把住柱杖師云我與你相打耶僧云當仁不讓師放下柱杖便坐僧便作禮

僧入師云看踢著僧便踢師云未入時聾僧連踢兩踢師云三踢四踢後又作麼生僧拂袖便行師云也是風力所轉

僧入師云如何是世尊不說說僧云不說說又說箇甚麼師云如何是迦葉不聞聞僧云不聞聞又聞箇

支那
佛述

聖禪師語錄卷三

三

甚麼師便打僧便拜師直打出方丈

師問僧如何是德山末後句僧云道不出師云密啓其意又作麼生僧云搜不入師云因甚師遭徒記僧云教得孩兒解罵爺師云不謬華嚴悅衆

師問僧無夢無想主人公在甚麼處僧番轉蒲團師云有夢有想時又如何僧又番轉蒲團師云老僧燒作一堆灰你燒作一堆灰還弄得者箇麼僧一邊叉手立師云好與三十拄杖

僧請益云某甲話頭不明師云穿衣時誰與汝束帶喫飯時誰與汝把箸僧云本來面目師云又道不明

僧云不與某甲相干師云甚麼與你不相干僧便放身臥師呼傍僧云將火來燒者死漢僧起云是空底師云若是空底怎解與麼僧便拜師云好與兩踢僧問師僧問興化四方八面來時如何化云打中問底意旨如何師云近前來僧近前師云退後僧退後師云打甚麼底僧云某甲則不然師云打中問底意旨如何僧云不打南不打北師云老僧有甚麼過僧入師云如何是第一玄僧豎右手師云如何是第二玄僧豎左手師云如何是第三玄僧問訊師云如何是第一要僧以袖右拂師云如何是第二要僧以

支那

聖禪語錄卷三

主

袖左拂師云如何是第三要僧揖師云你底舌頭誰割去了僧云今日痛師笑之僧入師於棹上畫一圓相中書一字僧右手抹卻師又畫一圓相中書十字僧以左手抹卻師又畫一圓相中書卅字僧拂袖而出師云好與三十拄杖僧入師云高峯閑死關意旨如何僧云不會師云中峯侍死關意旨如何僧云不會師云鈍漢僧近前云見那些鈍師便打僧接住拄杖送兩下師放下拄杖僧把得拋向一邊師云枯骨上有甚麼汁一老僧禮拜次師云你年老也要喫棒麼僧云年老

性不老師連打兩棒云是什麼僧云風聲水響師云通身是口視不及通身是眼說不徹師問僧北禪賢烹露地白牛汝作麼生會僧云血漣梵天師云林野奇煮透海鳥鷄又何如僧作嘔吐勢師云饒你吞吐得也放你不過便打師問僧年窮歲盡時如何僧云大盡三十日小盡二十九師云王老夜燒錢又是何意僧云金烏西墜玉兔東昇師云學語之流便打師問僧北禪賢割露地白牛意旨如何僧禮拜師云莫禮拜林野奇煮透海鳥鷄又如何僧便出師呼僧

支那

聖禪語錄卷三

主

云轉來僧便轉來師云我怕你救不得了云僧入師問死了燒了誰爲徹我僧便拜師云死了誰拜僧便喝師云燒了誰喝僧云請和尚且燒者一喝看師便喝師全雪君暨屠居士遊溫泉雪君將浴喫餅次屠居士云大家來喫湯餅會雪君云此處可名洗兒泉師云怎麼則九龍吐水也未君云恨不自脇下出也師提起穗珠作痛聲屠居士云此老倒會捏怪師頌曰入水求人兩意符九龍吐水沐金軀母云不自脇間出痛徹山僧一串珠

師問僧松柏不在你在否僧云不在云抵對者誰僧云松柏云亂走作麼僧云荷和尚鑒

師問僧雪覆千山時如何僧云請和尚歸方丈云作麼僧云向火恐天氣冷

師問僧如何是德山會得底末後句僧云泥多佛大云果與往昔不同甚麼不同僧云水漲船高云果然只得三年活因甚師遭徒記僧云新婦騎驢阿家牽云未

僧問塗毒鼓是什麼意師自擱口云向你說老僧有無量罪過僧便禮拜師攔頭一踏云你還會塗毒鼓

支那

聖禪語錄卷三

三

麼僧掩耳而出師便歸寢室

問如何是大句師云問甚麼僧又問師顧傍僧云有雄黃麼傍僧云有師喝云一對無孔鐵鎚

師問僧甚麼物恁麼拜僧云地水火風師云地水火風消散時如何僧云盡在者裏師云既消散盡誰在者裏僧便喝師便打

僧入師云前者老僧答你道且放你過有兩負門且道過在老僧在上座僧云過在某甲師便打僧便拜師又打僧擬開口師直打出方丈

僧入師打一拄杖云道僧便拜師又打一拄杖云道

僧又拜師連打兩拄杖云道道僧擬議師笑云拜不得了又僧入師打一拄杖云道僧便喝師又打一拄杖云道僧云不道師連打兩拄杖云道道僧云不道

不道師放下拄杖僧便拜

師問溪信汪西堂黃檗打臨濟濟何故不即掌只要見大愚後方纔與麼信云某甲總不與麼師便打一如意云老僧要按牛頭喫草信便與師一掌師放下如意溪信便出師與偈云逼爾懸崖撒手果然直下承當一掌打得如意胸合佛祖心腸

載升書記纔入師便拈拄杖云你覺林有者箇麼升

支那

聖禪語錄卷三

三

云撐天拄地師云又來作麼升云拄地撐天師便打

升云圓旭不辭恐煩尊力師復打云拄地撐天箇漢區區兩次何求怒起無明老子極處一棒打頭

僧問師如何是親切句師云未問時親切僧云如何是轉身句師云你從那裏來僧云如何是異類句師云老僧恁麼答汝汝還會麼僧云不會師云同類句尚且不會何況異類句僧云如何是末後句師云你不服老僧騎耶

問如何是奪人不奪境師云滿地好嚴霜如何是奪境不奪人師云凍得人徹骨如何是人境兩俱奪師

云昨夜寒更甚如何是人境俱不奪師云老僧頭將類山頭

僧辭師問甚處去僧云城中去師云作甚麼僧云有箇甚事師云學道人無剪爪工向外覓甚麼事僧云已著草鞋了也師拈拄杖劃兩劃云汝昨道不入虎穴爭得虎子虎穴已開汝作麼生入僧便拜師便打僧拂袖師又打僧接住拄杖喝一喝師撒下一頭僧亦拋向一邊師歸寢室僧亦隨入作禮云發超觸忤和尚師云不得冤淡似海吾道豈能久持率性更與一頓徹骨徹髓蒿枝

支那
漢述

聖禪師語錄卷三

三

僧求易雙桂派師云汝出家幾年僧云四十年師云汝師何人僧云沒去處師云是何言也僧云發源到此水窮山盡了也師云四十年來向外求而今一旦野心休水窮山盡言相契故我嘿然而點頭問僧汝名大器大卽不無是甚麼器僧頓足一下云和尚也認他不得師云百碎了也僧近前師拈拄杖僧作怕勢師云畏烟不加以火僧便拜師放下拄杖云貪生怕死漢

問僧昨清淨本然話一般問一般答因甚後悟前不悟僧云水到自成渠師云猶在老僧圈續裡僧云好

本多同師云墮在毒海入室畢僧復入淚云某在別處橫說豎說得到者裏啓口不得者何也師云我爲你說箇譬喻得麼僧云乞和尚慈悲師云如肚饑人坐在飯羅裏喫不徹你還會麼僧便躍然喜

師問僧綿亘十虛者是箇甚麼僧云澹烟籠翠竹師云不落數量又作麼生僧云薄霧滴青松師云汝名亘一僧云千峰聳翠師指火爐云老僧與闍黎俱燒作一堆灰誰向千里外垂手僧便踏火爐一腳師拈拄杖僧便喝師便打僧接住拄杖推兩推師掌云我與你相打耶僧便拜云放過卽不可師云相打沒甚

支那
漢述

聖禪師語錄卷三

三

好拳相罵沒甚好言此報終須有報記汝可絕吾烟師問僧古渡無人是何境界僧云未開口前勘破也師云古渡有人又是何境界僧云沒識得者箇消息師云但得皇風成一片不知何處是封疆

華嚴聖可禪師語錄卷三終

華嚴聖可禪師語錄卷四

門人光佛等編

拈古

百丈一日侍馬祖行次見一羣野鴨飛過祖云是甚麼丈云野鴨子祖云甚處去也丈云飛過去也祖遂扭丈鼻負痛失聲祖云又道飛過去也丈於言下有所省卻歸侍者寮哀哀大哭同事問曰汝憶父母耶丈云無曰被人罵耶丈云無曰哭作甚麼丈云我鼻孔被大師扭得痛不徹同事曰有甚因緣不契丈云汝問取和尚去同事問大師曰海侍者有何因緣不契

支那

聖禪師語錄卷四

一一

在寮中哭告和尚爲某甲說大師曰是伊會也汝自問取他同事歸寮曰和尚道汝會也教我自問汝丈乃呵呵大笑同事曰適來哭如今爲甚卻笑丈云適來哭如今笑同事罔然拈云馬祖當道設壘百丈就路還家且置同學相看哭笑而答又作麼生爲憐松竹引清風幾度買來還自賣

三聖慧然禪師到德山纔展坐具山云莫展炊巾者裏無殘羹餽飯然云縱有亦無著處山便打然接住棒推向禪牀上山大笑然哭蒼天便下衆堂拈云我作德山至三聖道亦無著處便休兩不傷鋒犯手賓

主歷然泊乎正令一行不覺弄巧成拙然雖當仁不讓禮度全虧二老若無笑哭相酬管取兩沒殺合

世尊初生一手指天一手指地周行七步目顧四方云天上天下唯我獨尊雲門云我當時若見一棒打殺餓狗子喫貴圖天下太平拈云世尊平地上起孤堆且置雲門恁麼道還自救得麼一棒打殺干戈不少要見太平驢年未在

世尊於涅槃會上以手摩胸告衆曰汝等善觀吾紫磨金色之身瞻仰取足無令後悔若謂吾滅度非吾弟子若謂吾不滅度亦非吾弟子時百萬億衆悉得

支那

聖禪師語錄卷四

一一

契悟拈云告衆善觀也是憐兒不覺醜悉皆領悟無非片雪點紅爐還識金色身麼只者是

南陽忠國師因丹霞來訪值睡次乃問侍者耽源云國師在否者云在卽在祇是不見客霞云太遠遠生者云莫道上座佛眼也覲他不見霞云龍生龍子鳳生鳳兒國師睡起侍者舉似國師國師打二十棒起出丹霞聞云不謬爲南陽國師拈云人多謂耽源不啻嚙不合恁麼抵對累及國師手忙腳亂一上恁麼見解則湘之南潭之北何以先前裕後哉殊不知忠國師乃伯牙琴丹霞乃伯牙弦耽源乃伯牙手琴弦

之上縱有南薰雅操若無妙指其音終不能發出誰是伯牙不見客底是淡遠生底是覷不見底是

雪峯在德山作飯頭一日飯遲德山擎鉢下泐堂峯
曉飯巾次見德山乃云鐘未響鼓未鳴拓鉢向甚麼
處去德山便歸方丈峯舉似頭頭云大小德山未會
末後句在山間令侍者喚頭頭問汝不肖老僧那頭
密啓其意山乃休明日陞堂果與尋常不同頭至僧
堂前撫掌大笑云且喜堂頭老漢會末後句他後天
下人不奈伊何雖然也祇得三年活拈云德山雪峯
向虛空裏書字字雖不成文彩已彰巖頭於化日下

支那

聖禪師語錄卷四

三三

鏤冰既爾刻畫分明未免傍觀者哂哂卽不無畢竟
甚處是德山會得底末後句舉頭天外看誰是我般
人

昔有婆子供養一庵主經二十年常令一二八女子
送飯給侍一日令女子抱定云正恁麼時如何主云
枯木倚寒岩三冬無煖氣女子舉似婆婆曰我二十
年祇供養得箇俗漢遂遣出燒卻庵拈云作麼生免
得他燒逐我道者僧設有鷲子智文殊辯德山臨
濟機用一十八變神通敢保亦不能免婆子燒逐在
還會麼他要此話大行又拈云婆子燒庵且縱還會

枯木倚寒巖三冬無煖氣意旨麼碧玉磨成西子骨
黃金鑄就伍員心

陸亘大夫問南泉弟子家中有一片石亦曾坐亦曾
臥如今欲鐫作佛得麼泉云得得大夫云莫不得麼
泉云不得不得拈云折檀片片香擊珊珊寸寶
僧問趙州如何是不錯底路州云明心見性是不錯
底路密菴云趙州眼觀東南意在西北大似狐狸戀
窟有甚快活處忽有問徑山如何是不錯底路只向
他道家門裏透長安拈云二大老答話如印印泥
刻劃甚是分明未免引入向鬼窟裏作活計門外打

支那

聖禪師語錄卷四

四

之遶若是直截爲人端的未夢見在設有人問華嚴
如何是不錯底路只向他道看腳下

慈明冬日榜僧堂門作三三三三三三三三三三三三
若有識得不離四威儀有首座見之謂曰和尚今夜
放參慈明聞而笑之拈云是麻三斤耶是乾矢橛耶
是百鍊金耶是紅爐雪耶人謂是唐言我謂是梵書
噉噉

趙州一日到僧堂後見一僧乃問大德總向甚處去
僧云普請去州遂於袖中取刀度與云老僧住持事
繁請上座爲我折倒卻便引頸向前其僧便走拈云

一日不作一日不食又拈云人多謂者僧不隨普請趙州特爲煎逼一上也是按牛喫草雖然如是千鈞之弩豈爲鼯鼠而發機耶趙州恁麼也大險若是孟八即漢定亂做公在

鵝湖上堂云未了底人浮逼逼底設使了得底人知有公處亦浮逼逼底雲門問首座堂頭和尚恁麼道意旨如何座云浮逼逼底門云髮白齒黃作與麼見解道得道道不得莫亂道座云你作麼生門云項上著枷腳下著杻座云與麼則無佛恁也門云此是文殊普賢大人境界拈云雲門恁麼噴吐珠玉傾瀝肝

支那
史記

聖德錄卷四

五

膽卽不無大似壓良爲賤端的鵝湖意旨首座依模畫樣也不差何也三年無改於父之道可謂孝矣雪竇顯問羅漢林泐爾不爾如何指南林云只爲泐爾不爾顯云大衆記取某甲話頭拂衣歸衆林下堂卻令侍者請顯至方丈上座適來不肖老僧那顯云和尚當代宗匠某甲焉敢不肖林云你爲甚拂衣歸衆顯云和尚還許某甲說道理也無林云你說看顯拍一拍下公拈云前箭猶輕後箭深又拈云好羅漢當斷不斷反招其亂率若不狀待他拂衣歸衆祇向他道一恁舉似諸方至方丈待他道某甲焉敢不肖

便與震威一喝不惟截斷許多葛藤亦乃免見話墮五祖演云牛過櫪窻頭角四蹄俱過了只是尾巴過不得拈云要成九仞之山莫少一簣之土

僧問雲門如何是佛門云乾屎橛拈云大尊貴生寶蓋和尚至漸源中興禪師處源見來便捲起簾子在方丈內坐蓋一見乃下卻簾子便歸客位坐源令侍者傳語長老遠來不易猶隔隔津在蓋便掌者云不用打某甲有堂頭和尚在蓋云爲有堂頭老漢所以打你者回舉似源源云猶隔隔津在拈云賓則始終賓主則始終主

支那
史記

聖德錄卷四

六

三聖問雪峯透網金鱗以何爲食峯云待汝出網來向你道聖云一千五百人善知識話頭也不識峯云老僧住持事繁拈云三聖大似著忙雪峯亦似將錯就錯雖然如是要且賓主歷然

雲門垂語云人人盡有光明在看時不見暗昏昏作麼生是諸人光明自代云三門廚庫又云好事不如無拈云枕子者邊那邊隨語千山萬山德嶠朝打暮打龐老人間物間

鹽官云虛空爲鼓須彌爲槌什麼人打得衆無對南泉云我當時若見向道王老師不打者破鼓泐眼云

但道不打自然是破鼓密菴云鹽官提水放火南泉撥亂飛灰汰眼埋兵掉鬪諸尊宿雖然各出一隻手並無一人性燥下得一槌只是隨例扛鼓祥符直戴與諸人道虛空爲鼓須彌爲槌漆桶參堂太拈云須彌山縱廣正等八萬四千由旬入海八萬四千由旬出海八萬四千由旬父母所生四大色手長不過三尺若除斯以外別有卻成兩人卽斯色手便是試舉槌看莫只管隨例說大話道脫空語還見鹽官麼此是文殊普賢大人境界又拈舉至扛鼓處云傑祖恁麼道也是普州人送賊上來者一夥老漢總沒大人

文殊

聖禪師語錄卷四

七

相不得自由況且鼓是現成槌非新設要打便打要歇便歇忽有箇漢出來問華嚴什麼人打得只向他道響便休又拈云鹽官輓鼓南泉汰眼扛鼓祥符打鼓華嚴聲以兩手自掩耳云不聽不聽
雙桂和尚上堂云古佛與露柱相交逢人且說三分話金剛與泥人指臂未可全拋一片心正恁麼時是何境界衆無對桂靠柱杖云默默自知田地穩騰騰誰謂肚皮憨拈云老老大大偷心不少古佛與露柱相交道甚麼金剛與泥人指臂血滴滴底正恁麼時是何境界喝一喝云徹骨爲人人不知勞他來公八

千返

僧問趙州如何是不錯底路州云明心見性是不錯底路拈云者僧蘊一肚皮禪道佛然將謂別有玄妙路頭趙老也不與他指路也不說禪但只平貼貼底向他道明心見性是不錯底路且道恰者僧意不恰者僧意又拈云者僧豈不知明心見性不錯而發此問趙州豈不知來意而答斯語要知者僧是賊趙州是箇老賊識得他破令他胸次中如許葛藤當下冰銷瓦解

文殊

聖禪師語錄卷四

八

麼進云不封盒子意如何桂云任從滄海變終不爲君通拈云問太淺答太淡冷似火熱似水淺淡冷熱且止畢竟裏許是甚麼任從滄海變終不爲君通李附馬問慈明聞西河有金毛師子是否明云附馬甚處得者消息來李便喝明云野干鳴李又喝明云師子吼拈云好隊金師子吒沙地善哮吼不解咬人客雲和尚云禪不須索道不須悟直下承當超佛越祖雙桂和尚云打底不是座衆底不是禪快活日子不過逐日思想成顛拈云師翁與先師恁麼赤心片片與人卸卻汗脂帽子脫卻鶻鼻布衫卽不無要且

亦是醍醐亦是毒藥

僧問林野奇繼紹門風端的旨請師露出大家看林云一棒打殺進云也知和尚令不虛行林云你見箇甚麼道理恁麼道僧便喝林便打拈云林野泐叔門風高固高矣殊不知被者僧覷破只得七零八落洎乎收拾將來也是賊過張弓

石曰和尚參馬祖祖云甚麼處來石云鳥曰來祖云鳥曰近日有何言句石云幾人到此茫然祖云茫然且止悄然一句作麼生石近前三步祖云我有七棒寄打鳥曰你還甘否云和尚先喫某甲後甘拈云石

支那
撰述

聖師語錄卷四

九

曰茫然馬祖悄然步步踏著棒棒打著卽不無馬祖也是勾賊破家

普化喫生菜次臨濟云者漢大似一頭驢化便作驢鳴濟云直歲與他細抹草料著化云少室人不識金陵又再來臨濟一隻眼到處爲人開趙州云何不與本分草料拈云臨濟與麼道是本分不是本分若不本分普化不合與麼道若本分趙州不合與麼道黃檗因六人新到五人作禮中一人提起坐具打圓相槩云我聞有一獵犬甚惡僧云尋獵羊聲來槩云獵羊無聲到汝尋僧云尋獵羊跡來槩云獵羊無跡

到汝尋僧云尋獵羊蹤來槩云獵羊無蹤到汝尋僧云與麼則死獵羊也槩休去至明日陞座云昨日尋獵羊僧出來僧便出槩云昨日公案未了老僧休去汝作麼生會僧無語槩云將謂汝是本色衲子原來是義學沙門以拄杖打出拈云人多謂黃檗有陷虎之機與麼休去是八字打開與者僧相見者僧不解承當所以蹉過逮乎陞座重勘果爾不知端倪黃檗婆心再與本分草料恁麼解會有甚快活處殊不知黃檗被者僧一椶上天無路入地無門只得角挂高枝至於正令全提正是壓良爲賤

支那
撰述

聖師語錄卷四

十

昔有一老宿住菴於門上書心字於牕上書心字於壁上書心字泐眼云門上但書門字牕上但書牕字壁上但書壁字玄覺云門上不要書門字牕上不要書牕字壁上不要書壁字何故字義炳然拈云泐眼頭上安頭玄覺斬頭覓活因事長智甚麼難二老要且未知老宿於門牕壁上書心字畢竟是何意築萬里牆連海岱牢牢鞏固舊山河慈明室中晏坐橫刀水盆上傍置草屨使來叅扣者下語無有契其機者拈云慈明大似館驛中撮馬糞漢那裏得來恁許多糞箕條帚

楊岐在石霜總院事甚久一日慈明出雨忽作岐偵之小徑既見搗住云者老漢今日須與我說不說打你去明云監寺知是般事便休語未卒岐大悟卽拜於泥途問云狹路相逢時如何明云你且躲避我要去那裏去岐歸次日具威儀上方丈禮謝明呵云未拈云人多道慈明以事事無礙行心楊岐尚疑而未決況其餘者耶岐既見想乘隙刺倒反被識破只得蚤登降旗耳與麼會有甚長處應知楊岐有轉亂爲治經綸煉石補天手段慈明道知是般事便休你且躲避我要去那裏去雖偷心全無確實供狀了也

支那
撰述

聖禪師語錄卷四

十二

岐大悟拜於泥途又上方丈作禮乃一手擡一手搦僧問大隨淡和尚如何是祖師意隨云白鹿鑊頭七半斤拈云廬陵米價鎮州蘿蔔頭不似此語好

頌古

慈明室中晏坐橫刀水盤上全拈頌云儘堪歌又不堪歌莖草金身沒奈何博地凡夫誠薄福徒勞四面與張羅又云洗腳著草鞵持刀縱橫舞刺腦入膠盆

作箇王中主雲龍風虎聖作物睹石霜老漢是涅槃堂之伍復云住住

臨濟上堂兩堂首座相見同時下喝頌云一箇坐一箇臥別傳從此立工課一株樹蔭幾何人各得心雄膽子大

慈明冬日榜僧堂全拈頌云非師十智非三訣非劍水盤非草鞵繡出鴛鴦誠可愛金鍼不識自何來

云不登寶殿不居阇耳目無因用鞋旒父察子心堪任劣棄珍著垢到團頭

楊岐偵慈明於小徑全拈頌云飛衛以射名箭窮折

支那
撰述

聖禪師語錄卷四

十三

棘抵鸞膠續斷絃好音出妙指一則懼一則喜監寺兒孫雖遍天涯要且非父不生其子

大隨鑊頭全前頌云鑊頭確實三斤半日日拈提報佛恩一問西來迅口道不欺之力有來源

馮山因僧問百丈真同拈頌云金毛師子踞地嘯呻奮迅三昧直指向人剎那之際現三世身而今鼓氣

效顰者九轉終歸是假銀又云莫認穿紅莫認穿綠高著眼看如東昇旭又云休從色相看威儀画骨神

仙不畫皮畫得仙姬似那箇狀元之母狀元妻紫玉山道通禪師因于頤間如何是黑風吹其船舫

漂墮羅刹鬼國通云客作漢問與麼事作什麼于失色通云卽此便是黑風吹其船舫漂墮羅刹鬼國于便作禮頌云毒龍氣惡陷虎機淡轍魚得水逸鳥出林殺人刀活人劍趙壁還秦原沒玷

洞山因僧問如何是衲僧孔竅山云十八女兒不繫裙頌云十八女兒不繫裙紙船載寶渡河汾渾家拍掌呵呵笑僥倖歸來喜十分又云升天底事都揚卻珍垢全拋首不簪乾盡鬪體白似雪焦枯骨節黃如金

趙州僧堂後逢僧全拈頌云我王庫內原無是信手

支那
撰述

聖禪師錄卷四

三

拈來用大癡設使箭窮鋒不拄道傍折棘以當遲

潭州神山僧密禪師與洞山行次忽見白兔走過神

云俊哉洞云作麼生神云大似白衣拜相洞云老老

大大作者箇說話神云你又作麼生洞云積代簪纓

暫時落魄頌云偶來那畔落今時平地升天不用梯

撫得炭頭書見壁權行鳥道駕烏鷄又云足下無私

果俊哉不繇階級蹈高臺苔封殿上曾遊晏只緣向

背一時乖

疎山手握木蛇僧問和尚手中是甚麼山提起云曹

家女頌云拄杖也弄拂子也弄我不恁麼顯異惑衆

我在葉縣備曾試之頌云滔滔錦水出雲安作浪興波勢且寬自古夔門灩澦石不辭白帝日觀瀾

靈雲見桃花而悟云二十年來尋劍客幾回落葉又

抽枝自從一見桃花後直至而今更不疑玄沙云諦

當諦當甚諦當敢保老兄未徹在頌云剎盡芭蕉剎

莫休欲窮千里上層樓靈雲不睹一雙眼爭見玄沙

血趾頭又云廉頗多功勢不雙相如海量志猶長趙

王無事登金殿燮理調和有二郎

黃龍三關頌云我手何似佛手豎起拂子代口善說

過現無法沒箇人兒相偶我腳何似驢腳曾涉江淮

支那
撰述

聖禪師錄卷四

四

河洛多季負累辛勤而今與他襪著我也有箇生緣

虛耽四十九年慚愧叢林不整未得一覺好眠又我

手何似佛手忽爾推門入曰隨君開闔自由不勞指

目分割我腳何似驢腳會上層巒重閣揚眉四顧無

涯入眼山河寥廓我也有箇生緣院西一塊小田半

邊那栽糯穀半邊那種赤蓮

龍門一僧被蛇咬或問云既是龍門僧因甚被蛇咬

僧無對東山一僧代云果然現出大人相圓悟聞之

東山有此僧耶頌云朝纔發車便過善行果無轍迹

妙唱非千古和出草今似電疾入水今不動波葛陂

拄杖子陶家挂壁梭風雷相送上天河

藥山令供養主抄化甘贊行者問甚處來云藥山來
甘云作麼云教化甘云將得藥來麼云行者有甚麼
病甘乃捨銀兩錠意山中有人必不受此主歸納疏
山問云子歸何速主舉前話師云速送還他子著賊
了也主遂送還甘云原來山中有入益金以施頌云
晝午星現子夜日中白紙書信不通而通著賊了也
鏡照鏡山裏有人空合空二老函蓋相稱處者僧無
功卻有功

一歸何處頌云自近達遠由淺至深如剝芭蕉一層

支那

聖禪師語錄卷四

五

又層又一步趕步直到家裏敲開其門拋卻瓦子

慈明榜文頌云嚼之無味摸之無痕絕人意路刺人

眼睛又坐斷千差路始通陸行車馬水行鱗兒孫從

此滿天下盡是金剛栗棘蓬又是狂狂歟是桎梏也

兎角杓牛龜毛絡馬著之不上卸之不下誰知監禁

之外有箇仁者類臨濟推人活埋似妙喜得肥漢副

又百尺女牆百尺高層層馬稍層層刀至尊左右排

文武六國之王引領朝

婆子燒庵頌云離位之機孰箇知毒龍拔在富那西
劈開海水止觀妙不見尾巴更是奇

慈明室中橫刀水盆上傍置草鞋見有來者請下語
擬議即打趁出頌云道冠儒履釋袈裟見得分明眼
亦花除恠先須太白澤破家散宅是生涯又造道立
限千日自強唯引一錐竿頭如是進步方可隨意施
爲

德山拓鉢頌云向上程途那有限古人畧喻剝芭蕉
而今多少英靈士徒把虛空著火燒又割牛刀千鈞
弩善用不須行跋扈聰使聲明使瞽點金如何成赤
土陣陣風濤兮隨以雨荷衲子眼兮雲爲補石霜多
山行兮楊岐撾鼓乾闥婆王奏樂兮迦葉起舞雲從

支那

聖禪師語錄卷四

六

龍風從虎聖人作而萬物覩又大家要話廣流通龜

毛繩縛樹頭風所以虛空釘橛葷言烟燒得舌頭紅

因西林書記頌靈雲桃花岩頭
甘贊過夏三頌而作以進之也

十八女兒不繫裙云頌藥若厭苦毒安能吐病在膏肓

何時而愈卸百斤枷兮鉅靈斧疏鑿三巴兮賴神禹

師嚴然後所學道尊故東山門下子孫多賢德而超

邁者誠源遠而流長也頌云汾州罵徹慈明日葉縣

打追圓鑒時不用恆憂吳越令二株嫩桂與天齊

因思法眼叅地藏明教見神鼎時便不見有煩惱也
頌云莫待病生纔服藥病瘥不假驢馱藥正病不可

錯服藥本來今病總不惡

盡大地是沙門一隻眼頌云百丈捲卻拜簾首山拂袖便行逢人不得錯舉此箇沙門眼睛又燈籠喚醒露柱蹙起獨坐獨行除卻三光五岳那個是我知音又觸髅乾若未盡頂門痛與一鍼十方世界銷殞拈草可作金身

麻三斤頌云洞山答話麻三斤非法身兮非意生除卻當人眼中屑紫磨金色放光明

世尊初生頌云如筍露包性已豪弗須六日便獅霄雲門恨早不扳折兜率言遲謾貶褒與賊過梯非分

支那

聖禪師語錄卷四

七

外逢場作戲又何勞藥山既現大人相布衲也須一勾澆

乾屎橛頌云雲門乾矢橛相好不可說三十二八十

何曾有一缺

又因孤岩維那頌特拈頌以進益之拈云

一口吸盡西江水

馬祖機大一拳拳倒黃鶴樓白雲用大二老大固大

矣不及雲門膽大頌云百物供養無福打煞餓狗無

罪開口不畏泥犁為證平等三昧又藥醫有病人人

易無病求醫醫者難語忌十成如領會衲僧孔竅女

兒邊又不是墮坑落塹亦非入水入泥尊貴到此已

極好仁無以尚之

岩頭在甘贊家過夏補衣次贊行過頭以鍼作割勢

贊整衣欲謝妻問云作甚麼贊云說不得妻云也要

大家知贊舉前話妻云此公三十年後須知一回飲

水一回咽女子聞云誰知盡大地人性命被巖上座

割將去也拈云前車既覆後車當戒頌云一二三四

五金木水火土趁道蘊鐵牛咬玄沙汝虎三聖今推

出一丁寶壽今瞎卻一城觀光兮媲美當代破家兮

太煞無情可憐無限河邊骨盡是淡閨夢裏人

華嚴聖可禪師語錄卷四終

支那

聖禪師語錄卷四

六

華嚴聖可禪師語錄卷五

禪錄

門人光佛等編

庚戌三月十六雙桂忌辰師詣燈前拈香云

吾師面目分明甚不獨彰乎紙墨間描不成兮畫不就華嚴瀑布響潺潺恁麼說話三十年後大有人不肯且道不肖箇甚麼藏盡楚天月猶存漢地星

辛亥雙桂忌拈香

一片肉一壺酒項上戴枷腳下著杻喚轉世人心出盡自家醜顛覆大智典型抹煞馬駒江口喝一喝云

五支那

聖禪師語錄卷五

一

三世諸佛不知有白牯狸奴卻知有

雪彌勒讚

六花面目二大肚皮心肝腑臟俱亦如之咦也要炎天化日之下親見當來補處無疑

觀音讚三

白雲幾片紫竹數竿提籃回顧應現多般獨立今在石蓮花兮可觀金沙灘骨蛤蜊中肉如斯舍形以利衆生兮豈僅七難二求多壽多福又黑髮童顏十五月白衣玉體三冬雪濟人水火急如風楊柳枝頭甘露滅又見色及聞聲覺度垣牖千里咫尺間而亦

無畱滯衆生不是無乘此而不覺故名曰生死諸佛

不是有覺斯而不住故號曰涅槃唯我洛伽士有大

方便力亦不住涅槃亦不離生死故示蚌蛤身畫師

馬郎婦指出本有形見不思議事我于千萬中聊舉

其一二如太倉一粟如馬體一毛而我聚千雷以爲

一音聲縱闌遊夏詞曠發驚子智如瀉恆河水流盡

言無盡不能贊其一而況千萬化一化千手眼海水

須彌筆偈贊無時已偶聞牕外音付松風水石

寄不惑禪人

多年有賴共相依自恨昏蒙委實非篤厚高流趨壑

五支那

聖禪師語錄卷五

二

太癡頑弱質保危巖雙樹有條枝葉嫩孤峯無侶楚

音稀幾向白雲開口道爲傳心事靜慈歸

牧牛歌

馴性輕蹄拽耙牽犁總憑他帶水拖泥朝放溪東暮

牧溪西但只知水只知草餘無知松根枕頭雲被輕

柔果勝他錦帳孤裘癡憨自飽鹿豕爲儔故不消繩

不消檣夜不收

送雪林禪人訪友卜菴

廿載江南住纖毫習氣無知君返故里問友把茆誅

潤晤今云再離情悵且吁樹凋葉落候一顧莫辭迂

答衣水道人韻

謾言已過趙州關趙老生涯萬萬千應曉石橋非畧
約當思箇齒答高年知牛於角有牆在見火從烟猶
隔山直把山牆推倒也朗然如日處青天

與雪林朗維那

掀倒禪床日打頭一棒時不言有授受永作天人師
與還初佛悅衆

言下知端的宗通說亦通不懷人我見定絕五家宗
與三淵惺監院住報恩

屢爲致詰只解豎拳汝旣自肯吾亦無言

支那
撰述

寄禪師錄卷五

二

送不惑興返木樨菴

木樨中毒竟都發面上而今猶五痕含憾十年心未
已冤冤只報有讐人

與介休命參頭

無法可傳傳甚法傳無傳法有根由投機因不密三
寸白棒趕渠出信州

齋回讀石崔先生近詩

舫閣長安下竹居近海棠楮堦鳳尾綠花架龍鬚長
詩雅惟新韵書金白滿房飽齋兼飽德快入無何鄉

爲省已師入塔

師驀拈拄杖云盡十方虛空法界是一座無縫罅底

寶塔情與無情十二類衆生俱在裏許何須與省已

上人更覓箇石洞子作麼遂以拄杖敲靈骨兩下向
塔門指云山不厭高水不厭深便入

達磨讚

道大人難悟梁天子亦差微言識帝面赤腳趂天涯
衲掃千層浪身浮五葉花分燈百萬億無處不成家

噫也是眼裏撒沙

觀音讚

波湧蓮花種種形左右鸚鵡甘露餅童子摹拜蓮舟

支那
撰述

寄禪師錄卷五

四

上童女端身捧寶停花中士名觀音愚智稱呼銷

毒陰或禮或持或身佩咸臻福慧空三昧泡沫之軀
命若榮從聞思修護身鎧入三摩地來人間利刹塵

塵皆自在

因事示衆

凡人做工夫或經行或打坐正念未曾現前無明習
氣現前者生死話頭不切對治不住當奮捨無明習

氣急自省改勿縱恚怒護持正念入三摩地習氣自
消無明自滅無明習氣旣消滅則當體是佛更無別

佛如是思惟時時消息是大智慧人六度已具捨無

明習氣得檀急自省改得進勿縱恚怒得忍護持正
念得戒入三摩地得定時時消息得慧信而力行各
曰善丈夫

爲寂惺號不多

惺得自家底事了縱橫八面任高歌尋常拈出一莖
草丈六金身不欠多

爲寂誠號拳山

誠心幹辦生死事十二時中莫放過直把拳頭捏教
緊一捶粉碎者山河
送雪如明知事

支那
撰述

聖禪師語錄卷五

五

一踢一踢又一踢直破重圍千百市雙鑠是翁壯志
圓傑出叢林箇老衲

與惟識典上座

一箇拳頭生鐵鑄不從人得誰相付如斯方便與君
通震旦古今無別路

挽敏樹汾兄和尚

吾兄厭世欲何之令弟悲傷汾漸弛眼見桂林凋弗
茂寥寥此道賴誰持

畱枯木上座

拄杖芒屨老可休何勞特地駕輕舟諸方風味咸如

此不若還居最上頭

與不羣應上座

拈起放下蒲團豎拂掛拂一樣老僧無喝與君痛與
三十拄杖

送汾旨禪人三四六言還玉泉

不說禪非同啞一機纔發走殺天下舍得自己贏人
兒孫箇箇如馬

達磨讚

佛國種草世像不羣髮紋且驚眼竇而淡行如風之
疾渡似葉之輕不爲鈍根常面壁九年那得上乘人

支那
撰述

聖禪師語錄卷五

六

爲德鎧禪人入塔

我寧不說汾疾入於涅槃世尊說得行不得德鎧業
已涅槃了也行得說不得師遂舉起靈骨云華岩則
不然要行說俱到我寧不說疾入便以靈骨入塔

雙桂忌

師詣檜前拈香云不解巴陵三轉語不會楊岐女人
拜遂插香云單單只有片檀香觸碎鼻頭師莫怪
爲治平慧覺和尚起龕

眼前實相腦後神光而今而後遍界莫藏便封起龕
以拄杖敲龕云三十餘年廣化衆生恬然無恙一笑

孤征有眼當見有耳當聞大家到通遠門外看取火裏之金引杖便行舉火舉起火炬作此云黃蘗被人活埋普化自將直裰惟我治平法兄了無如是絡索乃擷下火炬云大千沙界海中漚一切聖賢如電過

題齋榜

顆顆明珠一粒一須彌價酬不盡勞勞做辦一食一應量較著也無施受財三輪體空免不信心底披毛帶角油鹽菜六味具足使大修行人證聖成賢是文殊是普賢休於竈上弄鬼眼睛只管和盤托出若道

支那

聖禪師語錄卷五

七

玄若無盡莫把家中私財浪費何妨徹底將來

觀音大士讚

普陀大士如衆生奴示馬即婦現蛤蜊軀見立心念意莫之乎纔稱名號脫一切拘又正法明佛從聞思修入三摩地應化閻浮銷除七難俞允二求當度卽度四八咸周

爲佛語大師起龕

師以拂子引龕云面壁是我渡江是我嘉陽開花渝城結果臨行一句甚分明渾如大象脫羈鎖引拂便行舉火生時水浴死時火浴生水死火如風過樹瀛

下火炬云鏗鏘舍利彌山布

爲海崑師起龕

師以拄杖敲觸骸一下云頂門有眼通天有路彌勒院中是汝歇處咄切莫停機矧願便行舉火以火炬打圓相了復挑向一邊云者裏死者裏生如貧得寶枯槁逢春且道海崑上人還端的到者裏也無求珠不離泥試玉須經火隨聲擷下火炬

爲水鏡師起龕

師以杖指龕云高峰祖涅槃不出關水鏡師涅槃不出七且道與古人還有契分也無忝問取丙丁童子

支那

聖禪師語錄卷五

八

舉火火中有寶君須薦不屬無知不屬知水馬升騰三界外鐵牛哮吼一聲時便下火

爲海崑水鏡入塔

師兩手抱二師靈骨云法華會上時爾我見不錯寶塔湧其前一箇分半座正當與麼時誰右而誰左便齊入云澗水青如玉山花紅似火

與守一義侍者

不叱瞎驢不罰鑽飯三十烏藤直打出院

募燈油引

百碎了也細抹將來輓作一團重重烹煉逼得通身

汗下自然水到成渠微微引動花心灼灼吞四壁
透入什迦老子肺腑剔起十八高賢眉毛不具斯眼
以何供養

募米緣引

貴也少他不得賤也少他不得聖也少他不得凡也
少他不得乃至農夫竈婦牧子樵人但有血氣者莫
不尊之何也爲他從地湧出最初榮茂根深蔭孕心
真總不焦牙敗種熏修由候成熟依時舉吹毛斬斷
稠林運輻輪碾碎菱網廬陵高價作麼生黃梅精飾
於夜半千槌百煉非鐵石肝腸詎可承當爐炭漫湯

支那
撰述

聖禪師語錄卷五

九

具筋骨身心始堪出沒有口而食未嘗飽也無齒之
人下下咬著生前死後兩頭說破何妨正中一言豈
云含糊不舉咄皮膚脫落盡惟有一真實一

師贈廬陵雪君硯并偈

有序即川東巡憲也

縉山四面逼來梭碎袈裟峽路一條相逢打開秘
藏觸著磕著原非等閒共濟同舟豈是細事君有
承當直下我敢信手拈來曾經御案頒行何必生
師指點君若不欲在此原無我不將來於君已有
御賜元章的石頭流傳到我似虛舟浴雲溪畔拈將
出點化魚龍天際遊

爲智珠禪人起龕

師以拄杖打頭云好不空過病不服藥如是箇漢卒
難摸索臨行更是用精神蹋破草鞋打赤腳舉火以
火炬打圓相云過太現在未來諸佛盡在者裏所以
古德云三世諸佛向火炎裏轉大法輪火炎爲三世
諸佛說法三世諸佛立地聽且道智珠禪人還聞麼
攬下火炬云煙霞布上林舍利填山谷入塔師舉靈
骨云刮火洞然大千俱壞許多灰燼向何處安著不
勞方朔發端由多寶如來分半座便入
與松竹定

支那
撰述

聖禪師語錄卷五

十一

一踏三年靠倒起來舌似剛鎗憑君殺佛殺祖洗雪
四衆心腸

挽清溪汾兄

雙桂昌昌浪有各同門兄弟半遷更而今苦我無心
力土面灰頭強縱橫

寄格外上人

一面了然情已熟寄言求偈我無辭倘非格外相知
者誰把空拳豎向伊

送印光大士之峨眉

柳眼柔眉盡放開折來相餞當茶杯草屨得到最高

處携取峨嵋山月回

與嬾也盆

二即關子穩如鐵拈起簽筒動得麼幸爾轉身放得下同予厥志老山阿

與指南湘

棒棒打頭不道道到底會得無言言可承上宗旨

爲石密不智二師入塔

師云無縫塔影團圞千古萬古與人看既是無縫石蜜不智二師向何處入遂兩手持靈骨云八德池開多紫氣雙生及第竝頭連便入

支那

聖禪師語錄卷五

十一

與一我耳

重重擊節拂蒿枝掃盡燈花落地時痛癢予君淡委悉逢人直教破頭皮

爲白雲千松萬和尚入塔

師持靈骨云遺風展步出長安異類中行信有焉天子不臣侯不友政教常伴白雲眠便以靈骨入塔

爲天然比丘入塔

師以手指塔門云過去諸佛也在裏許未來諸佛也在裏許現在諸佛也在裏許且道即今天然比丘在甚麼處遂以靈骨入塔云莫怪賊污請預其數

觀音大士贊

觀世音三字時人不知道不日聽世音觀世色亦好即此是話頭思惟可入妙念念相應時通身是耳竅與南芝靜侍者

萬丈溪潭清徹底拈來便用不須疑等閒奮起馬師喝吸涸曹源水一溪

與徹我果維那上錦官

問我且燒一喝言下氣宇昂昂如是寒灰發焰庶幾嫩桂可昌

阿彌陀佛贊

支那

聖禪師語錄卷五

十二

吾常東之東觀此即今處木鳥與山林行行七寶樹吾常自返觀不隨二見走直此煩惱心便是無量壽恒以德嶠棒直教破頭皮八萬四千相應手無足虧五須彌白毫四大海紺目五色妙蓮華五濁中亦出問爾九品人直下承當否心心而相續念念而不異即此東與西總一極樂地八棒功德水四喝流不息雪潤煩惱心是生安養國

和盤中山子韻

天大青山祇似拳淡淡綠水不盈盤看山翫水人無

數那個遊人得到巔

重陽日代楊富祭劉君志

五陰一陽候昏虛旦柳時淒淒風露冷落落桂蘭萎
禰祭聊芹薦麥舟豈我期俚詞將挽轉悲剩茱萸枝

山中四威儀

山中行跛有榛隰有苓卽此便是安養國何緣更憶
西方人山中住雞頭芋象腿瓠拾枯滿煮折腳鐺欲
鹹則鹽酸則醋山中坐休懶惰還知麼永劫長纏弊
垢衣不知無價寶珠顆山中臥枕子墮磚頭破世界
在我身心中猶如芥子一般大

支那
撰述

壽禪師語錄卷五

三

十二時

鷄鳴丑頂上柳腳下杻空無作願解脫門入之不醉
無明酒平旦寅血肉身喉舌唇敲鹽齒牙成句義識
風鼓扇作音聲日出卯天如澡地無草鎮海明珠間
一箇如何傾出一筭老食時辰智可親道可隣近朱
赤而近墨黑富潤屋也德潤身禺中已識遠爾達終
始王都大道坦狀平未到京師莫路止日南午瀉山
牯耕豆土蔣之容易守之難莫令瞋睡斑鳩侮日跌
未沒忌畏不觸諱澄清四海六臣間王不簪纓始尊
貴晡時申物自新機自神心允觸處水中月情與無

情鏡裏身日入酉子湖狗好看守若使一法入空門
打教平地翻筋斗黃昏成識得一萬事畢剔起皮毬
黑漆燈照徹幽岩竝暗室人定亥卸兜戴解鞋帶拖
者死屍上廣牀兩腳長伸觀自在夜半子形如屍心
如矢勞勞通曉不曾眠子規啼在楊花裏

午日和愁之西軒坐

西舍堪遲客東軒得早暉羣談驚廣座雜燕恹低飛
雨後泉聲壯照高蘼影肥幾人鬪百艸揀得宜男歸
佛手柑

善哉調御多方便無有情中示有情雙臂聊舒出上

支那
撰述

壽禪師語錄卷五

十四

苑全身大半隱香橙最初指處原尊貴末後拈底與
弟兄如是無爲法相印不從陶鑄本生成

新笋

靈根春後發血脉夏前通骨節含胎嫩心腸裂地空
皮膚同乳虎鱗甲類蒼龍漸得風雲力翬霄上九重
師乍入季而關時有二鳩巢於關額緇素來往
亦不驚若燕子狀一包二雛垂成師與撫摩三
歸而去次季復至四包八雛咸與三歸而去師
記以偈曰

鼠穴神丘魚穴淡蠢動有靈過我靈報語同靈契畜

羽何時自在展風翎

和慈之秋夜吟

葉落歸根萬木殘清暉無限露詞壇除前絡緯聲如碎引出松梢月廣寒

與晦杲珎維那

月落後望子相見假瞋睡大似徬狂一塵尾放伊不過是時節拈我辦香

贈慈雲价南仙上座豎祖堂

爲固靈根密密培三回四轉去還來斯言久已垂芳冊五葉一花次第開

支那
撰述

聖師禪語錄卷五

五

竹杖

知溪知淺知高知底能施無畏折伏驕侈故曰四知又號二宜

與玄度潤禪師

求法無如爾切慳法無如老僧今朝何故如此只緣輓芥投鍼

浴佛

舉遵布衲浴佛次藥山云徐只浴得者箇浴不得那箇衲云把將那箇來山休去師云二大老罕雲攫霧虎驟龍驤發明者箇那箇可謂明同杲日燦若灑珠

矣但只是把的把不起放的放不下二俱未了今朝

德玉則不然遂留一勺灌太子頂云者箇與他一杓

又留一勺灌太子頂云那箇也與他一勺管教悉達

太子看目悄然藥山布衲咸增光彩

爲明玄上座舉火

生不知何來四大原非有死不知何去五蘊本來空

審如此明玄清淨法身與安養阿彌陀佛無二無別

又用此三昧真火作麼便攬下火炬云饒是真金也

須煅過

與息知禪師行腳

支那
撰述

聖師禪語錄卷五

六

向上程途無限恐其不能力行今既子歸就父助以三十烏藤

贊慈雲長老

孤月雄姿真子雙桂傳法嫡孫次白楊當山第四灼然有本有根既能秘重大法又能建立山門可謂知恩報恩自有兒孫腳下行

贊不惑長老

不惑長老與吾同姓又同行腳直至究竟曾在河東

今折杖三枝見法衰頽今以藥自病不知者謂之爲

庸醫知之者謂之爲散聖人惟行惟似礙無礙堪笑

老凍膿猶有鄉情在

與大器成禪師

萬株松下結茆居一井曹源飲有餘受用不因入致得海棠香國有闍黎

自贊

握杖當軒來者便挫中酒毒淡故爾膽大細詳其源元來是金剛圈栗棘蓬箇莫恠賊污都盧分付慈雲上座

塵尾一枝握在手對誰說法自揚醜拄杖空閑于背後面何厚赤顏似飲破山酒氣宇怡然自在久麥冠

支那
撰述

聖禪師語錄卷五

七

之外無何有蝦跳豈能出得斗還知否野花崖竹以爲友

半生行腳待老山名方休修恒順業一味隨求人問

佛添以杖便樓從教人喚姚黃頭

磐石之上青松之下如是而坐太煞閒雅手持數珠念何佛也曾疑明教永明十萬彌陀觀音遂與南芝較試僅能七日力行

出雙桂門何行不像說起酒肉不罵便謗如斯者樣不孝之徒爭能受得人天供養

極麁一棒打人到底壯心膽大如金師子不從酒肉

中淡來爭解作得者般蟲豸

垂象臂手弄龍鼻蛇見聞離惴就路還家似枯木上撒些子花

與指雲季維那

老大一箇巴掌到處只要打人莫怕招災惹禍貴在撈漉鯢鯨

觀音菩薩贊

雞鳴犬吠鵲噪鴉啼但有耳者咸得聞之入理之門如許濶誰能返聽自家底

返聞聞性永絕離微猿啼鶴唳直指人歸在在處處

支那
撰述

聖禪師語錄卷五

大

爲癡頑衆生發天然生機

普賢菩薩贊

手持貝葉坐白象王看何經典不見文章應知徧界不曾藏

與大荒顯

培根固本善知時樹大花榮菓自肥不但只徒蔭涼也貴生弗息得成蹊

山中四威儀

山中行步步陟雲程回首看千崖萬壑平
山中住隨緣只麼度澹黃精不用鹽和醋

山中坐十笏筭一箇甚柔和褥是松毛作
山中臥小石牀一座耐歲寒雲棉被以荷

又三五七言

山中行問幽禽潌水今何在白雲溪處尋通窻引泉
來灶角可塗可饌可調羹

山中住無別務小小做箇園大大開條路來無防礙
去無疑菜有鮮薑食有芋

山中坐沒人我白醖堆口唇飛絲挂耳睡一佛一經
一老僧清風明月白雲裏

山中臥空無作茆褥寬而肥石牀高且大夢想顛倒

支那一

聖禪師語錄卷五

九

無任心莫教猿鶴都啼破

與懷璞美侍者

而今學者我慢萬川廣有金鱗畜張海口吞盡逢人
一味卑心

答果生劉孖廉韻

學士偕來萬佛樓倏焉雷雨去還雷蘇斯蕉扇正維
夏快我秧鍼適麥秋清獻聞銷性歷歷堰溪聲壯意
悠悠東西霽矣相向四顧青山放兩眸

答伯鴻鄧相公見過用憶華岩韻

鳩杖匪緣次第登一超直入到孤嶒俛看山谷全無

隱盡剝芭蕉寧有層已過關前應掉臂既明日下不
挑燈忘季問道情何似今日留衣大有能

答惠吉鄧孖廉韻

携孩向上入斯岑此箇因緣實遠深法護同人人護
法襟開世界界開襟分明君子若愚貌嘿識維摩一
點心憾寡點思酬雅韻碧紗籠待子孫吟

爲徹空師舉火

師近爐云八德池滿九品蓮開請坐其上不用疑猜
一念相應真淨體充遍十方無往來召傍僧撒下火
炬便燒

支那一

聖禪師語錄卷五

三

法派

德光明震旦太白元符來雙桂承前識華嚴遍九垓

華嚴聖可禪師語錄卷五終

門人

敬斗 光顯 全刻
光幸 國美

秀水夏抱日書 禾郡陳履林梓
康熙甲子仲冬月吉板 載嘉興楊嚴寺般若堂
附藏流通

1
+

青城竹浪生禪師語錄

清
•
如 竹
鵬 浪
生 澈
生 生
等 撰
編

青城山鳳林寺竹浪生禪師語錄序

摘蘆已前益大地人均是無事漢坐于良知府中渡江已後而壁高山寶惜珍藏不知鈍墮了多少人家男女由茲羣豪蜂起以致一箭落雙鵬而有一箭射一羣者大鑒之下五傳而臨濟德山加以痛棒熱喝不分皂白活埋人于千尺井底今浪和尚自受老人鉢袋之後入青城山廿有餘祀衣草食水洗月燒枯初有不出人前之語幸西佛誕日老人七旬有二手割命歸昭覺以繼席焉余亦奉簡蜀臬會同于千松樹下接談間儼如舊識訝云原是舊時人不改舊

時行履每見上堂小叅法語接物利生機辯峻捷大有古人風槩不亞諸方尊宿復示山中饅頭邊歇涼處書葉劃瓦之句披閱之餘如飲甘露坐清涼池盡淨塵襟渾超世表余撫掌而嘆曰此老不說隔夜禪亦不画蛇添足白湯湯沒意味絕鶴啄勿棲泊設有緇素請益者驀伸足云此是新鮮佛法是汝等安身立命處若會得與正覺山前老漢無二無別若或未然後復收足云還我話頭來其作用如是用劍刃上事接人直下逼生蛇化龍驚愛搔人痒處不容聲款眨得眼來已落第二機也康熙癸亥九秋余特旨內

青城竹浪生禪師語錄

陞有門人翼雲如鵬者持藁問序余從行車中抽非錐子聊贅數言弁其簡端乃喝風馬雨之儔弗敢旁綴一辭未敢云序 肯

康熙癸亥荷月賜進士第通議大夫四川等處提刑按察使司按察使特 擢內陞紹興崇山法弟胡昇猷拜撰



序

調御師云但有言說都無實義孔子曰天何言哉四時行百物生其義一也然摘葉止啼敲鐘謝響廣長有舌不妨嚼破虛空芥子指迷悠然徧滿法界燈燈相續照去無明從來久矣所貴鐵漢當臺著手便判豎人天眼目絕聖凡蹊徑善乎吾師丈老人有言此間無隔宿暱與人叅旨哉法兄竹浪和尚當少年時便飽法孔閱徧三藏胃中不留一字閉關涵養向丈老人紅爐裏翻身鼻孔下垂遂秉拂主昭覺二載大振宗風奪拄杖予拄杖因人施作無孔笛無絃琴震

醒聾聵又于青城山建立道場法筵宏邃雲門餅趙州茶聽人餐飲攪長河爲酥酪擊海鯉而傾盆洵稱沒量大人座下衲子私集上堂語錄欲以壽世予謂和尚終日喫飯未嘗咬著一粒米和尚掃之大衆存之未爲不可遂援筆而弁其首

昔

康熙己巳歲陽月之吉涪溪法弟徹中和南題



序

鳳林竹浪法姪繼昭覺吾兄法席有年又建青城鳳林前後幾二十載提唱宗乘舉其綱要都從自己曾襟流出并不依倚一物脫體瀟灑結制上堂頌古偈句頗繁亦不喜人記錄其語有門人義詰義奇穎叅等竊積成冊癸酉冬因奉吾兄之命東下鉸錦江禪燈道經華嶠詰奇二子持以見示余讀之多所發藥視其所長猶不僅此至于躬行楷式衛護法門牢堅慧命擔當猶力余遂爾叮嚀詰奇應宜災喪其庶幾乎雙桂門庭不致寥寂也故序

皆

康熙癸酉冬長至日華嶠拙叔聖可德玉題



序

青城鳳林竹浪和尚與余同出昭覺之門向西蜀
關三載踢脫鉤欄持個錮斧子直入西山鳳林與遠
公之故址爲隣寺廢已久破落荒涼于是卓標卑以
自牧數歷秋霜華弊鼎新豁然模範道價日增洞徹
十虛每于罅隙之間刀耕之暇拈提機要雙放雙收
目爲向上三昧隨色摩尼固是騰今耀古掣轉顏綱
正謂祖令當行殺活全彰還丹一粒點鐵成金而四
方衲子駢臻履迹始終鉗鎚而俾學者翻轉而皮策
懈怠爲精進礪根本爲慧幢揭示樞機隨宜展演未

五

五

管間歇繩以本分接人爲道爲珍遐邇傾心緇素嚮
化風高妙諸施平等慈廢席斬新頓成寶所鐘鳴谷
響冠絕一時昭覺老人年登七旬有二灑然退息撫
提藩臬列大護法延迴昭覺代摩三制張羅驚鷺垂
釣鯨鯢而鉤針穩蜜不容滲漏凡舉揚法會與佛祖
衲僧爲戲爲響去縛解粘巧盡拙出宗通眼活拈此
霜化作醍醐照用齊行掀瓦礫鎔成珍饌縱橫無礙
作用如斯謂是其人有得法上首如鵬持二會語欲
下嘉禾剗剗流通徵余爲序展開三復若風林碧沼
地潤天空俾森羅萬象無得諱藏明鏡當臺莫避影

質吾師勉年得人孤峻青出于藍能碎古佛心髓信
托臨濟佳珍有不可攫之鋒卓卓超越偉偉端莊近
其精采望風斂衽誰敢針頭覓鐵庶幾悟祖五百餘
餘之倫風不墜耳余祇得向虛空釘橛爲鉢孟安柄
今所序者惟序吾弟之行履若生佛已前一段大事
因緣請明眼者代一轉語

肯

康熙癸酉九秋昭覺愚兄佛兔徹綱沐手拜撰



六

序

粵維教外別傳實非文字之學燬聖煉凡須是惡鍊
鉗錘整頓初機妙在師嚴如竹浪禪師參徧諸方仍
歸昭覺于丈和尚塵拂之下而獲妙諦受托之後隱
逸青城初誓不出人前有時孤峰頂上目視雲霄絕
塵絕迹為嶺瓚亮座主之儔有時十字街頭逢場作
戲離相離名乃政黃牛端獅子之輩灑灑落落不挂
寸絲以山林為終老之區殊覺康熙辛酉丈和尚年
登耄齡有二意欲罷釣退閒借當道宰官紳衿緇素
手命三復恭迎繼席祖庭迫不得已持筇白棒歸來

竹溪詩集

竹溪詩集

七

樹插竿于威鳳山間俾一切世人偷心死盡懸赤幟
于馴馬橋頭令十方龍象望風相靡秉吹毛劍誰敢
撓鋒用殺活機那堪觀面鉗錘嚴密水洩不通雙放
雙收頻開樓閣大有逕庭不近人情余自己酉秋試
得造昭覺方丈法體獲領嘉談恍如舊識別後而趨
宦海甲戌春復奇觀楚江舟中偕遊吳越有門人翼
雲義詰自行囊中抽出師之佳藁見示余讀之不欲
釋手喟然曰嘗聞宗門中有臨濟德山用此機要接
物利生師之作略不亞先輩不謬為他家兒孫紹續
淵源中興法運代有其人見師或出或處動為則而

言為法胷中陶陶然不留一個元字脚茲不昧訂約
于三生石上謹贅數言于篇杪所謂不立語言文字
直指人心見性成佛之旨非但余不能述一辭饒古
今明詰到者裏結舌有分余不敢向虛空釘橛也
肯

康熙甲戌上元之吉原任貴州貴陽府修文縣知縣
前四川順慶府賓城已酉科舉人法弟張天鳳沐
手謹書



竹溪詩集

竹溪詩集

八

青城山鳳林寺竹浪生禪師語錄目次

卷第一

序

上堂

卷第二

上堂

卷第三

小參

開示

書問

文

卷第四

頌古

分燈

贊

機緣

歌

四威儀

行錄

卷第五

詩偈

卷第六

法語

佛事

卷第七

源流拈頌

目次終

嗣法門人如鵬等編

上堂

辛酉四月初一于鳳林寺受本師手劄及
提臺何傳藩臺劉顯第臬臺胡昇猷府尊修世雍總
戎王洪仁縣公王鼎臣錦官文武護法同門法兄懶
石佛冤問潮都綱司恆一併諸山及檀信等啓請主
昭覺上堂詣座云無水不藏波無山不戴雲師資授
受本本水源拈帖云見麼者個是我本師及當道尊
官紳衿士庶同門法兄于無量劫前積功累德實證

佛地

竹浪生語錄

一

親修底逗到今時各各打開無盡寶藏從三昧海中
流出言言金石字字珠璣命生上座回昭覺罪時化
門其中真風奧旨非心所測仍請表白當陽剖露宣
畢便陞座水谷禪師白權云法筵龍象衆當觀第一
義乃云熏風初展萬卉齊彰旭日騰輝心光普映如
斯現成何勞特地山野于此卓錫六載餐霞服霧矢
志山林界以自牧蓋爲本師七十有二公案未完手
翰下頌村思志劣未敢應承復煩水谷天湛二法燈
率衆來山敬遵慈旨不敢違命憶昔古德云去是住
時因住是去時果去住與果因無可無不可政問大

衆去即是住即是良久云若無人判斷祇得兵隨印
轉將逐符行結椎云諦觀法王法法王法如是佛誕
入院 山門義不是路禮亦非門八字打開任意縱
橫所以道十方無碧落四面亦無門以拄杖擊門限
云猶有者個在新長老今日到來有條拔條無條拔
例更入

古佛 同類非身雖身非類兜率宮中別來錦官國
裏重會不妨笑裏有刀第恐泥中有刺好將布袋緊
牢拴無智人前莫漏洩
韋馱 分身百億應化三洲刹刹塵塵賴公弘護現

佛地

竹浪生語錄

二

將軍身魔黨潛伏示菩薩面正法久住
佛殿 本不識汝名人人云是佛及我親到來千足
與萬足我若禮你太同流俗若不禮你彼此同住咄
二千六百餘年惹得多少人東卜西卜
伽藍 靈山別後似久非久羣臣相逢元是舊友此
大梵刹賴公固守
祖師 你者一夥老胡捏怪無端却將教外別傳之
旨不顧本錢捏扁搓圓咄
方丈 據此室行此令魔佛入天來乞命不是格外
提持亦非世諦可論山僧不順人情正要請人露些

本分當日。上堂詣座。云。泥蓮岸邊拾得底。幾乎翻成。滯貨。四十九年所說者。古今未曾道著。末後人天衆。前拈花總是全提殺活。若無迦葉破顏。也是一場懺。懺不肯兒孫不用者。些絡索便陞拈香。云。此瓣香。燕向爐中端爲祝延今上。

皇帝聖躬萬歲萬歲。欽願邊邦寧靜。四海晏清。逸民野老共樂昇平。次拈云。此瓣香奉爲本省文武尊官紳衿士庶伏願股肱王室。柱石法門。再拈云。此瓣香爲傳臨濟止宗第三十二世上丈下雪本師醉和尚用酌法乳。歛衣就座。大慈懶和尚白。惟云。法筵。

龍象衆當觀第一義。乃云拈花有旨。降誕無生有旨。則遞代相承。無生則法身常住。若要正眼流通。務在大家力助。所以道孤掌不浪鳴。兩手鳴。擱擱生上座。白。蓮本院策蹇青城。株守雲阿。以息餘喘。不覺六稔。慈旨三復。命回祖席。助揚法化。兼奉闔省當道尊官及同門各出手命。迫不得已。勉強歸來。今日乃吾佛世尊降誕之辰。欲爲現前四衆說無生法。既曰無生。焉有說耶。驀拈拄杖云。十年于此。曾爲客次。補今朝作主人。賴有金湯。撐化日法門。信起振家聲。卓拄杖。

下座

洪仁王總戎爲父道臻誕辰。請上堂。僧問。月臨千江。那個是本源。師云。寒暑華明。松栢蒼翠。三三三。國競浪時。如何棲止。師云。鯨波汨汨。演三車進云。乞師指個泊舟處。師卓拄杖云。會麼。僧禮拜。乃云。果日當空。物無私照。法眼圓明。洞徹十方。雀噪鴉鳴。乃觀音之教體。水綠山青。悉文殊之境界。頭頭顯露。真常法法咸輝。本有正與麼時。與藥師如來同一鼻孔。把手並行。十二願海。應時具足。卽此轉凡成聖。報國忠君。獲壽無疆。介爾景福。天恩地恩。君恩親恩。一時報畢。今日因齋慶贊。是我總戎洪仁大檀護爲太翁道臻。

老先生嶽降之辰。與蓋來山營。齊侯。請山僧登此寶華王座。舉揚個事。用酬罔極。且積慶延齡。一句作麼生道。靠拄杖云。若無天岸麒麟子。怎得流芳百世香。

薦嚴請上堂。金風方扇。火向西流。地軸回還。天樞運轉。赤帝于斯。剛收律令。恭逢地官赦罪。良辰百拜。頭邊玉露垂珠。萬木叢中和鳴。天籟此個時節。海內衲僧縱橫自在。天下人子報本之時。今日是我鼎臣王護法懷香入山建大會。追薦先嚴慶請山僧登此現座。轉大法輪。示真實相。若存若亡。均爲兩利。

呈拄杖召大衆云卽今仙遊皇清諸封驃騎將軍瑞軒王老先生洎西浙聯枝老幼先靈在拄杖頭上現神變相動地放光異口同音便道諸惡莫作衆善奉行但淨己意是諸佛教此是大人住世時東征西討南攻北伐六十餘稔收拾得底來借山僧拄杖鼻孔出氣垂訓後裔若論明明不昧了了常知坐斷十方證無生忍一段大事因緣猶如萬里望崖洲何故吹寸刃不施歌九五大勲高豎作嵒碑
辛酉冬結制上堂拈香此瓣香熱向爐中前爲祝延今上

皇帝聖躬萬歲萬歲飲願化展義皇河清海晏于戈未息八表無虞滿朝文武高尚伊周精忠崇德次拈云此一瓣香奉爲本省當道尊官現前期主撫臺杭公大護法願祿位高陞股肱王室末後拈云此瓣香敬爲上丈下雪本師和尚以酌報莫報之恩祝無祝之壽上首白椎竟問向上宗旨卽不問老人壽量有幾何師云沙界莫能該進云怎麼則鍊笛橫吹金剛不壞師云贊嘆有分問如何是第一義諦師云鐘鼓分明進云怎麼則金聲振出千松碧祖庭春動起潛龍師云頂門上再亞一隻乃云擊碎虛空還他

凌量大人手段社印高提讓我臨濟兒孫聞聲悟道見色明心乃二乘人境界若約向上一路本無名狀奚假形聲千聖出頭正眼難窺所以道把住則乾坤失色放行則海水騰波敢問大衆把住好放行好若無人判斷山僧向第二義門出身去也今朝乃木官解厄之日諸方結制之期是我本師七十三齡之辰以拄杖右邊卓云山河大地一切衆生乃至百八煩惱一時解脫左邊卓云十方法界情與無情骨毛斷結中間卓云三世諸佛諸大菩薩乃至蚊行蠕動一時乘悲願力不現受生與我本師老人同一鼻孔把

手並行只如諸方輻湊四衆景從又作麼生靠拄杖云千峰勢到嶽邊止萬派聲歸海上消
佛說法兄請上堂諸佛慧命列祖宗猷天下老和尚紀綱行脚衲僧衣線下事拈拂子云盡被昭覺拂子串穿却舉起則動地放光一爲無量放下則萬機寢削無量爲一不舉不放理事混融乃佛乃祖各居本位人人腳踏實地個個鼻孔遶天今日是我法兄佛翁和尚不遠百里而來營齋供衆請登曲衆木牀舉揚佛法提挈後昆祇得勉強遵崇依模模樣若論佛法二字一大藏教詮註不破今古知識未曾道著

生上座與麼道可中若個具眼衲僧出來道長老你得恁麼強悍到者裏祇得無理可伸退身有分且道其中意旨如何良久擊禪牀云天上有星皆拱北人間無水不潮東

請古字佛咒和尚上堂摩醯正眼洞徹十虛迦陵仙音徧周沙界拈拄杖打○云者個是摩醯正眼復卓云者個是迦陵仙音中下之機對境還迷直饒聞見分明不無觸途成滯恁麼則橫指日月不恁麼則豎抹乾坤恁麼中有不恁麼該羅萬有不恁麼中却恁麼山僧口門窄不能下註脚仰勞大眾同請我法兄

和尚前請陞座與諸人道破

太慈懶和尚請上堂問如何是背塵合覺師云好鳥背人鳴進云如何是背覺合塵師云孤峰當面卓乃云大造無私其奈春先梅吐玉大位不居却有一人在上頭拈拂子云何如山僧拂子一味平常乾坤不能蓋載寒暑詎得變遷語其靜也風吹不入雨打不涇日月息威光山川失鍾秀百億須彌盧無邊香水海頭頭爾法爾皆失本名渾是一枚拂子教中道惟此一事實餘二則非眞拂一拂云放開一線風行神展左右逢源七通八達上至非非想下及金剛際

塵塵爾利爾爾隨事立名千差萬別所以道法隨法行法幢隨處建立又怎如吾兄懶和尚爲一大事因緣出現于世襟懷秦國山川袖統昆明日月懸肘後靈符握吹毛寶劍衲僧拱手歸降龍象望風歛衽未後歸來省覲老人卓錫大聖慈寺有時孤峯獨立俯眎大方絕塵絕跡有時十字街頭逢場作戲離相離名今日營齋俵贖兼命陞座爛打葛藤播揚家醜祖師道一佛出世千佛擁衛一花開敷萬花周匝積殊勝因作奇特事作麼生是奇特事喝云諸人耳在一聲中一聲徹入諸人耳

和尚

和尚

和尚

解制上堂問如何是十五已前事師云不得離我者裏進云如何是十五已後事師云不得住我者裏進云不著前後不著中間時如何師云墮坑落壑居士問和尚陞座說法兩堂雲水作家個個爪牙具足解制作麼賞罰師云西溪水潄聲進云賞罰且止如何是賓中賓師云且喜居士入門來進云如何是賓中主師云座上只一人進云如何是主中主師卓拄杖云會麼進云如何是主中賓師云覲面不相親進云賓主分明透網鯨鱗作麼吟呌師云雷門布鼓挂當軒進云恁麼則搖頭擺尾去也師云且慢行恐人不

肯乃云寶劍揮空天魔膽喪摩竭陀國親行此合落
在昭覺手裏符到奉行作麼生說個奉行底道理呈
拄杖云祇憑者個橫當宇宙豎抹乾坤倒弄顛拈起
今邁古有時將丈六金身作一草艸用有時將一草
艸作丈六金身用舉藥山解制云兄弟家東去西去
向萬里無寸艸處去有者道出門便是艸又有道未
出門亦是艸漫漫地著一夥老古錐用心不誠憚一
切人在艸裏輓何也你兄弟家東去西去固束腰包
緊俏艸鞋且道與古人行脚是同是別最上一機頻
履踐翠雲搜霧行周旋

昇宇張居士鵬九毛居士請上堂金風
珠寒暑迭遞韶華代謝不足神通妙用亦非法爾如
然原來時節不相饒光陰如箭急暮拈拄杖云惟有
者個秦地不收漢地不賁不賁雨露豈涉暑寒無去
無來無變無易不滅不生不動不靜非虛非實非如
非異能為萬象主不逐四時凋所以道目前
在目前不是目前法非耳目所到復卓云大
歷十法界二十五有一切眾生艸木叢林頑石土
不動道場
靈臺剪吳綾裁蜀錦磨校合縫與立品法弟造懺服

援闔家眷屬于無相福田中植如意因結如意果乃
請山僧打爛葛藤圓滿一椿勝事且維摩默然文殊
贊善此意如何嘉珍不假從他覓只要當人直下看
壬戌冬結制上堂問春回夏度秋去冬來四時不息
韶華代謝且道西來大意還卸也無師云今日一通
好雨進云遷與不遷且置向上宗乘事若何師云普
天下人雷潤澤問上無佛道可成下無眾生可度獅
子兒向甚麼處安身立命師云四校著地進云即今
鐘鼓分明人天交接因甚爪牙不露師云緊防性命
乃云光透三千界明暗莫能該智出聖凡情形名總

不立不墮有無皆詎落于諸數
元日上堂真風未扇凡聖不容三艸二木各不相知
纔展機輪光吞萬象情與無情列界分疆惟有沒量
大人別資一路入林不動艸入水不興波有時放也
日月齊明十方通暢有時收也乾坤黯黑水泄不通
不放不收依前平帖帖地若是伶俐衲僧向頂額上
著眼得路便行擺脫羈縻歸家穩坐元來成佛舊矣
不假外求復聽一偈一憂徽音曲調長難同角徵羽
宮商于中微妙無人和喚轉三陽映八荒
解制上堂東勝神州考鐘伐鼓西牛賀州側耳擎拳

北俱盧洲白椎念贊南閻浮提解制上堂驚起燈籠
露柱異口同音便道萬法是心光諸緣惟性曉本無
迷悟人祇要今日了即今四衆臨筵入天交接心心
相注眼眼相觀了個甚麼豐子不向呂公說跋繁無
端固執迷

誕日上堂僧問大離兜率已降皇宮未出母胎度人
已畢是否師云是進云今日和尚誕辰與先聖是同
是別師云一字兩頭垂進云怎麼則先聖後聖其義
不忒師云不勞贊嘆乃云佛祖關錯拈提不起衲僧
機要了無向背有時凝然湛然不入有時動轉

施爲萬別千差拈拂子云若向者一毫頭上薦得根
源始信悟不由師名同正覺坐斷報化佛頭擊碎聖
凡累塵往復無際動靜一如所以道盡法界身本無
出沒大悲願力示有去來因一聲下座

孟蘭會上堂天步南旋金曜西轉二儀合轍萬卉俱
初此個時節山河大地各輝本有艸木叢林齊露真
常焉拈拄杖云惟有者個世界未成先有此物世界
壞時此物不壞不隨四序流轉詎逐寒暑變遷所謂
有物先天地無形本寂寥能爲萬象主不逐四時凋
明眼衲僧不入第二門不起第二見太陽門下日日

三秋明月堂前時時九夏晚或未伏依前頂天履地
鼻直眼橫從少至老祇是個張上座時值中元佳節
佛制孟蘭藩臺劉護法與蓋親臨設無遮大會追薦
普天下佛子成佛已竟焉召衆云且道居何國上打
麈還他州土麥唱歌須是帝鄉人

癸亥秋昭覺退院歸青城舊隱上堂紹祖三齡建法
幢肅將世味立封疆綱維提挈魚龍逐席拂聊搗獅
象藏辛爾淳沲源未竭神州法運正當陽余今矢忘
居林下仍復裁雲補毳裳

甲子崇慶州青城山鳳林寺暨經樓正寶洪居士請

上堂白雲清淺普賢家風竹樹短長文殊境界溪聲
鳥語觀音禁門沒量大人到者裏無著脚處衆中還
有不肖者麼其或未然鳳林爲伊出氣暮呈拄杖云
者個將三千大千世界一口吞却看他三措大向其
麼處安身立命如斯說話也是爲他閑事長無明舉
世尊千布髮掩泥處指云此處宜建梵刹時帝釋將
一莖艸插地云建梵刹竟世尊贊云善哉善哉你看
者一夥老古錘只可于無智人前賣俏誰惑癡聾鳳
林欲建梵刹袖領十方檀信各發囊金諸山尊宿赤
手相扶取大面之松六頂之栢眼眼相看心心相注

同一境界隕首證盟且道與古人還有優劣也無良
久云十年瓢笠挂青城紺殿空樓越樣新法運漫隨
王化入頻敲毒鼓振家聲

乙丑營經縣樂道菴恒耀首座暨殿請上堂密運玄
機乃真入境界綸音初展露格外風規放大人相圓
裹十虛過塗毒鼓羣魔膽怯山河大地常轉法輪明
暗色空合談般若頭頭顯露法法齊彰卓拄杖云若
向拄杖頭上薦得根源就路還家不動脚跟而登覺
岸坐微塵裏轉大法輪如或未然別資一路今古由
來建梵宮惟憑赤手巧施工功成果滿檀林鬱瓜瓞

文部

竹溪集卷五

上

聯芳繼象龍

丙寅鳳林寺暨大殿上堂大位不居我國晏然大功
不宰處事而嚴大道無名附物而靈大法無從應時
而通衆中有識時節者麼三世諸佛以此時節樹大
法幢擊大法鼓吹大法螺演大法義山僧應此時節
初開爐竈魔佛齊烹始懸赤幟開人天正眼提持臨
濟機要拽轉頤風拈弄德山消息挽回法運卽不無
只如今日鎮寶洪公茂白廖公各傾囊金建大功業
兼誘緇素同上青城鼎新佛殿永垂不朽一句作麼
生道更聽一頌齊伸赤手破天荒緇素于斯建法幢

一片新風吹大野從茲千古漫流芳

戊辰青城開爐真鑄真亨王居士請上堂拈香云此
辦香在天垂象在地成形入水不騰波入林不動艸
端爲祝延今上

皇帝聖躬萬歲萬萬歲欽願佛化王化齊行金輪法
輪共轉次拈云此香高而無上廣不可及別而無下
深莫可測任性縱橫能變能化熟向爐中奉爲當道
尊官及本州紳衿士庶現前請主伏願扈衛王室金
湯永祚再拈云拈起乾坤增瑞通貫古今放下十方
黯黑消息全無第二回拈出熟向爐中供養昭覺上

文部

竹溪集卷五

上

丈下雪本師醉和尚用醇法乳伏願壽等須彌德逾
滄海龍象之宗人天正眼欽承就座雲徹法姪白椎
竟乃云峰巒疊翠竹樹陳祥碧澗雲生霜花競秀元
來現成公案何勞掘地討天若是此中人須行此中
事若行此中事須是此中人卓拄杖云都向者裏薦
取

至節上堂問如何是冬至以前事師云羣陰剝盡進
云如何是冬至以後事師云一陽來復問如何是背
塵合覺師云風暖鳥聲碎進云如何是背覺合塵師
云日高花影重問如何是父母未生前本來面目師

云頂額上七叉八簣進云如何是父母生後事師云
脚跟下橫三豎四僧禮拜乃云機輪轉處草木楊眉
坐斷當陽乾坤失色語其動也徧周法界語其靜也
泯跡潛踪所以道先天而天弗違後天而奉天時若
以世諦流布讓伊有分若約正眼流通則不然焉拈
拄杖云看木上座如何行履白萬億須彌盧百萬億
日月百萬億四大部洲百萬億香水海一口吞却且
盈虛消息向甚麼處流轉諸佛衆生何處安身立命
卓拄杖下座

真瑞孫居士入山辦齋請上堂叅贊化育老僧亦須

扶樹微陽還知麼律管灰飛萬葉萌梅梢吐玉柳垂
金霜花爛爛鋪平地六雪霏霏霽翠岑地軸右旋六
耦盡天樞左轉一奇生吾家有個住山句不屬陽收
不屬陰內有一句有殺有活有縱有奪若辯得出始
知日行南至其或未然後依前冬至寒食百單五
佛成道日上堂真風纔扇萬嶺皆惺至化初行海天
一色大道無名題緣卽宗如天普益似地普警頗奈
吾人自昧所以釋迦如來捨金輪之寶位子夜逾城
于正覺山中六年苦行忽覩明星了明心地大衆古
時天地日月星辰與今時天地日月星辰未曾差別

人人皆見爲甚麼二千六百年前只悟得個釋迦直
至如今不曾悟得一個半個汝等要見明星麼以拂
子向空點云衆

上堂心珠朗耀亙古恒明性海汪洋纖塵不涉湛寂
凝然本無形狀動靜二相了然不生光灼灼平帖帖
今乃元旦首期欲作一家燕賞請三世諸佛及十二
類衆生以金剛輪際爲竈空輪爲釜木輪爲量二草
二木作新風輪爲炊須彌盧作鉢香水海爲美地輪
爲桌且道向甚麼處鋪設舉拂子云仍向山僧拂子
一毫頭上鋪設不寬不窄無剩無餘無言童子出來

吹無孔笛彈沒絃琴唱無生曲奏無生樂拂云還見
麼擊云還聞麼諸佛衆生異口同音道我適會供養
今復還親觀

解制上堂問如何是青城體師云主山高峯山低進
云如何是青城用師云晨昏鐘鼓分明進云體用雙
彰時如何師云我没氣力僧擬議師打出問如何是
百尺竿頭重進步師云我者裏一尺也無僧禮拜師
笑云龜毛拂子長丈二葱嶺傳來落鳳林喝一喝
誕日上堂問如何是萬仞峰頭重進步師云不露頂
僧進步云是某甲安身處麼師云亦任鑽龜打瓦乃

云最初一句把斷封疆末後一機不通凡聖青山無
透路海水不揚波去就一源死生同域葛拈拄杖云
承斯恩力三世諸佛得之隨宜施設各建道場有權
有實談空談有付之自然而今落在生上座手裏逗
到今朝五十四年是我母難之辰且道報恩一句如
何通信良久拽拄杖下座

佛誕上堂道本圓融觸處皆通道本無言一氣涵元
道本無體匙挑不起道本無知接物應機還識應機
麼卓拄杖云于此薦得古今無異轍聖凡沒兩般世
尊云天上天下惟我獨尊是則是正眼看來漏逗

不少若是靈利衲僧直饒祥微萬載瑞應千齡亦是
堂前生瑞艸何故吟二千六百年來許多血氣男兒
出他絕續不得

青城山鳳林寺竹浪生禪師語錄卷第一終

青城山鳳林寺竹浪生禪師語錄卷第二

嗣法門人如鵬等編

己已結制常明落髮請上堂拈香祝聖畢乃云三十
餘年坐釣磯而今方得展雙眉汀花水滸非他物觸
處元來佛祖機今朝元無結他日亦無解是爲水官
解厄天下善知識開爐十方龍象入煉鳳林院裏安
禪汝等諸人眉毛厮結心眼相注一而三三而一一
一依前從地起拾得賀豐千佛種從緣起露柱久懷
胎安樂產佛子大啓我門庭便是克家子個段因緣
非偶然百千萬劫難相委

佛開光上堂四歷嚴霜建法幢經樓佛殿盡裝潢
那先詣第一諦所以今朝有上堂心源湛寂性海汪
洋情風鼓舞識浪滔天到者裏順水推船者十個有
五雙逆風把舵者難尋一耶苟非願力弘深焉能大
作紀綱舉則古人公案代吾佛祖放光昔日世尊陞
初利天爲母說法優填王慕佛日久將梅檀刻佛形
像及世尊從初利下來百萬人天迎迓其像亦出相
迎敢問大衆若道是一其如像何若道是二家無二
主更聽一頌人天衆裏孤鶴聽有像梅檀也解迎不
是君王親造得都盧是弄鬼眼睛

至節上堂僧出師喝云不許夜行投明須到進云開河甚緊家賊難防師和聲打云向者邊著問一切處卽不問如何是栗中藏世界師云且退僧擬議師打云晴乾不肯走只待雨霖頭乃云寶劍高懸乾坤失色毒鼓輕過問皆膽裂卓拄杖云聞麼直饒透過者重關猶是釘梢搖櫓若約臨濟兒孫一味單刀直入不熱隔夜禪不食隔宿餅逢佛遇魔一刀兩斷大有逕庭不近人情以大干沙界作游戲之場百千萬年視如一日佛及衆生一體同觀到者裏略有少分相應祇如轉天關迴地軸何似生一陽復至節到來日

長一線佛法長多少良久自代云噉嘛呢吽元旦上堂昨宵曾送舊今日又迎新三陽肇泰運二炁抱芳辰舍弘光大品物咸亨不足神通妙用亦非法爾如然故是時節不饒未免天機漏洩以拄杖画一画云乾坤之內艸木叢林盡從者裏發育只如傳大士道有物先天地無形本寂寥能爲萬象主不逐四時凋又作麼生商量倘有具眼衲僧道得分明鳳林以黑漆拄杖對衆吩咐他時異日向孤峰頂上呵佛罵祖不惟分外脫或無人看拄杖子爲汝等轉正法輪卓一卓云世界未成者個先成世界壞時者個

不壞復咄云住住饒你說得天雨四花地搖六震只說個現成公案若是祖師門下天地懸殊立春上堂春晝明春風清春山秀春水平鳥語呢喃東雲殷殷化育流動不假經營有眼共見有耳同聞召衆云大衆者般境界既是共見同聞因甚麼十個有五雙到者裏當面錯過解制上堂九旬禁足似嚴霜法印高提戰大荒萬象森羅俱駭退惟餘一杖露行藏此四句殺活雙行縱奪齊彰不動脚跟而登彼岸不歷僧祇而獲法身果有如斯見解去歲未曾結今朝亦無解達磨不來東

土二祖不往西天動靜一源往復無際一任牢拴籠笠緊俏艸鞋高高峰頂立深深海底行不爲分外只是有佛處不可住無佛處急走過下座以拄杖一時打散佛誕上堂煒煒神光透紫微大千沙界悉騰輝生前句子誰相委萬別千差總一機召衆云還會者一機麼天得一機以垂象地得一機以成形君王得一機風雨以時海宇莫安艸木昆蟲得一機各證性命昔日吾佛世尊得一機示迹王宮周行七步手指天地目顧四方道天上天下惟我獨尊然後逾城出家覩

星悟道四十九年口涿涿地以度生爲務及自看來
何曾度得一個半個何故啻一切眾生成佛已久焉
用度爲爭如鳳林院裏炊無米鉢煮木渣羹關烹明
月碎割清風乃佛乃祖乃聖乃凡各得飽餐菩提涅
槃真如佛性攔向一邊合哺而熙鼓腹而遊所以道
於食等者於法亦等於法等者於食亦等試問與古
人還有優劣也無若無人道得聽取一偈率陀天上
入那伽大定如如氣味嘉一段光明曾不昧無優樹
下闌如麻實堪嘆二千六百餘年後引得兒孫不作
家靠拄杖下座

庚午結冬真達蔡居士請上堂拈香云拈起則爲霖
爲雨澤濟蒼生放下則成祥成瑞邦畿永固慈向爐
中端爲祝延今上

皇帝聖躬萬歲萬歲伏願邊邦寧謐八表無虞次
拈云此香能舒能卷能變化慈向爐中奉爲當道
尊官紳衿士庶現前請主伏願恒爲國家屏幹法門
金湯福源善慶地久天長再拈云此香在天日高在
地日厚在人而靈在山而峻在水澄清本自無名那
堪形狀慈向爐中帝申供養成都府昭覺禪院上上
下雪本師大和尚用酬法乳白椎竟乃云霜花爛熳

墊艸離披龍戰于野堅冰始至天關左旋地軸右轉
時節到來自然合轍繕拈拄杖卓云者條拄杖從無
數劫來一向硬糾糾地不隨陰陽流轉豈逐四序變
遷落在山僧手裏縱橫無礙殺活齊彰所以道明頭
來明頭打暗頭來暗頭打四方八面來旋風打虛空
來連架打敢問大衆拄杖子何故有如是語略通身
手跟難描圖慣與人天作範模卓一卓下座
長至上堂問生灰平地起于戈處處叢林設網羅千
里同風即不問無爲底事是如何師云雪壓高山霜
鋪平地問法鼓一震大衆臨筵今朝冬至即不問如

何是大了底人行履師云因行不妨掉臂進云排遣
得底人因甚麼命根不斷師云腳跟下好與三十乃
云玄機密運匝地普天剝盡六陰一陽來復祇知堅
氷浮水面不覺春信上梅梢昨夜燈籠離宮入定露
柱坎位端居鐘敲良覆碗磬聲震仰孟大衆腳踏與
地穩口向兌方開至于乾三連坤六段且置一邊慈
豎拳云山僧以者無文印子將無極太極河圖洛書
四時八節十二時辰二十四炁五十大衍數六十四
卦七十二聯一印印破曾教陰陽二炁無處潛踪三
世諸佛于此寶印光中作大醫王應病與藥權實雙

彭開佛知見歷代祖師于此光中發大機顯大用爲苦海之津梁開人天之正眼竄中諸大知識于此光中全提正令收放自如將鬚子餓虎顯邊奪食于飢鷹爪下日月星辰于此光中照臨下土山河大地于此光中發育萬物君王于此光中日應萬機齊澤下民普天之下文武尊官于此光中調羹補衮不亞伊周士庶于此光中耕耨而讀耆讀紳木叢林蜎飛蠕動於此光中各證本有頃石土塊于此光中動地放光現前四衆于此光中周旋往返只拂十拂云惟有者個不彼此光籠罩世界未成者個先有而不爲

長歷

塵沙

六

劫而不爲老理事該通古今融貫還委悉麼等閑越格超方便數量無拘古至今脫向毫端施妙用仍乘萬象獨居尊

元旦上堂問如何是舊年佛法師云堅冰浮野水進云如何是新年佛法師云春信寄寒梅進云新舊佛法蒙師指正令全提事若何師云一棒一條痕問孤峰獨立誰知出格家風拄杖手掄未審是何宗旨師以杖橫按云鑊鉤出匣進云劍爲不平離寶匣藥因救病出金瓶師云照顧性命進云五馬行春日萬家和氣生師云看脚下乃云十方世界是一顆牟尼珠

百萬億須盧百萬億香水海百萬億四大部洲于荷葉光中現其色相而無遮障一切森羅萬象于中發育而不相並微塵刹土是一寶絲綱三世諸佛歷代祖師于綱孔內示跡降生得道各轉根本法輪而無間隔一切衆生于中生歟流轉而不相礙所以教中道一切智智清淨無二無二分無別無斷故到者裏拄杖子忍俊不禁道長老你者般說話好似講般若經底座主待木上座重下註脚卓一卓云我將牟尼珠擊碎日月還他自明須彌還他自靜香水海任他波騰一切部洲任從自安森羅萬象亦任及時消長

萬億

須盧

七

劃一劃云寶絲綱劃破也三世諸佛歷代祖師任他遞代相承應時及節樹大法幢演大法義度無量生一切衆生任他往來游戲滿願隨心喝一喝云會麼神光獨照萬機先凡聖誰論有別塵一道齊平無異轍河沙諸佛體皆然

解結具理眞寧高居士請上堂靈源湛寂洞鑒十虛撥轉機輪光吞法界昨日向百艸頭邊拾來今朝將無底籃兒盛去東頭買賤西頭賣貴窮厮妙餓厮瘦觸發十字街前石敢當揚聲大叫相救且道救個甚麼世間多少名利客折本者多賺錢者少怎似鳳林

寺裏灰頭土面數輩參玄士朝也參暮也參不顧危
亾骨露皮穿行也參坐也參聖凡情盡絕慮忘言還
到今朝期限滿緊束腰包過別山一等共行山下路
眼底各自見風烟雖然如是須得雙眼圓明始得復
聽一偈未會人前休出語途路窮時莫放過有人若
問鳳林禪當風劈面與殘唾與殘唾惡名從此不教
家
誕日正果後堂請上堂堂常光獨耀普映無方一念初
殷徧周沙界乾坤大地乃金剛正體塵塵利利即本
有風光阿僧祇劫不越今時十世古今同歸方寸鏡

拈拂子拂云惟有者個不落數量豈屬青黃碧綠三
際橫該二儀拈起也萬法齊彰放下也一塵不立于
斯薦得生佛一源聖凡同域無來無去不滅不生所
以道諸法不自生亦不從他生不共不無因是故說
無生脫或未然百歲韶華風度嶺千生幻夢何時醒
勸君早早便還家莫到臨頭折却本

佛誕上堂峯巒孤峻澗水潺湲浸埜鳥騰空白雲淡汀
頭頭顯現法法齊彰未曾變易今古常然元無去就
之方詎有生滅之理年年此日歲歲今朝祇緣博地
衆生迷却本有風光普覺合塵住在虛妄景中認賊

爲千手生於海內流轉不息所以調御師不違本誓
示跡受生轉正法輪開佛知見俾一切衆生明自本
心悟自本性捨妄歸真還家穩坐卓拄杖云釋迦來
也在山僧拄杖頭上動地放光錯口道天上天下惟
我獨尊還見麼七步周行格外機指天指地任施爲
仍將蓮日垂方便誘得兒孫若鬼迷喝一喝
辛亥昭覺首座寮秉拂上堂扁舟乍倚釣漁磯正值
金鱗負命時萬仞潭中纖月餌乘斯快便化龍飛以
杖作垂釣勢云有麼有麼僧出師云俊哉問年盡月
盡日盡時盡還有佛法也無師云有進云如何是年

盡底佛法師云一聲爆竹催殘臘乃云當陽一著落
滿乾坤風生虎嘯霧起龍吟一輪花甲子從此振家
聲送舊迎新句霜花點翠岑昔日黃面老子將正法
眼藏付囑有在卽今昭覺考鐘伐鼓乘悲願雲卓拄
杖云釋迦來也喚作釋迦却是拄杖喚作拄杖又是
釋迦衆中有具眼者麼今奉老人命生上座秉拂若
個衲僧躍武揚威出問云如何是秉拂意旨但向伊
道前村深雪裡梅放一枝新
出關佛冤法兄領衆請上堂開關云難難難是果然
難六月飛霜透膽寒自古許多明哲者幾能坐斷祖

師開怎麼說話是坐斷語是未坐斷語拂一拂云竹影掃堦塵不動月穿潭底水無痕

詣座喝云一喝分賓主照用一齊行借座寶華王巍巍露半身既是巍巍堂堂因甚麼祇露半身你不見道不是無身不欲全露便墜灼灼山花一樣開珠簾翠捲法雲臺個中句子分明舉匝地熏風徧九垓舉上芝聚禪師啓開云三年丈室坐斷十方世界一念蒲團頓回十世古今依倚彌勒樓中不妨開已還閉畢竟普賢界裏要看絕後再蘇師云看他過量人提持過量事提持過量事須是過量人然雖如是當作

張述一

九龍禪師語錄卷二

十

啓開句子大似萬里崖州生上座于癸丑正月進關普天匝地一時人今朝期滿出關普天匝地一時出塵塵刹刹法法頭頭九有四生各歸本位且道與古人是同是別若道同法無同相若道別豈有兩般藉拈拄杖卓一卓云若將耳聽終難會眼底聞聲方始知

崇慶州青城山鳳林寺閱龍藏四歷秋霜而終法兄懶和尚請上堂無上宗乘不落言詮本無形聲奚假見聞藉拈拄杖云見麼復卓云聞麼倘若聞見分明不惟鳳林將一大藏教轉畢卽今現前四衆一段光

明寶藏一時轉訖所以道卽此見聞非見聞無餘聲色可呈君腕或未然打葛藤去也人人從本以來各各具足一卷不斷頭經如是信解書寫本末究竟何必節外生枝使一切人討腳跟不著山僧怎麼批判若個衲僧道生上座具甚麼眼評古論今若無六種成就官教口挂壁上設有如是問難山僧祇向伊道四海浪平龍睡穩九天雲盡鶴飛高

張述一

九龍禪師語錄卷二

十一

有知音者請和一曲看屢生問日用尋常事拈來總現成經寒秋色滿何物慶芳辰師云未動腳跟錯過了也進云卽今老人大開爐韞復振宗風道貫古今彌大壽筭慶讚一句作麼生道師云弗勞讚嘆進云者是有爲邊事親切處道一句來師云好與三十棒生禮拜乃云一機纔動天上人間一語敷陳葛藤徧野所以黃面老子久默斯要不務速說若論此事在天而天在人而人在山鍾秀在水澄清歷萬劫而不磨越三有而常堅一道神光古今明徹衆生祇爲貪愛煩惱固設迷封不能證得更恠于誰今朝一會是

老人八旬壽滿有則現成公案不會動著命生上座登無畏床舉似大眾三世諸佛不曾道著歷代祖師不曾舉著一大藏教詮註不破十方衲子不敢以正眼而覷汝等諸人善為諦聽良久云月似彎弓少雨多風

解制上堂有一句千聖吐不出萬靈吞不下金剛力士臂不開八臂那吒捏不聚眾中有具眼衲僧打破虛空踢翻海嶽高出物表不被羅籠道得分明盡十方界是一座禪堂無結無解無去無來四威儀中于茲受用有麼有麼問如何是一喝金剛王寶劍師

一喝進云如何是踞地獅子師卓拄杖進云如何是探竿影艸師云摩竭陀國親行此令進云如何是一喝不作一喝用師云老僧分疎不下進云四喝蒙師指解制上堂事若何師云適纔敲鐘則鐘鳴擊鼓則鼓響進云九十日已完彖得一夥無毛鷄子即欲展翅飛騰放即是不放即是師云收問法雷一震大眾臨筵結制即不問解制事若何師云一等共行山下路眼底各自見風烟進云恁麼則各各頂天立地去也師云認著依前還不是問如何是定中彌陀師云出定也問處處盡是金剛王如何分作五家宗旨師

云無孔鑊錘當面擲是一是五問城東老姥與佛同生因何不欲見佛師云金屑雖貴落眼成翳居士問人人軟舌似條蛇是真是假師云自道取士云諾諾問如何是具足句師云脚跟下欠少甚麼乃云九旬禁足事隆周今日打開布袋口放出一夥無事漢却把灰塵抖一抖八方隨分足四海任優游葛拈拂子云惟者枚拂子總不涉去雷諸佛莫能友祖師孰敢倚豎超三界外橫該百億洲且道伊具何德相有斯作略拂云古往今來無所住大千沙界等浮漚誕日上堂滅乃生之因生乃滅之果生滅原無住今

朝重露布有時地獄天堂有時神出鬼沒有時虎穴魔宮有時孤峰獨宿所以教中道東方入定西方起南方入定北方起四方入定中央起中央入定四方起暮喝云鳳林幾乎落在教網裏且道未生已前意旨畢竟如何卓拄杖云一身復現利摩身一一遍禮利摩佛

佛誕上堂高懸碧鏡映徹十虛法海汪洋古今通貫艸木叢林隨分取足各得增長人天得其所得而證性命祖師道盡法界身本無來去塵塵混入刹刹圓融乘悲願力示現受生頭頭顯露法法敷陳公案現

成爲人自昧所以吾佛世尊觀大地如牢獄視衆生若蛆蟲往來流轉苦果不息昔年今日再降娑婆接引迷流欲俾個個成佛及自四十九年口吧地不會度得一個半個何故咄彼自無瘡勿傷之也卓拄杖云釋迦老子卽今在山僧拄杖頭上放光動地與汝諸人重下註脚三祇果滿絕羅籠法眼精明沙界空只爲度生情緒動依前示跡誕皇宮卓拄杖下座榮經縣樂道菴恒耀首座石真却郭真鈺等請講金剛經報本預日上堂問過去心不可得未來心不可得現在心不可得是那心可得師云高橋溪畔水潄

師語

竹浪生禪師語錄

一

聲乃云賈花方演山川競秀覺路弘開頑石起舞語其頓也言思路絕理極情忘人人是佛不假修持語其漸也有理有事有實有權有聖有凡有修有證語其偏也方以類聚物以羣分艸木叢林區分各異語其圓也無古無今無生無滅無佛可成無生可度神鬼神帝生地生天豎抹三界橫亘十虛喝云我此一喝如金剛王寶劍將五教葛藤一刀兩斷俾頓與漸平等偏與圓平等凡與聖平等諸佛衆生平等僧與俗平等情與無情平等所謂是大神呪是大明呪是無上呪舉梁武帝請傳大士講金剛經及登座撫尺

一下便下座武帝問誌公曰得得請大士講經一詞不露公云大士爲陛下講經竟卓拄杖云若向山僧拄杖頭邊領略得去祖意教意一時圓滿何須用搖唇鼓舌惑亂人家男女其或未然來日不免從頭註破

己巳中秋立僧上堂問未進步時如何師云且居門外進云已進步時如何師云堂高數仞地濶八埏進云未進已進蒙師指向上宗乘事若何師云一棒一條痕僧禮拜問如何是奪人不奪境師云青松翠壁雲千頃進云如何是奪境不奪人師云日來無事亦

師語

竹浪生禪師語錄

五

閒吟進云如何是入境界兩俱奪師云險進云如何是入境界俱不奪師云丹桂宜秋色呼童折入鏡進云擺脫根塵如何履踐師云秦地不收漢地不管乃云慶雲陳瑞玉露垂珠翠需鋪舒法界祥光周徧大千攪長河爲酥酪變大地作黃金轉天關于佳節迴地軸于斯時此是學人境界祖師門下則不然刮龜毛于鐵牛背上截兔角于石女腰邊餓虎腮前將鬚飢鷹爪下奪食有時把住消息全無有時放行縱橫無礙且道把住卽是放行卽是良久云無人判斷不免重下註脚大冶弘開豈等閑轉凡成聖片時間爐邊縱

有多頑鐵共入鈞陶總一然卓拄杖下座

紹覺豎殿傳聖訓竹仙鸞等請上堂山川鍾秀迥時
崢嶸地靈人傑未固福基斬開荆棘于一毫端修玉
殿掃去劫灰一草神上建瓴樓今朝紹覺寺裏豎殿
上堂驚動定光古佛統領恒河沙數大眾經歷無量
佛土敷種種露慢持種種傘蓋散種種花奏種種樂
放種種光一時來此寶華王座此座不寬不窄大眾
無刺無餘異口同音而說偈言多年瓦礫解翻身紺
殿巍竅越樣新佛祖淵源誠有托聯芳奕葉繼傳燈
驀召衆云承此老子出定遠涉助揚法化生上座未

尺牘

行藏語錄卷一

去

免無時復說偈云四十餘年鹿豕場芟除蕪莽破大
荒瞿曇頂上莓苔碧四聖身披蓁線長護法天龍偕
屈衛金剛力士共宣揚祖風不墜流輝遠萬古名藍
再放光卓拄杖下座

豎禪堂上堂法幢高樹挽回百世頹綱法苑初成掀
翻歷年舊案白雲獻瑞紫氣陳祥石雞啼嶺外聖燈
鎮夜煌青山著不縷之霞野水奏無生之樂弗是神
通妙用亦非法爾如然總要曹源不竭聖脈淵長覺
樹常榮祖風不墜如此說話只可世諦流布若約祖
師門下又則不然且道祖師門下如何行履驀喝云

展開臨濟家風露布德山手段縱是佛祖魔軍到來
也須一齊按過何故你不見道家無二主聽取一偈
大道明明孰肯游枉來人世幾千週勤若急早抽身
去免致閻羅作對頭

手申上元幽冥鐘滿散請上堂問既是觀自在因甚
麼抱著嬰兒師云只爲開黎不了問底事融融是如
何師云現前立地的進云打開玄關路放出遼天鵲
師云開言語問幽冥鐘聲三年已滿地獄孤魂可解
脫否師云適纔重敲過乃云一機纔動萬機隨一法
微舉法法彰明暗色空支殊境界山河大地普賢床

尺牘

行藏語錄卷一

去

榻溪聲鳥語萬竅怒哮觀音圓通十方法界總是寶
王佛刹衆生于中折旋俯仰縱橫無礙一道平等不
假修持即如如佛自不覺知反以貪愛自蔽虛妄分
別遂有凡聖有天堂有地獄六道受報流轉不息所
以一切諸佛遞代相承修諸苦行設諸方便應病與
藥扳楔抽釘喚醒痴狂就路還家山僧有條扳條無
條扳例子己已春起幽冥鐘期今朝告竟仗諸檀信
各發囊金求福雪罪恭延諸山耆舊光降寒山作滿
散道場有真理高居士營齋供衆兼請山僧陞座舉
昭覺老人曾有偈來山勉勵山僧今日對衆下個註

脚五更走起一聲鐘有眼者見驚醒長年瞌睡翁艸木均皆聞三十六峰齊側耳六頂山也醒醒著不知誰悟正圓通卓拄杖云木上座本自無迷道甚麼悟山僧亦有一偈千日蒲牢吼碧峰天堂地獄悉皆空森羅萬象開心眼聖解凡情理事融若個衲僧于老人句下明宗一生叅學事畢向山僧偈裏見得許伊獨踞大雄峰

誕日上堂祈雨問全提向上事如何師云適纔有人問打三十棒去也進云恁麼則虎奔山色秀龍騰戲彩護師云莫眼花問世尊初生雲門要一棒打殺貴

張師

法華師語錄卷二

本

圖天下太平和尚今朝華誕學人亦要一棒打殺和尚將何抵敵師云善哉善哉僧擬議師便打乃云山花競翠幽鳥呢喃野馬騰空海天一色雖然茶運到來必滋雨露助力品物流行美飲膏澤萬卉含章渴仰霄霖三冬無雪艸木萎枯頻見火天大有半春無雨旱魃爲殃未聞雷天大狀四時有紊八節無稽不欲箕星嘯傲但願月離于畢一切細民蠢爾之無知上帝應宜不違好生之本誓所以道早既太甚迄可小休四方有美我國居憂復說一偈半年無雨實堪憂旱魃爲殃更尙愁大地生靈現欲斷滂沱早降憶

方休

爲地藏天神龍牌開光上堂據座當軒全提正令放大人相照用齊行山河大地不越今時水鳥樹林咸歸覺岸上無攀仰下絕已躬教中道凡所有杞皆是虛妄若見諸相非相即見如來即今眞明大德作地藏以酬罔極王眞鑄誘衆作滿堂天神以達高厚徐朝榮誘衆作萬歲牌以祝君王恭逢上元佳節天官賜福之辰大家伸手各展經綸將四恩報畢巧梓剎則裝潢告竟仍請山僧登座點眼驚拈拂子拂云人衆見麼此一段光明上至諸佛下及蚊行各各具足

張師

法華師語錄卷二

十九

無欠無餘還薦得廢與衆頌出人天交接頗奇哉萬古精藍法運開不昧靈山親咐囑一齊擁入鳳林來六齡誕辰頽叅請上堂一塵纔起大地全收一花初燦衆葉芬芳一音演唱隨類皆聞一念清眞千古徽猷萬法若有無處著心萬法若無目前何物慕呈拄杖召衆云大衆會麼住世曾經六十年山花競秀幾回鮮旅亭多少名場客那得野夫林下閒卓拄杖下座

癸酉佛誕玉潔法弟請上堂問全提正令事如何師云一棒一條痕進云日輪纔轉月輪高萬象分明影

莫迹承放毫光輝宇宙山河亦任自逍遙師云切莫詐名頭乃云一念淳清洞鑒十方世界與佛何殊神機初動白雲萬里猶是衆生境界諸佛垂慈務與世人破妄歸真把手并行列祖運悲總要喚起狂子就路還家豈料教愈嚴而轉遠網愈密而漸疎所以吾佛世尊憫念一切衆生從天降下應跡皇宮手指大地目顧四方便道天上天下惟我獨尊此獨尊一字自古迄今評論者多不被釋迦老子舌頭瞞者幾希殊不知若個獨尊在凡聖人天情與無情種種諸類各各特尊敢問大衆還識此獨尊麼生上座不懼諸

大德

漢唐錄卷三

方檢點重下註脚指天指地渾忘情開口元來道不清縱得雲門欲打殺招牌久已挂叢林

青城山鳳林寺竹浪生禪師語錄卷第二終

青城山鳳林寺竹浪生禪師語錄卷第三

嗣法門人眞純等編

小茶

辛酉昭覺結制小茶今艱生上座要與諸人商量佛法汝等從今以來者一段大事因緣各具足眼同見耳同聞鼻同嗅舌同論手同執捉脚同運遶何用山僧饒舌縱然說得天雨四花地搖六震且喜沒交涉欲與諸人商量世法自少至老飢而餐渴而飲寒添衣熱乘涼纔道東隣茶便識西舍酒南頭買賤北頭賣賣出而作人而息又誰不知但預以約法三章

大德

漢唐錄卷三

一

每日上來下去切忌撞著露柱若撞著不惟頭破腦裂猶恐觸碎鼻頭一時粥鉢切忌咬著一粒米若咬著不惟信施難消水也消他一滴不得長連牀上切忌瞌睡若瞌睡不惟孤負已靈間羅老子笑鉢錢有日在

小叅呈拄杖云舉不顧即差互擬思量何則悟山僧舉也舉了諸禪德顧也顧了不曾思量祇是欠悟在且道悟個甚麼莫是耳聲眼色麼莫是鼻香舌味麼莫是身覺觸意攀緣麼莫是轉八識爲四智麼莫是轉四智爲三身麼若是者些節目人人從朝至暮從

夜至曉昭然在心目之間何迷之有既是未迷適纔又道欠悟在畢竟有個悟底道理泰

小參盡大地是個真人全體時時爲汝諸人說無生法祇是上曠人稀相逢者少何故喻知日月推遷鳥飛雲騰山青水綠頑石上塊樓臺殿閣露柱燈籠總總林林皆是現成公案所以道摩訶說利說微然說無間歇若是具眼衲僧于一機一境一毫頭上轉過身來上與祖師爲師高樹法幢演大法義建功立業到此田地不妨高掛標迦不拜懶勒十方諸佛俱站下風奴呼菩薩婢視管閒有甚過化脫或未然有寒暑

今促君壽有鬼神兮姑君福

小參說法不依時便是非時語卽今是甚麼時若道是臘月十四人人盡知何必重舉不是十四又落非時若有道得分明底卻在生上座肚裏其或未然生上座在你肚裏總不恁麼不免隨時變遷逐物流轉遂成一頌臘月十四日分明共見聞滿堂雲水客那個是知音咄

壬戌元宵昭覺解制小參卽今一期已竟山僧住持事繁未曾與衆兄弟打葛藤大丈夫阿誰無分都是頂天履地覓佛底人何必要山僧處分是則也是欲

尋個無心道人如星中揀月所謂慈舟不棹清波上劍峽徒勞放木鷁

壬戌昭覺結制小參今朝十月十四衲子安禪結制大家厮結眉毛了却從前底事凡爲展鉢開單提持衣線下事一切動轉施爲如有所立卓爾打破黑漆桶底不負出家之志坐斷百尺竿頭始信前有所餘地小參小盡二十九大盡三十日公案本現成何事從他覓詔草不再來光陰如駛急報爾參禪人各各宜省惕推倒鐵崑崙不受閻羅氣常秉智慧劍佛魔一齊劈跳出金剛圈口開吞栗棘日用本尋常明明與

歷歷仁者見之仁智者見之智衲子分上喚作甚麼請轉一語

小參心緣不到處如隔一重關力提不起時似石墜澄潭若離心意識實乃出家兒一念不生前後際斷動靜一源始稱俊敏臨濟門下又則不然有時孤峰獨立廊步大方有時十字街頭和光混俗常用咬指徇手腳逢佛殺佛遇祖殺祖魔宮虎穴七縱八橫騰騰任運今宵堂裏還有此人麼設有不防與昭覺相見

小參諸佛說不著祖師提不起于中有一物無頭亦

無尾且道是何物咏書記翼雲答云一聲天際外非將物可比師作聽勢云依稀似曲纔堪聽又被風吹別調中復云莫是在天垂象在地成形陽舒陰卷運用四時是此物麼莫是在聖不增居凡不減在恍滿坑處谷滿谷山河大地依之建立艸木昆蟲由之發生是此物麼莫是寒欲添衣熱欲乘涼飢則易餐渴則易飲是此物麼慕喚堂主主應諾師云切忌撞著露柱

小叅舉金佛不度爐泥佛不度水木佛不度火真佛內裏坐者則公案從上老古錐評論者多總是順水

推船逆風把舵者希是他老趙州路出多岐枝蔓繁衍惑亂人家男女大都令人討脚跟不著殊不知未舉已前自惑了也昭覺今日抱個不平也要諸人共知金佛不度爐一場懺懺泥佛不度水一場懺懺木佛不度火一場懺懺真佛內裏坐障自悟門生上座如斯批判亦任諸方檢點

壬戌除夜小叅月有三十日今宵最可長悔吐春先玉霜壓石蓮香燈籠與露柱動地而放光明明歷歷地何須問帝鄉既然明歷歷且道明朝有甚麼事高聲云新歲客情多打躬作揖忙

癸亥解制小叅三冬已過一期事畢歷盡鹹酸風烟始息此衆無枝葉惟諸真實所以山僧不敢向虛空中打槪彈沒弦琴唱村田樂和光混俗共樂昇平更有一樁好事與衆兄弟商量明日束腰包裹艸鞋至窮岩墊木百艸頭邊有個人不可不逢逢者畢竟喪身失命

戊辰青城結制小叅舉龐蘊解道十方同聚會個個學無爲此是選佛場心空及第歸敢問大衆既是無爲作麼生學觀世音菩薩將錢買胡餅放下手來却是慢頭

小叅謂佛無法說祖師不會禪明明元不悟思想卻成顛形聲猶未兆真機始現前還會真機麼不見祖師道在眼曰見在耳曰聞在鼻嗅香在舌談論在手執捉在足連遶識者喚作佛性癡人喚作精魂衆兄弟要識佛性麼良久高聲云逢人切莫錯舉

小叅舉洞山禪師有首座來省覲待茶次慕拈菓子云有一物明歷歷黑似漆上挂天下挂地常在動用中動用中收不得召大衆云且道是甚麼物良云對衆頌出師資嘉會叙寒溫菓菜分明列示人信手於中拈一粒騎聲蓋色絕疎親洞山老莫勿艸等閑白

地栽荆棘瞎卻眼睛人多少

解制小參握拳云握則非掌本無伎倆展掌云展亦非拳萬法安然屈指握展與人點眼縮手云不展不握何處摸擦此四句能殺能活能縱能奪若是明眼衲僧向者裏薦得一生參學事畢且道結局羅文一句作麼生道良久云噤

己已青城結制小參心隨萬境轉轉處實能幽隨流認得性無喜亦無憂此是古人語句且道如何是你衆兄弟隨流得妙底境界咏以杖左右指云幾乎又成望解

支那

一、二、三、四、五、六、七、八、九、十、十一、十二、十三、十四、十五、十六、十七、十八、十九、二十、二十一、二十二、二十三、二十四、二十五、二十六、二十七、二十八、二十九、三十、三十一、三十二、三十三、三十四、三十五、三十六、三十七、三十八、三十九、四十、四十一、四十二、四十三、四十四、四十五、四十六、四十七、四十八、四十九、五十、五十一、五十二、五十三、五十四、五十五、五十六、五十七、五十八、五十九、六十、六十一、六十二、六十三、六十四、六十五、六十六、六十七、六十八、六十九、七十、七十一、七十二、七十三、七十四、七十五、七十六、七十七、七十八、七十九、八十、八十一、八十二、八十三、八十四、八十五、八十六、八十七、八十八、八十九、九十、九十一、九十二、九十三、九十四、九十五、九十六、九十七、九十八、九十九、一百

六

小參一機變動萬法齊彰一念純真萬緣休罷大道本無殊因根有利鈍若是丈夫漢一聞便了不受人處分不食人家殘羹剩飯我王庫內無如是刀隨處作主遇緣卽宗得路便行歸家穩坐所以道上士一決一切了中士多聞轉不信縱有如斯作畧到風林門下好與三十痛棒且作舂馬醫

小參吾人一段事勿將作容易深山雖寂寥趣步有餘地結制一月來還疑此事未問東便答西都盧不相似于聖出頭來驀豎拳云皆從者裏去咬破鐵饅頭任君伸脚睡竿木可隨身逢場而作戲大好出家

見切勿負己志設或再依倚水難消一滴漫莫學庸流翫時而惕日如斯之等類云何衲信施助爾兄弟們個個宜努力踏翻生人海不受間羅氣獨踞大雄峰佛祖之苗裔上與三世佛同鼻孔出氣柳巷及花街亦任閒游戲撐起潑天門堪任爲住石個段好來由切忌又切忌

除夜小參衆禪無別法祇要生氣切庭前石敢當晝夜熾然說試問衆玄流云何而不警三十日到來欲怔怔不徹間羅算鉢錢作麼生打怙若是克家兒何須動唇舌目擊便知歸從不受人惑大地及山河元

支那

一、二、三、四、五、六、七、八、九、十、十一、十二、十三、十四、十五、十六、十七、十八、十九、二十、二十一、二十二、二十三、二十四、二十五、二十六、二十七、二十八、二十九、三十、三十一、三十二、三十三、三十四、三十五、三十六、三十七、三十八、三十九、四十、四十一、四十二、四十三、四十四、四十五、四十六、四十七、四十八、四十九、五十、五十一、五十二、五十三、五十四、五十五、五十六、五十七、五十八、五十九、六十、六十一、六十二、六十三、六十四、六十五、六十六、六十七、六十八、六十九、七十、七十一、七十二、七十三、七十四、七十五、七十六、七十七、七十八、七十九、八十、八十一、八十二、八十三、八十四、八十五、八十六、八十七、八十八、八十九、九十、九十一、九十二、九十三、九十四、九十五、九十六、九十七、九十八、九十九、一百

七

來非他物百花叢裏過不沾伊片葉聞聲不是聲兒色非于色耳明眼自聰鼻香舌味潔六用一時通是名真快活地獄與天堂魔宮并虎穴任性縱橫游那得有差別獠虎咬大虫波斯嚼生鉢叫唆吒

解制小參元宵正月半事事成一片花巾刈成行星橋排兩岸惟有水牯牛久不歸欄欄驚鼻牽迴來打鼓普請看快便疾如風元來無二見家山耕白雲種月錦江畔人天共集時仍嚼鉢酸齏

庚午結制小參如來禪祖師禪主山高案山低曠大劫來個自己因甚人人俱不薦總被眼色耳聲瞞衆

玄客毋放寬咬定牙關緊捏拳了生歿超方便休把
光陰當等閑百尺竿頭須坐斷懸岩撒手沒畔岸聖
凡情人我見都盧一刀成兩段大丈夫莫習戀擺脫
萬劫習愛纏涅槃心菩提岸森羅萬象在目前雖然
不是目前法也要當人著眼看阿呵呵會也麼選佛
場開庚午科

解制小叅舉難難猛火著油煎十石油麻樹上攤
未免傷鋒犯手易易菜著鹽著百艸頭上祖師意
畧較些子也不難也不易能所未忘侵早下牀脚踏
地少賣僧山僧今日不懼諸方檢點恁麼批判若個

衲僧于龐公處薦得所謂千載同風代不乏人于山
僧未開口前承當所謂日日修習空花梵行時時晏
坐水月道場如或未然萬古碧潭空界月再三撈撻
始應知

爲玄圃鄧居士對靈小叅居士乃雅安茂才世胄名
儒憚其人事之繁冗父子徙于青城之鳳林猶如舊
識依依然偕居以持經爲日課以禮拜爲佛事高齡
八十有五無恙而終經中道惟此一事實餘一則非
眞老居士還識此一事麼震威一喝云向者裏就路
還家任性自由二世諸佛惟此一事轉大法輪歷代

祖師惟此一事建大法幢十方龍象惟此一事而證
眞常顧左右云還有餘事也無卓拄杖云來年自有
新條在惱亂春風卒未休

爲延慶玉白和尚對靈小叅白雲縹繞幽鳥哀鳴時
節若至大悅行人恭惟玉白和尚珠江應跡說法錦
官住世七十餘年建功立業展大經綸一旦撒手還
家寸絲不挂能事已畢蒙諸山首宿都綱司及孝徒
普明等請山僧對靈垂示祖道句子辭之不獲祇得
承當不見道此處幽深玄遠無人能到遂震威一喝
云天得之以清地得之以寧君王得之日應萬機文

武尊官得之股肱王室海宇奠安四聖得之不再六
凡得之不滅道者得之攪長河爲酥酪變大地作黃
金四民得之東頭買賤西頭賣貴耕者耕而讀者讀
政行蠕動得之各證無生且道玉翁和尚得之作麼
生聾卓拄杖云含元殿裏絕商量六國安寧化日長
于一毫端現寶剎到頭何處不家鄉

爲自悟尼對靈小叅韶齡稚染節操清貞緇門之格
式白業之風規時乎而來也猶如萬籟醉東風一塵
不染時乎而去也好似皎月映洪濤豈停滯晚昔日
射洪獲利住世七十年渾同昨日今朝移花兼蝶至

斯晨錦官折本觀破浮華掉背大歸圓寂買石得雲
僥孝徒寂定請山僧對靈說法到者裏不惟無法可
說且無起口處驀卓拄杖云悟上座在山僧拄杖頭
上現大人相動地放光與汝繩索人等道諸惡莫作
眾善奉行橫按拄杖云自淨已意是諸佛教復放下
拄杖云會麼香水洌中任縱橫人間天上開游戲
癸酉冬至華岳法叔聖和尚命小叅片葉孤舟勢轉
東銀濤玉浪一帆通殊知古佛遙招手暫泊江岸釣
澤龍有麼問昔日世尊三七日中思惟如是事如何
是如是事師云如是事且止如何是世尊立地處進

云卽今我等一七日中總不見得師云正要聞叅親
薦薦拈拂子云者個從本以來無言說無名字無往
來究竟平等總無變遷若向者一毫頭上覓得根源
一生叅學事畢不勞無繩自縛掘地討天其或未然
隨類現形動地放光去也拂一拂云天以之垂象地
以之成形五岳以之孤峻四海以之澄清君王以之
應機百官以之治民九有四生情與無情以之隨類
立名各輝本有且道在衲僧分上如何作用良久自
代云飢餐渴飲閑坐困眠徹生本是住山人只因奉
命南遊久欽本堂法叔老人持請山頭省覲何期衆

兄七期限滿命徹生代勞爛打葛藤惜乎胃中無個
元字脚到者裏無起口處拈則古人公案以圖塞責
舉昔有二僧行脚一日行脚一日脚行爭論不已共
質地藏禪師各執其是地藏云我與你二人註破行
脚脚行脚行行脚二僧從此有醒且道地藏與二僧
說甚麼却悟去合下甚麼語若無人判斷生上座不
妨重下註脚行脚脚行行脚論脚行行脚稍相近等
閑踏破太虛空宇宙平沉巖嶽靜

開示

昭覺居首座寮落堂自結制來以經旬日未審諸兄

作何活計倘有所疑不妨出來大家評品看良久無
人出復云今晚奉方丈老人命生上座落堂與衆兄
商量若道商量兩字到者裏祇得滿面慚惶原夫達
磨鼻祖西來不立文字單秉直指人心見性成佛初
遇梁王機緣少扣祇得逾梁歷魏鈍滯九年若非二
祖斷臂以求安心幾乎掩面而歸所謂直指宗猷傳
至于今亦已久矣若道此事爲難豈不見長慶捲簾
靈雲見桃花香嚴擊竹何難之有耶此事若易趙州
三十年除二時粥飯是雜用心湧泉四十年尚自走
作香林四十年方成一片試問衆兄畢竟如何下手

眾下語不契復云不是者個道理攢花簇錦豈干汝事此事元在你日用中求昔日龐居士有云日用事無別惟吾自偶諸不離日用尋常動靜處體會吾人固有之物非義襲而取若除此外別有者亦是頭上安頭倘或于此轉得身吐得氣許伊詣方丈裏喫棒有分

開板

懸則塞滿乾坤擊則聲徹三界諸佛之慧命人天之標準現前多少伶俐衲僧管教觀之不及且道利害在甚麼處猛擊云諦聽諦聽

書問

復止本師啓丁巳

六月十九日敬接慈命焚檀九頓諷至再三喚徹生回堂不覺茫然生自南歸每于唧唧周旋靡非謨慮法門掃地柱石難求于癸丑秋啓古字山法兄佛寬和尚回堂甚適所願將祖庭大任一肩擔荷不惟生等快滿素心兼錦官縉素紳矜云日月出矣燭火潛輝法門之幸邇聆潛行舊隱法門紀綱一旦拋却未識何意徹生展讀之初如伏日飲水祖庭大任非行弗履非德弗居豈小補哉生之劣質行寡力微僅可

深藏幽谷以待餘年伏乞慈憫置生于補次之外如有復我志必他山謹啓

復同門衆法兄

復展華藻兼錫厚貺謝謝茲讀老人慈旨云佛方丈之內江老僧近日食減事繁前途似有限欲移西關以待委息恨大衆無依爾可收拾回堂代勞幸甚日及此語令人可慨何也其昭覺祖庭必要德行具足宗說俱通者方可維持弟之行履難瞞衆位高瞻遠矚之志侏儒之貌百無一能且年逾不惑尙無三尺之童以堪應對其祐可徵惜乎生逢亂世長遇流離

悟學三棒徒張空輿弟之矢志今生決不敢妄爲非不爲也實不能也欲云抱恨來生又同癡人說夢蟲臂鼠肝付之造物煩諸兄轉達老人調轉陽春爲幸是祝是禱此復

復法兄寬和尚

敬接華翰并讀佳刻如獲至寶錫我百朋句句放光言言動地俾青城艸木揚眉頑石起舞不惟啓我茅塞而兼洗其心垢誠爲教子多生之良惠也謝謝諭云俟弟閱藏隆周帝申虔請以繼祖席云云弟之俾志僅可浮游麻墮窮壑幽棲消磨歲月以聽其素耳

謹復

達良棟王文學

解臂以來英英幾凋所領淑談相潛方寸恭惟居士
熙明日集動定咸亨繼往開來癡蒙獲惺云令郎出
家一事見居士不惟口無吝言且容無吝色可謂再
來龍公也世間布施多途惟舍子出家功增莫及

結制請佛寬和尚上堂

伏以兼葭凝露玉幹垂烟坤元密運潛符木官明月
嘉誕鵲鵲展翼萬禽瞻仰獅子遊行百獸騰遶恭惟
佛翁堂頤和尚仲兜羅綿手承接迷途舒金色臂示

無法

無法

無法

演真宗談無談之心法祝無祝之聖壽慈雲布于四
方甘霖澍于八極沾一滴而百味皆同佩一機而千
機鼎勝揮盡狼烟光嚴象座伏願杖頭有眼點出威
音消息拂子無聲吼絕支那異響法雷一震四衆瞻
依共發精虔合爲拱躍

請囑雪和尚主金純寺

伏以錦江積翠徵法源于萬古提唱一音演止宗于
局外藉華王之寶座舒佛祖之弘慈眾望允歸合詞
虔請恭惟禪師猊座肘符久握智印深潛接濟上之
流傳受靈山之遺囑有住持僧寂定偕諸檀越生逢

季運正法周零欣沾花雨扶起金純之赤轍仰登甘
露飽茹芙蓉之乳麋不惟金純久湮毒鼓且喜文師
洪規再振權施今日之宣揚實補當年之缺陷伏願
憫斯縑素大作津梁豁開戶牖運末法之三車驀垂
一足點龍象之正眼俾諸有情開智海以同源接引
羣芳總法身爲一體敦請象駕特布微忱

代陳新軒崔騰宇等通啓

伏以芙蓉城畔三籟離離綠絳角并參宮裏八方冉
冉鶴顧雲綱維在手挽回三百年之逝浪止令全提
翠轉九千人之悵惻恭惟囑翁大禪師撝手聖之遺

無法

無法

無法

蹤打開八字羅萬載之勲猷總括三才掃盡劫灰喜
臨病市之醫王重敲法鼓再振黃鐘之曲調鶴鳴九
皋河溢千里居如枯木止水晏坐十方出似飛鳳遊
龍祥徵庶類毋俾正法周零企窺慧星朗耀深資典
型用消同異伏願滴水滴凍布袋解開入淖入泥半
關把著刻却法堂之艸吹起衲上之毛三輪普現一
印頓圓四衆瞻依合虔靜聽

長至日請佛寬和尚上堂

伏以眼空四智烟烟祥烟彌八極舌覆三千珊瑚瑞
氣布寰區寒梅吐玉碧海澄清恭惟堂頭法兄和尚

紹祖峰頭掀翻圓悟之舊案華王座上扶起濟北之頑綱放大人相瓦礫增輝法演一首山川競秀其不揣愚庸敢攀座右雖無三聖之能願伸興化之手貴然不憚于斯時有釋吞冰于日後伏願雲臺畔縱奪雙拋一陽宮裏齊行照用不失瞻依之四眾普使獲利于人天縑素臨筵忻餐法味

東泉臺胡護法

恭惟仁風浩蕩海宇欽瞻碧鏡高懸蒼生有賴全提正令做官做佛何殊辭峰孤迥談心談性皆然至于往復無際動靜一源理事圓融塵塵三昧在老法兄

得之已弟自癸亥秋仍歸青城舊隱重整山房將經樓構畢時豎大殿所以不會而使恭候待叢林稍安躡芒有自臨頴馳神依依不悉

東戶部尚書胡護法

恭惟德登熙明聲鴻海內恩隆八表艸木騰輝岩谷之士偕歌堯舜之風芻蕘之氓共沾周召之澤調羹補袞總賴高明黎庶瞻風崩首延眸桑門企仗大力金湯青城古岷元來不俗弟居一隅頗曰鳳林係無量壽佛之道場也于甲子秋興工重構經樓佛殿業已告竟祈老法兄賜額光賁俾瓦礫生輝以垂不朽

達曉元和尙

別後數稔欲晤無由幾擬追風奈足下無雲是以爲歎邇聆高樹法幢以開來學扶起沙盆真風不墜第惟以焚檀遙仰可謂古佛再來美美頓蒙日光常射青城希逢便羽少候興居罪罪時中使艸聊疏鬱結俟來春端使恭候

達佛寃法兄

蒲月分襟瞬息秋至紅葉侵霜菊花滿苑觀此佳景似喜憂相半也弟擬法兄初度親趨恭祝相別南行惜乎雨阻一月泥淖沒膝江波浩渺情實難堪于上

月朔日詣老人膝下始知潛行華萼亦喜憂相半也喜者法兄歸故里說鄉談飽烟霞高枕自娛憂者老人八旬在邇藥石誰代祖庭誰托法門誰繼慈悲之心安在哉語云父母之年不可不知也一日繫小子失丈夫是可忍乎既欲歸隱宜名正言順一辭而退與後昆作個標準再望歸來相商何人繼席俟老人相安又作良圖也不悉

甲戌秋于嘉禾上本師啓

違巾一載萬里神飛錦雲過檻頻積隱懷緬惟老人動履咸亨策蹇無恙佛誕日敬修三啓并呈二冊繫

于便羽想已陳覽其錦江全錄六月工竣將數十年
衛法之苦心今與老人完局因乏錢糧只印一百二
十部寄六十部付伏虎端千運回昭覺餘各流通生
來春有燕京之遊想老人天壽定與趙州時齡兼有
衆法兄左右聽安特此俾生無慮矣俟北歸來再禮
雙見謹啓

文

孔雀明經序

調御師于靈山初會說菩薩法凡聖交乘人天並集
內有個血氣男兒名沙底者聞佛出世忻樂瞻仰斯

大因緣曠劫難遭誠忘世業職供樵薪殊知蛇潛朽
木傷其左足之一指悶絕躡地于次忘所以與佛垂
慈大施法藥示現孔雀明王之金身乃談希有未聞
之妙法此經流布可以解冤釋結可以益壽延齡可
以祛世災逆可以福國祐民今玄明悟修者係本郡
人世胃有家蜀難之後覩破浮華難染披緇衆詢知
識莫後歸來補修名藍塑佛裝經幽明兩利信有年
已時將耄齡老當益壯但有益無不興從支節募
衆刊此經全部壽世流通以終老局倩予作序并其
經首榜櫟之材敢充棟宇吾佛之功德如海吾兄之

密行如淵豈能疏其萬一哉

爲艸堂禪雲法兄語錄後跋

粵維三教之遺迹一輩之別傳無非挽廻匹子之狂
心耳如我釋迦文佛愍念一切衆生爲一大事因緣
出現于世四十九年談經三百餘會收束許多出格
男兒末後于多子塔前談無所談驚地拈花示衆百
萬人天中出個沒勾當漢破顏微笑遂將正法眼藏
付伊傳持二十八世復有婆羅門將法印袖入中國
名曰敎外別傳既云敎外焉得有言乎所以敎中道
是法不可示言辭相寂滅又曰因言而顯理安得無

支那

竹浪生禪師語錄

五

言乎如我艸堂法兄負昭覺老人之鉢袋子開法于
閩水亦有年矣所行無言之道因紳衿士庶十方衲
子悉叩其門迫不得已接引歸來遂有上堂小衆開
示頌古拈古好事者日錄成帙俾四衆人等就路還
家也予癸亥秋昭覺謝任仍歸青城舊隱一日行爾
聞明幻二姪持稿見示展卷讀之言言見諦字字放
光信溥陀一脈代有其人予欲無言可乎茲不揣瑣
瑣之業遂贅數語于篇末敢獻大方雕琢之手請嘗
試之以爲何如

錦江禪燈後跋

原夫真常者本無形狀元非比擬放則萬行圓滿收則千機寢削菩提涅槃真如佛性金剛圈栗棘蓬光明幢日月燈種種異域皆從此中流動充滿附物立名難越其間奧也然而附天自高附地自寧附日月代明雖云物無私映尚不能灼盡昏衢附之于燈能破千年暗室言體孤明獨照言用續談聯輝所謂真者皆明而明終無盡此書不曰禪錄而名禪燈者俾傳之無盡也豈非佛祖慧命之燈乎自世尊拈花迦葉微笑乃至斷臂安心明鏡非臺染污不得印心即佛一喝耳韓顯大機用舊亦還拳于中卓樹光明幢

如寶絲網因而光光相羅徧攝寰區也本師丈老人初蒙雙桂師翁印心已來七座道場播揚宗旨末後還蜀節度使坤育張公偕見任寮案請闢圓悟祖庭三十餘載應機接物之暇于劫灰堆裏拈拾殘篇斷簡蒐羅諸家語要合集一書名曰錦江禪燈癸酉秋命徹生負稿東下楞嚴災棗第將古今知識從真常體中印明大事因緣共相敷陳一段光明幢聯縣一盞無盡燈雖云去聖時遙且靈山一會儼然未散乃吾師衛法之苦心也慨久遠之無徵待傳述之有自問有挂漏收攝未備不能無望其同志高明者尋討

補入云爾

嗣燈和尚語錄序

諸佛奧旨列祖關鍵天地樞機衆生本源是合一道也豈有兩般耶佛佛授受而授此也祖祖相傳而傳此也天地運動而運此也衆生不知返本還源而迷此也一切世人蔽在貪愛暗室各有一座光明幢不能返觀自照所以煩他諸佛列祖互相出世用惡球鉗錘與人拔楔抽釘解黏去縛如日月麗天映破人入黑暗無明待披雲見日個個知有如嗣燈禪師妙年薙染甘齡圓具徧參尊宿落節于雙桂師翁拄杖

頭邊負命于密行老人椎拂之下樹插竿于維源懸赤幟于淙水凡上堂法語截鉄斬釘石火電光難容奏泊所謂如太阿鋒似大火聚近之則燎卻而門觸著則通身紅爛總是返觀自照擺脫根塵識自本心立地成佛有法孫雪浦楚石二子袖稿東下嘉禾剗厠入藏流通時予亦寓楞嚴編較錦江禪燈錢梓未終二子持以問序予曰令師翁芳名播于兩川而兩川之人序之矣甘露樹于維源而維源之人序之矣予不敢揚塵于潔白地上墜露于滄海阜邊惟不副來機聊贅數語雖爲鉢盂安柄且徵淵源有自

募藏經引

吾佛世尊十劫初時見大地一切眾生沒溺愛河遂誓云我世世生生能捨身命若獲成佛拔濟其苦于是勇猛精進擇勞忍苦修種種苦行與種種供養三大阿僧祇劫頭目髓腦國城妻子難捨能捨難行能行末後于第十減劫方堪成佛總要接迷流出愛河人人解脫越三界超次生教個個成佛縱是上根利智必假重修而成須從路徑而登若無子藏教典開示諸人曷得其門而進焉所謂渡河先用筏到岸不須舟此經乃般若之舟也能渡生死之苦海耳崇陽

募龍牌引

之北名山青城者麓有古刹曰鳳林劫火之後祇存鴻規于甲子間重建經樓正殿左右廊廡佛像儼然金壁交輝惟乏藏經唐勞虛設茲持短疏緣募十方宰官長者居士善人各發囊金勸成勝事庶樓閣頻開共入毘盧性海將來龍華會裏成佛有自謹疏

爰夫世出世間恩之重者莫大于天地君親師也然此五者上至聖人下及村役墜子盡皆知之其天地親師之恩人人得而酌報者益近故也君恩非遠時平有忽不能日慎耳所以古人付之菴觀寺院託其

緇侶每逢朔望晨鐘暮鼓代一方檀信祝釐以報之鳳林禪院仰十方緇素捐資初成不足之功雖多惟萬歲牌不可無者何也有牌則有位有位則神有主而人有依所謂洋洋乎如在其上已靡懷不及之仁者宜發囊金以勸成不惟報恩于目前此乃千古之龜鑑也是引

重建大通寺碑記

灌陽之南六十里詩有名藍大通寺始創唐初歷有年矣山環水秀虎踞龍盤接踵嶓嶷引源六頂二十六峰之輔霧中天台之弼冠青城而帶味江背孤鶴

不天造地設聖宜居焉因甲申之難大革湯火鞠爲茂艸叮嚀鹿場雖存佛殿經樓俱成老屋星光墜于佛頂月帆挂于眉間有僧湛融齡難染遍謁諸方至風穴失利昭覺拔本遂罷來自歇于康熙丁未夏卓錫此山重整樓閣廓布山門裝潢佛像從豎廓廡久湮香火煥然一新檀信瞻禮有雪學之坊智勝如來有垂慈之侍僧徒濟濟人傑地靈誠乃劫後之奇選也請予銘之以垂不朽

青城山鳳林寺竹浪生禪師語錄卷第三

青城山鳳林寺竹浪生禪師語錄卷第四

嗣法門人真純等編

頌古

世尊初生

指天指地眼睜睜四顧徒增滿面塵七步周行重註
破何須更道我唯尊

天上天下惟吾獨尊

久入無聲三昧忘却從前花費道個惟吾獨尊彈壓
尋英出類雖然縑素分明料掉不知進退當時想是
無人若有豈容誇貴

虛空爲鼓須彌爲椎誰人打得

若把虛空來作鼓須彌惟打正相宜有人問我會聞
否掉臂搖頭三不知

黃龍三關

佛手驢脚與生緣龜毛繩子一串穿街前欲賣無人
識擲向威音那畔邊

殃囑魔羅產難因緣

入城分衛事如何恰值他家產難婆待得回頭相借
問誠言一語轉請訛殃囑魔殃囑魔賢聖法起于戈
原來覲面機關密匝匝春風水面過

無住爲本立一切法

無欠無餘無必無固法法圓融頭頭顯露無住爲本
今妙叶難量立一切法今沙界闕措咄咄好鳥不栖
無影樹

大顛擯首座

正令當行豈肯饒通身泥水爲兒曹吹毛不向眉間
挂怎得門庭百世高

世尊涅槃

本來不生道甚麼滅說妄談真總勿交涉八十年來
不自由無端告衆云休歇而今沙界沒藏身縱有依

前打不徹

女子出定

文殊多事女子何慳世尊饒舌罔明落圈笑他一夥
鬧似麻正眼看來均不智各欲于中展大猷同坑土
色元無異

趙州訪一菴主

月映寒潭團似鏡天空任教走風雲羸垂賣俏堪何
用殺活齊彰總現成趙州老大無情偶然白地生荆
棘刺瞎許多人眼睛
趙州命僧洗鉢孟

擔簦行脚不勝疲粥罷仍教洗鉢盂靈利衲僧汲勾
當千年話柄落招提

二僧諍論行脚

偶遇爭禪客徒勞論是非堪笑採樵者柯爛不知歸
僧問雲門不起一念還有過也無門云須彌山
問處較危若處險六月飛霜徹骨寒從今識得雲門
老須彌頂上擲鉤竿
虛空

蕩蕩非今古圓裏無餘刺且不立一塵誰將拘我論
日斜風靜無人掃燕子啣來水面漂

謝詩

竹園詩集卷四

三

那吒太子析骨還父析肉還母然後現本身為父
母說法

兩段分來氣宇豪豈知瘦處不容刀本身說法雖然
妙養子之緣莫可逃

情與無情共一體

動植飛潛總一家南泉說夢指庭花當陽拔出眼中
屑幾箇男兒是作家

百丈再參馬祖

一喝如雷沙界空凡情聖解一掃融自從雙耳聾來
也直至而今總不聰

百丈野狐

圓音一演別胡笳不落錯今不昧差五百生來甘受
屈徒勞搥鼓助毘茶

趙州狗子佛性有無

趙州狗子佛性有萬象森羅顛倒走海底蓬塵飛上
天明暗色空揚家醜

趙州狗子佛性無聖解凡情總是虛坐斷威音前底
事青霄獨露一輪孤

龍潭紙炬

聊將紙炬示當然拈弄原來理事圓燦破從前暗

寒那

竹園詩集卷四

四

室逢人切莫道為禪

草履覆龜

皮裝骨兮骨裝皮朝三暮四數無虧直饒屢履能履
得未免和身入木泥

南泉斬猫

捉起猫兒法令行恁麼時節豈容情當陽排下天門
陣怎許將軍眨眼睛

三聖問雪峯透網金鱗以何為食

一語頻將作探竿分明點破會還難雷門布鼓高懸
著際會風雲擊一鞭

慈明室中將一盆水一口劍一緇鞋凡來入者
卽云看看擬議卽打出

草鞋盆水驗英賢艸木叢林悉膽寒止止何須誇別
鑒千山海嶽現毛端

二鼠侵藤

識得儂家穩密身侵藤二鼠了無等閑撥轉澄潭

月照破山河越樣新

文殊手持利劍欲殺瞿曇

手持利劍遍瞿曇警報警分冤報冤就裏機關休錯
過從教高著眼睛看

世尊陞座文殊白椎

文殊白椎世尊陞座百萬人天均皆負墮點檢將來

二俱是錯錯錯東澗水流西澗水南山雲起北山落

經首八字

八不八兮以不以人天共見難昇舉瞿曇弄巧翻成

拙尾作頭拈頭作尾

七處徵心

那得心來七處徵根身器界了無痕直饒徵到無徵

處猶是虛空點一塵

八還辯見

特地無端辯八還瞿曇密密喚阿難當時若有參玄
客擊碎頂門只一拳

清淨本然云何忽生山河大地

天空日朗雨歇風清山不在高有仙則名水不在深
有龍則靈清淨本然今藏頭露尾山河人地分荷動
魚行無邊法界分明也震地風雷醒物情
應無所住而生其心

無住無心都不立虛凝浩蕩潛空寂包羅萬象露堂
堂南蓋乾坤浮逼逼

佛語心爲宗無門爲法門

百人全該一句通毫端不涉示真示無門衍出淨天
戶千聖同途轍不同

舍利弗夢中說六波羅蜜

自家作夢自家原從倚翻成隔夜禪誰是誰爲彌勒
者德雲不在妙高山

婆子燒菴

卓錫孤峰大有年當頭一拶太無端針鋒撥動山河
轉脫體風流格外傳

天童太師翁一棒不作一棒用

首尾分明殺活齊縱橫拈弄在臨時通身手眼施爲

別祖佛頻吞喪命軀

不是心不是佛不是物

不是心兮不是佛無身本自潛空窟任教世界廓如
許獨魁羣芳高突兀

四喝

一喝如雷脫體張乾坤一色鑑當陽從今不挂根塵
終撒手無依蹈帝鄉

喝猶如踞地獅驚回幻夢冷依依元來一段尋常
事格外風流更不疑

喝哪將作探竿架儂逼殺骨上寒未曾眨眼機先

後集

伯真集

七

墮又隔千山與萬山

一喝不作一喝用次蛇便當活蛇弄李公顛酒罵張
公石女騎魚歌彩鳳

若立一塵家國典盛不立一塵家國喪公

一尺水一丈波萬別千差不數多有時一陣狂風起
大地乾坤挂絲蘿平帖帖今復寥寥元來無事付兒
曹家國典盛今水中明月不立一塵兮亦是徒勞

再犯不容

把斷封疆不放低誰知別澗有多啼任從滄海桑
變那許珍珠撒淖泥

三十二要

第一玄石女能彈古太玄分明一調無生曲不落宮
商角徵變

第二玄鍊牛吼處牛生州木地蓮華開正眼無客擬
議落言詮

第三玄金烏夜半走南天七曜神驚和魄落癡人只
當個釐錢

第一要赤眼泥人贊冷竈無端撞破鏡琉璃多向風
前陳巧妙

第二要混沌無端擊七竅十方世界坦然平明暗色

後集

伯真集

八

空都笑倒

第二要石頭瓦礫灼然道萬象森羅笑不休疥狗泥
猪開浩浩

四料揀

奪人不奪境家山有路苦封冷明月清風翠掃開白
雲依舊行深嶺

奪境不奪人落來此處幾年深坐斷十方無別物
箇頻吹格外音

人境俱不奪黃鸝啼處春花落林下水邊得自由孤
明不借峰頭月

人境兩俱奪宇宙平沉咸寂寞狼烟息盡海教乾虛
空又被風吹落

四賓主

賓中賓龍騰虎驟帶風雲等閑踏斷玄關路含靈蠢
動也翻身

賓中主未涉程途跨步武木人攜手上高臺脫畧機
先韻太古

主中賓仲尼溫伯久通津目擊從教重計破更于何
處覓疎親

主中主日輪杲杲正當午沙界元來一箇身同聲相

和何須舉

昭覺本師一日示來云八十叟老顛東半夜子兩
廓經行撞著露柱掉了話頭何人拾得送還老僧

代作此○以兩手作擎勢云在者裏

道空不空似物非物不屬前黃那同皂白入水不沉
入火不熱元來不值半文錢萬兩黃金買不得

鐘樓上念讚牀脚下種菜

淵默而雷聲尸居而龍現一等好風流切忌久留戀
十八女子不繫裙

桃紅柳綠十分春會也徒增眼裏塵幸有東村王大

伯等閑擊碎水天痕

僧問趙州純清絕點時如何州云猶是他家客作
漢

涼涼寒光萬里涼山河大地絕承當趙州老子舌無
骨喚轉風雲陰八荒純清絕點今家無二三他家客
作今民無二三
牧牛頌和韻

尋牛

曲徑迢迢特地狂溪山歷遍碧雲房分明不異形聲
外戴月披星為甚忙

見跡

野壑苔深跡不多那堪細柳隔烟蘿云跡在牛還
在舉步揚聲蹉過他

捉獲

驚倒逢渠喝一聲疎狂劣性自醒醒龜毛繩貫遶天
鼻芳艸瓊花不敢侵

調治

扭轉鼻頭不放過昂昂氣宇漸消磨為肱便解歸欄
圈動靜忙閒意自和

馴伏

傲骨楞楞一個身屈伸俯仰絕纖塵烟純電策俱拋
卻鐵笛聲驚海外人

歸家

信步徐徐轉到家滿腔風月興偏餘從今不向東西
攷隨分相將納一些

存人

落落恣機逸海山騰騰任運自閒閒雨衣雪笠懸崖
畔拊掌呵呵笑兩閒

雙忘

湛然物我渾融融萬法殊途觸處通蕩蕩悠悠無限

意縱橫世外播玄風

還源

索寞玄微越化工機超物表若癡韓虛明一段無今
昔碧落青霄映晚紅

垂手

颺颺春風撲面來翛然適意樂優哉西來曲調頗敲
唱唐土西天夢眼開

十無頌

無根樹

無根樹子太郎當陰庇裏區沒覆幪不與羣芳分玉

露森然元未屬陰陽

無弦琴

頻將三界爲琴體韻出陳年太古音一調不妨驚海
嶽茫茫大塊盡回春

無鑄鎖

玲瓏不借良工手百艸頭邊拾得來鎖著虛空無縫
罅波斯撫掌笑哈哈

無底盃

個樣生成亙古今那堪大冶共陶甄有時托出含元
殿海宇都盧一盃盛

無孔笛

非長非短非巨細奏出微音添意氣不障宮商角徵
羽橫吹別調乾坤易

無底籃

寬窄方圓殊未定滿盛法界無餘剩和風拋向路傍
邊諸天歡喜羅刹憾

無底船

舳艫無底復無情滿載清風恁縱橫苦海渡頭和月
泊希逢隔岸問津人

無孔錘

越格團團無拘繫風吹日炙經年歲等閑拋出示人
天擊得虛空齊粉碎

無星秤

首尾拈提事事清其中斤兩自分明從教貧富難添
減情與無情一秤稱

無縫塔

八面稜稜峭碧空且無增級太玲瓏昂昂出威宣
外佛祖魔軍站下風

分燈

翼雲如鵬禪人

葉子

一海歸隱

十三

獅子林中別有奇等閑哮吼震全威羅龍打鳳從君
弄獨占羣英上上機

正果了因禪人

正覺山前一段事相承幾至三千禩而今吩咐果關
黎好向孤峰提祖意

紹梅真瑞禪人

孤標卓立範圍中八面玲瓏氣宇雄打雨敲風施妙
用曹源法眼賴君通

古燈德明禪人

迢迢萬里爲尋師踏破玄關也太奇七尺烏藤親手

付漣沱正脈任提持

恒耀寂光禪人

嵩原的旨遞相傳心契心兮達本然吩咐風流獅子
客熙怡微噴震山川

指南真德禪人

一默原來達本初禪流惟證契如如鋒前莫教機相
讓赤手頻將祖道扶

蒼石真雲禪人

透過玄關理事融獅哮獨踞大雄峰時清便唱無生
曲喚醒癡頑道脈隆

葉子

一海歸隱

十四

教詰真忱禪人

目前無法可相傳萬象森羅理事圓且喜關黎親薦
得從教收放在毫端

義奇真一禪人

急水灘頭好放舟波濤雄險妙隨流絲綸直透蒼龍
窟信有鯢鯨上釣鉤

穎叅廣成禪人

吹毛利劍久藏鋒信手拈來吩咐雄魔佛齊揮全大
用頻敲毒鼓振宗風

三我寂定禪人

濯錦橋邊執釣竿金鱗昂首逐波還釣頭月餌渠吞吐映破機先第一玄

文煒真智禪人

巾餅十稔事殷勤氣宇如龍獨讓君拄杖一條吩咐汝從教吐霧與吞雲

渾全真昂禪人

曠大劫來始聚頭等閑撥轉便知休長行開個生薑鋪突著須教白汗流

活一傳聲禪人

窈窕後倪兒所歸獅王窟裏奮全威山形拄杖親吩咐

附亦任顛拈接上機

自竺了悟禪人

急水磯頭坐要津金鱗始遇展絲綸釣竿吩咐悟禪客月餌頻拖釣巨鯢

贊

文殊菩薩

本不知名姓非男亦非女動則徧周沙界住則清涼山裏阿呵呵會也麼曠大劫前諸佛師原來慣愛騎獅子

觀音菩薩

赤赤兩隻足白白一雙手或坐補陀岩或乘風雪走以眼觀世音聲塵俱沒有耳裏獲圓通諸佛不請友雖是南海岸上菩薩元來婆婆國中教首

觀音站像

久貯苦海岸頭祇爲婆心太切度盡衆生願乃休歇唐安城裏相逢鑒源室中叙闊莫道兒孫多饒舌一番會了一番別

玉潔法弟像

齒德俱尊人天榜樣三建道場此山無上悞認腦盧老子原是玉潔和向二十餘年道義交于今尤向毫

端放

自贊

者箇無情老漢作事總沒畔岸出頭便遇劫風披緇却遭桑變硬掙強要安排說法亦無解兒有時虎穴橫身有時魔宮出現乃是雙桂嫡子元來昭覺後談

又

六十餘年方外遊鈴辦辛苦不知休于今脫出粘黏相徧界都盧總弗收總弗收世無庸隨身于木任風流

又

意氣全彰縱橫殺活坐斷千聖機踏蹴萬靈輟罵人
須教瞥打人須教徹山河大地法中塵日月星辰眼
裏眉孤峰頂上打雨敲風十字街前橫按豎抹偶然
撞倒須彌盧帶累虛空流鮮血賊賊笑殺鬧市古彌
勒

又

公從那裏來我認不得你思量半晌間忽然纔想起
曾中毒於雲峰見山月而打失鼻子復落節於昭覺
聞風鈴而佳珍喪矣坐斷佛祖關鍵威儀不秉些兒
似空合空如水投水元來無去就那得有依倚

又

七

又

管拈筇筇柄端却聖凡情問禪都不會問字說不清
者樣懵懂漢可親不可近能搔人痒處慣發人私蘊
隨方偏愛惹怨施恩不欲報恩雖然不是天然種師
且喜公驗分明

八仙

甘青雲請贊

漢鍾離

心爲萬象宗君是羣仙首左之與右之名利弗能誘
尸居而龍現淵默而雷吼梅花幾點驪跡星清風吹
綠塘前柳

呂洞賓

風又不成顛又不相他年一見黃龍始信汞金是誑
笙歌叢裏醉扶歸直至而今無趨向喜君誠信可存
存青松樹下裝模樣

曹國舅

富貴不能盈貧賤不能移丈夫之志氣進退自知機
形固可使如稿木心固可使如死灰簡板喚出白雲
浮歎歎還從洞府歸

張果老

住世猶未久二萬七千年滄桑輪奐幾非仙却是仙

又

又

又

不妨奇特只是心堅張果老休懊惱驢兒被人偷去
幾莖修竹埽彤雲錢壁銀山俱靠倒

錢拐李

獨鬚擎頭麤中顯秀有時葫蘆裏出神有時以拐杖
爲友常將白眼看世間一味安貧而守舊只是土贖
人稀若逢必祝君壽

韓湘子

似仙非仙似俗非俗不知你是何許人却來我者裏
賣卜長年提箇花籃一雙白手如玉頻來閑事不曾
祇愛與人致福

藍彩和

要要樂樂大智閑閑丟丟迭迭大言炎炎南樁壽算
八千秋玉笛橫吹去復還有時獨立孤峰外頭髮擊
鬆帽亦偏

曹仙姑

肌膚若冰雪淖約若處子一生受人謗是非總不理
嘗把破底籬昏乾大海水孤身萬里遊從不求伴侶
阿呵呵卻是你歸去來兮歸去來長笑一聲烟霧裏
機緣

西門上座詰問前請益問云二教心宗如何傳授師

真源

竹浪生語錄

五

答云三教心宗不可傳可傳依舊落言詮當人自究
方堪得萬別千差總一般門得入遂禮謝

師看羅密云適纔相看不在那裏去來客云不在內

不在外不在中間畢竟在甚麼處師和聲使掌云在

者裏密云我三十年行脚今日始知痛痒便禮拜

泉臺胡公諱昇猷請齋問云久聞貴教門庭孤峻低

是不得箇閒工夫領教師云居士錯也若論此事人

人具足未曾欠少士云在何處師云在日用處開口

道著出手寫著出足踏著豈有閒有忙若是則有兩

個主人公也祇在覺而常照照而常覺主人常在家

裏士云妙在覺照二字師驀喚云老先生士應諾師

云是甚麼士云蒙禪師開示啟我菲塞今得借路徑

過也師云認著依前還不是便起身云謝齋

師廊下行水談問無夢無想主人公在甚麼處師和

聲便掌云會麼談不契待行三兩步師喚云水談談

回首師云是甚麼談豁然大悟

智崖問金剛經云三心不可得畢竟是那箇心可得

師云我者裏一箇也無你有許多心那崖云難道世

尊說虛耶師云世尊不虛是上座虛從此契入住山

影不出人

真源

竹浪生語錄

五

幻菴胡居士舉蘇子由衆死心心見來便問死心死

學士死燒作兩堆灰向甚麼處相會請師兄代一轉

語師云寶帳挂皮裘士云再請領出師云若從地倒

還從地起離地求起決無是理士云今日却與死心

相會也師云且莫詐名頭

崇慶州王州牧諱下賢入影堂問云者幾位是真是

假師喚王護法賢應諾師云是真是假賢驗詠問師

震威一喝云還我話頭來賢當下知歸禮謝而去

內江金沙先生即師受業師也泰堂云堂中令否師

云分明忘卻因先生一問如今徹骨寒了沙云如是

此處不可無火師云却熱也相視而笑攜手出堂
師隨衆薈草次有禪客問鳳林路向甚麼處去師下
鋤云者塊地犁得不熟所以草多客再問鳳林路向
甚麼處去師連下鋤云諸方火堊我者裏活埋
歌

十二時歌

雞鳴且盥珍布衲覆脚手一覺睡到大天明不敢向
人生捏扭半日寅萬種千般入阿顛洗面揩乾眉兩
道怕沙諸佛裏藏身日出卯萬里河山光皎皎頭頭
蓋是本來人何須更向尋前討食時辰折脚僧兒煮

白雲九有四生俱飽滿惟爾一片點空心畱中已一
切尋常無諱忘開窗翻轉白雲根悉是山翁日用事
日南午陳年破衲裁荷補世界都虛一線穿鍼鋒頭
上潛佛祖日跌未鵲噪鴉鳴百雜碎大啟圓通接衆
流清淨耳根無自昧哺時中拈起布毛示淨人眼耳
明明俱塞卻那將佛法作人情日入西三門佛殿騎
雲走露柱燈籠笑不休許大虛空合卻口黃昏戌百
念消磨空兀兀松風吹滅架前燈虛堂皓月從簾入
人定亥潦倒窮身絕對待星辰圍繞地禪牀天和明
月作被蓋夜半子蒙頭一覺如小兒翻身推下枕頭

來打斷虛空兩隻腿

適意歌

一瓢一衲樂天涯那有絲毫罣礙他放去收來無拘
束優游適意典偏餘新彌勒古釋迦幾能放下老烟
霞增即錯減即差八橫七縱任周遮心境寂物理華
一回拈起一回佳肆志如如多脫洒許大乾坤安不
下惟餘一箇老實頭長把虛空作大廈

關中四威儀

關中行香霧擁如雲弗漏洩怎許外人聞關中作尚
邊生白晷朝與暮內外空索索關中坐寂寞中快活

沒思量亦任蒲團破關中臥衲衣覆頭脚放胸肝無
夢向人說

山中四威儀

山中行策杖出三門剛下脚踏碎多少雲山中住紫
烟籠篠竹無人掃等閑風自拂山中坐黑漆燈籠箇
不用撥內外光灼灼山中臥曲肱枕一箇翻身來好
夢都忘卻

行錄

己已佛誕日首座如鵬西堂真雲監院具智等詣方
丈禮畢白云諸方尊宿俱述行錄特請和尚垂慈以

曉未聞師曰難言也山僧生不逢辰所處皆劫火流離所遇皆酸風苦雨首座曰從上以來亦皆如是師若不言後昆失準師曰諸子所言皆是但遭遇非嘗恐人難信耳首座曰躬行履踐焉有不信耶師曰汝等再三殷意不得不述其原予乃川東定遠縣人父姓王母陳于明季崇禎七年甲戌正月二十八日已時生頃晚先嚴夢僧投宿次日誕余有生已來不茹酒葷乳名和尚吾母如輩飲乳必喚吾母已而齋戒六歲入鄉校雖羣不黨九歲頗解作文十一甲申時丁猷逆之變父母兄弟盡遭刖殛東遷西馳艱難備嘗

原述

竹浪師語錄

三

眠無不經歷十五戊子偕親友逃至遵義有總戎姓王諱榮時見子體清語親友曰寒家乏嗣與我作子何如衆親相許十九壬辰伊生一子子屢辭出家竟不聽二十一月午持齋學經置僧衣履二十二乙未遂往榮昌縣羅漢寺禮有餘師雉染二十四丁酉冬依廬州方山雲峰寺體宗和尚座下受沙彌戒訖辭戒和尚歸寺至法堂逢侍者無住問云汝往那裡去予云詣方丈辭和尚回住曰汝家在那裡予珍重住再問汝家在那裡予提起臥具竟趨方丈住遂白和尚曰此子大有來歷從此和尚待與尋常不同官聞

提挈究叅不輟越明年戊戌二月十九于丹墀遣香渾忘時候忽月從山凹而出一見了然通身快暢如放下重擔相似遂說偈曰吾心不大此月不小從今一見千了百了時有尊證師號大任在寺閱經余入寮舉似任曰汝向火爐頭道一句來看予云三世諸佛于此轉大法輪任曰者是古人底再道予云歷代祖師得此利濟羣生任曰再道予云再道即不堪一日任師命作燈籠偈予云不知何式任師聊舉數句作樣予云是者個式我亦作得便云四面如壁靈光照室萬物齊現歸來是一任師看了便曰汝可諸方

原述

竹浪師語錄

三

親近知識去不可埋沒自已遂將常住抑之戊戌冬人雲峯圓具已亥春結伴行脚徧叅尊宿各有機緣不契甲辰遊義峯宿萬年寺遇紫芝禪師問曾到洪椿坪否予曰一天烟雨懸樓臺紫曰好則好祇是沿路螞蟥多予曰不敢下口紫云你不會遭著在予喝去今日却被者畜一口紫休去乙巳秋上成都至艸堂見淡竹和尚問久嚮道風得來禮拜澹云窮長老有甚麼道予曰某甲徹底窮請師一濟澹搖手歸方丈予出法堂云悔不當初次上昭覺值大殿上梁老人楊下笠子問云老僧大殿未起汝來作甚麼予曰

誠聞大殿未起得來助力老人云本極重千鈞作麼
生相助予以兩手作抬木勢云阿起老人掉背下頤
知客引入客堂茶次老人至齊堂問知客適來後同
禪和子請來有諸商量子剛入門老人便問你從那
裏來子曰從峯老人云普賢與你說甚麼子曰恭惟
和尚萬福老人云還有除子禮拜了依位而立一日
落堂子出開大地了無一物某甲將心著在甚麼處
老人云大地且置汝將甚麼喚作心子以手具撼一
撼老人云祇得一跳子曰和尚這作什麼老人卓杖
云者個除子曰益覆他不得鼓掌歸位侍者野月謂

及師

竹溪禪師語錄卷四

五

子曰和尚有留兄意子曰觀方知彼去者不至方
他上堂子問在院滿院在谷滿谷還有向上事也無
老人云有子曰如何是向上事老人云諦聽鈴鳴子
曰得來會文殊却遇著觀音于此習中碍膈頓釋機
緣頗多不及枚舉丙午佛成道日本師出源流一紙
收納門牆偈曰西山雪積銀千頃東嶺濤翻萬樹松
亦任滄桑世改更搖風簸雨毒魚龍戊申春本師命
誦長松請梵夾龍藏回昭覺已酉冬本師命下東甌
刊雙桂師翁年譜并月幢法兄語錄入傍嚴藏室其
本師語錄辛亥九秋將版運歸昭覺流通于子總理

。諒鑑請敬，糊模稿原

院務是春伐木修普同塔院及老人壽塔院癸丑春
老人塔院掩關之卯夏因世變眾堅請出關是冬
辭本師入青城山鳳林閣藏四給戊午冬經完本師
手到命回昭覺主持佛法幾番周辭庚申春次命手
到亦辭辛酉春而水谷天湛二法姪持本首當道率
官紳衿請改本師再命同門眾法兄改來山敦請迫
不得已祇得勉強應命于佛誕日入院壬戌泉臺胡
公相託刻千佛名經一部募眾刊法華經一部法任
三載百寮俱舉癸亥倩青島李再蘇與老人遷塔基
是夏捐示鉢建老人壽塔是冬因病辭院務仍歸首

及師

竹溪禪師語錄卷四

三

城調理甲子秋眾勸經營修建于是落從興工造佛
七樓七楹大殿五楹齋堂廚庫六楹禪堂五楹滿堂
聖像備飾戊辰冬告竣癸酉冬本師復命往嘉禾補
藏刊錦江禪燈流通海宇翼雲義誥等攜子語錄稿
下嘉禾災聚附榜嚴藏室予之絡索敢言大播諸方
所謂自揚家醜實難言也其未了公案皆是階級邊
事付之他時久立珍重

青城山鳳林寺竹浪生禪師語錄卷第四終

青城山鳳林寺竹浪生禪師語錄卷第五

嗣法門人真一等編

詩偈

山居五首

渾忘世味與浮華萬仞峰頭是我家飽飫烟霞卑自
牧餘收山木煮山茶
山前黯淡雲千頃儼若圖章閣翠屏始信無情多意
氣時來掩護衆頭經
樓欄抱拙十年多歲月無端奄忽過幾度白吟還自
笑羣鬆兩鬢鬢仍皤

高竒品局一物無雲鋪碧嶂伴山夫夜闌又得山前
月燦燦清光上西圖

徘徊山谷事鳴謳調和溪聲適自由斷際雲排几
案無何風捲過滄洲

白堦

我我屹立倚天長刺破蠻烟挂夕陽氣宇自來無等
埒佳聲千古漫流芳

雪中訪友

簾敲雨霰訪知音凜冽風高孰敢禁四顧陰霾迷鳥
道情虛隔隴白雲深

壽嵩山丘居士

梅芳鬱鬱綻枝頭獨占春先分外幽逆順橫斜香錦
里年來一度自優游

挿柳

縷縷寒烟點翠荃容和淑氣及時還堤邊旋挿樓鶯
柳又接春光過檻前

藤石居因藤纏石砌玲瓏可觀
其上蒼鬱如樹故題

石瘦藤豐勢接天頻資雨露逸長年頓忘世味離情
見合志無殊興自便

立春

四表光茫瑞氣多東風微拂靄如何每逢節屆迎春
日萬彙含弘葆泰和

金陵次大咸和尚雪霽韻

奇花初放竟如瓊海宇瑩然鳥道迷打破袁安眠雪
甕湘南塞北盡無泥

舟中有感

一片孤帆萬里遊恒經風雨泊滄洲於今且共魚龍
宿雲外鐘聲消客愁

哦峰天門石

突然似截渾忘秋兩扇頻開待客遊時鍊風雲爲鎖

錦不隨滄海變桑疇

次佛宛和尚秋思

四首

白蓮池畔廣歌處幾度沈吟羨慕君無限青山昭遠
况淡濃翠靄寫秋雲

鎮日岩廊何所事頻將松竹帶雲刪野情欲寄山陽
客未獲征鴻度復關

風敲黃葉落新霜吟山童煖竹牀一枕野駒無夢
想俄聞桂子拂天香

新晴野翠襲苔痕有客題詩過遠村索句驚懷忘徙
倚一腔秋思寄同門

寄巖石和尚春思

四首

浣花溪畔曾分指碌碌今余轉憶公幾度喚回風與
月煩君遞語錦江東

雨霽新晴天地清雲林秀起拂岩平黃蘗笑月相山
振袂寫相思事未成

幽棲山園百無能木石為隣伴梵僧信有寶蒼子
月時來高挂華前燈

聊書小韻寄同儔一聽韶音一展眸攀瑞萼徒悵
望信然一日當三秋

拾詩四首

伐木丁丁步遠嶽聲聲相應刳初心枯藤老幹和雲
縛一曲樵歌助晚吟

岩岩高岸白雲鄉寄個柴扉在大唐一帶河山為枕
齋烟霞隊裏且深藏

飄笠挂來忘歲月原無濁富播浮名鶉衣百結家常
事夏有松風冬有堪

蒼前路滑客來稀設有來須得旨歸入室陞堂咸穩
密洽新汲水活天機

訪錢肩秀庵主
孤筇踏遍千峰月古岸奇逢一老僧蓬華郎當交碧

漢燒枯煮雪白雲陵

訪錢肩秀佛頂三空靜主
尋芳策蹇訪芋廬信手敲門興有餘風度野花香滿

室山翁拾得伴雲居
玄武山贈懷素和尚

杖藜久欲陟峰巔直至而今意始然萬里河山天眼
裏大千沙界信如拳

送妙指禪人省親
春日融融花正芳省親一念倍尋常平羌舊有千年

月記得攜來挂祖堂

示常覺禪人

少年立志莫尋常，剔起眉毛做一場。
路轉上頭關，振子元來寸步不離鄉。

寄合章禪友

客子歸家樂有餘，兩頭生斷自安居。
芒鞋踏碎虛空骨，動轉施爲總是渠。

聞雁聲

雁語分明演妙玄，一聲啼破祖師禪。
茫茫天地同流水，大好抬眸仔細睜。

水嶺

旋輪轉轉展嘉聲，豁醒癡聲百里驚。
萬斛珠圓涌出元來矢志濟蒼生。

病中占

幻病元依幻妄生，幻身假托幻根塵。
寥寥幻性無生滅，三界茫茫總幻城。

漫云藥餌能療病，藥病元來不二門。
病藥雙忘難摹索，無餘病狀對人論。

贈普燈號雲胤

釣罷鷓鴣世所希，凌霄氣岸展全威。
於今贈汝瞿曇胤，且藕江皋占釣磯。

贈燦警菴主住回龍寺

十年遁迹隱峰高，何事于今解節操。
把袂送君情未過，相將龍樹挂禪袍。

聽蟬聲示法瞿

終日喃喃何所事，曾潛一段英雄氣。
等閑脫卻舊廉纖，放出神霄凌漢翼。

贈藏明老衲看經

不惜雲瓢跨鳳林，閒將頓漸漫批評。
祇緣喚轉多遊客，反累兒孫入化城。

訪務曉菴靈耀靜主

杖撥春風問隱廬，小橋斜徑入峰初。
雲窩似有人相語，道念濃時世念除。

輓終南律主

臨邛獨占釣魚磯，一旦收竿脫穎歸。
漢外御風如海浪，聲光豁豁展全威。

寄憨月法兄

紹祖峰前分指後，令人輾轉意綿綿。
相期未卜何時節，池畔賡歌共採蓮。

寄吼一和尚

土面灰頭一個僧，生涯一鏗破烟陵。
雲掩月阿儂

事那有閑名繼祖燈

自覺才疎百不如固辭塵市喜山居相將泉石頗爲
伍嘯傲烟霞樂有餘

示紹梅禪人

小小金鱗躍禹門未曾燒尾志如鯢他時衝破藉天
浪展翼垂雲覆北窗

示慧一禪人還燕京

萬里追風箭上方當陽一著薦還鄉從今好唱還鄉
曲喚醒癡癡韻自長

本師老人起龍藏韻

支那

竹溪先生詩集卷五

七

紫炁東傳大有年瞿曇舊案應時鮮從今點出天
眼海宇風聞遞代宣

送屢生法姪還寶城次來韻

曹源一脈蒨渠儂殺活齊彰續正宗百尺竿頭重進
步期君獨踞大雄峰

次翼雲首座蟬花

多年抱拙玉堦前一度韶華一度妍氣宇不同庸艸
木春先燦爛勢如蟬

示大元寂然禪人

金鱗游泳躍龍潭布鼓輕撾解轉身自此興雲兼致

雨從教任運展經綸

悼曉元和尙

七十餘年駕海舟鯨鱗釣盡幸西遊他方此土同香
水觸處元來是岸頭

示安然禪人

歷遍溪山爲訪賢于今當售草鞋錢無絃琴調方堪
聽却被風吹過別巔

勉敬修真能尼

上志之人能敬修無辭千里陟阿丘等閑識得娘生
面始信元來在屋頭

支那

竹溪先生詩集卷五

八

輓菩田老宿

七十餘年覓道理元來佛法無多子懸岩撒手便還
鄉坐斷千差能有幾

新堪

昨夜金風轉漸寒微添霜信畏衣單呼童掃葉侵蘿
石暖氣氤氲大小歡

題豆寄端鼻法兄

元氣舍來顆顆圓均資雨露適先天而今寄語同根
者煮豆毋將其豆然

建昌道王護法諱泉問道

四首次
來韻

輿蓋驅驟震地來林泉春色耀三台知君未負三生約喝下翻身念自恢

解臂依稀似有年錦官重觀亦奇然談心元未分緇素靜夜燒燈偏曉烟

就路還家各有時無將轉盼轉猶遲還官還佛何殊別莫續曹源第一枝

三教門牆越樣寬全提正令骨毛寒禮那試問安心法卻把心來與汝安

示鷲一監院

輔弼叢林二十年祖基欲盡行為先他時卓個大頭

屋一鏹能抵萬井烟

五言律

雨別松齋法第

不昧三生約由來意氣多偶乘威鳳羽轉折就龍窩信宿難成夢連辰撼綠蘿錦官分指後何日再摩歌

撫臺羅公請齋

乘興跨龍幃輕烟染毳衣咸池新浴日千羽接玄暉詩句依稀盡詞鋒帶嘯微寒暄相向後仍自御風歸

靈雲洞

赤壁千尋古崑崙遞遠香猿啼孤嶺外瀑布影郎當

舉手探明月遙觀宇宙長放身天際裏共躅白雲鄉

丹景山

次韻

曉巖高幾許峙若與天并画鳳依丹穴曉幾遶麓行鳥巢空裏樹猿笑野雲城幽賞將畱別無端景趣生

棚口野宿

一徑風烟靜霜花染衲衣莓苔堪坐褥瀑布洗柴扉翫罷茶將熟餘香透紫微抬眸天際外日月往來飛武昌畱別李若愚

春日正融融別于山水中桃花紅間白柳苑綠如毵幽鳥遷喬木潛龍躍碧空芙蓉邀遠權解袂楚江東

登晴川樓

一名大別山

徐徐來大別極目野晴新人語烟波外天敵白水濱空樓撥漢表孤客喜芳辰讀罷前賢碣歸與夜渡津旅泊鄱陽

時乘一葉舟暫倚釣磯頭翫罷湖天月仍歸問夢洲蒼烟凝遠岸錦浪洗新愁五老峰前泊盤桓樂一籌次大慈和尚問瓶梅

簇簇依餅綻浮香格外輕冰肌芳且碧玉骨瘦還清未澤杜翁雨無容花信偵羨君偏不俗鬱鬱富春英次謝太守雙松韻二首

諱音侯

試問何人植忘懷歲月移濤翻青影瘦鶴老絲疎枝
有客探幽翠無裝偏日奇儼然疑若畫率爾事題詩
窈窕非閑習森然任性優爭噪隨分足轉折醉羅浮
錯落風前韻恒垂釣月鈞孤危過四表一志獲却頭
九日登高

天岸清如許登高事可期支叩綠野徑看菊過西籬
欹竹雲充葉喬松露沃枝擬攀蒼古月峯頂漫吟時
東佟總戎

棲雲緣所思未敢輒題詩蓄意經懷遠馳神若舊知
調美宜太手變理是其時策杖登高岸瞻風抱憾遲

借又昔趙文學詠洞瀾

岸柳拂斜陽江花噴遠香錦文牽興密蛺蝶關風狂
鶴唳疑皐外潮聲透楚湘于斯幽賞別事艇逐前洋
阻雨

瀟瀟來漢外苔蘚漸盈堦蟬懸東壁阿香震北蟻
淋漓添客思江濶渡猶遲一枕華山夢高侵入帝基
喜天鳳春日見訪

風春占柳碧袖滿納幽香童牧村歌遠岫雲棲夕陽
松栢寄呂律令羽飛壺觴鴻唳驚寰宇同人逸興狂
蘭

巨壑潛來久不比別芳叢翠掃烟嵐碧香歆香漢隆
遊蜂侵入夢蛺蝶鯢餘茅恒期上苑約卓爾占春風
玉香花

羣芳周未復煒翠占春先骨瘦霜侵碧枝柔月較縣
雖云梅與併幽興子愈妍萬卉經時足渠伸掌托天
插柳

乘興度西崎幽香襲衲衣社翁三次雨花信數回飛
化育偏宜贊鴻工各有歸漫云何所似庫柳動初機
次四仙劉老先生韻
儼然物外遊無事聖心頭坦率添幽興忘機契正修

神存期世友性靜與天儔八表堪亭宇寥寥任去留
壽友人

山深十里外信有隱龍窩間氣頻縹緲祥烟染薜蘿
碩人乘嶽降賦感祝三多斫句銘霜葉敷陳壽量歌
壽舍虛老宿

諦信青城麓常然古佛基應身期賣掌木螭尚波離
向若添籌日垂機初度時海山陳薄供是賦九如詩
午日值雨

震霖從朝際輕烟送雨過丹符縣舊額角黍磊薪羅
時節催人老神情狀若何八埏均慶貴敢以賦詩歌

立春

大隱于城隅，簾捲畫圖新。情添遠况，暖氣入屠蘇。
膏澤從茲始，甘霖何處無。春軒樂野士，至化在王符。
新月

碧落哉生魄，高居八萬人。騰輝良半隱，匝地一腔新。
素色疑非染，壁形浩大均。依稀和水掬，彷彿別移輪。
瀑布

萬仞峰頭外，潮音最可觀。慶雲迷鳥道，石劍斬狂瀾。
溪派知來遠，奇源無異端。十虛皆泡爛，氣漬斗牛寒。
午日

二氣

正交遊

風雲

二氣正交遊，風雲四作儔。人天同一道，理事并雙周。
化外蒲烟密，江皋蘆葦秋。流時臨旁午，節莫放汨羅牛。
白馬泉

幽崑迷古徑，勝境吐寒涵。劍閣埋雲壑，觀音石作龕。
浮游千丈碧，混沌瀉澄潭。誓濟蒼生訖，餘流過別菴。
逢楚玉陳文學話舊

汗顏依間入，偶爾遇知音。話舊忘宵日，援柔扣古今。
長辭堪繫柳，短杖卓松陰。欲別難爲語，他山訂約臨。
小孤山

卓然如玉柱，子子插青霄。逝浪填餘穴，流雲補斷橋。

分江成兩道，隔岸遠塵囂。靖節終難倚，佳聲振海遙。
旅泊宗陽有感

空濛落一鉤，信宿異江頭。拍岸鯨波險，移舟伴月浮。
烟村八九里，野市兩三儔。寂寞難爲客，蕭然祇自休。
金陵懷維岳禪友

解纜望東洋，征帆信手張。遠山如瘦骨，曲水似柔腸。
雁羽來遲極，鯨鱗去志遑。思君情緒切，寫况付歸航。
峩峰懷友

獨坐岑樓上，惟看歸鳥翔。朝明霞靄暎，外皓月中央。巖
夜寂心猶醉，神疲意若眠。支頤歌短賦，欲寄不成箋。

壽佛明法弟

上刹潭涼久，陽回霽氣和。地靈豐四表，人傑祝三多。
紺殿禪烟集，天衢放月過。美君初度日，法雨瀉懸河。
訪天智靜主

策杖過林東，橋分古徑通。蔣花香遠里，修竹陰禪
石。旌形如虎松，枯狀似熊溪。聲鳴法喜，萬慮一時融。
登道場山

茗溪十里外，信有道場松。壘落千行竹，參差萬樹楓。
疎窻開碧浪，玉筆點晴空。四顧烟霞靜，頻邀入画中。
瓦屋山天然石

何處飛來石玲瓏勢接天香泉通別澗引露噴池蓮
獨踞雄峰上低昂意自便熾然常說法幾箇會機先
懷絮修未歸

何處飛聲入俄然笑展顙肝脾賄遠道徙倚簪萸萸
悵望凭欄歇斯人信欲來溪雲相伴出料想跨龍回
排律

贈三一法弟住顯化寺

青城潭深來三百餘年數古經冷苔封溪聲沉月賦
靈源別岫中仙苑如星布有客覓其踪清風入我戶
極談古佛基笑指雲深處竹實似非甘亦能翻鳳翥

五

棋局日漸增大地成珠玉間氣本無心龍吟騰紫霧
阿丘有勝藍邀我難兄住至化顯微猷真機絕回互
丹山火一遭河水清無泥祈兆久敷陳而今始可囑
唐安利見時萃止多文物往復事憧憧衍衍咸不俗
翛然物外人俚語貴何足居義順時宜桑門推獨步

喜億萬王居士至

師之兄也

衍衍適雲房驕鳴驚谷異遑然跨華屏攜手歡天地
幻質似相非鄉談宛若是分襟三十年話及烽烟事
南北二三兄西東惟一弟疎星映影稀恁是多遭遇
手足隔天淵重逢曾未憶奇哉亦勝緣偉矣而相聚

彼此入桑門罔爲浮世累了知萬相空弗問名和利
一念證無生根塵何拘繫千差坐斷時性地咸空寂
果爾肯聯枝真堪同一氣寥寥佛祖關落落魔王域
任意自優游騎神如客寓逍遙罷問津不負吾兄志
題光嚴寺重建

遙望碧崔嵬登臨山寺古詢其初開由僉對云楊祖
寺額號光嚴山曰圓覺焉佛書徵國祥積慶緣嗣毋
落脉自葱原岷峨陳圖譜池分八德流寶樹多鸛鳴
千佛擁山前七星垂玄武興隆三百年世運更來五
道泰漸臨祺名藍宜葺補祈松期徂徠伐栢從新甫

六

彷彿兩經霜危樓千尺許羣飛紺殿雄仍啓西南戶
未幾而落成居然事百堵唐安大福田庶兆均沾普
于闐法源通蚤叢欽化兩偉哉重建人定是主中主
關內祈雨有應

四顧炎蒸極山川憔悴久火雲燒碧漢暴颶終朝吼
月畢不同遊箕星開笑口商羊未見翔鼠數逢有
旱魃若爲殃飛沙翳日走生靈何所爲而遭如是咎
搔首復踟躕呼天祈拯救滂沱早降來品物咸康阜
共享太平年報謝皇天祐烝膏陳棗盛禱祀設豐饌
咸池樂奏頻再祝無疆壽

觀幻菴胡尚書

癸亥錦官別詔華洞邱九音容在耳目寤寐神相誘
仰止阻谿陵能快難聚首俄驚報計臨碧落移星斗
冥冥白黿騰嘹嘹山谷吼公名如旅泊富貴似蜉蝣
半壁缺東甌調羹失大手無端造物神化我忘年友
幻妄從今滅幻根安可久幻心無處著幻境何嘗有
幻夢自知醒幻身無匹偶幻機元不實幻化離塵垢
幻住總非真幻情不動否我知幻亦幻報與幻人問
學圃

自有生來信好古稚逢劫運多辛苦圖南相見起烽

卷三

七言律

七

烟落北常聞吹角鼓髡髮兩間四十齡清明更換相
承五山川雖變名依舊世上人心難共語幾度思
雙泪隨天涯浪濤無何處于今始幸住岩隈利登隨
身且學圃抑彼流泉可樂飢衡門之下石爲伍家私
吩咐寒拾得豐干不必對人舉

七言律

夢與東坡先生談易

浩氣潛符一貫通海桑任變道奚窮神交不假先天
約信實仍齊造化功漫謂寂寥無等埒殊知千載有
同風承君保艾熙明世話別還邀入闕宮

香林遠祖故址

春日乘標曉徑開林泉邀我破蒼苔虬松高聳擎雲
蓋翠竹交加擁法臺宗旨貽聲欽海外法輪轉處接
天台阿儂忝辱箕裘喬愧我無能掃劫灰
朝陽洞

三十餘年美此遊于今捨履陟阿丘朝陽洞口岩花
碧建福宮前石笋抽靜聽猿聲啼復歇遙瞻江水去
還留扶筇徒倚羣峰外萬頃烟波一杖收
悼雲峰得戒體和尚

形雲點靄海天迷疑是獅王隻履西聞計始驚人泪

卷三

七言律

七

隨新秋方使物情悽葛藤椿折舍元般木鏗音埋古
納谿許大雲峰空哭兀流芳百世故銘題

山居三首

不惑年來世事疎爰居大澤卓衡廬克衣幸有多雲
葉供鉢慚無僮石儲圃裏鷓鴣侵堊獨峰前暮積掘
山猪怕經不造歸誰咎一笑元來總是虛

其二

念稔居山守寂寥浮名不事意偏僑蓬門固結生前
誓野水能吹格外蕭飲露任憑天自降劫波常佩白
雲饒優游卑牧綠枝隱那有閑情應世囂

其三

寥寥法界一浮杯萬籟盈虛去復回檻外林泉陳舊
面亭前風月應時來杖藜且靠青霄上鉢袋橫舒挂
九垓興至從教增意氣騎風直造鳳皇臺

寄友

十年約住此山房及至山房各一方裁雲補靄綠清
澹白水烹茶杓短長咳唾不妨驚俗厭經行焉擬振
襟洋彼此頓忘浮世態好將心契白蓮香

照水梅

美若誠信可存存玉骨含胚志未昏靖節舒徐咬蝶

夢精忠

靈山解

九

夢精忠毓秀奪芳魂春風不借噴香遠餘影飛英點

玉盆化外漫傳青帝令一枝先放在東村

贈經方胡文學

靈山解袂渾忘秋松下于今共聚頭幾扣吾門追本
有數行墨卷若爲酬言前薦得非他物句外明宗始
自由參唯殊途宜借路玄關踏倒一機抽

經樓寺阻雨

四表陰霾尚未開庭前翠色長莓苔連宵雨霰破窓
紙幾點松聲通韻來鳥道不堪緣隊入獅譚暫借就
雲隈東君慨下陳藩榻話舊燒燈啜茗盃

問水次韻

經年抱拙不吾欺杖策江皋有所思潦倒窮身如旅
泊持聲率爾問天池興波逝注何時足鑒物怡然不
自知戀戀美君侵入夢頻將道運漫相推

甲寅冬辭本師寓青城閣藏

十稔巾鉞志未休山樊疊翠誘難留芒鞋渾似摩霄
羽拄杖誠如駕海舟放曠情同天地廓優游隨分牧
存秋他年再奉慈尊面七百花辰頌趙州

除夕

忘懷歲月暗推遷報到重黎書信傳無夕有除塵市

遠無除

九

九

遠無除有夕樂山巔時燒爆竹驚寰宇旋著松蓬杓

九天莫謂野天隨世轉也須應個太平年

禁足

居貧守素事何如靖節幽然達本初小小草蓬容艸
榻疎疎窓牖補雲儲單丁弔戶棲神穩隻影排風百
慮除任運且將磨歲月從教滄海變桑榆

次酬燕公張文學韻

閒寂寥寥鎮日幽渾忘世味與名浮柴扉半掩雲常
入竹箔長開月作鉤參贊信同天地永物遷信讓歲
華流居隣幸有知音侶數過談心格外遊

次胡臬臺黃楊韵 譯并跋

體用團圓別智愚頻盛玉露恍如玉鱗鱗若抱彌年
綠簇簇經時數量殊打雨敲風恒自茂披雲戴月服
珍穠應知六合塵氛盡樂我中和養耆孺

坤室別墅 集韻

平原小徑達丘巒別墅輪囷信可觀隴外牧笛聲細
細風前旭日影團團浣花涌翠情同萼柳苑烟波碧
似瀾散興騎魚趣舊約仍裁短賦共乘歡

新月

鮑眺琴臺擬欲還故生桂魄出雲間玉衡半入蟾蜍

風雨

集韻

玉

宿新驛徐昇展素顏對漏新花青影翠苔敷蔚秀綠
衣斑增輝繼晷終能事未敢留君共佳山

春日懷友

松篁排律若爲論嘖嘖和風送入門夜聽蛩雞啼太
素朝看花柳尚春痕援策欲扣高山曲興自依倚意
轉昏幾度思君徒悵望凭欄寫况寄孤村

送馬 分韻

散步東皇春日徐俄瞻雁羽拂雲疎連行並赴衡陽
約共語南還適所居道順爲儀偏不俗橫斜丰彩任
鋪舒于今相爾思歸速漫莫沿途繫遠書

思梅 分韻

採藥旋歸過別園幽香縷縷襲吾襦縱觀桃李千株
碧尚憶梅花一萼孤蝴蝶夢殘緣異幹迸蜂聲斷類
相呼倚藤試問東風譜酬以春先報野夫

浣溪懷古 分韻

流烟飄渺散還稽欲寫形蹤勢若迷往世羣英情與
類于今空恨意爲悽邀朋嘖茗裁新韻哭石分苔續
舊題龍龍不堪貽語脈攜叩仍過浣花西

古柏 限韻

漫游乘興訪南洋桮岸烟消淑氣佳蒼翠縱橫疑若

風雨

集韻

玉

画參差噴露西塵階昂頭子出撐霄漢蔭影婆娑宇
宙諧數破嚴霜分歲月惟留青節樂幽齋

昆水觀瀾 分韻

數聽岷源萬派開流分昆水甚奇哉朝騰白練凌霄
漢暮挾明霞碧浪回泛泛瀾花擎皓月平平沙渚引
鷗來大觀未許輕閒放雅集蘭朋識韻裁

挽鄉藻呂文學

惜君靖節碧如松世胃簪纓系諸隆馥郁徧熏巴子
國英華豔發玉璫宮詞林料減調羹手屏幹疑亡補
衮翁盼付蒼烟情更切毋將間氣掩乎中

遊瀘陽伏龍觀

袁志願懷美此遊發來風景十人優意陵發脈千峯
秀岷水源長萬派流雞關虎頭貽遺跡伏龍觀口牧
青牛佳聲信向天庭入德頌當今理邑侯

喜懶和尚見訪

南度乘輅跨到灰青城山色似春回孤雲秀結瘴龍
勢瘦石翻成義虎臺話舊澤忘賓主句高歌世外樂
優哉阿兄數數飛甘露嘉興仍從格外來

大果菴和尚元韻

本振芳名信可依施爲笑語涉離微千江月色千江

南鄉子

重寄

重

映萬里鵬程萬里飛異地知音非假約同聲相應共
緇衣惟君節操驚寰宇獨占羣英第一機

次義喆禪人聖燈韻

山城何事衍光茫擬是天宮降已房冉冉如飛俊竹
榻燦燦宜画點雲堂橫斜秀起凌霄漢逆順流輝映
宇煌隱几未眠忘夜未燭爐烹茗味猶長

祈晴

四顧流雲何處雲冰洶雲雪似傾湫田疇町疇平如
海旅船汪洋失埠頭大有潛障離月畢同人舒最并
夢游蒼生不善徵斯報上帝母將越大猷

遊廬山邑侯遲公

詩
矯新建洛伽菴

信道姜城勝境幽民豐物阜賴仁侯金湯悲願誠難
及瓦礫生輝映帝州定海波能翻錦浪補陀岩畔挂
空球高懸赤幟垂洪範億載欽瞻足未休

次義奇禪人聖燈韻

一道清虛山脈微空懸燈影霽餘輝高低渾似銀鉞
挂遠近敷陳不夜機吩咐山童移几案仍教牧豎莫
歸扉頻邀佳客峰前摘兩袖盈歸未灼衣

宿營經雙壠寺紹瞿丈中

一笠飄然物外遊東風引杖過汀洲名藍秀出羣英

南鄉子

重寄

重

渠雙沼頻拖玉帶留水許琴音彈水歌峰張雪慢勢
難收奇觀更有目前境笑指庭花別世流

春日宿天全衡丈中

化育臨春萬籟升高原平地總相應山花爛熳期紅
白細草離披冶艷增旅即固窟堪自慰疎狂邀月信
爲朋翛然聊適春軒裏共話春軒賴有僧

春日贈九埜道兄

大猷

客路迢迢萬里中風烟引杖似梯空猿聲喚起岩前
月鳥語啼清水自瀝春艷淡濃香欲滴峰深則分露
華東莫言世外無知己浚澤元來有臥龍

舟中行

萬里迢迢泛小艘頻將檣桿展風流拋篙擊碎帆前
月擲纔常驚兩岸鷗汀外移星爭彩素蘆邊漁火炤
荒丘依稀悞入魚龍窟喜值蜃烟故結樓

明夜月明峽放舟次敬空楊文學題

日久停機欲展帆蟾蜍閃灼出雲端木鵝預放通津
際幅輳徐搖過別湍兩岸蛩雞聲細細江花浦翠月
團圓漁歌一曲和烟碧格外風流天地寬

自述酬敬空楊文學見訪

數十年餘方外遊烟霞邀我伴陵丘水餐日足克楊

支

行

五

腹澗飲頻將作盛饒石蘇供厨和雨拾岩藤繫冷帶
雲收饒他斗印金條客那及山夫樂不休
雪中訪佛明和尚

冬初冒雪訪知音縷縷瓊花綴素襟隴畔猿聲啼兩
岸小橋流水一溪深敲雲亂灑填空壑攫霧鋪舒積
遠岑試問精廬何所卓山樵遙指過前嶽

喜介石王舉人至

師之弟也

解袂曾經三十年無煩千里步峰巔頻疎契闊霜花
碧寫况舒懷曙色妍鼓瑟不妨山水綠吹埙難罄義
中玄聯枝未假先天約氣貫深深若九淵

癸酉秋青城鳳林退院

廿隱枝棲遠世繁叢林山誓兩酬明新開門戶兒孫
住舊舖權收埃異鄉似虎茂鞋離野壑如龍拄杖起
鯢鯨諸方廢席持先約是以難違有別行

再遊橋李懷古新庵清白尊宿

兩度操舟寓梵宮箴規仍整舊家風新巢信育丹山
鳳古穴能潛致雨龍桂萼芬芳懸皓月梅林毓秀豫
春隆山翁西幸歸休早且喜淖沱道脈通

念祖高護法施石於東埕寺築大悲閣某其工告
成眾將祖父明水寓公兩大夫祀送入功德林昔

支

行

五

本師丈老人有和譚培菴司成紀事詩敬步原韻
金湯弘誓歷來淡際會因緣繼舊尋大上應身三十
二檀那堅密一神心芳名信有羣英續景福仍由功
德林護念原同天地老從 千古總如今

乙亥春寓橋李古新庵上昭覺本師

奉命南征兩度秋功圓果滿釋師憂誠思買權歸心
切禍事臨來故逗留遣使郵書通上苑釣音未諭莫
知由龍天假我十年壽法戰沙場意始休

青城山鳳林寺竹浪生禪師語錄卷第五 終

青城山鳳林寺竹浪生禪師語錄卷第六

法語

嗣法門人廣成等編

示蒼石西堂

學道之士務要精勤如登萬仞山必須窮其巔方見世界寬廣不負登山之志如渡大洋海必須達其岸不負渡海之誠學道必須學其所學之道躬行實踐一超直入扭轉鼻孔另一番行履佛祖位中難遇魔宮虎穴翻身懸岩撒手坐斷竿頭猶未足捨身命處若見境了境不被境奪隨事了事不被事瞞寸絲不

往于喚不迴徹法源底任運騰騰入鄢垂手生機融方稱沒量大人也珍重

示義詰禪人

既為佛祖兒孫宜秉智慧利劍固守法城佛來也行祖來也打不雷情見觀乾坤大地日月星辰無有針鋒許總是一個希詰上座纔有少分相應昔日殊普賢起佛見法見被世尊各鞭二十拄杖貶在二鎮圍山間若是性燥丈夫漢隨處作主遇緣即宗時異日向孤峰頂上張個慢天綱子打鳳羅龍不為分外

。諒鑑請敬，糊模稿原

示文煒禪人

相隨老僧十有餘稔酸風苦雨無不經驗一日于拄杖頭邊忽然觸碎鼻孔解道今日始知無情說法山河大地草木叢林溪聲鳥語皆是吾人放光動地處早知者般事悔不當初元來老僧不會負渠實渠負我耳今見老僧有辭山之舉欲求臨行句子我亦無說汝亦無聞珍重

示六塵禪者

從上諸佛施設門庭為接引血氣男兒就路歸家擺脫根塵與佛無別時六塵禪者自夜郎不遠千里

來丁藥石寮伺候老人非夙稟靈根焉得親炙吾師一日造室求指示予何言哉汝宜二六時中灑掃應對提拈把筯折旋俯仰舉足動步看是甚麼道理儼驚拶逢渠元是自家之物不假外求到者般田地始不負親到紹祖峰頭一回也珍重

示慧心禪人

既有染衣之志當為染衣之事何為染衣之事宜四威儀中迎賓待客處把著繩頭看我父母未生前是何面目今日也如是明日也如是參到水窮山盡一念不生前後際斷脫灑灑赤條條地纔有少分相應

如今日三明日四提起有放下無到何年月日得及至大限到來依舊可憐生也

示從益禪人

學道人宜踐古人之跡方入古人之室出詞吐氣務要真實無偽所以法華云此衆無枝葉惟有諸真實又云此一事實餘二則非真且道是何事生不知生前之事不知死後之事故曰生死大事三世諸佛明此一事若是個血氣男兒用咬猪狗手脚爛地折碎地斷高超物表獨步大方不爲分外勉旃

示隱璞禪人

隱璞禪人辭老僧還楚省親盡窮日之力已抵美蓉忽自付云在家依父母出家依師長何必近一親而遠一親耶爰返青城求法語受持以了出家之志予曰子錯也若論出家之志非望人處分爲了事人要痛念自家了你無量劫來靈明不昧之物是稱敏手若身出家而心不出家饒你背得一大藏教亦了不得你本分事所謂身雖出家心不染道終是門外漢也勉旃

示眞明王居士

歸來有年于今方求法語老僧卓錫此山以來每于

稠人衆中剝碎枯腸都說了也卽今一句也無教老僧說個甚麼說世法汝近臺齡豐儉寒暑建功立業送往迎來一思現前何必說耶說佛法溪聲鳥語翠竹黃花土塊泥丸牆壁瓦礫形色分明總是吾人體又何辭焉茲欲語者我知之也爰老僧與你指個前途路徑每日端心正念持一卷金剛經一切閑事莫管三年兩載可以作開羅老子面前一道赦書必生善處天上決不相賺如或今日三明日四逗到臨時依舊是個王麻子惟得阿誰勉旃

示眞福蔡居士

學道人無論久參初進達者爲先祇要信得及將生死大事貼在肩尖上于四威儀中如是參究一覺惺來審諦正睡著時主人公在甚麼處驚回迷渠呀元是無量劫來磨不磷涅不緇之物也所謂如貧得寶汝于劫灰中透出自覺前非雖向釋門惜乎遇老僧遲了儘可誓于再來法門作棟梁是所望也

示眞瑞孫居士

在家修行須是決烈丈夫方可先要一志無殊勇敢無畏于喚不迴萬折不退懸岩撒手不顧危亡坐斷報化佛頭平沉宇宙一道坦途元無二徑所謂唯此

一事實餘二則非真如或未然不惟今生不了百劫
千生終無了日慎之

示真衆方居士

欲究妙道宜立堅固志衆詢明眼宗近惡辣鉗錘
一錘打就直捷到底昔善財始遇文殊俾衆五十二
員知識末後歸來於別峯逢彌勒開樓閣門見無量
樓閣一一閣中有一彌勒一一彌勒有一善財若到
者裏與諸佛把手并行有何不可若是依條過日說
得行不得及至臨時如落湯螃蟹七脚八手莫言不
道

示真蓮妻居士

蓮蓮聞老僧有南方之行求法語作將來眼山夫曰
其眼有五汝欲明何眼耶藕豎指云以此法而應凡
夫謂之肉眼以此法而應諸天謂之天眼以此法而
應聲聞謂之慧眼以此法而應菩薩謂之法眼以此
法而應一切情與無情等謂之佛眼名雖有五實爲
此一眼耳所以云法王唯一法一道出生死三聖諸
如來唯此一法身一心一智慧力無畏亦然若要了
脫生死貴在志堅篤行一味望人處分如貧人教他
賣牛錢分濟得甚麼邊事一日無常到來依舊

原稿模糊，敬請鑑諒。

可憐生也

示照燈任居士

燈道人持齋有年聞山竺有金陵之行詣鳳林求指
示山僧本來無說將何法啟口忽聽得鈴鳴汝聞鈴
聲否曰不惟弟子聞現前大衆俱聞曰此觀音悟門
諸佛慧命祖師本源衆生自性到者裏十個有五雙
當面錯過若同其中薦得人人本是如如之佛所以
道心佛及衆生是三無差別二六時中宜自問持經
禮拜者誰若會此人來與山竺別通消息

示真法李居士

汝生于富貴之室厭棄塵寰甘心守寂不以兒女貳
其心不以家業介其意修持不輟望前所進只是於
色見聲求中膠著經中道若遇真人如毛端相觸針
芥相投聞正法似盲龜值浮木孔倘若錯過又要待
三千年雖然慕道心切祇是不肯放教平帖帖地此
段大事因緣在聖不增在凡不減元是自家閨閣中
物所謂從天降下即貧窮從地涌出即富貴疎困不
注本龍王沒奈何珍重

示真鑄王居士

居士常觀法門稍見門庭孤峻不敢擅入偶于崇陽

之天目一見山塾便頓首禮拜其下曰弟子候師久矣今日乃奇緣耳遂迎家進齋後從斯傾心問道二六時中以禮誦爲日課已已秋間山塾有吳越之祖頓圓大戒自誓生生世世與十方賢聖作不請友雖然高志甚堅還要與汝說個捷徑從朝至暮送往迎來知饑知寒者爲誰爾可追究看猶恐三生有願驚世相逢識得渠時如披雲見日貧人得寶不枉來風林作吾之弟子也勉旃

示雲裔趙居士

迹示洪州食祿崇陽已老齡矣自省前非就路歸來

七

寄名于緣雲圓只于鳳林乃大丈夫境界風生有幸發願當來在法門中而作近事祇恨遇人之遲倘若早入爐鞴經煉錯鍾不是者般行履老僧示汝個安樂法門每日上來下去迎賓待客揀點看是甚麼道理追到計窮力極猛然觸碎鼻頭識得自己元辰與佛有何殊耶方不負向空門走一遭如斯做去決不相賺勉旃

示常元徐居士

欲求無上妙道必須信根牢固確志爲先如登萬仞之山務要親到始得多見世間沒血氣男兒我教修

。諒鑑請敬，糊模稿原

行訪明師稍見門庭孤峻不假辭色不得其門而入望岩而退將從前修行求師之志一旦冰消瓦解依舊可憐生也

示常利田居士

持齋念佛虛挂名頭者似聚如麻佛念猶持追究返觀者若星中揀月總是願力不清行之不篤昔有婆羅門姓龐諱蘊于馬祖會中某得些子知解便道有男不婚有女不嫁大家團圓頭共說無生話何常出妻逆子所謂陸地不生蓮惟下臨淤泥中能生此華正如在家二衆頻居火宅本來一段光明爲人自昧

雖具向上心而無向上志皆爲愛根牽纏羣爲不遇著惡辣鉗錘從大爐鞴裏煅煉一回終是鉗錘不能濟用待汝將一切恩愛煩惱打盡明白親到昭然兩手吩咐何如

示常德杜居士

吾佛世尊從久遠劫來漸修三慧皆爲接引迷流末後自兜率降神誕生王室其年十九子夜遁城捨金輪位苦行六年于正覺山前觀星悟道四十九年談經三百六十餘會說事說理開權顯實示悟多方見中下二根不諸佛意弗能依教修行仍爲非樂所障

法華會上首云止止不須說我法妙難思諸增上慢者聞必不敬信即今居士既厭生歿欲求解脫何不親到一回托人求法似乎不可恐失汝望聊寄數語敬汝信根也是憐兒不覺醜否向者裏薦得不妨再與老僧帶個口信來

示天全君聘劉居士

世出世間惟有修行乃大丈夫事諦觀世人說得相似儀容可觀端于相法邊作佛事古德云若求有相佛與汝不相似若持經念佛當追究持念之主人公若以持念當作了事人猶未夢見在何也咄經云若

照轉

七

以色見我以音聲求我是人行邪道不能見如來要做個真正道人于行住坐臥中覺照看是何物向者裏覷得透始不負入我空門來也

示天全明賢高覺淋

修行無別法只要信根堅固智識自然發輝佛功德如海惟信能入惟智能渡經云信爲道源功德母長養一切諸善根居家修道更是奇才處于五欲煩惱之中騰個身兒持經念佛只知念持不知經是何旨佛是何物名形同道人若是氣性漢子將生歿根株一刀兩斷一切世緣付之膜外如斬一握絲一斷一

切斷做個當家種草方爲法同道人也珍重

示復初尼諱真仙

凡爲一方化主要將正法提持喚醒一切愚迷就路還家教中道若以佛形得度者即現佛形而爲說法若以菩薩形得度者現菩薩形而爲說法若以比丘比丘尼得度者即皆現之而爲說法上座既與彼方有緣現比丘尼身誘導一切善信上善提路陞佛階梯美則美已未盡善也何也咄聞你動舉皆是因果門頭不能了明生歿大事達磨大師入我真丹國來不立文字直指人心見性成佛既有高志何不出山

照轉

七

十

遇幾個真正道人將生歿大事了明然後入山而種教化豈不妙哉承信遠寄聊書數語以酬勉旃

示真素羅居士

世間有許多奇男子如樂山會中李和文識得自己根源解道有人問我西來意月在天邊水在瓶茲真素羅居士親近老僧有年幸不識老僧僑寓道傍但有問青城路向甚麼處去以肱麾云驀直去待行三兩步撫掌笑云又錯過了也雖解用劍刃上事還較古人半月程莫當作了事人若論了事一著且待別時來

示真忠楊居士

在家修行如火裏蓮華不妨奇特汝係名醫善治諸苦是乃仁術也佛在世時有奇域者能治膏肓之病不審居士亦能治得此病否倘能治得亦能治一切衆生貪嗔癡顛狂等病與佛無二無別所謂世尊稱三界醫王四生慈父如或未然再請上青城山來與汝說個真方去可也

示直恣陳居士

鑪上妙道豈非容易畢竟要躬行實踐望前所進行到水窮山盡沒奈何處正好喫棒大經云觀大地無

異趣

廣德縣志卷六

三

有如芥子許猶未足菩薩捨身命處如此薦得釋迦不先彌勒不後山河大地草木昆蟲頭頭法法總是現成公案古今一轍生佛同源清淨本然觸目菩提何嘗有間隔哉久立

示常鳳吳居士

不遠千里而來入我門中以作少年近事元來夙業靈根不違本誓所以信心堅固有此今日倘異日將世業丟得下擺得脫做個出格漢子上報四恩下資三有與諸佛同一鼻孔把手并行不枉到青城山裏親會老僧也勉旃

示真飛孫居士

汝歸來許久今欲法語以作津梁數年來會同之間已曾道破了也爾等不覺放過自有生以來元是渾金葉玉若遇良工方成美器二六時中鑒覺穿衣喫飯禮拜持經者是誰如鷲地撞着原來不費纖毫頭力歸家穩坐佛來魔來都無干涉始稱了事道人珍重

佛事

爲法兄弘山和尚入啓

身從無相中受生猶如幻出諸形相幻入心識本來

佛事

廣德縣志卷六

三

無罪福皆空無所住從上諸聖于無所住之降神處胎示現受生于無所住處出家得道降魔轉法輪于無所住處化緣已畢示般涅槃今我法兄弘山聞和尚亦于無所住處誕生武夷出家行脚以無所住處打脫廉纖受老人鉢袋于高樹法幢羅籠十方龍象以無所住處過關苑畢依報解故衣示歸圓寂祇如今日孤岩西林二法姪負骨櫬至昭覺紹祖峰傍建立無縫塔子敦請生上座作入塔佛事到者裏是有所住是無所住作麼生得恰好去良久云塵塵普現真三昧利圓融堅密身便入

爲法兄懷獨和尚入塔

來從門入去從戶出坐斷兩頭當陽顯露縣岩撒手竿頭進步者箇是老法兄尋常用處若約有踪跡處沒藏身有藏身處沒踪跡到者裏蒼梧月鎖丹鳳難棲敢保老兄只得一撇巾徹生領眾送別不免與兄註破以拄杖畫一云生死涅槃無一路縱橫何處不家鄉便入

爲幻菴和尚書墓前炷香

舉香作○相云法兄之來也恁麼來去也恁麼去坐斷兩重關礙破人間世外現宰官身內秘菩薩志當

十三

年此處露形蹤益州昭覺藏本事大丈夫無拘繫佛道王道沒兩端官幻佛幻俱了畢唳翻身跳上般若缸香水海裏任游戲

爲碧雲禪人入塔

因安有生因生有滅生滅雙泯復是何物喚雲禪德會也麼六十餘年住世間祇遺一具金鎖骨前途諸竅爲君通七寶塔中頻出入頻出入得自由好將鐵笛逆風吹一曲喚回山水淥

爲月現老衲起龕

以拄杖畫云一不成畫一絕中邊元無彼此執其兩

端者個是現翁尋嘗作用卽今起龕一句作麼生道

空王殿裏難留客明月堂前宇宙寬

入塔威遠降神灌陽示滅降神示滅是同是別別別逗到今朝好時節子鷄啼白一輪霜更有星河青皎深個時節正是現翁歸寶塔香雲古刹倍于常兒孫自此綿瓜瓞

爲滄溟法姪起龕

生耶死耶本無得失道與不道理事雙彰于理事雙彰處得入不免在教乘裏于本無得失處得入敢保無安身立命處既無立命處有煩大眾請出山門外

十四

少問盛熱婆羅門與伊註破

下火北風颺霜花芳好烏啼處處但且長既然此道幽深玄遠卽今滄溟法姪向甚麼處著脚以火炬打○云不卽不離運世界縱橫自在火清涼

入塔父母非我親誰是最親者諸佛非我道誰是最道者者個是滄維那叅究得底汝言與心親汝行與道合者個是渠未徹頭底焉喝云會也麼言亦非親行亦非道于中識得本無玄妙便入

爲達岸禪人入塔

諱具方

者畔雖了那邊由欠不住中間三塗坐斷以拄杖打

○云于此薦得真方達岸還會麼兩手洞開無縫著觸處盡皆寶蓮苑

爲遠聲禪人起龜

來時空手去亦空身來去俱枉然孤負于此生作麼生得不空去咤良久云有煩大眾送出山門外與你錢行

下火是聲非遠遠卽非聲逗到今時能屈能信振火炬云遠聲大德委悉麼于此薦得任運騰騰脫或未

然未免從頭煨過爲建山法姪起龜

有意卽身生意滅身本無兩頭開坐斷一物鎖常靈且道是甚麼物咤良久云建山上座于斯薦得生本不生滅元不滅生滅同源卽如如佛其或未然請到塔前爲汝重下註脚

爲五人入塔

學道總無別惟求心眼譬許多行僻人錯過好時節卓拄杖云從上諸佛得此時節現神變相坐微塵裏轉大法輪而般涅槃歷代祖師得此時節頭出頭沒樹大法幢演大法義而歸圓寂山河大地依此時節而建立日月星辰明此時節而點點草木含靈負此

奇城竹浪生禪師語錄

時節而各證性命昔日世尊于摩竭陀國夜觀明星了此時節爲禰陳如五入初轉四諦法輪山僧今日用此時節真汝等五人入無罣寶塔旣然無罣作麼生人到者裏祇得隨條振例東來者向東者南來者向南者西來者向西者北來者向北者自餘中間一位莫動著何故咤動著則頭角生也

爲不虛禪德起龜

兩不成雙單不成隻放過一著落在第二以拄杖打○云且道是一是二如或未交請到塔前別作商量入塔看畫長春風涼簷啼綠柳蝶舞花香法法頭頭

乃大人境界塵塵刹刹是本地風光以手指塔云一手洞開無縫塔光放影裏照用齊彰

爲戒世禪人起龜

來時歡喜去也無憂二邊坐斷不住中流且道還識路頭麼嘆長安難樂不可久留請出門外盛熱婆羅門與君道破

下火明歷歷黑漆漆者個消息有誰識不卽不離本自然人間天上任遊戲休遊戲五十餘年不自由今朝始信登寶極前途猶有一重關懸崖撒手家鄉的者個是汝數十年來親踐得底躬逢老社兄賓天諸

山尊宿及遠近檀那奉送山墊不期然而預數拈個
山偈以作祖餞爛爛霜花一色開十方方法界境無乖
根塵擺脫離斯域颯颯香風遍九垓

為懷壁禪人起龜

雨霽風清正可行人與麼與麼鳴雀噪不與麼不
與麼霧捲雲遶與麼中不與麼松針穿夜月不與麼
中却與麼柳線鎖寒烟會得途中受用如或未然少
間與汝重下註脚

下火呈火炬云噯者個是大火聚近之則燎却而門
觸者則通身紅爛既然如斯且道作麼生通信打○

風送

為懷壁禪人起龜

主

云向者裏薦得草木叢林山河大地與汝同修同證
同悟同人盡大地是個解脫場可以與三世諸佛同
一鼻孔歷代祖師把手共遊壁閣黎牢把著二十八
竿風過樹今朝擺手上長安

為梵僧起龜

不計萬里長途贏得風雲兩袖一旦打脫行囊赤手
空拳依舊噯早知今日事何必苦馳求

下火性相無殊居方各異雖不識其名黃衣是汝字
老僧指汝還鄉曲子一分明取記振火炬云噯噯
呢叭彌嚩盧悉喇

為破暗西堂起龜

偈吾二十載今朝始別離腰無半文錢囊有三合米
窮須赤骨窮八風難拘繫暗闇黎牢記取密移一步
坦然平占斷羣芳機第一

下火坐斷生死關頭觀破破音消息有時劍刃上走
馬有時孤峰獨立擲火炬云噯火光三昧悟無生此
界他方任游戲

為玄明耆舊起龜

秋陽閃灼秋露零零秋山碧秀秋水澄清瞻彼佳景
正可遊人是則也是第恐老宿作境會既不作境會

風送

為懷壁禪人起龜

主

畢竟作麼生會震威一喝云一喝分賓主照用一時
行

下火者個頭陀居仁由義不事浮華不干名利雖然
言端語端好作有為佛事亦嘗穿衣未曾挂著一縷
絲亦嘗喫飯未曾咬著一粒米住世七十八齡原來
約定今日噯是今日好消息火宅門外布三車自此
分身千百億

為覺玉楊居士起龜

來時快活去亦風流來去兩重關識得始方休始方
休獲自由九蓮池畔好優游楊居士還知路頭麼良

久云起

下火有僧諦有俗諦二諦融通三昧義歸去來兮歸去來烈火燄中知端的明歷歷祇園會上添一人魔與魔民下風立

爲真空者舊起龜

北風其涼雨雪其零上下及四維何處不家鄉山僧到來助汝箇還鄉曲子仰憑大眾同聲相和南無阿彌陀佛

下火昔年淨土院中失利今朝永義寺中拔本住世八十五年衣線下事未穩烈火光中爲汝轉大法輪

驚動勢至菩薩後隨觀音大士前領彌陀如來親垂接引空閑黎速若肯十萬八千路不遙九蓮池中華似錦撒火炬

爲法語大德起龜

五

春山毓秀春鳥和鳴聞聲悟道見色明心者個消息本自現成啖會麼脫或未然少間請問盛熱婆羅門下火性空真火性火真空普天市地無處潛踪畢竟意旨何如以火炬打○云到頭霜夜月任運落前溪爲玉白和尚起龜

爲法語大德起龜

當陽一著萬古箴規末後一機今將布露明明本不

爲玉白和尚起龜

迷歷歷何須悟坐斷生歿關任從君去住所以古德云去是住時因住是去時果去住與果因無可無不可者箇消息諒法兄薦得了也適丁行事之初去卽是住卽是良久云鼓角頻催來上苑旛花繚繞自空臨元來報化非真佛大白牛車已待門

入塔秋風涼秋露零秋光閃灼秋水汪洋商絃初扣菊飴籬黃金星南轉火宿西場時節若至其理自彰斯值玉翁和尚歸寧之時作麼生說個目彰道理瞬目尚嫌三界窄揚眉已諦實家鄉山僧到來未免贈個還鄉曲子沒弦琴操秋聲急無孔蕭吹碧落天柱

杖洞開無縫塔全身放下萬年歡爲自悟尼起龜

生卽滅埋滅乃生機一邊坐斷脫體無依自上座知不知以拄杖打○云于斯薦得凡聖同居設或未然請出芙蓉城外爲汝指迷

爲自悟尼起龜

五

下火彩雲片片秋水澄清金風颭颭玉露垂珠天樞運轉地軸迴還止與麼時人好懸窗撒手就路還家且道記得路頭麼振火炬云原來去就憑渠力落落道遙到帝鄉

爲默語耆舊起龜

爲默語耆舊起龜

爲默語耆舊起龜

坐斷生歿關頭放出本有風光不問者邊那畔于此
即是道場喫默道兄會也麼觸處逢渠開正眼到頭
何處不家鄉

下火來到大唐國裏世胄有家住世六十九年覷破
浮華末後重整叢林擔子從今放下以火炬打○云
頻將者段風光灼然照破天下羊鹿之車且停懸請
君先上白牛車

爲榮害老衲起龜

來時空手來去時空手去來去兩俱空罪福亦如是
衆開黎半記取百尺竿頭坐斷時魔宮佛界任游戲

下火云虛妄而生虛妄而滅生滅二途從虛妄有根
緣已畢懸岩撒手到者境界移星換斗脫或未然切
忌亂走振火炬云于斯薦得悟無生擺脫根塵真唧
唧

爲自覺起龜

六月十五日吾徒歸圓寂脫了者皮囊去志如箭急
一物證常存却是好消息擊龜云還識此物麼能救
世間苦觀音妙智力

下火因妄有生因生有滅滅妄名真乃是妙訣以火
炬打○云火光二昧縱橫游金屋一點方堪管山河

大地坦然平是汝歸家好時節

爲雙顯起龜

依余十六載一切行兼備鳳林大梵利期君再卓錫
曳歸去來今歸去來莊嚴自有定慧力
下火不貪不染讓汝唧唧就路還家是稱敏手振火
炬云顯開黎于此究涅槃生死等空花始信山僧言
不謬

青城山鳳林寺竹浪生禪師語錄卷第六

後進

竹浪生禪師語錄卷第六

三

青城山鳳林寺竹浪生禪師語錄卷七

嗣法門人圖登錄

源流拈頌

第一世南嶽讓禪師詣曹溪參六祖祖問甚處來師曰嵩山祖曰什麼物恁麼來師無語遂經八載忽然有省乃白祖曰某甲有個會處祖曰作麼生會師曰說似一物即不中祖曰還假修證也無師曰修證即不無汚捺即不得祖曰即此不汚捺諸佛之所護念汝既如是吾亦如是

拈云昔年溪山異今朝雲月同

頌云瑤琴暗室久埋塵纔挂師絃韻自清一曲喚

回山水淥乾坤大地總皆春

第二世馬祖一禪師衡嶽山中習坐禪讓知是法器到山問曰坐禪圖作甚麼師曰圖作佛讓乃取一磚於石上磨師曰磨作甚麼讓曰磨作鏡師曰磨磚豈得成鏡讓曰磨磚既不成鏡坐禪豈得成佛師曰如何即是讓曰如牛駕車車若不行打車即是打牛即是師無對讓示偈曰心地含諸種遇澤悉皆萌三昧華無相何壤復何成師蒙開示心意豁然

拈云一座無罅塔子却被車牛踏破

頌云機關穩密似重圍影坤隨身探一回磚子磨
來成玉鑒從教千古漫流輝

第三世百丈海禪師參馬祖侍祖行次見一羣野鴨飛過祖曰是什麼師曰野鴨子祖曰甚處去也師曰飛過去也祖遂搦師鼻負痛作聲祖曰又道飛過去也師於言下有省次日祖陞堂衆纔集師出卷却席祖便下座師隨至方丈祖曰我適來未曾說話汝爲甚便卷却席師曰昨日被和尚搦得鼻頭痛祖曰汝昨日向甚處畱心師曰鼻頭今日又不痛也祖曰汝深明昨日事

頌云祇因貪步白雲殊知打失鼻子

拈云父子閒行過別峰無端野鴨喚長空鼻頭扭
破難爲語再叩玄關兩耳聾

第四世黃檗運禪師參馬祖值祖遷化時百丈廬於墓側師乃請問丈平日得力句丈舉再參因緣老僧被馬祖一喝值得三日耳聾師聞舉不覺吐舌丈曰子莫承嗣馬祖去麼師曰不然今日因師舉得見馬祖大機大用然且不識馬祖若嗣馬祖已後喪我兒孫丈云如是如是見與師齊滅師半德見過於師方堪傳授子甚有超師之見

拈云灼然一段真風幾乎話作兩截

頌云一條拄杖兩人昇昇去昇來沒倚依話主盡頭頻吐舌雙收雙放展玄機

第五世臨濟玄禪師在黃檗會下睦州為首座勸令問佛法的大意檗便打如是三問三度被打遂辭檗令參大愚問甚處來師曰黃檗愚曰黃檗有何言句師舉前話復曰不知某甲有過無過愚曰黃檗恁麼老婆心為汝徹困猶覓過在師於言下大悟云來黃檗佛法無多子愚掬住曰者屎牀鬼子適來道有過無過如今又道佛法無多子見個甚麼道

三

。諒鑑請敬，糊模稿原

一個會佛法的人三聖聞得問曰汝具甚麼眼便恁麼道師便喝聖曰須是汝始得又到大覺為院主一日覺曰聞汝道南方行脚一遭拄杖頭不會撥着一個會佛法的人憑個甚麼道理師便喝覺便打師又喝覺又打來日從法堂過覺召院主我直下疑汝昨日者兩喝師復喝覺復打師又喝覺復打師曰某於三聖師兄處學得個寶主句總被師兄折倒也願與某個安樂法門覺曰者瞎漢來者裏納敗闕脫下納衣痛與一頓師于言下薦得臨濟先師於黃檗處喫棒的道理

法苑珠林

卷之四

四

拈云不是一番寒徹骨怎得梅花撲鼻香
頌云不顧危亡履薄冰頭喝下解翻身自從識得君王寶善法堂前打客賓

第七世南院顯禪師上堂云赤肉團上壁立千仞時有僧問赤肉團上壁立千仞豈不是和尚語師曰是僧便掀倒禪牀師曰看者瞎驢亂做僧擬議師便打趁出

拈云仁者見之謂之仁智者見之謂之智
頌云可徵可久能化能變有時神頭有時鬼面魔宮虎穴入正受佛德海中曾出現大千世界總難

理連道連道師便向大愚肋下築三拳愚拍開口汝師黃檗非干我事師回黃檗檗曰來來去去有甚了期師曰祇為老婆心切檗曰大愚饒舌待來痛與一頓師曰說甚待來隨後便掌檗曰者風癩漢來者裏瞎虎顛師便喝檗曰侍者引者風癩漢來堂去
拈云東林殺牛不如西林之樂祭
頌云神威凜凜歷沙場足馬單刀戰大荒一片腥風吹宇宙分菲列土莫封疆
第六世興化獎禪師初為臨濟侍者後在三聖會中為首座常云我在南方行脚一遭拄杖頭不會撥着

藏浩浩皇風成一片

第八世風穴沼禪師參南院院問南方一棒作麼商量師云作奇特商量師却問此間一棒作麼商量院拈拄杖云棒下無生忍臨機不讓師師於言下大徹玄旨

拈云本是一條拄杖用之則行捨之則藏有甚奇特

頌云提起當陽殺活機難容擬議落思惟玄關踏倒無今昔肘後靈符不放低

第九世首山念禪師居風穴會中 日侍立次穴乃

五

垂涕告之曰不幸臨濟之道至吾將墜於地矣師曰觀此一衆豈無人耶穴曰聰明者多見性者少師曰如某者如何穴曰猶恐耽著此經不能放下師曰此亦可事願聞其要穴遂上堂舉世尊以青蓮目顧視大衆乃曰正當恁麼時且道說個甚麼師拂袖下去穴擲拄杖歸方丈侍僧問穴曰念法華因甚不祇對和尚穴曰念法華會也次日念與真園頭同來問訊穴問如何是世尊不說說真云鵲鳩樹上鳴意在麻畚裏穴曰汝作許多癡福做甚麼何不體究言句乃問師師曰動容揚古路不隋悄然機穴顧真云何不

看念法華下語

拈云拈起毫端風雨快者回不作採花郎

頌云太古音稀玄酒浴獅絃欲斷鸞膠續家貧幸有克家兒裕後光前真富足

第十世汾陽昭禪師遊方叅七十餘員善知識末後到首山問百丈卷席意旨如何山曰龍袖拂開全體現師曰師意如何山曰象王行處絕狐踪師於言下大悟云萬古碧潭空界月再三撈攬始應知首座問曰見何道理便爾自肯師曰正是我放身命處拈云大人虎變君子豹變

六

頌云有像身中無相身雙張權實絕疎親夜明符子輕拈出照破河山千萬層

第十一世石霜圓禪師謁汾陽經三十年未許入室每見必詬罵一日訴曰自至法席不蒙指示念歲月飄忽已事未明有失出家之利語未卒汾此日是惡知識敢裨販我怒舉杖逐之師擬伸救汾掩其口乃大悟曰是知臨濟道出常情

拈云明修棧道暗度陳倉

頌云三十年來會抱拙偶然拾得峰頭月輝天鑒地果奇哉普映千江一輪攝

第十二世楊岐會禪師久依慈明總院事每咨慈明曰庫司事繁且去他日又問明曰監院異日兒孫遍天下何用忙爲師俱罔然一日明出師值之小徑楊住曰者老漢今日雖與我說不說打汝去明日知任般事便休語未卒師大悟一日明上堂師問幽鳥語喃喃辭雲入亂峰時如何明曰我行荒艸裏汝又落深村師云官不容針更借一問明便喝師亦喝明連喝兩喝師禮拜明曰此事是個人方能擔荷師拂袖便行

拈云不因樵子徑爭到葛洪家

頌云雲峰鳥語露先機野艸離披更不疑拂袖便歸珍重歇兒孫大有遍寰區

第十三世白雲端禪師叅楊岐問受業師爲誰師曰茶陵郁和尚岐曰聞渠過橋遭擲有省作偈甚奇特能記否師卽頌曰我有明珠一顆久被塵勞關鎖今朝塵盡光生照見山河萬朵岐笑而趨起師愕然通夕不寐黎明咨決適歲暮岐曰汝見昨日打毆難者麼師曰見岐曰汝一籌不及渠師復駭問意旨如何岐曰渠愛人笑汝怕人笑師大悟拈云目極不須頻話會風流公子出朱門

頌云芒鞋踏破湖湘月話舊元來風味別笑裏太阿出匣時搗空遍界流鮮血

第十四世五祖演禪師叅白雲端問南泉摩尼珠話雲叱之師領悟獻投機偈曰山前一片閒田地叉手可寧問祖翁幾度賣來還自買爲憐松竹引清風雲爲許可令掌磨事未幾語師曰有數禪客從廬山來皆有悟入處教伊說亦說得舉因緣問伊亦明得教伊下語亦下得祇是未在師疑自計曰既悟了說亦說得明亦明得如何却未在叅究累日忽省悟從來寶惜一時放下遂走見雲雲爲手舞足蹈師一笑而

已後示衆云吾因此出一身白汗明得下載清風

拈云當年摩羯令幾喪目前機

頌云隨色摩尼設問端當機覲面不相瞞十方世界如椀子始信壺中別有天

第十五世圓悟禪師爲五祖侍者一日部使詣祖問道祖曰提刑少時曾讀小艷詩否有兩句頗相似頻呼小玉元無事祇要檀郎認得聲提刑諾諾祖曰且仔細師問提刑會否祖曰他祇認得聲師曰祇要檀郎認得聲既認得聲爲甚却不是祖曰如何是祖師西來意庭前柏樹子聲師忽有省遽出見鷄飛上

欄干鼓翅而鳴乃曰此豈不是聲遂呈偈曰寶鴨香
消錦繡圍笙歌鼓裏醉扶歸少年一段風流事祇許
佳人獨自知祖徧謂耆宿曰吾侍者叅得禪也

拈云見色非干色聞聲不是聲

頌云古今同轍不同輪撥轉樞機越樣新聲色堆
頭甯不住千峰頂外有孤層

第十六世虎丘隆禪師謁圓悟問見見之時見非
是見見猶離見見不能及遂舉拳云還見麼師云見
悟云頭上安頭師聞脫然契證悟叱曰見個甚麼道
理師曰竹密不妨流水過悟有之有問悟曰隆藏主

榮易若此何能為悟曰瞌睡虎耳

拈云官不容針私通車馬

頌云牽路相逢頻試問揚鞭指處的家鄉敵首不
借宮商曲調轉陽春清韻長

第十七世應庵華禪師依虎丘半載頓明大事隆忌
日師拈香云平生沒興撞着者沒意智老和尚做盡
伎倆湊泊不得從此卸却干戈隨分着衣喫飯二十
年來坐曲杲牀懸羊頭賣狗肉知他有甚憑據雖然
一年一度燒香日千古令人恨轉深

拈云祇為當年逢敵手一回思想一傷神

頌云擊鼓其鐺事若何復烟息盡罷干戈太平不
許持弓弩落猶夷唱哩囉

第十八世密菴傑禪師叅應菴一日菴問曰如何是
正法眼師曰破沙盆菴領之

拈云雲從龍兮風從虎聖人作而萬物睹

頌云六陰剝盡一陽來檻外梅花開雪開法眼分
明該萬象沙盆元未強安排

第十九世破菴先禪師叅密菴時密住雲隱師分座
有道者請益曰稠繇子捉不住願垂開示師曰用捉
作麼如風吹水自然成紋

拈云一堂風冷淡千古意分明

頌云月到天心處風來水面時一般清意味料得
少人知

第二十世無準範禪師初謁育王佛焰焰問何處人
師曰劍州焰曰帶得劍來麼師隨聲便喝焰笑曰者
烏頭子也亂做後至雲隱破菴為首座同遊石筍菴
有道者請益稠繇子話師于侍傍大悟

拈云一點水墨兩處成龍

頌云懷州牛喫禾益州馬腹脹天下覓醫人灸猪
左膊上

第二十一世雪巖欽禪師在無準會下每遇入室舉主人公便可踴跳舉衲僧巴鼻佛祖爪牙更無下口處此病癡在胸中十年後過浙東天童育王兩山佛殿前開行擡眸見一株古柏觸着向來所得境界一時颺下癡膚之物撲然而散始見徑山老人立地處正好三十棒

拈云雖然拾得一隻眼睛却把佳珍喪盡
頌云祖師牙爪衲僧巴鼻露柱燈籠土塊頑石子雞啼白一轉霜參天古柏有誰識喫赤骨律九丈雲盡與消息

第二十二世高峰妙禪師參雪巖纔問訊便被打出後入室巖便問誰與你拖者死屍來聲未絕便打出一日偶睹五祖演真贊云百年三萬六千日反覆元來是者漢忽有省後待巖次巖問日間浩浩作得主麼師曰作得主又問睡夢中作得主麼師曰作得主又問正睡着時無夢無想無見無聞主在什麼處師無對奮志入龍鬚越五載連單人推枕墮地作聲廓然大徹如在網羅中跳出元來祇是舊時人不改舊時行履自此安邦定國天下太平一念無爲十方坐斷

拈云匙挑不上風吹不起主人公面目大約只如此

頌云數載殷勤無朕迹同行共住不相識隣單鷄地推枕頭打斷虛空腿一隻

第二十三世中峰本禪師因觀流泉有省詣高峰求正峰打趺出旣而民間訛傳官選童男女師問忽有人來問和尚討童男女時如何峰曰我但度竹篋子與他師於言下徹法源底峰付偈曰我相不思議佛祖不能視獨許不肯兒見得半邊鼻
拈云本是一國之師爲甚麼被蹄淫裏淹煞

頌云古徑林泉逢故友呵呵拊掌笑無休德生有德暗通津犯鼻揮斤陳好手

第二十四世千巖長禪師參中峰峰問日用事如何師曰念佛峰曰佛今何在師擬議峰厲聲叱之懇求法要峰舉狗子無佛性話師參三年聞雀聲有省峰復斥之師憤然夜半忽鼠翻猫器墮地作聲恍然開悟復往質峰峰問趙州何故云無師曰鼠偷猫飯峰曰未在師曰飯器破矣峰曰破後如何師曰築碎方獲峰乃微笑囑曰善自護持時節若至其理自彰
拈云若以色見聲求未免隨邪逐惡

頌云未透情城如火急枝頭鳥語通消息前途更有一重關老鼠無端打破甕

第二十五世萬峰蔚禪師謁千巖巖問將什麼與老僧相見師豎拳云者裏巖又問死了燒了在何處安身立命師曰漚生漚滅水還在風息波平月映潭巖又問不是心不是佛不是物是個甚麼師以坐具打圓相叉手而立又斫松次師拈圓石作獻珠勢云請師酬價巖曰不值半文錢師曰瞎巖曰是你瞎是我瞎師曰瞎瞎巖命分座說法
拈云直饒問答分明亦是拳頭弄傀儡

頌云金山有壁臥荒丘信手拈來不易酬獻楚王仍不識祇因價重等閑浮

第二十六世寶藏持禪師叅萬峰峰付法偈曰大愚肋下痛還拳三要三玄絕正偏臨濟窟中師子子燈燈續焰古今傳

拈云如水投水似空空

頌云兎角杖能挑日月龜毛繩解縛龍蛇平沉字宙囂氛盡祖禪相承是當家

第二十七世東明昂禪師叅寶藏藏問云心不是佛智不足道汝云何會師向前問訊叉手而立藏云汝

在此許多時還作者個見解師乃憤然至第二日豁然打破呈偈云一拳打破太虛空百億須彌不露踪借問個中誰是主扶桑迸出一輪紅

拈云直饒打破太虛空僅可無智人前賣弄
頌云七竅初分漸別離無陰陽地竊逢渠從今結個忘年友起坐相隨不放伊

第二十八世海舟慈禪師叅萬峯舉楞嚴經但有言說都無實義話求決峯劈口兩棒攔背一踢趯云者是實義師覺有會隱居洞庭山二十九載僧問當日有何所見隱于此師曰昔問萬峯但有言說都無實

義峯便打從此不別叅僧曰請言所以師曰但要人知痛癢是實義是妙心言說盡是皮毛僧笑云如此見解生死尚未了何得言悟未在不見道心不是佛智不足道耶師遂棄菴詣東明明問見何人來師云萬峯明云萬峯即今在什麼處師罔然明云如此不曾見萬峯師歸客寮三晝夜寢食俱廢忽香燈繩斷墮地頓然大悟

拈云未開口已前薦得畧較些子若待棒下知歸早落言詮了也

頌云一十九年尋實義溪聲鳥語咸花費猛然拖

斷爛燈繩擊得虛空齊粉碎

第二十九世寶峰瑄禪師在俗爲木匠與海舟造塔斧傷足求爲僧充火頭一日負柴舟見云將棘刺作麼師云是柴舟呵呵大笑云是柴拿去燒師遂起疑然究偶因火燎面難忍以鏡焰之豁然大悟呈偈云負柴和尚喚作棘火焰燒眉面皮急祖師妙旨鏡中明一鑑分明玄要的

拈云鏡中明妙旨萬里望崖州

頌云同氣相求不識名同聲相應不知心內丁童子無情見燎却當年舊面門

支那

支那

十五

第三十世天奇瑞禪師叅寶峰問甚處來師曰北京峰曰祇在北京別有去處師曰隨方瀟灑峰曰曾到四川麼師曰到峰曰四川境界與此間何如師曰江山雖異風月一般峰豎拳云還有者個麼師曰無峰曰因甚却無師曰非我境界峰曰如何是你境界師曰諸佛不能識誰敢強安名峰曰汝豈不是落空師曰終不向鬼窟裏作活計峰曰西天九十六種外道汝是第一師拂袖便行峰付法偈曰濟山棒喝如輕觸殺活從教手眼親聖解凡情俱坐斷曇花猶放一枝新

拈云箭鋒相注卽不無要且當仁不讓

頌云無煩千里訪知音掣電之機豈讓情好手手中呈好手紅心心裏中紅心

第三十一世無聞聰禪師叅天奇奇問苦樂皆心因何外取師曰祇爲不了奇曰是非皆事因何妄承師曰錯認定盤星奇曰迷悟皆人因何不懂師曰早知燈是火豈向四方求奇付法偈曰道者心同慈姬心爭教赤子因羣陰輔成架海金梁陳佛缺方知補浩任

拈云龍蛇易辨衲子難瞞

支那

支那

其

頌云師資嘉會豈尋常虎穴魔宮任主張佛祖位中畱不住電光石火露行藏

第三十二世笑巖寶禪師叅無聞問十聖三賢已全聖智如何又道不明斯旨聞驢聲曰十聖三賢爾已知如何是斯旨速道速道師下語不契一口水邊洗菜適菜墮水園轉捉不着忽有省攜籃歸見聞問問是什麼師曰菜園曰何不別道一句師曰請和尚別問來師一日與聞圍爐次聞曰人人有個本來父母子之父母今在何處師曰一火焚之聞曰怎麼則子無父母耶師曰有則有佛眼覷不見聞曰子還見否

師曰某亦不見聞曰爲什麼不見師曰若見卽非眞父母遂呈偈曰本來眞父母歷劫不會離起坐承他力寒溫亦共知相逢不相見相見不相識爲問今何在分明舉似師聞曰卽此偈堪紹吾宗

拈云定慧力莊嚴歷劫不思議

頌云應機接物如煦嫗今古無殊豈等偷贖大劫來眞父母十方世界現全身

第三十三世幻有傳禪師開燈花燦豈有省直造北方衆笑巖求證巖曰汝將從前得力處一一說來爲汝印正師具實說至語半巖驚躍出鞋曰向者裏道

一句看把師話端打斷通夕不寐明晨佇立檐下巖見嘆師師回顧巖翹一足作修羅障月勢師當下豁然

拈云剛被太陽收拾去却教明月送將來

頌云入理深談話半途芒鞋躍出窟盧都燈花爆

出當陽旨明月堂前繼祖圖

第三十四世密雲悟禪師挑柴過山灣見一堆柴突露面前有省衆索入龍池依幻有和尚脫白請益幻曰汝若到者田地須放身倒臥嗣後惟加罵詈詈師漸悶交加一日城歸過桐官山頂忽覺情與無情燠

然等現大地平沉時幻還北京師乃往觀幻問汝有新會處麼師曰一人有慶兆民賴之幻曰汝又作麼生師曰某甲得得來禮觀和尚幻曰念汝遠來放汝三十棒師抽身便出一日幻問忽有人問汝如何抵對師驚豎拳幻曰老僧不曉得者是甚麼意思師曰莫怪和尚不曉得三世諸佛也不曉得一日幻舉拂問師云諸方還有者個麼師震威一喝幻曰好喝師連喝兩喝歸位幻喝師扶佛法師呈偈曰若據某甲扶佛法任他○○○○都來總與二十棒莫道分明爲賞罰

拈云桐官山頂悟去杓上聽虛聲何故盡賺殺許多入向柴堆裏覓宗猷

頌云龜毛舉起驗當陽一喝如雷脫體張賞罰分明無固必從教定國與安邦

第三十五世破山明禪師十九遊方至講席聽楞嚴至七處徵心入還辨見恍有人處每看古人公案如銀山鍊壁自誓不明此事終不放下如此住楚之破頭山艸衣木食三載一生使倆般盡打并不下看高峰語錄以七日爲限做了五日兩眼昏花如有氣死人一日發極到萬丈懸崖上立定云悟不悟性命在

今日辰時立到未時之際眼前惟有一平世界更無坑坎舉足經行不覺墮落崖下將足損了夜半翻身忽痛大悟密舉從前如獲故物高聲叫云屈屈一居士詣前問云脚痛麼師勞面一掌云非公境界師足痊遍歷諸方未到金粟渴密雲和尚密問那裏來師曰雲門密曰幾時起身師曰東山紅日出密曰東山紅日出與汝甚麼相干師曰老大大猶有甚個語話密曰我既如此你者許絡索又是那來師震威一喝便出次日進方丈密命坐師曰昨日走得今日走不得了密曰做賊人心虛師曰是賊識賊密頷之

拈云舉足下足踏翻一平世界動轉施爲運用本地風光

頌云撒手懸崖沙界空凡情聖解一時融掀翻大海無涓滴放出東山日正紅

第三十六世昭覺禪師參遍諸方後至破山處問昔僧問雲門如何是佛門云乾屎橛意旨如何山曰脹壞了我餓壞了你師曰疑殺天下人山作臥勢云老僧不參禪祇愛伸脚眠師復疑駭動靜似一個有氣死人相似一夜因倒穿了鞋脚套不上擬伸手拔有省入方丈辭山出峽參天童密和尚于萬工池一

見便問萬里趨風乞師一接密便打師一喝便行密趕上和行李打脫一日上太白頂摘柴因竹簽傷足血迸汚地忽聽椰鳴聲振山谷忽然大悟歸堂落後進方丈作禮云某甲有些快活密作聽勢師便打兩個噴嚏密打云那裏失利來者裏拔本師又兩喝密連打云翻不快活了師拂袖出復至蜀之大寧寺謁山山問你從南方走一回帶得甚麼寶物來師豎一拳山曰別我七八年一點氣息也無師曰若有氣息則不歸了山有之

拈云失利於太白峰拔本於大寧寺誠如貨賣當

時也須不離行市

頌云柳振靈臺驚海嶽喚回劫外一枝春渾然刺破虛空骨大地茫茫血淙淙

乙亥春日與文博圓鑒禪人

無文印子即吾宗心佛衆生體亦同吩咐福城鑒上座高懸肘後驗禪龍

密峰頌十首

律令森嚴至化隆君臣道合萬機通家齊國治從來事共扇淳風宇宙中

氣宇如王孰敢撓鋒鏑拉着便傷人天衢直造花陰

下得意歸來罷問程

冒雨衝風透別林百花叢裏露全身馨香翠色無相礙任運能追迨艷魂

同聲相應適天機一志騰霄詎放低時節到來忙不徹無花那有戀空枝

身如椰子量如淵方寸元來世界寬漆桶打通滋味別管教個個絕廉纖

浩氣鴻鈞非義襲高原平地信翩翩花神難禁纖腰客脚下無絲任縱橫

濟濟英才各逞能通身負藥獻功勲於中設有非同

志把定牢關不放行

封疆穩密不通風消息洞開理大同戰將如星排御級雍熙秩秩扈王宮

頻懷幹蠱日兢兢佐命應當輔化成片片赤心垂統緒毋容外侮勢相侵

入表無虞總放閒時清道泰悉相安怡然體悟家常事一桶山河傲兩間

山居十首

古岸卜幽居雲深最得宜林疎風拂霧竹密竟成籬水野通龍穴山孤鳥道危草蓬如欲卓地設自然基

葑屋結陵東徒教古徑通疎簾邀月侶甕牖飲良朋

瀑布飛空碧松聲遞韻豐終朝何所事學圃種蔬松

寄迹隱林泉窮崖野水邊支鐜和月煮枕石傍雲眠

鳥笑知村遠猿啼識異壑浮生如幻夢是以住山巔

一杖倚岩廊孤危踞上方松濤濃欲滴竹翠醉風狂

字水如仙掌羣峯列錦章席賓來化外共賞白雲鄉

俾牧衡門下烟林作四倚巉巖爲屏障野鶴伴陵丘

樹老先凋葉花豐蝶與優陶然忘世味伎隱傲王侯

散步耽春還山前萬卉妍筍抽因地煖花發向陽巔

柳岸拖金縷風梭織綿川誰能知此意與我作忘年

一陰傳夏令滿苑颯熏風細艸青還碧荷華白間紅

烹茗筵異客採藥命山童烏兔飛如箭光陰日不同
籬園蟋蟀鳴小颺送秋聲水落溪源瘦葉黃山色更
松枯如龍豎艸腐見礪橫數邇商絲曲誰將好韻賡
草絮飛如雪征鴻漸履霜六陰消息斷一線續微陽
感發侵山寺鄉關客思長從來稽古帝至日不巡方
養素棲崖壑居恒百事便充衣裁檜葉種月壘畚田
放曠登高岸樂饒有活泉買山學小隱抱拙渾忘年
壘居十首
壘市建菴居羞慚百不如凝塵風自拂室闔有蟾蜍

衲破慵爲補無心讀梵書黃牛師子輩畢竟罔儔渠
城頭吹画角聲細落來遲消息通玄府枕邊夢破時
莽簷縣皓月風喊宇前籬公案元成現當人毋自欺
遁跡臥琴臺無應世才怡然消歲月適意任徘徊
喚馬須相喀呼牛豈更嘆行藏歸造物孰敢別安排
漏俗同塵歇浮名却可埋勾身都酒肆絕跡步花街
木蓄森森貨生苗舖久開來沽須待價元不挂招牌
時暢沒絃琴立機越古歲調高驚豎役典至若難禁
妙應機先曲惟將達此心喚回山水淥幾個是知音
鎮日放悠居浮華事久除并無塵世累那有道心虛

遊

青城竹浪生禪師語錄卷七

五

紫芋充枵腹裁雲補毳袍閒來柳陌上春沼數游魚
幻質寄閒浮元無事可休長街騎竹馬短巷賣風流
肉案尋彌勒酒樓應覓牛脩然超世表佛祖位難留
金風來上苑菊蕊傲霜嬌露白凝青女梧桐葉正凋
沙鷺方振羽鶴唳九臯遙節屆催何急人情日漸澆
乾坤爲大廈化育駛如馬陰卷藏於密陽舒復在下
小人之道消君子來無假寒極雪花飛日行南至也
山河無畏榻萬象爲余枕生佛本同源應軍旅共景
羣英辭利名惟我夢先惺但以效塵居何能稱大隱

打居十首

十室烟村裏於中有俊英詠菲宜縛屋簷竹若爲城
抱義心切靜居仁身自清柴餘客易拾水近可支鑪
鹿成信有時縱廣丈餘基地間恒盤隱千泉旋鑿池
窗疎黃葉滿簷後月來遲共話松巢鶴愛居心緒怡
處世若浮漚胡爲得久出朝來彷彿暮春至條經秋
碌碌何時歇勞勞那日休百年如電拂所以息馳求
幾驗落花紅賴居山水中往來無俗客談笑有村翁
贊育雖難及持身蹈古風造坐無縫塔八面最玲瓏
谷風習習微楊柳正依依田畯初傳傲農功始動機
披星擎耒出戴月負鋤歸一度春霄至乘時助範圍

遊

青城竹浪生禪師語錄卷七

五

乘輿步南塘荷華逆順香長堤鶯弄柳小徑蝶穿芳
吸茗侵莓石論詩韻夕陽更來濠上翫魚樂鬪風狂
金菊傍籬黃西風入画堂開燠宜續火布戶禦嚴霜
掃葉防寒逼厨空應積糧一年生活計莫待急時忙
情忘百累休無事挂心頭名利難爲攝塵寰豈逗遛
時乎閒說詭徒倚翫松丘潔身隨去就不必類巢由
愚愚忘所倚洞鑒玄微旨兎角杖龍蛇龜毛繩虎兕
森羅陳舊面萬象示心髓大地如許寬咸歸方寸裏
吾居村落東村事僅相同村樂堂階奏村歌阡陌中
村田依序種村地及時攻村市沽村酒竟成村裏翁

船居十首

避名故買舟暫泊釣磯頭慣擊帆前月頻邀舵外鷗
澄清方舉櫂水曲始拖鉤運舵通三島拋篙過十洲
寓志五湖遊蘆花兩岸幽江皋盟野鶴邀月誓爲儔
漁火燒汀遠沙禽伴水流訪賢逾小浦興盡復移舟
萬里一帆通銀濤漾碧空潮聲來勢險日影映江紅
水順艫行速風調勿轉蓬澄潭雷不住別港釣獐龍
搖曳逝江濱汪洋水脈淳烟波騰浩渺遠岸峙連峒
鯽鮓依蓬動鴻音落澗潄長年垂直釣未見上鯖鱗
皎月出雲端中流竟截瀾漠歌驚野岸帆影覆江干

船居十首

青城竹浪生禪師語錄卷七

七

柳線穿烟碧蘆花宿鷺寒身居烟水外落落且盤桓
典至轉扁舟仍挨古埠頭片雲堪作餌纖月可爲鉤
易見亦魴鯉難逢稱意儵幾回欲罷釣欲罷不能休
江村添意氣任運成家計此岸喚舟人咸歸彼岸去
智愚偕携手貧富俱相濟苦海駕慈航度生爲正事
蓬蓬渾似菴舞櫂過湘南問道親漁父論心就月談
援琴歌永矢呼酒且湛酣夢入黃梁枕俄驚燕語喃
雪夜江城闌瑩然境亦隆風清水似玉露冷樹愈豐
閒寂無人語嘖呻有澤龍海天皆一色罕遇打魚翁
歷遍海雲鄉日歸見歲陽縱橫知水性清濁識滄浪

打鳳翠收訖羅龍網不張御風歌欸乃仍復隱崖廊

青城竹浪生禪師語錄卷七終

七

青城竹浪生禪師語錄卷七

雲峯體宗寧禪師語錄

清·體宗道寧
續清等撰編

雲峰體宗寧禪師語錄叙

體宗先兄和尚悟真履實道德之風洋溢於蜀黔甚久德下於未雍涂初竊響慕之欲求為披剃師而不可得易莽大吼遺聞諸兄親炙鍾拂之下而室中皆不肯可康熙甲子秋蜀東南亢旱予於華岩散衆逆流而上禮吾兄之塋衆畱結冬乙丑春解制衆又畱結夏時予乃問諸知事云先兄開法於斯幾二十年語錄何在監寺遂舉以示予捧讀再三而不忍釋遂命諸梓蓋先兄不喜人記錄其語亦不許刻行隄岸甚牢故其入寂滅定十餘年而此錄猶未流通予不

忍埋沒先兄數十年之赤心片片與夫悟真履實之

光明舍玉其誰與顯

康熙乙丑歲孟夏浴佛日華岩法弟德玉謹叙

序

晉波若多羅觀震旦國有大乘根器所以壁觀婆羅門航海而來直指人心見性成佛名曰教外別傳殊不知多了一番事何也咄大地衆生本來清淨何用指爲不見道心佛及衆生是三無差別數百年來許多血氣男兒入其總續支派繁衍而返曲別傳之旨者不甚枚舉惟我得戒體宗寧和尚自負萬峰破山師翁鉢袋隱逸多年初有不出人前之語順治間蜀南瀘陽被一班好事宰官紳衿縑素請主方山雲峰禪院迫不得已披杖而應接納四來一味惡辣鉗錘

剿絕纖纖只教生蛇脫殼青鳬化鳳師戊戌六表大年徹生詣座圓具曾遭毒手脫皮換骨另具一隻眼始知山河大地草木叢林頑石土塊盡屬吾人心垢也時奉昭覺本師命下嘉禾刊錦江燈錄附藏流通有法兄湛一將師語錄藁自蜀遠寄命生壽梓不敢相違爰抽路費之餘刻入楞嚴經坊行世以報恩於萬一云

康熙乙亥正陽佛誕之吉青城法姪徹生薰沐敬撰



嗣法門人續清等編

青城法姪微生梓行

順治九年三月十三日川南道吳公謹登啓暨闔郡

士庶等請師住瀘州方山雲峰禪寺

三門十方無壁落四面亦無門且向甚麼處入卓

拄杖喝一喝便進

祖師九年冷坐禪出私門至今不了殃及兒孫一

辦黃檀觸碎鼻根

佛殿喝一喝云佛之一字吾不喜聞如今事不從

已覩面相逢不免將錯就錯大展三拜

方丈法空爲座毘耶爲室一任沒量人來到此易

形改志

當曉小參道真常而不渝事因時而自變當馬祖

百丈法幢重建大振宗風如官商角徵無不俱作及

近代以來叢林寂寞纔是黃鍾大呂音響香絕佛日

下衰幸遇蘭臺吳公德布川南弘護聖教請山僧住

持此山激揚斯道起已墜之風作將來眼新雲峰有

一韻不落官商曲調試問諸人還有善和者麼一僧

出作禮師作聽勢云依稀似曲纔堪聽又被風吹別

調中喝一喝下座

結制上堂師詣座云燈王寶座不立纖塵大眾見麼

其或踟躕未免撒沙撒土去也遂陞炷香云此一辦

香臥雲眠月冒雨經風本自天然不從人得熱向爐

中供養三世諸佛歷代祖師惟冀新新恒泛渡人舟

念念常懷未了願次拈云此一辦香三賢莫曉十聖

那知昔日埋沒塩壩堆頭今朝拈來人天座上祝延

今上皇帝萬安滿朝文武闔國公卿遠近檀那現前

大眾惟願堯風再扇舜日重明再拈云此一辦香萬

峰十載歷盡艱辛火爐頭邊親蒙付囑熱向爐中供

養見住夔州府梁山縣萬峰山太平禪寺傳曹溪正

脈三十五世破山本師明和尚用酬法乳之恩敘衣

趺坐上首白槌云法筵龍象衆當觀第一義師云不

沐烟波不挂旛日長無事睡駒駟翻然來作孤舟客

惟喜金鱗上釣竿有麼問答罷乃云昔年古寺成幽

葩今日翻爲選佛場朽柱敗椽齊側耳泥團瓦礫盡

生光如是則知盡世界山河大地草木叢林纖毫縷

結塵塵剎剎一時成佛去也衆中還有心空及第者

麼一僧出作禮師云將謂拋磚引玉原來只引得箇

土鷄子上首結槌云諦觀法王法法王法如是下座

上堂問如何是第一義師便打僧大笑師復打問知
何是雲峰頂師云雪霽山頭雲漫漫進云如何是深
深處師云溪聲流處水潺潺乃云此事若向鐘鼓未
鳴以前薦得畧較些子只待登曲朶木桃桃達達轉
沒交涉何故是法不可示言辭相寂滅

上堂事存函蓋合理應箭鋒拄去此二重關佛眼觀
不着惟有拄杖子全身能擔荷卓一卓云今日錯下
註脚

上堂問不落昏沉不隨掉舉目前歷歷明明未審是
學人八處否師云脚跟下好與三十棒進云古人道

吹毛用了急須磨且道吹毛作麼生用師便打乃云
若論第一義諦了無可觀既無可觀亦無可說無觀
無說盡大地無一絲毫頭障礙無一絲毫頭分別雲
峰只得向第二義門聊通一線以拄杖畫○云大眾
還知麼一僧云還有者箇在師云不因樵子徑爭到
葛洪家

新戒請上堂戒慧定三無漏學空假中一性圓明然
雖如是金屑雖貴落眼成翳若向者裏見得徹去花
街柳巷皆爲淨戒如涉鐵疑十重四十八輕一齊俱
犯

解制上堂問語默步維微如何通不犯師搖手云犯
也問昔日世尊拈花迦葉微笑今日和尚不拈花學
人不微笑以甚麼作將來正眼師豎拄杖云會麼進
云紅日東升方覺曉兩重公案一拈花師云莫妄想
乃卓拄杖云莫謂者裏沒生涯驀地相逢盡是他堪
憐逐臭尋香者誰能謝卻眼中花若是眼裏無花且
道燈籠與露柱國額三門騎佛殿升堂雪霽山拱手
三堆子點頭又作麼生不見一法卽如來方得名爲
觀自在

結制上堂問穿衣喫飯的是誰師云難道汝自己也

不識僧禮拜乃云十月十五聖制方來衲子齊立雲
峰本無一法看來物物皆地且道蓋子落地碟子成
七片汝等諸人作麼生會一僧喝一僧走出法堂師
復云可憐不是當家子孤負蒼蒼兩道眉

上堂問應物現形如水中月作麼生說箇現的道理
師便打問十方同聚會箇箇學無爲今日上堂是有
爲是無爲師豎拄杖云試定當看乃云是法無形通
貫十方目前現用人信不及便乃認名認句向文字
中求意地下卜度天地懸殊卓拄杖云雪上加霜
上堂問雲峰門庭卽不問如何是堂與中事師云你

即今在甚麼處。僧喝師云：堂裏也不識。問：禪牀上喝散白雲。心地中掀翻大藏。請問證據在甚麼處。師便打。乃云：朔風颭颭，沒遮欄。吹得人毛骨寒。就裏一點藏不得。只爲當人作境。觀所謂熱則普天匝地熱，寒則普天匝地寒。舉僧問古德：學人被寒暑相侵，向甚麼處迴避。德云：寒時寒殺，開獰熱時熱殺，開獰雲峰。今日不然，寒也寒不殺，熱也熱不殺，却被伊瞞殺。上堂問和尚：尚未出方丈。學人早已領棒了也。未審如何。是陞堂意。旨師云：再與二十問。呆口當空時如何。師云：脚跟下橫三豎四進云：不識路頭窮如何。師故

卷之三

五

五

鄉師打云：過乃云：道契則鄰不在，身近居見聞之地。見聞莫能及處，思議之際，思議莫能測。雲峰今日不忍杜口，只得無言說中顯言說，無方便處設方便。所謂言發非聲語，不干舌治世語言。資生業等皆與實相不相違背，不立有無一句，作麼生道。撒手似君無一物，徒勞說數千般。

解制上堂問出將入相的人，如何曾待師打。乃云：拈提豎拂，土上加堆，結制安禪，無繩自縛。自從今日始，不以佛聖爲師，隨處作主，遇緣卽宗。脚跟下不被草鞋瞞切忌，三千里外逢人，不得錯舉。

結制上堂問：杖頭有眼，明如日。如何是杖頭眼。師云：瞎進云：不會。師卓拄杖云：且向者裏着。乃云：今朝十月十五，無端打動法鼓，露柱燈籠出班，画壁粉牆作舞。看來多不着，便不如且退長連牀上，各自嘴盧都復舉教中云：若見諸相非相，卽見如來。古德云：若見諸相非相，不見如來。師云：一人掘地覓天，一人將曲作直。雲峰道：山河大地塵塵刹刹，歷歷分明。那箇是如來。

上堂問：屏却咽喉唇吻，如何道得親切。句師便打進云：恁麼則瞎却天下人眼去也。師復打云：瞎却汝一

卷之三

五

六

箇乃云：冬月初一日，隆寒滿大地，覷面不相饒，豈能避得及。避不及，就裏幾人能管地。

上堂問：猛虎以肉爲食，因甚不食其子。師云：自肉食不盡，問古人覷桃花，得悟今人覷和尚拄杖，因甚不悟。師云：捧上不成，龍乃云：殺佛殺祖，本分爲人行棒。行喝節外生枝，所謂肥邊，易得瘦處難求。欲知恁麼事，須是恁麼人。既是恁麼人，提持恁麼事，便能隨處村歌社舞，那管舜德堯仁，以拄杖劃一劃云：還委麼。麼龍袖拂開全體，現象王行處絕孤踪。

上堂乃云：大地飈寒，霜灼灼露晴光。只因資薦悼陞

坐爲舉場茲乃本空上座薦弟天龍徐公且道徐公

即今何在驀呈拄杖云會麼在山僧拄杖頭上現大
人相示無住三昧若此見得過去不滅未來不生現
在無住三際平等一性圓明遊戲天上人間信步三
途六道去來無礙縱橫任性不離此箇三昧若涉纖
毫即落陰界還知麼隨順世緣無罣礙涅槃生死等

解制上堂問下元結制上元解制結即不無解後現
前大眾曰甚麼處去師云頭頂是天腳踏實地進云
甚麼則空空焉焉去也師云只恐不是玉是玉也大

奇乃云陽氣新添春日長紫燕聲聲透西梁分明底
物不相借有何佛法可商量

結制上堂問連對兩單人幾箇是知音師云是你不
知音僧便喝師便打乃云千丈時節強安禪柴米油
鹽事未便雖見若空真寂寞千古靈機尚宛然驀呈
拄杖云者箇是拄杖那箇是靈機向者裏明得始見
自己立地處即見三世諸佛歷代祖師立地處盡世
界山河大地明暗色空四生六道九種十類塵塵刹
刹立地處可以攝大千沙界於一微塵於一毛端現
寶王刹一道平沉方間無際若信不及業識忙忙終

無了日擊禪牀下座

解制上堂問一喝分賓主學人已喝了且道那裏是
賓那裏是主師云賓主歷然僧喝師便打問九旬期
畢如何是末後句師云福建人喫荔枝乃云三年聚
首事無不知冷眼看來一場敗闕於中檢點得出亦
任七縱八橫檢點不出常住裏有飯有粥

拙溪那太守薦嚴請上堂問數年尋人當面錯過而
今尋着乃拉不脫時如何師云腦後欠一槌問喫茶
打溼嘴喫飯沾牙齒還有叅學分也無師云有進云
也是鉢盂安柄師打問人生有形有相死後無取無

支那

支那

八

影即今亡者在甚麼處師云雪霽山頭雲現嶂進云
和尚莫瞞人師云是汝自瞞乃云來今不觸張王姓
去也何隨秋與冬分明一具黃金骨無奈時人逢不
逢驀拈拄杖云還見聞源熊老大人於山僧拄杖頭
上放光現瑞橫來豎去出沒自由證無相三昧也無
若信得及不惟報達現前父母且天恩地恩君恩師
恩過去父母九玄七祖一時報畢復卓拄杖云還知
麼無邊刹海隨遊戲妙高峰頂任往還
住江安縣蟠龍寺

結制上堂問選佛場開人天交集凡聖同叅佛法充

滿現前佛法卽不問如何是蟠龍重新一句師云潛水灣灣藏龍窟紅崖迥迥宿雲窩問古人拈花示衆卽今和尚以何法示人師云滿眼滿耳乃云靈瑞優曇甚妙哉昔年開過又重開人人於此常游玩一段清香風送來如優曇鉢華時一現耳若知諸佛義當觀時節因緣時節若至其理自彰以拄杖卓一卓云下坡不走快便難逢

上堂問古云不生不滅既不生滅別去三周今在甚麼處師云春寒四十五進云寒後作麼生師云清明佳節來乃云無住僧尼去路甚奇魔宮虎穴左之右

之以拂子拂云於此現身說法不可思議若向者裏薦得同遊寶明空海來去自由縱橫無礙其或沉吟終日忙忙無本可據

解制上堂六十三人行脚逢緣且住六春將謂一場好事誰知禍及私門大衆且道行的是住的是良久以拄杖打圓相云啼得血流無用處不如緘口過殘春

上堂問細雨濛濛點法臺雲峰此日復重開以手打圓相云且道者箇還有向上事也無師云有僧拂坐具云者箇是甚麼人境界師云兩重公案乃云大道

現於目前翻爲名相之境前塵分別是謂意根以法爲體是謂法身神而明之存乎其人暮呈拄杖云仁者見之之謂仁智者見之之謂智

法衣至上堂問徧界未曾隱諱毫端時現優曇多子塢前秘授何法師云一人傳虛進云恁麼則普天匝地一時成佛去也師云十人傳實乃云黃梅夜半親傳授大庾嶺頭提不起今日分明在我肩了無別法示諸子

住南溪縣開元寺

結制小參問鐘鼓頻敲聲聲不絕龍象整齊請師答

話師云祇爲分明極進云兩眼對兩眼師云翻思所得遲乃云大道本現成人人不覺知且現前諸物各不相到各各不相知早已露頭露面了也汝不自悟取我求實正謂飯糲裏餓殺洋子江心渴殺將佛法別有奇特經論中穿鑿公案上尋討求玄妙認他門頭戶口向意地下卜度知解上安排殊不知轉追轉遠苟能一旦知非一一放教乾乾淨淨思量觀察忽然看破始知本命元辰落處十方世界都是箇自己更有阿誰行住坐臥盡是本地風光咳嗽揮臂也是西來大意終日騰騰任運出入自由無淨無

染要行便行要坐便坐更莫遲疑倘信不及被目前境界奪去攀緣妄想無有了日逗到生死際頭眼光落地毫無主宰隨業引入閻羅案前喫鐵棒莫言不道

解制小叅僧以坐具打圓相云三世諸佛出不得者箇格子還有出得者麼師云布袋胡孫進云蝦跳不出斗師云果然問世尊拈花消息被學人看破師云試道看僧舞坐具師云識神變現問百尺竿頭如何進步師卓拄杖云會麼僧禮拜乃云囊括終古道達羣芳亭毒蒼生疎而不漏安禪結制無繩自縛見性

成佛好肉剗瘡若箇靈利衲僧來問老漢在者裏作甚麼呵呵大笑云不在打草只在驚蛇

結制小叅問長安風月貫今昔爲甚麼立雪乞安心師云爲你多事乃云今日結制來上堂但添爐中一瓣香觸碎諸人箇鼻孔能有幾箇不着忙不着忙者只得一邊如何是那一邊試道看維那舞坐具師云鄭州出曹門卓拄杖云豎起蒼蒼兩道鼻孔依然向下垂若不返觀內照徒勞朝叅夜叅正如窮子衣藏珍寶而自不識將謂佛法甚是奇特窮高極遠似掘地覓天苟能知非向根本上做去好不

是根本善念惡念經行坐臥穿衣喫飯頭頭上顯物上彰何等親切還委悉麼是法住法位世間相常住

本師計音至拈香云者漢無情生來做物不承覓尼打人入骨佛祖命脈全然不顧今之古之少人檢錄我雖嗣伊不墮其數還委悉麼一年一度燒香日千古令人恨轉深

落堂古人進堂三五日了明大事即今衆兄弟若有相應者山僧與你證明如無且向十二時中穿衣喫飯經行坐臥屙屎放尿處看是甚麼道理欲明此事

直須痛念生死深懷慚愧要心清淨自然正念現前疑情頓發如一座山觸在面前宜猛着精彩深錐痛剗孜孜切切行不知行坐不知坐自然有箇相應倘若挨排度日如水泡石終無入處老僧於般若緣分素薄入道年晚三十有五纔見本師誠恐此事不能攝每夜經行廊下那箇柱上不撞一頭那箇壁間不靠一靠如此尅苦數年纔得相應依師十載無行不行無事不執二三十年來頃刻未嘗放過至於今日畧得自由所謂憶昔當年騎竹馬兒時做出老知羞師云三界唯心人天本具若不明心焉能知道若明

自心是名開佛知見一機一境大用現前見色聞聲全體獨露頭頭上了物物上明天地不能蓋截萬象莫能覆藏一道清虛靈光湛寂如此見得當下知歸情存限量落於見聞擬議思量白雲萬里還委悉麼大千沙界海中漚一切聖賢如電拂

師云凡做工夫多被昏沉掉舉奪去所謂昏沉厚重難以策發掉舉猛利不可抑伏貪癡熾盛觸境難調直須猛着精彩端身正意不依氣息形骸但觀自心清淨本自不生外無少法可得如是漸漸調淳浸之既久沃之以熟自然觸發如拾舊物開門見山無不

明了正好買草鞋行脚倘若氣質羶浮善根微劣於此事信不及疑情不生若不生疑難以進道所謂小疑小悟大疑大悟不疑不悟大發疑情自然徹去若疑信相半依稀混過眼前日子直到生灰際頭做不得主七慌八亂悔之何及還知麼努力今生須了卻莫教永劫受餘殃

師入堂適遇眾禪師向火師云向大火熱大禪不知幾人得大意一眾無語師舉火筴云日間開炒炒夜間開炒炒一段大光明當面錯過了

機緣

師舉安祿山因緣維那呈頌云不見有假何處是真刀斬泥人血氣腥腥師接得復徵云是一箇是兩箇那禮拜了依位而立師云也是團圓吞棗子

一僧呈頌云寶劍從來斷不平用時誰許較疎親當陽一斫無回互瓦礫泥團盡喫驚師徵云上座將甚麼作寶劍僧便喝師和聲便打

師入堂舉僧問夾山如何是夾山境山云猿抱子歸青嶂後鳥銜花落碧崖前後法眼云我二十年只作境會師云法眼恁麼道大眾作麼生會一僧喝師云與麼還未見法眼二十年後誰訛處在便歸方丈僧

次日詣方丈請益云和尚昨日公案學人到者裏有箇見處師云試道看僧云猿抱子歸青嶂後青山巖歲還依舊鳥銜花落碧崖前綠水滔滔逝遠川師云者箇是錦上添花僧云若然者卻孤負夾山師云夾山在甚麼處僧撫掌一下師云未在僧拂袖便出師入堂微密維那問有一羅刹手執鐮叉專要殺佛害祖和尚作麼生回互師合掌云善哉那即瞋目擎拳作執叉勢師云好箇捷疾鬼那作禮而退二僧纔到卒然求見師云道得即見其僧不領憤然勇進師云道道僧一喝師云者箇是風力所轉僧桌

上一掌師亂棒打出

師看病僧問云如何是臨終不亂意師舉拳云向者裏會得自然不亂僧云不會乞示一偈師展掌云一舉舉出莫亂妄想擬議思量翻成巴掌
除夜師云年年有月日日有夜千古意分明如何自不徹徹不徹紅爐點片雪鋼鏘着生錢
年盡名臘月月盡三十夜戶戶挂門錢人人燒柏葉如是而見知何處有分別萬古長空一朝風月
年盡三十日無常迅速急若過此關者日日是好日時時是好時且今夜香燭滿筵僧眾濟濟還有過得

者麼試道一句看有僧一喝師云也是赤土塗牛奶頌古

世尊初生

初出母胎脫體張指天指地口喃喃縱然獨步羣芳外一身猶恨不能藏

雪山成道

纔到雪山先已錯何須冷地六年坐明星一點刺雙眸魍魎魍魎白日過

達磨見武帝

披肝露膽見梁王一語難投客思長不識元來無聖

諦漫將蘆葦渡清江

丹霞燒木佛

十方世界一團冰寒極洎乎凍殺人木佛燒來通身暖躲根禪客沒昇尊

本來面目

靦面承當本不差芒鞋踏着是生涯珠迴玉轉憑誰力切忌毋添眼裏沙

女子入定

禪非坐有定無自性文殊罔明均皆一頓國師三喚侍者

平地起孤堆無風翻白浪一片老婆心令人生伎倆

倩女離魂

隻不隻來雙不雙微塵剎海亦能彰隨緣不覺露些子千古令人恨轉長

諸可還者自然非汝不汝還者非汝而誰

終日尋春不見春等閑撥破嶺頭雲扶筇忽到荒郊外只見枝頭滿十分

見見之時見非是見見猶離見見不能及

見見之時見非照明暗色空俱不到見猶離見見非真楊修一覽便知妙

傷

示半偈禪人

雲瓢酷暑走天涯將謂其中事有差萬象森羅常覲面闡黎切莫眼生花

示復初禪人

闍黎本是共家鄉佐助雲峰樹法幢今日與君分指去報恩祖道又重光

示天運上人

目前蠟燭透雲霄陣地光明豈肯饒若是尚留觀聽者小羅石在太和橋

示無波大德

古佛洞中真箇古平天花甲難窮數常將心眼示時人珍重時人宜薦取

示三宗上座

從予聚首十餘年一段光明絕妙玄今日家風非昔日莫教狼籍落人間

示純白禪人

江風一葦透長安星月光寒天地閒嶺畔子規啼未歇聲聲相送竹牕前

送象崖法兄歸闕

春風密密定無移放出優曇第一枝昔日雪峰觀毘處家風依舊任提持

哭四維法兄

好枝曇翼正芳菲風雨無情實可悲自古樞機原不動無端色相在春歸

夢人請說法

旃檀纔熟玉爐烟朵朵祥雲飛白蓮觸碎娘生箇鼻孔幾人成怨幾人懽

示月參上居士

箇事如何舉似伊電光石火較猶遲若於棒上生刺

棘錯過鋒前第一機

示牟居士

生死關頭一點疑眉毛厮結合如斯忽然踏破漆桶子滿目青黃又是誰

僧無瑕請師方山住靜泉水乾枯師云我與此山無緣次日甘泉淙然而出乃為銘曰

方山靈泉

埋沒多年 高卑任注 不僅菴前

人去水去

人還水還 隨汲多少 任器方圓

飲者沐者

可知恩焉 非我檀那 長遠心難

重修萬壽寺引

大垠城東古寺頽屋破墻穿勢若危堂堂露出真金
相颯颯風吹草木歲阿阿告檀那大家發帑來相
助福祿如山不較多

次我劬樊部臺賀師壽原韻

聚頭十載豈無言吞吐饒君一勾先翠竹心光常自
鑑溪聲法語在當然神丰凜凜嚴如雪氣宇昂昂志
益堅莫謂塵中無異客祖師圖上有燈傳

紅崖次伯府侯公韻

幽深曲徑路橫斜老樹能開幾色花翠滴且憑天賜
露香馨惟覺世紛華峰高倏有涼生面林鬱渾忘鳥

支那

支那

十九

道賒踏破白雲窮極目方知孤迥別人家

避秦有感

世道臨秋晚中華被亂風人心到處險物理勢難通
共話牕前竹借居嶺後楓未逢穿耳客若箇話西東

聖水寺

招提名聖水殿後涌露泉冷冷千年澤涓涓萬古寒
源頭充屋角餘派入支川晝夜潺湲逝誰能不受瞞

觀音草

無住觀音處處現身淨水一瓶芳草青青無風自動
刺人眼睛想是定中無別事又來草上展精神咄

雪霽山

九十九峰爾最奇聳然獨秀峭巍巍從來不借陽和
力六月炎天有雪飛

白塔

玲瓏壁立插青天影落長江魚畏餐多少遊人不具
眼臨風盡把作表看

天池

山頂名池天設成長年湛湛白澄清時邀皓月頻來
往吞納森羅詎有心

牛山

支那

支那

二十

臥月眠雲不計秋天然圖畫孰爲儔分明頭角全身
露往往牧童誤認牛

迎水寺

一江波涌挂珠簾麗錦分文盪碧天古寺不消重造
像水流說法在當然

玉皇洞

數仞巴焦石挂峰團團中隱紫微宮風烟日月俱不
到幾箇男兒識此宗

響水灘

朝朝響水被人嫌誰信聲聲洞劫前直示與人肝膽

句毋將喚作老婆禪

觀音石

拳頭大石現觀音草木橫披露一身縱有見聞如幻夢幾人到此肯相親

興佛寺

古佛久淹不計秋野花芳草似荒坵從今高豎法幢去鼠糞無教傾佛頭

苦雨

陰雨深沉霧不開淋淋滴滴動人懷天機歷落從空降點點靡從別處來

水車有感

機心纔動一輪周陸續相依逐上流惡水平空綜亂潑幾珠顆顆出雲頭

桃花

春風一颯樹頭寒幾片殘紅落檻前翻憶雲雲得力句從教千古漫流傳

中秋

盡謂中秋月清光滿大唐者樣現成物何必更思量

葵花

百卉叢中占玉堦全無枝葉自成才秋風秋雨難移

志一片真心向日開

書問

復川南道吳公

諱登啓

近時士大夫談禪如道火何曾燒着口且喜檀越身居榮位志切山林法門深幸也來論求一棒自揣凡骨不能承受俟水落石出或可親見本來面目耳檀越不得話作兩概且道一棒與本來面目是一是二若是一何故凡骨不能承受若是二又非本來面目矣於此檢點得出做官即是做佛若檢點不出做官依舊做官承賜鼎餽飯僧敬此致謝

荅瀘陽衆居士供法衣

衆居士送法衣與雲峰則雲峰無可受衆亦無可施無受無施實爲無上福田矣若此信得則人人受福無盡如信不及却被衆裝瞞了耶謹此云謝

太守邢

諱夢鶴

下車以詩問師

方山老衲住雲中拄杖崖巔對曉風片片桃花相間逐不知何處覓芳踪

荅邢

府尹次來韻

老病相隣臥室中誰知千里有同風長江如練天如洗幾箇於斯認影踪

太守邢公請薦嚴啓

先嚴見背念有餘年回憶音容而今如在雖空膏於下地猶抱恨以終天蜀嶺雲高陟岵瞻之不見峨峰雪滿居廬望之猶寒敢呈茹供於當前因求法言而主世存歿感佩永矢弗忘謹啓

荅袁鄉紳

一粒米重如須彌山尋常只把作話柄誰知遇亂世荒年親證於此今幸檀越打開寶藏滿盤傾出色色鮮明顆顆香潔實爲大施主矣鉢盂兩度涇毛孔七日香猶是化門語也楮謝不盡

荅邢府尹

幾番過貴治擬欲登龍一晤恐其悞正是以爲教得展飛輪開函閱竟始知現宰官身提實相印優游於物外真火宅中道人也喻云久較風幡山僧不知六祖道非風幡動仁者心動幡動心動亦皆是動試檢較看肅此申復併謝不宣

行實
一日衆人方丈請示行實師曰生來資質闇鈍錯用工夫恐誤後學衆曰從上諸聖皆有來由和尚慈悲以示來學師曰我係瀘州父姓李母趙於戊戌年六

月初十日午時生先夜見日光照室母對父云房中自來暗何故日光來照父亦不知一歲父喪七歲時見牕前人影驚疑人生有此影人死影歸何處在山土崩在水水流又在何處自己怕生死呆呆十餘日母罵曰此兒養惹了混於羣兒隊中頑滑忘了此境凡自己行見風搖木作聲此境現前十五歲白母出家二十五歲遊歷講肆三十五歲雙桂老人乃問學人痛念生灰乞師開示老人曰汝作法師經中種種方便還要我方便予云佛之方便雖多不知那句得力老人云唯佛與佛乃能知之知箇甚麼予云不會

苦參七箇月忽然病目數夜未睡象崖云眼以睡爲食何不睡覺粥後睡至午時柳聲驚醒方纔伸脚如登脫一塊大石不見山河大地殿宇房舍惟見一段紫光少頃不見通身慶快兩眼如舊對相知說象崖云此是識神變現不可取着從此妄想不生工夫做不上清清冷冷四十餘日從前經論公案零零碎碎不知悟了多少一日止靜維那分咐香燈不可放宜與童在佛前你只說他是泥塑木雕予不覺踏翻漆桶大汗如洗至開靜進方丈白老人云學人昔時聞說無一物信不及果然今日無一物老人云你無一

物者一問從何處來予云和尚從何處答老人微笑
予作禮老人劈頭一踏云石人腰帶老人住中慶予
職維那一日陪客喫茶二僧從內江過有一僧化緣
說是堂中人傍僧說和上那的也有人予云你不知
偏大地是箇和尚老人云你不曉得那箇是真和尚
予云還有箇真假在老人云汝還辯別不出予不覺
慚愧失色爾後云若知真和尚大衆請喫茶少頃老
人引話道饒州燒磁器袖子在黃山出有兩樣惟
家識得者箇石將來塗坯才袖若不識此石怎得袖
予當時疑悶一夜至天明偶然透得者公案早粥畢

老人落堂云往年有供養沒好僧今年有好僧沒供
養予鼓兩袖而出老人云謝供養依老人十載不離
左右日聽玄音一日解制老人將源流拂子萬峯院
事付囑予辭曰學人屢生福薄現居學地敢當大任
辭脫院事出萬峯今日因衆數數逼我不覺露出者
一絡索不知臉皮厚多少一衆禮謝而退
分燈

藏舟普澤禪人

從來義虎出西川數載相依非偶然大爐句子親叮
囑任君倒弄與顛拈

清素德訥禪人

再來人物不可知一語投機卻便歸拂子一枚親授
受家風原要汝扶持

嘯虛性空禪人

予事萬峰十載餘性空志節倍於師因緣相遇難迴
避紹續楊岐第一枝

澹玄方瑤禪人

南泉尋指一株花舉示時人如幻夢信手拈來贈似
君開黎從教機先用

微密道深禪人

行脚曾經二十年雲峰始售草鞋錢住山莫道無山
住火種刀耕總聽緣

湛一續清禪人

從來佛法無多子莫謂久常難得人今向火爐分半
偈渠儂亦任展風雲

佛事

爲寶珠火

寶珠大德自性殊絕今朝歸去光圓滿月映還識路
頭麼烈火焰中明皎潔擯下火炬

爲明脫火

明脫明脫到處快活一道圓明秋光閃爍老僧助汝一把火赤條條紅灼灼五色雲中飛一鸚

爲海澄火

曹溪春碓背負石者僧全用一身力見諦頓超衆行門火聚之中知端的

爲微密火

四大本空五蘊非有任緣而去無可不可攬火炬云吾今相助光明幢猛火聚中淨鞞鞞

爲三宗火

汝年六十七戒臘四十三今朝歸去也光射斗牛寒

以火炬打圓相云夢幻空花畱不住大千沙界任往還

爲三空火

生年七十七行業皎如日打破生死關清光照天地老僧更助汝一程火光三昧恣遊戲

爲參己火

參己禪人操履已畢得路便行三界遊戲撒火炬云

爲雲封火



生號雲封死則火封生死去來不離其中然雖如是

只得一通吾今助汝一把火燒得淨鞞鞞絕羅籠

雲峰體宗禪師語錄終

玉泉其白富禪師語錄

清・其白
圓德富
頂富
等撰
編



其白和尚像



贊

河岳之鍾生而穎異離毀知歸性成非習既而錫翻
義海喝碎禪天臨濟真燈於焉以傳道唱下泉塵揮
錦水三十餘秋德音華美鶴林示滅海暑流金全軀
未散定力愈深余以是仰師之道非去來今

香國後學寮堂法秀拜題

法秀

寮堂

蟠龍山玉泉其白富禪師語錄叙

通於教者得清淨口辯才輪通於律者得清淨身神
通輪通於禪者得清淨意無礙記持輪又教明權實
律建開遮禪知縱奪自利利他不假勉力而自綽綽
然有餘地矣其白富禪師德玉四十年前于戈隊裏
得益之友慈航老人之徒早通般若法華等經繼而
棄教學大如律主之堂無何又入昭覺吾兄之室嗣
二金彰階陞次第信再來人也得法之後時至理彰
龍天四眾推上寶華王座建立法化遂有上堂小叅
法語拈頌廣錄離爲三卷其提唱宗乘實從不思議

胸中流出并無穿鑿依傍等疵誠有金鏡挾翳點鏡
成金手眼然而所長身體力行非文字紙墨中所能
載者教耶律耶禪耶階陞次第耶並化門應迹之所
彰顯不盡者宜另具一隻眼

肯

康熙三十四年補天穿日華巖德玉敬撰

德玉

敬撰

序

原夫大道太無名待人行之爲妙至人不居方臨事能之爲然所以淳沱一脈代有其人臨濟三十四葉茂發天童枝榮十二爰我萬峰破山師翁得其一焉于明壬申間負密祖塵拂回蜀宗風不振布幔天網打鳳羅龍十方衲子望風披靡俾人人鼻孔撩天腳踏實地日闢百里道化益隆自蜀而至秦楚滇黔碁布星分插竿相望不勝枚舉復分一枝落於昭覺本師丈老人派亦繁衍唱道諸方本師再分一葉於龍山玉泉法兄其白富和尚高懸赤轍整頓時機吾

玉泉其白富禪師語錄

兄三慧齊脩三學俱煉有時十字街頭教演三乘有時孤峰絕頂拈提向上有時和光同塵大展毘尼故所謂至人不居方在臨事而能之爲然也雖有上堂小參頌古法語等偈禁之槩不許錄而有門人數輩私竊而記成帙乙亥季春琰瘡琳瘡二法姪負藁東下嘉禾剗剗入於楞嚴藏室壽世予於癸酉秋奉本師命刊錦江燈錄附藏流通事竣云歸琰琳二姪見示佳藁兼以問序予乃樗櫟之才敢充棟宇望墁之業詎陳璫琢以吾兄今世門頭猶有下筆處若論向上一著文不加點于聖出頭正眼難覓何處下手請

諸方高明者代一轉語看
告

康熙乙亥浴佛日青城法弟徹生沐手敬撰



玉泉其白富禪師語錄

玉泉寺其白富禪師語錄目次

卷上

序二

上堂

卷中

上堂

小叅

晚叅

示衆

法語

機緣

像贊

卷下

拈古

示偈

開示

普說

分燈

頌古

行實

書問

禪著

佛事

壇銘

附融徹頂禪師語錄

目次終

玉泉其白富禪師語錄卷上

嗣法門人圓頂等編

康熙乙丑冬結制期主張慧心及紳衿士庶請上堂詣座云倪座孤高遽日登當陽涌出太無情一條白棒鋒銳銳權實雙彰貫古今遂登拈香者辦香雪山六年撫育少室九載繫興熱向爐中供養釋迦文佛歷代祖師伏願佛日光輝宇宙法輪常轉娑婆大拈云者辦香胚胎萬象化育兩儀熱向爐中祝延當今皇帝聖壽萬歲萬歲伏願劫外坤維榮金枝於海宇寰中日月懋玉葉於蠶鼓再拈云者辦香胚

玉泉其白富禪師語錄卷上

玉泉其白富禪師語錄卷上

釋大化之初秀發九重之上熱向爐中奉為本省當道尊官伏願以仁以政漲福海之波為瑞為祥壯皇圖之壘末拈云者辦香觀着則眼枯觀着則臍裂昔年不動軒前一句承當今朝玉泉院中當陽拈出熱向爐中供養現住昭覺堂上本師上文下雪醉和尚用酬法乳之恩伏願人人悟拈花的旨箇箇得安樂法門斂衣敷座上首白椎云法筵龍象眾當觀第一義師云第一義莫擬議誰是箇中人出班證據看僧問少室家風五傳而至曹溪支分派演門庭雖異根本無殊正恁麼時頗聞指示師云無文鍊印向空拋

進云三要印開朱點窄未容擬議主賓分如何是臨

濟下事師云陸地起波濤進云鋒前有語離情謂格外玄機孰可親如何是雲門下事師云杖子踣跳上青霄進云君臣道合時雍泰回互機全不露鋒如何是曹洞下事師云無影堂前鳥道玄進云一顆圓明無向背當陽拈出有多般如何是滄仰下事師云徹底神鋒千古鳴進云綠水青山全體現森羅萬象笑顏開如何是法眼下事師云箭刀投處四壁空進云臨機有卷舒觀面無回互和尚門下又作麼生師云吾無隱乎爾進云可謂水歸巨海波濤靜月到蒼梧

玉泉其白富禪師語錄卷上

玉泉其白富禪師語錄卷上

二

氣象閒師云不勞重說偈言僧禮拜乃云玉泉今朝開爐另展一番鉗鎚不許退後進前那容畫符相對逼拶當人無避處還有心空及第無若能歸也則天青地謐海晏河清諸佛景仰不及羣霸稱贊靡由正當恁麼時如何施設東南西北塵沙國縱橫無處不通風舉雪峰示眾云世界濶一尺古鏡濶一尺世界濶一丈古鏡濶一丈玄沙指火爐云者箇濶多少峰云如古鏡濶師云一大老恁麼醅醋甚是分明檢點將來未免被人勘破何故一人傳虛萬人傳實結椎云諦觀法王法法王法如是卓拄杖下座

上堂觀面揮開不二門聖凡情盡絕疎親勾章疎句惹風雨塞壑填溝爛葛藤只如高揖釋迦不拜彌勒是甚麼人良久云九旬禁足今朝始剝取蟠桃不老人

懶石佛冤問潮衆法兄請上堂僧問大地衆生都是閻浮世上客未審幾人到家鄉師云一段風流本自然問善財初叅德雲比丘已領悟機何故更叅五十三員師云欲識其中真妙訣除非身帶返魂香進云識得後如何師云施爲動轉渾無礙一點恩波散作霖問如何是金剛劍師云太煞逼人寒進云如何是

踞地獅子師云踏殺開黎進云如何是探竿影草師云打斷汝驢腰進云如何是一喝不作一喝用師喝僧亦喝師便打乃云從來法無住相著相乖真卽此道不虛行隨行得路古今知識各運本分鉗鎚開鑿人天正眼出沒卷舒悉皆自由到者裏不出戶而知天下不窺牖而見森羅卽今因我同門衆法兄命不佞陞座演唱宗乘只得順水推舟不敢逆風把柁播揚家醜舉則古人公案以圖塞責舉南泉問僧云世間何物最苦僧云地獄最苦師云玉泉則不然地獄未是苦不明已事實爲苦也大衆還知玉泉麼呈拄

杖云者物拈來無向背切莫向外別生枝擲拄杖云枝生也

解制上堂僧問未結制已前時如何師云東敲西磬進云結後如何師云烹佛煉祖進云盡大地是箇裏佛場和尚作麼生解師云展開天地欄放出一羣牛問年年此日陞座歲歲今朝制解且道是同是別師云昨日十四今朝十五乃云滿堂龍象自匆匆画地爲牢百日終唯有玉泉拄杖子長年不改舊家風盡大地是個選佛場穿衣喫飯也在裏許痢屎放尿也在裏許行住作臥也在裏許東遶西馳也在裏許敢

問諸人還有識得者麼山僧恁麼告報諸人恁麼薦取以拂子擊香几云諦聽諦聽

上堂三世諸佛說不到開口道著歷代祖師行不到動步踏著古人一切方便與諸人開個入路豈得個入路又須尋個出路登山須到頂入海須到底登山不到頂未免半途而廢入海不到底只見湛湛之波大衆且道不出一句作麼生道柳栗橫肩不顧人直入千峰萬峰去

上堂小店新開貴賤賣不圖越賺本錢祇要買主便快楊岐栗棘蓬明州破布袋一一橫拋在面前了

了徹底無遮蓋大眾還有下顧者麼卓拄杖云有利無利不離行市

佛誕上堂僧問四大本空生從何來師云進前來問汝道進云棄却幻形死從何去師云且退已退進云不生不滅底主人公在甚麼處師便喝問世尊未生時如何師云花開滿樹紅進云生後時如何師云花落萬枝空進云未生已生蒙師指向上宗乘事若何師云唯餘一朵在明日定隨風乃云無法可說是名說法既曰無說今有何說祇爲二千七百餘年舊案未免重拈今乃釋迦老子降誕之辰玉泉不解說轉

與諸人下個註脚以拂子画中相云離兜率降皇宮無縫罅裏月朦朦行七步稱大雄夜半石人撞木鐘喝一喝

上堂千古風光尚宛然真機吐向萬峰前燈籠露柱類類舉明暗色空漫流傳

上堂問去來不以相動靜不以心是甚麼人師云描不成画不就乃云說玄說妙土上加堆有問有答白雲萬里去此二途如何施設卓拄杖云千峰勢到嶽邊止萬派聲歸海上消
上堂善哉釋迦文虛空常懊惱癡夢猶未破開眼天

大張三千年外舊家風令人仍向風前討年年四八

佛降誕歲歲臘八佛成道祇因饒舌偏地葛藤許多英靈都被枝蔓絆殺人人分心岐路個個迷妄迷真山僧鼓舌爲唇要與諸人解黏去縛豈拂子云若向著裏會得如信高沙彌不登壇而便名具足盧行者負石春而當下圓成如或未然且莫錯會叅
除夕上堂爆竹一聲乾坤震動山雲水石何處出頭東村王老夜燒錢太煞小膽北禪以白牛分歲自取勾牽玉泉非是屈抑先哲祇爲門風各別大眾還有成禪者麼良久云幾回不遇知音客徒勞守歲到三

更

九日上堂問靄山會上迦葉親聞少室峰前神光得髓卽今玉泉有幾人知音師云鐘中無鼓響鼓中無鐘聲進云過在甚麼處師云疑則別叅乃云至化時行萬象零須彌百億海雲騰儼然諸佛塵沙現拄杖頭邊任縱橫呈拄杖云會麼喚作拄杖子便是諸佛喚作諸佛却是拄杖子道得分明玉泉與你證據如或未然木上座一狀領過舉僧問雲門如何是諸佛出身處門云山高水長師云玉泉則不然有人問如何是諸佛出身處祇向他道錢庫裏然燈者事且置

只如重陽節屆到來一句作麼生道良久云重陽九月菊花新

天中節上堂端陽五月五空懸一輪孤家家結綵續命戶戶蘭湯去毒唯我衲僧分上不入者些鬼窟大衆到者裏又作麼生卓拄杖云門神鼓掌呵呵笑笑虎高懸日卓午

元旦上堂僧問如何是新年頭佛法師云斗柄東向大地皆春進云年新月新日新時新未審佛法有新舊也無師云看取令行時進云如何是新鮮佛法師云野梅開正眼綠柳長精神乃云璇璣一轉萬象新

居士

玉泉其白富禪師語錄

上

斗柄東向大地春唯有者條鳥柳栗冷笑人間歲月增陰陽造化密運無私江淮河漢盈虛有準有時桃紅柳綠有時水碧山青有時萬物咸新有時百卉凋零有時天清地泰有時電閃雷鳴且喜無位真人於斯越色超聲不屬陰陽造化豈逐四序而行秉於無極之初得自先天之始以拂画○相云於斯薦得非爲截斷天下人舌頭穿却衲僧鼻孔管教釋迦拱手彌勒若驚慕召大衆云還知無位真人麼衆上堂高天之上厚地之下中有一寶無人識價諸佛放他不過祖師提掇不下無端撞入玉泉八臂那吒

驚怕以兩手作捧勢云山僧和盤托出人人受用不

盡玉泉恁麼道只堪世諦流布若論無上之寶別時

再舉一僧出擬開口師打云但有言說都無實義

上堂頂門出入之主萬化不滄舍元殿上之尊四臣

不昧端拱而治不令而行昭昭於心目之間相不可

睹晃晃於色塵之表理不可分天地同一覆幬日月

同一照臨壽逾百億須彌福洽大千沙界且道正恁

麼時如何體認擊禪牀下座

上堂問如何是玉泉境師云庭前牽柳綠階後落花

紅進云如何是玉泉人師云聖凡同一體到來無主

居士

玉泉其白富禪師語錄

上

賓進云如何是奪人不奪境師云一撈鋒鏖盡雷兢發楚雲進云如何是奪境不奪人師云落花流水去牧笛出雲岑進云如何是人境兩俱奪師云五岳咸煨盡三山本絕踪進云如何是人境俱不奪師云牧童吟野賦漁父和巴歌問劍未出匣時如何師云太平無事進云出匣後如何師云禦使堅牢僧喝師打乃云奪人不奪境山自青兮水自澄奪境不奪人月華已到第三更人境兩俱奪舌爛河山虛空破人境俱不奪亭臺風埽金殿閣不解言下領旨返向句外十度恁伊費盡伎倆未免無繩自縛山僧不惜唇皮

爲衆當陽剖露觀面相呈一著子却被蜘蛛網羅布
上堂犬守夜雞司晨鵲噪枝頭雨蟬鳴樹上雲一種
霧光何故各不相知衆

昭覺本師老人誕辰秉拂上堂拈香祝聖訖復拈云
考辨香幾翻毒手所成百煉爐中拈出衆向玉爐供
養堂上本師丈老人伏願籌添海屋春遠棒頭惡
辣胤兒孫斂衣就座白椎竟師云今朝不答話問話
者三十棒還有僞鷹快鷄向棒頭下翻身者麼良久
云祇如半偈亡軀一句投火又圖個甚麼今日昭覺
結九旬之制畫地爲牢開大冶之爐聖凡陶鑄好向

五言古詩
五言古詩

七

者裏各究本有莫街盧頭強作主宰若於個事中倘
無見處喚作乾慧之徒所謂參須眞參悟須實悟自
有個倒斷處若不如斯喚作造次之流則無究竟之
日且道其中妙旨如何定當壽呈拄杖云向者裏定
當得許你天下橫行如或未然九萬里鵬方展翼一
千年鶴始翔翔

上堂塗毒鼓邊豈容側耳太阿鋒前不許藏身衆中
還有不懼危亡者麼一僧出師驚頭一棒僧擬開口
師又打僧喝師連棒打退乃云放風前聖箭轉劫外
玄機舉惡煉鉗鎚穿衲僧巴鼻若個頂門具眼方知

玉泉其白富禪師語錄 卷上

萬機頓息若作佛法商量未免墮坑落穽不作佛法
商量饒湯爐炭有分正恁麼時如何祇對金繩拽轉
泥牛鼻夜半牽來海底耕舉高峰示衆云海底泥牛
銜月走岩前石虎抱兒眠銀蛇鑽入金剛眼崑崙騎
象鸞牽復舉雙桂老人頌云螻蟻推起萬斛舟蝦
蟆唱遍楚天秋烏龜跳上須彌頂瑪瑙珊瑚盡害羞
召大衆云此二頌內有一句能縱能奪能殺能活到
者裏薦得許汝參學事畢脫或未然玉泉也有一頌
亦要諸方檢點烏龜打鼓鼉撐船角鯨盪漿鯨持竿
石女岩前歌雪曲螺螄蚌蛤打鞦韆咄莫將閒學解

五言古詩
五言古詩

十

埋沒祖師心

上堂以拂子打○相云山僧就中現無量大寶王刹
一一刹土現無量百千化佛一一化佛放無量億種
妙光一一光中照無量萬億沙界一一沙界所有草
木鼓林蛸飛蠕動燈籠露柱羅漢夜叉或修清淨善
因或造無邊惡業盡在其中出沒卷舒不相妨礙正
當恁麼時如何演唱妙印手提邊塞靜當陽那肯露
鋒機舉世尊在霧山會上拈花示衆百萬人天悉皆
陪措唯金色頭陀破顏微笑世尊云吾有正法眼藏
涅槃妙心付囑於汝無令斷絕舉拂子云者個妙心

切莫他覓覓亦不得得亦不真大衆還知者個妙心

麼當下不知親薦取徒向威音那畔猜

上堂僧問大徹底人本脫生死因甚命根不斷師云
露出摩醯眼堅持護命符進云佛祖公案只是一個
道理因甚有明與不明師云秤鎚原是生鉄鑄進云
大修行人當遵佛行因甚不守毘尼師云色塵皆妙
用何處不稱尊進云杲日當空無所不照因甚破片
雲遮却師云不須懸石鏡天曉自然明進云人人有
個影子寸步不離因甚踏不着師云脚跟下好與二
十進云盡大地是個火坑得何三昧不被燒却師云

無文耶

玉泉其白富禪師語錄卷上

三

火焰裏潛身乃云岩前石虎夜嘶風海底泥牛日走
東崑崙神足追不及隱入諸人鼻孔中顧左右云伶
俐漢纔聞提舉如芥投鍼若是機思遲鈍猶隔萬仞
千層昔日調御師六載思惟計盡情忘不免全身放
倒山僧到者裏只得依葫蘆畫樣按下雲頭寶劍橫
拖就窠打劫直教他一個個不假慈航到岸直入大
圓覺海擊拂子云聞麼豎拂子云見麼若向聞邊體
究病在音聲若向見處薦取病在色塵假使坐斷聲
色二途猶是枝葉邊事且道那裏是向上事聲無出
沒無言語功成果滿憑何舉吹篳篥擊毒鼓漁叟歌

牧童舞雲從龍兮風從虎

上堂僧問昔日臨濟問龍光云不展鋒鋦如何得勝
龍光據坐意旨如何師云行船不犯東西岸須信篙
人用意良進云臨濟道大善知識豈無方便龍光瞪
目又作麼生師云一篙撥轉波心月和舟載霧過蘆
灣進云恁麼則鳥棲無影樹花發不萌枝師云閒言
語進云可謂一曲釣天雲外奏知音格外盡皆聞師
云且喜闍黎念得清乃云把住牢關人天莫測裂開
一縫凡聖咸知拘執則萬別千差融通則彼此全備
且道全備後如何不開口處玄關轉未措言時鳥道

無文耶

玉泉其白富禪師語錄卷上

三

玄舉昭覺本師上堂云吾有一句百味具備時有一
僧門外立本師云那漢進來僧才入師便下座且喜
我堂中有一員霸利衲僧便歸方丈乃云老人直截
爲人處勝是分明白非拶透重關者不能得荷者漢
却也伶俐未免進得門來無出身路顧左右云未審
玉泉堂中有此人麼時一僧出師打云一釣便上
上堂舉慈明和尚室中以水一盆上割一口劍下著
一綱草鞋橫按拄杖有僧入門便指纔擬議明便棒
師云者老漢婆心不已弄盡手脚總是徹底爲人只
願個個鼻孔遶天單刃直入據富上座冷眼看來也

是向虛空裏空洞白地上討天者場漏逗古今提唱

者極多錯會者不少召大衆云有具眼者不妨通個消息如或未然山僧對衆頌出蔌藜水劍草鞋俱水急魚龍不敢棲未入已知來見解棒頭點處血星飛元宵上堂元宵正十五家家懸火樹拈起雪峰毬打起禾山鼓拈弄秘魔釵活擒戴角虎驚動跛鼈盲龜都向門前跳舞阿呵呵上元原來是十五咄噤咄噤喇囉囉囉

誕日上堂僧問和尚向未出母胎時道一句看師云光燦燦進云未生之前蒙師指降生之後意如何師

王泉其白富禪師語錄卷二

十三

云不萌枝上花開早無縫罅裏瑞雲騰進云卽今陞座一句作麼生道師云大整頽風歸王化仰祝聖壽等乾坤問世尊初生放光動地和尚降誕有何祥瑞師云紅霞穿宇宙白日點波心進云世尊與和尚是同是別師云一字兩頭垂問壽筵洞啓鳳舞羽以呈祥形氣環流龜負圖而益算只如南極老人到來慶祝一句作麼生道師云且立下風進云恁麼則人人眉宇已增新彩色慈容猶展舊風流師云直饒恁麼也是無端特地乃云今朝臘月三十又值吾母難期大地山河鋪玉乾坤草木抽枝四相從此假合萬物

混融一體無情均獲誦唱有情盡得瞻禮唯有佛魔

人天到此亦須不立大衆要會山僧未生前事麼咄咄若有個頂天立地腦後見腮的漢子向山僧未出方丈時薦得三世諸佛歷代祖師天下老和尚當體全彰分身百億不涉程途一生了備如或未然也是有眼不見叅

豎佛書樓上堂般若弘深大辯才虛空涌出玉樓臺沒量漢兒親居此百萬天人獻法財無邊刹海自他不隔於毫端十世古今始終不離於當念卽今衆檀越緇素等協同興此一念便向無相國裏毫毛頭上

王泉其白富禪師語錄卷二

十四

建立種種瓊樓玉殿恆河沙數金容囊藏百萬人天收盡五湖風月原來不負霧山之囑法門慶幸山僧赴約而來勉整頽風兼請登寶華王座轉大法輪舉揚個事大衆且道結角羅紋一句作麼生道卉木叢林均吐舌磚頭瓦礫盡生光

中秋上堂秋風颯颯起殿閣冷沉沉月色四時燭今霄分外明竹葉溪邊綠荷花水面清南樓添意氣祈句更新新空劫已前事當陽舉似人以拂子画○相云直下分明薦取廣寒宮殿如雲

雨後上堂僧問有問有答落墊墜坑契理契機顛頂

後學如今正令既行請師通個消息師云寶劍橫空逼人寒進云動絃別調世外知音以臥具打圓相云未審者個作麼生和師云且緩緩進云不是吾人多意氣他家曾踏上頭開師云金剛腦後三寸鍊問廢寢忘勞總要明心如何是心師云屋北鹿獨宿進云撥草瞻風祇圖見性如何是性師云溪西鷄齊啼進云識得心性了脫生死且道作麼生脫師打云打破漆桶乃云剛打雷便下雨雨後依前日又輝東林畔竹流水明明說法誰知委觀體全彰劫前意山僧有口無處舉震威一喝云一喝似雷奔棒頭亦如雨

上堂石鞏人門張弓秘魔逢人舞杖禾山僧來打鼓趙州接人喫茶船子覆舟失命臨濟七事交加今朝玉泉者裏了了更無一法且道如何是爲人處一拳一個彌勒一脚一個釋迦

上堂自歎無緣把直鉤魚蝦到此不相投笠蓑欲脫風前挂又恐鯨鱗觸釣舟衆中有負命者麼僧問截錢斬釘埋沒先聖合水和泥恐負後昆去此二端如何指示師云寰中天子勅塞外將軍令進云恁麼則不但安恬家邦靜亦乃把定世界寧師云堯天民有賴舜日照無私進云可謂一舉卽登龍虎榜玉堂人

喚狀元兒師云貴異天然不出戶家音不許外人知乃云了妄歸真萬累空河沙凡聖本來同直須密契心心地始悟生平睡夢中所謂佛法要妙離言說相離文字相離心緣相不可以有心求不可以無心得不可以言語造不可以寂默通如塗毒鼓聞者則腦門百裂似猛火聚近之則燎却而門實謂壁立萬仞剿絕聖凡假使智如鶻子辯若維摩三世諸佛同時出來也須退後三步如是自在威神只許老胡知不許老胡會到者裏如何啓口然官不容鍼私通車馬放開一綫却有商量卓拄杖云玉欄杆上頻伽鳥紅

藕花間白鷺鸞

上堂目前無法意在目前若是目前法向佛邊學此人未具眼在上根之人言下明道中下根器波波浪走不向當人薦取何更疑佛疑祖更聽一偈更識生死來去路唯在當人向已求只因目前迷正法撥草騎牛去覓牛

上堂僧問如何是活句師云饑來喫飯進云如何是死句師云困來打眠進云如何是不死不活句師云碧岫山莊面寒潭水画眉問棒喝交馳卽不問更有向上事也無師云少年一段風流事唯許佳人獨自

知進云知個甚麼師云高着眼乃云動容瞬目無出
當人一念清淨本來是佛復說偈云本來絕淨染無
滅亦無生幻即知身幻無幻本來真

上堂舉古德陞座云山僧有時一棒作個緦天網打
鴛鴦快鷄有時一棒作布絲網攬現撈蝦有時一棒
作金毛獅子有時一棒作蝦蟆蚯蚓師以杖擊空云
玉泉者一棒且道作麼生商量若有個頂額具眼漢
出來道得分明拄杖子禮拜有分如或未然也是噇
飯過時喫錢棒有分莫言不道

上堂作家手眼最希奇殺活雙行不易知若是一回

文

玉泉

十七

歸故者自然當下無疑所以百丈鼻掇得痛人
前解笑不解啼臨濟棒頭喫得徹歸來便轟轟烈烈
此二老便是樣子諸兄弟何不照伊行去效伊做去
到此果獲百煉千鎚幾遭毒手不能了悟山僧實爲
誰語未墮拔舌犁耕嘿嘿甘受不唯山僧嘿嘿甘受
三世諸佛歷代祖師天下老和尚一只得甘受脫
或未然不見道做馬銜銕負鞍做牛拖犁拽耙那時
際莫願山僧不與汝證明也顧左右云棄真作假街
前弄好惡難瞞自己心
寒食上堂綠荷初出小池平林樹來紅杜宇聲野外

掃墳無限客望雲哽噎到黃昏座中未了生滅者擬
向圯山覓二親就中契旨誰相委信知寒食是清明
佛誕上堂寶劍橫空聖凡情盡擬議者則喪身失命
如有不顧眉毛者出衆道看問佛本無去無來如何
道今日降生師云金雞抱子離霄漢玉兔懷胎入紫
宸進云古人道淙汚即不得修證則不無既淙汚不
得何用修證師云且莫錯舉問黑白未分時如何師
云赤眼撞着火柴頭進云全黑時如何師云墨漆燈
籠進云全白時如何師云杲日當空乃云出胎未斷
兩聲指天指地稱尊只爲源頭水濁至今到底不清

佛

玉泉

十八

韶陽拈棒打殺瑯琊知恩報恩個個隨波逐浪人人
自不圓成不圓成自此從他不相親正眼看來老漢
從三大阿僧祇劫來未嘗入滅年年四月八日何曾
降生若道周行七步目顧四方指天指地作師子吼
都是一場扯誕惹得兒孫牽枝引蔓生疑生怪卓拄
杖云釋迦老子來也大衆見麼復卓拄杖云破山僧
杖頭觸碎鼻孔

上堂舉外道問佛不問有言不問無言世尊良久外
道讚歎云世尊大慈大悲開我迷雲令我得入師云
黃面老子爲三界大師四生慈父呼牛應牛呼馬應

玉泉其白富禪師語錄 卷上

馬外道不識好惡說甚大慈大悲開我迷雲令我得入也是鸚鵡能言外道去後阿難問云外道有何所證而言得入世尊云如世良馬見鞭影而行師乃喝云翳眼見空花黃面老子被外道一問便見七花八裂了也當時若與他一刀兩斷免使兒孫未至埽地喝一喝下座

上堂僧問崔趙公問國一祖師云弟子欲出家得否一云出家乃大丈夫事非將相所能為意旨如何師云風頭太硬進云若無舉鼎拔山力千里烏佳不易騎師云空做他人力進云石門聰舉似李都尉都尉

支那

玉泉其白富禪師語錄卷上

十九

於此悟入且道悟個甚麼師云特地一場愁進云學道須是鍊漢著手心頭便判直趣無上菩提一切是非莫管是何意旨師云汝從頭再背看進云老老大恁麼說話師云老僧住持事繁乃云拏龍伏虎幾番驚赫人天平實商量盡是一場扯誕風清月白乃是乾坤正氣山明水秀俱合鸞嶺真機應上皇之風化開正覺之風規大悲運物若兩儀之覆載應機設教猶四序之生成領悟各殊歸源是一召大眾云且道是一非一若道是一萬物各有其殊若道非一墮在境緣之中卓拄杖云事事無窮盡千古月為燈

上堂問工夫未入手時如何師云好個消息進云入手後又如何師云蹉過也不知乃舉鹽官示衆云虛空為鼓須彌為槌是什麼人打得南泉道我當時若見向他道王老師不打者破鼓法眼道南泉何須恁麼道但道不打自然是個破鼓師云鹽官據虎頭南泉收虎尾法眼分皮分髓諸尊宿雖然各出一隻手只是下不得槌總是個打口鼓漢玉泉者裏直截與諸人道破以拄杖作擊勢云擊樂

上堂舉文殊問無着南方佛法如何住持着云末法比丘少奉戒律殊云多少衆着云或三百或五百着

支那

玉泉其白富禪師語錄卷上

二十

問文殊此間佛法如何住持殊云龍蛇混雜凡聖同居着云多少衆殊云前三三後三三乃召大眾云無着道三百五百只是個欲隱彌露置之弗論祇如文殊道前三三後三三如何話會衆中設有個與文殊同鼻孔出氣的漢試道看良久卓拄杖云不免與諸人下個註脚一二三四五五四三二一前三加後三六七八九十若作佛法會沒却諸人鼻不作佛法會瞻前而後失

玉泉其白富禪師語錄卷上終

玉泉其白富禪師語錄卷中

嗣法門人明崑等編

上堂拈香祝聖畢復拈云此瓣香涅而不緇磨而不磷始初一番勤苦如啞如聾末後幾頓鉗錐徹徹骨髓熱向爐中供養現住昭覺本師上丈下雪醉和尚用酬法乳白椎竟師云宗乘一唱三藏絕詮把定牢關十方坐斷莫有具透關眼底衲僧麼問古人道內傳心印且道心印作麼生傳師云從教桑海變終不與君通乃云百法名門止此中森羅萬象盡包容杖頭指趣人難識唯有旁觀一綫通是汝諸人還見也

玉泉其白富禪師語錄卷中

玉泉其白富禪師語錄卷中

無在此見得可謂心珠日朗性海澄清一念圓明十方普照寒梅綴玉已顯盧舍家風翠竹篩金悉是能仁境界脫或未然也是泥裏洗土塊

歲旦上堂鏡清道新年頭佛法有明教道新年頭佛法無若道是有則屈着明教若道是無則屈着鏡清且作麼生恰好去擊拂子云蟪蛄眼裏翻筋斗大洋海底擦葫蘆

光嚴寺閱藏上堂問門內有君子門外君子至時如何師云一見便見進云聲應氣求皆古語今朝始信不虛傳師云喚鐘作甕漢進云恁麼則龍潭浪涌三

千界錦水流三峽中師云與閣黎何干乃云鉢盂

山畔鶴唳鶯啼光嚴門前水流風動晨鐘夕梵交二音於鶯峰慧日重明轉雙輪於鹿苑十二部經一音演唱修多羅教萬籟宣揚的體全彰元無亥豕八字打開豈有烏焉山僧就此下個註脚以拂子画四相云以字不成八字不相胡僧面壁是甚模樣

上堂是聖是凡入門便揖是愚是賢開口便識因甚自己上人出入面門不覩可謂所聞不可聞所見不可見明眼人前三尺暗

上堂五祖演和尚云四百石麥二三千石稻好個

玉泉其白富禪師語錄卷中

玉泉其白富禪師語錄卷中

休糧方耆婆不知妙後千巖無明和尚拈云管取有錢常住演祖若是將無作有拔貧作富須還無明始得米不蓄一粒菜不栽一莖恁渠往來者喫得飽彭亨師云二老漢好手手中呈好手紅心心裏中紅心一人有錢常住一人將無作有玉泉者裏卽一不然只是個截長補短隨緣度日且倉有米山有柴是牛是馬快哉快哉下座

上堂睦州峻臨濟喫棒珊瑚枕上兩行淚趙州教嚴陽放下半是思君半恨君呵呵玉泉恁麼說話也是爲他閑事長無明

九日上堂舉白雲端和尚云金葉叢叢帶露新采采烹茗賞佳辰浮杯何必須宜酒但有清香自醉人開福云白雲老人大似巧媳婦做出無麪飢餓惜乎知味者少開福效顰亦有一偈重陽黃菊未成花落帽無勞憶孟嘉但得青山常在眼不妨流水去無涯玉泉者裏不敢效顰只要應個時節本自天然不覆藏年年九月菊花香劫前一段新鮮味樹老枝長葉半黃

冬至上堂石筍暗抽條寒梅新吐玉乘時能薦取却是個中意所以道欲識佛性義當觀時節因緣時節

支那

三

三

若至其理自彰今人不向枯木上生花寒灰裏發焰祇管死墩墩噉飯過時今日也恁麼明日也恁麼乃至盡未來際也恁麼若個猛力慣性底漢終不作者般去就於天地未闢之時陰陽未判之先直截承當認取本來面目到者裏方知有物先天地無形本宗寥能爲萬象主不逐四時周玉泉恁麼告報未免有攀條例雖然如是不因樵子徑爭到葛洪家誕日上堂呈拄杖云祝壽不用多說只就枕頭點出便見瀾漫天地照耀古今凡聖同源物我一致青峰舉首歲歲發不盡之春野鳥銜花物物顯無私之用

所以道滴水福滄海微塵遮域山睥睨正法眼萬古剎那間敢問大衆拄杖有何神通得與麼任意自在還委恁麼幾度拈來誰着價人天衆裏自稱尊

上堂扶豎顏綱須憑宗匠發揮埋沒家珍要假能人做出法海洋洋靡正緣而莫出境風浩浩非良導以難昇或羣居山林夥聚巷陌形同鄙俗貌濫僧儀雖然如是未免區區之論以拂子画巾相云向者裏薦取

小叅未出母胎一段光明輝天鑑地既出母胎一段光明耀地燭天大衆須知此段光明人人本具在凡

支那

四

四

不減在聖不增祇爲背覺合塵迷已逐物致使蒙翳弗能現前于是有諸佛有衆生有天堂可欣有地獄可怖如此紛然惑亂終無了期殊不知放下身心豎起脊梁嘿地回光返照看破父母未生前本來面目如貧獲寶如暗得燈何等快活何等受用到者裏說甚麼佛說甚麼衆生說甚麼天堂可欣地獄可怖出生入死不犯絲毫或去或留全超曠劫其或性根淺薄棄厭眞修生死到來悔將何及顧左右云不向斯時親撒手更要畱戀待何時

小叅把定六根門頭不許絲毫放走逼得虛空腦裂

通身汗流雖是向上一事未免流布今時山僧昔年遭此一但懣懣而休不免放開一綫彼此任意優遊雖然如是且道黑臉老漢來算飯錢時如何抵對良久云八十翁翁入場屋真誠不是小兒戲

小叅要做臨濟克家之子必先奮遠大志氣觀破霸山拈花之旨了徹少室九年消息舉僧問仰山法身還解說法也無山云我說不得別有一人說得僧云說得的在甚麼處仰推出枕子為山聞云寂子用劍刃上事師云殊不知向未開口前早已流通推出枕子也只是個擔雪填井漢大眾還知麼知之一字眾

五

禍之門

小叅乾坤未判陰陽未分無有日月星辰江淮河漢萬象森羅草木昆蟲正恁麼時且道是有象是無相良久云黑漆桶邊開正眼看取冲霄錢鶴兒

小双大道絕中邊至真離言說諸佛莫能提祖師莫能撥設使有遲疑又入野狐窟一毫工不及却倚草附木到者裏奮師子威立金剛志任是風吹不倒鍼劄不入把斷要津不通凡聖果獲到此時節來方丈中喫棒有分

小双佛法本無多子堂堂日用之間祇因自信不及

却於易處轉難今夜不免作個方便為諸人豁開戶隔擊破疑團以拂子画卦相云玉泉在此與諸人傾腹劍腸徹底掀出了也顧左右云收

小双老僧一向事繁未暇入堂相伴今夜却有餘閒拖筇拄杖相勘幕以杖度與侍者云暫教靠在床頭開時與你打拳

小双喝下明機看破臨濟家風棒頭廓徹捉敗德山門戶所以道濟北之佛法出乎平常語默動靜脫體全彰三玄三要松直棘曲有賓有主鳧短鶴長圓悟老人於諸佛出身處道薰風自南來殿閣生微凉帶

六

累妙喜打失鼻孔徧界難藏然雖如是棒喝向上還有事在且道有甚麼事咏良久云昨騎木馬滄溟去踢翻海底一輪紅

小双天無私覆地無私載日月無私常照人心無私忘我人墮是非大道無私融聖凡了迷悟拈拄杖云者個列挈赤條條晝夜為諸人演無私法直得月白風清草秀花香自是諸人等閒錯過不能直下承當正恁麼時有個承當底麼阿娘面目自相識休來錯認驢鞍橋

小双即心即佛頭上安頭非心非佛斬頭覓活去此

二途如何諦當大衆到者裏前不邁村後不迭店天不能覆地不能載不可以知知不可以識識無朕無兆無影無形淨裸裸絕承當赤灑灑無回互明暗色空知覺見聞善惡淨穢取捨得失一一安置一邊諸人向者裏道一句看若道得分明不唯參學事畢亦且裂碎山僧舌頭脫或未然莫道不疑好叅小叅歷歷明明濕漉漉漉胸內却知有盡力道不出吐得出元來是汝先天物有等漢問與麼道便云會也及乎問伊會個甚麼却又無言可對無理可伸諸人若無言可對無理可伸莫是盡力道不出底麼老

僧不惜眉毛與諸人安家樂業瓦石皆同體聖凡本一心若問娘生面隨處現全身咄者是甚麼所在向者裏拋磚弄瓦擲拂子歸方丈

爲正勤居士對露小叅舉拂子云嚴氏法名更正勤回光覺照悟露根今朝擺脫冤親鎖一段清風透月明老瞿曇道諸行無常是生滅法生滅滅已寂滅爲樂從上諸祖盡向生死海中頭出頭沒總要當人直截承當惜乎諸人不肯回光返照流浪生死且如山河大地日月星辰明暗色空四聖六凡有情無情胎卵溼化山僧說底諸人聽底寂寂惺惺總是個幻化

作麼生說個幻化道理聾聵拂子云若在者裏拂頭上薦得在諸佛分上不增一毫在大衆分上不減一絲便識得婆子出生入死得大自在落處非唯識得婆子落處且識得二子起一念爲薦嚴落處功不浪施有時恁麼也得不恁麼也得恁麼不恁麼總得山僧不惜唇皮和泥和水爲諸人說破只如山僧說底諸人聽底無二無別明明歷歷如青天白日白鳥藤且止且道正勤居士向甚麼處去也咄蛇却者邊故衫子卽證那畔清淨身爲瑞松靜主小叅慧日高懸普天匝地燦破佛祖眼

睛揭示衲僧巴鼻雖然覲體全彰認着依前不是所謂無常生滅法與我不相干若能如是見不用哭蒼天到此也無古今也無生死淨裸裸絕承當赤灑灑沒窠窟如是則盡十方世界無內無外是個無上佛土是個不可思議佛土是個不可量不可說佛土既有如是無量佛土只如孝徒今請山僧舉揚者段大事因緣津濟薦拔且道瑞松上座在那個佛土安身立命一段霧光甚處安長空雲散碧天寬蓮宮佛土花無數剔起眉毛仔細觀爲慧良曹居士小叅腦後圓光萬丈高誰人分上滅

絲毫祇因迷却知身幻致使性海浪轉邊山僧到者裏不用別吐新尖多方曲引所以古佛偈云假借四大以爲身心本無生因境有前境若無心亦無罪福如幻起亦滅慧良居士向者裏會去便知生無生相滅無滅相本有圓光內外交徹如或未然生也是幻死也是幻從上諸祖盡在此幻海中流轉輪迴無有休息且道慧良向甚麼處安身立命呈拄杖云見麼大地乾坤藏不得覺花池綻一枝新

爲慧肅唐夫人小叅師豎拂子云者婆子五十年前有生有死五十年後無死無生一道靈光無巴鼻人

文部

三教經旨卷之五

九

問天上任縱橫正當恁麼時諸人還識得慧肅居士底面目麼透脫頂門開正眼霜花映水碧陵層

爲正燈何居士小叅本不生滅何有去來本自解脫阿誰縛汝本自清淨何物染汝由未達境惟心故起種種分別及道不生不滅解脫清淨恁麼又道未達境惟心種種分別底道理于中薦得妙喜世界不離者裏西方安養不離當處頭頭任運家風處處莊嚴國土大衆還識何居士落處麼萬疊雲山藏不得九蓮花裏露全身

晚叅叅禪本無言說鼻直一條坦路每觀從朝至晚

返復原來者個所以一切諸法菩提涅槃等名從淨法中得貪瞋愛取等名從穢法中得淨穢兩邊俱莫依怙但有空名三藏十二分種種名言句義總不出此個元由所以古德云若心想所思出生諸法虛假不實心尚無有云何出生諸法如人取聲安置篋中又如吹網欲使氣滿此乃諦實之說若以爲實大錯大錯擊拂子云日輪當午照莫待曉雞鳴

晚叅說道說禪自喪本元談佛談心埋沒已病玉泉不入者保社獨步上崑崙若有個具眼的聞恁麼道把山僧拽出三門外爛樵一頓不枉親到玉泉

文部

三教經旨卷之五

十

晚叅趙州茶雲門餅三脚驢子弄蹄行曹山酒仰山飯八角磨盤空裏走召大衆云者些老古錐窮厮炒餓厮煎穿領破布衫猶在十字街頭胡亂竄

晚叅玉泉院裏雷聲震摩竭提國令高懸各揮寶劍當頭截猶在虛空裏面眠且道直截一句作麼生道行到水窮山盡處倒盤卸甲又依前

晚叅生死事大迅速無常一息不來便同灰壤汝我出家兒須趁色力健叅究此事莫圖快樂錯過時光纔見春耕夏種俟爾秋收冬藏人間歲月易消已事因甚不忘所以道此事當觀時節因緣時節若至迴

避無門若是波波挈挈不肯回頭似怎麼熟學熟到彌勒下生敢保未夢見在玉泉非是減伊聲價但恐臘月三十到來個個手忙脚亂驀拈拄杖云且道者個是甚時節夜靜水寒魚不餌總教袖手過殘年晚叅已躬下事不必他求祇在當人四大六根露露弗昧了了常知三世諸佛歷代祖師天下老和尚不敢正眼覷着惟許當人直下承當自然透頂透底衆中還有此人麼試出來通一機轉一語富上座望風禮拜設或未然行也叅坐也叅斷結眉毛莫放閑恣然脚跟驀點地請續末後句

仙遊

玉泉其白富禪師語錄

十二

示衆云有一人言到行得到行到言得到有一人言到行不到行到言不到不知那一個合受人天供養若緇素得出玉泉拄杖子兩手分咐如或未然山僧拄杖子牽枝引蔓去也

示衆放目河山外春色十分姿玉蝶穿花舞黃鸝傍樹啼烟拖零碎錦堤柳亂垂絲洞明西來意了達祖師機露雲失却眼備老重添眉兩堂龍象客謾莫失提撕

示衆情緣易涉已事難明不究本元自投岐路境風浩浩凋零覺樹心花紫火熒熒燬盡菩提智果道難

遭而難遇錯過幾多時法易得而易失光陰花費不少責人如責己德備多時謀利如謀道成佛久矣一念純真卽入諸佛道場散亂片時便落衆生境界自他不增不減本來無欠無餘但念無常迅速慎勿隨情逐意

示衆舉金峰和尚云老僧二十年前有老婆心二十年後無老婆心時有一僧出問如何是和尚二十年前有老婆心峰云問凡答凡問聖答聖僧云如何是二十年後無老婆心峰云問凡不答凡問聖不答聖師云玉泉當時若見但道莫說凡莫說聖莫道前後

仙遊

玉泉其白富禪師語錄

十二

老婆心忽若因地冷颼颼自然不墮聖凡窠窟示衆真我本有迷之而無妄我本無執之而有且道真妄不立之時有無不生之際作麼生道良久顧左右云老僧咳嗽無暇說禪

示衆古者道供養三世諸佛不如供養一無心道人又云莫謂無心便無事無心猶隔一重關既是無心猶隔一重關如何勝過諸佛又如何消受供養于此見得諦當方知古人舌生荆棘如或未然飲水也須防噎雖然且道山僧恁麼告報是有心耶無心耶定當看有無之情如未瞥莫於平地起峻嶒

示衆迦葉微笑彌勒長笑寒山一笑虎溪三笑師呵
呵大笑云老僧者一笑又作麼生良久云雖然笑處
不同却也共一張嘴

春日示衆日長饑有餘夜短睡不足熱汗急淋淋蟲
蟲相齧啐大家搖扇取風涼何用無繩而自縛山僧
恁麼說話此中明個甚麼邊事驢頭馬脚重重露屋
角桃花解笑人

示衆落花千點隨流水啼鳥一聲送夕陽碧眼胡僧
無伎倆九年面壁暗思量大眾且道思量個甚麼向
者裏見得分明多羅正印任汝東搭西拋其或未然

要見碧眼胡僧何止程途萬里

示衆靜時觀人動閒處看他忙不知誰煎逼拶得手
脚慌若要此時求解脫除非叅謁大覺王且道大覺
王卽今在甚麼處良久云頭長三尺

示衆卽心是佛烏龜向火非心非佛碓嘴生花且道
不是心不是佛不是物是個甚麼不免與諸人道破
擊拂子云薦取

示衆舉僧問投子一切聲是佛聲是否投子云是僧
云和尚莫屎涕盃鳴聲投子便打又問龜言及細語
皆歸第一義是否投子云是僧云和尚喚作一頭驢

得麼投子便打師云雖然功不浪施要且棒頭有眼
及道一切聲是佛聲者僧道和尚莫屎涕盃鳴聲因
甚便打又道一切龜言細語皆歸第一義者僧道和
尚喚作一頭驢得麼因甚又打大眾且道者兩棒是
肯者僧耶不肯者僧耶衆中有具眼者請端的看
除夕示衆年新月新日新時新唯有一物不屬舊新
且道是那一物聲良久云老僧與他安名不得
因事示衆百丈教人開田佛眼輪僧修造楊岐逼慈
明小叅趙州教嚴陽放下且道玉泉者裏又作麼生
普請三門外刈禾

法語

示融默監寺

出家之志不是尋常必須秉個赤手成家手段立身
如臨陣勇銳之威只一片孤迥迥氣宇於師象羣中
突出一頭始得然此段風光不假他人本來自足底
祇要當人大死一番所謂不怕活不得只怕死不得
且死而復甦後如何本地風光天然事那學庸人妄
作徒

示秀雲禪人

若是個實爲生死底漢萬緣放下一切不爲單只把

父母未生前事頓在目前立起眉毛動靜無虧一念不生前後際斷佛祖不顧之旨神鬼莫測其機孤迥迥如坐在千丈井底必要求個出身路片念纔乖喪身失命在此千沒奈何萬沒奈何正恁麼時更須用力一拶逼得頂門迸破因地一聲如在荆棘林中得一條活路出相似到者裏一場大笑方知從前許多錯用心也

示福田禪人

入門踰門之際祖庭秋晚之時得一個半個血氣男兒挽回天意淖沱幸甚古人韜光晦跡于千巖之下

文那

玉泉其白富禪師語錄中

十五

草衣木食于萬壑之中又不知此輩尊宿謀何事也倘爲孝子賢孫無易其志今不能越過于先可當減體半德若以人我爲住持利養爲高品者不唯有負祖禪之囑而返傷佛祖風化荷已荷人流落天魔黨也

示融穆禪人

近來參學之人不守毘尼不懼因果人我愈見崢嶸三毒倍加熾盛開口誇彰遊遍腳頭出言貶剝諸方得失自家生死不顧好覓他人是非此種學人任使衆到彌勒下生也只是個乾打閑若是拿雲攫衲底

漢子決定不墮此野狐窟中埋沒自己霸光辜負辭親本志須立定腳頭豎起脊梁牢牢把定繩頭不許絲毫走作做到無人無我徹頭徹尾處倏然猛醒轉來方知拈拳豎指睜目揚眉都是一場精扯誕

示吼月禪人

衆禪一著子開口已成遲似敵百千人如斬一握絲一斷一切斷萬念絕情思正當恁麼時蕭然與佛齊

示文達禪人

工夫宜及切遲疑被緣涉隙陰成易變幻身那可得此處不承當轉身何時徹說與衆玄人莫弄巧成拙

文那

玉泉其白富禪師語錄中

十六

示融之禪人

衆禪莫順情佛祖不相親工夫要徹頭志立已終身瞥耳情念起紛然境緣生白日去偷安難免虛空聞

示性一禪人

此事宜努力捷健如箭疾譬登千仞山似與萬人敵有死不暇顧無志弗堪惜步步直到頂始出一頭地

示體空禪人

個事本成現人人弗少欠守護在當人精操唯已念推倒無明山踏碎人我見悟來心眼開覲破本來面

示了機禪人

工夫要剿絕不在嘵嘵說若存聖凡情正是生死孽
如入萬軍中刀刀要見血豈獨破魔宮佛祖盡斬絕
示融徹首座

需明之妙於大不終於小不載其照不可容其用不
可測故萬物備矣參悟之妙無異於斯豈可以已意
而推窮所以思之議之總是鬼家活計故謂萬法本
空更莫心上起心但能了心何愁不悟到者裏千問
百答看風使帆不在學問解義上要識得根源落處
任他法性周流猶如解纜放舟相似不可執有求不
可執無取只教縮大千於方寸之間促萬年於一念

大要一

東山白雲禪師語錄

十七

之內本來不增不減自他無欠無除如衆器入金而
金何有異似羣波入水而水自然同祇要確其志憤
其氣把作件事做到徹頭徹底處陡然脚跟點地始
信鼻孔原來向下垂

示瑤庵維那

參學人貴在行解相應誠信相孚不可執己爲然有
參則有學參而罔學如龍遊於淺水無添意氣學而
不參似虎落於平原不長威勢參學融通如龍行大
海而千浪濤洞似虎入高岡而百獸齊驚正如攜筇
陟道用之體之止之棄之亦何礙耶在子之踐履耳

故蠟無爪牙之利筋骨之彊上食埃土下飲黃泉用
心一也蟹六跪而螯非蛇蟺之穴無所寄託者用心
躁也所謂始無惛惛之事終無赫赫之功指有形之
標洞無爲之化明此不參而參不學而學盡天下之
爲何事而不可也

示恆參上座

人處越南取巨象口中之齒客居江上等龍龍領下
之珠須知衲僧手段何誇於此別有吞佛祖融古今
越聖凡離知解底風化如巨靈壁太華一掌無餘似
長鯨吸滄溟一吸到底若非具此猛利安能洞鑑本

大要二

東山白雲禪師語錄

十八

來如德山見龍潭吹滅紙炬處知歸如韶陽參睦州
掩門拶脚處契悟雖師家鉗鎚之妙係自己英靈所
致佛祖之道貴乎後裔撐持果獲如斯不枉在俗漢
羣中跳入師象隊裏弄爪牙也

示瑤庵禪人

初學之人如毛錐相似必要幾過紅爐幾入辣手口
球時磋百煉千鎚於冷熱堆中毫不相讓一口工圓
跳出紅爐展開利刃斬釘削鐵擘破境緣總向者裏
一齊剿絕則孤峰頂上即是十字街頭十字街頭即
是孤峰頂上到此毘盧拱手彌勒低頭天魔梵站

立下風臨濟韶陽吞聲有分以之振祖基無基不立以之酬師德無德不酬正法眼藉此流通惡知見由茲寢息實爲萬世之指南三界之元龜也

示明啓法係

禪道佛法原來是自己對頭每於行住坐臥中截齒呵責放他不過必變與伊剿絕大爲我用故長慶七破蒲團總爲吾個事只得雲山萬里湖南湖北然後返身一擲饒他鐵壁银山萬仞千層輕輕一踏直教徹底粉碎了也苟不力盡其間安獲如是受用

示瑋磨飯頭

尋常做個粥飯主人接待來往亦須辦一片勤苦維持方免過咎何況欲趨佛祖無上妙道不假恆心焉能得及工夫做到純熟處直下如一塊頑石相似風吹不入水洗不溼忽爾點頭自肯笑倒筌籬木杓打破金牛飯桶到者裏許汝叅學事畢是則也是老僧拄杖子猶未點首在

示寶磨書記

近來學道之士忘却出家本志一向隨邪迷妄不求正悟將佛祖機緣古人公案從頭熟背蘊於胸中以爲禪道佛法也錯錯任伊博覽五車窮變二藏滿腹

詩詞百問千答殊不知到者裏總用不着若是個血氣男兒斷不向他人行處行將自己生死大事爲任豈肯放過或火爐頭禪床角領納一言半句行住坐臥也叅病屎放尿也叅迎賓待客也叅到徹頭徹底情思路絕忽然扭轉鼻孔觸碎觸腰到此百病拱首千聖攢眉將從前負風負雨踏遍雲山脚頭債草鞋帳一時酬也

示瑤磨悅衆

學道人只將個懼生死心爲念不得提起則有放下則無只看生從何來死從何去時時追究刻刻提撕

一日功成築着磕着自有個倒斷處若是立念輕微志不猛利今日也恁麼明日也恁麼一朝黑面老子到來與伊打筭飯錢莫言不道

示琳磨侍者

老僧惡辣鉗鎚便是子的慧命非大力量者不能透入負荷得去汝隨侍老僧廿載以來不解初心屏去紛華畱心此事亦肯荷負亦有透入處但機語敲磕似欠精銳更須猛利方爲全美雖然閨閣之物本自圓成老僧年來齟齬眼目昏花弗能葛藤耳聊書兩門古人公案如僧問趙州如何是道州云牆外底又

僧問南泉如何是道泉云平常心是道果欲了敵生死將此兩轉語刻刻提撕果獲恁麼山門亦須點首

示路磨侍者

欲做超羣越格之流須向上人背後久立爾自當精心親就向逆順縱橫中討個分曉始得如在老僧邊日用中聲叫聲應飯來老僧開口茶來老僧舉手須知老僧將臨濟家私徹底爲了日日舉揚開渠正眼到此須知鉢牛原不用鞭大衆何堪可舉赤條條團團日日尋常橫拋順擲如或不解敲推還向手頭舒縮俯仰折旋薦取日道薦取個甚麼踏著山家田

地穩橫吹鉢笛倒騎牛

示自灰禪人

丈夫立志如出匣金剛王寶劍相似佛來也斬祖來也斬斬到無佛祖可斬之處如師子王哮吼壁立萬仞到者境界三世諸佛覩不破生死魔軍摸不着迷悟向甚處棲是非向甚處泊通上徹下淨裸裸赤灑灑全體是個當人受用大解脫門佛法世法打成一片塞却佛祖鼻孔坐斷聖凡路頭向此中急討個已鼻許汝有少分相應耳

示恆念典座

從上佛祖依此行門而入歷代祖師因此行門而出行之一字乃道德之基修身之要豈有他耶只要跳上蒲團死墩墩地爲禪也殊不知只在吾人尋常日用之中檢點將來無不洞明本地風光人人到此總是忽畧過了宜審察大發疑情追究一番必須一一真他有個斷斷明白處方顯汝變生作熟之手段也

示慧心張居士

本性彌陀山從外得惟心淨土豈向他求求之轉遠十萬迫迫從外覓旋得旋失但能心心相應步步不

離忽然築着磕着如子面母如暗得燈一段光明照天照地無隱無覆法法頭頭了無差別到恁麼田地知解門牆不推自倒堂奧不涉已登方才可與吾宗契也如或未然向馬祖道即心是佛又云非心非佛處體究太若體究得出來玉泉老僧與汝證明

示慧惺毛居士

行住坐臥叅不是禪動靜閒忙學亦非道及叅不是禪學亦非道且道如何下手要知此事有心即非開口即錯不可以形形不可以識識無對待沒巴鼻赤條條光灼灼不用文學奚假伎倆只消一片冷淡心

賜久久不退。雖然腦後睜眼佛法世法一時脫破。

示真佛周居士

娘生面目個個何虧佛祖風光。人人具足只是不肯承當。對面錯過。若是有志丈夫。向此確起正念。本無二心。展轉摩光。孜孜淘汰。窮空究來。至極至微。向一毫頭上。有個人路。塵勞自息。昏散自除。行住坐臥。身心兩忘。待客迎賓。無分彼此。到恁麼田地。貴乎長相保守。欬然爆地一聲。管取驚天動地。

示慧超彭居士

此段風光。人人具足。個個圓成。但畧造作些。毫不無

返相背戾。若是血氣男兒。向機前領解。句外承當。一拶百碎。驀然自肯。撫掌呵呵。更不畧糧。涉足向人門戶討。

機緣

見死魚浮水面上。僧問魚。以水爲命。因甚死在水中。師云。元是伊安身處。僧喝。師掌云。活也。至晚。僧入方丈。請益師。問云。命。響。僧乃喝。師復掌。僧云。和尚不得。壓良爲賤。師云。休鼓粥飯氣。僧一喝。師復掌云。一處不通。兩處失功。僧云。請和尚代某甲。道師云。還要第

二約惡水麼

問僧甚處來。僧云。昭覺來。師云。老人與你道個甚麼。僧云。騎賊馬。越賊師。云。恁麼當面錯過。僧云。賊物現在。師云。卽今到玉泉。作麼。僧詣前禮拜。師云。草賊大敗。師又問一僧。老人與你道個甚麼。僧云。問答分明。師云。分明底事。響。僧喝。師云。罷。伺漢便打。居士問。惟此一事。實餘二則。非真。因甚。又誦經禮佛。師云。是誰教汝愛婆娑。士云。和尚也。須珍重。師云。莫謗老僧。好一居士。云。弟子不會。參禪。只是念佛。師云。佛作麼生念。士舉數珠。云。晝夜一百八。師云。古人的你的響。士無語。師云。情知你伎倆盡也。又士云。何不

道一句。師云。你將謂別有。那士云。祇在目前。師云。目前底意。響。士無語。師掌云。河裏失錢。河裏漉。僧問。如何是正中。偏。師云。終日在外邊。如何是偏中。正。師云。堂前提正。令如何是正中。來。師云。騎牛入關。籃。如何是兼中。到。師云。錢樹花開。風浩浩。僧禮拜。師云。者個是偏。是正。僧喝。師打云。看取令行時。師問。僧是誰。拖你者死屍來。僧云。某甲親到玉泉。師云。祇如死了。燒了。又將甚麼到。僧喝。師云。總在死活裏。作活計。僧無語。師喚。僧應諾。師云。你只活得死不得。

僧問盡力道不出時如何師打云正好喫棒僧云道得後如何師又打云還嫌少在僧禮拜師云卽今是道得否僧一喝師連棒打出

僧問弟子初出家佛法中事總不知請和尚指個路頭師云適纔那裏去來僧云府中來師云汝早識得路頭了也僧云請和尚親切指示師云喫茶去

師問僧甚處來僧云大佛來師云佛大多少僧指師顧空師云見神見鬼

師出一僧人師云覩面相逢時如何僧云兩眼對兩眼師云死了燒了又作麼生僧云遍地是黃金師掌

云猶要作主在

僧問文殊爲七佛之師因甚出女子定不得師云只見錐頭利僧云罔明因甚出女子定得師云不見鑿頭方

師問僧無邊刹海自他不隔于毫端因甚菴內不知菴外事僧云爲和尚眼隔師云十世古今始終不離于當念因甚今日不知明日事僧云水滿滄溟月滿天師云興化道底僧捫耳而出

僧問如何是和尚爲人家風師云痛棒一頓僧云離此還有爲人處也無師云負恩者多

送亡僧僧問衫子脫在者裏未審隱上座在甚麼處師云汝且疑着僧云死了燒了師打云看者死漢僧問疎山手握木蛇意旨如何師云毒氣殺人僧吐舌師云中毒了也僧一喝便出門復回又問如何是曹家女師云頭不梳臉不洗

僧問如何是和尚家風師云寒山淡泊無欸待雪飯水茶迺上流僧拜云勘破了也師云上座家風又作麼生僧豎指師云却是老僧勘破汝

僧竊桶次師云我有個破沙盆拿太竊看僧詣前禮拜云竊盆已竟師云竊得不如法僧以手画圓相師

打云太費力生

一士禮拜云願和尚慈悲乞與解脫法門師云誰縛汝士云無人縛師云求解脫作麼士撒手便行師喚回云去

僧問如何是學人自己事師云穿衣喫飯僧領首云阿呵呵師云會得耶僧豎指師云將成萬仞之山猶欠一簣之土

衆人方丈喫茶畢師拈拄杖云老僧者條竹杖要賣與人未審衆中有酬價者麼僧奪師云莫攪行奪市一僧云價值多少師云你不是買主一僧云露出

頭尾師云亂咬作麼師以杖度與侍者云持向幽堂
頻靠壁待個別寶波斯來

僧問漆桶不快時如何師云眉毛千斤重僧云撲破
時如何師云大地一輪紅僧云有意氣時添意氣不
風流處也風流師云非汝境界僧禮拜師云果然
問僧甚處來僧云南方師云南方佛法如何住持僧
云與此方無別師云何似老僧者裏種田博飯喫僧
云和尚佛法如何住持師伸左足僧禮拜云幾乎錯
過師云三十年後切莫錯舉
像贊

慈氏像贊

吾侗老漢瀟瀟灑灑顛狂狂只將肚腸扯寬亦任
兒童放曠喜遊姪房酒肆慣入花街柳巷十字街頭
兜兜答答三家村裏做模打樣呵呵原來冷笑聚無
情乾坤日月一袋裝

祖像

者個胡僧是精扯誕本係西域一夥來此東上何幹
一張利嘴如錐惹得衆皇不羨自知而愧隱高山引
得人天肝膽顫

面壁祖像

面上沒點血色却也知廉識恥昔日慚惶隻展西今
朝然何在者裏呵呵自覺從前一旦非掉轉面朝石
壁子

祖像

四七之終三三之始自不穩口藏舌惹得烟塵遍起
倒駕一蘆五葉後兒孫至今犯口嘴

又

鼓起個眼睛打一雙赤脚同破窺天管出却窺裏驚
呵呵將謂你是少林始祖却是吾家細作

木像達磨

祖像

玉泉其白富禪師語錄

卷六

看者毛臉和尚肚裏沒些伎倆本是一片朽木却來
丟個形狀不異折蘆風力何別有此景相東來也不
稱贊西去也不舉揚貴在直心直腸情與無情供養
雙桂破師翁像

燕額螺髮虎鬚錢臉人情不識佛法齊剗喝下山崩
石裂棒處雷轟電捲有佛處七縱八橫無佛處千化
萬變今朝撞入玉泉不是依前風汜焚香稽首贊揚
供養神頭鬼面

本師丈老人像

法身非小世界弗潤半在芙蓉搖動萬國九十餘年

婆心不歇盡把大地衆生活埋任使人天路絕向有
橋處拆橋去無楔處添楔棒如雨點今須彌到走喝
似雷奔今乾坤失色憶昔冤沉如海深盡把家私向
人說

又

若老和尚描又不成画又不像縱步白牛山頂坐在
昭覺堂上捉敗百千手眼祇用一條拄杖硬糾糾當
陽不顧活卓卓佛祖不讓今朝撞見忤逆兒孫画與
人天做榜樣

慈航老人像

玉泉其白富禪師語錄卷中

玉泉其白富禪師語錄卷中

玉泉其白富禪師語錄卷中

面如滿月口似盆傾有無不立邪正不分开生藥鋪
於金川轉爛葛藤之法輪毒死無限傑士絆倒許多
英雄佛魔人天觸着管教性命無存却被丹青描出
一任兒孫贊嘆

大如和尚像

坐道場於唐安兮戒月孤明演木叉於光嚴兮法雷
普震有時浴盆兮龍旋霖起有時振錫兮虎嘯風生
狠心鬼意兮與人天脫換皮毛鏡舌釘嘴兮向佛祖
剗削邪正不拘大庾嶺頭提不起之手段當作老賊
出身之門庭

白贊 融微百座請

若個老漢用盡機心把千百年外骨董復舉重重惑
人握條七尺瘦筇驗斷衲子性命佛兮不拜祖兮不
尊太虛空裏開竅來白肉上生釘有時向鑊湯裏游
戲有時在針鋒裏藏身試問他是阿誰無餘聲色陳
君

又 玳瑁羅那請

不歇心兮六十翁風旛長挂在那箇絲綸下有千尺
浪布袋還收四海龍兎角杖頭懸日月龜毛拂上束
虛空九如具隻螭蝦眼描個影像在其中

玉泉其白富禪師語錄卷中

玉泉其白富禪師語錄卷中

玉泉其白富禪師語錄卷中

又 琳府侍者請

若個病和尚行藏太狠當皓頭鉅齒虎鬚生錢鑄就
五藏胸中沒點氣息慣要裝模打樣住在玉泉院裏
獨步機鋒頭上不分佛魔人天相逢一頓痛棒敲破
虛空骨髓露出先天形狀一朝撞着李九如脫個影
子在紙上

萬良陳居士請贊令堂像

慈仁恩重若彌峰九我劬勞贊莫窮壁挂燈容雖幻
像晨昏瞻敬與生同
玉泉其白富禪師語錄卷中終

玉泉其白富禪師語錄卷下

嗣法門人明宣等編

拈古

世尊初生一手指天一手指地周行七步目顧四方云天上天下唯吾獨尊雲門云我當時若見一棒打殺與狗子喫貴圖天下太平

拈云調御師向無機處顯大機却是自相漏逗雲門於本分處不本分禍入私門當時若是坐斷舌頭免致天下人賣弄唇齒百丈野狐

玉泉其白富禪師語錄卷下

玉泉其白富禪師語錄卷下

一

拈云不落因果不昧因果一隊無孔鐵鎚道道有有智主人二俱不立

世尊一日陞座大眾集定文殊白槌云諸觀法王法王法如是世尊便下座

拈云世尊陞座向無梯航處設梯航文殊白惟非漸次中言漸次檢點將來煞有誦訛具眼者請向下座處道一句來

女子出定

拈云三人證龜成鼈則不無怎奈傍觀者哂復云誰是傍觀者

玉泉其白富禪師語錄 卷下

世尊在霧山會上拈花示衆是時衆皆默然惟迦葉尊者破顏微笑世尊云吾有正法眼藏涅槃妙心實相無相微妙法門不立文字教外別傳付囑摩訶迦葉

拈云世尊拈花露龜拽尾迦葉微笑影跡難除百萬入天畧較些子噫毋借人口換氣

世尊於涅槃會上以手摩胸告大眾云汝等善觀吾紫磨金色之身瞻仰取足勿令後悔若謂吾滅度非吾弟子若謂吾不滅度亦非吾弟子時百萬億衆悉皆契悟

玉泉其白富禪師語錄卷下

玉泉其白富禪師語錄卷下

二

拈云調御師無端向人天面前撒沙撒土將百萬億人眼睛瞞却輒入黑暗窟裏還有開眼底麼

馬大師因僧問離四句絕百非請師直指西來意師云我今日勞倦不能爲汝說問取智藏公僧乃問藏云何不問和尚曰和尚教來問藏云我今日頭痛不能爲汝說問取海兄僧遂問海海云我到者裏却不曾僧回舉似祖祖云藏頭白海頭黑

拈云馬師父子鋒頭太硬將人活埋幸智僧清機險峻且三位老宿都無出身之由你還見抱贓叫屈底人麼

陸巨大夫問南泉弟子家中有片石亦曾坐亦曾臥
如今欲鑄作佛得麼泉云得得大夫云莫不得麼泉
云不得不得

拈云南泉善赴來機未免隨人起倒大夫擅弄慣
串索也是將錯就錯可憐六月向火炙得鼻頭酸
大夫嘗問南泉弟子家中於一瓶內養得一鷺兒今
來長大欲出此鷺不得碎瓶不得損鷺未審和尚有
何方便泉召云大夫大夫應諾泉云出也

拈云南泉老人費許多氣力未免就窠打劫若到
玉泉門下便與他和瓶固碎何故聲瞋睡當不得

死

大梅示徒云來莫可抑往莫可追從客聞鼃鼠聲乃
云卽此物非他物汝善護持吾當逝矣

拈云一是因風吹火一是冒雨撐船且信一半

五祖演中節示徒云昔有秀才造無鬼論論就放筆
一鬼現身斫額云汝爭奈我何老僧若見以手作鵝
鳩嘴向伊道谷谷孤

拈云秀才筆尖上墨水未乾打不涇紙五祖一令
如勅伏尸萬里玉泉待伊現身云汝爭奈我何吓
一聲饒伊手口齊動只道得八成

大愚芝示衆云大家相聚喫莖蕒若喚作一莖蕒入
地獄如箭射

拈云大小大愚莫謂齒落血流舌頭墮地也不知
五祖演云釋迦彌勒猶是他奴且道他是阿誰

拈云諸人還識得他麼直饒識得面孔分明未免
猶是他奴在何故聲且道他又誰

僧問佛日彌禪師如何是毘盧印弼云草鞋踏雪僧
云學人不會弼云步步成跡

拈云佛日和尚不辭婆心徹底爲人檢點將來未
免翻成鈍置忽有人問玉泉如何是毘盧印但言

籀字不成文又道學人不會云文彩已彰

潯山云老僧百年後向山下作一頭水牯牛左肋書
五字云潯山僧某甲此時若喚作潯山僧又是水牯
牛喚作水牯牛又是潯山僧且道喚作甚麼

拈云以拄杖橫按云潯山僧卽今在者裏且道水
牯牛在甚麼處卓一卓云溪西鷄齊啼

南泉兩堂爭猫泉遇之拈起猫云道得卽不斬道不
得卽斬却衆無語泉便斬之趙州外歸泉舉前話州
乃脫草鞋頂頭上便出泉云子若在却救得猫兒
拈云王老師一場漏逗趙州老賊過張弓故臭遍

天下無人救得了

僧問趙州萬法歸一一歸何處州云我在青州做領布衫重七斤

拈云趙州七斤破衲許多翻騰從前不解浣洗至今臭不堪聞

僧問藥山平田淺草塵鹿成羣如何射得塵中塵山云看箭僧放身便倒山云侍者拖出者死漢僧便走山云弄泥團漢有什麼限

拈云百步而止雖死猶活就地而倒喪身失命者僧縱解腦後拔箭待他出頭來也只在草窠裏覓

丹霞燒木佛

拈云丹霞燒木佛禦寒也如由基箭院主墮落鬚眉正令當行雖然如是得失在甚麼處

舌者云者一片田地分付來多時也我立地待汝搆
舌法眼云者一片田地分付來多時也我坐待汝搆
舌佛果云者一片田地分付來多時也我今當衆慶懺

拈云看者三個老漢只請問不過賣弄伎倆玉泉也不兢兢吒吒一味取慎逍遙寒燒槽櫛撥紅火熱則乘涼把扇搖

偈

示野雲禪人

野雲箭疾任飛騰宇宙橫空絕點塵但得殘霞收拾靜明明獨露一孤輪

示潔然禪人

一念不生真淨界凝然皎潔更無瑕吾門多少英靈子只爲貪求被物遮

示元空靜主

丈夫立志要超羣莫向枯巖學死墩蒲團坐破百千個依前日午打三更

示圓靜禪人

個事元來本自如闍黎莫謂有親疎和身放下非庸易馳騁徒勞涉異途

示心田禪人

朝朝何必苦心田費盡機關亦枉然待汝習窮伎倆盡元來滋味一般酸

示大癡禪人

子湖狗子太無情犯着阿師也斷魂不與闍黎通一綫相逢又道少知音

示體用禪人

有心覓道道轉還無念怎麼放過他坐斷有無全體
用山河大地絕週遊

示恆參上座

穿衣喫飯非他得一段光明毋自欺未向其中親徹
手不知心苦待何時

示應徹園頭

山家活計鏗頭邊時雨時雲莫放閒子若一毫功不
及許多團圓入荒烟

示湛吟莊主

挽定繩頭駕定犁須從方寸把工施鐵頭脫處高睜

文庫

五言古詩

七

眼土塊元來本是泥

示明本禪者

明得本來一段風百千諸佛體皆同子今自不承當
也任往雲山幾萬重

示義睿禪彥

臨濟家私不覆藏尋常拋放在雲堂箇中恨無知音
者一喝從教手脚忙

示秀啓禪者

青年立志欲逃禪切莫隨流涉外緣招手隔江直取
公如今此輩罕逢焉

示當軒行者

賦性溫良真切直行藏却與世相宜先天一物隱何
處多少人來又着疑

示琬石禪人

此事明明不覆藏當人於此要承當輕輕觸着娘生
鼻汗下通身徹骨涼

示琰石牧子

顛蹶狂牛一索牽調馴水草漫加鞭挽回自得天真
性種月耕風本自然

示眞誠沙彌

五言古詩

五言古詩

八

立心學道貴與誠溽暑祁寒總一心漆桶驀然繩子
脫十方世界露全身

示珎石禪人

鑄就一番鍊心腸大凡作用莫尋常脚跟點地非他
物本是吾人一段光

示璿石香燈

霧源莫待暗昏昏時把心燈晝夜明禪室悠悠光皎
潔朗然洞徹本來人

示惺石勤策

長年行海意如然苦戀工夫志不遷益孟有口通消

息法門堪作一旛竿

示嘯石禪人

己事有無己自知神機萬變情阿誰南泉不是忒無力暗轉繩頭放過渠

示礫石禪人

覆鉢一柄似何鋒解用之時活似龍截斷多生鹿業網出家方信有全功

示岫石禪人

粥公飯來從汝用試思喫者是阿誰忽然咬着舌頭血吐出面前紅一堆

示玄學上人

一筆蘸乾太液池半肩挑盡五湖水衲僧作畧能如是不負當人一片心

示慧曉丁居士

預門慧眼曉如日燦破虛空號太玄那個男兒甘自昧揮開萬象別壺天

示慧本楊居士

個事本來沒甚奇穿衣契飯現成底到頭一着君須薦妙在呵呵大笑時

示慧定張居士

兩听歸來雪滿身一腔風月向誰傾暮然冷地能星現始信從前錯用心

示慧光王居士

剔起眉毛莫放閑頤除劣勝與談玄水肌雪骨同梅質木滴年深石也穿

維那一日率眾乞開示師云近代禪者多實爲生死者少若論此事非大丈夫必不能爲也何故彈此段大事因緣乃成佛作祖了脫生死大事豈尋常可得也先要發向上機立向上志發大誓願要信得及放得下話頭乃悟道之根疑情是見地之本時將末法

人命轉促無常交參一入幽塗累劫難出畢竟此生

十

要了明者件大事便得快活自由不被生死業網牽絆倘此生不了有何交涉一息不來轉頭不知是何面孔良可悲也在此勢立千夫難敵之勇百折不回之心詣知識邊或請個話頭或經教未明公案領在八識田中時時參究刻刻提撕勿令斷絕參須真參悟須實悟寒暑不遷其初安危莫奪其志不得賣弄虛頭發言先要誠實只是一念萬年萬年一念如斯參去歲深月久功成果熟時節到來其機自發倏然迸破疑團始得大休大歇也有等機淺之流抱個話

頭作個猜謎相似只望求人說破知識婆心豈肯悞賺待自悟太若向此中無下手處自生退悔返不信話頭是悟道之機參禪了脫生死與同流者曰歷代說禪說道者亦未免死亡何故自勞筋骨苦其形軀不如穿些喫些受用些是正經的事大限到來未免一死而已豈有二耶答天蒼天此輩愚人乃佛法中大魔自斷命根自投網罟良可嘆也此輩不唯彌勒下生千佛出世不能救也亦是無始劫來業識影子深重不會遇佛法故有等學人裝點知識賣弄虛頭開口即是機鋒出手便是拈拳胡喝亂喝顯異惑眾

十二

順之則喜逆之則怒其知識等與佛齊觀必須究竟使一切人歸正路頭不契其機返生誹謗說知識無冤親平等有愛惡之心即掉臂而去撞入魔黨將古人千七百則公案從頭一一註解說或一問如箭入心自云此知識纔有徹底為人處惜乎乍入宗門之輩披如來衣行天魔事渣滓佛海荆棘祖庭將世尊大全之旨返為戲具也諸兄弟不聞先聖有停餐輟飲廢寢忘勞者有脇不至席立願三年者有十年二十年在此中作活計者至于歷代諸尊宿不勝枚舉豈先皆有賺殺後昆耶眾兄弟及痛念生死大事不

憚百里之遙來到蟠龍共守寂寥不得虛過時光各憤勇猛當下明勘破諸方善知識舌頭也

普說

師云昨日二十九今朝是三十數目甚分明循環無間息無間息與他覷體不相識師召大眾云且道他是阿誰一僧云謝茶師云喫茶時謝茶不喫茶時又作麼生僧云謝茶師云釘椿搖櫓漢舉臨濟問僧甚處來僧云定州來濟拈棒僧擬議濟便打僧不肯濟云汝已後遇明眼人否在僧後到三聖舉前話聖拈棒僧擬議聖亦打師云若僧決不從

十三

定州來何故聲若端的是定州僧何被臨濟傾家破產殃及兒孫也師良久云諸兄弟明眼人前不得錯舉謝茶

萬菴以小叅普說當供玉泉恰逢淡泊且不妨舉例以表殷勤遂展兩手云和盤托出了也大眾下口着緊防噎殺

雲門餅子趙州茶下口方知滋味佳信手拈來輕回碎中有一物不沾牙且道是那一物聲待無人時與伊說

分燈

融徹圓頂禪人

性宗一義諦當觀選佛場開正法筵龍象四來雲集
會雲施電卷舞三台

慧空智海禪人

楚湘行脚渡西軒踏破烟霞任指南當下了明正法
眼拈提祖令振三玄

融穆圓宗禪人

早年離師易他方誘物難老當身益壯歸院祖燈懸
玻睿明崑禪人

的的西來大意宗流芳千古應無窮一條白棒揮霹

震撥轉娑婆四海龍

琳睿明宣禪人

法幢高豎在西東任爾爐鎚億萬鎔七尺烏藤吩咐
汝撐持祖道仰輝弘

頌古

世尊初生

因地一聲海岳昏何緣自己却稱尊識來調御舌頭
也三界都盧一個人

法華云是法住法位世間相常住

是法住法位世間相常住水流江漢太雲入紫微都

世尊觀明星

堆堆黃葉雪峯寒坐久成勞夜夢譚且喜明星刺着
眼自尊自大到何年

世尊拈花

四十九年說盡麼人天衆裏好哥哥頭陀一見呵呵
笑放不下兮漏逗何

女子出定

文殊出不得罔明人不得女子與瞿曇有耳聽不得
趙州狗子

狗子佛性論有無依然壁上挂胡盧舌頭墮地君知

否辜負高陽酒一壺

趙州一日在佛殿上見文遠侍者禮佛以杖打

遠一下遠云禮佛也是好事州云好事不如無
扶起放倒意若何無端特地起風波棒頭有眼明如

白遠老通身挂綠羅

萬法歸一一歸何處

展錢旗鼓握霜刀劍一歸何處萬法裏現
南泉斬猫

南泉據令不尋常白刃臨機孰敢當頭戴草鞋如救
得死尸猶不臭諸方

嚴陽尊者問趙州一物不將來時如何州云放

下着陽一一不將來放下個甚麼州云放不

下擔取去陽當下大悟

人人認作現成底無底草鞋付與誰幸荷嚴陽筇

柄兩手持去瑞東西

趙州三佛

泥佛不度水日炙與風吹形山無處覓那許著眼覓

金佛不度爐寒光匝地敷露靈海門漏含元萬像殊

本佛不度火灰飛滿大羅罔碎琉璃瓶清光何處無

本來面目

本來面目隨情應物體取非有用處非無叫呼聲未
絕當人已出戶

又

本來面目下水雞寒上樹

為山水牯牛

莫道為山不道牛白看撐舟輕烟盡盡狼烟

息野水長天一色秋

鳥窠吹布毛

幸然無事可相酬套路迢迢嶮更憂拈起布毛風電

急移

王人公

王人公不尋常兩道鉄橫眉一付冷心腸通身無影

像遍界不會藏不會藏的體全身露堂堂

黃龍三闌

我手何似佛手隨分拈棒弄塵全提殺活臨機逼得

須彌倒走

我脚何似驢脚動步無非踏着勢地踢翻崑崙白刃

紅旗閃爍

人人有個生緣吾宗直旨單傳逢人斬頭截角管取

血踐梵天

王人公

王公其白富禪師語錄

卷下

佛手驢脚與生緣總取還他一串穿安置中原大唐
國風吹日炙到驢年

三種師子

三種師子不尋常張牙露爪氣如王光吞劍刃錐鋒

疾鉄額銅頭也斷腸

汾陽三句總頌

汾陽三句轉崑崙崑崙雲綻青天月到村開合卷舒隨逸

目天明依舊又黃昏

汾陽三訣

第一訣勝奇絕手把無孔鎚敲落一輪月

第二句 太阿鋒殺人要見血

第三句 浮山九帶總頌

三句

第一句的體分明休擬議高着眼百艸頭邊祖師意

第二句白日青天轟霹靂休側耳直下分明須薦取

第三句妙用臨機如箭疾石火光那個男兒知端的

浮山九帶總頌

九帶全提正令行舌頭墮地眼橫睛臨機突出威音

外未後何須再問津

正法眼藏

世尊

世尊不說迦葉不聞祖福不了殃及兒孫

涅槃妙心

刳前本自無拘束佛眼何曾識得伊一點圓明無影

相恁他南北與東西

十智同真

十智同真浩太玄就中一點許誰傳千年贅脊老逾

健百尺竿頭任縱橫

臨濟四喝

凜凜透坤維輕輕舉動傷鋒

手

一喝師子踞地時玲瓏豈肯穴間棲萬里狐狸潛踪

跡銅頭鐵額也頭低

一喝將爲探影艸皮骨肺肝盡知曉較驗輕重機電

急擬思量處枉徒勞

一喝不作一喝用鍊蛇鑽入酒糟甕好要分明舉似

人祇因舌頭千斤重

三要

第一要絕朕兆觀面無回互寶鑑當空照

第二要無巧妙縱奪機電掣匝地寒光耀

第三要深玄與泥牛吞却月石虎迎風嘯

世尊

無鑄鎖

四稜着地內空空廓落玄機振祖風世界乾坤都鎖

斷中畱日月過西東

無孔鎚

軟似山鋼硬似泥大悲千手亦難提拈來安置芙蓉

地無限天龍也皺眉

無星秤

條條赤體沒些痕會試青州衫七斤分兩鎚銖毫髮

叩休將錯認定盤星

無孔笛

生來格調氣多清不屬陰陽造化成逸興頻吹雪曲
韻驚翻石虎望龍吟

無縫罅

參天兩地影團團突兀無文萬象全却被耽源委悉
後今古無人描得全

無絃琴

不用斧斤鐫琢成南薰一調了無聲坐中誰是知音
客聽取分明韻更清

無底盃

快暢團團一盃孟大庾嶺上是全提人天應供非干

手釘飯頻炊接上機

無根樹

日炙風吹幹不摧挺然卓立合坤維不同萬象增榮
茂影覆人天別一枝

無底籃

不假工夫功自成收藏四海毒龍禪高懸無影枝頭
上電閃星馳篩月明

無底船

呈橈舞棹出前溪帆影橫斜掣電飛逸興蘆花深雪
裏滿船空載月明歸

行實

康熙戊辰長至日首座融徹領大眾入方丈乞師自
進行實師云莫揚家醜塗污人耳目衆再三誠請師
堅止之至己巳夏佛誕前一日因師病篤徹仍領衆
入室復乞下海師云何勞大眾重重繫縵師見其殷
殷只得對衆拈出余本蜀南眉州人父姓龔諱輔母
劉生於天啓七年十二月二十九日午時也齠髻之
年一日聞鄉人請法師講金剛經余偕父詣彼法席
總無所知至經完提唱世尊捨皇宮入雪山苦行因
緣余聞之不勝暢然心中默想使我今生出家如此

修行滿我願也遂回白母母峻阻余堅志甚切心中
惱悶兩日弗飲父遂問其故母舉吾志白父父曰出
家因緣却非小可恐此子三生有願放出斯言果欲
實念設齋送伊出家了其前願余聞此語不勝忻悅
於甲戌歲禮古淪慈航主法剃染法名德富侍師恆
從講席丁亥歲隨師至遵義開演經期值一禪者提
唱悟本禪師幼歲從師念般若心經至無眼耳鼻舌
身意處忽以手捫面問師曰某甲有眼耳鼻舌何故
言無師驚異曰吾非汝師指往五洩山禮勝默禪師
剃落予聞此語生大慚愧從此放下死心將者公案

每每提撕放之不下吾性愚鈍諸觀教典曲徑多門不得脫灑常隨師方外靜時少亂時多終日懊惱舉措無由費盡心力無一點縫罅被昏散二魔所攪自揣業識深沉三生未獲勳修於佛法中不能悟入遂淚下如雨至次日臨衆聽講物我渾然一切不知至若心有住卽爲非住少有契入胸中凝滯豁然頓釋徹身出外有禪者曰佛法未周汝出來作麼子曰將此作佛法會敢保未夢見在僧曰汝具甚麼眼敢恁麼道子曰道破卽不堪僧曰也要大家知子曰用知作麼僧咄子便掌自後披閱諸祖語錄始知聖道

之權實正如空中鳥跡水底魚踪也期圓隨師至岷山法輪院閱經數載至丁酉辭本師詣圓覺山大如和尚座下圓具遂命演毘尼仍回法輪師命義脅施茶一盃而歸是時本師染恙藥石罔效予覽教典昔立契會爲師割股之說予效之是夜人盡時焚香禮拜就左股上割肉煎湯持本師榻前請服本師接着手中輒而問曰此是何藥予曰是某善士所採艸藥囑人盡時方服本師服之就枕而臥予侍榻少頃師乃放聲大淚予胡跪云師何故如斯本師曰吾年八十皆空時也沒何行此苦法欲救吾耶世間一切總

屬幻化况色形耶縱使百年亦不免也予曰德富有何苦法本師曰汝猶瞞我予夢寐中忽有神人告曰和尚壽筭滿矣奈徒行苦行祇延十日也予泣曰德富欲效前人所行祈師常住在世爲衆生津梁也師曰雖則如是爾猶未空予復禮拜而出本師竟終于己亥春三月十四果旬日也予送師入塋訖三年服滿辭衆檀越詣灌邑唐家寺開戒壇開暇披閱子史一日有感曰義學祇益多聞難禦生死生死不了學奚益哉予便束包行脚參遍諸方後仍旋灌邑值僧參大德以郡簡玉泉虛席請予主之庚申昭覺丈老

人遊崇寧福昌予偶遇老人把手曰你然何藏在者裏予曰未曾藏老人呵呵大笑予禮拜次日老人回昭覺予玉泉老人寄扇一柄書偈云昨過福昌信言行福昌有賊據其門問其所以徵其信曾割舍元殿裏人後省觀老人于昭覺數遭惡辣鉗鎚記爲種草以源流杖拂授之偈曰古城遺堞起翔龍出入玉泉菡萏中一聽老僧垂示後風雲雷雨盡相從予堅辭曰力量輕微難擔大任本師曰近來法門秋晚佛法掃地借重扶持遂拜受之老僧德京行寡只堪隨緣消舊以終殘喘有效亮座主之志方如願也不憶

本邑自覓張居士爲期主請開法幸蒙法兄懶石佛
冤問潮三位和尚輔弼命予陞座是以聊拈瓣香勉
登曲景本昧用散師恩予被顏抱愧薰蕕共同魚目
混珠今因諸子必欲老僧納敗缺老僧元來無事殊
期露盡家醜重帶枷鎖其末後事付在他時何堪瑣
瑣諸子嗣後履踐宗乘切莫作者般本就勿勞久立
一衆作禮而退

書問

復慧菴居士

來翰云業海漫漫未委何處是听此未委二字便是

王泉其白富禪師語錄卷下

五

捷徑路頭恰好下手向者裏須下一番精采屏除見
聞覺知只教前後際斷任是佛法世法打成一片至
無一片影子時節自然不用些毫氣力而信步到岸
也此復

復嚴先生

金山謂東坡先生曾藏萬卷提起父母未生前事茫
然無下手處今讀來翰莫謂山僧不識好惡先生亦
無下手處總向有無內外中間尋討若向空劫以前
領荷可稱敏手切忌間外打之邊作活計殊不知此
事不着着些氣息亦非語言可詮形相可表只一個

平懷做公始契其機若論于文學中明此事任君才
過李杜志奪項劉到者裏未免無下手處

奇楊居士

寒則同寒熱則同熱此二語甚是應時應節但未知
穿衣喫飯迎賓待客之時曾獲一回汗出徹體清涼
否直饒居士與麼去老僧還要問汝上日到玉泉被
老僧一掌打落鼻孔未委落在何處即今尋着否耶
若尋着與老僧通個消息來若未然再來喫玉泉棒
何如

復竹浪法兄

友

王泉其白富禪師語錄卷下

五

攔路接人赤心爲衆往來衲子無不稱羨古佛也吾
師法道源遠流長人天慶幸弟但欽心敬服而已自
念年來齟齬延喘日嬰實法門中一無用人也何當
吾兄刻念往往既步玉泉未遑親馳趨謝

復東山李長者

彩飾祇園金鋪聖地非夙有霸種曾受記前者曷能
發此勝妙心耶真乃居士贊揚法化誠爲金湯利己
利人一種大悲心也仍蒙不棄山竺翰詔遠頒欲祈
講論金剛般若以洽羣生其奈貧道無文山林樵牧
之姿何堪斯任既荷盛念豈便推辭但孤筇瘦影白

拂袈裟祇宜寄于林邊詎寧造東山之名藍也來人旋歸肅此奉復

雜著

輓草堂充裕和尚

充公錢馬出三關踏破乾坤沒底籃一段風流歸故里空留法社賴誰攀

輓龍藏大朗和尚

七十四年老衲子今朝撒手樂歸西臨行一調還鄉曲唱出威音那畔機

光嚴送屢生上座歸寶城

相親未久別携筇嘿付從前逸興濃此去雲山千萬疊長天一色月輪同

寄鑑微居士

雙飛日月急如梭無耐人生身老何縫下不明己分事更於何處出纏病

四威儀

山中行緩步出林嶺嶺頭上踏碎一堆雲
山中住身窮道眼富覩破來大地無一物
山中坐人境俱不奪爛槽柑日燒三兩個
山中臥曲肱而枕着猛醒來星斗都驚落

結期

雲集繡流建法幢全提殺活任施彰厥中賓主無回互人境相忘花雨香

笑殺玉泉漏逗機家私徹底挂橫眉傍敲正打於方寸跳出金毛師子兒

佛事

爲素監寺起龕

不問公來不涉程途正與麼時如何是素監寺出身句以杖擊龕云倒跨楊岐三脚驢

爲圓誠禪人起龕

頓脫娘生皮袋好個昇平世界本自了無幻化生老病死何來指龕云放便倒扶便起星流電激三千里

爲瑞松禪人起龕

祇解任麼去不解任麼來五步雖存七步不活豈解任麼來又解任麼去還他朝遊西天暮歸東土漢始得何故脚跟無綫如蓬轉信步渠儂得自由

爲祐監院火

輔弼玉泉擔提老婆心切不已驚然打破漏巖皮囊拋向者裏熾炬云老僧助渠三昧火燎却開黎鉢面皮

爲圓叅副寺火

渠號圓叅了聖超凡娑婆知有此苦何緣來此一
下炬云今日當頭不避火也會幾跳金剛圈

爲眞祥禪人撒骨

樹倒藤枯紅爐焰滅弄盡骨董更無漏泄送長江
水清玉潔拋至江內云掣開骸骨撒波心如淨琉璃
含寶月喝一喝

爲圓賢火

郛筒井蟠龍山總是關黎不二關下炬云火蛇劈面
來虛空徹底翻啖

增銘

粵稽刹利誕眞拘羅示寂在成周昭穆二王之間彼
其時名雖出自西方法未流於震旦自化人來作中
天臺以奉之而教興始及秦皇禁沙門室利房等因
見金人出戶露異昭然信從者遂衆嗣是清涼顯節
益事尊崇教乃大著焉歷代以來耆臘苾芻傳燈續
焰由摩訶迦葉至三十二祖弘忍雖宗門各出而三
緣四諦指趣同歸其中之證果登峴得法要而振宗
風者莫可殫述直以了悟眞空明心見性爲上乘界
非幻也世之人謂祝髮披緇遂可澄緣淨業不知本

來自有夙具功行出乎尋常乃能度愛河而褰欲網

光像教以覺羣迷不然何成佛作祖之寥寥也緊惟
玉泉其白富禪師其底幾乎師本眉山人也其族姓
龔父諱輔母劉誕師于明之丁卯齡穎慧敏悟性
成會講金剛寶法默契妙旨因而決意空門禮慈航
和尚難捺而夙志以醇圓具于大如律師漸修日茂
凡諸子史靡不通微一日師感世相無常嘆曰義學
祇益多聞難禦生死死不了學奚益哉遂束包行
腳歷遍諸方叅丈老人于昭覺老人授師心要大法
而紹續焉繼而卓錫郛筒之玉泉開建精藍高懸赤

幟是時宗風大振四來耆雲與霞委千株毓秀萬指
圍遶識者謂曹溪正脈唯師任之良有以也且師道
韻奇偉素性冲然凡所禮接非道契不偕凡所經行
非闢教不出卽虎溪惠遠何以過之况磨甃成鏡契
馬祖得道之年聚石點頭際竺老談經之日其以證
卽心卽佛者此其時也自是克圓善果道有傳人回
首霧山拈花可笑揚鈴隻履了大意于西來息死勞
生脫幻形于東土何里何礙任去任來當前自有解
人奚暇向葛藤窩裏再煩饒舌哉雖請偈畱偈未免
着相于當機而一言再言無非授受之微旨乃知現

在涅槃卽波羅法會也師偶示微恙門人圓頂入室
定省師曰身病本無生因病從緣起病緣不相礙虛
空亦復爾是日夜未央師問蓮漏幾許侍僧曰午夜
矣師遂索水沐浴訖趺坐說偈曰了悟三空寂寂全
無一點巴鼻今朝化緣已滿翻身靠倒須彌言訖奄
然而逝因值夏熱炎天之時暑氣流蒸之際軀留弗
火而顏不易神光儼然愈勝于生觀睹者咸噴噴異
之增發聖心時康熙庚午仲夏廿七日也殊不知金
剛不壞身原無生滅夫豈片晷終朝所能徵其存歿
也哉則謂師也沒者真也卽夢也抑謂師也存者夢

王泉其

玉泉其白富禪師語錄

記

也寧非真乎但色空真界知者幾人不事標題清修
莫顯爰并其族貫里氏詳誌于碣以爲由俗歸真之
審筏也卜真宅于幡山左腋之陽建宰堵波以禩之
因爲其銘

銘曰

去來不可斷 至性非明滅 雙足已現林
而彼自鳴咽 光生玉鏡中 道茂金輪徹
空遺甕石窟 徒令蒼苔茁 借問蓮花萼
阿誰授真訣 得渡自能渡 江蘆不待折
請將方寸因 同向牟尼說

告

康熙壬申正陽月佛誕日馮江賜進士弟子遜菴王
庭詔沐手拜撰



康熙乙亥仲呂月佛誕日板藏嘉禾楞嚴寺般若坊
附藏流通

嘉興倪爾繩梓行
嘉善李文伯書

玉泉其白富禪師語錄卷下終

王泉其

玉泉其白富禪師語錄

三

蟠龍山玉泉融微頂禪師語錄序

教中道但落言詮終非實義所以初祖達磨將此公案袖入華夏不用語言文字直指人心見性成佛斯旨傳來久矣信之者似眾如麻體之者星中揀月今我玉泉法姪融微禪師韶齡難漆不務外學其語言文字置之弗問只知向上一着晝參夜參蘊在胸中任其白和尚推拂之下四十餘稔一日聞舉風旛話言下打翻漆桶如披雲見日大地平沉始知無量劫前事不異今時所謂元是舊時人不改舊時行履處常用藥山三條篋束取肚皮隨處住山因伊本師其

和尚化太紳衿縑素及同門昆仲等請繼玉泉之席迫不得已披杖歸來遂有垂示機要皆從胸中流出實非語言文字也若論其直指見性之旨而微公其人焉予見其履真踐實豈忍默無言哉謹贅數語于弁云

書

康熙乙亥佛誕日青城竹浪微生謹識



玉泉融微頂禪師語錄

嗣法門人 明盛等編

康熙己巳七月朔一日光嚴鑄顏和尚及紳衿耆舊緇素等請師繼席上堂請座云不禮彌勒高揖釋迦者到來作麼生行履良久云欲窮千里目更上一重樓便登拈香云此瓣香乘先天正氣尊日月精華蒸向爐中供養釋迦文佛歷代祖師伏願燈傳悠遠正眼悟明此一瓣香非形非狀應在機先蒸向爐中端為祝延

當今皇帝萬歲萬歲文武官僚高增祿位伏願佛日與舜日同輝金輪共法輪併轉此一瓣香威音那畔拾來人天眾前拈出供養傳曹溪正脈第三十七世上其下白本師富老和尚用酬法乳斂衣敷座白稚竟僧問如何是死句師云石虎抱兒眠進云如何是活句師云無言童子口吧吧進云如何是不死不活句師云古路無人到清風自往還乃云新成樓閣向南開露明一點映亭臺當陽剖露人天眼赤體條條適意便豎拂子云還委悉麼如或未然聽取一頌風颯清風不暫停一回拈起一回新金襴亦自傳迦

葉磚頭瓦 味盡知音喝一喝下座

辛未結制期主慧惺毛居士設齋請上堂詣座云者個曲杲木觀而無回互舉步任高登踏斷凡聖路遂陞拈香云此辦香植種子威音那畔榮幹于太極之先熟向爐中祝延

今上皇帝萬歲萬歲當道尊官現前請主伏願元首明哉股肱良哉庶士康哉此一辦香天莫能覆地莫能載熟向爐中供養前住光嚴得戒大和尚現住昭覺師翁丈老人用酬毒手之恩此一辦香生于不萌枝上長任太素峰前今朝落在玉泉手裏第一

回拈出供養傳臨濟正宗第三十三世上其下白本師和尚用酬法乳上首白椎云法筵龍象眾當觀第一義師云天上無雙日閻浮有至尊萬年松不老壽筭等乾坤眾中還有識此人麼問向上宗乘即不問如何是臨濟家風師便喝進云如何是幽蓋乾坤句師云八臂那吒提不起進云如何是截斷眾流句師云錢蛇橫古路進云如何是隨波逐浪句師云汝問我答進云三句蒙師指慧惺設齋如何相酬師便打乃云今朝十月十五行者考鐘伐鼓玉泉結制上堂驚起魚龍躍舞只將白棒提持大地山河莽肉坐斷

諸佛關鍵網維從上列祖衲僧擬議思量一棒打折驢腰莫言不道良久云因先師有則未了公案彼見前四眾命頂上座出來與先師了却承慧惺居士合家來山供眾只得因齋慶贊結九旬之期掉轉鈴旗將三連六斷為爐金烏玉兔為鞴亦任金銀銅鐵磚頭瓦礫煉成一片是聖是凡煅成一體總教放出無位真人與山僧同一鼻孔把手並行諸人還識無位真人麼死脫丘結椎云諦觀法王法法王法如是昭覺雲師翁辦齋命上堂問六門緊閉還有出入者麼師云亂走作麼進云滿天星斗即不問如何是牛

夜日頭紅師打云頂門薦取乃云金剛正眼照徹十虛心光朗耀萬象全彰所以道昭昭于心目之間相不可睹晃晃于色空之內義不可窮與天地同根萬物一體佛佛授受而授此也祖祖相傳而傳此也葛藤且置即今報恩一句作麼生道棒頭有眼明千古喝下山崩水倒流

上堂諸佛本無說祖師未曾聞畱下一轉語千古鐵龜坤且道是甚麼語響喝一喝云今朝冬月一萬卉俱凋悉玉泉爐增焰山門輝佛日鷲召眾云是何朕兆良久云庭前生瑞艸好事不如無復喝一喝

上堂一切法不生一切法不滅森羅及萬象明明燦然說頂上座到者裏有口祇堪挂在壁上

上堂喝一喝云千斯斲得一生參學事畢不勞覲體承當其或未然不免矢上加尖去也竊登拂子云白拈賊無異色以拂子拋下座云拋向前誰識得衆中有識得者麼良久云趙錢孫李周吳鄭王

佛成道日上堂調御六載錯用心却是無繩自縛身睜得眼來花亂墜今朝誤認定盤星阿呵呵會也麼山河大地平如掌萬象森羅總法身

上堂問如何是趙州關師便喝進云有佛處不住時

五言古詩

四

如何師云金屑雖貴落眼成翳進云無佛處急走過又作麼生師云潔白地上不許撒沙乃云雲山疊夢錦水洋洋鸛啼鶴唳艸秀花香本自現成公案何更覓水淘江昔日圓通老漢不開生藥舖單賣死貓頭玉泉無藥舖可開亦無貓頭可賣籌盤拳云只有者個且道與古人相去多少良久云家家明月誰無分處處青山總白雲

上堂此事元來要自強拏雲攫霧露堂堂蟠龍山裏家風別放出鯨鱗吼大方喝一喝

解制上堂滿散縱橫得自由酬恩報德更無憂雲絲

月餌俱收却任意行藏別世流九十九日已前雙垂鼻孔九十九日已後鼻孔雙垂即今九十九日已滿玉泉無可供養以拂子作此○相云祇有者個雲門公案亦任諸人咬嚼顧左右云逢人不得錯舉

佛誕大慈法伯懶石和尚送法衣至上堂問世尊初生是何意旨師云師子吼進云生後如何師云無畏說乃云釋迦降誕不肯遠孫無可供養以拂子作中相云頂上座只有者個聊表微誠還委悉麼脫或未然更聽一頌頌跨香象降皇宮七步周行稱大雄四十九年會漸泄拈花微笑浪施功今日蒙大慈法伯

五言古詩

五

和尚尚使賜法衣助揚法化驀拈袈裟角云此是昔日大庾嶺頭提不起的落在玉泉手裏如雲普覆似地普擎對衆拈出爛打葛藤紅爐飛雪無棲泊一點恩波散作霖

上堂乾坤之內日月之中唯有一物今古攸同敢問大衆是甚麼物譬若識恁麼物還須恁麼人

祈齡上堂初分混沌列三才道人無事任徘徊千年嶺畔青松翠水滿池中月自來

清明上堂爰象初分瑞氣濃當陽涌出一輪紅棒頭點出威音旨法雨時傾起臥龍毛吞巨海承渠力芥

納須彌理事融山家不會論花甲一度山青春又逢
小叅昨日霜花拂檻前今朝黃葉落翩翩禪人眼底

休着屑覷破元來不值錢諸禪德有疑即問知過即
改操金剛斧秉智慧劍凡聖到來一刀兩斷做個出
格漢子不惟已躬事畢要且不受人瞞

小叅古德云大疑大悟小疑小悟不疑不悟玉泉不
然有疑墮坑落壑有悟撒沙撒土何故躡本自無迷
道甚麼悟如鏡中像水中月眼見最分明只是難收
攝縱收攝舉似明眼人不得

晚叅月大有二十月小二十九大眾請喫茶切莫打

涇口若還打涇口杖頭劈脊樓

示衆玉泉有口也難言坐斷千差亦弗然覷面相承
提祖意只教切切悟心田田悟無邊業海成甘露
觸體常放白毫光有甚佛今有甚祖

示衆今朝二十三推車上竹竿到頭須着力莫待有
循環諸禪德向着力處道一句着良久云玉泉恁麼
也是矢上加尖

示衆時當季冬十五梅花撲面鼓舞木人穿靴歸漢
石女帶帽來楚大火焰中轉法輪烘烘烈烈勢難阻
煉得須彌無處藏身海神踔跳如虎大眾還知麼玉

泉到此露全身屈指數來正十五正十五誰人解打
虛空鼓

示衆玉泉無法亦無禪二六時中好打眠有人問道
西來意覷面當機只一拳

示衆呈拄杖云老僧拄杖子與諸人說法已竟大眾
聞麼良久云不免與諸人頌出拄杖說法爲覓知音
一句單提海晏河清拽拄杖歸方丈
頌古

女子出定

一段鼻風絕正偏拋頭露面現倪端那伽大定非出

入鼻孔都盧缺半邊

丹霞燒木佛

覷破浮塵徹底空寒將木佛火來烹金剛舍利名非
實帶累傍觀身爛紅

大顛擯首座

接拍須還子弟風傍敲正打顯奇工南山下雨北山
黑青艸池中隱活龍

無位真人

者個郎當漢分明常相見頭頭境上彰法法塵中現
八面絕遮欄十方俱坐斷天上人間尊剎那卽周遍

住居無相國時復空王殿

觀音像

應身三島碧波中剎海無邊示面容日度怕沙無量
衆聞思修證總皆空嘆總皆空婆心切切通悲風

初祖像

一臉落腮古怪形狀眼空四海君王不讓言語咒咒
嗒嗒心體空空蕩蕩見木脫鞋今蘆花洗漾履水如
地分熊耳山上九年面壁今人天榜傑道是阿誰達
磨和尚

又

老胡碧眼訪梁王語不投機自主張一羣蘆花江上
渡九年面壁接神光接神光千古兒孫滿大唐

慈航師翁像

八十四年作賊歷遍天涯自得窮盡教乘骨董識取
乾坤一色嘆要委師翁指趣頻觀海宇風月

本師其白老人像

吾師之像描亦非真吾師之德贊一弗能曰有今一
塵不立曰無今橫亙古今若將眼見終難見耳裏觀
身不是身

大如和尚像

大地爲廬一衲飄然曾經劫火適意逃禪歷遍寰宇
垂手入鄆欲贊師德于萬斯年

聯芳

明睿明盛禪人

少年立志要孤窮日用尋常覓己躬但得心空歸及
刃利生接物續吾宗

碧睿明聰禪人

年來于此覓行藏氣骨無凡鎮紀綱七尺烏藤分付
後拈椎豎拂播諸方

明修寂鏡禪人

融微禪師語錄

九

月下傳衣會也麼蟠龍峰有養龍窩他年致雨騰霄
漢一曲陽春唱凱歌

古林隆王禪人

芒鞋踏上毘盧頂瓦礫磚頭盡放光萬仞峰頭堪獨
步祝吾香也喝諸方

應緣普聞禪人

一志南來始遇吾箭鋒相拄道心孤龜毛一柄親拈
付爐鞴宏開任展舒

賓睿明慶禪人

真風占斷萬機先捉敗虛空喫錢鞭臨濟綱宗隨倒

弄單刀直入萬峰寒

偈

夜坐
清幽子夜踞爐前兀坐衣披星斗寒
腦後神光非色相輝騰霄漢碧空懸

示隆玉禪人

目透玄關唱哩囉燈籠露柱笑呵呵
百千三昧全機用一竅通兮百竅和

示普聞禪人

真機脫畧面堂前覩着令人心膽寒
十八童兒堪戲

舞月明簾外轉身難

示空一禪人

佛性有無句總全偷心死盡意便便
西來的旨離文字何勞舌上更談玄

示明懷行者

日用事兒本現前爐灰撥盡骨毛寒
大千沙界投鉞芥八字眉毛額上懸

示臻磨禪人

蟠龍山裏玉泉宮逼得生蛇化活龍
且去深山深隱隱雷鳴天外好騰空

示徒明齋

無明窟裏學無禪總被貢高名利牽
若是習中癡夢破等閒徹底盡拋翻

示戒磨禪人

把住牢關莫放參一拳拳定只須穿
桶桶驀地分明爆橫身宇宙自儵然

示丹青

清淨國中寂滅土千般萬種從斯出
一毫頭上放光明寒滿虛空何所住

挽張居士

寄迹閭浮數十春萬緣放下歇孤心
而今解唱還鄉曲撫掌呵呵笑一聲

悼法伯懶和尚

裂破乾坤格外新倒騎鐵馬露全身
揚鞭直入無生國任運騰騰自主賓

佛事

為本師入金桶云吾師六十三撒手
出玄關一段真消息白雲自往還
嘆者老漢寸絲不挂灑灑落落不
畱朕跡作將來眼

為寄凡禪人起齋

以杖擊云年登八十四撒手歸家去請出入關維與汝通消息

下火以炬打○相云八十四年行脚今朝衣線擺脫助柴一把丙丁卽此西方極樂呵呵紅爐煉出白蓮開劫外風光飛玄鶴

入增師一喝云狹路相逢怎放得過無縫增前着眼觀那許藏頭並露脚白雲影裏識端倪從今始證無生樂便入

爲顯鉢道者火

咳嗽掉背祖師禪一性圓明徹法源撫掌呵呵登海

三

下火和師和



三

岼望中隱隱出雲端

下火舉火炬云高着眼莫擬議說面親陳有誰識銀面鏡壁絕遮攔處處縱橫任遊戲老僧助柴一把火紅爐焰裏通消息

法幢遠禪師語錄

清・法幢智遠
通慧
等撰編



[illegible]

1. $\frac{1}{2}$



法幢遠禪師語錄序

道乃衆德之本性爲萬物之靈道本無形假壽而化性本無相遇境而彰所以妙道之理神用難量導物指迷無在不利剛宗萬法明貫古今亦能直指歸元亦能權分頓漸始自靈山拈示破笑相酬至今磊磊落落而悟達者衆矣雖然非鈍根小智者能知惟大智精進者明得如我

法幢和尚髻亂時知有此段因緣大事棄世浮華遂依純老人得度歷叩諸方究明斯道復覲純老人契機得旨乙巳歲同師泛舟出峽道過夔陵時黃陵月

峽禪院虛席諸當道請老人住錫譚宗未久老人受種歸大悲請衆念其方丈不可一日無主四衆堅留師主黃陵法席師力辭老人曰汝旣法幢當於斯建立矣勿却之師應命遂而卓杖棲焉師居黃陵將已三十矣其高風素行遐邇瞻聞每陞堂垂示機語師樂不錄門弟子有敏慧者錄記數十則與余余得味之快然嘆曰此語真濟世之津梁也果信師之言行相應無爽矣宜付梓以廣傳之於是門人請余而爲序余與師雙桂聯枝交非一日故不辭固陋而爲序之首俟火續燈者採之以見師之數十年明道行道

之苦心耳

康熙三十四年四月佛誕日愍堂源拜題於夔陵之面西軒中



法幢禪師語錄目次

序

上堂

小參

法語

頌古

聯芳

偈讚

山居

雜著

法幢禪師語錄目次

法幢禪師語錄目次

法幢遠禪師語錄

門人通慧等編

住黃陵禪院語錄

參府傅公暨諸文學請就黃陵開堂陞座拈香祝
聖畢次拈香云此解香會遭毒手智訖情枯久藏巖
堅之中培養根淡蒂固時逢作者不敢囊藏只得對
人天眾前華劈信手拈來供養我現住大悲堂上傳
臨濟正宗第三十四世純備先師大和尚用酌法乳
之恩欽衣就座上首白槌竟師云海客生涯在海淮
孤舟蓑笠任徘徊絲綸拋擲波心裏一掣金鱗信手

法幢禪師語錄

法幢禪師語錄

一

法幢禪師語錄目次終

來還有負命者麼無人出問乃云黃陵道曠迥別諸
方本直如弦峯奇似削未到者心懷猶豫已到者觀
體分明猶豫的正好趨步向前分明的直須退躬就
已所以道事無一向有時拈頭作尾拈尾作頭以一
爲多許多爲一爲一爲多爲一爲多爲一爲多爲一
寶月光遍界三千大千世界廣及無量十方國土一
一國土有無量諸佛或現帝釋身或現宰官身或現
居士身乃至或現種種諸身出微妙音演說妙法一
一音中俱無量法一一法中俱無量義復擊拂云還
聞麼若聞一切法不生一切法不滅所謂一相無相

其或未然依稀似曲纔堪聽又被風吹別調中結椎下座

上堂問如何是黃陵境師云千峯聳翠進云如何是境中人師云鼻直眉橫進云入境已蒙師指示臨濟宗風事如何師云一棒一條痕一掌一握血進云凜然如在師便打僧便喝師云好一喝落在甚麼處僧擬議師云只得一跳乃云高懸寶鏡洞察無私正令當行十方坐斷所以凜凜孤危沉沉絕照直饒佛至魔至管教齊立下風天來龍來未免吞聲忍氣如是建立何德不辦何事不修敢問大眾如是威猛如是

作畧且道承誰恩力驀墜拂子云頻拈一隻無孔笛逆風吹又順風吹

佛成道日上堂雪山居六載寒氣逼千峯午夜毛頭星出現無端見刺脫然空統十方爲真境總八表共同風驀拈拄杖召衆云會麼會卽毛端通巨海始知大地一塵中卓一卓下座

雲石居士堆髮請上堂寶鏡高懸金刀在握頂門上黑漆桶開脚跟頭紅絲線斷致使七穿八穴豎四橫三活潑潑如水底游魚洞玄玄似空中鳥跡直得千里萬里渾無依透色透聲淨裸裸正恁麼時還留礙

得麼拘絆得麼大眾既有如是奇特且道是何人分上事良久云不因樵子徑爭到葛洪家

上堂圓陀陀光灼灼寸絲不掛天真佛滄海濶白雲開豈容毫髮著其間假鷄聲韻難瞞我未肯模糊放過關雖然恁麼說話大似徐六擔板其中有個活鱖底漢出來道何拘界內界外者邊那邊盡虛空無非極樂窮刹海悉是家邦虎口裏橫身劍刃上獨步入林不動艸涉海不動波其如是作畧方較些子脫或未然山僧拄杖子自拈自弄去也驀拈拄杖卓卓云冲開碧落連天秀放出黃河徹底清

又

法幢遠禪師語錄

上堂山林幽曠迥別城居雲籠古木陰清雨過花敷碧樹所以道住溪山不知城市事只聞猿吟幽壑犬吠鄰村徑傍綠竹森森谷口閒雲片片巖壁藤蘿鋪錦繡莓苔累石露真機門連江碧寺古風高三珠石砥柱中流月峽峯壁立萬仞若作境會也得若作佛法也得有個伶俐漢出來道人境不立時又作麼生四野無雲空碧嶂倚天長劍逼人寒

結夏上堂問如何是正法眼師良久云會麼進云不會師云寶寶撞著瞎波斯乃云朱明啓候夏景初臨雲納高人罷搖金錫以大圓覺爲伽藍安居平等性

智則且置只如紅爐燄裏翻身一句又作麼生一火鑄成金彈子團圞都不費鉗錘

早叅若論此事如百萬軍陣中交戰相似正恁麼時還轉盼得麼退後得麼直須爭進向前始得若有一毫畏念在心卽不堪矣又安得取信於人哉諸仁者山僧恁麼告報有聊聞舉著踢起便行者麼如有山僧慶幸若無山僧失利去也擲下拂子歸方丈

解夏上堂問學人有則因緣今日舉似和尚師云汝試舉看僧良久噓兩聲師云猶是影響邊事僧擬進語師云忘前失後漢乃云把住九旬毫髮不通放開

支那

法幢遠禪師語錄

一線七穿八穴所以高懸智鏡納萬象於臺前橫案太阿截羣機於句下逸格超宗輝騰今古在處揚入天正眼隨方闢微笑宗風雖是恁麼人方說恁麼話欲行恁麼事須是恁麼人雖然猶是功勳邊事只如獨超物外一句又作麼生道驀拈拄杖卓一卓云九萬里鵬纔展翅一千年鶴便翔翔

小叅

小叅欲明向上關頭須奮逸格超羣之志方可了生脫死紹續宗乘近來學者斷不以生死爲念只圖延緩過期者裏經冬那邊度夏將別人殘羹剩飯亂噉

亂嚼竟不知裏面是何滋味却道那個堂頭好機鋒那個堂頭好偈頌如斯之輩不惟有壞初機亦且有先聖所以古人以此大事如救頭然從朝至暮念茲在茲無一刻放過必將生死究明到不疑之地方歇脫或依稀異日獲湯爐炭裏煮煤有分在莫怪山僧不曾與汝道破

小叅欲明生死事立志要精堅休放逸莫貪眠途中滑石太新尖行脚不開如是眼艸鞋終被石頭瞞傳戒小叅握定戒力屏絕諸緣方歛念被忍辱鎗掃清六合始安居所以道殺人不眨眼的立地成佛立

支那

法幢遠禪師語錄

支

地成佛的殺人不眨眼然雖如是太勇猛生不若從此而到彼自下而至上有不涉程途而登秦嶽者哉故我佛佛受授惟受此衣祖祖相傳惟傳此戒此戒此衣如天普蓋似地普擎如日普照如風普吹不阻後學初機依此而行直饒三世諸佛天下老和尚無不從斯而證何也畢竟水須朝海去到頭雲定覓山歸

示衆

示衆凡學道之士必須立堅固之志起難遭之想若是依稀度日縱意苟安戒行不能持禪定不能修亦

謂向是非人我處用功無明鬼窟裏作活似這般做
病不獨山僧難以救治只饒桶鵲到來亦只拱手而
退何故病人膏肓矣若是皮下有血的漢聞如是說
話便乃知慙識耻發勇猛心立精進志把生死二字
貼在眉上向日用等常行住坐臥之中各自體看歲
久年淡確實不移其志又何憂生死之不解大法之
不能明哉珍重

示衆然此一事人人本有個個不無只爲諸人被情
塵蓋覆聲色羅籠竟不得個出頭分致使我佛佛祖
祖前賢後聖設盡多方用盡伎倆入那唐手無非爲

法幢遠禪師語錄

六

此一大事因緣而出現於世就中有個聊聞舉著的
漢領個活頭如握一口金剛王寶劍相似把從前所
習所學所見所聞的爛骨董一刀截斷貼起娘生面
皮劈起鐵骨脊梁向吃飯穿衣處運水搬柴處誦持
禮拜處乃至一喜一怒一往一來處亦如是參究參
到情識兩忘言思路絕見天不是天地不是地山不
是山水不是水僧不是僧俗不是俗千沒奈何爲沒
奈何處撲地一交因地聲甦醒起來心花頓發明如
果日無所不照無所不明與諸佛共一眼諸祖同一
舌直饒千七百則請訛公案不待問人而自知之矣

奚用山僧搖唇鼓舌者哉然雖如是不入洪波裏爭
見弄潮人

示衆凡學道人必須體認天真以悟爲則不得向言
句上追求文字裏作活須是將自己面門翻轉脚跟
下事了明從自己胸襟中流出始得若是求人涕唾
廣學多聞於生死工夫中總沒交涉矣各宜珍重
示衆此段因緣大事不是說說便休畢竟把作一椿
最要緊事做去方可動衆超羣了生脫死若是依稀
彷彿非一生二生縱千生百生祇是一個忌口而已
所以譬如逆水之舟用篙撐住用繩拽住無一刻放

法幢遠禪師語錄

法幢遠禪師語錄

七

閑方可得到彼岸如是貪觀雲雁失却手橈則未免
流入苦海墮諸苦趣還須發大勇猛起大志力撥轉
船頭任他白浪滔天洪波浩渺捨死忘生直是撐去
有如是志力自然平步菩提岸上高登解脫場中永
爲佛子豈不快活也耶何得以此目前夢幻空花而
爲實際者哉珍重

示安石通禪人

從上古人親近真善知識勤勞刻苦廢寢忘餐必將
衣線下事究明透頂透底出羅籠離窠臼洒洒落落
無拘無束等閑拈一語示一機動地驚天爲千百世

之標準方不姑負參學之志珍重
頌古

樓子和尙經過街市酒樓下聞唱曲云你既無
心我便休忽然大悟

你既無心我便休南來北去未相投從今擊破鷲鷲
枕恩斷情忘入上流

馮山水牯牛

堪羨馮山水牯牛橫行直撞没人收饑餐南嶽無根
神渴飲西江最上流

黃龍三關

文事

法幢遠禪師語錄

一

我手佛手共爲一肘三千大千一捏齊走
我腳驢脚都盧踏著縱橫太虛千聖何脫
雖道生緣何常變遷塵沙國土水濶山尖
牧頌

未牧

風梳頭角一聲哮萬里家山轉見遙斷壑孤雲懷恨
恨都云無狀犯人苗

初調

鼻孔昂藏直貫穿爪牙剛落惡加鞭若然不具拳雲
手安得輸身讓我牽

受制

野性難收易縱馳眉毛厮結每相隨孜孜休教連纖
去一撥回頭莫放疲

回首

驀地相呼便轉頭與麼田地絕剛柔渾身機括全然
露是佛魔名不著留

馴伏

卷舒收放野溪邊渴飲饑餐得自然東岸猿啼於午
夜眠雲臥月不須牽

無碍

文事

法幢遠禪師語錄

九

海晏河清境自如銀山鐵壁豈能拘裁雲截月千峰
外一笛橫吹樂有餘

任運

萬象收歸頭角中烟霞襯足艸茸茸晴生翠嶺雲歸
壑一帶溪山絕澹濃

相忘

八面玲瓏萬慮空人牛不二絕殊同峭巍巍地乾坤
廓袁笠常將挂嶺東

獨照

恨塵屏絕任安閒兩足常伸天地間東嶺日紅西嶺

自高眠猶自掩柴關

雙眠

倏忽人牛露跡踪寒光凜凜透長空清風一味生頭
角搖蕩坤維吐玉叢

聯芳

付安石通慧禪人

月峽堂前養聖胎爪牙全備迓賢才宗風大振機輪
捷正派流傳遍九垓

倡讚

不勝還屈居士

法名通水

法名通水

冷暖應須汝自知自知知是甚形儀確然一識本來
面始信如來即是伊

示美才李居士

法名通覺

學道如同學射堅須於矢上更加尖直饒鐵壁銀山
也徹底還他一箭穿

示士弘王居士

法名通明

臨行一著無多子貴在澄清個念頭縱有百千諸業
聚冷水冰地自然休

山堂夜坐

月峽堂前浩影孤青青翠竹兩扶疎閒來檢點生平

事更無一事與心孚

中秋夜月

露滴岑巖山石冷光疑幽澗碧波寒一片水輪懸宇
宙千門萬戶玉珊珊

衆居士傳師六表像請讚

人人說你是老僧老僧可信可疑果是老僧不妨下
座將六十年前茶飯帳清算明白不枉在黃陵堂上
賣弄一場不然可收拾模樣各自看好雖然如是平
常一樣總前月纔有梅花便不同嘆

山居

大那

法名通水

士

積翠堆嵐覆碧山跣趺終日白雲閒悠然策起雙肩
看盡日無人可叩關

其二

禪不參今經不看平生只欲住溪山夢回蘿月松風
迥笑傲烟霞天地間

其三

就泉掃葉和雲拂倚石支鐺帶月烹一口雖然三度
用山雲水月要分明

雪

蒙蒙山色別生情醉裏梨花蛺蝶輕暫倚平臺聊四

望翻翻琪樹吐瓊英

又

嫩艸數爲座開雲列作屏惟同三兩友抵足話無生
樂道歌

竹院剛纔開松花墜滿階從何入夜伴爽風來
平臺開一井萬象執逃影盡虛空澄然徹透頂
門外一枝柳枯來可當塵說法時拂即空請有
一架沒絃琴不彈却有聲是知音方纔側耳聽
一株無影樹秀實鳳來棲堪笑矣爲何人不知
握鋤松陸地咆嗥指頭圓玄沙老也曾從此來

四威儀

開行山嶽外突入白雲窩者其間那曉老僧多
倦來樹下臥月影松篩墮急醒來西山日已暮
閉闔無底藍常盛死蛇還如觸犯毒氣噴人間
山形拄杖子敲出虛空髓順若多逼得無依倚

山中行踞破嶺頭雲飛幾片東西兩岸橫
山中任長年不崩戶一物無任隨人往顧
山中坐說甚蒲團破石爲床切火幾經過
山中臥漏室寒雲墮急醒來今日又將暮
清虛寥廓握蒲行兩脚雲攢過翠峯黑內徐行量古

法幢遠禪師語錄

路翻身踏倒古峰橫

孤峰盤結艸庵住萬聖千賢總一處午夜雙猿共室
眠天明依舊到綠樹

盤陀石上跏趺坐雲去雲來身上破一代時經目下
明浮生穿鑿我無過

白衣淡處和衣臥渠自安閒最懶情每每與軒達旦
明不叅祖意不功課

十二時歌

鷄鳴丑動起無生一老叟結伽敷面南朝北十
平日寅約木京來濯面門撩天鼻元來搭土簷

日出卯鑑地窺天光皎皎百億都居然徹照了
食時辰動著須將五觀存者粒米當重若珠珍
禺中已祇須策起眉來覲佛與魔俱是眼中刺
日南午昏散二魔實所苦臨敵時莫打退塘鼓
日昃未夕陽斜掛將西墜任昇沉不出者圈續
哺時申緣楊拂檻日斜睡貪程侶甘被夕陽征
日入酉陣陣微風拂岸柳目前機禪人能薦不
黃昏戌雲堂寂靜無燈燭抱月眠自有孤光露
人定亥兩脚長伸放四大入落伽寤寐渾無礙
夜半子跳來覆去是誰使及醒來呵呵笑不已

秋夜

供爐陳柏子欵茗酌清泉桂實飾金影松風響玉絃

又

百蟲聲裏坐明月光中眠不知誰是我莫測孰爲天

板作嘉興楞嚴寺經坊附藏龍通

法幢禪師語錄終

八八

法幢禪師語錄終

法幢遠禪師語錄

法幢遠輝師誨錄

性空臻禪師語錄

清・
超性
曉空
等撰
編臻



叙

中州學浮屠法者曰何一禪師早于大梁諸刹中稱
傑出既而遊上國行逾高名逾起其披剃聽經受戒
不一師而其宗門之師曰性空禪師遠自臨濟近接
天童授受之際歷歷可數所謂大善知識得禪定智
慧者也予與性空禪師無覩面之緣而以同里雅與
何一遊何一携所梓性空禪師語錄屬予叙其首予
曰宗門奉達磨為鼻祖達磨西來欲掃除一切文字
直指人心見性成佛則此纍紫卷帙在性空禪師已
為剩語而又何有于叙得無諸蛇添足耶何一曰佛

入涅槃阿難傳佛語為經流行天竺遂及東土蓋弟
子記錄師訓自古而然今雖不敢以拈花微笑自擬
而師弟顯有授受既承其誨不可不永其傳居士其
叙之母辭予于言下見何一之不昧師傳而因以嘆
性空禪師知人之明也性空一瓶一鉢數千里渡江
北來擇付法之人爾時聞聲而慕踵門而謁者百千
焉獨有契于何一解鉢而授何一格遵其指大闡宗
風于今梓其語錄傳之無窮性空禪師且以不歿可
不謂擇人得人能具一隻眼乎能具眼者自能具舌
語錄所載當為無上妙諦無疑不知其言視其識不

肯

知其師視其弟子予于語錄不待讀之畢而可得其
概也顧予所能言者彝倫日用之常修己治人之務
而禪機變幻不即不離之界自覺舌本木強無可
舉似茲之叙也聊以代述其授梓之始末云爾

康熙三十有二年歲次癸酉桂月之望前七日中州
河陽毛鵬拜撰



性空禪師語錄叙


自有天地以來立教者亦不一矣然必有至真至實者寓於中而後歷意萬年而不毀否則不轉瞬即以敗廢求其如薪傳火相續不絕必無之事也粵達磨西來佛法入中國久矣雖有時而顯有時而晦而實無時而滅大意則不立文字直指人心無非恐人於聞見上卜度識解上承當反將自己空如止水照如明鏡一段本地風光不能從內打出埋沒性靈故欲去其偽存其真去其虛存其實也若然就佛言佛則文字乃障道之門而八萬四千枝葉一千七百葛藤

性空禪師語錄序

謂之有文字乎謂之無文字乎有時謂之有文字也得謂之無文字也得謂之有文字無文字總得有時謂之有文字也不得謂之無文字也不得謂之有文字無文字總不得苟非大過來人具有隻眼正未許着一語耳

性禪師語句見在試取而讀之才覺無下手處便自有下手處矣是固自有天地以來之至妙至妙者與倘有一箇半箇日有甚交涉其信然乎雖以之覆瓿可也

康熙丁丑夏中州張發辰拜書



性空臻禪師語錄

性空臻禪師語錄目錄

第一卷

上堂

第二卷

上堂

第三卷

小叅

示衆

機緣

第四卷

拈頌

第五卷

拈頌

像讚

偈

第六卷

偈

佛事

塔銘

門人位次

性空臻禪師語錄卷第一

嗣法門人超曉超白等編

師住蘇州府崑山縣選佛場語錄

順治辛丑年欽命正黃旗將軍李公同銓部李瑤圖
司理葉媚初太史徐彥禾暨閩邑紳衿請就本院開
堂至法座前拈請啟云文含玉露炳日月之光華字
挾清霜吐山川之瑞氣若要句下分明且聽維那宣
讀宣畢師云毘盧頂華王座自古人登能幾個吾今
指出上頭關鵲眼龍睛休錯過且問諸人還識上頭
關麼良久云高着眼便陞座拈香云此一瓣香明同

日月德合乾坤蒸向爐中端為祝延今上

皇帝聖躬萬歲萬歲伏願金輪御世恒為有道之
君玉樹臨春永振無為之化次拈香云此一瓣香奉
為允文允武乃忠乃孝滿朝勲貴合邑縉紳暨本邑
宰官欽命正黃旗固山李伏願般若智洞明如日菩
提心增長如苗此一瓣香太白山前脚跟點地語溪
橋畔得路還家專為先住天童後住徑山傳臨濟正
宗第三十一世上費下隱客老和尚用耐法乳之恩
飲衣就座維那白椎云法筵龍象眾當觀第一義師
云臨田射石虎神機莫測迅矢貫鵠未得作家眾

中者有單刀直入者出來與老僧相見僧問黃檗大
用拈提格外玄機趙老家風指出庭前栢樹今日祝
國開堂師以何法示人師云棒頭有眼明如日進云
鶩群俊鶴自鮮翻身衝浪金鱗如何接待師云一網
收下進云撥開曉霧千峰秀選佛場中及第歸師云
正好契棒僧一喝師便打問立宗旨開選佛場烹麟
鳳焰發紅爐如何是立宗旨的句師云棒喝交馳不
容擬議進云一句無私人天莫測師云作麼生是無
私句僧便喝師便打進云幾乎放過師云脚跟下更
加三十居士問不問心空及第如何是遁代傳燈師

云靈山指月曹溪話月士禮拜云謝師指示師打云
還見月麼乃云禪宗妙旨豈落言詮道本無傳非從
外得貴在當人自悟所以昔日世尊於雪山六年苦
行子夜觀星忽然大悟云奇哉一切衆生俱有如來
智慧德相但因妄想執着不能證得大似禰入不壞
之家到涅槃會上拈花示衆觀體全提唯迦葉老頭
陀裂破面門故世尊云吾有正法眼藏涅槃妙心付
囑摩訶迦葉以廣流傳正是事因叮囑殃及兒孫所
以此事人人本有個不無廣額屠兒放下屠刀云
我是千佛一教斯與丈夫氣概復舉僧問雲門如何

是和尚家風門云門前有讀書人來報師云雲門老漢恁麼答話雖是斯文一契若問山僧但向他道閉門打睡接上上機且道與古人是同是別試甄別看便下座

銓部李瑤圖請上堂僧問昔日普化推倒飯牀未審是何意旨師云全彰大用僧便喝師云這田單奴乃云當陽揮寶劍揭示佛祖威權袖裡動金鎚轉袖袖巴鼻放開則錦上鋪花把住則黃金失色目前無法塞壑填溝意在目前纖毫不立如來禪祖師禪數株青栢映晴霞西來意東來意一帶洋江拖白練若

向這裏會得不妨草枯鷹眼疾葉落鳳聲幽其或未然此時風頭稍硬且歸暖處商量

上堂僧問玉虹橋鳴鵲噪選佛場擊鼓敲鐘賓主相逢一句請師指示師云露柱笑掀眉進云如何是主中賓師云藍田射石虎如何是賓中主師云夫子入太廟如何是賓中賓師云月下覓歸程如何是主中主師云當軒日卓午進云賓主已蒙師指示如何是和尚爲人處師云棒頭薦取進云一片虛凝絕偽情萬里清光飛玉兔師云非汝境界問世尊初生手指天地雲門云一棒打殺也是賊過後張弓未審和

尚如何分析師云雲門卽今在甚麼處僧禮拜云在這裏師劈脊一棒云也好打殺與狗子喫居士問古者道出門便是草意旨如何師云看脚下士進前一步師云再進一步看士退後師云起模畫樣士云低麼則獨唱胡笳曲誰人和得齊師震威一喝乃云欲行千里一步爲初若與麼去灼然先行不到末後太過只成世諦流傳未知有祖師門下事在今日承諸龐老到此選佛特請舉揚個事殊不知未陞座已前早爲諸人和盤托出了也還委麼麼迴迴聲前一路黃面瞿曇難措足明明百草頭邊碧眼胡僧設着眼

一無二 性空禪師語錄

四

不是心不是物五目莫覩名不得狀不得四辯難窮正所謂古佛堂前曾無異說流通句內誠有多談得之者妙用無虧失之者觸途成滯且道正恁麼時主賓會合聲氣相投一句又作麼生道有意氣時添意氣不風流處也風流下座

上堂舉外道問世尊不問有言無言公案師云諸人若向世尊良久處會得許汝與外道同參其或未然良馬已隨鞭影去韓盧猶覓舊枯椿卓拄杖下座上堂僧問中霄靈鳳自合乘時止樂困魚徒勞下釣今日四眼臨途和尚還肯接否師云有甚龜子不妨

快下僧作聽勢師云龍沉巨海蛙蟻泥沙進云一箇曉風吹好月大家出手舞三臺師拍膝一下問見法卽見心如何是心師豎起拄杖進云話作兩橛師便打僧擬議師連棒打出問如何是諸佛出身處師云鏡裡畫娥眉如何是清淨法身師云廁坑頭等子如何是圓滿報身師云架上五花毯如何是千百億化身師云水中有月鏡裡無頭進云三身已蒙師指示還有親切處也無師便打乃云昨日何如今日忙爲渠抑逼卽陞堂思量再三無他說聊舉西來話一場以拂子作此⑤相震威一喝云臨濟祖師來也道亦

異

性空禪師語錄

五

肉團上有一無位真從汝等諸人面門出入未證據者看遂呈拄杖云東看則西南觀成北又作此相一喝云波羅提尊者來也云在胎爲身處世名人在眼曰見在耳曰聞在鼻嗅香在舌談論在手執捉在足運奔徧現俱該沙界收攝在一微塵識者謂是佛性不識喚作精魂且道佛性精魂又如何甄別又作⑥相喝一喝云妙喜大師來也道昨日夜叉頭今朝菩薩面菩薩與夜叉不隔一條線已上三位尊者爲諸人說法已竟各駕祥雲向諸人脚跟下過去山僧今亦有一道真言不免爲諸人拈出復作此○

相云不是心不是物動地驚天轟霹靂趙州叅見老南泉解道鎮州出蘿蔔建大佛殿上堂云教中道於一毛端現寶王刹坐微塵裡轉大法輪若恁麼則不用丈木寸釘瓊樓寶殿早已完備又說什麼開基闢址搬磚弄瓦然後方爲建造雖然如是法無事而不彰道無言而不顯所以衆檀揮金建寶王刹山僧豈可不轉大法輪且道應時及節一句又作麼生道卓拄杖云權借香山許多料斧斤揮處煥然新上堂僧問盡大地是個沙門眼還假修證否師豎拂

異

性空禪師語錄

六

子云不可喚作拂子僧一喝師云這一喝未有主宰進云出我口入師耳且道明什麼邊事師便打進云某甲到這裏直得寒毛卓豎師云大膽衝突過小膽告所由乃云祖意西來百草頭佛法徧在一切處諸人若肯自承當何用叨叨重指註若與麼無差互不與麼成賺誤法法頭頭隨機顯露信得及把得住誰能出不由戶信不及把不住不免爲伊重指出水自綠兮山自青天自高兮地自厚溪邊衰草發萌芽嶺畔寒梅香欲吐且正恁麼時獨脫無依一句又作麼生道震威一喝云臨濟大師道我有時一喝如金剛

主寶劍有時一喝如踞地獅子有時一喝如探竿影
草有時一喝不作一喝用臨濟四喝不出適來山僧
這一喝山僧這一喝能入臨濟四喝有殺有活有照
有用汝等諸人還委悉麼良久云三汲浪高魚化龍
癡人猶戽夜塘水下座

新建常馭殿落成固山郭太夫人率公子超慶請上
堂問答不錄乃云本地風光非男女相向外馳求自
生迷障若恁麼去猶是半提殊不知法身無相即相
明真道本無言因言顯理黃鶯啼綠柳白鷺立青筠
漁翁磯上擲釣拋綸蠶婦桑間尋枝摘葉靈雲覩面

一教

性空禪師語錄

七

悟桃花大慧薰風來殿閣頭頭不昧物物分明所以
道居一切時不起妄念於諸妄心亦不息滅住妄想
境不加了知於無了知不辯真實若到恁麼田地
知釋迦老子指天指地唯我獨尊皆吾心之常分非
假於他術今日常馭殿告成山僧陞座且道如何慶
讚常來此地作金湯原是靈山親授記

大殿工圓請佛陞座上堂云闢荒成大業於一毛端
插草便爲標在微塵裏不是神通妙用亦非法雨如
然揮金滴玉全藉遠近檀波今辰恭請紫金之身權
就草敗之塵懸花結彩揭鼓陞堂儼然一會靈山承

慶千秋直今見者聞者共獲禎祥施力施財同增福
算雖然如是須知有恁麼人方明恁麼事以拂子打
此相顧視左右震威一喝下座

佛成道日上堂云崔巍聳峭衝開碧落之虛古木垂
陰遙接連河之路阿蘭若處莫藏身檀特山中留不
住擬棲雪壑弗住王宮乘萬乘之尊榮脫累生之羈
鎖大忘人世高蹈佛堦瑞草結而就石爲牀祥風吹
而移雲作蓋仙蘆穿膝靈鳥巢頭聊將馬麥塞飢腸
一任冰霜寒徹骨所以道天將降大任於是人必先
苦其心志勞其筋骨餓其體膚然後爲人天標榜直

性空

性空禪師語錄

八

得嶺梅發笑桐草回春定起巖前星輝子夜披雲月
下歎奇哉一度掀眉天地開今日山僧與麼舉場大
似因齋慶讚敢問諸人還見釋迦老子麼其或未然
更聽一偈雪山東餓事如麻子夜星輝眼着沙若道
老胡行履處果然苦哉佛陀耶

康熙元年元旦上堂拈香云元正啟祚萬物咸新
御百僚位登九五端爲

當今新主皇帝聖躬萬歲飲衣就座乃云龍飛北闕
人人賀不盡之春鶴舞南山個個慶無窮之算嵩呼
讚歌也頌椒盤重輝少室未變燈突出扶桑新景日

行見德布堯年泰和舜世五穀豐登萬民樂業且祝聖一句又作麼生道良久云不得重說偈言便下座師誕日上堂云自幼爲僧少讀書聖堂多是強支吾而今耳順年來也贏得虛名上祖圖喝一喝下座元宵解制上堂僧問把臂臨期卽不問如何是常觀第一義師豎拂子進云有一種人高掛鉢囊緊俏草鞋又作麼生師云脚跟須爽快進呈坐具顧大眾云某甲今日也須應個時節師云快走快走一僧出豎拳云把住也滴水滴凍開拳云放行也倒嶽傾瀉某甲今日倒嶽傾瀉去也和尙向甚處着脚師云學得

泥鰍法便來較活龍僧擬進語師連棒打出乃云去年十月十五結把斷要津誰敢越百煉黃金鑄鐵牛燈籠露柱眉愁絕今年正月十五解放開線道特灑洒東西南北任縱橫踏破草鞋還自買去者去來者來明應依舊好安排離鉤三寸無人道怎得華亭下釣臺也不來也不去腰包畢竟安何處含元殿裡是長安竟則知君無本據然更須知得去去實不去途中好善爲來來實不來路上莫虧危若恁麼掀翻窠臼自在自由高掛鉢囊隨緣放曠雷鳴蟄戶家家慶賀元宵泰運春回處處村歌社舞孤峯頂上月白風

清十字街頭銀花火樹遊人覓不夜之燈野老唱無生之曲如是則街頭巷尾酒肆茶房閒坐笑談咳唾掉臂無不是祖師西來大意有煩久立下座浴佛日啟華嚴期請上堂場開選佛普應群機會啟華嚴流通奧旨王剎現毛端之上法輪轉藏海之中一一樓臺重重寶鐸松濤竹籟悉和梵音魚吼鐘鳴威嚴滿字若向這裏會得座說利說熾然說無聞歇只如釋迦老子未離兜率已降王宮未出母胎度人已畢畢竟作麼生更聽一偈今朝四月八正是夏初頭堪笑瞿曇老無端走却牛喝一喝下座

了念禪德八表請上堂僧問南山起舞別顯家風北海騰波同聲慶讚且道如何是慶讚一句師云滴水福滄海進云恁麼則不涉千秋地壽山亘古今師云微塵壽泰華進云天上有星皆拱北人間無水不朝東師豎拂子云你道這個是東是西進云覓火和烟得擔水帶月歸師云念言語漢僧呈具云這個喚作言語得麼師一喝僧亦喝師便打僧又喝師又打乃云也大差也大差不萌枝上結東瓜拈來搭個毘盧印直得乾坤散彩霞青嶽獻翠年年呈不盡之春白鳥啣花物類顯無窮之慶然五嶽雖高未到須彌之

頂百川雖廣難同者海之涯多處不可減少處莫能加蟠桃縱有三千歲不及恒河半杓沙所以道豁開正法眼萬古剎那暇說甚蓬島八仙之壽屋香山九老之年華直得群英聚聽合奏胡笳如此則可暢飲曹山酒細烹趙老茶三杯共兩盞醉得眼眈麻笑倒靈山老釋迦又道今朝了念禪德八表之壽特請山僧陞座又作麼生舉揚欲知此老年多少却似閑浮菴稱麻一喝下座

法示人師便打進云昔日僧問投子如何是大事因

開爐上堂僧問鐘鳴鼓響人天瞻仰畢竟和尚以何

法示人師便打進云昔日僧問投子如何是大事因

緣子云尹司空請山僧開堂今日開爐和尚上堂如何是大事因緣師云更要老僧說個什麼進云一句迥然超調御三玄戈甲振叢林師云也是杓撥聽虛聲問放行也兵隨印轉把住也將逐符行正當此際且道是放行是把住師云我爲法王於法自在僧禮拜云謝師答話師云看脚下問弘宗唱道如何慶讚師云一言道不盡拈出好生觀進云且喜龍行雨至水到成渠如何是最初一句師云欲向閑寂道被舌頭礙却僧顧左右云若不當陽問怎見法王機師云禮拜退問爐講新開殿凡煉聖是和尙大機大用且

方能慶快平生更若不假一椎自然天生意氣說甚

臨濟三玄三要承虛接響洞山五位君臣捕影撈形

雪峯毬禾山鼓點破太虛空秘魔叉子湖狗大似文

官一管筆猶如武將千鈞弩一箭中紅心雖有如此

神通如此妙用究竟將來還有一處未許伊在且道

是那

道學人是凡是聖師云莫妄想進云凡聖同源來審還假修證也無師云不是苦心人不知居士問選佛場中將什麼演出金聲玉振師拍禪牀一下士云如何是第一句師震威一喝士云如何是第二句師便打士云如何是第三句師云還知痛癢麼士云今日巨鰲在網和尚還見麼師云也只是個鯢子士拂袖歸衆師云看破了也乃云烹佛鍊祖大爐鞴須銅鉤鐵豈容留蝦凡煉聖惡錐鎚美玉精金重鎔過金毛奮返鄴之威俊鵲展冲天之氣一回徹得百事如心賓主句覷面相呈正法眼棒頭點出只要一椎便就

流出當家師云二大老雖然各展家風各出手眼檢點將來總是嫌貧愛富在山僧今日要將貧富合同一家貧者依富而營生富者借貧而得力去年貧却是富今年富却是貧去年貧却是富原有一條孃生褲今年富却是貧貼肉汗衫沒袖袖晨朝穿向堂前舞笑倒當年上大人且道笑個什麼復云可知禮也下座

上堂僧問昨日晴萬里無片雲古人道青天也須喫棒今朝雨逼塞虛空無剩許未知選佛門下又如何施設師云上座照顧眉毛進云有意氣時添意氣不

風流處也風流師云打失汝鼻孔問賓主相見意句相投以坐具打圓相云這個是意作麼生是句師便打僧以兩手相交云只如句意交參是如何師又打進便喝師復打云未信你在問唱導提綱紹佛祖之遺範烹麟燬鳳作後昆之榜樣只如今日有個出格漢子上來和尚作麼生相見師云好與三十棒問大地為爐須彌為炭佛來佛殿祖來祖殿描不成畫不就底何處下手師云頂上一鎚也少不得進云人人怕死物物貪生因什麼學人喚作無生師云也知聞終錯會進云我則不然師云你又作麼生進云不聞

優鉢羅華放只要功勳汗馬收師云話頭何在雪巖趙文學問欲知佛性義當觀時節因緣為甚趙州能轉十二時辰師揮拂進云照用齊收處一鎚破三關師云誰向汝道進云一句當陽人盡望出群消息少人知師云放過一着乃云玉峰峰下諸龍老選佛場中各呈巧妙用神通如許般尋常日用何曾少笛吹無孔韵鏗鏘琴操沒絃聲窈窕來與山僧較短長輕一捏便休了不見道通人分上豈用多端復舉并贊行者到南泉設粥云請和尚念誦泉喚維那與徑奴白拈念摩訶般若波羅蜜者拂袖便出須臾問維

那行者在否那云去也泉下厨打破鍋此則公案古今批判甚多盡道南泉賊過後張弓不柰船何打破耳斗殊不知他東邊失利西邊撈本今日衆中若有個漢子請山僧念誦直向他道三德六味供佛及僧他若拂袖而出便與劈背一拳何也下坡不走快便難逢下座

供法被請上堂云法眼豁開浮雲散而日麗中天沙盆拓出意氣生而風吹大野寒梅發嶺外黃葉布溪邊漁歸合浦牧宿烟汀隴畔歌吟橋頭語笑頭頭顯格外真機物物示西來祖意所以道溪聲盡是廣長

舌山色無非清淨身今日承周居士施法被設齋又請山僧舉揚個事且道個事又作麼生舉揚以拂子打圓相云驚人巨浪曾經險稱意熬魚釣得歸

上堂舉龐公問馬祖云不與萬法爲侶是什麼人祖云待汝一口吸盡西江水卽向汝道龐公大悟此則公案據山僧看來馬祖答語不妨出格若不是龐老也大難承當今日在座若有問山僧不與萬法爲侶是什麼人便向他道堂堂獨露他若擬議連棒打出師顧左右下座

元日上堂拈香祝聖畢師云出來也打不出來也打

僧出禮拜師便打僧一喝師復打云且領這一頓乃云最初一句開口道着最初一步動腳踏着踏着的也大地春回道着也從天降下直得龍樓妓習鳳閣鐘鳴滿朝文武賀堯年野老樵漁歌舜世千戈息而四海晏清稅歛薄而民安物阜且道林下道人又作麼生良久云但願皇風成一片不知何處是封疆師五旬誕日上堂云脚跟纔點地踏翻海刹三千界孔設撩天已過浮生半百七顛八倒生緣自有來山豎四橫三得處豈無憑據玲瓏巖畔徹底掀翻片玉峰前和盤托出金刀剪不破彩筆畫難成東西南北

獨處風流春夏秋冬全彰意氣今日因齋自慶則且置只如世尊初生一句作麼生道當時不遇韶陽老直至而今惑亂人喝一喝下座

鮮制上堂僧問世尊拈花迦葉微笑意旨如何師云鼻孔卽當進云世尊不拈花迦葉不微笑又作麼生師云川僧打鐵鼓進云太平只許將軍定不許將軍見太平師云速退速退問把住也乾坤失色放行也七縱八橫正當今日如何施設師云韓信臨朝僧擬議師便打乃云有解有結寶誌杖頭懸剪刀無結無解黃牛角上掛軍持一迴趁出烟霞外又入江城訪

舊知到者裡肩橫柳栗任意江南江北浙東浙西龍兒鳳子步瀛洲曲蟾蜍蟄入草撐門柱戶底何如選佛守清虛摸壁扶牆底一任諸方趣熱鬧呵呵呵好不好日暖花香風清月皎復舉宗素禪師在五祖多年未曾敢措一詞一日祖陞座顧左右云八十翁翁輓繡毬便下座宗便欣然出衆云請和尚試輓看祖以手作打杖鼓勢操蜀音唱綿州巴歌云豆子山打瓦鼓楊平山撒白雨白雨下取龍女織得絹二丈五一半屬羅江一半屬玄武宗聞舉忽然大悟掩祖曰只消唱到這裡祖呵呵大笑而歸師曰看也互

祖父子雖然師資道合機教相投檢點將來一個憐兒不覺醜一個家富小兒嬌縱然悟去未免聽事不真喚鐘作甕今日選佛設有個漢出來云請和尚亦試觀一觀看山僧便喝云莫來攔我趨門路他若擬議直與推倒悟去也不定

上堂云理隨事變何妨三藏四藏事得理融只消一句半句只這一句子包羅萬有囊括十虛離相離名透聲透色不妨於舌根未動已前早爲諸人吐露了也如天普蓋似地普擎似風普吹如日普照所以道一切甚深廣大義如來一句能演說山僧今日借此

一句爲我思欽杜老居士花甲之辰惟願食息無虞身心無染天門壽域佇看南極流輝日永椿庭仰聽東華注算然雖如是猶是尋常之事若向這一句子下領會得去却與天地同根萬物一體山僧更有一偈三祖遺風自古賢桂林花甲正秋然福同江海深信飽壽等椿松老更妍雪藕香浮天上客水桃熟奉地行仙山僧拈得無他事端爲吾檀慶大年卓拄杖下座

師誕日上堂云風和百鳥傳新韻日暖梅花吐舊枝分明此物非他物願發當人向上機今分汝諸人特

爲山僧祝壽大似與虛空安耳聾且無下手處蚊子上鐵牛亦無割嘴處殊不知這個本命元辰從無始以來頭出頭沒所飲母乳如大海水所脫身骨如毘富羅山改頭換面百醜千狀是汝諸人擬慶那個卽是拈拄杖卓一卓云唧唧突出個父母未生前底本來面目與汝諸人相見去也復打圓相云還見麼從來鼻孔面門垂依舊肩毛橫眼上下座

王明甫居士施戒衣求壽祈嗣請上堂僧問古人道佛之一字吾不喜聞師打云道什麼進云耳聾且止求之弗得捨之弗失又作麼生師云却較些子進云

卽今聲鐘伐鼓四衆臨筵還是喜聞不喜聞師云穿過觸髅僧便喝師云莫亂喝僧又喝師連棒打出乃云佛之一字吾不喜聞穿過觸髅揭開腦門泥牛入海撞倒乾坤恍恍惚惚其中有精看看山僧將李老若一種妙圓爲諸人拈向面前了也若能會得不妨超凡越聖耀古輝今先天地而不生後天地而不老不生不老萬古常存皆從吾人自性中流露將來以此可以永壽以此可以祈嗣以此可以集福以此可以受戒以此可以報親以此可以懺罪且道今日陞座又作麼生良久云祥麟瑞鶴從天降桃李花開正

此時下座

上堂云綿綿不露何處逢渠了了常知忘言得旨佛
祖頂額上連得便行衲僧脚下却難湊泊於此時
也金風扇野黃葉飄林半灣溪月映清輝一帶松烟
籠翠色若向這裡會得不妨言言見諦句句超宗頭
頭廓本地風光物物示生前面日且道久故元俊薛
公與王氏孺人畢竟在何處安身立命湘南潭北覓
無踪竺土蓮邦常自在下座
開爐上堂僧問的的意親面相逢請師速道師便打
進云這一棒落在什麼處師云痛處更加錐進云蒙

師出

法苑珠林卷一

九

師指出須彌眼一粒珠光照太虛師云且緩緩乃云
諸法寂滅相哉玄機於未兆不可以言宣藏冥運於
卽化正當氷枯雪冷之時木落霜清之際君臣殿上
密不通風賓主爐頭高燒槽枰或圓機未悄古路難
揚的旨匪詳觸途成滯且向冷灰中撥出爆豆自然
動地驚天深潭底躍起潛龍不妨拿雲握霧雖然如
是此猶是諸方共有的作用未知選佛向上事在且
道如何是選佛向上事刹竿頭上翻筋斗一脚踏翻
斗柄橫復舉雪峰燒火向閉却前後門高聲大叫云
救火救火玄沙將一片柴向兜裡中投入峰便開門

師云看他父子舉揚不傳之妙臨時用來恰好後來
淨慈林禪師頌曰高燒槽枰暖通身快活難禁一屋
春不是謝郎來合火誰知門外有寒人選佛亦有一
頤前後門兜扇不開爐烘煖火似春回興高若不留
題目爭見玄沙滿面灰喝一喝下座

臘八日知浴玉鏡見心二上座請上堂僧問人人具
足個個圓成且道世尊今日明個恁麼遶事師云奴
見婢慙慙進云看破了也師云看破個什麼進云昨
夜西風起今朝滿面寒師云切忌違時失候問釋迦
老子親明星悟道視那一個星師舉拂子云見麼進

法苑珠林卷一

法苑珠林卷一

五

云還有麼師與鶻口一拂乃云咄哉老瞿曇真個不
知有罪業降王宮逾城雪山走六載被饑寒苦屈真
難受半夜着熱忙通身細抖擻坐到氷枯雪冷時錯
自承當參至水窮山盡處剝得張口鶻視一星兒向
人便分割撞着跛足師瞎棒劈脊撲醜醜誰知八十
一原來是九九然今日釋迦成道且置只如二上座
爲衆竭力一句又作麼生不受一翻寒徹骨怎得梅
花噴鼻香

燕山語對夫人關門伊氏平男茂盛玻爾坤楚發子
性空禪師語錄卷第一

性空臻禪師語錄卷第二

嗣法門人超曉超自等編

元旦上堂僧問舊歲不見舊新歲果然新且道佛法又作麼生師登拂子進云恁麼坐斷兩頭去也師云中間底聲僧便喝師云再喝看進云學人終不隨人轉師便打問經云捨一得萬今朝檀信請說法得幾所福師云施主常安樂進云若不申此問誰識法王機師云錦上更鋪花乃云景運初開遠近樓臺呈瑞色鴻鈞大轉高低草木盡沾青春千祥集百福臻且喜人人得意物物歡心柳眼舒青梅腮吐白東村王老

醉扶歸西舍牧童乘野興恁麼告報還當得新年頭佛法也無良久云從來佛法無多子今日相逢意更濃卓拄杖下座

解制上堂問止止不須說意旨如何師云我法妙難思進云如何是難思法師云止止不須說乃云選佛今朝解制究竟不爲別事譬如西庫田翁本有一片田地三春不下深耕九秋何曾得濟出家尚乃如斯佛法豈同兒戲勿論江北江南那管張三李四大道只在目前直下急著眼果能遠得便行你也不妨伶俐復呼大衆云山僧記得在我密師翁會下得個未

後句子索性與汝諸人說了有僧纔出禮拜師便打下座

觀音聖誕韓元孚祈嗣請上堂今朝二月十九日觀音家醜太狼藉示同凡類降人間普爲群生作軌則十方諸佛笑掀眉八臂那吒同努目轉天關掀地軸大地搬來一粒粟輕輕擲向玉峰前聊呈供養爲慶祝玉麒麟金鸞鸞庭前對對相催促山僧真實爲稱揚不是等閒相誑惑今日分明舉似君畢竟想來是何物遂舉拂子云還見麼觀音菩薩來也在山僧拂子頭上放光動地現身說法求男得男求女得女凡

有所求悉皆滿足便下座

上堂三月初三好事多般溪桃噴火岸柳垂烟紫燕呢喃深談實相鷓鴣相喚全露機關直得韶光徧野春色連天莫論山前山後休言城北城南三三兩兩尋青踏翠兩兩三三接踵摩肩漁翁擲釣牧子騎牽頭頭有準法法無偏利竿頭上煎餛飩子三個猢猻夜飯錢且道山僧與麼提唱還當得宗乘事也無分付諸人切忌向這裡鑽龜打瓦良久云叅薛門孫氏請上堂僧問一喝分賓主照用一時只如未喝已前還有賓主也無師云不妨這裡看如何是

賓中主師云臨崖看潄眼如何是主中賓師云堂前話歲寒如何是賓中賓師云千里問歸程如何是主中主師云當堂踞似虎進云今朝賓主蒙師指留得三玄話再談師云腦後舞金鎚乃云纔過三月三又是四月一日月急如梭光陰誰解惜世上罕逢百歲人荒郊多見少年塚大眾可謂時不待人歲月無幾須向威音那畔踏着本地風光父母未生前覩見本來面目所以靈雲見桃花香嚴明擊竹若依選佛檢點將來總未知有向上事在且如何是向上事無文鐵印向空拋折角泥牛連夜吼

結制清字劉將官請上堂問臨期爐講選佛重開四海英靈咸集此會且道結却布袋一句作麼生道師震威一喝進云胡笳曲誰是知音師云聲前薦取進云只如因齋慶讚又作麼生師云大亂之後必有豐年進云古者道還丹一粒點鐵成金未審金不博金底又且如何師云彼此丈夫進云可謂草木需雨露瓦礫盡翻身師云好事大家知問昔日爲花地今朝選佛場祇如佛又作麼生選師云理長則就進云假如擎頭戴角到來又作麼生師云也須頭破腦裂進云超群須是英靈漢敵勝還他獅子兒師云好與三

十棒乃云霜飛鴈渡黃葉飄林秋去冬來祖庭歲晚賓主句火談爐頭關候子三條椽下鴻濛未兆一靈之體本圓成文彩已彰三個柴頭煨品字若是趣風禪客化城捕影遊人忘歸寶所怎似我清字劉居士遠齋香齋來此選佛欲明生死大事入衆叅尋個不思善不思惡那個是本來面目師遂高聲喚云清字居士士應諾師云更莫別求便下座

李金陳三位居士請上堂問德山入門便棒是如何師云疑殺天下人進云臨濟入門便喝又且如何師云疑殺天下人進云一人行棒一人行喝還有優劣

也無師云汝是門外漢乃云三人拉伴日同行選佛場中請法慙添得老僧成四個團圓正好話無生既是無生又如何話不見孔夫子云君子之道有三曰仁曰智曰勇又云三人同行必有我師焉擇其善者而從之不善者而改之此是先聖一期方便開導後學山僧道脫或三人總善又如何擇摠不善又如何改若改擇不得則先聖之言祇成虛設山僧今日對衆拈提爲他分析不得則佛法亦無靈驗何謂也諸人但看那能擇能改的畢竟是什麼良久云若向這裡見得不妨與他古人同行同坐卽凡卽聖所以云

世諦語言貪生業等皆與實相不相違背還委悉麼
處處綠楊堪繫馬家家有路透長安便下座

上堂僧問如何是第一玄師云午夜鑑羊掛角天如
何是第二玄師云空花結果甚團圓如何是第三玄師
云眼裡瞳人讀梵言如何是第一要師云放出通天
竅如何是第二要師云腦後放鐵鵝如何是第三要
師云有口終不道進云三玄三要蒙師指正法眼藏
是如何師便打進云恁麼則千峰勢到嶽邊止萬派
聲歸海上消師云禮拜着乃云一言落草瓦礫生光
盡令提綱黃金失色祖室因茲整肅家風賴以安寧

本師

性空禪師語錄卷三

五

賓主相逢投機格外冷灰豆爆寒谷烟生卽物卽心
卽人卽境本無男女之分豈有僧俗之別所以道居
一切時不起妄念於諸妄心亦不息滅住妄想境不
加了知於無了知不辯真實且道畢竟如何委悉不
離當處真常湛然竟則知君不可見下座

臘八瑞軒俞居士送室人張氏剃度請上堂了生脫
死須是向上英豪割愛辭親還他女中傑士千人喚
不回頭一夫豈能奪志脫或高尚之流謾說楊州關
聿之輩休誇越國若教梅花噴幽香只要一番寒徹
肯所以釋迦老子夜踰城金刀斷髮頓捨王宮深埋

雪嶺結草衣而遮體食馬麥以充腸寒盡春回理應
時至且道慎終慎始一句又作麼生事到許由須洗
耳非干巢父莫懷疑卓拄杖下座

上堂明明祖師意明明百草頭竟時竟不得舉著有
來由所謂靈明獨耀迥絕周遮體露無私卽如如佛
若恁麼則聲色隨他顯煥塵緣任尔敷揚森羅萬象
無非自己心光大地山河總是本源覺體到與麼地
則隨緣放曠自在逍遙更有何事且道正當此時畢
竟承誰恩力長安風月貫今昔那個男兒不丈夫卓
拄杖下座

本師

性空禪師語錄卷三

六

師誕日上堂有物先天地無形本寂寥能爲萬象主
不逐四時周山僧今日借此古人一偈爲吾祝壽何
必蟠桃再獻壽屋頻添恒沙集而難窮劫石磨而非
盡譬如虛空體不遷變非大非小非方非圓非長非
短非促非延且如何是山僧舊時底面目卓拄杖云
喚醒庭前栢樹子大家同喫趙州茶

彌勒佛進院上堂撥轉上頭關從教慈氏下天宮打
開破門戶一任渠儂登寶殿彩布雲間香焚鹿苑帆
移古渡飄來一縷清風棹舞長江劈破千重碧浪山
搖地震海沸波騰須彌頂上擊金鐘選佛場中過毒

鼓高陞曲親大開宗猷山城野店燕語鶯啼麥隴荒郊漁歌牧詠人人喜色上眉端個個歡聲同喝彩所以道佛身充滿於法界普現一切群生前隨緣赴感靡不周而恒處此菩提座今幸楊老居士古稀之歲裝塑彌勒金像一尊送入本山供養以爲奕世福田齋僧報答禮懺雪愆新業舊業曩劫業當下永消佛恩祖恩父母恩一時酌畢山僧酌水獻花略申祝慶且道培因植果一句又作麼生莫教錯過好因緣不必當來問彌勒下座

大悲開光上堂過去正法明現前觀自在眉間相好

文第一

性空禪師語錄卷二

七

洞徹大千日月未足比其明乾坤莫能包其外利利圓融處處無礙尋聲救苦只因別具慈悲應物隨機若償群生之債直使見者聞者生希有想助力施財同增福慧所以道心月孤圓光吞萬象光非照境境亦非存光境俱忘復是何物遂左右顧視還會麼良久喝一喝下座

師住蕪州常熟縣維摩寺語錄

康熙丁巳年受常熟合邑紳衿護法同本山監院請住維摩禪寺於二月初一日進院山門無量妙義百千法門門門有路今日山僧到來畢竟向那一門入

喝一喝便入

佛殿麻三斤乾屎橛覩面相逢沒得說遂展具禮拜常默七世童真三洲感應願力洪深摧邪輔正法幢仗乎金湯叢林賴以安衆山僧熟供瓣香莫負靈山遺命

伽藍山神土地護法伽藍公心爲衆彼此無愆昔日靈山曾有喝而今莫負老瞿曇

維摩殿久窺老毘耶有口常閉却今朝覩面時果然沒得說說不說只恐時人猶會錯

方丈居此室行此令一任諸人來乞命脫或句下近

文第二

性空禪師語錄卷二

八

疑且看棒頭作用

當日檀護請上堂師至座前拈帖云此個護身符子且道從甚處得來諸人要知端的且聽維那宣過宣帖畢指座云這個寶華王座不勝高峻從古至今幾多人躋攀不上山僧今日到來幸值路頭平坦不免舉步去也便陞拈香云此一瓣香根盤剗外葉覆圓浮熱向爐中煗爲祝延

今上聖壽無疆伏願遶邦寧靜四海太平舜日與佛日齊輝堯風並祖風共扇此一瓣香大而無外貴不可及端爲滿朝文武合郡尊官本山檀護伏願惟清

惟白物阜民安常爲法苑金湯永作國家柱石此一
瓣香名不得狀不得第二回拈出燕向爐中鼎爲福
嚴堂上先師費隱老和尚用醇法乳之恩歛衣就座
維那白椎云法筵龍象衆常觀第一義師云若論第
一義未白椎前百雜碎了也衆中若有超方作者不
妨出衆相見僧問山不在高有仙則名水不在深有
龍則靈時節因緣卽不問光前絕後是如何師云人
人瞻仰進云怎麼則有星拱拱北無水不朝東師云
阿誰無分進云非但聞名今日親見師云快退快退
居士問世尊未出世達磨未西來是何意旨師云且

摸取鼻孔士云世尊已出世達磨已西來意旨如何
師云瞞你不得士云卽今世尊在什麼處師便打士
便喝師云猶自不肯士云龍生金鳳子冲破碧琉璃
師云不妨着力乃云當陽的旨今古同衢直示根源
聖凡總攝頭頭顯露真機物物全彰大用烟橫古渡
千株楊柳拂琴川月照幽谿萬木喬松連虞岫飛蛾
紗外伏虎林中殘經未了數行破衲傍通一線桃源
澗流水無聲瀑布岩迴風有韵遂舉寶壽開堂三聖
推出一僧寶壽便打三聖云怎麼爲人瞎却鎮州一
藏人眼去在寶壽便下座此個公案若據山僧看來

寶壽直截酣機三聖傍拋香餌美則美矣檢點將來
未免龍頭蛇尾若是山僧卽不然待他三聖推出一
僧便問作麼生若擬議則連棒打出不惟踞虎頭亦
且收虎尾白椎云諦觀法王法法王法如是下座
開爐上堂云千溪水冷萬壑雲寒西來大意處處無
偏仰山推出枕子傷鋒犯手楊岐拋個金圈平地波
瀾體之則易用之實難山僧不欲自知特爲諸人敲
唱一番要會臨濟實主句端的只在火爐邊悟須實
悟參須實參切忌依傍彷彿打關過殘年終是受人
瞞豈不見畢鉢岩前迦葉喚阿難金襴外一聲倒却

刹竿又不見途路師僧問覆船幾回落賺村翁手提
起鹽籃不道鹽且道是個什麼莫恁山僧無指示從
來北斗面南看卓拄杖下座
上堂舉雪峰示衆云世界濶一尺古鏡濶一尺世界
濶一丈古鏡濶一丈玄沙指火爐云這個濶多少雪
峰云如古鏡濶師云看他雪峰父子雖然舉唱足可
觀光若到選佛門下正好驗過了打且道過在什麼
處諸人試檢點看卓拄杖下座
上堂今日事須今日了明朝事來且休論從來佛法
無多子說道久長難得人七載辛勤只待太湖水滿

一心辦道自然祖席風光一斗麤三個蒸餅無人解
喫將條篋束取肚皮猶自艱難只得滿載歸來和盤
托出一任橫吞豎咬也須飽足知恩何妨東倒西歪
貴要檀那獲福賓主句且話爐頭關板子敲開向上
若遇恁麼人舉揚恁麼事要明恁麼事須是恁麼人
且道如何是恁麼事十字街頭醉翁子三家村裡黑
老婆

保安請上堂佛法無人說雖慧莫能了古人曾有言
李向赤邊咬薰風市地大彰祖意西來野水連天曠
示本來面目梁頭燕語隴上鶯啼處處玄機塵塵與

性空禪師語錄卷二

二

百若向這裡會去不妨心病身病俱消新窻舊窻感
釋其或未然不免再為葛藤一上今辰劉氏夫人捐
資設供虔誦經章釋往日之愆尤消即今之魔障神
醫拱手處諸病脫然撲蕪不得底一時慶快轉崇爲
祥一句又作麼生病魔脫盡心無慮福壽彌增樂永
年

爲尼難髮請上堂云脫白披緇遠世塵女中却有丈
夫身樊籠打破超方外獨許今朝烈性人金陵掀倒
油簍貴得無心天龍不下笠子似乎有意末山不露
全機臨行通方一語看這隊漢各據本懷各呈伎倆

與法華會上龍女同一鼻孔出氣忽然之間變成男
子卽往南方無垢世界成等正覺不勝快便若會得
如此妙用方可自利利他卽時解脫且道承誰恩力
良久云千鑿易開三峽水九車難挽丈夫心
結制上堂今朝結制不必循他舊例掀翻地爲半
免得無繩自繫權將爐鞴安排收斂鐵團在內從容
煉得通紅憤性一椎打碎無毛鷄過新羅脫殼蟬飛
初利撞動帝釋金鐘忽驚山騰海沸夜叉忙報草天
風伯急詢土地人間何聖出頭得恁神通遊戲山僧
忍俊不禁走向堂前覷因元來是幾個方來禪和羅

性空禪師語錄卷二

三

羅肅肅團爐醒醒的醒醒瞌瞌的瞌瞌只得向前高
聲一咄云報諸人須猛力莫把光陰自虛棄一回拶
透上頭關方見禪家多意氣然雖如是不得動着動
着直與一棒打折你腰莫性老僧真實相爲

復舉昔日天童密師翁開爐示衆云大地渾如一個
爐看來多是火柴頭山僧信手輕挑撥只得翻身動
地流今日山僧亦有一偈非與師翁鬪勝只要見後
代廣和有人三界無安火一爐毋論凡聖與銅頭都
求置向其中煅觸着須教冷汗流
上堂一朝法席千古規模法幢建立在乎得人

則事事俱興失人則般般皆廢譬如冲霄俊鶴憑兩翼以齊飛越轍良牛假雙輪而共舉左輔右弼挈領提綱舉一明三上呼下應陽春曲唱還他格外知音妙舞臺前果是作家手脚所以道等閒伸出調羹手撥轉如來正法輪况我宗家風質中有主主中有賓賓主同時了無前後且道主中主又作麼生豎拂云天上無雙日人間祇一人

復舉五祖演示眾云二三百石麥四五百擔稍好個休糧方耆婆不得妙後來千岩長云五祖恁麼道只是個有錢常住千岩則不然米不蓄一粒菜不種一

莖任他來往者喫得飽膨脝今日山僧看他二古人一個嫌貧愛富一個嫌富愛貧總未在選佛則不然飯炊鐵釘糝菜煮木頭皮喫則隨君喫不喫任東西下座

開爐上堂沒來由沒來由年荒歲歉要開爐庫中尚且無柴炭怎得頑銅動地流金剛圍栗棘毬拋來擲去自優游忽然毬在稠人裡撞着冤家定打頭昔口雪峰云三世諸佛在火燄上轉大法輪用來太險雲門云火燄與一世諸佛說法三世諸佛立地聽權爲賓主應庵祖云三世諸佛與火燄說法火燄燒殺三

世諸佛福無雙至禪不單行看他三個古人熱焰處各呈伎倆總不如維摩院裡雖無柴炭火冷烟消只教諸人着些精彩向冷灰裡深深一撥忽撥出一粒火星自然輝天鑑地敢問諸人還見這一星火麼遂倒豎拂子吹兩吹喝一喝下座

師誕日衆檀護請上堂僧問壽量法座高陞緇素騰歡請師垂示師云垂示已竟進云作麼生會師劈頭一棒進云無影樹栽人不見開花結果自馨香師云穿却汝鼻孔乃云鐵牛生子露柱懷胎嶺梅發笑報道春回牧童把盞獻趙老茶石女擎杯進曹山酒吹

無孔笛彈沒絃琴唱演祖巴歌奏韶陽雪曲然後拋楊岐栗棘毬雪峯木毬會洞山五位君臣設臨濟四員賓主三三兩兩肅肅雍雍權借古人公案與吾慶壽不惟壽吾而亦壽一切人又何消雪藕冰桃添葦海屋山僧不免合掌云多謝卓拄杖下座

燕山話封夫人關門伊氏率男茂盛玻爾坤楚蠻子施貴在京師崇寧庵刻

性空臻禪師語錄卷第二

性空臻禪師語錄卷第三

嗣法門人超曉超自等編

小叅

周山李護法爲觀音菩薩安座請小叅卓拄杖云過去正法明現前觀自在狹路蔦相逢兩彩同一賽且道賽個什麼無量神通百千三昧處處圓通塵塵無礙應以佛身得度者卽現佛身而爲說法應以天大將軍宰官婦女身得度者卽現天大將軍宰官婦女身而爲說法現其身也紫竹林中一莖兩莖全體露說其法也普陀巖畔千泓萬派盡潮音如是則應物

應機彰其聲色此土他方隨心顯化開臨濟三玄戈甲法社金湯展洞山五位君臣王家玉柱直教人人頌德個個知仁遠近禪風咸歸大化且道特請山僧爲觀音安座一句又作麼生隨緣起感靡不周而恒處此菩提座

冬至小叅僧問群陰剥盡則且止如何是一陽復生師指燈云汝還見此燈光麼進云只如混沌未開黑白未分這著落在什麼處師震威一喝進云一氣不來含有象萬靈何處謝無私師云猶是春行冬令乃云群陰息一陽生小人退君子升日暖花開早風和

氣象明都言此日爲冬至誰識今朝是小春

除夕小叅僧問推車撞壁必思轉身臘月三十日到來拈頭作尾一句是如何師云臘盡始知春進云恁麼則森羅盡唱無生曲萬象齊歌道泰時師云也須解聽始得僧一喝師便打乃云小叅之說古人之垂訓列祖之家教也只爲他劍却光頭莽莽蕩蕩無慚無愧打閒過口虛消指施不知生死爲大事故先聖曲垂方便將生死二字說個喻子譬如臘月三十到來如落湯螃蟹一時做手脚不便若是英靈特達之士聽得與麼說話將平生保惜一齊放下直下如須

彌山相似世念搖他不動聲色豈可羅籠果得如此行持久久自然悟去復舉北禪分歲云云看他北禪父子一搗一捺足可觀光未免傍觀者哂今夜選佛雖然淡薄亦要應個時節只要一片陳年生薑分付侍者細切濃煎與諸人分歲若解飲啜不妨通神明去穢惡却風寒健脾胃且道選佛與北禪是同是別良久云山僧還有個粗頭不妨與諸人說出頌曰北禪分歲解餅牛皮角輪他官吏收若不爲伊重覆却幾乎凍裂禿光頭

小叅時值清明忽雨忽晴家家祭掃處處悲聲紙錢

半陌哭斷兒女之腸。荒土一堆埋盡英雄之骨。紅輪畢竟沉西去。說靈運往那方。今辰年女爲久故。最意設齋供。舉請我舉揚山僧。只得向第二義門。曲垂方便。遊蜂搗蕊。擬開向上機關。春鳥啼枝。喚出衲僧巴鼻。若向這裡會得。不妨四恩總報。三有齊資。曩劫冤親。一時鮮脫。復舉六祖。謂寺主曰。吾欲往新州。宜速理舟楫。寺主云。和尚去早晚。歸祖曰。葉落歸根。來時無口。師云。大小祖師。答話雖是。奇特若以正眼看。來不唯無口。亦且無鼻。孔大衆再聽。一頌曰。來時無口。須彌倒走。海底泥牛。作獅子吼。

教

性空禪師集卷三

起七小叅。釋迦已過去。彌勒猶未來。中間一片地。空濶淨無埃。汝諸人都從這片地上行。住坐臥喫飯穿衣。只是不曾踏著。若踏著。則瑞草靈苗。不待春而自發。名花異果。何須培而後生。便與三世諸佛同一境界。歷代祖師同一受用。其或未然。有寒暑。今促君壽。有鬼神。分妬君福。遂以拄杖打退歸方丈。除夕小叅。大盡三十日。小盡二十九。此事甚分明。諸人還信否。蘇州有常州。有九曲街。口竹米。饒三家。煮裏水。碓臼年來各有好工夫。亦解人前誇好手。露柱立燈籠。走馬要瓦塊。翻筋斗。狸奴白牯。唱已歌。召著。

黃真皆點首。且道新舊交加一句。又作麼生。義言話。願去又是報春來。

晚衆僧禮拜起。歡問話。師翻胸。紀住云。你這偷牛賊。僧云。諾。師云。牛在什麼處。僧擬議。師托開云。更賊不見。賊尋牛不見。牛三條。椽子下坐得冷。湫湫。晚衆師拋下拄杖云。直下是直下。是衆無語。侍者擬取杖。師拈起便打。

示衆

舉昔日韶國師會下。有小壽禪師隨衆作務。偶見一束柴墮地。忽然大悟。說偈曰。撲落非他物。變橫不是。

塵山河及大地。全露法王身。師云。且道非他物。是什麼物。遂舉拄杖擊香几云。莫不是這個麼。汝等諸人。眼孔耳孔。總被山僧拄杖子穿却了也。其中還有不被穿者麼。試出來道看。遂擲下拄杖云。不見道。逐物爲下却物。爲上復收拄杖歸方丈。

示衆。爐鞴弘開。鉗鎚大展。一堂暖氣。如春貴在人人。事辦直向長連牀上。硬盤脊。果屬毛。屬結內不放出。外不放入。不思善。不思惡。正恁麼時。一見。思善。思惡。翻身打個筋斗。方許與山僧拄杖子相見。

示衆。卽物雖無非。見離物。推解是見。不離不離見。歸。

何所此是教家之義且道祖師門下又作麼生落拋
拄杖云道道一僧下語云滿口道不出有僧釋龍云
喚作一物則不中師云喚什麼作龍僧一喝師晒之
又一僧云不識不識師云不識個什麼僧撫掌三下
師云猶在聲色裡作活計遂豎起拄杖云如人以表
表爲中時東看則西南觀成北擬議思量不識不識
便起

示衆僧問臨濟喫黃檗三頓痛棒且道是賞耶是罰
耶師云婆心太切僧禮拜師劈脊便打又一僧禮拜
師連打三棒僧云多謝和尚師便歸方丈

性空

性空禪師語錄卷三

五

示衆古人道直下是直下是直下是個什麼僧一喝
師云你只記得一喝僧無語師云是張三是李四衆
不語師云人行只運脚鳥飛須動翅衆無語師云山
僧這裏亦是棒打石人頭噪噪論實事遂一齊打散
示衆因僧問女子出定公案師云聽取一頌官不容
針私通車馬帶累平人鑽龜打瓦

起七示衆修禪習定靜沉死水色見聲求茫茫業識
兩頭坐斷萬里崖州直饒總不恁麼也是夢裡醒醒
諸人直須向萬仞峰頭撲滅孤燈處道將一句來却
許與山僧相見且道孤燈撲滅是如何僧云徧界光

輝又僧云徧界不曾藏師云汝向甚處着眼一僧橫
趨而過師便打僧擬進語師震威一喝云還有道得
者麼衆無語師以拄杖打退歸方丈

示衆德山云今夜不答話未必心頭似口頭問話者
三十棒瞞神嚇鬼有僧便禮拜刺腦入膠盆山便打
不得放過僧云某甲話也未問爲甚打某甲不識好
惡山云你是那裡人審其來歷僧云新羅人一款成
招山云未跨船舷好與三十棒可謂踞虎頭收虎尾
此則公案據山僧看來德山雖有偷天換日之手檢
點將來不無滲漏當時山僧若在只消咳嗽一聲他

性空

性空禪師語錄卷三

六

若問作麼山僧便道看破了也拂袖便出直教德山
老漢倒疑三十年且道看破個什麼僧便喝師直打
出堂

示衆舉僧問趙州如何是不錯路州云識心見性是
不錯路師云且道性作麼生見心又作麼生識趙纔
有僧問心不在內不在外不在中問畢竟在什麼處
師番下一足云會麼僧云不會師云向紅爐點雪煎
禮拜師云諸仁者若識得紅爐點雪便可見得自性
其或未然莫道不疑好

示衆僧問古人道十回入草去蕞鼻根將來未嘗

頭在什麼處師便打進云只如不落階級又如何展踐師於地上一劃云向這裡會取進云某甲終不與麼師云汝作麼生進云但見皇風成一片不知何處是封疆師云收

示衆古人道一人所在也須到聞名不如見面半人所在也須到見面不如聞名還有見面者麼有疑請問僧問不與萬法爲侶者是什麼人師直與欄胸一椎僧云某甲不與麼道師云作麼生僧云兩鏡相照萬象森然師云閣黎被他換却眼睛僧歸位師云適來這僧未具眼在何故雙兩鏡相照猶有光在萬象

默

花金剛經卷三

七

森然猶有境在光境未忘見地不脫如何了得生死若是超生脫死真實道流直須向十字街頭識得天子百草頭上薦取老僧始得

示衆海底剔金燈虛空釘木楔打倒須彌山石人驚吐舌此四句中有縱有奪有殺有活若人會得一生參學事畢

除夕示衆春臘交加處寒溫欲解時山藤驅疫去野火招田歸柳眼藏金線梅頭吐玉蘂竹聲催漸曉幽鳥盡啼枝

示衆諸仁者選佛這裡結制無別奇言妙語與汝諸

人商量亦勿論歲月豐儉只要知時識候白米八分一斗乾柴三錢一擔柴米貴賤且置祇如雲門乾屎橛洞山麻三斤青州七斤衫南泉三不是又作麼生山僧三十年前一一從頭摸過直到汾陽莫妄想處方纔歇手後來到佛果園中隨衆閱藏驚忽掀着古人示衆語云人人自有光明在看時不見暗昏昏如何自己光明僧堂厨庫佛殿山門忽然撥破疑團不勝快活自此悟得山河大地草木叢林風動塵起雲騰鳥飛無不是自己光明三世諸佛亦從此光明中成等正覺說法度生歷代祖師亦從此光明中悟徹

默

花金剛經卷三

八

心源入塵垂手且道即今諸人還見自己光明麼試道看後堂云家家門前失把子師便起身

因天寒示衆衲寒簾外雨花落樹邊風昨日人剛得今朝事不同且問大眾如何是不同底事僧云昨日晴今朝雨師云不晴不雨是如何進云三日後看取師西之復舉真淨文禪師示衆云昨日風氣暖今朝天色寒乾坤共着力衲子眼皮寬文瑋禪師拈云恁麼說話祖師欠悟在昨日風氣暖今朝天色寒休於地上走收足上蒲團師云真淨着力瑋老收足總未知寒暖在選佛即不然昨日風氣暖今朝天色寒無

柴烟暖火閉目負春暄且道與他二老是同是別良久云三段不同收歸上科

因雪示衆舉古云雪覆千山因甚孤峰不白衆下語不契師復示一偈云誰折閭浮樹一丫霏霏拂拂徧天涯打穿雲面三千界撒下虛空六出花瓊女樓前拋玉屑金仙地上佈銀沙倚筇獨立孤峰望巔刻山河別是家且道別是那個家良久云三祖道底師落堂僧禮拜師云作麼生僧云寒風颯颯黃葉飄飄學人有一句子呈似和尚且道是那一句子師云問的恰好進云要明生死須透牢關內不放出外不

放入正當怎麼時那裡是他安身立命處師以拄杖攔胸一拄進云大事已明則不問大事未明恰好師云闍黎若不問老僧幾乎忘却僧一喝師云喝後如何僧云禮拜和尚去也師打云也不得放過又僧出禮拜師便起身歸方丈

機緣

一日座主參問教道若能轉物卽同如來意旨如何師掀飯牀云會麼座主云桌子師云須知老僧好手僧送金剛演與師師遂舉起問云三心不可得此從何來僧云水漲船高師云船在什麼處僧無語復問

知客汝代一轉語看客云和尚老大大話頭也不識師打云真個不識話頭僧便出師以拄杖背上一擲云元來是隻爛船僧又無語

師一日見僧從方丈前過師喚云問黎僧回頭師云是什麼僧無語師云可憐生

佛成道日問衆云教中道一人發真歸元十方世界悉皆消殞今日釋迦老子成道爲什麼山河大地忽然如故衆無對遂以一偈示之值水盲龜得意時是誰無事到忘機縱教四海波濤靜浪撼須彌總不知問僧本分事如何僧云沒有師云怎得到這裡僧無

語師連棒趕出

有庵主在安隱坐七有省師云你在安隱有得意處何不舉似老僧主云今日特來見和尚師云你將什麼見主擬議師便喝出

師置一木劍安在牀頭僧見問好一口劍只恐和尚不會用師云用則會用遇者只恐不知利害僧無語師云這死漢

龍池山有僧被虎傷有僧問既是獅子兒爲甚被虎咬師云拶僧茫然

師有偈化席僧拈偈問曰百丈當年卷却玉峰今日

重鋪百丈既然卷却玉峰因甚重鋪師云只爲汝瞋睡未醒

師問僧號什麼僧云獨醒師云醒個什麼僧云適來親見和尚師云老僧不在明白裡見個什麼僧云將謂不是和尚師一喝僧亦喝師便打

僧問如何是一條白練去師云看脚下進云九峰道坐脫立亡則不無先師意旨未夢見在意旨如何師云臨井推人却是好手進云恁麼則一堂風冷淡千古意分明師云如何是分明底意進云所供是實師云也少你這一棒不得便打

法苑珠林

卷之三

三

僧問如何是父母未生前本來面目師云腦後見腮進云學人不曾師云眉分八字進云某甲不恁麼師云你又作麼生僧一喝師以拄杖擲退云真個無鼻孔漢

僧問若人識得心大地無寸土意旨如何師云如何是你的心僧云不會師云腳跟下薦取

居士問選佛場蓋於天下弟子來還容得否師云容得士云一物不將來是如何師驚與一推云前言何在士云如何是去底人師云驀直走士云如何是來底人師云在這裡士云如何是不來不去底人師便

喝士亦喝師打云相隨來也

僧問古人一聞千悟今人日日聞爲甚不悟師云妄想作麼進云問一答十問十答百因甚又道未在師云殺人刀活人劍進云看破了也師云作麼生看破僧便喝師劈脊一棒

本邑縣令王公請師祈雨師云昔日劉宜翁請晦堂禪師祈雨問雨從何來堂云從汝問處來翁恍然有所得禮拜而退走數步堂喚云劉公翁應諾堂云從何來翁無語今請護法代一轉語王公亦無語師以手打此○相云總不離這裡公又無語有來禪客代

法苑珠林

卷之三

三

云舌頭不出口師急索云那個是你舌頭僧擬議師劈頭一棒云終日說話舌頭也不知

僧送拄杖師云古人道你有拄杖子與你拄杖子你無拄杖子奪却你拄杖子意旨如何僧云學人送與和尚師云恁麼却被山僧奪却了也僧擬議師大笑

師垂問既是清淨比丘因甚不守毘尼西堂云內外一如師云有觸犯無觸犯堂便喝師云老僧被汝一喝堂云請和尚代一轉語看師云老僧却不恁麼復問云當時有僧叩雪峰門求開示雪峰便轉身云是什麼汝諸人又作麼生會西堂便向前展兩手云是

什麼師云也只如此

僧叅師問云巢知風穴知雨蝦蟆跳入油甕裡意旨如何僧云卽今禮拜和尚師云莫是鬧煞見處麼僧擬議師便喝僧坐與茶次又問大梅問卽心是佛便向這裡住鬧煞向甚處住僧笑師云祇得一笑僧問懸羊頭賣狗肉意旨如何師云看破不值分文進云衲僧本分事如何師云老僧無氣力答汝崇寧來叅師舉佛鑑佛眼佛果一日相謂曰老和尚祇是乾爆爆地說心說性不得因請益五祖佛身無爲不墮諸數祖曰譬如清淨摩尼寶珠映於五色五

色是數摩尼是佛身圓悟謂二老曰他大段會說寧曰設有人請益和尚將何法指示師曰摩尼珠寧曰有摩尼珠則指示無摩尼珠將什麼指示師曰再舉喻之不齊寧曰和尚又非座主師曰伊道着寧作掌勢師微笑

崇寧請師齋寧曰某甲閱麗居士錄中士聽座上講金剛經無我相無人相無衆生相無壽者相士問座主旣是無我無人誰講誰聽座主無語唐至清無人與座主代語請和尚代一轉語師曰恁麼說寧曰不然師曰汝道看寧曰待居士問無我無人誰講誰聽

但曰近前來卽向汝道師連點頭寧禮拜

僧叅師問那裡來僧云銀山來師云可得多少銀麼僧進前云和尚還識這個銀麼師云是什麼銀僧擬議師便打云幾乎入火重烹煉到了終歸是假銀師問崇寧道個本分句來寧云和尚就不本分師便喝寧作跋勢師云太粗爾寧云到這裏說什麼麤道什麼細師便歸方丈僧問門裏出身易身裡出門難如何身裡出門底人師云推不出拽不入僧云不會師云出僧叅師問那裡來僧云南京來師云靈骨寺亞鐘還

爲麼僧云不曾見師云恁麼則不從南京來僧擬議師便喝僧禮拜師云還聽得爲麼僧云謝師指示師益指示個什麼僧擬進語師連棒打出

無山信官孫國璧字男孫施資送板入藏

性空禪師語錄卷第三

原稿模糊，敬請鑑諒。

拈頌

世尊拈花迦葉微笑

拈世尊將蝦釣鰲頭陀見餌忘鈎却被百萬人
天當面看破且道如何是他看破處而破只因
陪笑得背駝將謂物多

頌一花拈出露全機說向瞿曇少弄奇却被傍
觀親看破微微冷笑到今時

世尊陞座大眾集定文殊白椎云諦觀法王法法王

跋

性空臻禪師語錄

一

法如是世尊便下座

拈你看這兩個漢大似合拍唱胡笳雖然曲調
分明只恐知音者少

頌明月臺前照未休漁翁樵父兩綢繆誰知此
處無魚釣收拾絲綸別下鈎

五通仙人問世尊有六通我有五通如何是那一通
佛召五通仙人仙人應諾佛云那一通汝問我

拈仙人雖然應得不差若是那一通決定不知
落處在

頌五陵公子探春慣深入華藂似夢同不識虛

山真面目只因身在此山中

文殊三處度夏迦葉欲白椎擯出乃見百千萬億文
殊迦葉盡其神力椎不能舉世尊遂問迦葉你擬擯
那個文殊迦葉無對

拈文殊隨處風流大似私通車馬迦葉看孔着
楔由來官不容鍼檢點將來總被老瞿曇然瞞
了也山僧若見他道汝擯那個文殊便與劈面
一椎只教瞿曇通身手眼迴避不及
頌堪笑靈山老釋迦規繩不整亂如麻引他無
限癡男女流水橋邊看落花

跋

性空臻禪師語錄

三

世尊涅槃會上摩胸告衆曰汝等善觀吾紫磨金色
之身瞻仰取足勿令後悔若謂吾滅度非吾弟子謂
吾不滅度亦非吾弟子

拈釋迦老子向來說心說性處分事分理今日
臨末稍頭只得動靜雙融生死不二大似猢猻
入布袋伎倆已盡雖然如是個中能有幾人向
摩胸處著眼

頌人之將死其言善焉若亡時聲更哀個裏是
誰知手脚都虛好與一坑埋

寶頭盧尊者赴阿育王宮大會王行香次作禮問曰

承問尊者親見佛來是否者以手策起眉毛曰會麼
王曰不會者曰阿耨達池龍王請佛齋是時吾亦預
其數

拈尊者大似因齋慶讚將佛三十二相八十種
好一時揭露了也當時育王若是個漢待他策
起眉毛便云醜直教尊者雙眉落地

頌趕供還齋老古錐眉毛尖上掛須彌當時策
起雖奇特打失將何蓋面皮

女子出定諸佛各還本處唯一女子近佛而坐入於
三昧文殊白佛曰如何此女得近佛坐佛告文殊汝

異通

維摩經疏卷第四

三

自覺此女定出問之文殊托至梵天盡其神力而不
能出世尊云下方有罔明菩薩能出此女人定須更
罔明大士從地湧出作禮世尊世尊勅罔明出罔明
却至女子前鳴指一下女子於是從定而出

拈靈山這夥賊漢弄盡精魂逞盡伎倆大似證
龜成鰲到底難瞞明眼不得何故不見道僧投
寺裡宿賊打不防家

頌桃花綻菊花綻各自知時有方便古今多少
賞春人不識東君空靚面

池州甘贊行者一日入南泉設粥仍請南泉念誦泉

乃白椎曰請大衆爲狸奴白拈念摩訶般若波羅蜜
并拂袖便出泉粥後問典座行者在甚麼處座曰當時
便去也泉便打破鍋子

拈甘贊行肅兵之令南泉施定亂之謀若據正
眼靚來二俱失利

頌放去收來太險生作家用處豈留情謾云相
識滿天下真個知心有幾人

南泉一日東西兩堂爭貓兒南泉見遂提起貓云道
得卽不斬衆無對泉斬却貓兒爲兩段泉復舉前話
問趙州州便脫草鞋於頭上戴出泉云子若在恰救

異通

維摩經疏卷第四

四

得貓兒

拈南泉老漢大似勾司賣卜直向堂前東卜西
卜求個買兆底鬼也無却向草鞋頭上打鞦韆
頌全提正令今日月齊昏神嚎鬼哭今地裂天
崩三軍驚駭今魂消膽落一箭解圍今射戟帳
門

臨濟曰第一句薦得堪與佛祖爲師第二句薦得堪
與人天爲師第三句薦得自救不了

拈老大臨濟作如此見解提持向上惑亂天下
人未有了日在惜乎當時一衆無人若下得三

個銚字管教老漢目擊口亞

頌裂一作三金國栗棘擲下令人吞吐不得當時若有傍觀者踢殺當年白拈賊

僧問賣鹽翁覆船路向什麼處去翁放下鹽擔良久汝道覆船路僧曰翁莫會禪麼翁曰莫道會禪佛法也會盡僧曰你試說着翁便挑起鹽擔僧曰難翁曰你喚這個作什麼僧曰鹽翁曰有什麼交涉僧曰你喚作什麼翁曰不可更向你道是鹽

拈這個鹽翁雖是通身手眼看來猶在半途這

頌

性空禪師語錄

七

僧未有主宰只是隨他搜搜有甚用處若是山僧待他良久便一把扭住叫地方你看這販私鹽賊漢未曾領官票在他若擬議甚拓開云看破了也便走敢保這漢肩挑不上
頌途路相逢問覆船鹽翁步步爲周全師僧若是巡鹽手把住還應索票錢
臨濟上堂兩堂首座相見同時下喝僧問濟還有賓主也無濟曰賓主歷然濟復召衆曰要會臨濟賓主句問取堂中二首座

拈二首座雖然啐啄同時箭鋒相拄若不得這

僧爲伊發揚怎見得賓主歷然且什麼生是賓

主歷然底句天共白雲曉水和明月流

頌明暗何曾合得伊主賓端的在臨時獵羊掛角高枝上癡犬尋踪逐樹馳

趙州因南泉曰今時人須向異類中行始得

拈王老師大似憐兒不覺醜被趙州一拶直得四稜著地耐耐這漢猶是不肯放過近前踏倒不勝快便猶向涅槃堂裏伸屈叫屈殊不知得便宜處失便宜若有人問山僧如何是異類只向伊道擎頭戴角拖犁拽耙且道與南泉是同

頌

性空禪師語錄

六

是別

頌王老親從異類行明明羞耻不瞞人若無如是超方作未免隨他受苦辛

臨濟因黃檗普請隨後行槩回頭見濟空手乃問錢在何處濟曰有一人將去了也槩曰近前來與汝商量個事濟便近前槩豎起錢曰只這個天下人捉摸不起濟就手掣得豎起曰爲甚却在某甲手裏槩曰今日自有人普請便回

拈黃檗雖然老將未免慙懣而歸山僧若見他道爲甚都在某甲手裡但道老僧今日失利且

道把柄在阿誰手裏

頌揀鈎搭索能多事奪角衝開藝更便不是子強欺父弱只因活計饒頭邊

僧問雲門云一口吞盡時如何門云我在你肚裏僧曰和尚爲什麼在學人肚裏門曰還我爺頭來

拈這僧弄箇一擔雲門偷心十分用個倒身之計將這僧三膽六腑生熟二臟盡情搬山自己却頓在裏許未免令人好笑這僧若是選佛但云多謝和尚供養

頌問得似奇荅得恰好箇弄禪和自生懊惱作

七

性空禪師語錄

七

家到底不作家到底作家局出了

官人問趙州還入地獄否州云老僧未上入官人曰大善知識爲什麼入地獄州云我若不入阿誰教化汝

拈趙州老賊捨得自己贏得他人則不無怎奈

渾身泥水

頌雷門擲布鼓日下弄螢光一個渾身倒羞慚

何處藏

僧問興化四面八方來時如何師曰打中間底僧便禮拜師曰昨日赴個村齋途中遇一陣卒風暴雨却

向古廟裏躲避得過

拈這僧雷聲浩大雨點全無興化善辭來風只消一點雖然如是敲磕將來也是急水下篙未免氣急殺人若問山僧四面八方來時如何便與劈頭一棒何故聲不見道口是禍門

頌八面來時風勢險當陽一點定山河若無韓信張良策謾向轅門唱楚歌

僧問曹山世間何物最貴山曰死貓頭最貴僧問爲甚死貓頭最貴山曰無人着價

拈曹山荅話奇特本色未見若是正眼看來未

八

性空禪師語錄

八

免在貴賤裏折倒衆中若有英特之士出來問

山僧不屬貴賤一句又作麼生但向伊道杖頭短挂三竿日衣帶長牽一線風

頌世上何物最貴曹山荅死貓頭可惜無人着價只堪塞壑填溝

僧問雲門從上來事請師提綱門云朝着東南暮看西北僧曰便恁麼去時如何門曰東家點燈西家暗坐

拈雲門大師眼光燦破四天下則不無若是提綱從上來事未免指東畫西

頌暗裏拋金鎖明中擲玉鈎賺他門外客坐得
冷湫湫

趙州到一菴主處問有麼有麼主豎起拳頭州曰水
淺不是泊船處便行州又到一菴主處問有麼有麼
主亦豎起拳頭州曰能縱能奪能殺能活便作禮

拈趙州年老只管逢人賣嘴不顧舌頭拖地
頌斷頭船子泛江心猶把絲綸釣晚照無孔前
吹驚兩岸短長格調舌頭分

興化謂克賓維那曰汝不久爲唱道之師賓曰不入
這保社化曰會了不入不會了不入賓曰總不與麼

興化

興化謂克賓維那

九

化便打曰克賓維那法戰不勝罰錢五貫設饗併一
堂次日化自白椎曰克賓維那法戰不勝不得喫飯
卽便出院

拈盡道克賓失錢遣罪有理難伸殊不知重賞
之下必有勇夫敢問諸人還知興化老人作用
處麼良久云不入驚人浪難得穩意魚

頌一不做二不休不是冤家不聚頭打了罰錢
趣出院不風流處轉風流

慈明禪師冬日榜示僧堂作此字三三三三即柳其
下注云若人識得不離四威儀中有首座見之謂曰

和尚今日放參師聞而笑之

拈慈明老人無端將三百六十骨節入萬四千
毛孔并祖翁一片田地四至分明總書一契自
己復簽花押賣與諸人惜乎不遇受主若不得
首座爲伊作個中正管取至今日夾風吹

頌家門清吉無妖惟何用高懸白澤圖捏個拳
頭作枕臥諸人切莫妄分疎

殃囉摩羅出家爲沙門因持鉢入城至一長者家值
其婦產難子母未分長者云瞿曇弟子汝爲至聖有
何法能免產難殃囉曰我乍入道未知此法當去問

興化

興化謂克賓維那

十一

佛却來相報遽返白佛具陳上事佛告曰汝速去說
我自從賢聖法來未曾殺生殃囉徃告其婦人聞之
當時分娩母子平安

拈瞿曇因風吹火用力不多尊者走得腳酸只
是傳言送語看這婦女大似客遇窮途正在苦
惱之鄉忽得家信一到不覺腰包落地通身慶
快呵呵且道這一笑落在那個分上若人道得
分明方許救得產難

頌劈叨個瞿曇無生旨設宣縱然能救得終是
老婆禪

昔有古德一曰不赴堂侍者請赴堂德曰我今日在莊上喫油糍飽也者曰和尚不曾出入德曰汝去問莊主者方出門忽見莊主來謝和尚到莊

拈融通定力出入由渠等閒一動一靜縱神物都不能測雖然如是檢點將來猶是鬼家活計當時若遇山僧正好驗過了打何故聾老人大

大因甚出入不明
頌古德家貧賊計生明修暗渡騙人精當時下得三椎鼓千載難逃背食名

僧與疎山造壽塔畢白師師曰將多少錢與匠人僧

曰一切在和尚師曰為將三文錢與匠人為將兩文錢與匠人為將一文錢與匠人若道得與吾親造壽塔來僧無語後僧舉似大嶺菴閑和尚即大嶺也曰還有人道得麼僧曰未有人道得後僧曰汝歸與疎山道若將三文錢與匠人和尚此生決定不得塔若將兩文錢與匠人和尚與匠人共出一隻手若將一文錢與匠人累他匠人鬚眉墮落僧回如教而說師具威儀望大嶺作禮歎曰將謂無人大嶺有古佛放光射到此間雖然如是也是臘月蓮花大嶺後聞此語曰我怎麼道早是龜毛長三尺

拈疎山壽塔雖奇若不得這僧為伊開扯羅山為伊合尖幾成虛設

頌疎山老太奸頑塔告工完錢未完碎碎零零敲復打可憐主事被伊瞞休耐耐有傍觀千里同風徹夜寒三更二點多相似一盞清燈好白看

百丈每上堂有一老人隨眾聽法一日眾退唯老人不去師問汝是何人老人曰某非人也於過去迦葉佛時曾住此山因學人問大修行人還落因果也無某對云不落因果遂五百生墮野狐身今請和尚代

一轉語貴脫野狐身師曰汝問老人曰大修行人還落因果也無師曰不昧因果老人於言下大悟作禮曰某已脫野狐身住在山後敢乞依亡僧津送師令維那白椎告眾食後送亡僧大眾聚議一眾皆疑涅槃堂又無病人何故如此食後師領眾至山後巖下以杖挑出一死野狐乃依法火葬

拈大凡修行人貴乎命根斷疑情破若命根不斷疑情不破未免打在人識區字頭出頭沒所
以百丈老人特為後學初機作個樣子直教一言之下頓脫狐疑且不昧因果果脫得野狐身

麼速道速道

頌不落何深不昧幽兩重公案一機酬毫釐差處天懸隔說與神流莫妄求

昔有婆子供養一庵主經二十年常令一二八女子送飯給侍一日令女子抱定曰正恁麼時如何主曰枯木倚寒巖三冬無煖氣女子舉似婆婆曰我二十年祇供養得個俗漢遂遣出燒却庵

拈婆子探竿在手拋香餌以釣鯨鯨者僧以露網之魚見絲綸而疾迴避縱饒寒巖發談猶不能使伊煖氣相接如此擔板怎得不受人之感

性空禪師語錄

卷四

當時若見恁麼道便與捫胸托開云人來也他若回頭連林打出管教者婆聞得立地放尿頌良夜星明直下番細鱗巨口謾相疑清香豈是尋常餌好段因緣却負伊

雪峰搬柴次乃於洞山面前拋下一束山曰重多少峰曰盡大地人提不起山曰爭得到這裏峰無語

拈雪峰逢人弄嘴伎死窮途洞山詰問來由言中有謂若作雪峰待他問爭得到此便自指胸曰全承渠力管教洞山讚歎不及頌盡大地人提不起問伊爭得到者裡可憐雪

老似癡呆有理難中骨都斷

僧問馬大師離四句絕百非請師指示某甲西來意師曰我今日勞倦不能為汝說問取智藏去僧問西堂堂云何不問和尚僧云和尚教來問堂云我今日頭痛不能為汝說問取海兄去僧又問百丈丈云我到這裏却不曾僧却回舉似大師師曰藏頭白海頭黑

頌馬師父子弄泥團丟去拋來總一般四句百非推却了者僧當面受伊瞞

趙州在東司見遠侍者過驀召文遠遠應諾州曰東

一七

性空禪師語錄

卷四

司上不可與汝說佛法

頌送屙放尿處佛法許誰知堪嗟趙州老踞蹠滿肚皮

燕山語封夫人關門伊氏幸男茂盛玻璃坤楚蠻子施寶在京師崇寧庵刻

性空禪師語錄卷第四

拈頌

舉德山托鉢公案罷復云從上千七百則葛藤其中請說者無出於此但諸方拈弄者甚多間有一二尊宿也只是依佛彷彿蓋過便休今日山僧不惜眉毛與諸人拈弄一上也要諸方檢點德山托鉢向法堂前過擬釣鯨龍澄巨浸雪峯道這老漢鐘未鳴鼓未響托鉢向什麼處去却嗟蛙步驟泥沙山便低頭歸方丈一般清意味料得少人知峰語巖頭頭云德山

老漢未曾末後句在瞞雪峯即得山命侍者喚巖頭云你不肯老僧那賊人膽虛頭便密啟其意也是章縣茶瓶山明日陞堂果與尋常不同要此話行頭向堂前拍手大笑云且喜老漢會末後句雖然如是只得三年前箭猶輕後箭猶重山果三年而歿疑殺天下人敢問諸人還見德山老子落處麼聽取一頌末後句有來由德山父子謾相酬誰知更有新條在惱亂春風卒未休

舉臨濟在黃檗普請機緣師云黃檗普請家常活計臨濟拈鐺預報其功喚曰這漢困那明修棧道濟曰

鐺也未舉困個什麼暗度陳倉黃檗便打不得放過臨濟接住送倒放過不得喚呼維那牽累別人維那果來扶起誰知好心無好報檗起身便打維那大似捉賊不得反惟鄰里濟便鐺地曰諸方火葬我這裡活埋可謂野虎頭咬虎尾山僧如此批判要與古人同一鼻孔出氣且道諸人還拜麼若有不甘者不妨出來對眾分析看若分析不出也須自掘坑子埋却始得 頌曰

一條拄杖兩人扶信有其類德不孤將謂鬚鬚唯獨赤誰知更有赤鬚鬚

舉九峰道虔禪師不肯泰首座機緣香烟未斷便能脫去若非昔日工夫焉能如此但洞上門庭語忌十成機貴回互首座答個一色邊事正是十成死語未免遭人折挫道虔雖具驅耕奪食手眼當仁不讓檢點將來正是臨井推人未見好手當時若問山僧如何是一條白練去向他道看脚下他更擬議劈脊便棒不唯一代住持有分亦使道虔侍者頓息我慢 頌曰

好人偏遇惡人魔死結冤家沒奈何只爲一言初不慎至今怨氣未消磨

舉僧問梁山家賊難防公案 頌曰

龍驤虎嘯欲驚群不比孤狼歷亂行騰踏自然超物外叢林今古振家聲

因範山維那舉三角示衆云云請問事理俱備妙叶貫通善辯來機應時及節在印師得之矣敢問諸人還知他二人語脉落處麼其或未然且看下面註脚角云大凡演唱宗乘須要應時及節且道是中秋是冬至有僧便出禮拜云四黃四赤時如何送入紅爐再煅看角云三月杖頭挑摘却青帘沾客少僧云因甚滿肚皮貯氣把扇風來手自搖角云怎奈這條繩

照遠

舉臨濟語錄

三

何郎當鼻孔被人穿僧云何時得消去一塊頭皮更覓錐角云只待皮穿原來不值半文錢山僧今日不惜眉毛爲汝分明註破了也且道三月杖頭挑畢竟是個什麼鐘擬議師便打

舉山翁和尚一日牽驢巡堂一匝命衆下語不契自作驢鳴而出師云大小山翁雖善向異類中行要且無大人相惜乎那一堂驢但念水草餘無所知當時山僧若在見他如此做次將一把草塞斷驢口以手拍驢背云這畜生他若便作驢鳴但連打撻板三下山僧如此此判還有人爲伊不耳者麼設有也是驢

前馬後漢 頌曰

千年古木久成精特地相將異類行信步踏歌呈巧妙無人能和作驢鳴

舉臨濟大師四料揀

奪人不奪境

玉蝶穿花舞黃鸝織柳嬌送書人來到醉倒洛陽橋

奪境不奪人

雨打梨花落風吹柳絮飛竹節春日暮門外白楊歸

照遠

舉臨濟語錄

四

人境兩俱奪

智可來天下較門盡楚歌江東舊游地無面奈如何

人境俱不奪

山前逢野老嶺外值樵夫坐石談風月相看入畫圖

舉臨濟大師示衆三句

第一句中薦得堪與佛祖爲師

諸佛師咽喉小未措辭先靠倒道得依然落二機國清寺裡豐干老

第二句中薦得堪與人天爲師

突出今卒難辨快若梭急如電眨上眉毛早錯
過徒遭白棒當頭點

第三句中薦得自救不了

栗棘蓬金剛罔擬吞跳涉廉纖夜深踏白須知
水差却毫釐天地懸

舉臨濟大師三玄

謾把三玄取次開須知一句總全該燈籠綠壁
天台去聲桌催雲海上來缺角泥牛顛白額無
毛鐵鷄打黃能虛空昨夜開開口吞却堦前下

五

馬臺

舉臨濟大師三要

明明句理分三要臨濟老師只一竅喝似雷奔
擬爽神棒如雨點徒施巧眨眼遭他陷虎機轉
身早上擒龍釣普化當年成禡伊等閒未許通
方道

舉臨濟大師四喝

金剛寶劍厥之有章不犯之今的露堂堂
踞地獅子突出窠臼纔動尾巴爪牙俱露
探竿影草分明可見納子雖瞞龍蛇易辨

不作喝用是什麼盤頭而來也不容眨眼

舉臨濟大師四賓主

賓中主

相如奪壁還趙英豪天下名標盡道客從主便
誰知主是賓饒

主中賓

客至堂前拱立問渠來處端倪只爲貪他一滴
幾乎打失雙眉

主中主

正令全提尊貴當機誰敢衝風四海浪烟盡息

六

舉臨濟大師四賓主

巍巍獨振寰中

賓中賓

一味傳言送語諸方何可東西若解倦來打瞌
自然餓也童叟

舉臨濟大師四照用

先照而後用

大冶紅爐煅雪花寒香片片意無涯拈來不薦
當頭棒鶻眼龍睛盡着沙

先用而後照

石火光中掣電機未容擬議已遭椎分明月在

梅花上看到柳稍早已遲

照與用同時

雷轟電擊在欄干若個聞風不膽寒縱使久經
行陣客到來難過鐵門關

照用不同時

看到山窮水亦窮
洞房春色十分濃
遊蜂逐蝶穿花過
未諳猶如在夢中

山中四威儀

山中行臨流撥草杖頭橫
小魚兒聿過石苔驚
山中住一室天然開六戶
日東昇紅霞堆滿樹

文殊

七

七

山中坐就石敷牀可達磨為安心等個人兒過
山中臥石門松掩雲蔽破忽開牕桃落猿走過

八字頌

無端捏怪老瞿曇習氣難忘自不慚
點出三爻凶象險乾坤燦破許誰看

讚

觀音

大哉觀世音能作多方便如月印千江一切塵中現
救苦惱之衆生用悲心而無倦稱其名也獲六十二
億恒河沙菩薩利益觀其像也得三十二應功德普

門之神變夫是之為普覺有情寧不稽首而讚歎

水月觀音

稽首慈悲大願王感應道交難思議三十二應衆妙
身如天一月含衆水隨願所悉悉圓成故我恒常而
頂禮

文殊

五臺山上老文殊跨下金毛入畫圖頭角未容輕顯
露爪牙先已布江湖神清貌古通人愛語直機圓與
世疎曾對前三無着問而今佛法又何如
三大士出山像

文殊

八

八

看你三人有甚伎倆纔出山來百醜難狀安羅樹下
且藏身高高危坐石頭上不說法不談禪大開冷眼
對青山宛如忘却來時路幾乎笑殺是傍觀

彌勒

靠却布袋堆桅獨坐纔舉念頭早已話墮且到龍華
會時方可與汝道破

千佛觀音

通身是徧身是頭頭顯露即不得離不得是甚矢概
楊柳化竹枝淨瓶如木突盡道伊是千佛觀音仔細
看來一身螺節

觀音

自在觀音觀音何在刹刹逢渠塵塵不昧尋聲救苦
度迷情到處却成灰布袋咄

題伏虎羅漢

殺無明賊滅痴暗母眼突瞋睛手擒猛虎廓然放下
自知非六通縱有何相補

題泛海觀音

大士慈悲願力多尋聲救苦入娑婆洛陽橋畔無人
識一葉蓮舟泛海波

題本師費老和尚

室內投機非父莫知其子堂前刻草非子莫知其父
只如父慈子孝師嚴道尊惟吾本師老人真法社之
總裁宗門之樞要縱使簾前賜紫徒倖之輩若較其
爲人之真實荷道之任重又何啻於天壤哉

題華山見月律師真

兩鬢蓬鬆頂光突兀盡道伊是以身相說法現威儀
而度生殊不知真末世之鉗鎚細行中之古佛咄咄
題了念老宿小像

這個老叟衲懷不醜紫衲橫肩青藜在手擴玄機聊
以心通恣遊戲不用脚走大段有些兒見人懶開口

阿呵呵真傑陡行藏詎落寒山後丹青描出玉峰前
一任世人稱希有

題李傳真小像

是真非真非像是像就中些子無物爲况杳兮冥忽
今恍離婁不得覩其形清願詎能談其狀默默對清
虛分明自誦唱呵呵呵甚個儼維摩若見還相讓懸
向高堂仔細看料伊不在丹青上

偈

詠紙花

幻出玲瓏手名花巧樣粧白茸遊雨露誰謂避風霜

有色來蜂舞無香賺蝶忙只因空我相堪供法中王

爲慧來師六十壽

野鶴閒雲已出塵青眉白髮老龍鱗蜂頭縱目乾坤
闕花甲重添錦上春

開荒建刹

卓錫東郊外方塘翠藹間輸金營梵刹刈草結禪關
境僻宜吾拙綠疎愈客慳一朝千載意誰識老僧顏
屋繞清流

一榔彈丸地千秋翠水央波濤傳梵唄風月繞簷廊
魚靜思鵬化禽開學鳳翔幾多遊賞客到此却情忘

師過餘姚藏閣衆知師未事筆墨強師作偈云
打翻龍藏就中參露布葛藤正是閒留得一雙青白
眼看他月上幾層山

贈在衲老宿

一從參罷老天童肘被靈符印碧空茅屋竹牀拳作
枕高踪不與世人同

孟冬送未能嚴居士過天台

楓葉半緝江日暮錦帆斜挂朔風飄天台此去誰相
識千里應懷道格高

送月林老衲上雲間

性空

性空詩集卷五

七

輕快一肩雲補衲逍遙數節竹爲筇九峰七塔連三
郭和月堪圖入畫中

贈雪舟侍者三十

寒侵徹骨齊腰雪說說安心便肯休况值歷年來韻
早梅花香雪可藏舟

爲瞿識禪人

瞿曇面目如何識指出毫端好自看萬象撥開塵劫
外碧天高挂一輪寒

立予上人求偈

老漢未曾攻筆硯堂前終日買風煙因君數數來相

偏拈起禿毫寫不連

和韻答劍門法兄

噀昔分燈把杖行敲空作頌聽鶯聲內林自喜嘲風
月江海誰能辯濁清龍竹淡烟開丈室盈牕紅日映
孤城一從聚首天童後未有人書座右銘

和朽木偈

不犯輪扁手自量樗材雖老益野張曲枝避鳥憐無
用虛林藏猿美有方萬壑每隨雲化影千山常共月
流光區區物外閒多趣猶得天年道可當

梅下聞計弔韜明法兄

性空

性空詩集卷五

七

梅花得意正春妍忽爾狂風一夜殘滿地枯枝徒歷
亂濺牙青子但悲酸吟香野客詩囊冷探蔬遊蜂粉
翅乾幾幾同條空太息日沉孤影上欄干

送野松上人歸楚

寒灰撥盡客西東賓主爐頭話已窮瓦鉢橫肩千里
月布帆斜挂一江風臨期索我送行偈搜剔枯腸無
半字忽然乘興便揮毫寫出離言非別意曾聞楚國
老襄陽觸着些兒便發狂立地脚跟如未穩捺天鼻
孔謾郎當

恒如將居士七表

耳聰目皎若童蒙貌古神清如高松達得大槩爲紀
客不能盡述聊相通河沙算師數難窮海屋仙等徒
枉功白鶴翔臨玉闕同青牛跨下玄關東顧行履健
非扶筇席坐雄談欽俗聲吾欲讀之不可盡禿毫尖
上寫秋風

贈大道老宿

八十餘春個老宿氣如角虎勢難揭神清目皎察秋
毫貌古心慈能格物物格之機不自瞞雪花拋向紅
爐看灼然煅煉由來久爆碎胸中鐵一團君是綿州
育生長已歌須是蜀音唱當年演祖太風流流水高

性空

性空禪師語錄卷五

七

山亦相讓

荅常熟衆護法請住維摩

官催火急似油煎百計尋辭未許閒頂上無枷應自
適鼻頭有索被君牽翠川水潤魚堪躍虞岫風高鳥
倦還好個話頭休說破維摩默默尚留連

燕山

諸封夫人關門伊氏率男茂盛玻爾坤楚巒子
施貴在京師崇寧庵刻

性空臻禪師語錄卷第五

性空臻禪師語錄卷第六

嗣法門人超曉超自等編

囑卽健勝後堂

傑陡禪和真猛力黃檗當年接臨濟婆心太切許誰
知忤逆斯兒只這是奪食驅畊不等閒拈槌豎拂豈
容易今將頭角且深藏春至一聲蟲露露

囑天衢寓堂主

衝開權角自來雄聖箭還如射九重此去逢人休放
過當頭白棒展家風

囑尚德曉西堂

性空

性空禪師語錄卷六

二

一語投機開活眼虎鬚捋倒始全威青蒿七尺親分
付棒喝縱橫任爾爲

囑何一自首座

截斷當年舊葛枝一毫頭上廓玄機迅雷喝下翻身
去個是吾家獅子兒

居士求施茶偈

年年五六黃梅月炎暑蒸人何太切趙老茶味驗知
音文殊把盞勘無著閒消半滴獲清涼忙暇一杯除
瘴熱會取其中端的音莫嫌選佛多饒舌

示狂客

祖道秋林木葉疎沙盆落落佔誰扶不才未了青黃
草耳作無知輕薄徒盈腹膏肓人易壞通身毛病藥
難除狂夫請自回頭看做得罷雲弟子無

示句非侍者

親師擇友恣遊遊撥草瞻風僅十秋古路踏番添意
氣布毛舉處得心休投機有句盤珠轉契理無非水
月幽今日辭歸故里去好將白棒接高流

示豐書記南歸故里

三度逢場非是戲一機纔叩便開翔化鵬鼓翅南溟
去擒得龍歸舊處藏

示若鵬侍者

少年氣宇吞寰海別我難辭吹布毛此去逢人如借
問舉拳只向驀頭敲

示片石

一片石頭孤硬千尋積翠含霞月出雲飛霄漢香氣
雪裡梅花

示闍頭

栽蔬訣要勤澆灌培得根深葉自多莫惜疲勞肩手
力王瓜茄子念摩訶

十二時歌

半夜子忘彼此忽憶瞿曇那些子天邊若不露星兒
六載默默幾坐死

鷄鳴丑懶開口兩眼紅塵驅不走倒番木枕下牀頭
驚起法身藏北斗

平旦寅好施陳拈香煇火許誰親忽然看到梅梢月
五葉一花萬萬春

日出卯客作早忙忙收拾衣中寶區區愛哭苦瓜菓
一任諸方取蜜來

食時辰齒生津饑食馬麥勝饒珍當年懶貴猶忻怡
糞火常煨紫芋簪

無題

性空禪師語錄卷六

三

禺中已無他事運水搬柴只這是倚節獨立玉峰前
背手橫眸書梵字

日南午合賓主雲從龍兮風從虎兩兩相建吼一聲
驚番五嶽撲泥土

日昃未誰作對鐵額銅頭覷一塊萬般紅爐片雪飛
摩臨覷着眼須昧

哺時申令斬新高提白棒逐青蠅可憐近代尋癩者
盡媚時人背古人

日入酉還知否人生誰是得長久區區活計百年心
仔細看來沒來由

黃昏成莫相促默坐牀頭清一忽間然不覺到忘機
那管奴郎罵我无

人定亥猶耐耐賊兒竊我鉢囊袋從教徹底盡欺番
還有山僧這個在

佛事

為法忍律師封龕

師以拄杖拈龕云生本無生枯木花開越樣新死本
不死瞿耶落月扶桑起恭惟同寂法忍律師不能空
寂洞達無生若片雲點於太清布陽春生於暖谷或
悲或喜咸稱自性亦陀屈指成拳說示本來戒相今

聖師語錄卷六

四

朝功圓行滿得便還家未後慙慙踢番覺路且道封
龕一句又作麼生以拄杖橫一橫云封

為鐵舟禪師上供

拈香罷卓拄杖云生不死死何曾離這裡
而今面目儼然在師地清風吹不已吹不已實可憐
龍頭花折一枝殘離離香散遊人少留得梅梢月自
看

本師隱老和尚計音至領眾上供

拈香云昔年被師瞞多少冷地思量恨轉深今日辨
香呈後供報恩何似報冤親且道冤作麼生報遂登

起奉震威一喝云老人面目現在兩序大眾為我證
明

為峽山禪師封龕

師云數載辛苦漸漸草成保社一條拄杖漂漂撐拄
門庭眾檀咸以歡心過客無不讚歎奈因宿業未了
魔障隨身挽臂相持痛難徹骨正所謂道高一尺魔
高一丈到此田地只得豁開本地風光放出自家手
段生死關頭盡底掀番人我由峻一齊推倒有佛處
不得住藏身處沒踪跡無佛處急走過沒踪跡處莫
藏身若與麼去不妨坦然自由逍遙快樂且道封龕

聖師語錄卷六

五

一句又作麼生重重錦縫無尋處一道神光觀面看
為龔氏三鼓下火

師以拄杖擊棺三下云醒醒着莫瞌睡聽我說無生
連漏頻催促金鷄聲碎皓月當空清風匝地不是心
不是物片玉峰頭雲一突山是山水是水其中消息
誰能委若向這裏會得便知自己本命元辰落處遂
以火炬撼一撼云火裏蟬蛻吞大虫通身湧出光明
聚

為超淵火

師舉火炬云孤迥迥巍巍圓陀陀光灼灼諸人到

此只合傍觀獨許超淵一回親證所以火醮爲三世
諸佛說法三世諸佛立地聽取問諸人說又說於何
法聽又聽個什麼遂擲火炬云通身勝熱太風流觸
著些兒真快活

爲覺開禪人火

師拈火炬云汝本徽州人今作他鄉客偶爾撞將來
這裡酬宿債宿債既酬且道安身立命又向什麼處
去擲火炬云脫殼烏龜飛上天泥牛踏破澄潭月
爲了念禪德封龕

師云出家道流當以忍苦修行利俗爲要口喫施土

飯身穿檀信衣貴乎頂領一着透脫腳跟下本分事
清徹然後入鄣番手應物隨機利己利人彼此事辦
乃至臨末稍頭去住自由則不被塵境所惑脫或依
倚越國彷彿楊州莽莽蕩蕩無果無因飽飽侗侗悞
人悞己於生死關頭不破無常殺鬼來追時節做手
腳不迭遂高聲呼云了念禪德此是山僧真實爲汝
分明說破汝還知麼汝還覺麼選佛場中留不住却
來這裡便安身身前縱有千言好怎似臨行一句親
且道如何是臨行一句以手向北指云爲君指出空
山路撒手飄然蕩直行

復爲火

舉火炬打圓相云了無所了君須了卽念離念無別
念而今了念契無生直至菩提光燦爛

福嚴隱老和尚三周上供

拈香云大衆今日是我老和尚忌辰之日雖是常住
淡薄無可表陳不免炊金牛飯煎雲門餅烹趙州茶
沽曹山酒惟願和尚光臨納受不謂時恩報德要見
未後慙慙不肖臻更操後絃琴唱無生曲打禾山鼓
輓雪峰毬以爲供養省儉實是省儉熱鬧亦爲熱鬧
敢道古今未有似不肖如此真實供養時恩報德且

止畢竟以何爲孝道復炷香云以此爲孝道

爲維摩天則法兄和尚封龕

師至龕前以拄杖卓卓云羅雲四月八日生汝何
四月八日死雖然生死不同途究竟同歸解脫海恭
惟天則大禪師昔承師命主席維摩數年化道琴水
傳聲一旦飄然廬山失色薰風堆裡摘楊花撒手圓
成末後句直得藏身處沒踪跡沒踪跡處且藏身且
道封龕一句又作麼生全體覓將雲片合金棺不必
求雙足

塔銘

康熙十七年冬臨濟宗三十二世性空臻禪師告寂於京師龍泉寺起明年正月門人超曉等用其法闍維火爐之餘四齒不壞得五色舍利子凡三百餘顆法衆見者咸流涕太息謂師之道行爲希有也超曉將函其骨南歸乃持道安靜禪師所撰行狀乞銘師之塔師常訪予寓舍予見師眉目蒼秀脊骨稜稜出衣表與語簡澹有味方欲援以爲方外交而不意其遽逝矣予悵然久之因是不敢以不文爲解按狀師諱行臻字性空代州人姓邊氏母韓夢金牛入懷而娠弱不如輩好靜坐甫十餘歲薙髮爲僧徧遊諸方

性空臻禪師語錄

八

者數年間天童密雲老和尚法席之盛徃受具戒咨决生死大事問生從何來和尚棒云卽今從何處來進云從堂中來和尚又棒云旣從堂中來還歸堂中去師澹然其後聞山石崩墜有聲始有省復求印證和尚連棒趨出以而遊楊州福祿菴閱大藏經得雲門語錄中語恍然見密老和尚大機大用覺情與無情悉在自己光明中顯現欲復徃依之而值密老和尚適化遂走謁費隱老和尚於金粟寺費和尚卽密和尚授法大弟子也命充監院如是十三年深加器重曰先師之道賴子不孤矣而師猶不欲以出世日

炫也棲止崑山陳氏廢園中頽垣老屋饘粥不給恬然不爲意踰五年徒侶漸集檀施亦不遠數百里而求於是創建殿堂樓閣及方丈之室香積之厨無不悉備珎襲丹黝冠於一邑巍然稱寶坊矣乃標其額曰選佛場諸方衲子傾慕挈瓶掛錫問法座下者日夜不絕恒苦乏食又募田若干畝以備接衆費會虞山維摩延師住持師厭選佛之喧也徃應其請未幾語門人曰吾老矣吾北人也緣當在北徃遊帝都乎遂偕超曉輩擔囊附舟趨京師寓龍泉寺不四月而示疾常熟翁司空寶林方進謁次師與坐語

性空臻禪師語錄

性空臻禪師語錄

九

未竟合掌跏趺而逝室中微聞異香踰時不絕臨逝時不說偈不作遺囑識者稱其有古雪竇之風師在選佛場也嘗因僧化席書偈有百丈當年卷却玉峰今日重鋪之句僧問百丈旣經卷却玉峰何故重鋪師云爲汝瞌睡未醒僧送拄杖師云古人道你有拄杖子與你拄杖子你無拄杖子奪却你拄杖子意旨如何僧云學人送與和尚師云如是卽被山僧奪却也僧擬議師大笑問懸羊頭賣狗肉意旨如何師云看破不值分文進云衲僧本分事如何師云老僧無氣力答汝蓋其方便接引多類此壽七十一僧臘六

十一嗣法門人超自等二十餘人受度者不計數有
語錄六卷行世塔在常熟縣之西維摩寺銘曰

道法如川源同派別臨濟一宗雲仍相接堂堂天童
實推中興師其世嫡祖印是永建大法幢擊大法鼓
應機豎拂用道聳替清風白雲去來無踪撞倒須彌
獨露虛空婁江之濱嶽嶽宰諸人龍版依永衛斯土
賜進士出身翰林院編修充纂修明史官前奉政大
夫刑部山東清吏司郎中長州汪曉撰文

嗣法門人位次

嵩堂

即建

天山超仙

佛裔

府松江

天浪超翰

福建

智隱

福建

天衍超寓

府松江

楚堂超稷

揚州

宗陽超濟

福建

大隱超卓

河南

白雲超隱

杭州

昂堂

宜興

道岸超登

湖廣

遠菴超雍

湖廣

淨真超卓

揚州

德門超驥

江西

法燈

揚州

祖印

福建

尚德超曉

蘇州府

悅山超惠

揚州

巨方

揚州

何一起自

河南

燕山

蘇州府

施費在

刻

氏李男茂盛政兩仲楚雲子

子

性空臻禪師語錄卷第六終